


II ↑ 86

B II

7/c

18611/B



HERMANNI CONRINGII
INTRODUCTIO
IN
UNIVERSAM
ARTEM MEDICAM

SINGULASQUE EJUS PARTES
EX PUBLICIS EJUS PRÆCIPUE LECTIONIBUS
OLIM CONCINNATA

NUNC VERO
ADDITAMENTIS NECESSARIIS AUCTA

CONTINUATA AD NOSTRA TEMPORA PRÆCI-
PUORUM SCRIPTORUM SERIE.

ACCESSERUNT

JOHANNIS RHODII,

ALIORUMQUE IN ARTE PRINCIPUM VIRO-
RUM CONSIMILIS ARGUMENTI COMMENTATIONES.

CURA AC STUDIO

GUNTHERI CHRISTOPHORI SCHELHAMMERI

M. D. ET IN ACADEMIA JULIA P. P.

CUM PRÆFATIONE

FRIDERICI HOFFMANNI,

CONSILIARII, MEDICI ET PROFESSORIS REGII IN ACADEMIA FRIDERI-
CIANA HALENSI, REGIÆ SOCIETATIS BRITANNICÆ ET PRUSSICÆ SODALIS

DE

STUDIO MEDICO RECTE PERTRACTANDO
ET EJUS PROBATISSIMIS AUCTORIBUS.

HALÆ & LIPSIAE,

APUD ERNEST. GOTTLIEB. CRUGIUM,

MDCCXXVI.

KONINK.
HET
TESHAGE.

Verzeichn.
K. E.





FRIDERICUS HOFFMANNUS

LECTURIS SALUTEM.



Sullus unquam Medicorum, excellenter & vere eruditi nomen, meritorum magnitudine sibi comparavit & florentissimum reliquit: certe est **CONRINGIUS**, qui tot mansuris & præstantissimis, non solum in re medica, sed etiam iis, quæ ad Historiam & jura Status pertinent, monumentis, sempernam famam ad posteros transmisit, & ad omnia scientiarum arcana admissus, **MAGNI** nomine merito suo triumphat. Vir enim erat stupendæ memoriæ, acutissimi judicii, infinitæ lectionis, indefessæ industriæ & in exiguo corpore vastissimi ingenii ac copiosæ polymathiæ. Scripta quæ condidit tam cogitata, limata & solida sunt, ac tam terso & perspicuo stilo concinnata, quam vix in optimis quibusvis reperias. Et licet horum pauciora medici lemmatis sint: quæ tamen illud tractant, omnium istius ævi sunt accuratissima & politissima; ita, ut pauca his æquiparari, & nulla prorsus anteponi possint. Præclari & luculenti testes sunt varia opuscula & dissertationes, nec non Medicina Hermetica, inprimis autem introductio in universam Medicinam singulasque ejus

partes, utilissimus profecto labor, & quo ad exactam medicæ artis historiam consignandam nihil aptius, nihil præstantius. Hujus semper fuit summa inter eruditos dignitas maximumque pretium, ita, ut licet ipse liber aliquoties recusatus sit, & postremo SCHELHAMMERI commentationibus illustratus prodierit, avidus tamen coëmtus, jam inter rariores connumeretur, & bibliopolarum tabernis elapsus, in sic dictis auctionibus, sive publicis librorum venditionibus, nonnunquam præ imperiali & dimidio veneat. Quod quum animadverteret solertissimus in re litteraria juvanda Bibliopola Dn. CRUG, eruditorum quorundam Medicorum suasu permotus fuit, ut iteratam editionem adornaret, eandemque nitidis typis describi curaret. Et hunc absolutum jam a typographo librum paucis abhinc diebus ad me attulit, majorem in modum petens, ut præfationem adicerem. Recusavi quidem primum, temporis angustiam caussatus, & quod ipse laboribus circa instantes nundinas Lipsienses perficiendis, evulgandis quoque nonnullis scriptis, non tam occupatus, quam potius obrutus essem: sed pertinacius flagitante illo, nolui demum penitus honestis ejus desideriis deesse, sed annui & fidem dedi. Cogitanti vero mihi, de quo potissimum argumento dicendi materiam sumerem; animum subiit & congruum visum fuit, si ex ingenti scriptorum medicorum numero atque farragine, eos, recentiores maxime & post CONRINGII obitum editos libros, qui lectu digni sunt, & ad solidam & rationalem medicam scientiam acquirendam plurimum utilitatis conferre possunt, delibarem, recenserem, ac iis, qui olim aliquo inter Medicos esse nituntur loco, commendarem; hanc maxime ob causam, quia crebrius observatum, a Studiosis maxime

xime, & nonnunquam ab iis, qui jam artis exercitio manum admovent, indiscretim libros conquiri & tales etiam coëmi, ex quorum lectione parum fructus ferunt, sed sæpius tritis tantum irretiuntur & potius a vero rationalis Medicinæ tramite seducuntur. Quum enim, in medicis doctrinis tam ingens sit opinionum divortium, in theoria tot præjudicia & hypotheses, in praxi tot errores & lapsus, & præter innumerabiles medicamentorum compositiones & harum inanes laudes, ferme nihil; quilibet tamen pro auctoritate pugnet, & ingenii sui foetus speciosissime jactitet & optimos judicet: arbitro utique opus est & fideli manu ductione, quo rectam viam calcando, ex scopulis emergat discendi & proficiendi quidem cupidus, ad judicandum tamen minus aptus, neque veritatem inquirens, in errorum devia abripiatur. Proinde faciam, quantum quidem in me est, & summa fide eoque quo par est candore, paucos, sed selectissimos auctores, ad rem medicam illustrandam & perficiendam utiles & necessarios, carpam atque laudabo; quo tamen ne quicquam gloriæ aliis aliorum clarissimorum virorum scriptis, hic ob brevitatem prætermittis, detrahere animus est. Primum itaque hoc ceu certum & irrefragabile suppono, Medicinam esse disciplinam non tam memoriæ & ingenii, quam potius summi judicii, eamque ob causam, teste dudum HIPPOCRATE, omnium difficillimam. Etenim in eo omnis medici officii cardo versatur, ut sapienter judicet, quæ tum ad valetudinem tuendam & vitam diutius protrahendam, tum ad omnis generis ægrotudines feliciter propulsandas, proficua, vel noxia sint, illa suadendo, hæc vero dissuadendo. Quum vero mira copia & varietas sit earum rerum, quæ usui tam quotidiano, ad alendum

corpus, quam medicinali, ad perſanandum illud, inſerviunt, & hæ perperam uſurpatæ, nocendi etiam facultate polleant; quum porro ipſa hominum corpora, ratione diſpoſitionis & ſtructuræ nativæ partium, ratione ætatis, quavis periodo mutationem inferentis, ratione locorum & climatum, immo anni temporum, quæ aëris, genuini vitalium motuum pabuli, temperiem mirifice immutant, nec non ratione victus & vitæ regiminis, aliam atque aliam habitudinem in functionibus obeundis induant: non poſſunt utique non, quæ his valde ſalutaria ſunt, aliis minus proficua eſſe, eamque ob cauſſam exquiſito Medici iudicio opus eſt, qui omnia prudenter diſpenſet & ſingulis cuncta perite accommodet. Accedit præterea, quod quum innumerabiles ſint morbi, qui non ſolum pro varia temporum, tempeſtatum, locorum conſtitutione & victus quoque ratione, alium atque alium genium obtinent, ſed etiam pro corporum ac temperamentorum indole, quoad ſymptomata & eventus longe multumque diſcrepant, neque ab iisdem, ſed diverſæ indolis sæpe cauſſis, ortum trahunt: non minus ſummæ prudentiæ, ſolicitæ deliberationis & meditationis ſit, omnibus his accommodam medendi viam ingredi, & noſſe quæ ſalutem, & quæ damnum important. Et quod maximum eſt, propudioſa ac perpetua fere inter Medicos eſt diſſenſio, diſcordia & altercatio, dum non modo in medendi methodo mirifice diſſident, ſed & ratione medicamentorum in diverſas abeunt ſententias, & hic medicamenti cujuſdam virtutem incredibilem in modum dilaudat, alter idem hoc ceu pernicioſum penitus rejicit, ut utroque experientiam plenis buccis crepante, difficillimum, quin ſine ſubacti iudicii cynoſura irritum plane, veritatem eruerе, ſeligere eidemque aſſenſum præbere. Denique pro-

fun-

fundo quoque & perspicaci opus est iudicio, ubi Medicus in officio constitutus, ad varios casus medicos & chirurgicos respondere, & maxime de vulnerum ac læsionum lethalitate, solidum iudicium ferre debet; eo quod, in perverso & minus deliberato ejus iudicio, vita hominis, quo nil præstabilius, nil pretiosius, periclitatur.

Ex quo quum patefeat, Medicum eo præstantiorem esse, quo majori in rebus discernendis iudicio pollet: sedulo omnino navanda est opera, quo is, qui in artis nostræ studio fructuose versari eamque non perfunctorie excolere nititur, mature ea addiscat, quæ naturalem judicandi facultatem acuunt & intendunt, & quæ viam ac methodum veritatem inveniendi, illamque ab errore & confusione discernendi, dilucide monstrant. Et hæc ipsa sapientissimi HIPPOCRATIS & acutissimorum Philosophorum sententia sunt Arithmeticæ & Geometriæ elementa, quorum cultura & exercitio animus instruitur & assuefit, ut profunde meditari, notiones perspicuas & distinctas, ab obscuris & confusis, reales conceptus ab imaginariis & speciosis verbis, distinguere & ex notis ignota apta connexionione detegere possit: in quo vera praxis Logices & methodus demonstrationes conficiendi, in omni disciplinarum genere, comprehenditur. Quare etiam apprime utile fore reor, logica præcepta, quæ a clarissimi nominis Mathematicis consignata sunt, & præ reliquis in Illustr. TSCHIRNHAUSEN *medicina mentis* & WOLFII *Logica* traduntur, præferre, animo imbibere, & in amplissimum usum ac fructum convertere.

At vero summopere necessarium est, ut Medicus, earum rerum, circa quarum dijudicationem occupatur, exactam prius possideat notitiam, quo scilicet earum naturam, indolem, facultates, vires, operationes & ex quibus causis natales ducant, intimius pernoscat. Hæ

autem quum nullæ aliæ sint, quam quæ in corporis humani fabrica & rerum naturalium censu obviæ: utique ad earum penitiorem cognitionem, tam anatomica partium, quoad structuram, situm, connexionem & usum, contemplatio, quam studium Philosophiæ naturalis, experimentis tam physicis, quam chymicis, aditum pandunt felicissimum. Id enim pro certo tenendum est, & Anatomiae, & Physices experimentalis culturam ac studium, vera & firma theoriæ & praxeos medicæ suggerere principia, sine quibus nihil solidi in historia vitæ, sanitatis & morborum explicari, nulla accommoda medendi ratio, vel congrua medicina inveniri, vel remediorum vires & facultates explorari; item cur hæc, vel illa, proficua aut noxia sint, apta ratione & demonstratione exponi potest. Neque inficias ire possum, crassam & supinam illam anatomici & physici studii per plurima sæcula ignorantiam, & observationum medicarum omni ex parte completarum defectum, nec non quod recentiores, anatomicas & physicas doctrinas subtilius agitantes, easdem minus recte ad Pathologiam & Therapiam, ipsamque scientiam de sanitate tuenda applicare annisi sunt: certo fuisse obstaculo, quod ars medica non ad certam rationem majoremque perfectionis gradum evecta est.

Quum itaque harum scientiarum tanta utilitas sit atque necessitas, ut iisdem Medicus rationalis carere nequeat: studiose omnino monendi sunt artis nostræ cultores, ut primum in Academiis studium anatomicis & physicis laboribus solerter addicant. Quamvis autem facta coram inspectio corporis penetralium, ipsa partium contructio & fidelis in secandis iisdem manu ductio, multo utilior & longe præferenda sit omnibus pictis & æri incisis figuris, nec non libris ejusdem argumenti: nihilominus tamen, ut labilis memoria subsidium habeat, quo sibi re-
præ-

præsentare omnia & clarius firmitusque retinere possit, apprimè utique libri anatomici, optimi tamen, ex usu sunt. In horum censum referendi sunt HEISTERI *compendium anatomicum*, VERHEYENS *anatomia corporis humani*, HORNII *opuscula anatomica & chirurgica, cum annotationibus PAULLI*, DIEMERBROECKS *opera*, BIDLOO *anatomia humani corporis*, CASSERII PLACENTINI *tabula anatomica*, & instar omnium MANGETI *theatrum anatomicum*; quibus merito adjungi debent RUYSCHII *thesaurus, epistola, observationes & adversaria anatomica*, item MORGAGNI *adversaria anatomica*. Qui speciatim certarum partium fabricam & usum exposuerunt, sunt RIDLEY *de cerebro*, VIEUSSEN *in neurographia*, VALSALVA *aurem humanam; ductus salivales nec non glandulas humani corporis nemo rectius NUCKIO tradidit*. LOWERI *elegans liber de corde est; & de hepate BIANCHI egregia scripsit*. De pancreate, de duodeni glandulis BRUNNERUS *eximius est*; de renum structura BELLINUS & de generationis organis de GRAAF *commendantur*; de fabrica glandularum in corpore humano BOERHAAVE, & de ossibus CLOPTON HAVERS *omnes alios antecellunt*.

Ad comparandam in rebus chymico-mechanico-physicis scientiam ex recentioribus laude dignissimi sunt WOLFIUS, qui *physicam dogmaticam & experimentalem scripsit*, STURMIUS *in physica electica adjuncto collegio curioso*, GRAVESAND *in elementis physicis*: quibus addi possunt SCHEUCHZERI & KEILII *Physica*, LEUWENHOCKII *epistola physiologica*, MARIOTTE, VALLISNERI & GUIELMINI *opera*, *Acta philosophica Anglicana* nec non *l'histoire de l'Academie Royale des sciences*, neque minus & nostræ & STAHLII *observationes physico-chymicae*.

A studiis anatomicis & physicis, speciatim ad physicam & anatomicam corporis humani vivi & sani scientiam, quæ Physiologiæ nomine venit, accessum facimus; ad quam elu-

cidendam BOHNIUS *in circulo anatomico*, BERGERUS *in physiologia*, Mauritius HOFFMANNUS *in disquisitionibus anatomico-physiologicis*, BOERHAAVE *in institutionibus*, plane egregiam operam & studium collocarunt. Neque MICHELOTTI *differtationes de separatione fluidorum in corpore humano* debita defraudandæ sunt laude, item PITCARNII *opuscula physiologico-medica*. Sique nostros hac in Academia labores recensere & commendare par est, sunt potissimum e STAHLII *differtationibus de mechanismo progressivi motus sanguinis*, item *de aestu maris microcosmici*, quas cum fructu legi posse putamus, nolo autem multa commemorare de *tomo primo medicinae meae systematicae*, sed penes lectorem sit iudicium.

Pergimus jam ad eos auctores, qui de valetudine tuenda limata & utilissima ediderunt scripta: Post HIPPOCRATEM, qui *libris tribus de diæta*, item *de salubri victus ratione*, nec non *de aëris, aquarum & locorum natura*, maxime utilia memoriæ prodidit, liber primus Cornelii CELSI & in eundem pulcherrimus LOMMII *commentarius*, nec non MERCURIALIS *de arte gymnastica*, unacum SANCTORII *medicina statica*, lectu dignissimi sunt. Ex recentioribus quæ RAMMAZINUS LANCISIUS & LEMERY *in traité des aliments* circa hoc argumentum ex physico-mechanicis principiis tradiderunt, præ omnibus aliis merentur commendari, non prætermittis BEHRENS *selectis diæticis*. Et quum nobilissimam & utilissimam hanc Medicinæ partem, non adeo solícite ex veris principiis, physico-nempe chymicis, minusque accommodatè expositam esse huc usque deprehenderem; multum operæ impendi, ut selectiores complures de salubri diæta differtationes conscriberem, quæ magno cum applausu ubique exceptæ, in Belgio recusæ, & in Germanicum idioma haud ita pridem translatae sunt.

A perverso rerum quibus homo ad vitæ & sanitatis tutelam carere nequit usu, utique origines & primordia morbo-

bofa-

bosarum afflictionum petenda sunt; quare non sine ratione hæc pars Pathologiæ a nobis præmittitur. Hæc autem rationalis morborum doctrina duobus potissimum absolvitur momentis, unum est exquisitior quoad omnes circumstantias ægrotantis corporis, quoad causas morborum antecedentes, sive remotas, & proximas, quoad symptomata, seu functionum læsiones, quoad morborum secundum origines, signa diagnostica, tempora, progressum & eventum historica descriptio: alterum vero rationalis, fundata & demonstrativa explicatio ac deductio est eorum, quæ in historia commemorantur. Ad historicam morborum cognitionem perveniendam, operam & studium antiquissimorum, qui in hoc genere excellunt, non satis dilaudare possum. Et uti HIPPOCRATES inter veteres Medicorum facile princeps ac optimus artis nostræ parens est; ita in hoc etiam omnibus est antefereendus, & posteris expeditam viam monstravit, quam calcare fas est. Ex ejus vero monumentis laude dignissimi sunt *aphorismi*, præsertim cum HOLLERII & HEURNII annotamentis editi; & sigillatim quoad morborum originem commendanda eorundem *sectio tertia*, quoad prognosin *predictiones Coaca*, DURETI notis illustratæ, *libri epidemiorum* a PROSPERO MARTIANO, VALESIO MERCURIALI & novissime Jo. FREIND, quoad priores duos libros, animadversionibus instructi. *Liber quoque tertius Corn. CELSI* mere pathologicus est. His adjungenda sunt scripta TRALLIANI, AETII, ÆGINETÆ, ARETAEI, & ex methodicorum schola COELII AURELIANI & ALPINI. Non minoris dignitatis & præstantiæ sunt *Jodoci LOMMII Observationes*, quæ eleganter & fideliter morborum signa tradunt. Denique si recentiorum, qui peculiare casus & observationes, quæ basin veræ pathologiæ constituunt, cum cura sollicite consignerunt, censum inimus, non possumus non laude prosequi *Caroli PISONIS Observationes de morbis ex serosa*

colluvie oriundis, item *VALLERIOLE*, *VERZASCHÆ*, *HARDERI*, *CHESNAU*, *PECHLINI*, *BALLONII*, *BOTALLI*, *FORESTI*, *PLATERI*, *LVSITANI*, *WELSCHII*, *STALPART* *van der WIEL*, *WEPFERI*, *RIEDLINI*, *RIVERII*, *observationes medicinales*, *Acta Haffniensia*, *Berolinensium*, *Uratistavienſium Medicorum*, *miscellanea naturæ curiosorum*, de *ſcorbuto* *DRABITIUM*, *EUGALENUM* & *WIERUM*. Præterea lectu digniſſimi ſunt, illi caſus, qui in operibus *WILLISII*, *LANCISII*, *SEPTALII*, *MONTANI*, *SCHULZII*, *CRATONIS*, *ETTMÜLLERI*, *LANGII*, item in *medicina noſtra conſultatoria*, & paſſim in diſſertationibus academicis de hoc argumento expoſiti ſunt. Inprimis autem inferendum hoc loco *BONETI ſepulchretum*, qui obſervationes practicas morbis defunctorum collegit & in unum volumen redegit, eoque de morborum ſede mortisque cauſſis lectores luculenter inſtruit.

Ad rationalem morborum deductionem & perſpicuam ſymptomatum evolutionem quod attinet; perpaucos inter veteres reperies, qui hoc in genere laudabilis quippiam præſtiterunt, eo quod, ob defectum ſcientiæ *Phyſicæ* & *experimentalis Philoſophiæ*, ignorantiam *Anatomiciæ* ac potiffimum circuli ſanguinis, ſtructuræ & uſus partium, vera notitia corporis humani, tum vivi ac ſani, tum morboſi, mechanica, deſtituti fuerunt. Recentiorum autem nonnulli laudatiſſimam & fructuoſam in enodandis morbis poſuerunt operam, e quibus diſcendi cupidis abunde ſatiſfacient: *MALPIGHII*, *BAGLIVI*, *LANCISII*, *RAMMAZZINI*, *BELLINI*, *BOERHAAVENſ* aliorumque emendatæ *Medicinæ* ſcriptorum opera; quibus merito etiam annumerandus eximius *Joannis a REGA* de *ſympathia corporis humani* libellus, nec non *FREINDS Emmenologia*. Si etiam noſtros hac in Academia labores allegare fas eſt, non ſine ſingulari fructu legi poterunt *STAHLII* diſſertationes ad veram *Pathologiam* & *Praxin* viam pandentes, quas inter maxime eminent: de *motu tonico*, de *morbis*

ariatum, de vena portæ portæ malorum, de motibus spasmodicis a pulsibus naturalibus differentibus, de motibus sanguinis hæmorrhoidalibus, nova pathologia calculi renum, de pathologia fundamentali practica. Quid ego hac in parte præstiterim, tomo potissimum *secundo medicina rationalis systematica & in idea fundamentali totius Medicinae*, nec non in varii generis pathologici argumenti dissertationibus, e quibus adduxisse sufficit, quæ de consensu partium præcipuo Pathologiæ fundamento, de generatione febrium, de generatione mortis in morbis, de certo mortis in morbis præsagio, de pulsibus, de morbis ex aliis prodeuntibus, de generatione salium morbosorum, de duodeno multorum morborum sede, tractant, intelligentium & cordatorum arbitrio committo. Denique ex iis, qui utilissimam illam de hæmorrhoidali negotio considerationem curatius excusserunt, præter *STAHLIUM*, in primis nominandus *ALBERTI*, qui peculiari tractatu eandem fusius & egregie prosequutus est.

Perspectis igitur morborum causis, origine, indole & quibus incedant symptomatibus; necessarium est, ut is, qui eorundem per sanationem molitur, dispiciat media quibuscum id perficiat: ita quidem, ut eorum vires & operandi rationem intimius cognitam habeat atque perspectam. Et licet horum uberrima supellex, in classes varias descripta, materiæ medicæ penu comprehendatur: sæpius tamen spem fallunt, & artis est, ex miscellanea farragine optima & usu comprobata seligere. Ex probatissimis autem, qui simplicium natales eorumque vires exposuerunt, summo cum fructu evolvi posse arbitror: *POMET* *histoire des drogues*, *LEMERT* *Lexicon des drogues*, *TOURNEFORT* *traité de la matière medicinale*, tomi tres, *DALE* *pharmacologia*, *HERMANNI* *critica de materia medica*, *WEDELII* *amoenitates materiæ medicæ*, *ZORNII* *Botanologia*, liber hoc in genere omnibus numeris absolutus, *S. PAULLI* *quadripartitum botanicum*, *FLOYER* *de viribus plantarum*, *BOERHAAVE* *de viribus medicamentorum* & denique etiam nostra *de modo operandi remedio-*

rum physico mechanico differtatio, unacum schediasmate de methodo compendiosa, plantarum vires & virtutes in medendo indagandi. Et quia minerales aquæ efficax admodum valetudinis præfidium sunt; de earum elementis, viribus, operandi modo, utilitate & usu, non vereor commendare ea, quæ in variis dissertationibus a me exposita sunt, & his nundinis, in totum secundum opusculorum physico-medidorum collecta, prodibunt.

Quum vero non sufficiat simplicia eorumque facultates nosse; sed eadem etiam usui aptanda sint & præparanda: accedere omnino debet artis pharmaceuticæ, tam Galenicæ, quam Chymicæ artificiosæ, notitia; ad quam percipiendam egregie inserviunt *CHARAS pharmacopœa regia, LEMERT cours de la Chimie, Mauritiï HOFFMANNI acta laboratorii chymici Altorfii, POTERII observationes cum nostris notis, LUDOVICI pharmacia moderno seculo accommodata, STAHLII chymia: observationes nostræ chymicæ, dispensatorium Brandenburgicum, ZWÖLFERI pharmacopœa Augustana, pharmacopœa Holmiensis, WEDELII pharmacia in artis formam redacta, nec non ejusdem tractatus de compositione medicamentorum. B. Parentis Clavis Schröderiana. Addi potest MANGETI bibliotheca chymica.*

Jactis sic fundamentis, ad ipsius artis exercitium expeditus & felix est aditus. De hoc autem cum prudentia, attentione & exoptato cum successu instituendo, fidelissima & longe utilissima præcepta traduntur, ipsaque medendi methodus dilucide exponitur in variis scriptis. Nos quæ hunc in finem commendemus, habemus potissimum, ex libris sic dictis practicis, *SENNERTI, FERNELII, RIVERII, STDENHAMII, SYLVII, ETTMÜLLERI, LANGII, MICHAELIS, WALDSCHMIDII & BAGLIVI opera, Timæi & GÜLDENKLEE casus medicinales & ad horum imitationem concinnatam WEDELII praxin clinicam; nec non ex STAHLII scriptis & MStis collectum & in tabulas a JÜNCKERO digestum, conspectum medicine practicæ. Neque prætermittendæ sunt editæ a clarissimis Germaniæ Medicis*

dicis practici argumenti dissertationes *SCHRADERI, MEIBOMII, ET TMÜLLERI, BOHNII, WEDELII, BERGERI, ZWINGERI, CAMERARII, ALBINI, HEUCHERI, SCHACHERI, BEYERI*; quibus accedunt in nostra Academia a clarissimis Professoribus evulgatae, unacum meis, quibus universam clinicam praxin exposui, item de arcana medendi methodo, præstantissimis medendi legibus, prudenti remediorum in tempore applicatione & continuatione, item de natura medicatrice mechanica, de medicamentis infecuris, infidis, purgantibus fortioribus, emeticis selectioribus & cura lactis asinini. Eundem quoque in censum referenda consilia medico-clinica *Medicina consultatoria* nostræ inserta, unacum *tomo tertio medicina systematica rationalis*, quem, si Deus vitam & vires concesserit, adhuc emittere constitui.

Sunt vero præter interna etiam externa in corpore vitia & violentæ nonnunquam læsiones, quæ non tam interius medicamentosa præsidia, quam potius exterius manibus administris opem exposcunt, & quorum curatio haud postremam studii medici partem conficit. Chirurgiam græco nomine vocant, quæ quantum ornamenti & famæ Medico conciliet, & quam necessaria ipsi sit, ad instruendos & corrigendos imperitos nostros, & sæpe tamen audaces Chirurgos, ac solidum de rebus chirurgicis ferendum iudicium, pro re satis effari nequeo. Quia vero hujus fundamentum est anatomes accuratior, tam quoad internas, quam in primis externas corporis partes, nervos scilicet, musculos, vasa eorumque propagines cognitio: utique ex iis, qui in hoc studii genere consulendi, præferendi sunt, qui anatomice in eo versati sunt. Et horum ex numero illustri laude conspicui sunt *HEISTERI, DIONIS, PALFYNS & MUNNIGKS Chirurgia, MUYS praxis medico-chirurgica rationalis & observationes chirurgicae, BIDLOO exercitationes anatomico-chirurgicae, NUCKII, DEVENTER & SOLINGEN operationes chirurgicae, MANGETI bibliotheca chirurgica, RUTSCHII, TULPII, HILDANI, & MECKERN, de la CHARIERE, GAUCKS observationes chirurgicae, SEVERINUS*

RINUS de occulta abscessuum natura, PETIT de morbis ossium, TOLETUS de sectione calculi, MAURICEAU traité des maladies des femmes grosses GARENGEOT traité des operations de chirurgie.

Præterea sæpissime contingit, ut Medicus de lethalitate læsionum, vel etiam aliis rebus, ex medico in juridicum forum deferendis, sententiam & responsum promere debeat; quod quum sæpius irreparabilem ac pretiosissimam hominis vitam attingat, & semper fundamentum præbeat, ad cuius normam JCti multam accommodant: summo utique cum iudicio & deliberata meditatione, ex curatius coram facta inspectione & collatione circumstantiarum secundum principia medica & chirurgica, illud interponendum erit. Ne igitur in tanti momenti negotio impingat Medicus, quo pacto in eodem perite versandum sit, ab optimis ut edoceatur auctoribus anniti debet. Inter hos autem laude merito afficiendi & consulendi sunt: ZACCHIAS in *questionibus medico-legalibus*, AMMANNUS in *medicina critica, praxi vulnerum lethalium, Irenico*, FORTUNATUS FIDELIS in *relationibus*, BOHNIUS in *libro de officio medici duplici, de renunciatione vulnerum & eorum lethalitate* & ZITTMANNUS in *medicina forensi*. Huc etiam spectat *Medicina mea consultatoria*, & novissime edita ALBERTI *Jurisprudentia medica*, in qua præter præcepta in hoc studii genere utilissima, casus etiam forenses, partim a me jam antea in *Medicina consultatoria* exhibiti, partim etiam noviter additi, comprehenduntur.

Supereffet adhuc, ut amplissimum & jucundissimum historiae naturalis campum artis medicæ cultoribus aperirem, & quibus ducibus illum ingredi & excolere debeant, commonstrarem: sed quum labores, qui hujus culturæ impenduntur, præter oblectamentum & ornamentum, vix quicquam utilitatis Medico imperiant, neque primario ad medicum scopum referendi sint, ipsa quoque temporis ratio & paginae angustiae dignam explanationem impediunt: filum abrumpo, & Summum Numen supplex precor, ut prudentissimorum ac usu exercitatorum virorum largo proventu excitare velit ingenia, qui dignos sumant spiritus, & unitis exquisitis viribus, eo laudabiliter contendant, quo utilissima nostra generi humano & præstantissima ars, novis subinde accessionibus & observationibus anatomicis, physico-chymicis & practicis, majora indies capiat incrementa. Scribeb. in Fridericiana II X. Kalend. Octobr. Anni cIo 1000 xxv.

LECTORI



Lectori Benevolo

S. P.



Vicunque ad aliquod studium animum adjungunt, illos summa openiti decet, primum, ne otium atque desidiam, aut voluptates sectando, juventutis veras pestes, eam dilabi tacito pede ætatem patiantur, quæ ad quodlibet perdiscendum maxime idonea est. Deinde ubi hæc monstra superaverint, cavendum est etiam, ne frustra in eo laborando, inutili diligentia tempus consumant & sic oleum simul atque operam perdant. Illud ut possint effugere, cum primis a parentibus adminicula expectare licet, alterum; a præceptore. Ut enim ipsæ virtutes ac vitia non connata nobis
a sunt,

sunt, sed per educationem, prout tenerrimus animus iis imbuitur, adsciscuntur, ita & labor ac diligentia non naturali vitio a multis fugiuntur, sed quia non assueti sunt, ideo grave onus humeris suis existimant impositum, cum nihil jucundius sit quam perpetuo studiis vacare. Verum enim vero afferre ad rem literariam ardorem & φιλοπονίαν, magnum jam quidem est, & dimidium facti censendum: solo tamen hoc & uno meta non attingitur: pari sane ratione, quia si quis magnum curiæ & ecclesiæ Romanæ Antistitem visere desideret, nil profunt vires & strenue eundi cupiditas, nisi viam noscas qua pervenias Romam: plus dico; si desint amici qui locum, tempus, modum indicent. Ante omnia igitur, priusquam se committat immenso & infido huic mari, perquirendum juventuti est, probeque cognoscendum, quo se protendat disciplina quam aggressuri sunt, qualis sit, quando ceperit, ut adoleverit, quousque in ea sit perventum: Deinde quibus ex auctoribus eandem queant discere. Latent enim velut in diversis puteis thesaura aquarum Sapientiæ, quorum alii putidi sunt, pleni que sordium; alii limpidi & clari. Quales hauseris, atque animo infuderis, talis ipse futurus es, &

Quo semel est imbuta recens, servabit odorem Testa diu.

P R Æ F A T I O.

Præclare igitur, quantum unquam fieri potest, de studiorum sectatoribus merentur, & Apollinea digni Lauro putandi sunt quotquot in eo sese occuparunt ut veluti Duces eant, facemque præferant qua recto tramite, vitatis deviis, ad veritatem perveniatur. Et vero id muneris præcipue publicis doctoribus datum: Perperam ut existiment, qui in id constitui putant, ut universam disciplinam suam discipulis inculcent, hoc enim tam brevi spatio quo licet in Academiis versari, fieri in omnibus non potest: Discipulis potius id negotii datum, ut ipsi legant atque pervolvant auctores qui extant: illi si rudimenta & historiam disciplinæ tradant, præterea vero indicent qui plura cupientibus, quo ordine, quomodo legendi, præcipua officii parte defuncti esse, possunt videri: Quo in genere quantum peccetur hodie intra & extra muros, palam est: cum pauci sint qui historiam disciplinæ suæ atque auctores singulos, vel præcipuos etiam norint, pauciores qui attente & à capite ad calcem legerint, paucissimi qui aliis eos commendent; quilibet proprios libros, propriam methodum suam laudant, inculcant, eamque solam (nonnunquam & soli) sequuntur. Alia fuit mens summi viri, & æternæ memoriæ Hermanni Conringii. Qui primam inter sibi demandatas partes credidit

P R Æ F A T I O.

semper, auctores discipulis suis laudare, & cupiditatem illis atque ardorem inspirare eos ipsos legendi. Nec volebat tantum, sed poterat. Legerat enim omnes, omnes dico, quotquot pene agnoverat veneranda vetustas ad sua usque tempora, prout id millies ex ipso audivi; legeratque maturo iudicio, & diligenter: ut non ignoraret, quid boni, quid mali haberent. Quid dico ignoraret? Ad unguem tenebat: Librum, caput, paginam citabat memoriter, idque in cathedra publica: quæ ubi erat conscendenda, non solebat præmeditari, aut consignare chartis quæ dicturus erat, sed prompte citra omne adminiculum aut prævium studium omnia enarrabat. Verum de his, & viri præstantia forte alias, nunc ad ea, quæ exorsus eram, revertor. Cum igitur tum temporis doctor eruditissimus, & non magis ipsarummet disciplinarum, quam methodi easdem teneris pectoribus instillandi peritus, Medicinæ cultoribus publica auctoritate præesset, atque animadverteret, historiæ artis eorumque quæ eam præstantibus scriptis illustrassent magnam passim regnare ignorantiam, hincque frigere apud alios discendi studium, apud reliquos frustra exardescere, quos in tanta librorum multitudine sequantur potissimum, incertos, prælectionibus publice habitis cepit per vices, modo hanc, modo

P R Æ F A T I O.

modo illam Medicinæ partem exponere ; eo quo hic vides modo , & de iis , quæ singulis temporibus in arte sint gesta , quave occasione , libere edocere. Factum hoc est annis seculi currentis XXXIX. XL. XLI. XLII. III. & IV. Hæc igitur cum avidis primum auribus ab auditoribus exciperentur , nec segniori calamo , prout quisque tumultuaria opera differentis vocem erat affecutus , concrederentur chartis ; mox de manu in manum describendo irent , colligerenturque in unum , accidit , ut anno sequente LI. incideret quoque in ea Sebastianus Schefferus , qui tum in hac Julia nostra studiis operam juvenis dabat. Is ergo , vel præstantia operis sponte ductus , vel aliorum svasu , consilium cepit , hæc ita in unum contracta publicæ luci , & more in Academiis recepto , examini commilitonum , in exercitationem ingenii , exponere. Cum autem , ut solemus , liberius hæc essent & vulgari modo prolata , primum in iis disponendis , & ubi opus erat expoliendis , insignis atque eruditi Medici , Johannis Henrici Vogleri , cujus hospitio frui concedebatur , opere usus est , dein ipsi obtulit auctori , qui ultimam manum admovit , sicque tandem , additis plurimis , eodem anno , Mense

P R Æ F A T I O.

Aprili in lucem edita est hæc nostra Introductio. Ex illo tempore, cum brevi, aviditate emptorum, tabernæ literariæ exhaurirentur, ut vix ulla ejus exempla amplius prostant, sæpius in animo habuit Amplissimus Vir, alteram editionem adornare: id quod publice etiam promisit aliquoties. At vero ita negotiis tum politicis atque aulicis magis magisque implicitus fuit, ut primum his vacare amplius non posset, deinde etiam plane rem medicam omittere, ipsique tantum non ultimum valedicere cogeretur. Quare factum est, ut tandem, anteqvam stylum stringeret perficiendo operi, mortalium huic coetui eriperetur. Post cujus mortem, aliquoties quidem typographus noster Academicus, me conveniens, rogavit, ut additis quæ necessum erat, recudendi præstans & desideratissimum opusculum ipsi copiam facerem. Ego vero, etsi justissimum esse, quod petebat, & è re juventutis quam maxime, abunde perspicerem, recusavi tamen ac tergiversatus sum non semel, quod tanto negotio impar me esse satis agnoscerem: Tandem tamen vicit pudorem meum publico bono utilitatique inserviendi studium, ut aliqua saltem ex parte & quantum liceret, prodesse, quam obesse ulteriore procrastinatione illi maluerim. Interim, cum
mul-

P R Æ F A T I O.

multum jam operæ ac diligentia in recensendis
 plerisque auctoribus recentibus consumsissem, &
 dimidiam partem & ultra absolvissem prope, ecce,
 animum securum nec opinantis primum nunci-
 um perculit, eundem Sebastianum Schefferum,
 jam Practicum Francofurtensem percelebrem,
 eum tractatum alii excudendum, statuto pretio, tra-
 didisse. Miratus primum apud me fui, insciis at-
 que invitis hæredibus Conringianis id eum moliri,
 mox autem plane obstupui, ubi per eundem Bi-
 bliopolam suum hortari me jussit, desisterem ab
 opere, neque enim se alium præter se ipsum, ejus
 auctorem agnoscere. Non potui quin paratam
 hanc optimo viro injuriam gravius ferrem, &, id
 ne fieret, pro virili obsisterem: quippe cum non
 tantum ex publicis ejus lectionibus concinnatum
 esse id operis, ipse titulus præ se ferret, nulla ibi
 Schefferiani laboris facta mentione, sed & res illa
 uti gesta erat, nec Schefferum, sed ipsum clarissi-
 mum Voglerum, colligendi & in ordinem redigen-
 di laborem contulisse, publice in hac Academia ef-
 fet notum. Sed hanc controversiam litemque quæ
 omnes sopit, pallida mors composuit, subito
 Scheffero fati cedente. Ne jam igitur in boni
 alias viri manes quicquam gravius ex me audire
 quisquam expectet: non potui tamen hæc silentio
 involvere, ut forte imposterum ea de re cui du-
 bium

P R Æ F A T I O.

bium superesset, sed rem omnem, uti accidit, bona fide volui referre. Certe de auctore libri dubitare nos non finit incomparabilis quæ ubique hic comparet eruditio, deinde & ipsa argumenti sublimitas, cui neminem, præter unum Conringium, parem fuisse tum temporis, existimo; omnium vero minime juvenem, haut ita pridem arti initiatum. Ipse præterea pro suo semper habuit, & in catalogo lectionum hyemalium Anni M DC LXXVII. his verbis sibi vendicavit.

Hermannus Conringius, si per valetudinem minus prosperam licuerit, id quod nuper promisit, reapse præstabit, SUA IN MEDICAM ARTEM INTRODUCTIONE in usum studiorum expolienda & illustranda. Quin & ipsemet doctissimus Voglerus in eruditissima sua introductione universalis in notitiam bonorum scriptorum capite octavo sic inquit: *Πραξις αὐτῶν CONRINGII NOSTRI INTRODUCTIONE IN ARTEM MEDICAM cap. IV. & sequentibus:* Atque hæc de ipso eximio illo Conringiano Opere dicta sunt.

Quod jam nostram qualemcunque opellam attinet; eam efflagitabat ipsum Doctissimi viri institutum, quo studiosæ publi notitiam rerum in Medicina occurrentium atque auctorum optimorum

P R Æ F A T I O.

morum suppeditare breviter & succincte, animum induxerat. Imperfectum igitur hoc opus prodiisset omnino, nisi recentiorum fuisset & facta isthæc accessio. Fatemur tamen, ulterius nos non raro ausos procedere, & de rebus ipsis interposuisse sententiam nostram, quod nonnunquam rectius rem pensitasse videremur: quæ tamen omnia doctiorum & magis exercitatorum submittimus censuræ. De auctoribus ipsis libere & sine fuco diximus sententiam, vestigia prementes auctoris ipsius, impari licet conatu. Non igitur est quod quisquam existimet ex petulantia hoc factum, aut quod nimium nobis ipsis tribuamus, atque in alios sumamus imperium, sed quia res ipsa hoc nos postulabat, & commodum concretæ nobis juventutis. Neque me latet, fore qui ægre id laturi sint, tum quod eos qui ipsis magni fiunt, rigidius tractaverim, tum quod à more hodierna scriptionis recedens, non omnes æque laudibus cumulaverim: nam sic vivitur nunc, ut adversus nemini qui sit, is demum vitæ rationem recte supputasse videatur, cum obsequium amicos, veritas odium pariat. Verum istos rogatos volo, ut mihi liceat paulisper ab ipsis dissentire: Nam qui ita vitam instituunt, sibi quidem bene consulunt, male vero aliis, de quibus forte ratio-

P R Æ F A T I O.

tionem reddere tenentur. Cogitent quæso, me Professoris munere fungi, neque jam integrum mihi esse filere, aut dissimulare quicquam, nisi ingens in artis cultores quibus hæc scribuntur maxime, peccatum admittere liberum mihi putem; idque non honesta aliqua ratione ductus, sed mera adulatione & intempestivo metu, qualis cordatum virum dedecet. Contestor interim sancte atque ut credant obtestor iterato omnes, nullo criticam exercendi prurigine, nec in quenquam infenso animo mihi hic dictum quicquam, sed sine ira ac studio, quantum mihi liquidum fuit, ingenue exposuisse. Si quid gravius in unum aut alterum dictum videtur, fortassis ita exigebat rerum conditio: quid quod nihil hic in recentes, quod non longe acrius in veteres & optimos auctores fuerit effusum: Liceat igitur vel semel etiam in recentiores non nihil animadvertere. Denique si à me latum in multis iudicium non arrideat, iniquum esse cogitent, mihi ob illam causam irasci, cum fieri non possit, ut in tanto omnium dissensu tantaque fingendi quidlibet non libertate sed licentia, cuiquam cum altero amplius conveniat. Diversis enim principiis innutritis nihil familiarius est quam de Principiorum auctoribus

bus aut explicatoribus dissentire. Neque tamen perinde est, cui adhæreas : una enim est veritatis via , à qua quisquis aberraverit , non ad Philosophiæ duntaxat tribunal , sed ad Jatriæ etiam , causam dicere tenebitur , ubi non de Lana caprina , sed de humano corio respondendum erit. Videat igitur quisque , quem sibi ducem feligat : & ut possit cernere , nec ut cæcus ad colores accedat , oculum Philosophiæ afferat secum ad limen artis , Analyticam. Hic enim Lapis Lydius est , qui aurum obryzum à reliquis metallis secernit. Non ignoro quam vile hoc nomen sit plerisque , quia in Aristotele extat , verum istos ne hili quidem facio , certus eos nunquam auream illam scientiam habuisse perspectam : Rogo autem vos , O nostri , imo omnes qui veritatem amatis , & per quicquid vobis sanctum ac carum , oro quæsoque , ne aurem præbeatis istis insulsis derisoribus , qui dum unicum ad scientias recte perveniendi instrumentum damnant , suam produnt inscitiam , quam ne cogantur fateri , spernunt quod non intelligunt. Sic vestris studiis atque conatibus , sic meditationibus quoque ac commentationibus aliquando benedicat supremus veritatis auctor , omnemque errorem ,

P R Æ F A T I O.

qvi à diabolo est, à vobis arceat: Ille nunc mendacii pater videtur Analyticam excussam velle ex omnium manibus, quo sub specie sapientiæ, ut olim, miseros mortalium fallat, & veste indutus angeli lucis, ut facit, ad Atheismum facilius & securius, indeque in regnum tenebrarum cœcutientes perducatur.

Verum relictis his, id quod restat mihi peragendum, jam exsequar. Adjunximus huic Conringiano commentario alia valde tamen ab eodem aliena: certe talia, ut ad notitiam artis & studiorum rationem recte ineundam haut conferant parum, inducti insigni utilitate quam discipuli capere ex his possint, si habeant in uno volumine & quasi præ oculis, quicquid Germania nostra, Italia, Belgium & denique Dania ejus generis enixæ sint. Sed & quia vidimus, tria priora repertu esse difficillima & admodum rara: Nam quartum à summo viro & πολυμαθῆς Joh. Andrea Bosio, seculi ornamento & miraculo nobis olim communicatum, nunc primum edimus. Cernere quoque ipsis erit; hæc ad invicem conferentibus, & plane perspicere, haut vane à Conringio hic tam amplum artis aperiri theatrum, vereque Hippocratem pronun-

P R Æ F A T I O.

nunciaſſe: ἡ δὲ τέχνη μακρὴ, ubi videbunt, variæ æta-
tis, regionis, & ingenii medicos, ordine tamen
ubique primos, exacte adeo & tanquam ex con-
dicto agerent, inter ſe conſpirare.

Sed quia hic audio? Obſoleta hæc ſunt, olim
fieri ſolita apud ſeculum prius: Nunc breviorẽ
viam à recentibus repertam ſeqvi licet. Audi-
gitur Tu vicifſim, mi Tyro: jamdudum etiam
Theſſalus illam cantilenam cecinit, & applau-
ſum obtinuit: verum Galenus illum Aſinum ſo-
lebat appellare. Tu igitur ſeqvere atqve elige ex
his, cui velis adjungi, aut ſi me audis potius, fi-
de, ſed cui, vide. Non ſunt negligenda recen-
tia, ſed minime rem abſolvunt: Veteribus con-
jungenda, non his neglectis, ſola amplectenda
ſunt. Dies diem docet, nec ulli nato poſt mil-
le ſecula præcludetur occaſio aliquid adhuc ad-
jiciendi; An propterea damnanda & tua hæc,
neque potius aucta quam deſtructa novis acces-
ſionibus putabis?

Denique audi iterum, & ſit argumento tibi hoc:
Si cui vetera illa ſordeant, ſique nullius pretii

P R Æ F A T I O.

esse, tibi velit persuasum, securus esto ipsum ea
non legisse: ego spondeo. Cæcus igitur cæcum
ducit: Ecqvis eorum in foveam incidet, dicit
meus Castellus: Uterque vestrum, an potius
æger? Tute ipse dijudica hoc dilemma,
vale, & bene rem
gere!



CATA-



CATALOGUS EORUM

quæ in Hoc opere continentur.

1. Hermanni Conringii in universam artem medicam singulasque ejus partes Introductio , cum additamentis.
2. Casparis Bartholini Avi de studio medico inchoando , continuando & absolvendo consilium.
3. Petri Castelli, Romani, optimus medicus.
4. Joannis Antonides van der Linden Manuductio ad medicinam.
5. Johannis Rhodii Introductio ad medicinam paulo accuratiorẽ & bibliotheca medica.

IN-

INDEX CAPITVM
INTRODVCTIONIS
CONRINGIANÆ.

I.	De natura & constitutione artis Medicæ	pag. 1.
II.	De Sectis Medicorum.	36
III.	De origine & progressu Medicinæ præcipuisque ejusdem scriptoribus.	80
IV.	De Physiologico & præcipue Anatomico studio, ejusdemque scriptoribus.	142
V.	De studio Pathologico ejusque præcipuis scriptoribus.	185
VI.	De studio Semeiotico ejusque auctoribus.	213
VII.	De studio Therapeutico ejusdem optimis scriptoribus.	232
VIII.	De simplicibus medicamentis in genere, quomodoque eorundem cognitio Medicæ comparari possit; nec non ejusdem rei auctoribus.	257
IX.	De metallis, lapidibus, aquis, terris & animalibus; singulorumque scriptoribus.	279
X.	De re Botanica ejusdemque scriptoribus.	295
XI.	De Pharmaceutica veterum & nova Chemicorum doctrina, ut & utriusque præstantissimis scriptoribus.	365
XII.	De Chirurgica ejusdemque scriptoribus.	396
XIII.	De Dietetica hujusque optimis scriptoribus.	405



ΣΥΝ ΘΕΩ.
HERMANNI CONRINGII
INTRODVCTIO IN ARTEM
MEDICAM.

CAPUT I.
DE
NATVRA ET CONSTITVTIONE
ARTIS MEDICÆ.
THESIS I.



Uod in alio omni disciplinarum genere recte addiscendo observandum, idem illi, qui Medicæ arti operam daturus est, ante omnia probe tenendum venit. Duo scilicet, antequam ipsum studium aggrediatur, secum afferat necessum est; tum magistrorum, qui scientiam illam excoluerunt, tum, & cum primis quidem, ipsiusmet artis omniumque eorum, quæ quovis modo ad eam spectant, *επιστολὰς*, justam accuratamque cognitionem. Sunt enim hæc tanto majoris profecto momenti, quanto plus cum summo studiorum detrimento vulgo negligi solent atque in super haberi. Utrumque vero non posse non requiri patet, utpote quum alterutra notitia destitutus nec quomodo disciplinam aggredi debeat, quive sive imitandi sive fugiendi sint, scire possit; neque cum fructu unquam progressus sit facturus in illa discipli-

A

sciplina, cujus naturam minus perspectam habet exploratamque, sed in ipso statim limine turpiter offendens, omnem operam & studium egregie sit perditurus.

II. Antequam vero ipsam de arte nostra recte ad-
discenda doctrinam aggrediamur, verbo tantum hic no-
tamus, vocem ipsam *Medicinæ* tripliciter usurpari. Vel
enim ipsam artem, vel medicamentum, vel officinam
pharmaceuticam (raro tamen) denotat: quamvis proprie
loquendo *propter languentes inventa sit*, & *nomen inde ha-*
beat, ceu auctori, sive is Hippocrates, sive quis alius demum
fuerit, libri de prisca Medicina scriptum est. Quin ipsam
Latinam vocem Græcæ esse originis, existimat *lib. II.*
variar. observ. cap. 15. Marsilius Cagnatus, vir profecto
πολυμαθής & inter *καρμεσάτης* non postremo loco nu-
merandus: de quo unicuique liberam judicandi potesta-
tem relinquimus; profitemur tamen interim, hanc no-
minis rationem nobis magis placere præ illorum opinio-
ne, qui sive à *medio* sive *modo* appellationem arcessunt,
quum tales originationes (in quibus tamen nonnulli tan-
tum non omnem rei cardinem collocatum putant) sæpe
vix alicujus sint momenti, haud raro etiam illis nomi-
nibus (ne dicam rebus ipsis) non satis convenient: de quo
alibi.

III. Cæterum magis ex re fuerit, si ad naturam ipsi-
us disciplinæ Medicæ nos proprius convertamus. Et vero
dispiciendum hic statim venit, num inter *πρακτικὰς* an *ποιη-*
τικὰς numeranda sit. Scilicet quum aliquid efficere do-
ceat, unde *τέχνη* sive ars merito suo audit, inter *ποιητικὰς*
eam referendam esse, si accurate & ad mentem Philoso-
phorum loqui velimus, non potest negari. Quum enim
πράξεις proprie tantum illæ operationes à Philosophis ap-
pellentur, quæ homini in quantum est homo propriæ
sunt

sunt, adeoque unice pertinent ad humanam felicitatem, *ποιησις* vero, quæ non ita sunt propriæ, sed inferioris cujusdam ordinis, unde etiam ab Aristotele semper distinguuntur, ad posteriorem classem eam pertinere patet. Ideoque minus recte in practicis vulgo recensetur: quanquam etiam vetusti temporis scriptores, non observatis Philosophorum loquendi legibus, hæc sæpe soleant confundere. Licet vero practica non sit, accepto praxeos vocabulo secundum Aristotelem; practicis tamen disciplinis admodum vicina est, utpote quum opus Medico propositum tale sit, quo vita humana valde indiget, adeoque sine quo non potest esse beata. Propterea *immortalis Scherbius* (quem inter Germaniæ nostræ Philosophos vix parem habuisse non injuria dixeris) *dicere solebat; Medicina aut est prudentia, aut certe non sine prudentia*: quod de præceptore suo gratissimus discipulus *Casper Hoffmannus* refert *lib. 1. Instit. Medic. 1. §. 2.* Præsertim quum practicae disciplinæ communi Prudentiæ nomine à Philosophis insigniantur. Nequaquam enim audiendi sunt, qui discrimine facto, Medicinam aliam Theoreticam, aliam Practicam faciunt, nisi improprie loqui velimus: Nec repugnat tamen, dari Medicam proprie dictam scientiam, utpote causas rerum exponere scientiæ est. Unus enim idemque mentis habitus & scientia & ars esse potest, observato tantum diverso respectu: scientia scilicet, si tantum respicias ad cognitionem: ars vero, si referas eadem *θεωρήματα* ad τὴν ποίησιν. Patet vero insimul ex his, Medicinam partem Philosophiæ minime esse, utpote quum illa ad intellectus humani felicitatem per se nihil conferat, qualem cognitionem Philosophiæ nomine veteribus venisse, jam tum notatum est *Introducť. in natural. Philos. c. 1. th. ult.*

IV. Videndum jam porro circa quod subiectum Medicina proprie occupata sit, quemque finem sibi propositum habeat. Inde enim deinceps patebit quomodo ex scopo singulae partes medicinae manifesto possint deduci. In confesso autem est, eam tantum circa corpus humanum versari: Nam de animantium reliquorum sanitate vel morbis agere, neque artis neque instituti nostri est. Quanquam enim hæc ars, Mulomedicina appellata, in multis cum nostra proprie dicta medicina conveniat, quamque propterea ad illam pertinere, adeoque unam eandemque cum illa artem constituere, singulari libro ostendere sit conatus *doctissimus Johannes Philippus ab Ingrassia*, utramque etiam professus, quemque multi ex recentioribus sequuntur; revera tamen magnam inter nostram & veterinariam illam medicinam differentiam intercedere, inde probatur, quod operationes hominis longe diversæ sint à brutorum operationibus, & propter has ipsæ corporis partes, unde etiam sanitatis & curandi rationem utrobique non posse non distinctam esse liquet.

V. Itaque corpus humanum tantum pro objecto Medicina habet. Cæterum duplex corporis humani cognitio datur, alia enim sani est, morbidi alia. Utraque autem Medico necessaria est, quum neque morbum pelleret, neque etiam præcavere possit, nisi rationem sanitatis probe calleat, quemadmodum egregie illud ipsum *Galenus* noster tum alibi tum *libro 1. de sanit. tuend. c. 1.* monet. Hinc duplex statim doctrina occurrit, *Φυσιολογική* altera, *παθολογική* altera. Et quidem in Physiologicis quum omnia in illa exponantur, quæ ad sanitatem corporis nostri pertinent, adeoque in quonam illa consistat; hæc autem nihil aliud sit atque constitutio partium omnium viventium

tium secundum naturam actiones primo conservans; sicuti recte ex *Galeno lib. 1. de sanit. tuend. cap. 5.* definiri potest: sequitur omnino illum qui ad sanitatis cognitionem adspirat, primo quamlibet partem humani corporis, deinde singularum naturalem actionem & usum debere tenere. Ad constitutionem autem singularum partium primo & potissimum pertinet temperamentum ejus, deinde compositio, tum magnitudo, & demum justa figura. Temperamentum porro quum quatuor primæ qualitates tactiles convenienti modo inter sese mixtæ constituent, hæ autem primo & proxime in primis corporibus simplicibus (elementis vulgo nuncupatis) deprehendantur, & horum quoque naturam cognitam habere debet is, qui singularum partium naturam perdiscere cupit. Nimirum tum demum videre poterit, recte à Galeno nostro fuisse scriptum, *similiarium; quas vocant, partium sanitatem, calidi, frigidi, humidi & sicci symmetriam; id est convenientiam inter se quandam esse.* l. 1. de
sanit.
tuend.
cap. I.

V I. Natura partis jam cognita, proximum est uti usum quoque ejus & actionem, quam præstare debet, quamque propter ceu finem condita est, non ignoret. Quum enim corpus nostrum organicum sit, quælibet ejus pars actionem exerceat oportet; quoniam frustra alias creata esset, quod principiis rectæ rationis repugnat. Prout autem actiones earundem variant, & vice versa. Porro aliæ actiones quasi propriæ sunt & speciales, aliæ vero communes; aliæ *similiarium* etiam partium, aliæ compositarum. Et harum & illarum naturam scitu necessariam esse, & per se clarum est & bene etiam *Galeno* notatum *lib. de Med. art. constit. cap. IV.* & V.

V II. Sicuti autem actiones suas corporis nostri

partes obire non possunt, nisi ab Anima regantur & imperentur, ita de hujus natura dispicere, num ad Medicum proprie pertineat, controvertitur. Ipse certe Galenus, quo tamen ad artem tum condendam tum exornandam nemo plus contulit, in facienda præterea peritissimus, essentiam animæ sese ignorare, ingenue passim fatetur; quamquam alicubi cum temperamento, interdum cum ipso calido nostro innato unum idemque eam faciat: quemadmodum egregie *Franciscus Vallesius*, vir profecto liberrimi ingenii, *lib. II. controvers. cap. 4.* notavit. Et vero fatendum est naturam animæ, ut talis, Medico cognitu necessariam non esse, utpote quum ea ignorata nihilominus opus suum optime possit exercere. Ideoque omnino recte pronunciaſſe τὸν χαλεπώτατον *Hoffmannum* nostrum cum alibi tum *lib. II. Instit. Medic. cap. 151. §. II.* existimamus: *Medico, quæ Medicus, ignota est Anima.*

II X. Circa hæc omnia itaque, quæ hætenus recensuimus, doctrina illa occupatur, quam *Φυσιολογικὴ* merito nuncupari liquet, quandoquidem naturam tum partium, tum singulorum ex quibus illæ constant, exponit. Hanc excipit altera, quæ circa affectus corporis nostri adeoque sanitatis contrarium versatur, *παθολογικὴ* inde appellata. Quemadmodum autem prior omnem latitudinem partium omnium & singularum, earundemque naturalem constitutionem occupat, ad eundem modum hæc posterior, in quonam morbus utpote sanitatis oppositum consistat, omnemque ejus varietatem tradit. Et enim quum partes diversæ inter se sint naturæ, etiam vitia, quibus illæ obnoxia sunt, variare necessum est. Quæcunque igitur corpori quocunque modo præter naturam accidunt, ad hanc doctrinam omnia referenda sunt.

IX. Quod

IX. Quod si autem doctrina morborum ad cognitionem Medicinæ pertinet, non potest non etiam illuc spectare doctrina quæ nos in notitiam morborum quasi manu deducit. Sicuti enim sanitatem tum universi corporis, tum singularum ejus, internarum cum primis partium, ex certis notis deprehendimus; ita, num morbo laborent, & à statu suo naturali recesserint, itidem ex signis suis licet colligere: unde etiam *σημειωτική* appellatio illi hæsit.

X. Porro quum constet scopum Medicinæ esse vel sanitatem integram conservare, vel eandem collapsam restituere in integrum, utique apparet omnia illa quæcunque ad sanitatem sive integram conservandam sive amissam restituendam faciunt, Medico exacte nota esse debere. Huc autem primum & potissimum Diætetica pertinet, quæ medico ante omnia accurate cognita esse debet; Quin fieri non potest, ut ad artem facientia recte & debito modo præstare possit, *διατητική* notitia destitutus. Scilicet in una victus ratione tantum ponderis est collocatum, ut sæpe ea recte observata, absque medicamento usu valetudo recuperari queat. Hinc sane videmus, non raro incipientem febriculam, sola abstinence posse tolli: dum enim corpus nova sive cibi sive potus ingestione non oneratur, calor nativus vires exerens, quod vitiosi humoris jam collectum erat, facile subigere & concoquere potest. Frustra autem è contrario etiam præsentissima præstantissimaque medicamenta usurpaveris, sola hac victus ratione neglecta. Quod sane usque adeo est verum, ut huc potissimum quadret illud: *multitudinem Medicorum arguere intemperantiam hominum.* Quod quidem verbum ex Platonis quodam loco, perperam tamen intel-

intellecto (de quo *Marsilius Magnatus* adeundus lib. 1. *variar. observat.* 21.) originem sumpsisse videtur. Quod si vero *διαιτητικὴς* notitia medico adeo necessaria est, etiam Alimentorum doctrina ipsi probe tenenda erit. Quum vero horum duplex sit genus, alterum naturale, artificiale alterum, qualis ex gr. cerevisia, familiaris ille potus noster est, utrumque Medicus in promptu habere debet.

XI. Jam quoniam Medico non solum propositum est sanitatem conservare, verum etiam illam amissam in integrum restituere; necessum porro est, ut Methodum medendi sive curandorum morborum doctrinam calleat, & quidem non perfunctorie. Etenim quum in morbo aliquo profligando varia in considerationem veniant, utique certa quadam via & modo omnia administrari oportet, nescil. vel intempestive aliquid moveas, vel quod primo loco aggredi debebas, in ultimum locum conjicias; quorum utrumque non potest non cum maximo ægrorum damno esse conjunctum. In his autem quo recte te geras, Methodus medendi docet. *Methodo* enim quippiam *inquirere invenireque*, est nihil aliud, atque cum *via quadam*, & *ordine ita* procedere, ut in *disquisitione aliquid primum sit, aliquid secundum, & tertium, & quartum*, atque ita de reliquis omnibus deinceps, quolibet *ad ipsum, quod ab initio est propositum, sit perventum*: quem admodum illud describit Galenus noster. Quandoquidem vero semper ab universalibus nobis incipiendum & inde porro ad specialia magis magisque est progrediendum; etiam methodum medendi in genere primum, tum quomodo in particularibus eadem sese habeat, Medicus novisse debet.

lib. 1.
meth.
med. c. 4.

XII. Quoniam autem curatio per medicamenta
magna

magna ex parte instituitur, horum vero alia præparatione indigent, alia vero non; ideo utriusque accuratam notitiam adferre debet. Et primo quidem simplicium medicamentorum cognitio summopere ipsi necessaria est, quum nulla commode inter sese miscere possit nihilque componere horum scientia destitutus; immo quo magis exploratas naturas facultatesque simplicium habuerit, eo majori cum fructu compositis uti poterit. Quoniam autem solis his simplicibus finem suum semper obtinere Medicus nequit, & propterea ad composita deveniendum ipsi est; hinc omnino illi scire etiam hoc opus est, quomodo talis præparatio peragi debeat. Quamvis enim Medicus ipse medicamenta semper non componat, adeoque manus non adhibeat; attamen scientiam artis præparandi omnino habere debet, tum ut pharmacopœis modum præparandi præscribere possit, præsertim si nova medicamenta componenda veniant, tum ut ipsorum opera eo rectius inspicere deque iis judicare queat. Apud veteres sane Medici ipsi suamet manu omnia medicamenta præpararunt, chirurgiam exercuerunt, vulnera curarunt, emplastra adhibuerunt, &, ut verbo dicamus, singula artis opera peregerunt; qui mos etiam hodieque in terris orientalibus obtinet, quidque ipse Galenus præstitit, utut postea suos ministros etiam habuerit: hodie tamen munera illa distincta sunt, neque necessum est, immo fieri non potest, uti Medicus ipse omnia manu sua conficiat. Neque tamen reprehendi merentur illi, qui ipsimet laboribus istis defungi volunt, licet ex opinione vulgi in dedecus nunc id abierit: quin potius laude afficiendos existimamus. Quum enim hodie eo rem rediisse videamus, ut præstantissimum etiam medicamentum, ubi

in vulgi notitiam devenerit, statim soleat obvilescere; quis vitio vertet bono Medico, si in uno & altero industriam suam exercere velit? Ideoque non possumus improbare sententiam *Brunonis Seidelii*, viri eruditione juxta ac pietate eximii, lib. de morbis incurabilibus ita scribentis. *Non negarim à bono & laboribus assueto Medico etiam præstari posse utrumque, vel saltem, quin aliqua singularia & eximia remedia præparet ipse, quod absque detrimento aliarum rerum necessarium facere possit.* Quod eodem eleganti opere recte exponit causas, quare quove consilio institutum sit, uti *præparatio medicamentorum ab ipsa arte Medicinæ disjuncta fuerit ac seorsum pharmacopæis commissa.* Quibus omnino adjungenda sunt, quæ de eodem instituto *libro de Hermet. Medic. II. cap. IIX. differuntur.*

Pag. 56. ita scribentis. Non negarim à bono & laboribus assueto Medico etiam præstari posse utrumque, vel saltem, quin aliqua singularia & eximia remedia præparet ipse, quod absque detrimento aliarum rerum necessarium facere possit. Quod eodem eleganti opere recte exponit causas, quare quove consilio institutum sit, uti præparatio medicamentorum ab ipsa arte Medicinæ disjuncta fuerit ac seorsum pharmacopæis commissa. Quibus omnino adjungenda sunt, quæ de eodem instituto libro de Hermet. Medic. II. cap. IIX. differuntur.

Pag. 53. & seq. ita scribentis. Non negarim à bono & laboribus assueto Medico etiam præstari posse utrumque, vel saltem, quin aliqua singularia & eximia remedia præparet ipse, quod absque detrimento aliarum rerum necessarium facere possit. Quod eodem eleganti opere recte exponit causas, quare quove consilio institutum sit, uti præparatio medicamentorum ab ipsa arte Medicinæ disjuncta fuerit ac seorsum pharmacopæis commissa. Quibus omnino adjungenda sunt, quæ de eodem instituto libro de Hermet. Medic. II. cap. IIX. differuntur.

Pag. 293. & 294. ita scribentis. Non negarim à bono & laboribus assueto Medico etiam præstari posse utrumque, vel saltem, quin aliqua singularia & eximia remedia præparet ipse, quod absque detrimento aliarum rerum necessarium facere possit. Quod eodem eleganti opere recte exponit causas, quare quove consilio institutum sit, uti præparatio medicamentorum ab ipsa arte Medicinæ disjuncta fuerit ac seorsum pharmacopæis commissa. Quibus omnino adjungenda sunt, quæ de eodem instituto libro de Hermet. Medic. II. cap. IIX. differuntur.

XIII. Hæc est illa ars *Φαρμακότης*, proprie & præcipue ita dicta, quæ priscum præparandi medicamenta modum observat. Nova enim illa præparandi ratio, quam *Paracelsistæ* vulgo profitentur, *Chemica* appellari solet. Quanquam enim olim vocabulum illud *μεταλλουργία* tantum artem designavit, hodie tamen rationem etiam præparandi medicamenta denotat. Nam illi, qui doctrinæ *Metallurgicæ* studium dederunt, etiam aliis medicamentis, quæ *Chemica* inde appellantur, conficiendis operam navarunt: quemadmodum hoc fusc docetur libro de *Hermetica Medicina*. Nequaquam scilicet hæc ars est contemnenda, licet illi qui vulgo eam profitentur, ipsam artem raro teneant, sola *ἐμπειρία* & usu vulgari instructi. Ipse sane *Thōmas Erastus*, vir utique & acri judicio & singulari doctrina, *Paracelsum* absurdaque & impia ejus dogmata refutaturus, studium tamen & diligentiam

gentiam, quam in præparatione medicamentorum certorum adhibuit, nequaquam reprehendendam, sed vehementer commendandam existimat. Laude insuper sua eum frustratum non velle, dum artem præparandi & distillandi quasi revocare ad usum conatus fuerit. Recte tamen idem præclarissimi ingenii vir subjungit: In præsentia hoc solum te monere volumus, nos remediorum artificiosam præparationem non solum non damnare, sed vehementer laudare & prædicare: modo & naturæ corporum nostrorum non adversentur nimium, & recta veraque methodo usurpentur. Quod peregregium monitum ubivis observandum volumus.

Præfat.
ad lect.
dispu-
tat. An-
tipara-
cels.

XIV. Par ratio est Chirurgicæ. Scilicet quum Medico integra humani corporis sanitas sive conservanda sive restituenda proposita sit; utique ab illo requiritur, ut non unius tantum partis, sed omnino omnium cognitionem ad curationem recte instituendam habeat: à qua Chirurgica separari recte non potest. Fieri quidem potest, ut unius saltem partis curationem aliquis sciat; quo modo Herodotus in Euterpe & Galenus variis in locis scribunt, in Ægypto sua ætate diversas in partes artem Medicam discerptam fuisse: alios enim circa capitis notitiam, alios circa oculorum, circa dentium alios, circa alvi vicinarumque partium alios, circa morbos occultos alios versatos fuisse; hincque factum ut singulorum morborum singuli fuerint Medici, itaque omnia Medicis fuisse referta. Tales sunt hodie ophthalmici & illi qui vel tantum circa luxationes, vel ulcera, vel quodcunque demum aliud corporis nostri vitium vulgo occupantur: homines ut plurimum nulla reliquarum artis partium peritia, nulla elegantiore doctrina, nulla per-

sonæ dignitate instructi, sed βαρύτεροι & è fece Romuli. Fatemur etiam ab Arabum temporibus Chirurgicæ studium à Medica arte proprie dicta separatum fuisse & divisum: unde etiam est, quod illos, qui Medici titulo laudantur, & artem cum dignitate faciunt, rarius videamus Chirurgica didicisse, sed potius sæpenumero ea contemnere atque despiciere. Quicquid vero sit; & quicquid nobis hac in parte alii contradicant, revera ille, qui artem Medicam profitetur, quique adeo perfectus Medicus audire cupit, necessum habet omnes ejus partes tenere. Chirurgicæ itaque peritia omnino in eo requiritur: quamvis non sit opus, ut ipsemet manum suam admoveat, quum hoc per alios æque possit præstare. Plane quemadmodum peritus architectus pleraque per ministros expedire solet, ipse vero opera raro attingit, quod ipsum etiam docetur præfatione in libellos Chirurgicos Thomæ Fieni. In quam rem non possumus, quin ex *χαιρῶντα* Hoffmanno nostro hic quædam adducamus ex lib. V. Institut. Medic. cap. ult. §. 4. Locum integrum adscribemus, quod illa, quæ modo à nobis exposita sunt, mirifice confirmet. Quicquid sit, inquit, ut olim indivisa erant opera Medici: ita hodie quibusdam locis omnia sunt rejecta in Chirurgos dictos, quibusdam quædam tantum, quibusdam alii faciunt, alii non. Galenus Romæ ipse secabat venam, vulnera obligabat, fracturas dirigebat, quod Æsculapium ipsum cum filiis, totaque posteritate usque ad Hippocratem fecisse constat. Aquapendens Patavii per ministrum quidem secabat venam, sed ipse obligabat vulnera & abscessus, dirigebat ossa. Saxonia nihil horum faciebat, sed erat architecton, ut nostris quoque moribus est. Quamobrem meum initiandum ut non juss-

rim

rim se huc dimittere, ut χειρωνακτικὸν quid moliatur: ita velim Chirurgis nostris familiarem esse, ut possit judicare de operibus illorum. Hæc ita non minus eleganter quam vere Hoffmannus noster.

XV. His itaque ad eummodum se habentibus, clarius tamen adhuc exponendum est, quomodo singulæ hætenus enarratæ artis partes sese habeant, numque ex æquo omnes naturam finemque artis respiciant. Quamvis enim singulæ ita comparatæ sint, ut nullius cognitio desiderari possit in illo, qui titulum Medici recte sustinere velit; nihilo tamen minus discrimen quoddam eas intercedit. Et quidem commode in duas quasi partes possunt dispesci, θεωρητικωτέραν alteram, alteram ποιητικωτέραν: quas cum vulgo liceat nunc appellare Theoricam & Practicam. Etenim quum nec de sanitate nec de morbis doctrinæ aliquid agere doceant, nudam tantum objecti sui naturam exponentes, utique practicæ sive ποιητικαὶ proprie & ex se vocari neutiquam merentur, sed per se spectatæ optimo Jure in contemplativarum scientiarum classem referuntur. Revera itaque tum φυσιολογικῇ tum παθολογικῇ, cujus portio σημειωτικῇ est, portiones sunt Naturalis Philosophiæ, & ab ea quasi mutuo petuntur in usum Artis Medicæ. E contrario vero quicquid praxin proprie respicit, atque ex se suaque natura πρακτικὸν est, (utor autem jam voce πράξεως ex communi usu;) illud etiam omne proprie & intime ad artem ipsam spectare, liquet. Potest autem omne hoc in duas partes dividi, προφυλακτικῇ scilicet & θεραπευτικῇ: quamvis & hæc προφυλακτικῇ omnem soleat comprehendere. Hisce itaque duabus partibus tota Medicina stricte & in rigore ita nuncupata absolvi-
tur; docente etiam Galeno nostro libro I. de sanitate tu-
enda capite I. Quanquam vero Theoricæ illæ partes do-

mefticæ Arti non fint, fed revera *προπαιδευτικαί*: neceffariæ tamen propterea funt, quoniam absque horum cognitione nunquam legitima Artis opera effici poffunt.

XVI. Neceffario itaque illa funt addifcenda in arte Medica, quæcunque ad finem eius faciunt. *Quemadmodum fcilicet scientiæ pendent à subjecto suo totæ, ut quicquid non attingit subjectum, alienum fit ab illa scientia; ita artes*

Præfat. *ab usu; ceu recte alicubi fcribit doctiffimus Hoffmannus. de usu In quam rem adducit Galeni præclara verba libro ad Thra- cerebri. fybulum cap. 28. ita fcribentis τὰ οἰκεία τῶν τεχνῶν ἐκάστη θεωρήματα τὸ τέλος ὁρίζει καὶ κρίνει, & cap. seq. προσηκόντως αἰετὸν τὸ τέλος ὁ λόγος ἐξελίσσκει κανόνα τὸ καὶ κριτήριον ἀπάντων τῶν κατὰ τὰς τέχνας.* Sunt autem hæc longe veriffima.

lib. I. de Ideoque iusta animadverfione idem Galenus noster Ar-
locis af- chigenem profequitur, quod in quæftionibus ad artem o-
fectis mnino fupervacaneis verfari confueverit; ubi quæftiones
cap. I. ejusmodi ad Logicam pertinere afferit, quod etiam alibi non raro facit. *Quæcunque enim quæftiones ufum (artis) tranfcendunt, qualis fit rerum natura fecundum propriam effentiam indagantes, haud dubie Logicæ effe cenfentur; ficuti eas libro III. de locis aff. cap. I. defcribit.* Quo fenfu hæc appellatio fortaffis apud alios fcriptores non occurrit. Nuncupantur autem ita à Galeno, quia, uti in veteri Logica fiebat, de iis in utramque partem fine difpendio aut commodo artis Medicæ poteft difputari. Et pertinet huc jure merito optimum illud monitum, quod Philippus Scherbius ipfi illi, quem modo laudavimus, Hoffmanno in Italiam difcedenti viatici loco dedit: *Non immerget fe nimis profunde controverfis, quas vocamus, Theoreticis, fed exerceret fe potius in Practicis, ibique laudem aliquam quæreret.*

Præfat.
ad lect. I.
de usu
lienis.

XVII. Scilicet nihil horum negligendum est, quod ad ipsam Artem proprie spectat. Quæ autem illa sint, ex superioribus jam credo bene constabit. Quod si autem ulterius quis progredi possit, tantum profecto abest, ut præclaros conatus inhibendos censeamus, ut potius summa laude afficiendos & in majus promovendos esse omnino arbitremur. Tantum vires ingenii prius quis consulat, nec alienis istis tempus impendat, nisi præcipua illa & necessaria ante perdidicerit. Neque vero existimandum est, quæstiones istas Logicas nullum plane usum in facienda Arte afferre. Nimirum illa quæ aliena diximus, duplici modo sese habere possunt. Quædam videlicet proprius ad scopum Medicinæ faciunt, quædam longius ab eo recedunt. Hinc illa quæ plane aliena sunt, abesse sine damno possunt; quæ vero non omnimode ab eo distant, possunt quidem abesse, non tamen absque omni noxa. Quod ipsum quomodo ὁ δαυόνιος Hoffmanus noster præfatione in lib. de usu lienis exponat, audiamus. At sæpe, inquis, tantum proficis, quantum si equo des aureos frenos pro ferreis: Quorsum enim quæstiones illæ Logicæ? Sæpe quidem ita est: at non semper. Sed & uti ita est, an non præstat, verum defendere, falsum repudiare? sumus enim Philosopho - Medici. Tum vero si ex veris fundamentis Philosophicis exsultent veræ, quas dicimus, indicationes: an non fateberis jam hoc esse Medicum commodum? Exemplo sit hoc ipsum, quod agimus. Si nescis in liene fieri coctionem aliquam: nescis etiam lieni mēderi. Quomodo enim restituere potes lieni actionem suam, si nescis quæ sit illa? Certe illorum cognitio elegantiam Medico conciliare potest. Quales Aristoteli νοῦς τοῦ & χερσῶν in fragmento libelli de sanitate & morbo audiunt. Atque hæc ratio est, quare jam ab antiquo

antiquo præclarissimi Medici sibi ea etiam sumpserint explicanda, quæ tantum ad ornatum pertinent: Cujusmodi apud Galenum longe plurima occurrunt, ut de aliis nihil nunc dicam.

XIIX. Non solum hæc vero, quæ Medicinæ affinia sunt, ornatum Medico pariunt; sed præterea etiam quæ plane diversa sunt & nullo modo ad Artem faciunt. Cum primis vero Civilis scientiæ notitia tantam gratiam Medico conciliare potest, quantam ex reliquis disciplinis pene nulla. Et quidem potissimum plurimum juvabit illos, quibus sive in aulis sive alias cum politis hominibus est versandum. Hinc sane sæpissime accidit, ut Medicus familiaritatibus illustrium virorum implicatus magnam existimationem civilium rerum notitia possit sibi acquirere. Certe nostris moribus, quibus præclara illa studia merito suo apud omnes in majori pretio sunt, atque compluribus retro seculis factum, nihil magis est conveniens. Non memorabimus autem jam, quam feliciter Medicorum nonnulli ipsa illa hæc studia tractaverint, quamque laudem inde reportaverint doctissimis in eo genere scriptis ad posteritatem transmissis. Certum autem est, quo plurium doctrinarum genere Medicus sit instructus, eo χαριέστερον illum evadere atque εὐχρημονέστερον. Revera enim etiam hæc quæ modo recensuimus ad εὐχρημοσύνην Medicam pertinere omnino existimamus. Duas scilicet has voces unum denotare, persuasit nobis Theodorus Zvingerus, Medicus, Philosophus, Polyhistor & Varro seculi nostri, (quo elogio eum afficit diligentissimus Schenckius in *Bibliotheca Medica*) commentario in librum Hippocratis

Pag. 79. *ὡς εὐχρημοσύνης*; ubi inter multa alia ita loquitur. *Hodie certe Excellentiae titulus Medicis Doctoribus tribuitur: olim vero*

vero χαρίεσες ιατροὶ dicebantur, ab ea gratia, quam apud homines ob eruditionem & virtutem, quibus artis peritiam & industriam veluti condiebant, promerebantur: & Aristoteles ipse passim χαρίεστας Medicos vocat, qui præter artis suæ peritiam literatura insuper reliqua & virtute non mediocriter sint tincti &c.

XIX. Quum autem cum de omni alia re, tum de corpore humano duplex cognitio haberi possit, quarum altera imperfectior, altera vero plenior & magis perfecta est; & illa quidem in nuda tantum corporis partiumque ejus cognitione consistit, ista autem hac notitia non contenta singulorum causas indagat atque exponit: priorem quidem ad Medicinam, posteriorem vero ad Naturalem Philosophiam spectare, certum est. Ratione non obscura: utpote quum sine perfecta corporis humani cognitione, quam Philosophicam diximus, Medicus opus suum exercere possit. Neque enim plena & perfecta cognitio alicujus subjecti in artifice requiritur: sed sufficit, si aliquam habeat, & quidem illam, quæ ad opus artis necessaria est. Plane quemadmodum aurifabro sufficit scire, an auum sit ductile, & an ex eo annulus confici possit: quare vero lentum illud sit & duci queat, causam teneat necessum non est. Similis autem ratio est Medico circa humanum corpus versanti. Multa scilicet de humano corpore sciri possunt, nec tamen sequitur omnia illa ad artem Medicam pertinere, Medico enim satis est, si illa noverit, quæ ad finem suum spectant. Sunt autem hujusmodi, quæ Medicæ scholæ esse negamus, haud pauca. Ita verbi gratia de principiis corporis humani, an scilicet ex semine, an ex sanguine menstruo generetur; item an partes simul generentur nec ne, & quæ aliæ habentur

C

bentur de generatione corporis nostri disputationes, insignes quidem sunt, interim tamen nullum habent usum Medicum; quoniam his omnibus ignoratis nihil ominus Medicus suo officio recte potest fungi. Similiter corpus nostrum ex elementis constare, hæc ex materia prima, notum est; at tamen naturam materiæ primæ scire, utut egregia sit illa cognitio, in Medico non requiritur. Quin imo naturam materiæ primæ neque Hippocrates neque Galenus, neque, ut equidem arbitror, veterum Medicorum ullus habuit cognitam. Sunt vero Medico imprimis necessaria illa, in quibus tum sanitas tum ægritudo cujuslibet partis consistit. Quapropter illis qui Medico studio plane sese addicunt, etiam atque etiam suademus, ne alienis sint occupati, antequam illa quæ proprie & præcipue ad artem faciunt, addidicerint; sed ista tam diu negligant, donec in illis sese firmaverint, & plus otii fuerint nacti, ingeniumque suum exploraverint: quum in unaquaque disciplina recte addiscenda ad necessaria ante omnia animus appellendus veniat.

XX. Quanquam autem hætenus sese extendat cognitio Medici, hique sint ejus limites, non tamen ideo pauca sunt quæ domestica illi sunt & propria. Fatendum scilicet, est neminem hætenus ipsam Artem perfecte esse consecutum, ne ipsum quidem Galenum, utut peritia ejus omnes vicerit. Nec tamen inde sive ipsi arti sive artificibus vitio hoc verendum venit. Etenim multa requiruntur ad perfectionem alicujus disciplinæ, neque fieri potest uti unus homo omnium notitiam sibi comparare possit. Fuit quidem Galenus, fuerunt etiam & alii magni Medici, ad perfectionem tamen Artis eos pervenisse, vel omni ex parte illa potuisse præstare quæ ad Artem faciunt, non possumus affirmare. Enim vero uti reliquæ in universum disciplinæ omnes, ita etiam Ars Medica sen-

ca sensum magis magisque perficitur. Nimirum quum ob-
jectum etiam Artis multis vicissitudinibus sit obnoxium,
identidem novi aliquid ad eam accedere necessum est. Mul-
ta praterea paulatim sunt inventa, quæ antiquos plane la-
tuerunt. Itaque in multis quidem hodie longe magis per-
fecta est, quam erat Hippocratis ævo; nonnulla tamen etiam
intercidisse, idque propter incuriam Medicorum, quodque
tantam diligentiam, quanta Hippocrates usus fuit, adhibere
noluerint, non possumus inficiari. Multa insuper adhuc
latent in Arte nostra, quæ fortassis aliquanto in lucem dabit
tempus. Quanquam vero ita cum Arte sese habeat, neuti-
quam tamen inde colligitur, plane non dari ipsam. Quem-
admodum enim Naturalium rerum scientia, utut hodie val-
de perfecta sit, ad fastigium tamen suum nondum ascendit:
nec tamen citra injuriam dixeris, nihil ejus hætenus investi-
gatum esse: ad eundem plane modum, quamvis Medicina
hætenus perfecta non sit, magnam tamen ejus portionem
habemus. Tametsi igitur nemo hætenus perfectam Artis
cognitionem acquisiverit, neminem tamen illam habuisse,
ἀσυνλόγιστον est. Quandoquidem autem ita cum Medicina &
Medico comparatum est, non potest Medicus semper mor-
bum, quamvis curabilem tollere, adeoque scopo suo inter-
dum excidit, quoniam non nisi multis cum impedimentis tam
Artem ipsam addiscere, quam exercere eam contingit.

XXI. Hæc fere est natura Artis Medicæ, hæ ejus par-
tes. Proximum jam erit de mediis, quibus illa cognitio com-
parari potest, discere. Et vero quum *quæ fidem iis faci-
ant, quæ recte sunt inventa, duo sunt apud omnes homines in-
strumenta, nempe Ratio, & Experientia;* ut recte observa-
vit Galenus noster *lib. 1. methodi medendi cap. 3.* etiam his
in comparanda doctrina Medica utendum erit. Enimvero

oppido falluntur, qui cum Empiricis ad Artem sola experientia pervenire nos posse putant, omnem rationem incertam esse argutantes. Namque licet fatendum sit, quandam ratiocinationem incertam esse; quandam tamen, eamque demonstrativam, aut fallere aut falli posse, est falsissimum.

Lib. de
theriaca
ad Pison.
c. 10.

In quam rem præclare alicubi Galenus scribit, ita loquens: Nam Medicos, inquit, qui solum experientiam sequuntur, non admittimus, quoniam & ipsi sicut vulgares faciunt, quæ vident insipientes, rerum eventum quidem mirantur, sed eventus causam ignorant: quorum alii quia ne rerum quidem originem discere quærunt, sed ipsam rationem invenire negligunt, tantum quæ facta annotant, & sibi satis esse ad medicandum multoties visa dicunt, eodem, ut vides, modo, quo vulgares admirantur. Alii prædictis diligentiores, fatentur quidem oportere Medicos hisce de rebus reconditam magis quam vulgares habere cognitionem, sed cum ipsam invenire nequeant, inquirere supervacaneum existimant. Nos autem qui majorem illis curam arti Medicæ impendimus, & eventa solum vulgarium more inspicere nolumus, experientiam non rejicimus, sed experientiæ rationem quoties licet, conjungimus: atque ita necessario rationalem perfectamque Medicam artem habemus, nec ut solum inveniamus, quo pacto aliquid fiat, inventioni operam damus, sed ut aliquid ad medendum utile ex invento discamus. Hæc Galenus: quæ utut aliquanto pluscula, totidem tamen verbis recitare volumus, quod proposito nostro apprime conducant.

XXII. Jam vero ut de Experientia prius dicamus, notum est non nisi sensu compertis illam constare. Sunt vero quæ sensibus deprehendimus singularia tantum, adeoque ad principium aliquod scientiæ vel artis constituendum per se inidonea. Neque enim ex re semel observata conclusio-

clusionem aliquam salvis analyticæ legibus formare potes. Qua in re multi peccant, dum unum medicamentum pluribus propinant, quum semel tantum ejus vim senserint. Nihil tamen minus Experientia singularium observatione comparari nequit. Ideoque ex compluribus eventis notatis eam demum fieri oportet. Et vero nihil aliud *Experientia est*, atque *ejus*, quod frequenter & eodem modo visum est, comprehensio atque memoria: sive *ejus*, quod sæpius & eodem modo visum est, observatio atque memoria: quemadmodum bene eam lib. de optima secta ad Tbrasylbulum cap. 11. Galenus describit. Conveniunt autem hæc plane cum illis quæ de experientia Aristoteles lib. 11. *Analyt. Poster. cap. ult. & 1. Metaph. c. 1.* docet. Idem vero est observatio & experientia, ut recte notavit Galenus. Talis vero observatio utique nihil differt ab historica cognitione. Ideoque idem est, sive experientiam sive historicam dixeris cognitionem; ceu optime notatum *Introduct. in Natural. Philos. cap. 1. th. 25. & 1. de Civili Prudentia c. 7. & Prefatione in Tacitum de Morib. Germanor.* Necessariam autem esse historiam ad perfectam alicujus rei cognitionem, usque adeo est manifestum, ut qui id in dubium vocaverit, non temere credam repertum iri. Etenim sine ea scientiam profiteri tantundem est ac sine pennis volare: neque potest non referre tandem ludibrium, quisquis id ipsum tentare audet. Quod jam dudum observavimus Laudatione Aristotelis priore.

XXIII. Neque tamen hic subsistendum est, sed experientia ulterius extendi debet. Notum autem porro est ex Analyticis, experientiam parere inductionem, inductionem vero principia demonstrandi: adeoque fundamenta conclusionum suppeditare. Similiter vero constat principiorum peculiarem esse habitum, Aristoteli N^o sive Intellectum nuncupatum

cupatum. Neque vero habitus hic principiorum circa communissima tantum atque universalissima sive Metaphysica principia versatur, quod nonnullis est persuasum; alioqui necessario daretur habitus, qui principia reliqua indemonstrabilia traderet. Sed quoniam quæcunque ab intellectu cognoscuntur, per consequens etiam ab habitu intellectus cognoscantur, sive is sit principiorum sive artis sive scientiæ; utique illorum sententia stare non potest. Perinde autem fere est, sive propriam habeas experientiam sive alienam. Fatendum quidem firmitus illa nos scire, quæ ipsimet experti sumus deprehendimusque: attamen quandoquidem propter infinitam reum varietatem fieri illud non potest, tuto aliorum experientiæ licet assentiri, modo fidem mereantur. Cæterum quoniam de experientia ejusque usu jam tum *Introductione in Naturalem Philosophiam cap. I. th. 23. seqq.* pluribus actum est, nos lectorem eo amandamus, quum omnia illa, quæ ibi traduntur, huc pertineant. Quibus omnino adjungenda illa sunt, quæ *lib. de Civili Prudentia* tum toto capite septimo, tum præcipue pag. 103. & 104. differuntur.

XXIV. Quandoquidem vero præter experientiam Ratione insuper opus est, siquidem veram eamque solidam Medicam cognitionem tibi comparare velis; etiam de hac verbo aliquid addendum est. Per se autem manifestum est, Ratione nobis Logicam (uti vulgo quidem nuncupatur) & potissimum artem Demonstrandi venire. Constat vero, omnem Demonstrationem fieri ex principiis sensu & experientia cognitis: Unde licet, ad quamlibet partem artis Medicæ accurate & perfecte cognoscendam primo afferenda esse principia sensu & experientia cognita; quibus recte sese habentibus demum justas fieri demonstrationes. Quæ quum ita sese habeant, utique quilibet qui artem Medicam professus

furus est, Logicæ, & cum primis artis Demonstrandi sive τῆς ἀναλυτικῆς, gnarus esse debet. Galenus certe noster adeo peritus ejus fuit, ut integros etiam libros de demonstratione confecerit: quod passim ex ejus superstitibus operibus liquet, ubi eos laudare solet; præcipue vero ex recensione illorum, quam libro de libris propriis cap. 11. instituit. Dolendum autem omnes istos Galeni labores summo non artis tantum nostræ sed universæ bonæ eruditionis damno, intercuisse. Itaque hæc tam necessaria doctrina, quum hodie quidem ex Galeno peti non possit, aliunde, & cum primis ex Aristotele haurienda est. Optandum vero esset hanc nobilissimam doctrinam vulgo rectius excoli & tradi. Scilicet multa confuse in Logicis solent doceri: & libri ipsi Aristotelis vitio ævi multum sunt mutili & disjecti: certe genuina & vera demonstrationibus natura hodie oppido paucis perspecta est, quæ res etiam viros cætera doctissimos in graves errores induxit. De qua re justa querela instituitur citata modo *Introduct. in Natural. Philosoph. cap. 2. th. 15.* Ex recentioribus sanè vix quenquam reperias, qui pro dignitate hanc doctrinam fuerit persecutus. Certe qui necessitatem ejus in Medicina simul & ipsam artem demonstrandi post Galenum ostenderit, hætenus nemo inventus est, si excipias unum *Bartholomæum Viottum* hominem longe doctissimum; cujus de Demonstratione præclarum opus ante centum annos prædiit. Sicut autem omnibus Artis nostræ studiosis commendatissimus ille esse debet, ita dolendum raro eum hodie posse inveniri. Unde etiam factum fuit, ut ne diligentissimus quidem Schenckius eum viderit, licet ejus ex ipsomet autore suo in Bibliotheca meminert: quem tamen a Joanne Anthonide Van der Linden, lib. de Scriptoribus Medicis fuisse silentio præteritum, jure miramur. Neque tamen etiam
negligen-

negligenda sunt, quæ de usu Organi Aristotelici in arte Medica parte quarta tractatus de *Uso Organi Aristotelici* pag. 490. & seqq. Joannes Neldelius disputavit. Atque hæc tum de natura tum etiam de principiis Medicinæ in genere dicta sunt: Proximum jam est de singularis Artis partibus, deque iis, qui in ea operæ fecerunt pretium, scriptoribus, initio à diversis sectis scholisque factis, deinceps differamus.

ADDITAMENTA.

Ad Cap. I. §. *. Auctor, introductionem in artē daturus, *ὅτι ἐστὶ, existere talem artem*, supponit, neminem usque adeo recta ratione destitutum existimans, ut rem tam manifestam ausit negare: Neque vero etiam inventus est temere, qui publico aliquo scripto, vel seriò id agere suscepit. Hodie autem, ubi de omnibus nimium quantum dubitare ceptum est, reperiri, ob rerum imperitiam & falsam *ἀνταρρίαν*, qua sapere super cæteros vel sibi videntur, vel aliis volunt videri, eandem dictis oppugnent, & in dubium vocent, quotidiana docet experientia. Ablegandi autem hi sunt ad *Coi nostri librum de arte*, ubi solidissimis argumentis ejus existentiam evicit: Præter quæ aliud etiam extat initio *libri de Prisca medicina* non contemnendum.

II. *. A *μεδέω*, curam gero, Lindanus quoque eam derivatam existimat in Med. Physiologica, ubi consuli potest.

III. *. *Nequaquam etiam audiendi sunt.* Hæc uti verissima sunt, & cum veræ Philosophiæ principiis concordant, ita non magis sunt audiendi, qui medicinam ad scientiam, vel quemcunque alium tandem habitum referre allaborant, id enim non alia de causa moliuntur, quam quia disciplinarum naturam & requisita ignorant, & in ipsis principiis earundem sunt plane hospites: Quæ omnino hic ex Aristotele addiscenda sunt, is enim unus in his cum laude & *ἀριβεία* versatus est, ut nihil addi suis commen-

commentariis, vel in iis mutari facile queat: à recentioribus certe philosophis nostris ne attingi quidem videmus. Vide *Sennerti, Lindani & Mæbii* de his sententias, & cum primis *Petri Laurembergii Porticum Æsculapii*, librum supra modum doctum & elegantem.

✱ *Unus enim idemque mentis habitus &c.* In hanc rem legi omnino merentur quæ habet *Hartvicus Wichelmannus*, *Luneburgensis*, in primis philosophiæ principiis versatissimus, *Analytices* §. 40. ubi tamen paulo latius extendere videtur distinctionem istam quam par est, præsertim cum §. seq. 41. & 42. scientiam docet esse vel contemplativam, vel activam, vel effectivam. Hæc certe sententia utut eo sensu, quo vetusti ævi scriptores, omnia hæc confundere soliti, loqui solebant, possit tolerari, à veris tamen philosophandi legibus, si stricta & philosophis usitata interpretatione utaris, longissime abest; ne *Stagiritæ* quidem auctoritate ex *Metaphysicis* sustinenda, cum aliqua enim latitudine eo loquendi modo ibi usus est philosophus, quemadmodum *Galenus* quoque non raro facere consuevit, qui alicubi itidem artes dividit in contemplativas, activas & factivas, eadem loquendi libertate. *Aristoteles* autem auctori manifestò suffragatur alibi, nempe *Metaph. VI. c. 2. & XI. c. 7. item II. Anal. Post. c. ult.*

IV. ✱ *Veterinariam.* Nominis rationem si quis forte desideret, hæc habeat: *Veterini* verbum apud *Plinium & Columellam* tantum occurrit, & jumentum notat, gestandis oneribus dicatum. Hinc forte *Italicum* *Veturinorum* nomen hodieque usitatum, quod hominem notat, qui ejusmodi jumenta peregrinantibus aut iter facientibus certa pecuniæ summa locat: *Veterinus* vero fortassis a *veho*. Coeterum scriptores *Veterinæ* tam *Græcos* quam *Latinos* habemus, *Latini* omnes à *Joanne Sambuco*, medico præclari nominis, editi sunt: *Græci* vero, interprete *Ruellio*, *Parisiis* anno *MDXXX.* prodire in lucem. Est autem *Theomnestus* cum primis gravis *veterinariæ* auctor: Habemus etiam *Germanicos* nonnullos ejus argumenti libellos: sed eos hic nominare nihil attinet.

✱ *Operationes hominis longe diversa, &c.* Inter quasdam
D corporis

corporis humani atque brutorum partes sat magnam intercedere differentiam, (quemadmodum & ipse variorum brutorum partes multum diversæ sunt) docet anatome: actiones autem illas, quas tanquam animal exercet, non adeo multum à brutorum actionibus differre, fere persuasus sum. Sunt autem homini nonnullæ actiones propriæ, quæ in brutis non æque reperiuntur, ut ea quæ ab intellectu perficiuntur. Est igitur amplior paulo medicinæ propriæ dictæ, quam Veterinariæ specialis scientia: interim specie non differre, cum Laurembergio prorsus existimo, cujus vide *Porticum Æsculapii* modo citatum, ubi recte distinguit, inter subiectum Medicinæ adæquatum & primarium. Eadem nempe medici atque Aurifabri conditio est, qui in auro & argento sese occupet solis, etsi ars illa fabricandi & cælandi metallica vasa, aliaque id genus, ad reliqua etiam spectet metalla, quippe quæ, paucis observatis aliis, eodem modo tractari apta sunt: ipsi etiam ex cupro vel plumbo vasa ac statuas affabre figurare norunt; quod tamen facere, Imperii aut locorum legibus prohibentur: illud tamen negandum non est, victum & vitæ genus, quale præsertim vivere ea cogimus animalia, quæ utilitatibus nostris inserviunt, morbos producere in iis plane singulares, qui non quidem aliam artem, leges tamen curandi longe alias poscere videntur.

V. ✱ *Ad constitutionem autem partium primo & potissimum pertinet temperamentum ejus &c.* Ita hætenus quidem fuit creditum: Nunc autem, explosa absurda illa Galeni doctrina, (is enim est qui & medicos & philosophorum insuper plurimos seduxit, non Aristoteles) qua omnes omnium rerum effectus à quatuor primis qualitatibus edi statuit, medici in diversa admodum abire: alii enim fermentis, alii structuræ partium & poris, alii utrique, alii Archeo, alii his omnibus actiones partium attribuunt. Et de Archeo quidem alias: fermentis autem præter alia illud potissimum objici potest, quod celerrimus sanguinis per partes fit transitus, ita ut in iis fermentari & aliquid deponere nullo modo possit, omnis enim mutatio liquorum quæ per fermentationem fit, requirit moram; nec nisi
post

post satis idoneum temporis spatium potest acciderē. Itaque, si in quibusdam fermento potest aliquo infici, saltem in iis, quarum actio est separatio, fermenta illa non habebunt locum. Mihi quidem structura & pororum diversitas semper visæ fuerunt in his sufficere: Non enim crudus sanguis, sed propria & in venis facta & peracta fermentatione præparatus ad partes accedit. Quo posito, structura partium & compositio fortassis primo loco foret collocanda. Non tamen omnino negandum, post factam separationem nonnihil adhuc immutari, & quibusdam in locis jam tum existenti ejusdem generis succo magis assimilari, quod ex sanguine accessit: eo modo, quo farinacea massa in fermentum; vinum aceto affusum, in acetum vertitur. Pertinent autem hæc omnia fere ad logicas quæstiones, de quibus mox; eas tamen, quæ non sine omni noxa negliguntur. Rectius autem occupabimur in inquirenda sanguinis natura & crasi, quæ non partium temperamentum tantum, sed pleraque etiam alia constituit ac gubernat: Magnitudinem autem & figuram tam accurate considerandam non putaverim, quod hæc nihil, illa vero parum actionem partis juvare possit, internarum enim (nam de his potissimum loquor) robur partium non à magnitudine est, sed pro ea tantum plus vel minus conficiunt. Sequitur autem plerumque corporis ipsius magnitudinem & indigentiam: hinc sine omni detrimento videmus fieri, quod unius corporis partes figura & magnitudine ab alterius partibus discrepent. Æque vero inane est Galeni commentum de partium similarium symmetria: has enim non temperamentum, (quod maximam partem à sanguine itidem recipiunt) sed modus materiæ & compositio utiles vel inutiles efficit, cum non ex quatuor elementis vulgo dictis, quod ille supponit, immediate componantur, sed longe aliam habeant originem: De quo non hic locus est prolixius disputare.

VI. ✱ *Alia similarium etiam partium &c.* Etiam hoc perperam vulgo in scholis explicatur. Similarium enim quatenus talium nullam actionem esse, sed in id tantum datas, ut ad organicarum faciant compositionem, nullo caret dubio: Neque enim os venis arteriis & medulla instructum aut membrana iisdem ac nervis gaudens, est pars similis: sunt autem reve

ra & substantia similes (fibra est pars partis & plerarumque principium) forte soli tendines cum cartilaginibus: Sed & hæ, quoniam figuram & conformationem admiserunt, non amplius similes sunt habendæ, quatenus organicis opponuntur, licet compositæ non sint; non enim repugnat esse simul & similem & organicam.

X. * Hic distinguendum est probe, ut Petri Laurembergii doctissimas objectiones devitemus: Aliud est valetudinem manifesto non nihil jam vacillantem fulcire & obfirmare, aliud sanitatem optime constitutam in eodem statu conservare. Corporis exacte sani conservationem nequaquam esse finem Medicinæ, neque partem *ὀργανὴν* in institutionibus recte cæteris adiaci, probat in laudato modo porticu Æsculapii, & argumentis plane evincit citatus auctor. Unum apponemus ex multis: Ars versatur in re non existente efficienda, est enim habitus effectivus, sanitatem autem jam existentem conservare, non est *ποιητικόν*, ergo ad artem id non pertinet. Idem prorsus docet Celsus I, 1. ut intelligas, antiquiores aliter ea de re sensisse: fluxit enim hic error ex fontibus Galeni demum ad nostros rivus. Quamvis autem hoc ita sit, non tamen licet medico vires & qualitates alimentorum, imo universam diætetica ignorare, idque ob causam duplicem: Primum, quo accuratius de causis morborum ex errore diætæ oriundorum judicet; deinde, ut ægrotis eandem præscribat, eorumque appetitum animumque moderetur, quorum neutrum recte faciet, nisi quam quælibet nocivam qualitatem abscondeant, & cui affectui convenient singula, exacte intelligat; præsertim cum ciborum plerique non modo nutrant sed & alterent. Itaque firmo etiam Laurembergii dogmate, sola tamen Methodus tuendæ sanitatis eliminanda, quam potius ad quemlibet hominem aut patremfamilias, quam ad medicum qua medicum pertinere, non dubitaverim cum illo statuere, licet communi ac receptæ sententiæ id hætenus repugnet. Quæ vero ad alterum illud spectant, valetudinem jam in pejus ruentem reducere, utique medici officium id est, non secus ac architecti, ruinas minantem domum fulcire
ac re-

ac restituere: sed tunc non amplius integram esse valetudinem, sed vel morbosam vel neutram saltem, Laurembergio erit concedendum.

XII. ✱ *Necessarium facere posfit.* Quo jure igitur, quoque civium commodo hodie quibusdam in locis medici ab omni pharmaceutica præparatione tanta severitate arceantur, ut ipsis nihil prorsus sui juris maneat integrum, jubeanturque vel maxime arcanas quoque præparationes sibi que proprias, & non nunquam satis difficiles aliorum, *Φαρμακευτικῆς* sæpe non satis peritorum fidei committere, haut ægre perspiciet, quem non pigebit citata hic loca evolvere, & rerum initia expendere. Ad posterius spectant Hippocratis verba: *τὰ δὲ ἱερὰ ἔντοια πρὸ γυμνατὰ ἱεροῖσιν ἀνθρώποισιν δέηνυται, βεβήλοισι δὲ ἔθξις.* *Res sacra sacris hominibus ostenduntur, profanis autem non fas est.* Tales autem omnino mihi videntur esse, quicunque ex medicorum præscripto agentes, componendis dispensandisque remediis operam collocant: minister enim in societatem venire, & collegii socius censeretur, adeoque sacris hominibus adnumerari non potest. Noluit autem Hippocrates res sacras, id est elegantiores, & non vulgaris efficaciam vel operis profanis hominibus innotescere, tum ad majorem auctoritatem conciliandam tum ad incommoda alia evitanda; satis perspicuus, ea in publicum emanantia, non tantum, quod monet auctor, vilius haberi, sed sæpe etiam sub alienis manibus corrumpi, quod de fide & diligentia *τῶν βεβηλῶν* certi quid sibi promittere nemo possit. Quamvis enim nonnulli sequioris etiam ordinis homines sic satis sint probi, ac rerum suarum satagentes, maxima tamen eorum pars negligentiores, & ex eorum numero sunt, qui non verentur ex alterius incommodis sua interdum comparare commoda, vel defectu simplicium, vel pejori etiam causa induciti. Neque hoc tam mirum est, cum ingenium humanum fere proclive sit ad lucrum faciendum, vitio haut facile corrigendo, nisi elegantioribus & honestis disciplinis pectus imbuatur: quod quibus contingit, illi demum *Sacri* sunt *Coo homines*. Et vero aut valde fallor, aut huic debetur rei, de quo non injuria conqueri-

tur magnus ille Chimiater, *Guernerus Rolfsincius L. I. Chemie c. 4.* Quæ in primorum inventorum & possessorum manibus magnæ efficaciæ erant, limites privatos transgressa, in opere deficiunt. Ut nihil jam dicam de altera, quam subjungit, causa, quæ tum plerumque etiam obtinet: quod ab aliis, privati commodi respectu promiscue sine judicio adhibentur. Quæ res etiam effecit, ut per universam superiorem saxoniam & plurimis aliis in locis ac regionibus, medici suo jure utentes, & laudabilem veterum morem reducentes, magnam medicamentorum & præcipuam partem sibi vendicarent. Cui rei, quod chemia inperitorum artificum & ciniflonum manibus erepta, nunc egregie exculpta est, resque pharmaceutica omnis longe absolutius elimata ac infinitis observationibus aucta, unice acceptum est ferendum: Nunquam enim id factum fuisset, si à præparatione remediorum manum perpetuo abstinuissent. Nec tamen ad illud fastigium pharmacia eorum opera evecta est, ut quiescere secure possimus: infinita adhuc indaganda & corrigenda restant, non nisi à manibus ipsorummet *ιατροῶν χαρμεστῶν* sibi remedium pollicentia: ut quilibet boni publici causa, quantum quidem per alias occupationes fieri potest, in præparationibus pharmaceuticis sedulo occupari teneatur; quod hæc pars operam nostram sibi præter cæteras vindicet, non veterum tantum incuria, sed & recentiorum nimia & intempestiva sæpe curiositate, infeliciter corrupta, inque adeo dubia luce constituta, ut nemo, nisi qui penitus introspexerit, oculatasque adhibuerit manus, de certiore ejus cognitione gloriari possit. Vide de hac re *Rolfsincii Chemiam. modo Laudatam I, 13.* & *Georgii Wolfgangi Wedelii* hujus primum discipuli, mox successoris longe dignissimi *Pharm. rat. in proæmio*: Item *Danielis Ludovici*, viri in hac artis parte incomparabilis, *Dissertationes pharmaceuticas penultimam & ultimam.*

* * Ex hoc loco aliisque liquidum fit, injuriam auctori facere, quicumque ut *μισοχημικόν* eum diffamare satagunt: satis enim hinc constat, illam chemiæ partem quæ ad pharmaceuticam pertinet, non modo ab ipso non contemni, aut odio haberi, sed etiam magni fieri. Quod enim dicit, illos qui vulgo eam profitentur, raro ipsam artem tenere, sola empeiria instructos

structos, id pro ratione temporum, quibus ista differebat, verissime dixerat. Et vero, licet hodie, haut segniter à præclaris ingeniis exulta, aliam longe faciem induerit, eam tamen in multis adhuc mancā esse, ac defectuosā, ulterioreve cultura admodum adhuc indigam, nemo doctiorum facile ibit inficias, postquam *Robertus Boyle*, vir genere ac doctrina illustris, tam variis id opusculis fecit manifestum.

XV. ✱ *Appellare theoreticam & practicam &c.* Quas theoreticas medicinæ partes hic auctor appellat, eas esse meras *πρωταγδευτικὰς* etiam alii, pauci tamen, perspexerunt, & in his *Job. Daniel Horstius* Medicus & *πολύατος* Francofurtensis celeberrimus, manu ductione ad medicinam. Pertinet autem ad præcognita præter physiologiam & Pathologiam, etiam therapeutices pars magna, omnis scilicet illa, quæ de simplicibus earumque vel nominali vel philosophica notitia agit, quam itidem à naturali Philosophia mutua- mur; quin & ipsa etiam medica, & si curatius rem pensitemus, omnium medicamentorum compositorum conficiendorum ratio. Ecquis enim instrumenta parandi scientiam artis partem proprie appellaverit? Sunt autem medicamenta omnia artis medicæ instrumenta, neque id minus quam ferrum & ignis, quæ tria propterea Hippocrates in aphorismo conjungit: neque diversa eorum est ratio, nisi quod hæc externe, illa interne & ad abdita removenda adhibentur. Quemadmodum vero nullus est artifex, etiam mechanicus, qui iis vel obtusis, vel quocunque modo vitiatis, finem suum feliciter consequi possit, ita majori longe in medicina circumspectione opus est: quod vitia medicamentorum latent plerumque, nec sensibus obvia, ut in aliis, rudioribus, dignoscuntur: quorum, cum nemo præter medicum ipsum idoneus sit iudex, hinc propius ad eum quam ad reliquos artifices, spectat eorum cura ac præparatio, difficultum præsertim, vix citra philosophiæ naturalis insignem doctrinam, & simplicium plusquam vulgarem ac nominalem notitiam exsequenda.

XVII. ✱ *Absque omni noxa.* Definiendum hic foret, quænam illa sint quæ possint abesse absque omni noxa: Et quidem

dem in physiologicis qualia sint, seq. §. XIX. ex parte ostenditur, qui rectius hunc ipsum fuisset secutus: neq; tamen ausi sumus, aliter hæc, quam prout primum placuerunt editori, disponere, sed nonnulla ad ipsum illum locum adjicere & nos maluimus. Interim commonefacere juvenes nostros, officii partem censemus, ne temere eorum, quæ addiscere occasio est, negligant quicquam: neq; enim in facili ipsis est, de ea re judicare, quum sæpe quod non speraveris, maximam utilitatem afferre possit. Exemplo sit prolapsus uteri, quem multi feliciter curarunt ante natam hos demum viginti annos quæstionem, utrum sola vagina, an totum uteri corpus possit etiam prolabi: agitata tamen pronuper ea de re inter præstantissimos medicos controversia potest unumquemque admonere, non esse talia negligenter habenda. Paucis: nihil in studiis tam ab arte remotum, naturalis præsertim philosophiæ, quod non aliquando usum possit afferre, nec æque in mercato literarum, quod in rei familiaris valet administratione: *emas non quod opus est, sed quod necesse est*: sed præstat rerum scientia abundare, quam curtam nimis suppellectilem habere, cum literaria ista nec magnis sumtibus sit conservanda, nec gravet circumferentem: Neque medico vel ea etiam omnia, quæ possunt quocunque modo, salva curatione ignorari, prorsus vilipendenda sunt aut insuper habenda; Utrum cor sit musculus nec ne, an cerebrum, hepar, renes, ex glandulis componantur, multaue hujusmodi, quæ ad partium naturam & essentiam pertinent, non sunt scitu ad curationem necessaria, tamen medico paulo elegantiori omnino nota esse debent: turpe enim est, & neglecti animi indicium, in ignorantia hic versari, controversia aliqua tam celebri, tam ubique hodie agitata: Galenum respicite, quo nemo acrius logicis quæstionibus se immiscentes carpere solet: ipse tamen in iis tangendis quam est frequens! Nec aliorum accipite πολυτρίλλον illud divini Senis ἰατρὸς φιλόσοφος ἰσόθεος: qui nec ipse, in illa licet caligine & temporum inter initia infelicitate, sibi temperavit, sed in hos campos sæpius cule excurrit.

XIX. * In quibus tum sanitas. Habes limites quibus consistere.

consistere datur, qui tam ampli profecto sunt; ut paucissima restent, quæ liceat ignorare. Ad sanitatem enim pertinet structura partium, connexio, & actionis omnis ratio atque usus, sanguinis præterea, omniumque liquorum in corpore reperiundorum utilium cursus & spirituum seu *ενορμωμάτων* natura, motus, vis & potentia agendi; Ad ægritudinem vero partium, quicquid ad naturam morbi spectat, quocunque etiam modo: aut morbi genus, & quæ eum constituunt, mos ejus, & motus, & symptomata, & causæ, tam immediata & continentes, quam *προηγμένα & προκαταρκτικά*. Harum enim nonnullæ licet aliquando ad curationem nihil faciant, *διάγνωσις* morbi tamen plurimum possunt juvare: Cum primis vero continentis cognitio, si qua est, necessaria est, ea enim sublata, statim & ipse morbus tollitur. Nec recte opponitur, nos causis multorum morborum ignoratis, tamen eos curare: est enim duplex curandi via, empirica & rationalis, quarum illa semper imperfecta, & cæca est, nisi ex hac lumen mutuetur; quod antequam accedat, nemo de perfecta artis consecutione gloriari potest. Sic febrium causam nondum satis habemus cognitam, easdem tamen novimus depellere, quia nonnulla de ea constant: Quis vero dubitaverit, si omnia constarent, rectius & feliciter nos eas esse superaturos? Idem in pharmaceuticis obtinet, ubi nihil prius est habendum causis & modo operationis medicamentorum. Tametsi enim, iis ignoratis, aliquandó nihilominus possumus, ea feliciter exhibere, multo tamen certius & securius agemus, si easdem habebimus perspectas; cum citra istam cognitionem sæpenumero facile possimus peccare, ea vero comparata, non item: Cujus rei Empirici, & imperiti medicastri subinde tristia edunt exempla, æque ac pharmacopæi aliquando illi qui se curationibus immiscere satagunt; Norunt enim & hi virtutem medicamentorum, sed qua ratione eam exerant nescientes, neque in tempore, neque in loco porrigunt medicinam. Atque aliquis dicat, antiquos medicos citra illam exactam notitiam artem sic satis feliciter exercuisse: negare id quidem non ausim, medendi enim methodus in subsidium

E

venire

venire potuit: verum & illud, multum adeo lucis ac dignitatis ex recentiorum experimentis non frustra accessisse, & quotidie adhuc accedere, nemo sanus ibit inficias: Non enim in solam ostentationem isthæc jactantur, sed omnino etiam usum habent; neque asserere dubitaverim, nos hodie & jucundius antiquis illis, & felicius, imo & tutius morborum catervas profligare; modo eorundem veterum diligens lectio accesserit: Nisi tamen quis dicere sustineat, Sennæ folia & mitissimum Gialapium Hippocratico Helleboro nihilo esse mitiora: Sennam autem antiquis ignotam fuisse novimus, Arabum enim inventum est, Gialapium vero multo etiam recentioris ævi. Quod si ab Hippocrate ad Galenum plurimum ars curandi incrementi sumsit; si post Galenum per Arabes ulterius auctam & elimatam accepimus; quare & nostro hoc ævo, quo tantum in eo laboratum est quantum alias nunquam, nihil omnino accessisse putandum sit? Si autem aliquid accessit, prorsus omne inutile judicare propterea, quia veteres eo carentes, feliciter curationes peregere, iniquissima sententia est: regero enim, atque iterum inculco: *Non absque omni noxa.* Sed largiamur plurima hic occurrere magis *Σωφροσύνη* & non nihil à praxi remotiora, evitari enim hoc prorsus ita non potest: Respondit ex Hofmanno auctor: *Sed & ubi ita est, an non præstat verum defendere, falsum repudiare, & esse philosopho-medicum?* mihi vero hunc liceat paragraphum Latini Hippocratis, ut superiorem Græci illius verbis claudere & veluti obsignare: continent enim genuinam interpretationem Græci illius textus, sic ait: *Quamquam igitur multa sint, ad artem ipsam non pertinentia, tamen eam adjuvant, excitando artificis ingenium. Itaque ista quoque natura rerum contemplatio, quamvis non faciat medicum, aptiorem tamen medicinæ reddit, & perfectum: verique simile est, & Hippocratem & Erasistratum, & quicumque alii, non contenti febres & ulcera agitare, rerum quoque naturam ex aliqua parte scrutati sunt, non ideo quidem medicos fuisse, verum ideo majores medicos extitisse.*

Celsus
procem.

XXIII. ✱ Principiorum peculiarem esse habitum. Hæc
ex

ex intimæ philosophiæ principiis deprompta sunt, magni ad veram scientiam acquirendam momenti; neque tamen extra pomeria abducendus est lector; cum prolixius fuerit omnia enarrare: Consultat interim, si volupe est, *Hartvvici Wichelmanni Analyt. §. XXXIII, & XLIV.* post eum *Aristotelem Vl. Ethic.* & cum primis *II. Anal. Post. cap. ultimo*, plane aureo.

* * *Modo fidem mereantur.* Merentur autem fidem qui 1. id quod narrant, etiam norunt: Hinc omnium certissima, quæ publico testimonio perhibentur; deinde, quæ ab oculatis testibus referuntur, iisque plurimis: Qua de re vide. *Gal. Lib. de subfiguratione Empirica. c. 12.* ubi Concordantiam esse optimum historiæ judicatorium ostendit, talem enim convenientiam in sensibilibus omnino admittendam. Neque vero spernendum est, quod ab uno oculato teste profertur, modo alterum in eo requisitum adsit, nempe 2. ut id quod novit, etiam velit impertiri, id est, ut sit vir probus, nec quicquam studio aut affectibus deditus, aut *observationes quas virgines debebat* (Honoratissimi Collegæ Henrici Meibomii, Præfat. in obs. Ar: Bootii verbis utor) *præjudiciis suis corruptas exhibeat.* Vide de his orationem inauguralem eruditissimi viri Ioh. Henrici Vogleri, professoris in hoc Athenæo quondam meritissimi de Testimonio Humano. His tertium addendum censeo: ut calleat artem cum observandi, tum scribendi observationes, sit scilicet cautus, artis cum curandi tum demonstrandi peritus, ne necessariis circumstantiis aut *Φαινόμεναις* orbas observationes memoriæ tradat, oculisque fidelibus observata monumentis literarum candide & sine fuce aut impostura consignet. Quod autem de unico teste *αὐτόπῃ* retuli, mirari forte subit, cur in foro duorum aut trium testimonium requiratur, nobis vel unius sufficiat. Verum id fieri videtur ideo, quoniam temporis ratio Jctis non permittit ut in mores ejus qui perhibet testimonium, semper inquirent: quod apud nos secus est. Quamvis, si quid ab experientia velis inferre, non sufficiat unius aut simplex testimonium, inductio enim plurimis exemplis constat. Vide plura si cupis, requisita in *Thome Bartholini anatome Practica §. XII.*

XXIV. ✱ *Raro eum hodie posse inveniri.* Hanc nobis publicam querelam sustulit primum Clarissimi viri *Andrea Frölingii*, Logices olim in hac Academia professoris industria, effecit enim, ne diutius tantum opus desideraretur; Sed cum haut multo post omnia aurei libelli exemplaria distracta essent adornata nova & pereleganti editione, publicæ indigentiaë denuo subvenit *Henricus Wideburgius*, ejus in præclaro hoc munere successor, collega & amicus suavissimus, additis etiam notis peregregiis. Quamvis autem hoc Viotti opus perquam sit eximium, æquiparandum ei tamen, si non præferendum illud, quod jam bis laudavimus, *Hartvici Wichelmanni*, philosophi quondam Regiomontani, opusculum, quod haut ita pridem publici juris fecit Honoratissimus itidem collega *Job. Eberhardus Burmannus*, parvum quidem mole, sed quod Aristotelis operi alias intellectu paulo difficiliore, magnam lucem affundere queat, multaque complectitur vix alibi reperiunda. Id quod fortassis effecit, ut post fata viri *Zeidlerus*, *Theologus & Philosophus* insignis, antequam esset editum, pleraque ejus in amplum illud de demonstratione opus suum pene ad verbum transcripserit, qua ratione egit quoque cum modo laudato Viotto. Leguntur autem quædam huc pertinentia valde etiam præclara in *Galenii* nostri libro de *optima secta* statim in principio, & de *optimo dicendi genere*, ubi scepticos reprimit: Longe profecto hæc præferenda sunt novæ & ineptissimæ Cartesianorum doctrinæ de fallaciis sensuum, & intellectui perspicuis, ut, qui modo pauca ista Galeni recto animo perpenderit, facile istorum dogmatum absurditatem & vanitatem cernere queat.

CAPUT II.

DE SECTIS MEDICORUM.

THESIS I.

Postquam naturam universæ Artis, quæque illuc faciunt consideravimus; transibimus nunc statim ad diversas ejusdem

ejusdem scholas. Ita enim apparebit, quam varie ab initio usque sese habuerit, quantumque hodierna ejus facies ab antiqua distet. Quemadmodum enim unaquæque disciplina pro diversitate magistrorum varias etiam sectas identidem peperit: ita in Medicina sese etiam semper habuisse cernimus. Videntur vero ab initio duæ tantum fuisse, quarum altera usu tantum & experientia artem possideret, altera vero rationem insuper adhiberet. Priorem Empiricam, posteriorem Rationalem ex rei ipsius veritate possumus appellare. Meminit autem harum *Plato lib. IV. de legibus* sub finem, ubi duo genera Medicorum constituit alterum servorum, liberorum (ἐλευθέρων) alterum. Atque istos quidem ita describit, quod sint *πειτρεχόντες, καὶ ἐν τοῖς ἰατρείοις περὶκρόντες*. Καὶ ἔτε τινα λόγον ἐκάστω, pergit Plato, *πεὶ νοσήματα ἐκάστω τῶν οἰκετῶν ἔδει τῶν τοιούτων ἰατρῶν δίδωσιν ἔδ' ἀποδέχεται, προστάξας δ' αὐτῶν τὰ δόξαντα ἐξ ἐμπειρίας, ὡς ἀκριβῶς εἰδώς, καθαρπερτέρειν, αὐθαδῶς οἰχέται ἀποπηδήσας πρὸς ἄλλον κάμνοντα οἰκέτην*. Quæ genuina descriptio est Empiricorum. Ὁ δὲ ἐλευθερὸς (subjungit Plato) ὡς ὅτι το πλεῖστον τὰ τῶν ἐλευθέρων νοσήματα θεραπεύει τε καὶ ὀπισκοπεῖ καὶ ταῦτα, ἐξετάζων ἀπ' ἀρχῆς καὶ κατὰ φύσιν, τῷ κάμνοντι κοινῶς αὐτῷ τε καὶ τοῖς φίλοις, ἀμα μὲν αὐτὸς μανθάνει τὸ πᾶν τῶν νοσούντων, ἀμα δὲ, καθόσον οἷός τε ἐστὶ, διδάσκει τὸν ἀδενέντα αὐτὴν. Isto itaque ævo duæ tantum sectæ Medicinæ videntur fuisse. Successu tamen temporis accessit, quæ videri voluit, etsi inepte, cum revera pertineat ad scholam Rationalem, à duabus hisce plane diversa; cui Methodicorum nomen hæsit, & quidem Asclepiade autore, quem *medendi rationem ex magna parte mutasse* Cornelius Celsus testatur; quanquam Themisoni Asclepiadis discipulo id adscribat Auctor Introductionis Galeno adscriptæ, de quo infra. De tribus autem illis sectis notum est illud Aufonii:

— — Triplex quoque forma medendi:

Quæ logos, & methodos, cuique experientia nomen.

Celsus
l. c.

II. Et quidem, ut de Empiricis prius dicamus, ipsum nomen satis indicat, *in usu tantum & experimentis medicinæ eos posuisse.* Nihilo tamen minus non uno eodemque modo hæc secta semper sese habuit: sed qui hodie ita vocantur ab antiquis longe distant. Veterum scilicet multi erudiri erant & experientiam multis observationibus demum acquiri statuebant, scriptis insuper clari, quique quæ edidissent etiam defendere scirent: quod à nostris valde alienum est. Fuit autem hæc illorum sententia, ceu modo diximus, *solum experimentorum notitiam arti satis esse; quum præsupponerent, Artem certis præceptis, ut ex ipsis scientiam quandam nobis acquiramus, tradi non posse.* Dicebant autem porro *Medicinam ab experimentis esse deductam, repertis deinde Medicinæ remediis homines de rationibus eorum differere cœpisse:* itaque *post inventam Medicinam demum rationem esse quæsitam.* Hinc porro credebant accuratam morborum cognitionem ad Artem non pertinere. Ideoque evidentes morborum causas necessarias esse ad artem tradebant, occultas vero atque obscuras negligebant, utpote quum incomprehensibilis sit illa occultarum causarum cognitio. Denique posse nos usu & experientia multa addiscere, quæ vulgo hæctenus fuerint ignorata. Hæc enim summa est ipsorum doctrinæ, quam pluribus *Cornelius Celsus* præfatione operis sui & post eum *Galenus* libro de sectis ad eos qui introducuntur, exequuntur.

III. Ut autem brevibus ad ipsorum argumentare spondeamus, verum quidem est, artem posteriorem esse ipsa experientia. In universum enim nullius rei notitiam habere possumus, nisi primum experientia & sensuum fide

de

de aliquid perceperimus. Concedimus itaque artem quidem absque experientia esse non posse: sola tamen experientia nitendum negamus. Largimur etiam porro interdum aliquem agris mederi posse quamvis arte non instructum. Verum & casu hoc tantum fieri, & facile talem aberrare posse, dicimus. Caussarum autem notitia quam in curandis morbis utilis sit, per se est notum. Sed quum *Galenus* noster libro de optima secta ad Thrasybulum & altero de Subfiguratione Empirica omnes Empiricorum argumentationes satis prolixè & solide confutaverit, nolumus in his diu immorari.

IV. Autorem hujus sectæ quod concernit, de eo non videtur convenire inter scriptores. Et Celsus quidem Serapionem *primum omnium nihil rationalem disciplinam pertinere ad Medicinam professum, in usu tantum & experimentis eam posuisse* refert. E contrario Autor Medici Galeno vulgo adscripti Philinum Coum, *occasione ab Herophilo, suo præceptore accepta, primum Medicinam à rationali secta separasse* scribit. Subjungit tamen, Philini discipulum Serapionem Alexandrinum in ea secta floruisse. Nec desunt qui Acronem Agrigentinum Empiricam sectam primum condidisse velint. Et constat sane ex Diogene Laërtio, Acronem in magna existimatione fuisse. Hinc quum *inter Medicos arte præcipue excelleret*, ambitione ductus, locum ad monumentum construendum à Senatu postulavit. Qua in re quum Empedoclem adversarium invenisset, hunc tale epitaphium de eo composuisse refert:

Ἀκρον ἱππὸν ἀκρῶν Ἀκρογαντῖνον πατὴρ ἀκρῶν

Ἀκροτάτης κρύπτει κρημνὸς ἀκρῶ πατρίδῳ.

Notandum autem, quod de Philino & sectatoribus modo laudatus Introductionis sive Medici, Autor addit, eos quum
suam

suam hæresin principem esse vellent, Acronem Agrigentinum, quo rationali esset vetustior, ei dedisse initium, dixisse. Ut itaque dicendum videatur, Herophilum fortasse occasionem huic sectæ excolendæ dedisse, Acronem autem pro conditore vulgo habitum, quo maiorem auctoritatem sectæ suæ conciliarent. Verum quum *Galenus lib. de subfig. Empir. cap. i.* Acronem primum *Empiricæ disciplinæ scriptorem expresse* nominet, de eo fortassis dubitandum non est.

V. Post Acronem Philinus Cous Herophili discipulus, Ptolomæi circiter Philadelphi Regis Ægyptii tempora, quam maxime in hac secta floruit; unde etiam sine dubio factum, quod pro conditore sectæ nonnulli eum habuerint. Huic successit Serapion Alexandrinus; quem itidem in magna existimatione fuisse constat. Celsus eum primum Empiricorum facit, fortassis quod nulla nova dogmata invenerit, vel scriptis etiam magnum nomen sibi pepererit. Serapionem Apollonius secutus fuit, & Glaucias; ut Celsus quidem scribit. Sed Autor Introductionis duos Apollonios, patrem & filium, Antiochenos nominat, Glauciæ nulla facta mentione. Verum Glauciæ etiam Galenus lib. de subfiguratione Empirica cap. ult. tanquam jactabundi & arrogantis hominis meminit. Sine dubio itaque Apolloniis hic successit. Neque vero, quod Autor Introductionis ejus non meminerit quicquam nobis derogat: facile enim potuit fieri, uti solet, ut Autor illum neglexerit. Neque etiam videtur illi fuisse propositum, omnes qui sectæ illi præfuerunt enarrare, sed præcipuos tantum. Quicquid vero sit, certum est post hos Menodotum sectam quam maxime illustrasse. Certe magni illum fuisse nominis constat, scriptis etiam insuper clarum. Quo illud referendum, quod
Auctor

Autor Introductionis hunc Menodotum & Sextum Empiricam sectam exacte corroborasse scribit. *Diogenes lib. IX. in vita Timonis Nicæi* Nicomediensem eum facit, & discipulum Antiochi Laodicensi. Menodotum porro immediate Sextus excepit, quem Herodoti Tarsensis discipulum ibidem Diogenes fuisse dicit. Fuit autem hujus præceteris Empiricis magna quondam autoritas & existimatio. Et verò non leviter illum fuisse doctum, apparet ex superstitie ejus hodie opere, de quo paulo post. Multa autem illum scripsisse ex Diogene discimus, qui de scriptis ejus ita pronunciat: *Herodotum Sextus Empiricus audivit, cujus sunt decem illa volumina, aliaque pulcherrima.* Porro (pergit Diogenes) *Sextum Saturrius audivit, cognomento Cythenas, & ipse Empiricus.* Cæterum hic quidem fortassis magistri sui famam non æquavit. Atque hi sunt, qui sectam illam quam maxime illustrarunt. Notandum autem, Empiricos tandem factos fuisse Scepticos & Pyrrhonicos. Notum enim est, Pyrrhonis, quem Scepticorum autorem fuisse & Augusti ætate vixisse constat, sectatores meros fuisse Empiricos: quod ex Diogene Laertio abunde liquet. Quin ipse Cornelius Celsus ad Empiricos referendus possit videri. Instructus sane fuit insigni *ἐμπειρία*, sed à rationibus plerumque destitutus: non annumerandus tamen est Empiricis, quum rationalem sectam haud improbet.

VI. Liquet vero ex his quam celebris olim hæc secta fuerit, quamque magistrorum laude claruerit. Cæterum Galenus ita eos excepit, ut pristinam gloriam nunquam recuperaverint. Quin immo eo res Empiricorum fuere redactæ, ut post Galenum nullus Medicorum vel Empiricus vel eorum causæ tutator voluerit dici. Fatendum tamen nihilominus, etiam plurimos finon plerosque

F

fuisse

fuisse Empiricos. Sane ipse Dioscorides, qui tamen Galenum ætate adhuc præcessit, videtur Empiricus fuisse; quantumvis nonnulli aliter de eo sentiant. Neque aliter judicandum est, ut hunc unum tantum ex Galeno posterioribus nomen de *Avenzoare Arabe*. Vixit ille annos CXXX. & à vigesimo quinto Medicinam facere coepit. Vnde hoc saltem liquet multa eum in praxi observasse, adeoque ab experientia egregie fuisse instructum; ita ut maximum Empiricum haud injuria eum dixeris. Nec vero ipsius libri ostendunt aliquam peritiam rei medicæ insignem aliam quam quæ ab experientia & usu solet derivari.

VII. Quanquam autem adeo celebris hæc secta fuerit, totque præclaros patronos habuerit; hodie tamen ex veterum illorum Empiricorum scriptis paucissima extant. Inter quæ duo tamen sunt sic satis illustria. Vnum est *Scribonii Largi* Medici vetustissimi, Tiberii Cæsaris coætanei: alterum *Marcelli* quem *Burdegalem* nonnulli, & *Claudii Neronis*que ævo vixisse volunt; sed perperam: cum vir præcipua dignitate illustris floruerit medio seculo quarto à nato *Servatore*; quod ipsi illius tituli satis referunt. Præclarum tamen, ne hoc reticeamus, ex illa secta opus philosophicum superest *Sexti Empirici* illius, cujus supra mentionem fecimus, adversus Mathematicos inscriptum, quod cura *Henrici Sthephani* & *Gentiani Harveti* Latine versum, typis excusum est. Per Mathematicos autem ille eos intelligit, qui ratiocinando docent, & vulgo rationales dogmaticive appellantur. Hos, & omnem simul scientiam illo opere irridet, atque per solam experientiam posse artem aut certi aliquid acquiri, ostendere conatur.

IIIX. Plane vero his contrariatur Methodicorum secta, cui *Asclepiadem* primum occasionem dedisse constat.

Si

Si enim nonnullis credendum, rejecerunt illi omnem experientiam, omnem caussarum, facultatum, locique affecti cognitionem; *solam indicationem quæ ab affectu sumitur sufficere ad curationem existimantes*; quemadmodum doctrinam eorum nobis breviter depingit Clarissimus *Lidellius lib. I. Artis Medicæ cap. 2.* Fortassis tamen mitius de illis est sentiendum. Nec vero tale quid in *Cælio Aureliano*, & *Cassio Fatosophista* deprehendas: quorum scripta hodieque superant. Cæterum quoniam etiam adversus hanc sectam late disputat *Galenus* noster tum *libro de sectis cap. V. & seqq.* tum *lib. de optima secta cap. XXI. & seqq.* tum integro *libro I. methodi medendi*, nos lectorem eo amandamus: nihil enim attinet omnia hic referre. Celebris autem etiam hæc secta fuit, magnique nominis defensores aluit, quos Autor Introductionis *cap. IV.* ordine recenset. Inter quos *Thessalus Trallianus*, qui *Neronis* ætate *Romæ* vixit, quemque hanc sectam absolvisse modo laudatus Autor tradit, eoque impudentiæ & arrogantiae processit, ut se *iatropoulos* per summam imprudentiam appellaverit, & artem sex mensibus se traditurum non dubitaverit profiteri: sicuti illud ipsum partim apud *Plinium lib. XXIX. cap. I.* partim apud *Galenum libro I. meth. med. cap. I.* legimus. Extincta vero est & hæc secta simulac *Galen*i doctrina coepit orbi innotescere. Eoque non etiam forte reperias qui post *Galenum* ex illa secta singulare aliquod nomen invenerit. *Cassius* fane & *Cælius* aut pares *Galeno* aut non multum videntur fuisse juniores. Unus inter recentiores *Prosper Alpinus*, magni nominis vir, grande opus in defensionem hujus sectæ composuit; sed lusit operam, nec invenit temere qui applauderent.

IX. Jam pergendum ad Dogmaticam Medicinam.

Dogmatici autem omnes audiunt illi, qui Artem non sola experientia sed hac cum ratione conjuncta demum acquiri & comparari profitentur. Inde etiam Rationales jam ab antiquo denominantur. Docent enim hi uno ore omnes, Artem Medicam esse habitum cum recta ratione effectivum: quam definitionem Artis in universum Aristoteles VI. *Ethic. Nicomach.* ponit. Semper autem horum Dogmaticorum maxima fuit laus & summa existimatio. Neque vero immerito: quum impossibile sit per solam experientiam posse integram artem addisci; quod ex superius traditis, & exemplo civilis prudentiæ, quæ itidem non potest solo usu acquiri, ut multis probatur *l. de civili prudentia, cap. VII.* satis manifestum est. Quamvis vero horum plurimi dudum ante ipsum Galenum fuerint; hunc tamen ipsam Artem primum omnium perfecisse haud injuria, dixeris. *Ἀνάλυσις* certe, quæ omnium scientiarum omniumque artium instrumentum est potissimum, adeo calluit, ut hac laude omnes tum antegressos tum post secutos longe superaverit. Ad quam cum accederet summa industria, judicium exquisitum, & studium à sectis alienum; non est mirum, ad illud culmen ipsum pervenisse. Sane summo jure Pater Artis vocari possit.

X. Quamvis autem Dogmatici Empiricis proprie oppositi sint; non semper tamen etiam hi idem senserunt: perinde ut & hodie inter omnes non æque convenit. Videntur itaque non male in certas quasdam ætates posse dividi. Et prima quidem ætas ab Hippocrate ad Erasistratum & Herophilum usque, quorum uterque paulo post tempora Alexandri Magni vixit, pertingit. Vocari autem forte potest Hippocratica secta, propterea quod omnia aut certe pleraque & potissima dogmata Hippocratis

tis secta isthæc Medicorum amplexa sit. Sane non defuerunt etiam secuta ætate qui tanti fecerunt Hippocratem, ut eum *tam fallere quam falli nescire* arbitrati fuerint; quomodo de illo *Macrobius* etiam l. 1. in *somn. Scipionis* cap. VI. loquitur.

XI. *Rationalis* certe sectæ & auctor & princeps Hippocrates *Cous* fuit; ut recte *Auctor Introduct. cap. IV.* scribit. Nec vero ferendi sunt illi, qui tantum virum inter Empiricos non erubescunt numerare; idque eo quod nulla præcepta Artis in ipsius operibus tradita reperiantur. Quibus cum tamen non dubitavit facere Hieronymus Cardanus, vir alioquin in omni doctrinarum politiorum genere miris modis versatus. Est autem hæc insignis summo & principi Medicorum illata calumnia. Enimvero multa reperiuntur in libris, præsertim de morbis mulierum, Hippocratis *Ἱπποκράτους*, ubi causas subtili mentis ratiocinatione *Cous* Senex indagat; quod tamen ab Empiricorum instituto est alienissimum. Nota porro est præclara ejus vox: *δὲ μὲν ἀγεῖν τὴν σοφίαν εἰς τὴν ἱτρικὴν, καὶ τὴν ἱτρικὴν εἰς τὴν σοφίαν. ἱτρὸς ὃ φιλόσοφος ἰσόθεος.* Quod profecto non dixerit Empiricus, si velit *τὴν θεῶν φυλάττειν*: utpote qui damnat omne philosophiæ studium. Multas insuper disputationes Physiologicas proposuit; sectione prima editionis Foëssianæ operum ipsius contentas; quæ procul ab Empiricis eorumque placitis abeunt. Libro porro primo Aphorismorum plurima occurrunt, quæ artem, nequaquam vero *ἐμπειρίαν*, sapiunt. Testatur vero etiam *Celsus lib. 1. de Hippocrate*, quod rerum naturam sit scrutatus, sive ut ipse loquitur, quod *rerum naturæ sibi cognitionem vendicaverit*: quam tamen Empiricus non curat. Quamvis autem methodum medendi, quemadmodum Galenus, non tradit; curationes ta-

men methodice instituit: Licet has etiam per *ἐμπειρίαν* non raro peregerit, sicuti etiam à plerisque hodieque fit, eo quod via omnes morbos curandi nondum hætenus plene perfectèque sit investigata. Neque vero vel librum de Veteri Medicina vel Erotianum moramur. Namque istum quidem falso in Hippocratem referri & potius Acronis (de quo supra) scholam sapere; illum vero hominem Grammaticum non satis aptum esse qui de Hippocrate iudicet, jam tum *præfatione in observationes Salmuthi* notavi. Jam olim autem Hippocratem à nonnullis pro Empirico habitum fuisse, ex Galeno discimus comment. III. in lib. Hippocr. de victus ratione in morb. acut. num. 62. & comment. III. in lib. de articul. 28. quo posteriori loco ita loquitur: Volo nunc vel semel indicare commemorareque id quod in primo statim libro de Hippocratis dissertatione dictum à me est: ubi impudentiam experimentatorum agnosces, qui Hippocratem experimentarium vocare audebant. Experimentarius enim omnium maxime qui in medicina arte versarentur, erat: maximeque experimentis animum advertebat, omniaque eis probandi esse censebat. Ut rem tamen assequetur, multis rationalibus commentis uti consueverat. Plura in Hippocratis defensionem in laudata præfatione leguntur.

XII. Altera ætas usque ad Galenum pertinet. Comprehendit autem hæc varias sectas & scholas Dogmaticorum Medicorum: quarum præcipuæ sunt Erasistrataea, Herophilæa, Asclepiadæa, quæ Methodica, & Athenæi Attalensis. Et quidem quod Erasistratarum sectam attinget, nobis illa & magnæ autoritatis fuit, cœpta autore Erasistrato Chio; qui paulo post Aristotelem floruit. Creditur ille à nonnullis Aristotelis nepos esse, idque diserte prodicitur

ditur à Plinio. At ex Sexto Empirico & aliis liquet fuisse illum privignum filiaë Aristotelis, non autem matre illa natum. Fuit autem vir magni nominis, & isto ævo primaria autoritate præditus. Cæterum ex scriptis ejus hodie plane nihil superest. Interim, varia ipsius dogmata apud Galenum legimus, qui adversus hanc sectam passim disputat. Hujus enim etiam tempore hæc secta superfuit præcipua laude. Extant etiam aliorum singulares libri adversus Erasistratum ejusque sectores: quos nemo cum fructu legerit, nisi ex Galeno Erasistrati placita ante perceperit, Sed de Erasistrato sequenti capite iterum aliquid nobis dicendum veniet.

XIII. Sequitur Herophileorum secta, & ipsa satis insignis, circa Erasistrati tempora orta principe Herophilo Chalcedonio; qui ea peritia anatomices fuit, ut primas illi tota antiquitas deferat. De quo ipso infra, ubi de studio Anatomico ex professo agemus, plura in medium nobis afferenda venient. Sed nec hujus tamen utut tam celebris quondam viri, ullum scriptum amplius extat; eoque dogmata ejus ex Galeno & aliis sunt addiscenda.

XIV. Succedit Asclepiadea, secta itidem nobilissima, instituta ab Asclepiade Bithyno, magni illo quondam nominis Medicinæ magistro, de quo seq. cap. plura Fuit autem hic pater methodicæ sectæ. Veterem sane *medendi rationem ex magna parte mutavit*, Celso teste. Sectatores ejus Methodici dicti sunt, quod brevem Artis methodum profiterentur: & hinc haud incommodo cum Petri Rami sectatoribus possunt comparari. Diximus autem jam tum supra de hac secta, ideoque hic sumus parciores. Duo autem tantum ex veteri ævo Methodica scripta habemus: *Cassii Patrosophistæ problemata & Cæli Aureliani Tardarum*

rum & Celerum (hoc est, chronicarum & acutarum) passionum libros, scabrô stylo conscriptos.

XV. Ultima ex hac ætate secta est quam Athenæus Attalensis instituit. Fuit hic Medicus insignis, ita *nullus ex junioribus Medicis ita universam scientiæ medicinalis tractationem elaboraverit, sicuti Athenæus*; qua laude Galenus eum afficit *lib. 1. de Element. cap. 6.* Verum illius etiam scripta omnia interciderunt: ideoque quicquid de eo ipsiusque dogmatibus nobis cognitum est, omne Galeno debemus. *

XVI. Hæ sunt sectæ Medicorum, quæ & ante Galenum exstiterunt, & ejus tempore etiamnum floruerunt. Restat jam ut de Galeno nostro aliquid narremus. Hic sexcentis circiter post Hippocratem annis inter Rationales Medicos ita eminuit, ut palma summo jure ipsi debeatur. Hic est ille Claudius Galenus Pergamo ex Asia oriundus. maximus vir medendique artis quasi quoddam numen. Quanquam enim solus ille non omnia perfecit, neque etiam unus sit imitandus; ita tamen cæteros præcellit, ut nullus sit hætenus inventus, qui tanto studio & industria dogmaticam hanc artem excoluerit. Ipse quidem nulli uni dogmaticæ sectæ fuit addictus, nihilominus tamen maxime Hippocratem sectari videri voluit, cujus etiam summum egit enarratorem. Licet vero ita talis haberi voluerit, fatendum tamen in pluribus eum non videri Hippocraticum, utpote qui interdum plurimum à dogmatibus Hippocratis abeat, nunc aperte, nunc clanculum. Nec enim quæ ille Hippocrati tribuit genuina semper sunt Hippocratis placita, sed sæpe ipsiusmet Galeni, Hippocratico nomine duntaxat, majoris auctoritatis captandæ causa, fucata. Vnde vera & genuina Hippocratis inter-

interpretatio ex Galeno semper non est petenda. Quod ipsum dudum etiam monitum, legere est in *præfat. ad lectorem. libri de generat. sanguinis*. Certe si leges interpretandi observare velimus, plurimum Hippocratem à Galeno dissidere deprehendemus. Multa scilicet à Galeno ex Hippocrate in alium sensum trahuntur. Interim tamen & quidem in plerisque Hippocratem sequutus fuit, fecitque eum maximi. Cæterum non abs re fortassis fuerit, si hoc loco *Casparum Hofmannum*, quem ipsius Pergameni Clinicum Carolo Sponio ex dedicationi Institutionum ejus Medicarum non incommode appellaveris, loquentem audiamus. Ita autem ille præfatione ad lectorem libro de Thorace præmissa. *In Methodo Galenus ita explevit omnes generosi Medici partes, ut paulo minus quam inepti sit, dubitare. Et ut merito laudes ingenuitatem ipsius in fuga sectarum in aliis, ita jure carpas Φιλοτιμίαν ipsius juvenilem, à seipso sene damnatam. Cum enim (dicendum est, quod res jubet) in omni Medicinæ parte superior esset Erasistrateis, Herophileis, Methodicis, aliis ejus seculi pestibus, putabat bonus vir imperium quoque in Aristotelem sibi esse. Hac in re subsidium ferebat illi non vulgare facundia Asiatica, qua anteibat Peripateticos omnes illius ætatis. Qui cum bonam causam male agerent, mirum videri non debet, si Galenus, & tum, & hodie multos sibi conciliavit amicos. Ego vero libere dicam de ipso pugnaturiente, quod de heroë suo Maro,*

Arma amens captat, nec sat rationis in armis.

Hui, dicat aliquis, de tanto viro tantoque opere de arte merito, tam humiliter loqueris tu? Ego vero nisi id verum esse demonstravero, indignus sim nomine boni viri! Quum-

que de principatu partium, de quo inter Aristotelem & Galenum controvertitur, exemplum attulisset, ita pergit: *Et ne sine exemplo fecisse videretur, Hippocratem & Platonem monstri huius dogmatis autores facit: at qua fronte? Vbi enim alteruter id docuit? Nec dubito fuisse etiam olim motam ei hanc litem, quandoquidem librum alicubi se scripsisse ait de iis, in quibus Plato dissentit à seipso in doctrina de anima.* Sed tota præfatio huc pertinet: in quam rem non semel etiam alibi differit. Nimirum numerandus & Galenus est inter Aristotelicos: etsi interdum voluerit videri Platone studiosior. Namque totam artem medendi superstruxit fundamento Aristotelicæ doctrinæ de viribus tactilium qualitatum; nec nisi in paucis ab Aristotele dissensit. Recte certe rem putantes non possumus non pronunciare *Φιλοσοφήματα* ipsius propria Aristotelicis quam Platonice esse sententiis, quemadmodum monuimus *Introduct. in Natural Philosoph. cap. II. th. 17.* Verum de Galeno sequenti capite iterum dicendum veniet: & plurima quæ huc pertinent, eaque longe utilissima habentur in vita Galeni, quam operibus ejus *Conradus Gesnerus*, (cujus nomen in Venetis exemplaribus per summam injuriam reticetur) vir optimus & quo nemo litterariam rempublicam juvandi fuit studiosior, præmisit; quam lectoribus etiam atque etiam volumus commendatam.

XVII. Pergimus itaque jam ad tertiam ætatem, ad quam omnes Medici Græci pariter & Latini pertinent qui post Galenum ad seculum usque à nato Salvatore nonum præter propter vixerunt. Quorum Græci plerique Galeni dogmata amplexi sunt. Horum autem præcipui sunt *Areæus, Aetius, Paulus Ægineta, Alexander Trallianus, Paulus & Joannes Jatrofophistæ, Alexandrini, Simeon Sethi*

thi filius, Actuarius, Nonus, Myrepsus: qui omnes Galenum ejusque placita defenderunt. In tantum enim ejus crevit auctoritas, ut dicta ejus adinstar oraculorum multi horum suspexerint. Præ aliis autem Oribasius ita Galenum fuit sectatus, ut summi Galenicæ titulum hinc meruerit. Nonnulli tamen ab ejus sententia interdum ausi sunt discedere, interque eos præcipue Alexander Aphrodisæus. Ex Latinis tum vix quisquam alicujus nominis fuit præter unum Cœlium Aurelianum, qui tamen Methodicus fuit. Reliqui Empirici potius quam Dogmatici appellandi sunt: certe nullus fuerunt eruditionis. Similiter etiam Arabes communiter Galeni auctoritatem venerati sunt, & consulto consilio ab ipsius sententia non facile discesserunt. Vnicus Averrhoes Cordubensis vir ingeniosissimus, de quo seq. cap. plura, aliquid contra Galenum movere ausus fuit, cum primis autem in doctrina de constitutione hominis. Duravit autem hæc Arabum quidem ætas à seculo nono circiter ad usque tertium decimum.

XIIIX. Cæterum seculo tertio decimo varia tum philosophica tum Medica Arabum scripta in Latinum sermonem verti & ex ita versis præcipua Philosophiæ & Medicinæ præcepta peti cœperunt; occasione ex sacris Europæorum Christianorum ad terram sanctam recuperandam expeditionibus sumpta; idque ad usque annum supra millesimum quingentesimum. Ex illo vero tempore longe aliam faciem Ars Medica in Europa accepit. Etenim ad usque seculum sextum decimum in Occidente Medici magnam partem sequuti sunt Medicos Arabas, qui ante longe aliter sua scripta confecerunt, ut libri ipsi luculente docent. Vixerunt autem tum temporis præclari Practici, quamvis propter seculi istius infelicitatem omnes barbare scripserint.

Secuti vero quam maxime sunt ex Arabibus Avicennam, Rasin, Mesuen, Serapionem, Haly Abbatem, Avenzoarem: utpote quum Avicennæ nonnulla & Rasis ad Almanforem liber nonus in scholas publice explicandi recepti sint.

XIX. Hoc itaque statu res Medica mansit, donec circa annum millesimum quingentesimum novam iterum faciem Ars nostra induere cœpit. Nam circa illa tempora ipsa tum Hippocratis tum Galeni genuina scripta ex Græco in Latinum verti atque in lucem edi cœperunt. Et primus quidem in utrumque curam impendit Nicolaus Leonicens Ferrariensis, vir elegantiori doctrina plane imbutus: qui duos præclaros discipulos reliquit, Antonium Musam Bravolam, & Joannem Monardem, utrumque Ferrariensem: quibus tertium nulli inferiorem Joannem Baptistam Montanum Veronensem summo jure jungimus. Circa eadem tempora nonnulli laxatis ingenii habenis, variis modis Artem excoluerunt, veterum medicorum non perinde reverentes. Itaque inter illos qui ab exordio seculi decimi sexti floruerunt, magnum est magistrorum discrimen. Alii scilicet ne latum quidem unguem à Galeni placitis discedere voluerunt, atque adeo in verba illius magistri quasi juraverunt. Quam laudem præ aliis Florentini quidam & nonnulli Italorum alii affectavere, inter Germanos horum vestigia magnam partem calcante Leonharto Fuchsio. Alii contra autore præcipue Andrea Vesalio Bruxellensi, qui primus Galeni in Anatomicis errores commissos notare ausus fuit, in multis à Galeno dissentire non dubitaverunt. Quorum agmen ducunt Johannes Fernelius in Gallis, & Johannes Argenterius in Italis. Fuere & qui pressius voluerunt videri sectari Hippocratem: ut Jacobus Holle-
rius, Ludovicus Duretus, Desiderius Jacotius, Anutius Foë-
sius

fius, omnes Galeni: quanquam & ipsi multum ab Hippocrate dissenserint. Non defuerunt etiam qui Arabum partes acriter defenderint & summis viribus pro illis pugnauerint: quos inter celeberrimi, Sebastianus Montuus, Andreas Thuringus, Andreas, Alpagus & Remaclus Fuchs. Ex aduerso alii Arabum doctrinam exploserunt, imprimis illi Galenici; quod ipsum magnis contentionibus ansam dedit.

XX. Superiori porro illo seculo exorta est nova & haecenus inaudita Medicorum (si modo illo nomine digni sunt) secta, autore Philippo Theophrasto Paracelso; quomodo quidem nequam ille, proprio nomine corrupto, una cum magnificis & pomposis aliis titulis audire voluit. Hic monarchiam quasi in Arte cum facienda tum docenda affectans, omnibus ante se natis explosis & irrisis, absurda, inaudita, pernitiola & summe impia dogmata in Artem & Philosophiam universam introduxit, eamque omnem suis sordibus conspurcavit, multis iisque nugacissimis scriptis exaratis: idque omne specie potissimum Chemicæ peritiæ quam sibi non vulgarem *δ βαλανο* forte acquisiverat. Prætextu sane præcipue Chemicæ, novam, falsam atque noxiam Medicam doctrinam effluxit: qualis nec quidem per somnium cuiquam in mentem antea unquam venerat. Ex illo itaque tempore nostra ista indocta atque monstrosa secta Medicorum cœpit; quæ tamen non tam Paracelsica quam Chemica, vel vero Hermetica dici voluit, quasi scilicet Hermes Trismegistus illa dogmata jam olim in Ægypto tradidisset; quum tamen insana hæc schola agyrtam & ardelionem illum Paracelsum, non Hermetem aut quenquam alium autorem habeat. Invenit ille Paracelsus laudatores complures: vix quisquam tamen omnia illius probavit, sed omnes propriis sententiis quibusdam excogitatis, quasi novarum

varum sectarum voluerunt auctores videri: nisi quod in universum remedia Chemico more parata, aliis pene contemptis, quam maxime usurpare soleant. Cum noxia autem adeo sit hæc secta, immortalem gratiam tum Thomas Erastus tum alii apud universam eruditorum rempublicam inierunt, quod iustis voluminibus eam voluerint retundere. ***

De Calido in-
nat. c. 5.

XXI. Sequito vero tempore inventi sunt nonnulli Medicorum inter Galenicos & Hermeticos, qui ex Paracelsica & veteri Dogmatica Galenica Medicina mediam quasi sectam condere allaborarunt. Cum primis autem hoc conatus fuit Daniel Sennertus, vir celeberrimus, quique magnam *estimationem, quam ille diligenti naturalis philosophiæ ac medicinæ cultura merito sibi peperit immortalem*, apud eruditos invenit. Huc vero pertinet præcipue liber illius cui titulus: *De consensu & dissensu Chymicorum cum Aristotelicis & Galenicis*; quem proinde non injuria suspectum habuit Caspar Hoffmannus noster. Nec tamen etiam hac in doctrina constantem se exhibuit. Alibi enim, cum primis in Praxi Medica, vulgatæ doctrinæ magis adhæret, alibi Paracelsicis est affinior, præcipue in illo quem diximus libro & in Hypomnematis. Et vero videtur jam senior nova illa magis magisque probasse. *

XXII. Reperiuntur insuper etiam nonnulli, qui Iatromathematicorum titulo insigniri cupiunt. Conantur autem illi Astrologiam cum arte Medica conjungere, nihilque agendum esse cælo inconsulto contendunt. Iam olim autem in eadem opinione & Ægyptios & Chaldæos fuisse, & divinatricem Astrologiam statim apud eos supersticiosam Medicinam peperisse, recte observavit Picus Mirandulanus lib. XII. cap. 6. divini illius contra Astrologos operis. Pertinent autem ad hanc classem plerique illorum, qui

qui Calendaria sua evulgant. Quos inter antesignanum quasi agit Gregorius Collimitius Tanestetterus; qui hoc in genere aliquot scripta publicavit, quorum catalogum, si tanti est, apud Schenkium videre potes. Merentur autem de hac re expendi, quæ doctissimus *Langius l. 1. Epist. 35.* perscripsit.

XXIII. Sed & alii novas sectas instituere cœperunt. Qualis cum primis est *Joannes Baptista Helmontius*, ille qui sese per ignem Philosophum nuncupare insolenti titulo voluit, ac si hujus beneficio Philosophus evasisset. Ex parte autem hic Paracelsum sectatur, ex parte vero nova multa & hætenus nunquam audita commentus est. Ideoque in universum omnibus, quotquot hætenus vixerunt, Medicis convitium dicere, se vero unicum verum Medicum à Deo ipso conditum, atque adeo illum quem *Siracides* honorandum dixit, pronunciare, ridicule & inepte non dubitavit. Quamvis vero nonnulla habeat haud contemnenda, pluraque tamen.

Non sani esse hominis non sanus juret Orestes.

*** Multum certe fallitur qui ejus credit jactabundis vocibus. Usu tamen Chemicorum operum sic satis videtur valuisse: at ille neminem vere medicum facit, prout notum est.

XXIV. Ut in pauca igitur ea quæ diximus conferantur, in hunc modum hodie sese artis nostræ facies habet. Alii plane sunt Paracelsici sive Chemici vulgo dicti: alii Galenicolum: alii inter hos medii, Galeni scilicet & Paracelsi pariter dogmatibus instructi: Hippocratici alii sed pauci: complures denique nova inculcant dogmata. Sed hæc de sectis Medicorum dicta sunt.

ADDI-

ADDITAMENTA.

I. ✱ *Priorem Empiricam* &c. Non tempore, sed ordine quo usus est auctor in recensendo. Medicinam enim inter initia experimentis constituisse, illisque solis primas inhæsisse medentum, extra controversiam quidem est positum, adeoque ἐμπειρία τῷ λόγῳ utique fuit prior: sed sectæ tamen nomen non sustinet. Nulla enim secta est, nisi secedant in partes Doctores; nec secari disciplina potest, quæ nondum est perfecte constituta. Ubi vero certa aliqua artis ratio cepit haberi, tum demum hæc nota fuit dissensio. Videbant enim nonnulli, non satis imbuti liberalibus disciplinis, Rationes nonnunquam difficiliter inveniri, atque in rebus abditis aquam hærere magistris haut contemnendis: alios item alias, & sæpe contrarias aut longe à se diversas ejusdem rei reddere causas, nec minus ideo feliciter artem facere. Hinc tandem cogitare cæperunt, an non abrogari possint omnes rationes rerum abditarum, solaque experientia sufficere. Deinde hoc constituto, à priori & rationali disciplina, non satis cauti collectores defece-
runt.

In Præ-
fat.

✱ ✱ *Quæ videri voluit, etsi irrepte, cum revera pertineat ad scholam rationalem* &c. Egregie Celsus, de eadem re: Themisonis vero amuli (Methodici) si perpetua, quæ promittunt habent, magis etiam quam illi rationales sunt. Neque enim si quis non omnia tenet, quæ rationales alius probat, protenus alio novo nomine artis indiget, si modo, quod primum est non memoria tantum, sed rationi quoque insistit. Cæterum de auctore hujus sectæ mox ad §. II. X. plura dicemus, & pressius rem examinabimus.

V. ✱ *Qui sectam illam quam maxime illustrarunt.* Addit Celsus, aliquanto post Apollonium & Glauciam floruisse Heraclidem Tarentinum. An igitur hic post Saturrium, an vero simul cum Herodoto, aut Sexto? Gesnerus in Bibliotheca Mantix discipulum fuisse ait, quem deinde Herophili sectatorem facit. Aliquot librorum ipsius mentionem facit, ex quo apparet, scriptis eum quoque inclaruisse,

✱ ✱ Cum

* * Cum rationalem sectam haut improbet. Celsus qualis fuerit, ipse prodit: in procœnio enim, postquam rationes & dogmata utriusque sectæ recensuit; subiiciendum esse, pergit, quæ proxima vero videri possint, & quid in utraque probet vel non, his verbis docet: Ea neque addicta alterutri opinioni sunt, neque ab utraque nimium abhorrentia, media quodammodo inter diversas sententias: quod in plurimis contentionibus deprehendere licet sine ambitione verum scrutantibus, ut in hac ipsa re. Nam quæ demum causæ vel secundam valetudinem præstent, vel morbos excitent; quomodo spiritus aut cibus vel detrahatur vel digeratur; ne sapientiæ quidem professores scientia comprehendunt, sed conjectura persequuntur. Cujus autem rei non est certa notitia, ejus opinio certum reperire remedium non potest, verumque est, ad ipsam curandi rationem nihil plus censerre quam experientiam. Quamquam igitur multa sint, ad artem ipsam non pertinentia, tamen eam adjuvant, excitando artificis ingenium. Itaque ista quoque nature rerum contemplatio, quamvis non faciat medicum, aptiorem tamen medicinæ reddit & perfectum, verique simile est, & Hippocratem & Erasistratum, & quicumque alii non contenti, febres & ulcera agitare rerum quoque naturam ex aliqua parte scrutati sunt, non ideo quidem medicos fuisse, verum ideo majores medicos extitisse. Ratione vero opus est ipsi medicinæ, etsi non inter obscuras causas, neque inter naturales actiones, tamen sæpe. Est enim hæc ars conjecturalis, neque respondet ei plerumque, non solum conjectura, sed etiam experientia: & interdum non febris, non cibus, non somnus subsequitur sicut assuevit. Multa deinde alia ejus generis subjungit, cur ratiocinatione opus esse putet explicans: ut plurimum de rationali medicina tenuisse videatur, ex empirica vero nihil, nisi quod occultas causas & latentes, tum morborum tum partim actionum rejiceret: Non tamen id fecit ideo, quod nihil ad curandi artem putaret spectare, quemadmodum faciebant empirici: sed quia, cum ne ipsi quidem sapientiæ professores (prout tum quidem ei videbatur) eas possent assequi, adeoque meræ essent conjecturæ, ut tales, nihil certi haberent. Neque tamen eas prorsus negligi volebat, sed assidue in iis exerceri suadebat plane prævidens optime, multa earum esse ejusmodi, ut non

inutiles aliquando sint futuræ; quod si essent, ingenium tamen iis excitari, & ad reliqua capienda magis reddi idoneum. Itaque egregius hic vir ad empiricos refutandos in hac sua præfatione fundamenta jecit, & ipsi Galeno præluxit, Qui deinde acrius adversus illos insurgens, in eo capacissimum ingenium suum occupavit, ut etiam hoc de latentibus causis, cum naturalium actionum tum morbosarum dubium è medio tolleret, utque ostenderet, earum inquisitionem & esse apprime necessariam, & non omnem de iis assequendis spem adjiciendam. Utrumque vero præstitit peregre, & factis ipsis comprobavit, respondente maximis conatibus fortuna; cum non magis acriter in templo Pacis disputaret, quam ad lectos ægrotorum feliciter ageret. Ubi, postquam sæpius adstantes empiricos in ruborem dedisset, tandem *libris de Usu partium, locis affectis, & Methodo medendi* plane obruisse videtur; quos qui legit attente, & citra præjudicium expendit, nec empiricos tum obmutuisse mirabitur, nec de felici tandem progressu his quoque temporibus, ubi undique turbatur libris & opinionibus, desperabit.

LIX. ✱ *Cui Asclepiadem primum occasionem dedisse constat. Prudenter Occasionem dedisse!* Non enim videtur Sectam ipse instituisse, sed primus tamen auctor fuisse mutationis illius quæ subsecuta est, & partem ejus invenisse, Themison vero eam roborasse & nomen imposuisse videtur. Neque enim auctor introductionis tantum hunc auctorem facit, sed & ipse *Galenus Meth. Med. l. 1. c. 4. communitates eum primum peperisse, hujusque unius esse monstrosos illos fetus, ceu patris legitimos filios; capite vero 7. eum fundamentum hujus insaniæ jecisse ait.* Erant autem communitates & Methodus medendi ipsa fundamentum doctrinæ Methodicorum. Posset tamen alicui dubium subnasci, quod Pli-

Nat. hist. Lib. 27. c. 3. *nus harum inventionem etiam Asclepiadi adscribat: Juvat ejus verba recitare, nam per ea etiam de tempore quo turbæ istæ ceperint, constabit, uti & de ipso etiam Asclepiade, ejusque conditione ac moribus. Sic ille: Durabat tamen antiquitas firma, magnasque confesse rei vindicabat reliquias, donec Asclepiades, atque Magni Pompeii orandi magister, nec satis in arte ea quaestuosus,*

ut ad alia quam forum sagacis ingenii, huc se repente convertit, ac meditata quotidie oratione blandiens, omnia abdicavit, totamque medicinam ad casum revocando, conjecturam fecit, quinque res maxime Communium Auxiliorum professus: Abstinentiam cibi, alias vini, (frustra emendatur Aliquando vini, Alias enim hic alio tempore est) fricationem corporis, ambitionem, gestationes. Apparet hic jam simul, quæ fuerint communitates istæ. Verumenimvero, Themisonis communitates ab his longe erant diversæ: Nam postquam glaciem Asclepiades fregerat, & posse contemni autem ostenderat primus, alii multi secuti sunt, varie sentientes. Tandem hæsit, plurimisque placuit quod Themison excogitavit. Id iterum Celsi elegantissimis verbis eloquemur: *Et quidem me-* cit. loc. *dici seculi nostri, sub auctore, (ut ipsi videri volunt) Themisone contendunt, nullius cause notitiam quicquam ad curationes pertinere, satisque esse quedam communia morborum intueri. Siquidem horum tria genera esse: unum astrictum, alterum fluxens, tertium mixtum &c. Ex his perspicuum est quod diximus, nempe alias longe fuisse Asclepiadis, alias Themisonis communitates, huncque verum esse τῶν μεθωδῶν Methodicorum inventorem; ex quo deinde, quia tam brevistanque concinna hæc methodus ipsis videbatur, Methodicorum nomen assumere. Interim tamen, neque post Themisonem etiam omnes Methodici semper idem professi sunt, id enim docet nos iterum Galenus, ubi ait: Post hos vero secuti sunt omnes, & inter se, & ab ipso Thessalo (erat is diu post Themisonem, ut mox ex auctore patebit) dissentiunt, nec easdem communitates tradentes, nec omnino inter se vel in uno concordantes. Id quod sæpe numero tibi, ipsis etiam Methodicis presentibus, ostendi: forassequæ aliquando, majus otium nactus, de inconstantia ipsorum scribam.*

Meth.
Med.lib.
l. c. 4.

* * Fortassis tamen mitius de iis sentiendum. Non licet de iis quæ ex Celso adduximus, dubitare: Non tamen omnes his strictim inhæsisse, ex iis discere est, quæ modo ex Galeno addidimus. Nempe ut quisque indocior, eo & impudentior: Thessalus in testimonium prodeat. Igitur & scripta eorum longe differunt. Aperta autem erat janua cuique ex plebe, se me-

dicum statim profitendi, postquam tam brevi methodo licebat in hac secta artem perdiscere: *Hinc adeo fiebat, ut etiam sutores & tinctores & fabri tum mæuriarii tum ferrarii, proprio ministerio relicto, in medicæ artis opera insilirent, conquerente de eo Galeno Meth. Med. l. 1. c. 1.* Quis vero de iis quicquam elegantius expectasset?

X. * *In certas quasdam ætates posse dividi.* Rationalis sectæ tanta est latitudo, quanta ipsius rationis: Neque fieri potest ut omnes rationales medici idem prorsus sentiant, cum nec pares ingenio sint, nec artis analyticæ æque omnes periti, nec ejusdem diligentia & industriæ: imo addo etiam felicitatis. Ex quibus omnibus fit, ut ea perspiciantur ab his, quæ aliis ne in mentem quidem unquam venit esse inquirenda. Institutio quoque à puero multum præstat ad scientiam acquirendam: quum enim una sit ad veritatem via, ad errores vero & fallacias per multæ, si quis semel à recto tramite aberraverit, nihil certius, quam in infinita incommoda ipsum iri abductum. Hinc tam necessarium est, sub præceptore & manu ductore proficere: ut Galenus non dubitaverit Thessalo objicere, non posse ipsum de Hippocraticis scriptis ferre judicium, quod ea non sub præceptore legisset: Quod si hodie etiam observarent tyrones nostri, analyticæ insuper paulo pleniorẽ acquirerent peritiã, antequam artem excolere inducerent animum, non est dubium, longẽ majorem inter eos consensum futurum fore: Nunc cum quilibet ipse sibi somnia fingit, nec ex naturæ operibus eruere, sed ex proprio cerebro nova producere principia æquum putat, quid aliud nisi nugæ & fabulas licet expectare? Sunt profecto ejusdem naturæ opera non modo abscondita, sed etiam infinita, ut qui vel maxime in ea inquirat sedulitate, si voti compos fiat, inter felicitatis partes quod numeret sit habiturus: si enim non omnia ejus generis, in quo animum occupat, habeat perspecta, facilis est in errorem lapsus. Taceo quod demonstrationis in arte principium unicum experientia nobis sit, ἡ δὲ πείρα: Φαλερεν. Id quod integro libro ostendit Illustris Boyle quem in scripsit de infido experimentorum successu. Quemadmodum autem, ut in aliis disciplinis, ita etiam in hac nostra, mutuis & unanimis;

unanimes consensus, qualis erat elapsis seculis, deinceps nunquam videtur sperandus, ita omnium opiniones diversissimas enarrare, nec factu facile est, neque etiam attinet quicquam. Sufficit eorum sententias cognoscere, qui circa principia dissident. Prudenter enim Celsus, *si quis non omnia tenet, quæ rationalis aliquis probat, eum non propterea protenus alio novo nomine artis indigere censuit, quem locum supra adscripsimus integrum.*

XI. ✱ *Acronis scholam sonare.* Cur librum de veteri medicina *ἐμπειρίαν* sapere dicat, apertius docet *Lib. II. de Herm. Med. c. 2. p. 180.* In quibus, fateor me à viro alioquin in his dijudicandis exercitatissimo non nihil dissentire: Ut enim Hippocratis non esse, facile mihi patiar persuaderi, propterea quod dogma de quatuor humoribus, quod in omnibus scriptis Hippocraticis receptum legitur, rejecit; adeoque non video quo jure doctissimus Ethmullerus ex hoc probare conetur, Hippocratem fuisse. Chemicum, ita ex schola empiricorum prodiisse, merito potest dubitari. Nam & cur lædat crassior cibus, & cur intempestive ingestus noceat, reddit rationem. Deinde &, postquam calidum frigidum, humidum & siccum rationibus oppugnavit, iisque non contemnendis, quomodo amara, acida, acerba, corpori noxam inferant, ostendit: quod sane non fecerit empiricus, quippe id hominum genus internas & abditas rerum causas rejicit omnes, ut ex ante dictis constat: tales autem sunt amarum, falsum, acidum &c. Edit. Foëf. p. 10. lin. 30. & p. 12. lin. 15.

Extat quidem & locus nonnihil obscurus qui scrupulum movere possit, ubi ait: *λέγεται δὲ τινες καὶ ἰητροὶ καὶ σοφισταί, ὡς ἔκ ἐνὶ δυνατόν, ἰητροὶ μὲν εἰδέναι, ὅτις μὴ ὅτι ἐστὶν ἀνθρώπου, καὶ ὅπως ἐγένετο πρῶτον, καὶ ὅπως συνεπαύη: ἐγὼ δὲ τῶντέων μὲν ὅσα τῶν εἰρητῶν σοφιστῶν ἢ ἰατρῶν, ἢ γέγραπται περὶ φύσεως, ἢ τῶν νομίζων τῇ ἰατρικῇ τέχνῃ προσήκειν, ἢ τῇ γραφικῇ.* Dicunt autem nonnulli Medici & Philosophi (ita hic interpretari rectius nomen σοφιστῶν puto) fieri non posse ut quis medicinam calleat, qui nesciat quid sit homo, & quæ ejus prima generatio: Ego vero ea quæ de natura à tali philosopho vel medico dicuntur scribuntur, minus ad artem medicam quam pictoriam pertinere arbitror. Ex quibus verbis existimare quis posset, illum physiologiam omnemque anatomen damnare: sed penitus considerari patebit

non de rebus ipsis, sed de modo quo describebantur ista, cum disputare. Videntur enim in ea philosophiæ infantia, neglectis internis & abditis, magnitudinem & proportionem partium tantum tradidisse, cum alias non liceat dicere, qui ad pictoriam talia referri queant. Hinc istis subjungit, manifestam naturæ cognitionem non aliunde quam ex arte medica haberi posse, indeque plerosque ea omnia certè cognovisse: addit his: *ἐπεὶ τοι γέ μοι δοκεῖ ἀναγκαῖον εἶναι πάντι ἡντὶ πρὶ Φύσεως εἰδέναι, καὶ πάντῃ σπεύδασαι ὡς εἴτετα, εἰπέρ τι μέλλει τῶν δεόντων ποιῆσαι;* *Quandoquidem naturæ cognitio mihi videtur medico necessaria, isque omni studio contendere debet ut sciat, si quid recte præstare volet. Tandem: Non sufficere, ait, ut quis sciat, caseum malum esse edulium & quod se eo ingurgitans dolorem sentiat, sed nosse oportere, quemnam dolorem & quasnam ob causas inferat: Quibus omnem de εὐπειρίᾳ suspicionem à se videtur amovisse. Sed & porro Medicum discere jubet, quæ affectiones ab humoribus, quæ à solidis partibus (quæ ipsi facultatum & figuræ nomine veniunt) oriantur; taceo quæ antea de gravedine, & acrimonia humorum eorumque incrassatiene & dilutione, seu, ut loquitur, cum aliis communione differit. Itaque, si quid suspicor, est hic liber antiquissimus, ut cum omnibus Hippocraticis eo nomine certare possit, & conscriptus contra quatuor primarum qualitatum in artem introductionem, Quas tum primum Hippocrates videtur corroborasse, uti ex eo colligere est, quod contra eas tanquam recens inventum disputat hic noster, & καὶ τὸν τρόπον τῶν τῶν τέχνων ἐξ ὑποθέσεως ζητεόντων, novam rationem ex suppositis artem investigantium nominat, statimque initio, Medicinæ omnia jampridem subsistere, nec aliam viam, rejectis ac repudiatis veteribus esse quarendam, contendit. Quo admissio, illa de amaro, acido, falso, austero peccantibus sententia multo foret Hippocratica ista doctrina vetustior. Verum hæc Doctioribus ulterius dijudicanda submitto.*

XII. * *Erasistrato Chio.* Theophrasti coætaneo, secundum Galenum.

* * *Varia ipsius dogmata apud Galenum &c.* Præcipuum erat, quod spiritum, non sanguinem in arteriis contineri putabat, quod operose refellit Galenus libro peculiari, ex quibus & ea,

quæ

quæ Erasistratum ut ita statueret, permoverint, discere licet. Idem quoque statuit Lienem viscus esse inutile: quod Galenus habet Lib. De Atra bile. Reliqua Vide Lib. de Venasect. adversus Erasistrateos, de Nat. Facult. Meth. Med. lib. II. c. 6. & alibi passim. Lib. III. cap. 3. M. Medendi. Erasistratum & Herophilum appellat ex dimidio dogmaticos, quia calidum frigidum humidum & sic cum principia prima esse negabant.

XV. ✱ *Athenaus Attalensis*. In multis Aristotelem secutus est, præsertim doctrina de generatione animalium. Hinc Galenus, Aristoteli infensor, ipsius etiam sententias convellere assolet, sed inani conatu, postquam nova seculi nostri industria Aristotelis placita haut ita pridem contra Galeni arrogantiam Libro de Firmavit. Alibi tamen eum laudat, in aliorum meritis prædicandis alias satis parcus: ut egregium fuisse virum vel ex hoc solo sit colligendum. Præcipuum ipsius dogma fuit, quod Spiritum agnoscebat in omnibus corporibus, præter quatuor elementa quinti principii loco hærentem, qui cuncta penetraret, & à quo omnia continerentur ac gubernarentur. Hoc spiritum enim solo tum naturalia consistere ac dirigi, tum morbos universos, illo prius offenso, creari: Quod discere ex libro εἰσαγωγῆς seu Medico, inter Galenicos comparente. Qui hanc ejus sententiam amplexi sunt, πνευματικοὶ fuerunt appellati, & est hic ortus sectæ pneumaticæ. De cætero, an non sit hic spiritus ipse ille Paracelsi & Helmontii Archeus, viderint utriusque asseclæ & defensores. Fuit autem hæc etiam Archigenis doctrina, quam à Stoicis eum accepisse auctor noster existimat II, Herm. med. cap. 9.

XVI. ✱ *Nullus sit hætenus inventus qui tanto studio & industria dogmaticam hanc artem excoluerit*. Hæc longe sunt verissima, & semper honos Galeni laudesque manebunt, quicquid oblucentur hodie recentiores: Quorum nonnullis tam contemptim haberi auctorem hunc, idque ob aliqua ab ipso ignorata, quorum hodie notitiam habemus, & quæ ille pro seculi ratione scire non poterat; ego quidem soleo apud me demirari, præsertim cum horum defectus aliis rebus, iisque maximis & scitu dignis-

dignissimis abunde compensetur. Non est quidem dissimulandum, in eo viro hoc vitium fuisse maximum, quod speculationibus nimium quantum indulgens, & analytica, qua excellabat scientia securus, pateretur à cogitationibus propriis ita se abripi in præceps, ut licet experientia & Logica arte supra omnes reliquos mortales esset instructissimus, & tamen sæpius neglecta, elegantiam systematis artis medicæ præferret veritati: ex quo uno errore sexcenti alii ipsi acciderunt. Quorum meo iudicio est præcipuus quod quatuor primis sic dictis qualitatibus plerasque omnes cum morborum, tum virtutum simplicium causas tulit acceptas: alter, quod facultatum inane nomen in scholas attulit, iisque functiones partium adscripsit. De cætero æternum illi obstricti sumus, quod omnes supra nominatas hæreses vi ac pondere rationum potentissime compressit, atque adeo ab infinitis erroribus repurgatam medicinam sub unum reduxit caput; anatomen vero, medendi methodum, aliaque plurima ita absolvit, ut omnes qui eum præcesserant, multis parasangis post se relinquat. Et possum id quidem sincera fide attestari, citra ullius injuriam, multa quidem in vastis illis voluminibus contineri, quæ hodie inutilia atque inania videbuntur; multa tamen etiam docta, præclara, utilitatis maximæ; multa deinde sapienter & commode dicta: uno verbo, digna principe medicorum sui ævi; nec sui tantum, sed forte quatuordecim sequentium seculorum & ultra. Haut scio, multis hoc meum iudicium displicere, magnifice nimis de hoc antiquo scriptore me sentire ratis: sed ignoscant mihi: legi auctorem, & quid dicam scio; soleoque nonnunquam tacite mecum ridere, cum video illa à multis nostratum ignorari, pro novis venditari, aut inepte etiam explicari, quæ dudum Galenus rectissime tradidit: quem tamen illi contemnunt præ se, & quasi delirantem senem, nec satis sui compotem, palam apud infelicem ipsis forte conceditam juventutem traducunt: certo argumento, meliora ejus scripta nunquam se cum cura legisse.

XIIX. ✱ *Occasione ex sacris Europæorum Christianorum ad terram*

terram sanctam &c. Id est, ut interpretor, allatis ex Oriente MStis codicibus, quos postquam in Asia pedem fixerant, Linguaeque Arabicæ sibi comparaverant notitiam, undique conquisiverunt, & in Latinam deinde transtulerunt. Ex iis postea Medici nostri scientiam suam potissimum hauserunt per integra tria secula, quibus publice in scholis Arabum scripta explicabantur. Ubi deinde Græci fuerunt translati, palmam ipsis coeperunt disputare, & paulo post eximere. Hinc & commentarii in Arabes ultimis temporibus fuerunt rariores, dulcius ex fontibus cum biberentur aquæ. Ultimus forte eorum explanator fuit celeberrimus Rolfincius, Avunculus meus magnus, qui primis annis quibus Jenæ docere jussus erat, Rhafén unice secutus, publicis prælectionibus eum exponere auditoribus consueverat. Verum & is tandem eum abdicavit: post ipsum vero nemo qui illis regionibus aut nostris ipsorum vestigia legeret, repertus est.

XIX. * *Remaclus Fuchs.* Fuit Leonhartus ille Tubingensis; hic vero Limburgus, nec videntur sanguinis necessitudine juncti, sed ortu ut sententiis diversi; licet eodem tempore scripserint, ut & hujus & illius opera iisdem circiter annis seculi nempe XLII. & seqq. variis tamen in locis, typis excusa sint.

XX. * *Proprio nomine corrupto, una cum magnificis & pomposis aliis titulis* - Cupiunt nonnulli, quibus viri nomen in pretio est, eum hic excusatum, Gentilitium nomen, seculi illius more, ex Germanico Latinum fecisse contendentes: Fuisse enim nobili familia ortum cui nomen ab Hohenheim: quod ille Latinum fecerit Paracelsus; imo præ modestia particulam Græcam *ωδ* præmisisse, quæ minuat, non augeat. Verum enim vero: uti vix veri est simile, eum ex nobilissima illa familia, quam Schenckius antiquam & celebrem prædicat, esse ortum, OBSERV. I. quippe cum moribus fuerit rusticanis, & Aurigarum consortio 36. omnium maxime gaudere solitus, præterea Eremo, Helvetiæ pago natus, Nobiles autem isti ac Generosi Domini ab Hohenheim in Alsatia floruerint; ita vereor ut illa excusatio locum inveniat: ut nihil dicam de vocum Paracelsi & Hohenheim discre-

pantia, nihil minus enim Paracelsus quam Hohenheim significat. Multo vero minus modestiam illam suam in conflando nomine possum admittere, cum nemo hominum insolentior, & à modestiæ studio remotus magis unquam extiterit, quod omnia ejus scripta affatim testantur. Lubet unum afferre testimonium ex præfatione in Paragranum, ubi exclamat: Mir nach! ich nicht euch nach! ihr mir nach, mir nach! Avicenna, Galene, Rhasis Montagnana, Mesue, &c. Mir nach und nit ich euch nach! ihr von Paris, ihr vom Montpelier, ihr von Schwaben, ihr von Meissen, ihr von Cöln, ihr von Wien, und was an der Elbonau und Neinstrom liegt, ihr Inseln im Meer, du Dalmatia, du Sarmatia, du Athenis, du Griech, du Arabs, du Israeliter, Mir nach, und ich nicht euch nach, euer wird keiner in hintersten Winkel bleiben, an den nicht die Hunde seichen werden. Ich wird Monarcha! und mein wird die Monarchey seyn, und ich führe die Monarchey, und gürtet euch eure Lenden &c. nam pudet reliqua referre. Hæc est illa modestia Paracelsi: patet autem, ex ignorantia Græcæ linguæ potius profectum quod Paracelsum se appellavit & quia particula illa *παρά* mire delectabatur, veluti grande aliquid sonante, nam eodem modo multa opera sua inscripsit, Paramirum, Paragranum &c. Ut autem possit excusari Paracelsi ac Bombasti horrificum dicam (nunc præsertim) an magnificum nomen, tamen quo jure Theophrastum se appellaverit & Aureolum, haut facile quis dixerit: ait quidem alibi, illud sibi nomen in sacro fonte impositum, sed qui Germanorum peritus est morum, Helveticorum præsertim: etiam hoc facile mendacium esse crediderit, ut valde verear, ne vera sint omnia quæ celeberrimus auctor noster habet *L. II. Herm. med. c. I. & cum primis cap. 12.* quæ vide.

* * *Paracelsum, non Hermetem autorem habeat.* Hoc pluribus ostendit, & operosissime auctor noster integri illius nunquam satis laudati operis de Hermetica medicina parte II. eum in finem potissimum conscripto, ut vanitatem & jactantiam Paracelsi, & Chemicorum reprimeret, quorum nonnulli sua dogmata ab Hermete profecta esse, cupiebant doctis persuasum. Defensionem

tionem autem eorum suscepit primum exigua quidem dissertatione, mox vero satis grandi volumine vir varia eruditione & eloquentiæ laude insignis Olaus Borrichius, dogmata tamen ista Paracelsica de quibus lis est, Hermetis fuisse, vel Ægyptiorum, neutiquam evicit, imo eam controversiam (in qua tamen cardo rei volvebatur) vix leviter attigit: Sed de Borrichii in Conringium injuria ad seq. cap. plura dicemus.

* * * *Usurpare soleant.* Nempe viderunt mox secuti prudentiores & paulo doctiores viri, nugas & ineptias Paracelsi defendi non posse. Itaq; illis successive magis magisq; valedicentes, quæ forte rectiora & ad culturam artis idonea visa sunt, selegere. Quo factum ut tandem Chemiam, nobilissimam pharmaceuticæ partem, & manibus ardelionum & operariorum hominum, literarum rudium, ereptam, altius evehere liceret excitationis ingeniis, repudiatis reliquis Paracelsi affaniis à vera philosophia alienis. Utinam vero omnibus! Bonum interim factum! quod hodie nemo supersit eruditorum qui illam sectam aperte profiteri audeat, ita ut ipse quem modo laudavimus, Borrichius, acerrimus alias doctrinæ illius, quantum unquam licet, defensor, nec Paracelsici titulum se desiderare, nec ejus mores venerari fateatur: nempe puduit tandem nonnihil magistri, impuri hominis & inepti. Et verò æquum erat, experimenta illa nova principiis verioris philosophiæ subjici, & secundum rectam rationem examinari, quam tantum abest Paracelsum, Monarcham rusticorum, esse secutum, ut potius insanire quam philosophari, ubi ad id animum convertit, existimari queat: quod fidem facit, multa illum ebrium dictitasse, & cum non esset sui compos, prout variis non facile repudiandis testimoniis adductis, auctor citato loco asseveravit.

* * * *Eum voluerunt rotundare.* His accenseri meretur ipse *Helmontius*, qui tria principia illa vulgo jactata peculiari libello *De tribus principiis* inscripto refutari non dubitavit: item Illustris *Robertus Boyle*, edito *Chymista Sceptico*: post quos miror etiamnum hodie superesse viros doctos & rerum peritos, quibus commentum placet: imo qui ejus suscipiant tutelam: cum iis quæ adversus illud allata sunt, & afferri porro possent,

fatisfacere, inque locum quo exciderunt restituere quæ possit, nulla humana industria forte unquam futura sit.

XXI. ✱ *De consensu & dissensu Chemicorum &c.* Hunc Sennerti consensum *Job. Freitagius* amplo volumine aggressus est, quam discors sit nec sibi satis constans in plerisque, ostensus: sed non impedivit operosa isthæc refutatio, quo minus Doctorum Germaniæ pars maxima hanc dogmatico-hermeticam ipsis appellatam sectam amplecteretur. Cum enim medicamenta Chemicæ præparata non contemnenda esse intelligerent, Theorica autem omnia & reliquam doctrinam neutiquam talem ut cum Dogmatica recepta commutari queat, mediam quodammodo inter diversas viam elegerunt, sola primum remedia Chemicorum Galenicis junxisse contenti. Deinde, cum multa inter operandum nova corpora veteribusque ex parte ignorata producerentur, nova etiam ab iisdem excogitata nomina, spiritus, essentiæ, magisterii, croci & similia introducta sunt; mox artis quoque ipsi termini, cum viderentur ad explicandas virtutes simplicium plurimum conferre, civitatis jure donati: Tandem ad humores corporis etiam & causas morbosas philosophiam istam novam transferre à quibusdam laboratum est. Sed hætenus istud quidem ni valde fallor, non in omnibus æque felici successu: quin multa hic gratis & temerarie satis à quibusdam asseruntur. Cæterum, quamdiu hæc omnia rectæ rationis imperio reguntur, injuria mihi videntur Dogmatico-Chemicorum nomen affectare, Dogmatica enim medicina est omnis illa quæ rationibus experimenta confirmat, indeque concinnans universalia, methodum medendi certam, rationi re-

Conf. Etæ innitentem sequitur: ex omni autem philosophia transfer-
Galenī I. re in artem quæ idonea videntur, semper est liberum: Nec alia
lib. da hæc censenda est, & veteri illi opposita; quam illustrat tantum,
Opr. Sec. & emendatiorem reddit, non item evertit & pessundat, quod qui-
Transfig. busdam imperitioribus videtur.

reliquos

ejus class.

XXII. ✱ *Jatro Mathematicorum.* Hujus sectæ, quam in-

optimum institutum vocat, auctorem Crinam quendam Mas-

gilensem facit in *Particu Esculapii Laurembergius*, idque ex Plinio

L. XXIX.

L. XXIX. Hist. Nat. cap. I. qui videtur hanc partem medicinæ ulterius excoluisse. Ipsam enim ejus originem ab Ægyptiis superstitionissimo ad insaniam populo fluxisse constat, qualem fuisse *Libro de Hermetica Medicina I. c. 10.* recte auctor docet, & vere, quicquid Olaus Borrichius contra moliatur. simul etiam ostendens quid ea in repræstiterint. His Jatro mathematicorum placitis & nostri temporis medici nonnulli, ii que non ex postremis visi sunt adhæsisse, quod post solidam adeo confutationem Comitum Mirandulani aliorumque, haut injuriâ mireris. Verum isti fortassis fallaci experientia aut Paracelsi doctrina in errorem ducti fuere: Is enim nusquam non coelum & astra crepat, Præfat. & ex quatuor columnis medicinæ hanc unam esse contendit. in para-
 Quemadmodum ejus deliria, si cui sit volupe, magnam par-grana-
 tem legi possunt in *Paragran. L. II.* Tametsi vero eruditi illi viri quam longissime ab his recedant, non nisi vulgaris Astrologiæ præcepta sequentes, & vel coeli faciem, qualis nativitatis tempore extitit, vel etiam Lunæ phases observare jubeant, tamen & hæc vanissima esse, non est dubitandum, postquam ipsi Mathematicorum Coryphæi causam hanc deferunt, & adversus illa omnia alta voce clamant: ut nuper celeberrimus suo merito, *Erhardus Weigelius Jenensis Academia Professor*, quo & olim doctore usus sum, *Libro de Cometis lingua vernacula edito & Job. Christophorus Sturmius incomparabilis ingenii vir & Noricarum Musarum decus*, dissertatione lectu dignissima de Influxu stellarum. Etsi vero hic vir doctissimus Lunæ aliquam adhuc vim concedat, quibusdam Medicorum & Physicorum experimentis in id inductus: cum tamen ista ex illorum sint genere, quorum vel fides vacillat, vel consequentia inde tracta incerta est, etiam huic sideri, proprio præsertim lumine destituto potestatem in humanam valetudinem licebit abrogare. Unum tangemus ex maxime jactatis argumentum: quod nimirum Epilepticis infensum dicitur, quoties orbe pleno lucet, aut obversa altera facie, umbra sua obvolutum in tenebris latet. Hæc autem ipsa inconstantia, quodque idem effectus est in eundem locum, & cum luce fulget tota, & ubi nulla, satis ostendit,

nihil illius radios conferre ad morbum. Præterea, cum prorsus abest, & cursum suum flexit ad antipodes; qui potest in nostrum hæmisphærium influere? Non autem de die tantum, sed etiam noctu conjunctio Luminarium accidit, respondente in terris putatio effectus: Denique cum sæpe secundo demum, nonnunquam tertio post conjunctionem die primam in Luna phasim notari constet, epileptici vero ipso momento novilunii periclitentur; an non sole meridiano clarius est, à radiis ejus influentibus quos tum nullas ad nos reflectit, neutiquam id pendere? Ais: tamen experientia constat, id tum pati epilepticos. Respondedo: Multa simul sunt, quorum alterum alterius causa non est: Et cur non in omnibus epilepticis, sed paucissimis morbus hanc servat periodum? Quidam ex vicinia mea opera utens, dum hæc scribo, mihi narratum venit, se durante hoc æstu intolerabili, bis terve per hebdomadem correptum esse paroxysmo suo, cum alias unica vice soleat affligi: nunc ubi remisit calor, ac temperata est aeris regio, redit ad genus morbus: qui igitur hic Luna vim suam non exercuit & suum hominem à solis imperio vendicavit? Sed de his alibi pluribus forte dicemus nunc non est iis insistendi locus.

XXIII. * *Joannes Baptista Helmontius.* Helmontio multum debemus, quod philosophantium sui ævi errores acriter perstringendo, atque impugnando, excitavit torpentia ad naturalem philosophiam ingenia, & post Verulamium ad experimenta à nugacissimis quandoque ratiocinationibus revocavit: In quo tanta usus est libertate, imo licentia, ut ne Magistri sui Paracelsi principiis tribus, aliisque vanissimis, parceret, sed hujus pariter atque Aristotelicorum ac Galenicorum doctrinam traduceret palam, licet illi in aliis quam arctissima conjunctione adhæreret. Sed multa sane etiam in ipso reperiri de quibus jure conqueramur, dissimulari non potest. Cum primis vero perversa illa novam philosophiam & sectam condendi libido, cui tamen rei minime erat par, etsi excellenti ingenio præditus, & in philosophia non leviter versatus; non quidem sana illa antiquorum & veterum, sed qualis tum in publicis aut Romanæ potius

potius Ecclesiæ Monasticis Scholis docebatur, quæ ab illa quam diximus mirum in modum desciverat. Hanc igitur, sui juris factus, cum multa inepta & ab usu aliena in illa reperisset, repudiavit, & præceptorum suorum sententias pro Aristotelicis habens ac venditans, Aristotelem continuo increpat, & mox, nondum percepta ejus mente, quicquid ab ipso aliisque antiquis profectum est, omne sine discrimine damnat, quum tamen non nisi superficialiter eorum opera inspexisset, ut solent fere, qui spernunt auctores & præjudiciis occæcati ad lectionem accedunt. Quod exemplum secuti deinde omnes ejus Affectu, tanquam impostorium & ridiculum, omne quod veterum saperet scholas oderunt: Usq; adeo, ut quorundam falsitate deprehensa, non dubitarent omnia rejicere, novis quidem, sed veteribus nihilo melioribus, imo pejoribus multo principiis artem denovo corrumpentes. Neque cum Medicorum Scholis multo egit melius, aut meliore fide quam cum Aristotele Helmontius: Nam & his sæpe ea tribuit placita, acriterve exagitat, quæ tamen communiter recepta non sunt, sed quorundam tantum doctorum ideoque ab aliis dudum ante Helmontium rejecta & explosa, idque nonnunquam iisdem quibus ipse utitur argumentis. Quod autem ad suam doctrinam attinet, ita fere statuit: Esse rerum omnium undique dispersa & vel certis locis affixa, vel ex iis ubique terrarum propaganda semina, quæ in semine vegetabilium & animalium vulgo ita dicto, tanquam in siliqua lateant. In his vero esse quendam Architectum, quem Archeum vocat, qui generationis dirigat opus, deinde vero perpetuo in corpore præsideat, & actiones omnes pro sua phantasia vel bene vel male faciat administrari: sed præter hunc esse alium etiam Archeum influentem, & denique unicuique parti insuper proprium: Horum vero singulis tantum non aperte attribuit Intelligentiam, vult tamen ab anima & intellectu esse diversos, prout ea omnia est legere *Libris Causæ & initia naturalium, Archeus faber, & aliis passim*. Docet præterea, principium omnium rerum esse aquam, quæ seminibus modo laudatis imprægnata ab Archeo varie immutatur: quod discimus ex *Pro-gymnasma*

gymnasmate. Hoc semen, in quo Archeus, etiam fermentum quandoque vocat, & esse in sulphure, vult pervasum omnes autem rerum proprietates, qualitates medicamentorum, aliasque, non materiæ conditionibus, sed seminali vi, atque Archeo fert acceptas, & in his solis acquiescit. In quibus, tametsi sunt aliqua, modo recte explicentur, toleranda, pleraque tamen sunt nugæ nugacissimæ, & nullatenus in scholis ferendæ. Quid enim est, magnum ignorantiaæ asylum constituere si hoc non est? Neq; est quod posthac de investigandis rerum causis quisquam sit sollicitus, sed sufficit nosse ab Archeo procedere: aut si adhuc magis recenti delectetur vocabulo, ejusdem tamen ordinis, ab Ideis seminalibus. Quo semel admissio, in brevem epitomen contracta Physiologia, Pathologia, Medendi methodus, & Pharmaceutica sex mensium spatio perdisci vel doceri posse, non est dubitandum, solis experimentis deinde ulterius excolenda. Ut autem Helmontius hæc ita prodere sit ausus, deinde tamen veritate convictus, longe aliter ipse ea exponit non raro, & omnem logicam, imo ipsam rationem tanquam fallacem proscribens, ex ipsius tamen legibus optime ratiocinatur. Verum & medicamentis nonnullis haut rejiciendis auxit pharmaciam quamvis nonnunquam & hic vano promissionum hiato superstitiosa quam multa, & anilia laudare, & in immensum extollere soleat, earumque virtutes perquam - ridicule explicare. Ut igitur negandum non sit, multa egregia in ipsius libris haberi, magno tamen cum judicio, nec tyronibus legendi sunt, verum iis, qui jam tum veris artis principiis & ratiocinandi facultate sunt instructi: Multa enim habet, quibus facile capiuntur incauti lectores, cum nihil minus quam solidi quicquam iis subsit. In Physiologicis & Pathologicis præsertim misere artem nostram laceravit, & sunt in medio ejus absurdissima dogmata, in quibus familiam ducit Archeus iratus, & tanquam Ἀρχὼν ac princeps cohortem detestabilem præcedit. Fuit enim in corporis humani cognitione prorsus puer, citra quam nec Physiologia nec Pathologia sibi potest constare: ut meritò qui tantum ridet Galenicos, ipse ridendus hic plerumque sit, & explodendus.

* * *Sese per ignem Philosophum nuncupare.* Cur se philosophum per ignem appellitet, erui potest ex libro cui titulus *Philosophia Aristotelis & Galeni ignara*, ubi hæc leguntur: *Natura sua metitur destillando, irrigando, siccando, calcinando, resolvendo, iisdem plane mediis quibus vitra ejusmodi operationes absolvunt, adeoque artifex naturæ operationes mutando, ejusdem proprietates & scientiam nanciscitur.* Nam utut naturale ingenium & acumen judicii philosophus habeat, nunquam tamen ad rerum naturalium radicem, aut radicalem scientiam admittitur sine igne. Et hæc quidem nova sententia novusque philosophandi modus, quem ex insana Paracelsi Schola haufit Helmontius, permultos ex sequentium medicorum ordine ita affecit, ut omnibus reliquis experimentis posthabitis, & prope relictis per solas chemicas operationes ad notitiam totius philosophiæ naturalis adspirare non dubitaverint. Ut autem, quod in fine Helmontius dicit, ex parte tantum verum est; ita quod primo loco, falsissimum. Sane omnia illa quæ ignis beneficio ex rebus producuntur, in iis formaliter extitisse qui credunt, mirum in modum falluntur: adeoque philosophi illi per ignem nihil minus sunt quam philosophi.

Vide Paramiri L. I. De origine morborum ex tribus substantiis.

* * * *Multum certe fallitur qui ejus credit jactabundis vocibus.* Etsi non negem, satis ingenuum & veritatis studiosum se sæpe præstare Helmontium, tamen ubi se jactat, supraque omnes extollit, & ubi agit de circulato Paracelsi, Alcahest, & similibus, nullius fidei eum esse, certissimum est: ut demirari subeat magni cujusdam viri de eo sententiam: nunquam se quicquam falsi in ejus libris deprehendisse. Sed hoc fortassis de experimentis illis quæ aperte describit, voluit intellectum: De cæteris aliter ipse Tachenius, qui in epistola de liquore Alcahest, quam publicavit Helvicus Dietericus, satis ni fallor manifestum fecit, eum alcahest suum, de quo tantum gloriatur, nunquam possedisse.

XXV. Fœcunda vero admodum fuit Helmontii Schola: Quum enim chemica studia professus, philosophiæ suæ novæ subinde ex iis præsidia quæreret, quorum indagatio jucun-

ditatem quæstuoso ac utili labori jungebat; veterum vero illa ratio & senio ipso fastidium haberet, & admodum sterilis videretur, plurimi in ejus castra transiere, sive jam omnia viri aperte probarent & venerarentur, sive aliqua tantum: Hinc mira sententiarum diversitas. In hac vero demum *Franciscus de le Boye Sylvius*, ut se traducto ex corrupto Gallico idiomate in latinum nomine videtur appellasse, Lugduni Batavorum eminere cepit: vir alioquin non indoctus, nam imbutum veteri disciplina animum à præceptoribus retulerat, à qua dein sensim recedens, cum lectionem veterum neglexisset, cepit in illum errorem induci, ut omnia observata sua putaret esse nova, cum tamen partim in libris jam extarent, partim autem à nemine non facile observarentur. Hic multa in arte immutavit, maxime quod ad viscerum liquorumve spectat rationem. Prima & ipsi occasio partim ex Helmontio nata videtur, potissimum tamen ex Guidone Brosseo, Botanico Regio Parisiensi, cujus cum in librum de plantis & illarum facultatibus ex principiis Chemicorum explicandis forte incidisset, illius ita placuit doctrina, ut iter ad eum in Galliam susciperetur ejus addiscendæ causa; prout id sæpius auditoribus suis solebat referre, illumque librum mirum in modum iis commendare. His igitur ex asse subscribens, per Chemicam unice explicandas esse actiones non plantarum tantum sed & viscerum contendit, idque docuit aperte *Disputat. Medic. II, 8.* ubi ait: *Chymiam primariam esse mutationum naturalium artem, in quibusdam naturam ipsam superantem, atque Physicæ scientiæ, ut & Medicinæ solidæ construendæ perutilem ac unice necessariam.* Quod nil aliud est, quam ipsius Helmontii assertum illud de quo diximus: idque adeo, doctorem nactus improbum, & in celebritate ac luce constitutum, radices egit, & immensum mox habuit applausum; minime tamen diuturnum. Cum enim clarissimus vir huic innixus principio, physiologiam non modo, sed pathologiam quodque ad chemiæ leges revocare laboraret, duplicem post alia effervescentiam in corpore constituit concurrentis cum lymphâ (quam acidam perhibebat) alcalicæ suo sensu bilis. Primam in duodeno, alteram in dextro cordis

cordis sinu: Hinc plerosque morbos, præcipue autem febrium omne genus, quoties vitiose hi pugiles concurrerent, mortaliū corpora affligere. Non magnis rerum documentis utebatur, sed ad sensuum testimonium, quod tamen nondum satis exploratum habebat, provocabat. Itaque mox duos adversarios habuit insignes viros, qui nascentem opinionem in herba suppressere ceperunt. *Ludovicus Le Vasseur* primus & mature ex Gallis reclamavit, epistola, sed prolixiore, docta, eleganti, quam *de Sylviano humore triumvirali* inscripsit, quod pituitam vocaverat Sylvius in partes, eoque nomine ipse erat usus. Alter fuit *Janus Laonicenus*, quo sub nomine latere tum voluit vir quidam ingenio atque eruditione præstantissimus qui, cum sal oleosum volatile divinitus revelatum Sylvio non crederet, ob eam rem probris laceffit, injuriam acri stylo vindicavit, & paucis etiam hujus dogmatis vanitatem tetigit: sed cum interim, sub prælo sudante opusculo, Sylvius intermoreretur, adversus discipulum & dogmatis ejusdem propalatores novum, Regnerum de Graef ingeniosissimum scriptum direxit, ne videretur mortuo Leoni insultasse. Seduxerat autem & Sylvium fallax chemiæ studium. Nam haut procul à vero abest Doctissimi Vasseurii censura: *Factus de Spagyrico medicus, idem semper in medicina garrat quod in chemia profitebatur: salia fixa, volatilia, acida, spiritus, effervescientiam, τὸ ὕψος ἀνὰ πρῶτον, præcipationem: quasi in his solis medicina quanta quanta est, constituta resideret.* Hoc igitur pacto Helmontii illud dogma propagatum apud Batavos, & exemplis illustratum est. Sed præter hoc aliud, haut æque ab omnibus forte animadversum doctrinæ Sylvianæ vitium subest, saltem exemplo nocentissimum. Nam spretis apodicticis argumentis de quibus desperabat, probabiles sententias & ex ingenio fictas pro veris obtrudere, & super easdem methodum medendi ipsam construere, primus ni fallor est ausus, ideoque à juvantibus & nocentibus magnam indicationum partem arcessere opus habuit, cum de pathologia, in qua tamen alias satis egregium nonnunquam se gessit, non satis constaret. Hoc deinde malum instar maligni ulceris late serpsit, dum nunc

quisque præfidiis ἀποδείξεις non satis instructus, sufficere ratus quod posset peregrisse, ex levi conjectura aut axiomatibus nondum satis certis conclusiones quascunque ingenti libertate extorquet. Sed ut de chemicis illis argumentis una hac vice depugnemus, & pauca prioribus superaddamus, non recedimus ab ibi jam lata de philosophis istis per ignem sententia. Licet enim non omnia ejus adminicula sint repudianda, imo per multa quæ fiunt in corpore plurimum lucis inde admittant, caute tamen hic procedendum: Non bene ripæ creditur, nec ad leges chemicas natura se patitur constringi. *Si medicinam undique oppressam* (verba sunt supra laudati Vasseurii) *abominando exemplo, administra πρὸς τοῦ σώματος, colla jugo præbere cogimus*, actum est: monstrum pro medicina brevi daturi sumus: *Est namque varia, & diversa adeo in parandis operibus secreta hæc unde manant omnia, vis & potestas, ut latentia ejus miracula manifestis illis moliminibus mancipare sæpe per delirium non minus existat ac Aethereos orbes orbi nostro conferre*, ut loquitur alibi medicus quidam acutissimus. De Sylvio autem non dissimulandum, manere & hunc suas laudes, easque eximias. Multa enim peregregia quoque in operibus ejus habentur, ut Disp. I. De actione ventriculi, V. 7. de Liene, &c. Nam egregius fuit anatomicus, & ex dissectione corporum pathologiam non parum illustravit: Quare & Praxis ejus cum fructu juventuti potest legi: ubi etiam medicamenta subinde describit non contemnenda. Eandem vero Pathologiam etiam non parum corrumpit, falsa sua de bilis ex vesicula in hepar & sanguinem ascensione. In qua tuenda, mira ejus post explosam tot firmis argumentis constantia videri posset, cum alias velit videri veritatis præ cæteris studiosus, & pertinaciam illam in aliis damnet, quam in se perspicere nequivit. Majorem vero chronicorum morborum quam acutorum peritiam sibi videtur acquisivisse. Pharmaciam novis accessionibus auxit: in quibus est sal volatile oleosum illud, celebratum omnibus, & undique jam prostant, laudatissimum remedium: cujus licet propriam sibi descriptionem reservavit, ac post fata etiam testamento non nisi uni communicatum voluit, non tamen
desunt

desunt nobis imitationes à primo illo nullatenus aut perparum diversæ; ejusdem sane virtutis. Sed relicto tandem hoc viro docto, ad alterum transeamus, qui merus chemicus, non minorem ferme novo dogmate nominis famam adeptus est.

XXVI. Ottonem Tachenium dico, qui ex pharmaceutico ministro repente chemicus factus, cum natione esset Germanus, exterarum regionum patriæ præferens, Venetis tandem domicilium collocavit. Is igitur, ne latum unguem ab Helmontiano asserto recedens, ejusque vestigiis de chemico rerum ortu insistens, publicato tandem gemino libello, Hippocraticæ medicinæ nomen prætendens, docere ausus est, omnes res naturales ex acido & alcali compactas esse. Acidum enim in aëre à sole generari, & occulta in se habere omnium rerum semina seu animam, (ut Paracelsicum dogma agnoscas) sibi porro alcali associare, & ex eo, tanquam subiecto passivo seu materia, pro seminis ratione quod contineat, quod fingere datur efficere, hinc Esse rei, ut cum scholis loquar, & formam manare: prout discere est ex *Clave Hippocratis Chemici capite potissimum sexto*. Quo autem majorem Pyrothechniæ suæ conciliaret auctoritatem, omnes in rerum natura obvias fermentationes ad chemiam reducere voluit (quem tamen insignem errorem ipso longe doctiores quoque erravere) stolidèque asseruit, Naturam citra chemiam ne unum ex terra granum posse producere: Mirum vero si non à Tachenii magistris ipsa etiam hausit istam scientiam! Sed illa tam absurda ejus doctrina quam recens, etsi nihil vel similis veri præ se ferret, suos tamen invenit admiratores; quo appareret, nihil tam à veritate alienum posse cogitari, quod quia est novum, non aliquem applausum inveniat: quamvis reapse nova hæc non sit omnino; sed recocta ex veteri Platonica philosophia crambe de spiritu mundi seu universali, nova larva induta. Sed quia ad experimenta quædam chemica, tanquam ab ipso Apolline constitutum tribunal causa hæc agebatur, continuo victoriam retulisse visus est, nec vulgus eruditorum tantum, sed eos etiam pertraxit in sententiam, qui inter doctissimos connumerabantur. Non autem consilio, aut deliberato animo

Helvec.
Dieteric.
post Ep.
Tache-
nii
Hamb.
editam.
Hippocr.
chymi-
cus &
clavis
Hipp.Ch.

impulsus hæc orbi literato communicavit, sed laceffitus, & ex Joh. Zwelferi ad Augustanam Pharmacopœiam annotationibus ansa arrepta. Cum enim is, olim amicus & socius fortassis laborum, sal volatile viperarum, cujus se auctorem dicebat Tachenius, quodque arcani specie plerisque in morbis commendabat, indeque lucellum facere consueverat, contemptius habuisset, id male urebat hominem, hincque natum est nobis tam egregium totius artis omnisque naturalis philosophiæ augmentum, & quod ipsa nobis natura negabat, fecit indignatio Tachenii. Primum autem suspicionem salis volatilis abundantia movit, idque non soli Zwelfero. Cum enim tantam ipsius copiam in alias regiones quotannis mitteret, ut omnes totius Italiæ viperæ ipsi parando sufficere non potuissent, ex alio quam viperis esse, fucumque hunc facere primum prudentiores subolfecerunt. Uti vero nonnulla sunt chemica in ejus libris experimenta non omnino contemnenda, ex quibus est salium in Merc. sublimati solutione præcipitationis varietas; ita non sine indignatione quisquam cordatiorum intelligat, novissimo isti invento nudius tertius nato, antiquissimi artis antistitis nomen prætexi. Sunt enim in manibus Hippocratici libri, in quibus nihil tale extat: nihilominus, postquam ibi reperisset Tachenius, res omnes constare ex aqua & igne, persuasum voluit, acidum & alcali per ea intellecta auctori; cujus rei non ullum argumentum adfert, sed sibi pie credi postulat: qua docendi ratione nihil potest ineptius fingi. Sed in cæteris quoque, etiamsi singulis fere paginis, suum (sic loquitur impudens) crepat Hippocratem, illum tamen non magis intelligit quam Græce. His vero se tandem opposuit egregio conatu Lipsiensis Academiæ decus, *Johannes Bohnius*, & edito libello, *de Acido & alcali insufficientia*, rei vanitatem monstravit, mox etiam alio, *de aëris in sublunaria influxu*, parvo itidem sed erudito, spiritum illum universalem, novum ut ipsis quidem videtur, chemicorum commentum oppugnavit: Promeruit autem utroque vir eximius, ut illustri posterorum laude perpetuo celebretur. Post Tachenium scripsit quidem etiam de alcali & acido *Bernhardus Suvalve*,
Medicus

Medicus Amstelodamensis, sed ludicro fere stylo, & oratoris in morem utramque in partem disputans, ex quo parum roboris Tachenii deliriis accedit: Uti vicissim post Bohnium nostrum Boylium ejusdem argumenti librum edidisse inaudivi, quem pro more auctoris valde egregium esse non dubito. Sed ut ad Tachenium redeam, fuit ille alias, uti doctrinæ analyticæ, ita rei medicæ & præsertim anatomicæ perquam ignarus: Hinc in probando acido occulto in rebus omnibus, nunquam non committit petitionem principii. Erat vero & audacissimus, ut non vereretur in illustri convivio summorum virorum, præsentē etiam Conringio nostro, de Pancreate sustinere, viscus esse non carneum, sed cartilagineum: prout ille solebat non sine delectatione sæpius tam pulchrum certamen referre.

XXVI. Ex his apparet ni fallor, etiamsi haut parum commodi segnitæ & socordiæ nostrorum flagella ista rei medicæ attulerint, exfuscitando torpentia ingenia; omnem tamen illam utilitatem longe superari damno quod ad scholas inde emanavit: Immani illa puta pro lubitu quidvis fingendi licentia, nec res tantum, sed vocabula innovandi cupiditas, qua nihil magis pestilens aut perniciosum in literato orbe eveniri potest: ut verissima sint quæ Wolfgangus Hæferus præfatione in Herculem medicum in eam consuetudinem prolixè effudit, ex quibus sequentia excerptimus: *Detestor modernam, scribendi dicam an decipiendi obscuritatem & perversum docendi genus, quod nihil doctrinæ solidioris præ se fert, sed callide ad tegendas mille contradictiones & ineptias scientiæ talis divulgatores peregrinis, & plane absurdis vocabulis utuntur, & terminos suæ artis vel in omnem formam, Proteo magis variegatam torquent, vel ambiguis definitionibus & circumscriptionibus scripta sua obscurant, finguntque sibi philosophiam novam pro cujuslibet ingenii & libidinis proprio argumento. Hinc in scenam prodeunt Archei: hinc exsurgit & furit Gas & Blas & magnum illud monstrum Magnale, & quæ sequuntur: sunt enim plura. Et hoc tum quidem inter initia levius erat malum, & facilius ferendum, quod id viri & seniores auderent: nunc adeo factum penè intolerabile, ubi vix juvenis in palæstram academicam descendit, quin aliquot novis & in-*
auditis

auditis antea sententiis theses suas exornare satagat : quod si cum ratione fiat, id est receptis ac solidis principiis innitatur, non damnandum quidem est, cum potius laudem mereatur verecunda & pudoris non oblita philosophandi libertas. Sed ubi hæc perfregit claustra, & per omnes campos vagatur, ipsaq; fundamenta subruit, non obscurum est quantas turbas expectare oporteat, nec eo pacto promotas, sed pessundatas iri scientias cum illam ætatem dogmatis condendis minus aptam esse, nemo non videat : Aliter profecto olim sentiebant, cum de eo etiam dubitabant, an perdiscendis artibus illa idonea sit, & cohibere non docendi, sed percontandi & discendi cupiditatem tyrones jubebantur. Nunc autem, quo pacto cohibeant fervida ingenia, cum videant doctores & ductores suos non modo quotidie in eo ipsosmet unice occupari, sed & ipsis de eo nomine applaudere, & quidvis permittere, imo calcar addere. Quibus ita contingentibus, quis, omnes immenso labore enarret excutiatve sententias? Quin potius filum abrumpo, & fata meliora tandem arti nostræ apprecatus, lassus ac fatigatus me ad quietem compono, illustri auctori locum dicendi relinquens.

CAPUT III.

DE

ORIGINE ET PROGRESSU MEDICINÆ, PRÆCIPVISQUE EIVSDEM SCRIPTORIBVS.

THESIS I.

CÆterum non abs re fuerit, si hæc explicatius adhuc tradiderimus, omnemque Artis nostræ rationem à prima & antiquissima ejus origine ad nostra usque tempora deducendo perlustraverimus. Ita enim clare patebit, quomodo illa sese semper habuerit, quasve mutationes acceperit, quique laudem in ea fuerint consequuti.

II. Et

II. Et primum quidem ejus auctorem inventoremve quod attinet, de eo magna est inter scriptores dissensio, Diodorus Siculus, scriptor diligentissimus, *lib. I. c. 2.* Mercurium; Plinius *lib. VII. cap. 15.* partim Ægyptios, partim Arabum, Babylonis & Apollinis filium; *libro vero XXIX. cap. I.* Deos in genere; nonnulli Orum sive Apollinem; alii Æsculapium; alii denique alium hoc nomine venerantur. Quicquid vero sit, haud injuria forte dixeris, ubivis terrarum illam aliqua ex parte fuisse, & nusquam tamen hætenus fuisse integram. Apud Ægyptios tamen pene primo omnium illam magis solito cultam, extra dubium videtur esse. Certe apud eos in pretio jam tum antiquissimis temporibus fuisse constat: utpote cujus in historia sacra Jacobi clara memoria extet. Quod autem in illos, quos modo memoravimus, inventio ejus referatur, sine dubio inde est, quod sive inter reliquos peritia medendi excelluerint, sive eorum unusquisque aliquid de novo ad Artem addiderit. Qua de re cum alii tum Thomas Dempsterus in *Paralipomenis ad cap. XVII. lib. II. Antiquit. Rom. Rosini*, si res tanti est, videri possunt. Nimirum sicut omnium rerum prima initia valde tenuia esse solent: ita Medicina quondam paucarum fuit scientia herbarum, quibus sistetur fluens sanguis, vulnera coirent paulatim; quæ deinde in hanc pervenit tam multiplicem varietatem: non minus quam cæteræ artes, quorum in processu subtilitas crevit, quod præclare notavit sapientissimus Romanorum, Epistola XCV. Ægyptiis itaque prima Medicæ Artis gloria non potest denegari. Quin immo in tanta apud exteras nationes propterea existimatione fuerunt, ut Gryllus apud Plutarchum in hanc vocem eruperit: *Τῆς μὲν Αἰγυπτίης πάντας ἰατρὰς ἀνέσκειν εἶναι.* Quemadmodum hoc jam dudum præclarissimi & omni laude majores viri, Joannes Langius *lib. II.*

Epist. 2. & Thomas Erastus Oratione de Medicinæ laudibus & nuper etiam nos lib. de Hermet. Med. cap. IX. observavimus. Quamvis autem Medicinæ peritia nomen Ægyptii invenerunt, laudem tamen in plurimis neutiquam meruerunt. Partim enim rudis illa fuit, partim inepta, partim etiam, & quidem potissimum superstitione & Magica impietate, supra modum infecta. Quod ipsum primi dicto libro cap. X. & XI. fusissime juxta ac luculentissime erudito orbi ostendimus. Quo eodem opere præcedentibus aliquot capitibus, quid de Hermete Trismegisto, cui Medicinæ inventionem vulgo etiam attribuunt, sit judicandum, adeo clare demonstravimus, ut in tanta luce nihil amplius sit, quod quenquam morari possit. **

III. Ab Ægyptiis porro ad Græcos Medicina pervenit: è quibus Trojanis temporibus, teste Plinio *lib. XXX. cap. I.* primus Chiron Centaurus Saturni & Phylliræ filius Medica arte celebris fuit. Fuit autem medicina ejus Herbaria & medicamentaria; quam etiam ab eo inventam volunt, auctore eodem Plinio *lib. VII. c. 56.* quamque etiam ab eo Heroas didicisse Auctor *Introductionis cap. 1.* refert. Chirurgicam medicinam illum insuper instituisse Julius Hyginus *cap. 274.* commemorat. Unde verisimiliter etiam ulcera ægre curabilia Chironia nuncupantur.

IV. Ab hoc cum alias artes tum etiam Medicam Æsculapius, Apollinis & Coronidis filius, edoctus fuit. Quanquam Diodorus Siculus *lib. VI. cap. 15.* plura ab ipso met patre suo in Medicina illum percepisse, & eum primum ab Apolline patre institutum medicinam hominibus tradidisse, Auctor *Introd.* scribant. Adeo autem medicinæ artem extulit, ut velut ejus inventor & auctor veneretur; ut ibidem tradit Diodorus. Hinc etiam Chirurgiam, & medelarum compositionem, radicum insuper virtutes adinvenisse

venisse dicitur. Quin adeo peritia Artis excelluit, eodem Diodoro lib. V. cap. 9. narrante, ut quam plurimos desperantes sanitatem liberarit à morbo: proptereaque creditus sit nonnullis defunctis vitam restituisse. Immo, quoniam adhuc rudem & vulgarem hanc (Medicam) scientiam paulo subtilius excoluit; vel, ut Auctor Introductionis cap. I. loquitur, quandoquidem perfectam Medicinam & omnibus numeris absolutam, nimirum divinam, Æsculapius solus invenit:
 * in deorum numerum receptus est; uti post alios recte Celsus in proëmio scribit. Unde etiam eundem vetustissimum Medicinæ auctorem appellat. Valde autem verosimile est, Æsculapium ab Ægyptiis etiam ad Græcos primum pervenisse: quod pluribus confirmatur. lib. I. de Hermet. Medic. cap. II.

Pag. 13.

cap. 14.

V. Hujus deinde duo filii Podalirius & Machaon (verba sunt Celsi) bello Trojano ducem Agamemnonem sequuti, non mediocrem opem commilitonibus suis attulerunt. Utriusque Homerus lib. II. Iliad. v. 732. inter classium duces qui ad Trojam militarunt his verbis meminit:

— — Ἀσκληπιὸς δύο παῖδες,

Ἰητῆρ' ἀγαθὸν, Ποδαλείρου ἥδε Μαχάων.

Qualis autem medicina illorum fuerit, ex eodem Homero lib. IV. Iliad. v. 192. & seqq. discimus, quando Machaon, quem

— Ἀσκληπιὸς οὖν ἀμύμον' Ἰητῆρ'

& ἥρωα vocat, Menelaum à Pandora sagitta percussum curavisse scribitur. Scilicet non in pestilentia, neque in variis generibus morborum aliquid attulisse auxilii, sed vulneribus tantummodo ferro & medicamentis mederi soliti leguntur, ut recte Celsus annotavit. Ex quo etiam apparet, eodem observante, has partes Medicinæ solas ab his esse tentatas, easque esse vetustissimas. Maximam vero ob id gloriam
 L 2 adepti.

adepti sunt; quin meritis eorum immunitas rerum omnium post bellum est concessa: quemadmodum Diodorus Siculus lib. V. cap. 9. narrat. Hinc est quod Podalirio etiam sacra ædes fuerit erecta: quod ex eodem Diodoro & aliis antiquis scriptoribus constat.

VI. Iisdem vero temporibus etiam foeminae Medicinam cum laude fecerunt. Qualis fuit Agamedea,

ἡ τόσα Φάρμακα ἤδη ὅσα τρέφει ἔργα χθον.

sicuti de ea Homerus lib. XI. Iliad. v. 740. canit. Helena etiam pharmacorum miscendorum peritiam, quam à Polydamna Thonis regis Ægyptii uxore acceperat, habuit; uti apud eundem IV. Odyss. v. 220. videre est. Talis etiam fuit Medea, talis Circe, talis Crocodice apud Ælium. Quanquam pleræque harum Magicis artibus potius quam Medicinæ notitia insignes fuerunt. Notum scilicet est, quomodo superstitionibus illis magicis divina Medicina jam ab illo tempore temere foedata sit. Quod ipsum toto capite primo lib. XXX. Plinius ostendit. Quin plerosque istorum temporum sive Medicos sive qui alias pro sapientibus habebantur, Magiæ operam dedisse, & hujus ergo addiscendæ in Ægyptum, ubi & seqq. quam maxime floruit, profectos esse constat. Qua dere meretur adiri l. i. de Hermet. Medic. cap. XI.

VII. Ceterum ut ad Æsculapium redeamus, successores ejus Medicinam veluti hereditario jure acceptam posteris tradiderunt, ut Auctor Introduct. cap. i. scribit. Inter quos Hippocrates omnibus facile præcelluit, primusque perfectam apud Græcos Medicinam in lucem protulit, eodem teste. De quo anteaquam agamus, in antecessum monendum est, tres Medicas scholas ista ætate quam maxime fuisse insignes: Coam, Cnidiam, & Siculam. Et Coa quidem inter reliquas eminuit; cui plurimos etiam atque optimos discipulos fortunam contulisse Galenus testatur.

Dicta

Dicta ita ab insula Co. quam Æsculapio dicatam fuisse *lib. XXIX. cap. 1.* Plinius memorat. Ab hac Cnidia, Galeno teste, proxima fuit, quod in Cnido insula coleretur. Hæ sunt duæ illæ celeberrimæ scholæ: inter quas tamen male convenit, quemadmodum id ex Hippocratico libro contra Cnidas sententias constat, licet ambæ ex familia Æsculapii oriundæ essent. Galenus *l. c.* scribit, *non parvam litem eorum fuisse, qui in Co atque Cnido habitabant, uti videlicet inventorum multitudine reliquos superarent.* Tertia Sicola fuit, quæ partim empiricorum placitis adhæsit. Empiricis tamen potissimum addicta fuit. Præfuit enim inter alios etiam illi scholæ *Acron Agrigentinus*, celeberrimus ille auctor Empiricorum. Videtur autem ad hanc scholam etiam Italica pertinere, quam *in non parvo pretio habitam fuisse* ibidem Galenus commemorat.

II X. Ex tribus his scholis commemorandus jam nobis est *Hippocrates*

— Κῶων ἀνδρῶν,

primus ex omnibus memoria dignus, quique Celsi judicio a Præf. studio sapientiæ disciplinam hanc (Medicam) separavit; vir lib. I. & arte & facundia insignis. Tantis autem laudibus Hippocratem post sequuti affecerunt, ut divino propemodum honore ipsum condecorarint. Notum est illud Suidæ: Ἀσὴρ καὶ Φῶς τῆς Βιωφελεσάτης ἰατρικῆς: qui de ejusdem etiam Aphorismis non dubitavit pronunciare, ipsos ἀνοδρωπίντων ὑπερβαίνεν σύνεσιν. Quin Galenus ab illo nihil perperam scri- *l. I. de ptum affirmat, & vocem ejus ὡς περ Θεῶν accipit.* Quod ta- *usu part. c. 8. & 9.* men encomium non sine salis grano intelligendum recte monuit insigne illud quondam Altorffinæ Academiæ decus *Caspar Hoffmannus* in præclaris illis ad *lib. de Usu partium commentariis num. 35. & 36.* Verissimum tamen est, eodem Galeno *lib. de Atra bile c. 7.* judice, *Hippocratem*

virum honestum, bonumque fuisse; non honoris, aut gloriæ,
 sed veritatis amatorem. Quamvis autem in tanto precio
 merito suo Hippocrates fuerit, non defuerunt tamen, qui
 Æsculapii fani accensi & remediorum annotatorum surre-
 ptorum optimum & integerrimum virum non erubuerunt
 incusare. Quos inter etiam doctissimus Langius lib. i. Epist.
 51. non dubitavit nomen suum profiteri. Verum hanc fa-
 bulam iusta animadversione prosequimur, Hippocratisque
 famam liberamus lib. i. de Hermet. Medic. cap. XI. Cæte-
 rum quare facundiam ipsi Celsus attribuerit, merito dubi-
 tes: Ex scriptis sane ejus *Βραχυλογία* potius deprehendi-
 mus. Nisi facundiam illud vocare velis, quod singulari
 quadam brevitate observationes suas potuerit exprimere.
 Unde etiam Galenus l. i. de Usu part. 9. inter alia viri
 hujus bona etiam hoc ipsum admiratu justum esse existimat,
 quod multa paucis verbis doceat. Scripta tamen, quæ ho-
 die Hippocratis nomine circumferuntur, non unius sunt
 auctoris. Id quod inde potissimum patet, quod unus liber
 alteri sæpe aperte contradicat, immo nonnunquam in uno
 eodemque libro complures contradictiones inveniantur,
 quem itaque confutum esse ex variis variorum auctorum
 centonibus, manifestum est. Quod utique certissimo in-
 dicio est, opera ista à varia manu esse profecta. Et sane
 jam Galeni ævo de nonnullis est dubitatum: quod tum ex
 aliis ejus locis passim, tum ex commentario secundo in ter-
 tium Hippocratis Epidemiorum & ex commentario primo
 in sextum videmus. Quamvis autem peculiari opere & Hie-
 ronymus Mercurialis & Ludovicus Lemosius censuram
 Hippocraticorum librorum instituerint multa tamen ad-
 huc desiderantur hætenus nondum explicata. Doctissime
 tamen insuper etiam de Hippocratis libris Anutius Foësius
 vir præstantissimus scripsit. Non eandem autem laudem
 omnia

- * 1. omnia illa opera commerentur. Et Physiologica quidem
 * 2. scripta, quæ sectione prima apud Foësum habentur, digna lectu sunt, non tamen sine ratione admittenda. Anatomica partim rudia partim etiam inepta sunt, Morborum scientificam cognitionem quidem interdumprehendimus, rarius tamen. Similiter Therapeutica pauca apud ipsum reperiuntur. Quin etiam ipsa medendi ratio à Galenica multum abit. Chirurgici libri maxime Hippocrate digni sunt. Inter omnia vero Pathologica ejus experimenta usque adeo præclara sunt, ut simile quicquam postea hætenus non sit natum. De quibus cum fusius jam tum *Præfatione in observationes Salmuthi* à nobis sit actum, lectorem eo remittimus. Cæterum omnium illorum operum primam editionem, quanquam Latinam tantum, procuravit *Famus Cornarius*, qui multam adeo operam in Græcis scriptoribus vertendis collocavit. Post illum eadem, & quidem Græco textu adjuncto, recensuit *Hieronymus Mercurialis*. Quæ editio utut sic satis eximia sit, neutiquam tamen meretur cum illa comparari, quæ cura Anutii Foësi prodiit. Commentatus autem est in pleraque Hippocratica ipse Galenus. Post quem ex antiquis *Erotianus* quidam, homo Grammaticus τῶν παρ' Ἱπποκράτους λέξεων συναγωγῇ composuit, quæ cura Henrici Stephani evulgata est. Ex recentioribus non minori industria scripta Hippocratica aggressus est primus *Jacobus Hollerius*,
 * 6. vir certe insignis: quem sequuti sunt discipuli *Desiderius*
 * 7. *Jacotius* & *Ludovicus Duretus*; quanquam ille plagii accusetur. Post illos iterum *Anutius Foësius* commemorandus venit, nec non *Mauritius Cordæus*, ut & *Foannes*
 * 9. *Libautius*, quorum doctissimi labores in Hippocratem extant. Non silendus etiam est inter Anglos *Foannes Cajus*, vir clarissimus, & rerum naturalium diligentissimus scrutator.

Quam-

Quamvis enim hic in omnia ejus opera non sit commentatus, sed plæraque tantum verterit; quæ tamen scripsit præclara sunt, & digna quæ ab omnibus legantur. Sed & *Joannis Marinelli* optima commentaria in universum Hippocratem habemus. De reliquis Hippocratis interpretibus suo loco infra dicetur.

IX. Post Hippocratem filius ejus *Theffalus* & discipulus *Polybus* Medicam artem quam maxime coluit: quorum scripta hodie tamen non extant, nisi Hippocraticis commista. Cujus notæ est *de natura humana* liber, qui Polybi esse jam tum olim multis visus fuit, teste Galeno *comment. 5.* in illum librum. *Aristoteles* etiam *lib. III. de histor. animal. c. 3.* ex Polybo quædam de origine venarum memorat, quæ hodie in libro illo de Natura humana leguntur. Ante hos, & quidem Hippocratis ævo, cum quo etiam familiaritatem coluit, *Democritus Abderita*, inter Philosophiæ studia etiam Medicinam scriptis illustravit, quod ex *Diogene Laërtio in vita ipsius* discimus. Quæ tamen cum cæteris omnibus operibus interciderunt; nisi quod inter Hippocratica etiam nonnulla habeantur, quæ non injuria in Democritum possunt referri: quod etiam *Andreas Cæsalpino* est observatum. *Περὶ σαρκῶν* certe liber non videtur alium autorem agnoscere.

X. Circa eadem tempora Peripatetici Physiologiam ac Pathologiam excolere cœperunt, auctore ipsomet scholæ principe atque *Æsculapii* familia genito *Aristotele*, quem etiam Medicinalium duos libros scripsisse apud *Laertium* videmus. Iisdem vestigiis inhæsit ejus discipulus & in schola successor *Theophrastus Eresius*, uti & *Strato Lampsacenus*. De quibus quum *Præfat. in Observationes Salmuthi* fuse sit tractatum, hic actum agere vel illa repetere nolumus. *Aristotelis* ævo etiam *Glaucus* Medicus vixit; de cuius in-

✱ jus infelici fortuna Plutarchus *in vita Alexandri Magni* scribit, illum quod in Hephæstione curando negligentior fuisset visus, à Rege in crucem actum miserabili morte vitam finiisse.

XI. Post tempora Aristotelis porro Medicina multis in locis solito magis cœpit efflorescere; cum primis autem Alexandria in Ægypto. De cujus scholæ celebritate ante omnia merentur expendi, quæ cum *libro de Hermet. Medic. cap. IX.* tum *dissertatione prima de Antiquitatibus Academicis* prolixè differuimus. In Asia tamen apud Seleucidas præcipua tum existimatione vixit Erasistratus, de quo jam præcedenti capite egimus, quemque *maximum Medicum* appellat Plinius *lib. XIV. cap. 7.* & *circiter DC. annum urbis Romæ vixisse* refert. Hic Antiocho Rege sanato C talentis donatus est à Rege Ptolomæo filio ejus, quod idem Plinius *lib. XXIX. cap. 1.* & ex eo doctissimus Langius *Epist. ult. lib. III.* sub finem tradunt. Ejus *σύγγραφον* vel potius paulo inferior fuit *Herophilus*, de quo capite superiori itidem egimus: quibus illa adjungenda sunt, quæ *lib. de Hermet. Med. cap. cit.* traduntur. Hic, sicuti & Erasistratus, peritia Anatomicæ præcipue excelluit: præterea autem cum primis doctrinam de pulsibus, quanquam nimia subtilitate exposuit; sicuti infra in suo loco plenius recensetur.

Herm.
Med. p.
83. &
seqq.
Dissert.
p. 23. &
seqq.

pag. 84.

✱ XII. Paulo ante Servatorem ætate Magni Pompeji Romæ vixit *Asclepiades Prusiensis*, (quem alium esse à Myrleano illo, contra Suidam *lib. de Hermet. Med. cap. IX.* notavimus) *orandi magister*: in qua arte quum non satis esset *quæstuosus*, ad Medicinam repente se convertit; Plinio teste *l. XXVI. c. 3.* Hic in Physiologicis partim dogmata Epicuri sequutus fuit, partim ipse nova induxit. Ipsam vero curandi rationem usque adeo immutavit, ut novam sectam

pag. 84.

sectam condiderit, de qua superiori capite nonnulla diximus. Blandimentis autem suis *universum prope humanum genus circumegit in se, non alio modo, quam si cœlo emissus advenisset*, referente ibidem Plinio. Duabus autem potissimum rebus maximam auctoritatem sibi conciliavit. Primo quod robusto corpore esset, à morbo nunquam tentatus: id enim peritiæ artis dein adscriptum fuit. Quo pertinet illud quod idem Plinius *lib. VII. cap. 37.* narrat, *sponsionem eum fecisse cum fortuna, ne Medicus crederetur, si unquam invalidus ullo modo fuisset ipse: Et victorem suprema in senectâ lapsu scalarum exanimatum esse.* Alterum est, quod mulierem *ὤστερκας πνιγομένην*, adeoque pro mortua à vulgo habitam quasi revocaverit & restituerit. Unde factum fuit, ut homo è levissima gente, sine opibus ullis orsus ad tantas divitias pervenerit, ut legatos & pollicitationes *Mithridatis Regis sperneret*: quod non sine indignatione laudatis locis Plinius commemorat. Scriptorum ejus hodie nihil superat: passim tamen contra eum Galenus disputat, ex quo, uti & ex Celso & Plinio sententiæ ejus hauriendæ sunt.

XIII. Jam Augusti Cæsaris temporibus, quo regnante in flore fuit res literaria, in Medica arte etiam aliquot celebres fuerunt. Et primo quidem tum Medicinam fecisse *Dioscoridem Phacam Herophileum*, ex Suida discimus. Distinctum enim hunc esse à nobilissimo illo materiæ Medicæ scriptore, quem Galenus in opere *de simpl. medic. facult.* Anazarbeum vocat existimavimus *lib. de Herm. Med. cap. IX.* quod jam dudum etiam Picus Mirandulanus *lib. 1. de auro c. 3.* monuit. Cæterum notissimus istius ævi Medicus est *Antonius Musa*, qui, quum *Augustum Cæsarem contraria medicina gravi periculo exemisset*, uti Plinius *l. XXIX. c. 1.* loquitur, à populo Romano statua ærea juxta Æscula-

Æsculapii simulacrum posita, in singulare gratitudinis monumentum & decus Artis, honoratus fuit, quod ex Suetonio constat. Quin propter hanc ipsam rem *universo* ^{in Augusti vita.} *Medicorum ordini cum aurei annuli jus tum & immunitatem munerum concessam* esse, à Dione præclare observatum, * uti monuimus *dissertatione IV. de Antiquit. Acad.* ^{pag. III.} *Habemus quidem nonnulla huic attributa, attamen fidei incertæ, certe tantæ famæ imparia. Vixit tum etiam frater Antonii Musæ Euphorbus, herbæ cognominis inventor. Tiberii porro Cæsaris ætate Philonides Sículus, Pamphilius, Meneontes, Apollonius Myseras Cappadox, præcipui fuerunt. Item Antonius Pachijs, auctor Hieræ, & Scribonius Largus Empiricus, cujus librum habemus, sed de Græco potius versum. Jam Claudii temporibus celebres fuerunt Cassius Felix, qui aliquoties in Pandectis Medicis Matthæi Salvatici nominatur, unde scripta ejus alicubi adhuc extare conjicitur, (laudantur enim duo libri sub hujus nomine de curatione morborum;) Heraclides Hierophilus Erythræus, Apollonii Mys dicti discipulus, Strabonii coætaneus; & denique Vectius Valens Antiochenus, adulterio Messalinæ Claudii Cæsaris nobilitatus, pariterque eloquentiæ affectator, quemadmodum Plinius notavit, cujus nomine Astronomi- ^{l. 29. c. 8.} ca fragmenta supersunt. Nerone Cæsare Andromachus Senior, ille, qui Theriacæ confectionem heroicis versibus descripsit, maxime claruit. Quo tempore etiam Thessalus Trallianus vixit, ille summæ pariter inscitæ atque impudentiæ homo, de quo supra jam meminimus, cujusque sectatores Galenus Asinos vocare solet. Hujus tamen sectæ ex parte addictus fuit Soranus, Menandri & Phœbes filius, Ephesius, qui Alexandriæ aliquandiu versatus Romanam deinde se contulit, Trajano & Adriano Imperatoribus; cujus nonnulla fragmenta hodieque extant. Sequutus eum fuit*

Cælius Aurelianus Afer, quem Latinum Soranum vocant, de cujus Tardarum & Celerum passionum libris jam egimus: quos optime Lugduni in Galliis edidit Jacobus Dalecham-
pius, nomine tamen non addito. Ejusdem sectæ etiam fuit *Cassius Fatosophista*, cujus problemata habemus, quem-
que Alexandriæ Galeni ævo docuisse, valde verisimile reddi-
dimus alibi.

1. d.

Herm.

Med. c.

9. p. 85.

86.

XIV. Cæterum ex seculo illo primo adhuc nonnul-
li nominandi sunt. Ante omnia vero *Cornelius Celsus*,
quem Latinum Hippocratem & Medicorum Ciceronem vul-
go appellant. Fuit enim vir multæ eruditionis; cui etiam
comparandæ potius quam arti (hanc enim vix illum exer-
cuisse patet) operam videtur dedisse. Cui sectæ fuerit ad-
dictus, non facile dixeris; pleraque enim sua ex variis scri-
ptorum Medicorum generibus collegit. Nam Empiricum
illum non esse, supra jam manifestum fecimus. Sub Vespas-
iano vixit *Cajus Plinius secundus*: hunc enim Medicis
etiam accensemus, quandoquidem Naturalis ejus Historia
magnam partem ex Medicorum libris compilata ejusdem-
que argumenti est. Hunc multa sine judicio collegisse op-
pido patet, præsertim ex re herbaria, cujus utique fuit im-
peritus, unde etiam sæpe eandem herbam, diversa ejus ap-
pellatione deceptus, viribus diversam facit. Id quod primus
optime demonstravit *Nicolaus Leonicens* & nuper etiam
infiniæ lectionis Vir *Claudius Salmasius*. Ante Plinium ad-
huc vixisse videtur *Aretæus Cappadox*, cujus scripta merito
in admiratione doctorum sunt. Omnibus sane reliquis eo
nomine præferendus est, quod in recensendis morborum
symptomatibus tantam industriam adhibuerit, quantam ex
antegressis eum nemo. Cæterum sub Vespasiano etiam
vixerunt *Niger Atticus* cum filiis, *Andromachus junior*,
Græcinus,

Græcinus, *Menodotus Empiricus*, *Theadas Empiricus*, *Servilius* etiam & *Democrates Asclepiadei* duo medicamentorum scriptores, & denique *Dioscorides Anazarbensis*. Sub finem denique demum seculi & sequentis initium Trajano Imperatore *Crito*, & *Ruffus Ephesus*, cujus nonnulla fragmenta extant. Habemus etiam ex illo ævo librum *Evaci Regi Arabum* adscriptum, sed incertæ, imo sublestæ fidei.

XV. Ad secundi porro seculi initium præter nullos modo commemoratorum *Olympianus* pertinet, hujusque discipuli, *Apollonides*, & *Julianus*, quem & audivit *Alexandriæ*, & post acerrime refutavit *Galenus*; *Sabinus* item *Hippocratis* commentator. *Hadriano Cæsare Dioscorides Alexandrinus* & *Artemidorus Capito*, qui junctis operis *Hippocratis* scripta enarrarunt. Huc etiam pertinet *Pelops* & *Satyrus*, insignes tum temporis anatomici, *Galenique* in eo studio magistri: ille *Numesiani*, hic *Quinti* auditor: & denique *Marinus* itidem anatomicus. Circa hæc tempora etiam vixit *Lycus Macedo* origine, sed qui *Alexandriæ* degit, *Galeno* σύγχεον, vir magni nominis & celebris anatomicus; utpote qui *Quintum* audiverat, quo magistro ipse *Galenus* quoque usus est. Hic peculiari libro *Aphorismi decimi quarti libri primi Hippocratis* sententiam impugnavit, cujus summa à nobis explicatur *lib. de Calido innato cap. XXII*. Sed ille liber ad nostram ætatem non pervenit, præter nonnulla verba quæ apud *Galenum* in scripto *Lyco* opposito habentur. Fuit certe vir doctus; *Galenus* enim illum justo acerbius reprehendit per idem tempus vixit *Athenæus Attalensis*, de quo superiori capite jam diximus.

XVI. Marci porro *Antonini* & *Commodi* tempora maxime illustravit *Galenus*, de quo itidem jam sat multis

egimus. Duabus autem potissimum laudem immortalem * sibi peperit: quod Physiologiam & Anatomicum studium imprimis excoluerit; quodque doctrinam de medicamento- rum facultatibus, omnia ex vi primarum qualitatuum dedu- cendo, tanta industria exposuerit, quanta præter eum ne- mo. Opera ipsius, quantum quidem illorum perennavit, Græce bis tantum edita, Latine tamen aliquoties excusa sunt; inter quas editiones Lugdunensis in Gallia & Basileensis in Germania anni 1562. præcipuæ sunt; ita tamen ut Veneta, quæ anno hujus seculi nono cura Iuntarum prodiit, omnibus præ- ferenda veniat. Græco-Latinam editionem molitus fuit ὁ πολυμαθὴς αὐτῶν Hoffmannus noster, adjuncto etiam dupli- ci commentario in universa omnino opera; verum morte præventus publicare non potuit. Fortassis etiam tantum opus, *** utut longe sit præclarissimum, vix typographum inveniet; licet ad editionem paratum illud possideat Clarissimus vir Io- annes Georgius Volckamerus Norimbergensium medicus do- ctissimus.

XVII. De Medicis tertii seculi quod dicamus, nihil fere habemus; neque enim ullus ex eo seculo Artis Medicæ scriptor nunc extat; immo vero vix nomina quædam Medi- corum ejus ætatis habemus nota, præter unius *Antilli* & *Posi- donii*, quorum in libris Oribasii, Aetii & Pauli perfrequens fit mentio. Medium quoque hujus seculi habuit *Q. Serenum Sammonicum*, Medicum disertum ac elegantem, ac carmine Latino sic satis insignem Poëtam, Gordiani Junioris præce- ptorem, cujus meminit Spartianus in *Caracalla*, his verbis: *Occisi sunt & in balneis plures, & in cœnis: inter quos Sammo- nicus Serenus, cujus libri plurimi ad doctrinam extant.* Macro- bius quoque *Saturnalia* L. III. cap. 16. & 17. ejus mentionem facit. Supersunt hodie hexametri, præcepta Medicinæ con- tinentes.

XIIX. Cœterum quarto seculo non parum Artem Medicam floruisse, & quidem Alexandria in Ægypto, ex Euphrosio colligimus. Maxime autem celebris fuit *Zeno Cyprius*; quem Juliani & Ὀρὶβάσιος ætate adhuc floruisse, constat ex Epistola Casarea ad Zenonem, utpote qua rogatus ab Alexandrinis, Zenonem ex agro in urbem istam honorifice revocat. Audiverunt autem eundem eodem teste, *Magnus Antiochia*, quæ trans Euphratem est, Nisibis dicta oriundus, & *Jonicus Sardianus*, & *Oribasius*; quem Sardianum vulgo perperam appellari, quum Pergamenus fuerit, jam tum *Lib. Pag. 58. I. de Herm. Med. cap. IX.* notavimus. Etsi vero Magni Emiseni schola Medica valde tum floruit, omnia tamen ejus, ut & Jonici scripta hodie desiderantur. Oribasii vero nonnulla, quanquam valde mutila, supersunt, quæ Latine à Joanne Baptista Rasario, quanquam minus feliciter versa sunt; Græce enim omnia nondum prodierunt. Pleraque autem Oribasius ex Galeno transcripsit: reliqua, quæ de suo addit, plerumque rudia sunt; in medicamentorum tamen genere sic satis est felix; ideoque opuscula ejus ad praxin multum conducunt. Eodem hoc seculo vixit *Vindicianus*, Comes Archiatriorum Valentiniani Imperatoris, gloriosus ille Empiricus: cujus libellum una cum aliis in suum opus transtulit *Marcellus* itidem Empiricus ætate Theodosii Magni ejusque filiorum, medicamentorum collector verius quam Medicus dicendus.

XIX. Ex seculo quinto nulla Medica scripta itidem extant; nisi quod ad hæc tempora pertinere videantur duo illi præclari Medicæ rei scriptores Græci, *Paulus Ægineta* & *Aëtius Amidenus*. Et Pauli quidem liber de curandis morbis uti brevis, ita satis nervosus est; nisi quod nullas rationes addat, Galeno addictus: quem post Albanum Torinum feliciter Janus Cornarius vertit; ita tamen ut utramque

que editionem animadversionibus doctis exceperit Christophorus Orosius. *Aetius* vero, (quem Alexandria studiorum gratia vixisse, probabiliter satis colligitur *lib. 1. de Herm. Med. cap. IX.*) curationem morborum prolixius tradit; ideoque opus ejus ad medendi quidem rationem satis præclarum est, reliquas tamen artis partes non attigit. Græce integrum Aetii opus hætenus quidem non prodiit typis descriptum, expectatur tamen Parisiis cura viri longe doctissimi Renati Moreau Parisiensis, Regii Medicinæ Professoris.

XX, Sextum à nato Servatore seculum, quantum ex Agathia Scholastico conjicimus, exornavit *Alexander Trallianus*, qui Justiniani circiter temporibus vixisse videtur: felix Medicus, quique satis egregie de plerisque morbis scripsit, ab ipso etiam Galeno nonnunquam ausus discedere. Varias autem regiones medendo peragravit, totumque adeo in facienda arte illum fuisse occupatum, contra communem opinionem verosimile existimamus. Opus ejus optime editum fuit à Joanne Guintherio, quem à patria Andernacum vocamus, Græcæ linguæ apud Argentoratenses Professore & Medico pariter doctissimo. In opere autem illo magnam factam transmutationem observare licet. Ultimum sane librum primo loco ponendum esse, ex præfatione ei præmissa satis colligitur. Ad hoc idem seculum etiam *Paulus & Palladius Alexandrini* pertinere videntur: de quibus pluribus egimus *lib. 1. de Herm. Med. cap. IX.* Forte tum quoque vixit *Stephanus Atheniensis Philosophus*; cujus doctissimum opusculum dignum sane est, quod omnium manibus teratur.

XXI. Post seculum sextum & tempora Justiniana Imperatoris una cum universa bona eruditione Medica studia in Occidente pariter & Oriente conciderunt, spissa totum fere

* terrarum orbem justo Dei iudicio occupante barbarie. Subsequentibus tamen temporibus apud Sarracenos sive Arabas eadem hæc studia reflorescere cœperunt; quod factum videtur mirifico illo Calipharum nonnullorum erga studia propaganda amore & hinc sequuta incredibili munificentia. A seculo nono itaque ad usque decimum tertium à nato Christo per quadringentos annos Medicina apud Arabas floruit, tum in Asia, tum in Africa, tum in ipsa etiam Hispania. Quanquam autem tum præclaros Medicos inter illos vixisse nullum sit dubium, plerorumque tamen scripta ad nostrum Latinum orbem non pervenerunt; ideoque nomina tantum illorum discimus ex Mesue, Serapione, aliisque. Et quidem quod nonum seculum attinet, collocantur in eo ab Abrahamo Zacutho *Gabriel Surianus*, *Joannes Mesue*, & *Sela filius Bebelæ*; sed quorum scripta nobis hætenus ignorantur; quum & Mesue hic longe alius sit ab eo qui nobis hoc nomine cognitus est, de quo infra. Inter clarissimos autem hujus ævi Arabum Medicos primo loco memorant Maronitæ Parisienses *Homain Ben Isaac Abaditam*, deinde *Isaac Judæum*, & *Aben Amran* seu filium Amramidis: quem multa in Arte Medica præstitisse iidem Maronitæ testantur in *commentariis ad Geographiam Nubiensem* & alibi *libello de Arabia*. Et sane sunt libri ejus satis docti: quanquam de nonnullis non sine caussa dubitetur ne potius in Haly Abbatem auctorem referendi sint.

XXII. Seculo porro decimo magis adhuc inter Sarracenos Asiaticos studium Medicum effloruisse certum est. Nihilominus tamen ex omnibus illis vix nomina ad nos pervenerunt. Unus vero præ multis esse potest *Rhases*, cujus non immerito apud Arabas summa auctoritas est, auctor ingentis illius operis, quod *Continens* appellatur. Dignum illud lectu est, vel eo nomine, quod multa alio-

rum fragmenta ibi collecta reperiantur, quæ nullibi alias extant: hoc tamen in eo reprehendendum judicaveris quod vox illa *Dixit* ad nauseam usque identidem repetatur. Adscribitur etiam vulgo illi liber ad Almanforem, qui non infeliciter totam plerorumque morborum medendi rationem continet, quique etiam in plerasque scholas Medicas, Italiae cum primis publice interpretandus introductus fuit: unde etiam tantam copiam commentatorum in nonum Rhasis habemus. Verum opus illud supposititium, neque cujus est Continens, esse, valde videtur verosimile. Ex hoc eodem seculo unum etiam, Græcum habemus, *Nonum* Constantini Porphyrogenetæ Imperatoris σύγγραφον.

XXIII. Neque leviter seculo undecimo iidem Saraceni Asiatici Artem Medicam excoluerunt. Inter quos ad medium usque seculi floruit *Joannes Serapionis filius*, cui libri de simplicibus medicamentis & practica quædam adscribuntur. Videntur autem illa non esse unius scriptores, etiamsi satis sint docta; præcipue illud de simplicibus medicamentis opus. Floruit tum quoque *Haly filius Rodobam*, Ægyptius, Astronomus & Galeni commentator. Item *Haly Abbas*, magnæ famæ Medicus, cujus præclarum opus itidem extat. Similiter & *Isaac Beimiram*, cujus opera multa itidem habemus. Cæterum inter omnes Asiaticos pariter atque Arabicos Sarracenos scriptores primum locum merito obtinet *Avicenna*. Fuit ille patria Corasenus, adeoque in Persia vixit, secus ac vulgo est persuasum. Quanquam enim non desint etiam ex eruditissimis qui in Hispania eum natum, & Averrhois coævum existiment, utrumque tamen falsum est, ut notatum *lib. II. de Herm.* pag. 407. *Med. c. XIV.* Fuit autem vir summi ingenii, magnus Philosophus, excellens Medicus, & summus apud suos Theologus. Quum itaque tanto ingenio, tanta Philosophiæ cognitio-

cognitione, tanta denique peritia Artis instructus esset; rem hactenus Græcis ipsis intentatam aggressus est, integram artem Medicam in unum systema redigere conatus. Quamquam enim non negaveris, multa in illo opere Canonis occurrere, quæ correctionem mereantur; fatendum tamen est, esse opus admiratione dignum. Leonhardus sane Fuchsius & alii Arabum Medicorum hostes eximium illud opus damnando nihil egerunt. Quanquam autem aliquoties illud opus Latine sit excusum, omnium tamen optima editio illa est, quam notis suis & Joannes Paulus Mongius & Joannes Costæus illustraverunt. Ex Græcis Constantino-
 poli tum alicujus nominis fuit *Michael Psellus*, cujus opuscula, sed exiguæ eruditionis, supersunt. Neque enim ad Constantini magni ætatem ille pertinet. In Italiam adeo-
 que in Occidentalem orbem hoc eodem seculo Medicam artem à Sarracenis transtulit Constantinus Africanus, de quo
 infra.

Vide lib.
 I. de
 Herm.
 med. c. 3.
 Pag. 23.

XXIV. Duodecimi vero seculi ætate in Asia quidem studia iterum refriguisse videntur, in otium & socordiam Caliphis prolapsis: At in Africa & Hispania sub auspiciis potissimum & patrocinio Almachindarum Principum studia eadem excoli ceperunt. Itaque hac tempestate egregios Medicos illis in locis vixisse citra dubium est; quanquam ex scriptis illorum pauca ad nos pervenerint. Habemus tamen *Avenzoarem*, virum experientissimum & gravem scriptorem, quemque Averrhoes nunquam sine præfatione memorat, adeo ut eum omnes Medicos post Galenum superasse scribat. De *μακροβία* ejus superiori capite jam diximus. Opus ejus practicum, cui *Thrifir* titulus, dignum est lectu, utut barbare sit versum & raro haberi possit. Comendatur ex hoc seculo quoque *Jacobus Alkindus* itidem Arabs, cujus scriptum etiam extat. Verum enim vero in-

ter omnes illius seculi scriptores potissimum eminet *Averrhoes*, omnium scriptorum Arabicorum *Ἀβερροῖτης*, quique universam Aristotelis Philosophiam luculentis commentariis exornavit, unde Commentatoris sive *ἐξηγητῆς* appellatio illi hæsit. Floruit autem ille circa annum hujus seculi sexagesimum, adeoque Friderici Barbarossæ circiter temporibus. Hic tanti ingenii tantique nominis vir etiam à re Medica non fuit alienus, utut ipsam artem nunquam exercuerit quantum videtur; conscripto doctissimo opere quo universam Artem singulari laude in compendium redegit, titulo Arabico *Colliget*, quam vocem perperam & inepte vulgo *collectanea* interpretantur; utpote quum tantum absit ut liber ille *collectanea* contineat, ut optimo ordine eaque methodo & elegantia artem comprehendat, ut omnes similes conatos superaverit. Eodem hoc seculo vixit *Moses Maimonides Cordubensis* Judæus, ille qui Scaligeri judicio primus inter suos nugari desiit; cujus Aphorismos ex operibus Galeni ingenio longe felicissimo collectos habemus. Declinante denique seculo vixit *Serapion* auctor libri de simplicibus. Commendatur etiam *Joannes Mesue Damascenus*: de quo tamen notandum, scripta quæ sub Mesues nomine extant, diversorum esse scriptorum unius nominis. Quod ipsum jam tum *lib. II. cap. XIX. de Herm. Med.* ostensum est. Videntur autem tres omnino fuisse: unde uni de purgantibus medicamentis liber, alteri practica quædam, tertio Antidotarium adscibendum. Quicquid vero sit, tum de purgantibus liber, tum Antidotarium præclara sunt, neque absque illis veterum Medicorum scripta possumus intelligere. Optimam vero Mesues operum editionem dedit nobis urbs Veneta, adjunctis notis animadversionibusque Jacobi Sylvii & Joannis Costai.

Memo-

Memorantur quoque *Jesus Ben Hali*, *Zoar*, *Hali Aben Ragel*; sed cum minutiores, non adeo magni sunt pretii.

XXV. Atque hi sunt qui inter Arabas Medicinæ laude quam maxime inclaruerunt, quorumque scripta habemus. Interea tamen, & quidem post seculum nostrum, apud Græcos Constantinopoli ars Medica non nihil reffloruit. Præcipui autem sunt ex illis *Theophilus Protospatarius*; *Actuarius*, *Joannis Zachariæ filius*, Græca juxta & Arabica lingua institutus, cujus extat præclarum scriptum de urinis; *Simeon Sethi*, qui de simplicibus, sed minus accurate scripsit; *Michael* denique *Pselius* & *Nonus* quorum jam meminimus. Verum in horum omnium scriptis non licet magnam eruditionem invenire, certe cum Arabibus neutiquam sunt comparandi: princeps tamen inter hos Actuarius videtur esse.

XXVI. Post seculum duodecesimum sive Sarracenici, sive Græci Philosophiæ ac Medicinæ scriptores nulli amplius scriptis præclaris medicis apud nos quidem nomen aliquod invenerunt. At vero eodem tempore hæc laus in hunc Occidentalem orbem quasi postliminio reverti cœpit, excitata potissimum schola Salernitana, auctore primum *Constantino Africano*. Ex illo scilicet tempore Arabum scripta magis magisque Latine verti cœperunt. Tulit autem hæc schola multos eximios Medicos: qui quum longo ordine *Dissertatione tertia de Antiquitatibus Academicis* recenseantur, hic denuo eos repetere supervacaneum ducimus. Per eadem tempora floruisse videtur *Guilielmus de Saliceto*, cujus practica ab auctore *Guilielma* dicta hodieque superest; *Gerhardus* item *Cremonensis*, *Brunus Chirurgus Dini* de Florentia pater, *Lanfrancus Mediolanensis*, *Petrus Hispanus*, post *Johannes XX. Pontifex* & denique *Gilbertus* natione Anglus, qui artem ex Italia in

Pag. 43.

Britanniam, uti tum temporis Oxoniensis & Cantabrigiensis Academiae florebant, videtur transtulisse. Nec prætereundus ex eodem hoc decimotertio seculo *Drusianus*, qui in tanta existimatione fuit, ut vulgo plusquam commentatoris titulo honoratus sit. Sub finem hujus seculi & sequentis initium *Petrus Aponensis Patavinus* vixit, qui discendi studio Constantinopolim migravit, ut observavimus *dissert. i. de Antiq. Acad.* Hic est ille qui Conciliatoris nomine vulgo audit, cujusque præclaros commentarios in problemata Aristotelica habemus, vir multæ lectionis & judicii sic satis exacti. Dolendum autem, tam perperam illum de Christiana religione sensit; certe ea de causa primum in carcerem conjectus, & deinde combustus fuit. Suppar illi ætate, & fortassis non diversi circa religionem sensus fuit *Arnoldus Villanovanus*, cujus opera varia supersunt, quique primus Medicinam in Galliam videtur intulisse una cum Chemiæ studiis. ***

Pag. 415.
& seqq.Pag. 417.
& seqq.

XXVII. Decimo quarto porro seculo insignes maxime fuerunt Thaddæi Florentini discipuli, *Gentilis Fulginas*, *Avicennæ* commentator, & *Dinus de Garbo* Florentinus. Item *Guilielmus Varignana*, Judæus quantum apparet, vir magnæ eruditionis; *Matthæus* etiam *Sylvaticus* Mantuanus, Pandectarum scriptor, ac *Franciscus de Pedemontio*, uterque vir doctus: & demum *Joannes de Gratesden* Anglus, Rosæ Anglicanæ auctor. Immo ad hæc usque tempora videtur pertigisse *Raimundus Lullius* Eremita Majoricensis, propriæ ac singularis tum Medicinæ tum Philosophiæ, propemodum etiam Theologiæ auctor, de quo plura habentur *lib. ii. de Herm. Med. cap. XV.* Post medium seculi vixit *Joannes de Rupe-scissa*, Lulliani prorsus ingenii homo, de quo loco citato agitur. Claruit tum etiam *Thomas de Garbo*, Dini filius, Philosophus & Medicus excellens; item

item *Jacobus de Dondis*, auctor præclari istius operis, cui Aggregator titulus, unde etiam Aggregator Patavinus vulgo appellatur. Sub finem denique seculi floruerunt *Christophorus de Honestis Bononiensis*, & *Foannes de Dondis*, Jacobi filius, Patavinus.

XXIIX. Decimi quinti seculi initio potissimum exornavit *Nicolaus Nicolus Florentinus*, prolixissimus Avicennæ commentator & scriptor doctus, quique totam Artem Medicam tribus vastis voluminibus complexus fuit: ut & *Jacobus de Partibus* itidem commentariis in Avicennam scriptis clarus, qui tamen in Theoreticis potissimum occupatus fuit. Ut autem hi Italiam, ita Galliam eodem tempore condecoravit *Guido de Cauliaco*, Chirurgus longe præstantissimus. Circa annum vigesimum & trigessimum clari fuere *Jacobus Floroliviensis*, *Marsilius de Sancta Sophia*, *Hugo Senensis*, vir præclaræ eruditionis. Quadragesimo anno præ aliis eminuit *Bartholomeus Montagnana*, insignis Practicus & Chirurgus magni nominis, in Academia Patavina commoratus; ut & *Foannes de Concoreggio Mediolanensis*: item *Foannes Panormita*, nec non *Leonhardus Bertapalia Paduanus*. Paulo ante hos nomen obtinuit *Gerhardus de Solo*; at longe clarius *Bernhardus de Gordonio*, excellentissimus Medicus & per viginti annos in Academia Montispeffulana Professor, doctissimo opere Lillii Medicinæ & tractatu de conservatione vitæ humanæ clarus, Guidoni Cauliacensi coætaneus: quorum uterque medendi peritia Italos potuit provocare. *Valescens* item *Tarantanus*, Regis Franciæ Protomedicus, auctor *Philonii*, docti & ad Praxin valde utilis scripti. Circa annum octogesimum vixerunt *Foannes Michael Savanarola Patavinus*, *Antonius Guainerius Papiensis natione*, & *Anto-*

Sæculo
1500.

1520.
1530.

1540.

1580.

1560.
1570.
1580. *Antonius Cermisonus*; omnes editis practicis iisque doctissimis libris clarissimi. Ante hos circa sexagesimum & septuagesimum annum in magna existimatione fuerunt *Joannes Arculanus Veronensis*, *Pantaleon de Confluentia*, & *Baverius de Baveriis*. Circa octogesimum annum præter propter etiam vixit *Joannes Matthæus ex Ferrariis de Gradi Mediolanensis*, longe præclarissimus medendi artifex. Eodem fere tempore ac paulo post primus *Nicolaus Leonicensis Vicentinus*, vir Græce & Latine doctissimus, à barbarie illorum temporum Artem purgare conatus est: quia in re nonnihil illum juvit *Hermolaus Barbarus Patricius Venetus*, vir undiquaque doctissimus. Omni autem illo tempore nemo qui studiis Anatomicis operam dederit, existit, præter unum *Mundinum Bononiensem*, qui tamen pro captu illius seculi rem Anatomicam non nisi rudi modo tradidit.

Sæculo
1600. XXIX. Seculo itaque decimo sexto melioribus literis renascentibus, etiam studium Medicum solito magis excoli cœpit. Itaque Græcorum scripta, quibus ut plurimum hætenus præcedentium seculorum Medici destituti fuerunt, Arabibus tantum contenti, in Latinum verti cœperunt. Unde etiam magna dissensio inter Medicos exorta fuit, quibusdam Græcos, quibusdam Arabas sectantibus: quemadmodum illud ipsum præcedenti capite *num. XIX.* fusius à nobis explicatum est. Inter illos autem qui veterem morem sequuti sunt, potissimum floruerunt in Italia circa initia seculi *Leonellus Faventinus de Victoriis*, apud Felsinenses Practicus ordinarius; *Petrus de Bayro Taurinensis*; *Andreas Turinus Piscienensis*, *Pauli III. Pontificis & Gallix Regis Archiater*; *Joannes de Vigo Genuensis*, & *Jacobus Berengarius Carpenensis*, uterque Chirurgus excellens;

lens; item *Marianus Sanctus Barolitanus* itidem Chirurgus. In Gallia uti & in Germania neminem illius ævi reperire licet, qui antiquum modum omni ex parte retinuerit. Magis tamen priscum morem observavit *Symphorianus Campegius* Lugdunensis, Eques auratus ac Lotharingorum Principis Archiater, & *Sebastianus Montuus* Gallus, uterque doctissimus.

XXX. Inter illos vero, qui Arabibus repudiatis Græcorum doctrinam unice amplexi sunt, præ reliquis excellit adeoque inter primos nominandus *Donatus Antonius ab Alto mari*, Medicus & Philosophus Neapolitanus. In eundem ordinem etiam referendus est *Leonhardus Facchinus* Emporienfis, Medicus Florentinus, & Pisis ejusdem Professor, totus Galenicus. Commentatus enim quidem est ad nonum librum Rhasis, sed non nisi ex lege antiqua scholarum. Ejusdem ordinis est & *Comes Montanus* Vicentinus, magnæ eruditionis vir, longe tamen recentior, Galenicæ medicinæ pene unice addictus; & alii admodum pauci. Ad hos quoque pertinet *Julius Alexandrinus à Neustain* Tridentinus, ac Cæsareus Medicus primarius; *Alexander* item *Massaria*, in schola Patavina Professor, qui non dubitavit profiteri, *malle se cum Galeno errare quam cum aliis sapere*. Scilicet his hominibus pro argumento est auctoritas unius Galeni, ideoque in illorum scriptis nihil aliud atque mera Galenica videas. In Germania ejus plane notæ fuit *Leonhardus Fuchsius*, qui patrum memoria scholam Tubingensem valde illustravit, & primus Galeni lectionem introduxit, ejusdem acerrimus defensor: qua re etiam ingens nomen per universam Germaniam; imo Europam sibi comparavit. Tanto autem odio in Arabas flagravit, ut nullam etiam occasionem eos infectandi prætermittat. Quanquam autem Græce & Latine

tine fuerit doctissimus, Philosophiæ tamen parum fuit peritus, unde etiam in multos errores fuit prolapsus. In his etiam recensendus videtur *Ianus Cornarius* Zuiccaviensis, Medicus Francofurtensis, omnibus fere Græcis Medicis in Latinum sermonem versis maximam laudem adeptus.

XXXI. Huic sectæ sive scholæ Galenicæ quam maxime obstiterunt *Andrea Vesalii* conatus, maximi & incomparabilis viri; de quo præcedenti capite *th. XIX.* jam diximus. Quo eodem fere tempore itidem contra Galenum insurrexit *Joannes Argenterius*, Castellonovens Pedemontius, vir quidem eximie doctus, verum veteris Philosophiæ non satis peritus, & novitatis si quis alius cupidus; quod illi cum Fernelio commune est. Observandum autem, in illis ejus operibus pleraque esse Logica aut Philosophica, pauca quæ ad praxin faciant. Quinimo in Galeno reprehendendo modum plane excedit: quæ de re etiam nobis usque quaque nunquam placuit. Opposuit sese vero illi *Julius Alexandrinus*. Verum Argenterii defensionem suscepit *Reinerus Solenander*, admodum tum juvenis. Huc quoque referimus, antiquiorem tamen, *Marcellum Vergilium* Secretarium Florentinum, de materia Medica optime meritum.

XXXII. Inter illos porro Italorum, qui Arabum sententias cum Galeno junxerunt, princeps fuit *Joannes Baptista Montanus* Veronensis, Professor Academiæ Patavinæ celeberrimus, vir tantæ auctoritatis, ut in eum Galenianam quasi transvolasse creditum pene fuerit. Quamquam autem hic tam Græcorum quam Arabum scripta accuratissime & legerit & expenderit, ipse tamen nihil in lucem edidit, sed discipuli ejus, ut Hieronymus Donzellinus, Reinerus Solenander, & potissimum Joannes Crato, cujus opera Consilia Montani quam optime evulgata sunt. Collegit

- git item universam Montani Medicinam in unum opus, jussu maxime Cratonis, Martinus Weinrichius. Ejusdem porro ordinis est Montani successor *Victor Trincavellius Venetus*; ut & hujus itidem successor *Hieronymus Mercurialis* Forolivienfis, vir elegantiori doctrina plane imbutus, in quo præcipue omnis generis scriptorum Medicorum multiplex lectio cum accurato judicio vix potest satis laudari. Ad eandem classem quoque pertinet *Hieronymus Fracastorius* Veronensis, Philosophus, Medicus, Mathematicus & Poëta eximius. Similiter & *Hieronymus de Capite vacæ sive Capi vaccius*, Nobilis Patavinus & in eadem schola Mercurialis collega, cujus methodus medendi accuratissime conscripta est; nisi quod medicamentorum videatur minus fuisse peritus. *Hercules* itidem *Saxonia* ejusdem scholæ Professor, celebris potissimum grandi illo opere practico, quod *Pantheon*, titulo sic satis ambitioso appellatur, vastum tamen fortasse magis quam doctum. Collegam habuit *Alexandrum Massariam*, cum quo etiam de phœnigmis magnas contentiones fovit, editis quoque in vulgus ab utraque parte in eo genere scriptis. *Horatius* denique *Augenius à Monte sancto*, in Taurinensi primum & dein Patavina scholis Professor, Capi vacciique in hac successor; qui tamen magis in sectam Galenicam videtur propendere. Scripsit ille ingentia volumina de venæsectione, & libros Epistolarum, quæ tamen nihil minus sunt quam Epistolæ, sed integri potius tractatus. Lectu tamen omnia dignissima.

XXXIII. Cæterum in Gallia plane alia facies Medicinæ cepit. Plerique enim soli Galeno adhæserunt, nonnullis tamen exceptis. In illorum vero ordinem merito referre debemus *Jacobum Sylvium* Ambianum; qui una cum *Fernelio* & paulo juniore *Jacobo Hollerio* ut & paulo ante

hos *Guilielmo Copo Basileensi & Petro Brissoto* receptam Arabum Medicinam ex Academia Parisiensi expulit. Atque à Sylvio quidem introducta est schola Galenica, ab Hollerio autem Hippocratica, ut mox dicetur: Fuit enim Sylvius præ aliis Galeni ita studiosus, ut etiam dictum illud Vesalii, *quod Galenus quaedam ignoraverit*, ægerrime tulerit. Fuit præterea etiam Artis pharmaceuticæ apprime studiosus, unde etiam Pharmacopœam edidit, opus sane doctum. Habemus autem omnia Sylvii opera uno volumine non ita pridem junctim edita. Verum enim vero eodem tempore floruit *Johannes Fernelius* itidem Ambianus Regis Archiater, vir in melius promovendæ Artis studiosissimus, qui in multis à veteribus pariter recentioribusque dissidere ausus fuit, plurimis novis dogmatibus in medium adductis; quique primus inter recentiores morbos totius substantiæ celebravit. In quo uti omnino summe laudandus venit, universam Artem uno volumine ad modum Avicennæ comprehendendi insignis conatus, quodque veterum expositionibus non semper superstitiose inhærendum existimaverit, præterea etiam multa circa morbos eorumque causas primus observaverit: ita in sermone elegantissimo majus robur argumentorum merito desideraveris. Et vero eloquentia sua incauta & rerum imperito lectori passim fucum facit potius quam ut firmis argumentis eum instruat & convincat. Quod igitur Argenterius Italis, idem Fernelium Gallis suis fuisse non injuria pronunciaveris. In praxi tamen tanta felicitate fuit versatus, ut *invisam sterilitatem à domo regia Henrici II. repulerit*; quod Scævola Sanmarthanus in elogio testatur.

XXXIV. Eadem ætate vixit *Jacobus Hollerius Stempanus*, Medicus eximiæ eruditionis atque Hippocraticæ medici.

medicinæ observantissimus, & post unum Galenum summus interpres, quidque inter recentiorem omnium primus eandem felici cum successu illustrare conatus est. Ipsemet vero licet nihil ediderit, post obitum tamen scripta ejus lucem demum viderunt, inter quæ præcipuum opus est de morbis internis, propter nobilia remedia detecta. Variam tamen fortunam passa sunt Holleriana scripta, utpote quæ alii deinde visi sunt sibi voluisse arrogare: quo nomine & Caspar Wolfius & Desiderius Jacotius, innocentes tamen fortassis, vapularunt. Sequutus autem est Hollerium in eodem studiorum genere clarissimus discipulus *Ludovicus Duretus*: ex cujus schola deinceps doctissimi quique Hippocratis interpretes prodierunt, præsertim *Joannes Heurnius*, *Mauritius Cordæus*, *Anutius Foësius*, *Joannes Libautius* & alii, qui omnes Hollerii vestigiis institerunt. Ad quos etiam pertinet *Guilielmus Ballonius* Dureti discipulus, inque Hippocratis & aliorum veterum Medicorum lectione eximie versatus: inter cujus opera, quæ post ejus obitum ante paucos demum annos Parisiis prodierunt, libri Epidemiorum & Ephemeridum præcipue eminent, scriptum nunquam satis laudatum; quamvis omnia perdocta sint & ad accuratam dignoscendi curandique affectus rationem plurimum facientia; nisi quod in vocabulis non raro ludat. In Italia nemo ex Hippocratis lectione eximiam & Gallis æmulam laudem hætenus videtur affecutus, si excipias fere unum *Andream Cæsalpinum*, hominem ingeniosissimum, cujus Ars Medica tota fere ex Hippocrate deprompta est.

XXXV. Qui Arabum scripta magnificerit in Gallia, nemo reperitur præter *Hieronimum Montuum* Sebastiani filium, Mirebelli Dominum, cujus libri rariores quidem sunt inventu, doctissimi tamen & practico cum primis utiles. Huic tamen adjungendus est *Joannes Bruyerinus Campe-*

gius, cujus scriptum de re cibaria eruditissimum extat. Uterque Henrici II. Regis valetudinem curaverunt, & necessitudine valde conjuncti fuerunt: Bruyerinus etiam Græcæ Latinæque linguæ peritia Montuum longe antecelluit. Materiam quoque Medicam eodem tempore elucubrauit *Guilielmus Rondeletius* Monspeliensis, vir clarissimus. Vixit jam ante hos *Petrus Brissotus*, Medicus sui ævi ad miraculum doctus, & *Matthæus Curtius* Ticinensis; celebris uterque, potissimum mota de vena in pleuritide secanda controversia. Rei herbariæ cultura ingens quoque sibi decus comparavit *Joannes Ruellius*. Quanquam vero plerique Gallorum Galeno fuerint addictiores, hodie tamen à Galeni sententia in quibus recedunt, Fernelium potius suum imitantes; cujus auctoritas multis illorum pene sacrosancta est.

XXXVI. In Hispania plerique Medici receptum morem medendi docendique conservant. Hippocratis enim vel Galeni vestigiis pauci inhærent, ut plurimum Avicennam sequentes, cujus hodie etiam nullibi temere major est auctoritas. Elegantiorē tamen & Galenicam illam viam sectatus est *Franciscus Vallesius* Covarruvianus, in Academia Complutensi Professor, vir plane admirandus, & liberrimi ingenii. Post ipsum etiam *Ludovicus Mercatus*, Philippi II. & III. Regum Medicus Cubicularius & in Valledoletana Academia primarius Professor: nec non *Ferdinandus Mena* eorundem Regum Medicus & Complutensis scholæ Professor itidem primarius, vir solide doctus, & nonnulli alii. In universum tamen dixeris, Medicos Hispanos aut totos aut certe magna ex parte Avicennæ & Arabibus addictos esse: quemadmodum etiam Philosophiam & Theologiam Scholasticam illi soli præ aliis hodieque mordicus tuerentur.

XXXVII. Apud nos in Germania eadem tempestate Artem nostram potissimum exornarunt quos supra laudavimus, *Leonhardus Fuchsius & Joannes Guintherius Andernacus*. Quibus procul dubio plures accessissent, nisi Germaniam tum temporis dementasset ille, qui se *Philippum Aureolum Theophrastum Bombastum Paracelsum ab Hohenheim* nominavit, monstrum hominis & in perniciem omnis melioris eruditionis natum. Cujus doctrinam, mores, adeoque vitam omnem cum justis voluminibus vir præclarissimus, Thomas Erastus atque alii universo eruditorum orbi luculente exposuerint, nos hic nihil addendum putamus. Non possumus tamen, quin adscribamus versus ab Homero mutuatos, quibus Paracelsum ad vivum plane depiungit, quemadmodum ille Thersiten suum, vir eruditione juxta ac pietate eximius *Bruno Seidelius lib. de morbis incurabilibus* Pag. 138 libus:

Βομβαστός δ' ἐτι μὲν ὁ ἀμετροπῆς ἐκολάα,
ὅς ῥ' ἔπεα φρέσιν ἦσιν ἀκοσμά τε πολλά τε ἤδει,
Μάψ' ἀτὰρ & κατὰ κόσμον ἐρξέμεν ἱητροῖσιν,
Ἄλλ' ὅ, τι οἱ εἶσατο γελοῖον Γερμανοῖσιν
Ἐμμεναι αἰχίῃ δὲ ἀνὴρ ὅππῃ φάρμακα ἤλθε,
Μῶρος ἐν κεφαλῇ. ψεδνή δ' ἐπενήνοθε λάχνη,
Ἐχθρὸς δ' ἦν Ἰπποκράτει καὶ πᾶσι παλαμοῖς.

Quod verissimum sane est istius Thessali elogium. Quamvis autem pleraque Paracelsi istius generis h. e. impia, absurda & monstrosa sint, non diffitendum tamen egregia in ipsius scriptis quædam medicamenta, quæque apud alios fortassis non perinde occurrunt, haberi. Verum & hæc ipsa ut ipse ex aliis fuit suffuratus, ita qua fide tradat, dudum observavit magnus ille Crato præfatione in illustris Scaligeri de Subtilitate Exercitationes. De reliquis artis nostræ scriptoribus

ptoribus suo loco deinceps agemus. Nam ut de Paracelsi sectatoribus pluribus velimus agere, supervacaneum esse ducimus. Et vero quid de illis jure sit sentiendum expectandumque, quantumque vel magistri sui placitis adhæserint, vel ab iisdem recesserint, sub finem superioris capitis jam fuit *** expositum.

XXXIX. Quamvis autem omnes illi, quos hactenus recensuimus, Medicam Artem excoluerint, non tamen unicuique ad Artem aspiranti necessarium est, omnes illos scriptores legisse; quorundam tamen eorumque optimorum scripta si non omni, maxima tamen ex parte cuilibet Artis studio cognita esse debent; utpote sine quorum notitia finem suum difficulter obtinebit. Maximi autem utique momenti est, quid unusquisque præstiterit, scire. Certe bonos libros habere cognitos, eximia pars est bonæ eruditionis. Magnam itaque gratiam ab omni posteritate inierunt illi, qui scriptorum catalogos texuere. Quale opus avorum memoria primus *Conradus Gesnerus* Tigurinus Helvetius, vir quo nemo rempublicam litterariam juvandi fuit studiosior, concinnavit. Quod institutum uti summe utile fuit, ita a nemine ante ipsum tentatum: nisi quod in *Suidæ* collectaneis quædam annotata legantur. Bibliothecæ Gesneri (ita enim opus illud inscripsit) epitomen valde utilem publicavit *Josias Simlerus*, ipsius discipulus, professione alias Theologus, vir doctissimus. Recensentur autem ibi non solum omnis generis Medica scripta, sed & multa alia, quæ Artem nostram non tangunt. Quorum exemplum ut in Theologicis & Juridicis, ita & in Medicis scriptis seorsim alii deinceps sequuti sunt. Et quidem in nostræ Artis scriptoribus primum id conatus fuit *Otto Brunfelsius* Moguntinus, cujus tamen liber non adeo magni momenti est. Post hunc in eodem labore majorem operam posuit *Robertus Constan-*

Constantinus vir doctissimus; deinde etiam *Paschalis Gallus* *Picto-Villafanensis* edita Bibliotheca Medica. Idem porro voluit *Foannes Schenkius* vir longe diligentissimus, edita per filium *Foannem Georgium* Bibliotheca itidem Medica; in qua multa habentur, quæ à præcedentibus intacta fuerunt relictæ. Hunc in eodem argumento imitatus est *Israël Spachius*, Argentinenſis ſcholæ Profeſſor Medicus: & nuper denique *Foannes Antonides Vanderlindius* Enchufanus, evulgato de Scrip-
* toribus Medicis libro. Quanquam autem omnes hi ſuam mereantur laudem, præcipui tamen ſunt Schenkius & Vanderlindius. Duo in omnibus merito deſideres: cum quo ſeriem temporis non obſervaverint, ordinis Alphabetici ſtudioſi; tum hoc nemo iudicium de ſcriptore ferre auſus fuerit: quod utrumque tyronibus tamen, cum primis autem poſterius, ſci-
tu per eſt neceſſarium. Conradus Geſnerus tamen cenſuram aliquam addidit: & hoc nomine præ aliis meretur commen-
dari.

XXXIX. Decet porro elegantem Medicum, non ſcri-
pta ſolum ſed & vitas Medicorum habere cognitæ; utpote
quum notitia illa non ſolum per ſe jucunda ſit, & liberalem
eruditionem valde ornet, ſed & præterea ſæpe numero con-
ſilium actionibus noſtris poſſit ſuppeditare. Quapropter
etiam in illo argumento primus avorum memoria aliquo
modo laboravit *Symphorianus Campegius Gallus Lugdu-
nenſis*. Secundum ætates deinde de Medicis aliquid dice-
re aggreſſus eſt *Fodocus Willichius Reſellianus Germanus*,
ſcholæ *Francofurtensis* ad Viadrum Profeſſor Medicus:
cujus liber tamen à conatu magis, quam quod expecta-
tioni ſatisfaciat, laudandus eſt. Germanorum Medicorum
præcipuorum vitas edidit *Melchior Adamus*. Similiter
ante paucos annos de Medicorum vitis aliquid evulgavit

Petrus Castellinus; verum ita, ut & ipse expectatione longe sit inferior. Sine dubio vero hac in parte magis eruditorum desiderio satisficient *Renatus Moreus* & *Joannes Henricus Meibomius*, viri jam tum eruditorum orbi meritis suis satis noti: quorum ille Medicorum Parisiensium, hic præcipuorum quarumvis gentium vitas publico dare jam dudum molitur. Interim tamen non possumus non unicuique Artis studioso optimum consilium etiam atque etiam commendare, ut videlicet, quæ vel ipsemet apud alios de quovis scriptore legerit, vel à præceptoribus suis viva voce acceperit, in adversaria sub suum quodque caput referat: ita enim quis brevi tempore insignem peritiam sibi comparare poterit. Id quod in unaquavis bonæ doctrinæ parte serio observandum, semel hic monuisse sufficiat.

XL. Denique quum argumentum Medicum varium sit nec unius generis, etiam hoc sciendum est, quid quisque in qualibet parte præstiterit. Cujus utilitatem quum videret nunquam satis laudatus *Conradus Gesnerus* post editam Bibliothecam, omnis generis scriptorum Pandectas elaboravit. Quanquam autem scriptum illud admodum crudum sit, neque cum aliis ejus operibus comparandum; veniam tamen apud omnes bonos meretur, quum unus ille non potuerit omnibus sufficere. De Medicis quidem rebus in Pandectis istis nihil habet, quod secundum locos communes seorsim ea dere & peculiari libro agere voluerit, morte autem præventus & aliis etiam impedimentis occupatus absolvere non potuerit. Post illum in eodem argumento aliquid scripsit *Israël Spachius* paulo ante laudatus: & post hunc operosius adhuc idem deducere conatus fuit *Joannes Schenkius*. Quantum enim ex Bibliotheca ejus Medica apparet, grande opus Pandectarum Medicarum in parato

parato habuit. Verum neque illud lucem hætenus vidit, nisi quod filius ejus Joannes Georgius Artis Semeioticæ scriptorum catalogum publicaverit, grandis istius operis unicam tantum portionem. Num qui præterea in eodem argumento laboraverint, hætenus nos laet.

XLI. Atque hæc de Medicinæ etiam universæ origine & progressu in genere dicta sufficiant: restat ut de singulis Artis partibus jam seorsim differamus. Adjiciemus tamen heic ante nonnulla, de iis qui Arabum medicorum memoriam singularibus libris sunt persequuti, qualia illa in epistola quadam ad doctissimum Meibomium 14. Febr. anno 1652. perscripsimus. *Quoniam video longe majores mihi labores imminere, & nihil perinde desiderem atque perfectum videre tuum de Medicorum vitis opus, statim respondeo ad tuas, etsi haud parum defatigatus. Schenkius etiam me olim multum turbavit: præsertim quum nemo esset dux iis in Arabum desertis. Nam testatur quidem Andreas Alpagus proæmio in Avicennam, versam à sese nescio quam Medicorum & Philosophorum Arabum historiam: Joannes etiam Leo l. 3. historiæ suæ Africanæ vitas Philosophorum Arabum à sese scriptas refert, in quibus indubie & nonnulli fuere præclarissimorum ejus gentis Medicorum: A Ben Casen item doctissimorum historiam proditam, non semel notant duo illi Maronitæ Parisienses ad Geographiam Nubiensem. Inter libros porro quos ex oriente devexit Jacobus Golius, reperiuntur volumina quidem duo Aben Aselbi de vitis omnium doctorum virorum qui stante Arabum imperio claruerunt, & unum nescio cujus de vitis Medicorum qui floruerunt in Oriente. Verum nihil horum hætenus typis editum, multo minus mihi est lectum, vereor autem ut quis possit, in rebus Medicorum Arabum per tem-*

pora sua digerendis, iis libris destitutus facere pretium operæ, aut cavere lapsum. Eoque mi Amice, nec à me expectaveris aliquid certi, adeo male à libris qui huc faciunt instructo. Non dubito tamen Schenckii conjecturam si non omni, saltim magna ex parte futilem pronunciare. Hactenus illa. Nec enim est opus quæ de variis Arabibus Medicis eadem epistola perscribuntur heic addere.

ADDITAMENTA.

II. ✱ *Sive inter reliquos peritia medendi excelluere, sive*
In proœm. Celsus de Æsculapio aperte: *Cum vetustissimus auctor Æscula-*
pius celebraretur, qui, quoniam adhuc rudem & vulgarem illam
scientiam paulo subtilius excoluit, in Deorum numerum receptus
est. Sapienter, & candide; non Græcorum aut Ægyptio-
rum more, qui uni solebant artis totius inventionem tri-
buere; quasi vero non paulatim, & per experimenta illa primum
ceperit creveritque: quæ deinde, cum ab uno aut altero nota-
ta diligentius essent, is tum quidem medicus videbatur, & erat
in laude; minime tamen auctor totius artis poterat haberi, quæ
inventæ esse putari non debet, antequam plene exculta, & in
artis formam sit redacta: plane ut cum aliis disciplinis omnibus
se res habet, quæ à collectione singularium sensim ad universalium
justum numerum & scientificam constitutionem evehuntur.
Quo sensu nemo illorum qui hic commemorantur, auctor ar-
tis celebrari poterit: verum hæc laus debetur demum Galeno, ut
ex supra allatis constat: sed hoc forte rectius dicemus cum aucto-
re Artem perficere quam invenire: Uti autem hæc absolutio uni
adscribi certo quodam sensu potest; ita inventio vel ulli mortali-
um tribui jure nequit.

✱ ✱ *Quo eodem opere.* Quo magis mirari subit laudati
 supra Olai Borrichii institutum, qui libro de Ægyptiorum sa-
 pientia contra nostrum conscripto, quo evinceret Chemicos
 recte

recte Hermeticos appellari, non dubitavit in Hermetem suum non hujus modo, sed pene omnium aliarum artium, liberalium, mechanicarum, disciplinarumque omnium, denique ipsarum literarum inventionem conferre. At qua fronte? cum fere nunquam non adductorum in id testium laboret fides; certe nulla videri post ea quæ dicta sunt, prudentioribus possit: Ut dubitari queat, quodnam sit magis admiratione dignum, homini erudito id visum fuisse, an vero toti orbi eum voluisse persuasum. Sed fortassis neutrum horum de ipso credi par est: omnia enim ista congesisse videtur potius ut eruditionem suam ostentaret ac male ureret Conringium, quam ut ita accidisse crederet: quem tot, tamque indignis modis solet tractare, ut, si solum legas Borrichium, facile Conringium rerum medicarum imperitum, in omni antiquitate hospitem, chemiæ infensissimum hostem, hominem malignum, affectibus deditum, sententiarum aliorum corruptorem, & vix prima Latinæ linguæ rudimenta probe doctum existimes: Ut enim omnia congereret in opprobrium incomparabilis optimique viri, non erubuit commissa adversus Latinæ linguæ genium peccata subinde ipsi exprobrare, idque etiam falso, ut videas ex livore potius & maledicendi studio quam ex meritis adversarii qui nunquam lacerat, eum egisse. Mihi vero si fas est in tantum virum vicissim animadvertere, & libere ac ingenue dicere quod sentio, videtur multo potiori jure accusari ipsemet posse analytices ignorantia, & malæ fidei. Nullum enim fere in toto vel priore panegyrico, vel posteriore historico volumine occurrit apodicticum quod ad controversiam primariam faciat argumentum, sed pleraque vitio laborant Logico, & robore suo destituuntur, fucum autem verbis facere, & ex eloquentiæ coloribus nonnunquam malæ causæ præsidium quærere, & imponere lectori videtur haut semel: Multa etiam malitiose & per calumniam torquet; dixeris mores in hoc imitatum Paracelsi, & aliorum olim chemicorum, qui non tam argumentis, quam adversariorum contemptu & calumniis pugnabant, cæterum neque solidum in rebus pondus inerat, neque in verbis fides; nisi & multo rectioribus studiis

& elegantioribus literis eum imbutum, esset manifestum. Id doleo, non satis cavisse summum virum, ne in aliis etiam ejus imitator videretur. Quam enim superbo fuerit animo, & quam contemptim habuerit summum virum & cui universus orbis literarius infinitis nominibus est obnoxius, id unum poterit docere, quod ex triviali schola nuperrime evocatus ad medicinam docendam, non dubitavit in præfatione secundi operis postulare, ut Conringius ad pedes suos, tanquam justissimum quod agnoscere habeat, tribunal devolutus, veniam errorum (quos nullos commiserat) peteret: & quidem verbis ipsi in id talibus præscriptis:

Pœnitet, & factio torqueor ipse meo.

Sed bene habet quod propius alii tam misere ab ipso laceratum Conringium, & rectius norunt, qui uno ore omnes poterunt de eo testari, neminem magis sincerum (de eruditione sua & Latinæ Græcæque linguæ peritia scripta sua loquantur) aut veritatis studiosum unquam extitisse. Sed quoniam ipse in apologetico ad prius panegyricum scriptum satis ostendit quo pacto secum egerit Borrichius, neque etiam hujus loci est de iis curatius dispicere, nihil addimus: rogamus saltem, ut, si res tanti est, conferant inter se Conringii & Borrichii scripta lectores: ita enim facile quas offundere nebulas laboravit, citra ulteriorem indicationem, solius recti judicii viribus discutientur, & ad solem veritatis evanescent.

IV. ✱ *Perfectam medicinam & omnibus numeris absolutam, nimirum Divinam, Æsculapius solus* - Hæc ut rectius intelligantur, operæ pretium est integrum istum locum adjicere, præsertim cum nostram de ortu medicinæ sententiam illustret ac firmet: scribit Herodotus, quondam agris per compita expositis, illos qui iisdem aliquando morbis laborassent, refert solitos quibus unusquisque usus sanitatem recuperaverit: atque hoc modo ex multorum usu & experimentis rem medicam conflatam esse. Sed hæc quidem experientia ratione vacua nondum rationalis fuit. Caterum perfectam & omnibus numeris absolutam, nimirum divinam, Æsculapius solus invenit: Illam vero quæ inter homines versatur, hujus successores Asclepiade posteris, veluti hereditario jure acceptam tradiderunt. Satis obscurum

rum autem est, quid per divinam hic innuat, cum illam quæ inter homines versatur, ei opponat. Si quis ergo conjecturæ locus, videtur Magicam illam Ægyptiorum in Ægypto didicisse, & redux exercuisse Æsculapius. De qua, ne cum Borrichio alicubi dubitemus, (alibi enim concedit) post alia multa & hic auctor facit, qui paulo ante, apud eos præter herbas aliam quoque medicamentorum rationem fuisse, ex Homero asserit: Magicam autem artem Hippocratis etiam temporibus adhuc medicinam inquinasse, luculenter patet ex libro de morbo sacro, ut sole meridiano clarius hoc existimari queat.

V. ✱ *Has partes medicina solas* - Non Homeri tantum, sed ipsius etiam Hippocratis adhuc temporibus ita se rem habuisse ex *Libro de Arte* videre est, ubi circa finem, postquam de cognoscendis morbis internis egit, Hos paucos aggreditur, cum per aliorum expositionem ad medici curantis cognitionem, πρὸς τὴν θεραπεύειν σύνεσιν ἐρμηνευόμενων, pervenerunt. Tota autem prior pars illius libri de chirurgia venit intelligenda: Liber etiam de Medico nihil minus quam medicum (hodierno dicendi modo si uteris) instruit, sed mere chirurgicus est, cum tamen exordiatur his verbis: τὸ μὲν γράμμα ἐστὶν ἡ τέχνη πρὸς αἰσίν, sed de hoc sequente annotatione dicemus. Denique ipse etiam Magnus Coss, sui ævi princeps, longe maiorem Chirurgiæ quam Therapiæ peritiam in operibus suis ostendit.

VII. ✱ *Ab hac Cnidia proxima fuit.* Cnidiam scholam in multis parum recte sensisse, & rudem admodum medicinam exercuisse, non est dubitandum, ut longe infra Coam extitisse videatur. Extat ineptissima quæ illis in usu fuit empyematis curatio apud Galenum *Lib. de optima secta*, quæ imperitiam istam palam facit, & exemplo esse potest.

IIIX. ✱ *Hippocratem virum honestum. &c.* Hoc encomium ex Galeno ita commemorat Job. Hermannus, Wittebergensis professor, in oratione ibi habita Anno MDLX. De ipso Hippocrate, Galeni inquit, iudicium est: Καλὸν καὶ ἀγαθὸν ἀνὴρα αὐτὸν γεγενέσθαι, μὴ φιλοτιμίας ἢ φιλοδοξίας ἀλλ' ἀληθείας ἐραστὴν. Et de scriptis ejus; ὅτι καὶ
κῶς

ἡὼς & δὲν ἔγρηψεν, *Sed esse quadam obscura quadam mutila, pleraque concisa, brevia, & in arctum contracta: nihil superfluum, otiosum nihil, & alienum à rei natura continens, sed arguta brevitate rotunda & significantia, tantaque referta bonarum rerum copia, ut ubertas & amplitudo rerum verborum numerum longe superet.* An autem per omnia standum sit hoc iudicio, merito quis forte dubitaverit: Multa certe in Prorrheticis leguntur quæ alibi rursus occurrunt, multa cum hic tum alibi ab ultima perfectione longissime remota, haut pauca etiam inania leguntur; Cujus rei rationem alibi reddimus: Sed haut paulo sincerius ipse auctor noster sequenti pagina de scriptis Hippocratis fert iudicium; nos igitur manum abstinemus.

* * *Physiologica scripta quæ sectione prima &c. sunt hæc non proprie dicta Physiologica, nihil enim de natura continent humana, sed quæ vulgo ad Physiologiam referuntur, potius tamen præcognita sunt: ut I. Jusjurandum Hippocratis, ex quo quam sanctam habuerint medicinam Asclepiadæ apparet. II. Ejusdem lex, ubi requisita in futuro medico, & quibus adminiculis ad artis peritiam perveniatur, paucis, sed accuratissime enarravit. III. De arte: ubi contra calumniatores & contemtores medicinæ fortissimis argumentis pugnat. IV. De prisca Medicina: de quo jam tum ad præcedens caput quæ scitu necessaria, prolixius annotavimus. V. Liber de Medico, quem, non esse Hippocratis, ex stylo ab Hippocratico diversissimo potissimum docti prope omnes judicarunt. Est autem ex his Mercurialis iniquus nimis & acerbus. Quanquam enim negandum non est, libri initium non satis dignum Hippocratica magnificentia videri posse, non tamen meræ propterea sunt nugæ ut ille contendit: Quin nonnulla eorum quæ sequuntur prorsus egregia: ut quæ de cucurbitulis & ulceribus habet. Patet vero & ex hoc libro medicos tum temporis quo scriptus est, in solis adhuc chirurgicis operationibus fuisse occupatos. Sequuntur VII. De decenti habitu, & IIX. Præceptiones, quæ ejusdem sunt ordinis, nam & dicendi genere, & rerum gravitate ab Hippocraticis libris longius absunt, etsi multa non inutilia*

lia in iis contineantur, proprie vero dicta Physiologica & Anatomica sectione tertia Foëssii habentur, de quibus sigillatim ferre judicium nil attinet.

* 3. *Pathologica ejus experimenta.* Non loquitur de omnibus scriptis pathologicis, sed illis tantum in quibus observationes conditæ leguntur. Sunt autem, quemadmodum in citata præfatione declarat, Epidemica, Aphorismi, Prorrhætica, Prognostica, & Coacæ prædictiones: Quorum tamen non omnes ejusdem sunt dignitatis, nec in iis omnia. Multa certe videntur admodum adhuc cruda & indigesta, nec in id ab Hippocrate notata, ut universalia habeantur pronunciata æternæ veritatis, sed tanquam singulares observationes, cum artem faceret, tumultuarie conjecta in pugillares, quo videret an semper eodem modo accidant nec ne: Scio aliter sentire summæ auctoritatis interpretes: sed videntur potius amor Hippocratis quam veritati litasse. Quisquis enim cum judicio legit eorum opera, deprehendet, sæpe eum textui Hippocratico affingi sensum, de quo nunquam Cœsus forte cogitavit. Sed veritas ejus quod modo diximus, potissimum ex Coacis elucet, ubi leguntur interdum, quæ vix unquam in morbis accidunt. Rectius se habent Aphorismi, in quibus plurima incomparabili Hippocratis ingenio digna continentur: quamvis etiam de his, an ab Hippocrate eo quo nunc extant, ordine sint editi, & non potius post ipsius obitum ab alio collecti, meritò possit dubitari: nam ex reliquis scriptis ejus excerptos esse, manifestum est. Sed de his prolixius egimus in programme explanationi ipsorum publicæ ante annum præmisso. Habentur vero etiam in reliquis operibus Hippocratis sparsim plurimæ ejus generis aphoristicæ assertiones: ut Libro de Superfoetatione, de dentitione, de Aëre aq. & loc. ut facile longe majus volumen eorum exinde colligi queat:

* 4. *Janus Cornarius, qui multam adeo operam collocavit.* Vidē catalogum illorum quæ edidit diligentissimus hic vir apud Johannem Ant. Lindanum: qui tamen non omnia enumeravit. Hippocrates ipsius Basileæ prodiit ex officina Oporini M D XLIII. Ipse vero jam anno seculi XXXI, inclaruerat.

* 5. *Hieronymus Mercurialis.* Foro Livii in Umbria natus anno MDXXX. antiqua utrinque familia, nec modicis opibus. Patavii tyrocinum cum Philosophicis in studiis, tum medicis fecit: postea cum septennium in Alexandri Farnesii Cardinalis familia exegisset, & primum ingenii sui foetum, Gymnasticam veterum, absolutissimum illud opus, edidisset, per XVIII. annos medicinam ibidem fecit & docuit: Bononiæ dein per quinquennium, denique Pisis XIII. adhuc annos, ad seculi finem. Tandem in patriam secessit, ubi mox calculo acerbè vexatus vitam morte commutavit V. Eid. Nov. *Thuanus.*

* 6. *Anutii Foësi prodiit.* Quantam hic vir, Medicus Mediomatricum longe celeberrimus operam, quantumque studium in hoc opere collocaverit, discere licet ex præfatione operi ab ipso præfixa. Interim tamen haut parum ejus lumen obscuravit novissima Joannis Anth. Van der Linden editio, nitidissima & emendata post Foesium pluribus locis, novis etiam accessionibus aucta: de quibus tamen, an sint Hippocratis, dubia forte res videri potest.

* 7. *Jacobus Hollerius.* In Stampensi agro haut procul à Lutetia ortus, & qui in maxima illa urbe, vere microcosmo, artem exercitavit; Obiit MDLX.

* 8. *Ludovicus Duretus.* Medicus Regius Parisiensis & Professor, Vir celeberrimus, Heurnii Magister: qui eum divino quodam afflatum numine Hippocraticæque mentis interpretem Galeno æqualem subinde solet appellare. In ultima Burgundia natus, Lutetiam admodum puer ad literarum studia capessenda missus, ibi perpetuam fixit sedem. Obiit anno MDLXXXVI, ætatis LII. morte nondum satis matura, sed placida, & quod imprimis tanto medico dignum, omnino prævisa. Præcipuum ejus opus est in Coacas prænotiones: sed in quo sæpe ingenii sui magis quam sensus Hippocratici vestigia reperias. Hoc etiam vitii habet summus vir, (C. Hoffmanno judice in de Us. Part.) ut in illa affectata grandiloquentia involvat se, non minus quam sepia atramento suo.

* 9. *Plagii accusatur.* Ab Antonio Valetio, qui Hollerii & Jaco-

& Jacotii opera practica juncta edidit. Is enim in præfatione ad Lectorem his utitur verbis: *Accuratissima in libros priores scholia, quæ Desiderii Jacotii Vandoperani, Medici Arelatensis nomine hætenus sunt circumlata, quia ἀπορροαφισῶς in Hollerii codicibus annotata reperi, nefas putavi, non ea legitimo auctori restituere.* &c.

* IO. *Mauritius Cordæus*, Rhemus, scripsit in libros de morbis Mulierum, & περὶ τῶν θυνῶν. Editio est Parisina Anni MDLXXIV, & MDLXXXV.

* II. *Johannes Libautius*, Hollerii commentarium in Aphorismos suis scholiis, ut habet titulus, doctissimis illustratum edidit. Ego vero, neque Hollerio inde lucem accedere video, à cujus sententia non raro plane discessum facit, neque multum eximii in illis scholiis contineri: certe præ Hollerii luce Umbra est, ut quomodo illustrare ipsum potuerit, præsertim propriâ luce clarum, non queam discernere.

IX. * * *Ex Polybo quedam de origine venarum.* Quatuor esse paria venarum, ibi docetur: Unum ex capite ortum retro per cervicem ad poplitem & malleolos pedum exteriores descendere: Alterum ex eodem prodire, Jugulares dici, & ad interiores pedum malleolos protendi: Tertium ex temporibus per cervicem abire ad pulmones, hepar, lienem, & renes: Quartum denique ex oculis derivari ad manus. Ex quibus hujus in anatome peritia, vel saltem illius seculi infelicitas conjicitur. Et quidem ab Aristotele refutatur. Extant autem hæc eadem & iisdem pene verbis in libro de Ossium natura, qui rectius fortasse, de Vasorum in corpore progressu inscriberetur, cum alii multo plura etiam confusissime de iis referantur, ejusdem plane farinae: Ex quo colligitur, si alter ille est, etiam hunc librum esse Polybi, multo autem altero isto de Natura humana est inferior.

* *Quæ tamen cum cæteris omnibus operibus interciderunt.* Non magnam videmur in his omnibus fecisse jacturam, quicquid etiam nonnulli hodie de Democritæ philosophia sibi persuadeant, quam reducere etiam nuper *Joannes Chrysostomus Magnenus* laboravit, Ticinensis Professor: sed neminem, qui ejus accesserit

partibus, invenit. In medicina non multa potuit præstitisse, cum certò constet, eum, quacunque tandem de causa in solitudine & sylvis degerit, in ipsa partium corporis notitia valde fuisse rudem. Sed medicos qui post Hippocratem florere, & quomodo illorum scripta in templo Pacis Romæ conservata infelici illo templi ac bibliothecæ Palatii incendio perierint, commemorat ex Galeno Zacutus Lusitanus *Prefatione ad Lectorem Historia Principum Medicorum.*

XII. * *Quem alium esse à Myrleano illo -* Idem agnoscit Gesnerus in bibliotheca, ubi de utroque agit prolixius: Nos supra de eo ex Plinio jam aliqua annotavimus.

XIII. * *Dioscoridem Phacam.* Cognomentum est à *Φακῆ* Lenticula: quasi Lentiginosus, quod Lentiginibus facies ejus dehonestabatur, ut idem Suidas.

* * *Habemus quidem nonnulla, huic attributa.* Sunt ista I. De herbæ betonicæ remediis XLVII. ad M. Agrippam libellus, restitutus per Gabrielem Humelbergum & commentariis illustratus, quam Froshoferus Tiguri impressit cum L. Apuleii libro de medicaminibus herbarum: cujus etiam esse putatur. Prodiit Basileæ quoq; ex officina Cratandri & Oporini cum aliis de re medica libellis. II. De bona valetudine conservanda instructio ad Mecænatem suum. Excusus hic est Noribergæ MDXXXVIII. Gesnerus in bibliotheca etiam eorum meminit.

* * * *Apollonius Myseras Cappadox.* Legendum: Apollonius Mys, Heras Cappadox. Heras autem prior fuit tempore Apollonio.

XIV. * *Cajus Plinius secundus.* De eo Dalechampius in *præfat.* Ex Græcis Athenæus, ex Latinis Plinius ea prodidere, quæ aliis vel primariis autoribus intacta, ignota nobis essent, nisi horum scripta superessent.

* * *Quandoquidem naturalis ejus Historia -* Præter libros sex ordine priores nihil à Plinio traditum est, quod medicorum artem & suppellectilem non augeat. *Idem.* adi ipsum: plura enim ibi reperies.

* * * *Aretæus.* Aretæi scripta optime excusa sunt Augustæ Vindel. MDCIII. in fol.

* 4. *Dioscorides Anazarbensis*: Asiaticus fuit, & in illa mundi parte vixit, quod notandum, ut eo facilius intelligi possit ubi de indigenis plantis loquitur. Multas enim frustra hic quæri in Europa, & perperam de eorum cum virtutibus tum generibus vel disputari vel dubitari, ex hoc uno liquet. Sed de his alibi.

XVI. * *Duobus autem potissimum*. De Galeno jam capite superiore actum est: ibi igitur sententiam nostram exposuimus. Quod vero ad hæc duo spectat, optime hoc auctor monet & verissime. Peritia sane anatomes & doctrina de usu partium Galenum omnes, qui eum antecesserant longe superasse, eaque invenisse atque ostendisse de quibus nemo antea necogitaverat quidem, ex scriptis ejus facile est ostendere: ut si recte rem pensitemus, plus ille unus fortassis in his præstiterit quam omnes ætatis nostræ anatomici (Vesalium excipio & Fallopium) quorum tamen ingentia extant in rem anatomicam merita. Uti vero fieri non potest ut unus omnia; ita & ipse non tantum multa adhuc ignoravit, sed & plurimos fovit errores, propter quos in anatomicis Vesalio, in Physiologicis vero Caspario Hoffmanno, τῷ πολυμάθεσσι plurimis in locis vapulat præsertim ubi Aristoteli iniquior est, & de principatu partium earumque ortu cum ipso contendit. Quibus postquam accessere Harvei aliorumque observationes, hac in parte prorsus Galenus succubuit. Quod vero ad alterum illud attinet de medicamentorum virtutibus ex primis qualitatibus deducendis, incomparabile viri ingenium hic quoque admirari licet: tametsi enim ex his solis explicari commode omnia non possint, sed & acidum, amarum, dulce, austerum, acerbum vocanda in partes, ut recte docet auctor libri de prisca medicina: & hæc tamen magna ex parte ex calido, frigido, sicco humido ve pendent; prout meminimus, non sine insigni voluptate hæc & alia permulta ab incomparabili nostro auctore ex iis perpulchre explicari solita: Non licet jam de his uberius: quisquis vero de ea re aliter persuasus est, illum omnino velim adire Joannis Baptiste Montani, genuini illius Galeni interpretis, aureum libellum *De differentiis Medicamen-*

torum, & causis diversorum virium ac facultatum earundem: exiguum quidem, sed tanti ponderis, ut nec sine admiratione legi, nec ista Galeni dogmata citra illum satis intelligi queant.

✱ ✱ *Fortassis etiam tantum opus* -- Prodiisse jam audio Parisiis, sumtibus ab ipso Maximo Rege suppeditatis: nondum tamen oculis usurpare licuit; itaque plura de eo addere non possum.

XXI. ✱ *Apud Sarracenos seu Arabas.* Quid præstiterint Arabes in Medicina, iis liqui dum est, qui scripta eorum evolverunt. Nempe præter egregias observationes plurimas, ad morborum causas & historiam pertinentes, cum primis simplicium numerum adauxere, taliaque addidere, absque quibus si esset, minus longe feliciter artem exerceremus. Mitiora certe purgantia prope omnia, magnamque aromatum vim, Indicarumque rerum supellectilem ipsis debemus: taceo etiam rei medicæ in Europa instaurationem ab eorum scriptis sumsisse initium, ut supra innuimus. *Petrus Bellonius*, Asiaticarum & Africanarum rerum

De Me-
dicat.
fun. 1. I.
c. 13.

peritissimus, & testis ἀποπληγς de iis tale fert Judicium: *Nemo sane est qui nesciat, quantum Arabibus debeatur, quorum profecto si exemplaria excidissent, cum re medica fortassis male actum foret.* Nam cum Libri Græci non extarent, Arabes serio suam operam opportune præstiterunt: in quibus Avicenna cumulatissime de re medica multos libros conscripsit, Mesues quoque quam doctissime, Averroes & Rhases, Isaac, & multi alii rem medicam tam Theoricen quam Practicam & illustrarunt & auctiorem multo reddiderunt. Verum cum Græcæ literæ, quæ diu velut in tenebris jacuerant, in lucem revocatae sint, Græcos in præsentia sequi malumus; sed revera sine Arabibus praxis frigidiuscule exerceretur. Vellem Arabum omnium scripta ad authoris fidem conversa haberemus, sed quia non intelliguntur, aut alio sensu conversa sunt, male à quibusdam quod rem medicam corrumperint, taxantur. Hæc Bellonius: Et verè quidem serioque dolendum, versionem Arabum tam misere ac Barbare plerumque se habere, ut nonnunquam assequi verum auctorum sensum difficile sit: nec male de arte meriturus videtur qui Arabicæ linguæ Latinæque facultatibus pariter instructus, aliam præcipuo-
rum

rum magisque exactam moliretur, verum hoc hisce temporibus cum eruditissimo Welschio nostro optare licet, expectare, forte imperitiæ rerum nostrarum indicium sit. Habent tamen & suos Nævos Arabes: Auctor noster alibi in MSto de Simpl. Med. Facultatibus hæc in iis reprehendenda ait: 1. quod multa ex Græcis male in Arabicum sermonem transcripserint conversa, 2. quod non videantur valde versati fuisse in cognitione simplicium medicamentorum, & imprimis addit, nos potest decipere Avicenna: meliores sunt Serapion & Meisue. In simplicium autem cognitione eos defecisse, non est mirum, avulserant enim ab arte nobilem medicinæ partem Pharmaciam, & ad Pharmacopœos ablegerant: hinc illa imperitia secuta est, quæ ad initium usque hujus seculi medicis alias etiam peritissimis atque oculatissimis nebulas offudit.

XXIII. ✱ *Avicenna.* Artis cognitione eum admodum instructum fuisse, non est negandum, sed vereor tamen ne verum sit quod meo exemplari descriptum docta sed ignota manu invenio: Avicenna Judicio & ingenio eximius, experientia nullus. Et fortassis illud ingens Philosophiæ ac Theologiæ studium opusque ipsum hoc systematicum immensi laboris à praxi eum abstraxere. De simplicium notitia Avicennæ modo ipsum auctoris testimonium adjecimus.

XXIV. ✱ *Avenzoarem.* De hoc in manuscripto quodam auctoris sequentia, ex eruditissimi viri Joh. Henrici Meibomii tractatu de vitis illustrium medicorum adhuc à venditoribus excerpta invenio: *Abenzoar sive Avenzoar*, cui prænomen *Abhomeron Abhumeron* & *Abhymeron* faciunt, cognomento est sapiens. (Addidit in margine auctor noster: Sapiens ille videtur esse Abumeron Babylonius non vero hic Maurus) Hic licet Anno ætatis decimo ad discendam medicinam animum appulisset, non ante quadragesimum tamen facit eam cepit. Vir fuit singularis doctrinæ & summæ experientiæ, *Averrhoi* fere σὺγχρονος ut ex ejus lib. VII. collectan. cap. XXXIV. colligere licet: ubi *Avenzoarem*, quemadmodum & Lib. VI, cap. VI. virum admirabilem vocat. Et lib. IV. collect. cap. XL. ait: Ipse esse concedendam coronam in scientia medicina, qui
videris

viderit quantum videre quispiam vel cognoscere potuerit, ut propterea ipsi & testimoniis ipsius fides sit arbitranda. Reliqua de hoc viro excellenti legitimo editori aliquando publicanda relinquo: hæc adjicere ex multis placuit, ut juvenus nostra quanti sit æstimandus Avenzoar, cum ex ipsis ejus operibus, quod justo rariores occurrant, id perspicere non liceat, ex hoc testimonio philosophi incomparabilis agnoscat. Scripsit etiam de simplicibus medicamentis tractatum, quem Joh. Schenckius publici juris se facturum, jampridem in Bibliotheca medica promisit, sed morte præventus non præstitit.

* * *Averrhoes*: Natus Cordubæ in Hispania anno MC. Lingua Maurus, religione Muhametanus. Hunc doctissimus auctor propter Philosophiæ Peripateticæ peritiam magni faciebat.

XXVI. * *Schola Salernitana*, auctore primum Constantino Africano -- De his alibi ita differuit Auctor: *Vixit seculo XI. vel XII. Constantinus Monachus Monasterii Cassinensis.* Ea ætate in tota Europa non erat qui medicinam ex arte profiteretur, exceptis paucis Judæis, qui artem ex Arabibus tantum didicerant. Constantinus vero & Græcæ Linguae & Arabicæ & Latine peritus, multa scripsit, pleraque vero tantum vertit ex Arabico & Græco, & pro suis venditavit, imprimis libros Isaaci Aben Amlam: ut post aliquot demum secula apparuit: aliqua etiam ex Haly scriptis & ita porro Galeno & Hippocrate depromsit. Monasterio Cassinensi adjacet urbs satis insignis olim, Salernum. In ea statim post tempora Constantini cepit quadam schola Medica institui. Apparet autem ex monumentis, ibi fuisse lectos olim Hippocratis & Galeni libros versos in Latinum sermonem. Præter autem Salernitanam nulla fuit in Europa schola Medica usque ad seculum XIII. quo desuit. Ejus fuit auctoritatis uti Fridericus Imperator legem constitueret, ut nemo haberetur medicus nisi quem schola Salernitana probasset. Extat autem scholæ illius Libellus ad Regem Angliæ in quem docte nuper Renaldus Moreau, Medicorum Parisiensium hodie doctissimus commentatus est. Hæc auctor ipse anno MDCXLIX. ita publice differuit. Conveniunt autem sic satis bene cum illis quæ editione scholæ Salernitanæ à se adornatæ haut

haut ita pridem præmisit *Zacharias Sylvius*, Medicus Roterodamensis. Prodiit illa editio Roterodami anno hujus seculi LXVII. Ait ibidem, Monachos Cassinenses, ac præsertim Constantinum, qui opera sua medica Abbati Desiderio circa annum Christi MLX. dedicaverit, medicinæ rudimenta in ea civitate, cui proximus mons Cassinensis, posuisse. Sed nomine Academix nondum fuisse tunc ornatam. Deinde Rogerium Regem primum Siciliæ & Salerni Principem cum circa annum MC. nonnullas leges sanxisset, decimam octavam tulisse de probabili experientia medicorum, cavisseque, ne quis medicinam exerceret nisi prius à Magistratibus & Judicibus probatus: qui secus fecisset bonis omnibus spoliaretur. Hanc legem dein Fridericum Ænobarbum Anno MCL. occupato Regno Neapolitano, amplificasse, & ad Salernitanam scholam restrinxisse. Plura de occasione opusculi scholæ Salernitanæ ejusque auctore ibi est legere, qui perhibetur à Sylvio fuisse quidam Joannes de Mediolano, idque Chronici Cassinensis & Tulloviani codicis auctoritate: consensisse autem in ea quæ conscripserat, universum Doctorum coetum. Hæc nos quia ex illis initiis universæ Europæ medicina renata est, prolixius notare, duximus operæ pretium.

* * * *Gerhardus Cremonensis* in Arabum scriptis, & potissimum Avicenna vertendis operam posuit. Veram linguam Arabicam ignorasse eum, Garzias ab Horto L. I, c. 3. scribit. Petrus Kirstenius Præfat. in Grammat. Arab. etiam Jctum fuisse ait, ideoque erratis ejus, quæ multa sint millia, veniam dandam. Aliter judicavit Josephus Scaliger in notis ad Garziam: Apparet autem ex his quam pulchre tralatos habeamus Arabes: Medicum tamen fuisse Toletanum contra Kirstenium ex Justi Chronologia forte rectius statuimus.

* * * *Arnoldus Villanovanus*. Primus, ni fallor qui in orbe occidentali Chemico studio operam præ coeteris navavit. E Galliæ Provincia erat ortus: ut perperam Hispani Catalanum illum fuisse contendunt: Natus Villa Novæ, unde cognomen habet, A. C. MCCC. Calluit linguam Hebraicam
R Græ-

Græcam pariter & Arabicam. Scripsit multa in Philosophia & Theologia, sed plura in Peonia arte. Multa tamen ei attribuantur, quæ ejus non sunt, ut vel ex stylo patet: fuit enim tum Characteris tum ipsius dicendi rationis mire negligens: quod scripserat, rursus inspicere noluit unquam, nullam orthographiæ habuit curam, stylusque ejus medius inter laudabilem & Barbariem fuit. Doctrina autem tantum valuit, ut cum ante illum Galli ad externas gentes sapientiæ gratia peregrinati fuissent, post Arnoldi tempora ceteræ nationes in Galliam confluerent: Obiit in maritimo itinere, cum à Rege Siciliæ, ad quem inquisitores metuens aufugerat, ad Romanum Pontificem sanandum in Italiam mitteretur: teste Symphoriano Campegio in ejus vita.

XXXII. * *Ipse tamen nihil in lucem edidit sed discipuli ejus.* Hoc adeo factum superstitè adhuc Montano. Inde Lib. de differentiis medicamentorum supra à nobis laudato conqueritur ea dere, & seipsum sua editurum pollicetur, quod videat male à discipulis evulgari, *Quæ inquit (Di boni!) ita conscribuntur, ut cum mihi quandoque offeruntur, non amplius ut mea recognoscam, ita sunt corrupta contaminata & infelicitè explicata.*

* * Hieronymus Fracastorius. De eo citato loco Montanus: Hieronymus Fracastorius inquit, *Municeps meus, vir genere & moribus insignis summique alioqui & prope divini ingenii.* Pöeta fuit eximius, & vel ipsi Virgilio comparandus. Scripsit de Lue Gallica poetice libros tres. Cum Carolus V. in Italia esset, & lustraret exercitum, ille spectatores inter simul aderat. Cumque unus ex aulicis eminentioribus eum conspiceret, ostendit Carolo: Hunc esse virum, fatus, cujus parem seculum non haberet. Itaque prodire jussus, & Carolo se sistere propius, qui eum contemplatus est, tanquam sui ordinis singulare ornamentum.

* 3. *Cujus Methodus medendi accuratissime conscripta est.* De aliis igitur ejus scriptis intelligendum Philippi Scherbii judicium, quod Casparus Hofmannus in Animadversionibus annotavit his verbis: Capiuacium non magni facio, præjudicio acce-

accepto ab incomparabili Scherbio, qui aiebat, Nimis multas easque inutiles habere distinctiones, quæ legentis cerebrum tantum non diffundant.

* 4. *Hercules Saxonia.* Est & aliud ejus opus à Pantheo diversum, Praxis, seorsim edita Francofurti à Leandro Vailaco, M. D. sunt autem ejus prælectiones practicæ.

* 5. *Horatius Augenius.* Edidit & libros de partu hominis duos, quibus annexa est historia de foetu integro, in utero matris in lapidem verso, aliaque.

XXXIV. * *Andream Casalpinum,* Ejus scripta elegantissima pariter omnia, sunt 1. Speculum artis medicæ Hippocraticum 2. Controversiæ seu quæstiones cum Philosophicæ tum medicæ, 3. De Plantis lib. xvi. 4. De Metallicis Libri tres, 5. De medicamentorum facultatibus: qui omissus est Lindano. Cæsalpinus autem primum Pisis vixit, horti botanici præfectus per annos XVII. Tum Romam evocatus, stipendio mille scutorum (MCCL. thalerorum imperialium) auctus, ibidem obiit, annum agens LXXIV. cum seculi hujus numeraretur tertius, *Rolfincius.* Addi vero meretur Prosper Martianus, medicus Romanus, vir ingenii incomparabilis, qui unus dubito an non Gallos illos omnes doctissimis suis expositionibus minimum æquaverit.

XXXV. * *Cujus auctoritas multis illarum pene sacrosancta est.* Ita tum quidem se res habuit, cum hæc primum adspicerent lucem: nunc, sicut undique, ita in Galliis multis in locis aliam faciem medicina induere cepit; ut alii quidem, seniores nempe, antiquorum vestigiis insistant, alii vero recentius docti, novis inhæreant; chemicis maxime: Hæc enim studia cum primis excolere abhinc aliquot annos studuere.

XXXVII. * *Nos hic nihil addendum putamus.* De Paracelso & nos supra pluribus egimus, ad cap. II. Certum est omnem philosophicam ἀρετήν atque adeo etiam eam quæ in medicina usum habet eum pervertisse, & infinitos errores & falsissima dogmata, nunc quoque à plurimis foveri, quæ, sive Helmontiana videantur, sive alia, ex ipsius scriptis unice ducunt originem; quod nemo putaverit, nisi qui Paracelsum ipsum

evolvat. Tantoque periculosius ars nostra laborat, quod nondum satis agnoscit originem & fontem mali sui. Uti autem hæc negari non possunt, ita verissimum quoque, quod mox subjungit auctor, medicamenta, & chemica plurima egregia in ipsius scriptis reperiri, quæ laude extra cuncta alia putari possent, nisi obscura describendi ratione ea corrupisset. Distingvenda igitur ea quibus bene, ab illis quibus male de re medica est meritis, neque propter ista enormia ejus peccata sunt excusanda, neque horum gratia reliqua vili pendenda aut promiscue damnanda sunt, sed suum cuique tribuendum dicendumque quod quod res est, secus atque alii, qui non omnino nihil affectibus dare videntur, hodie censuere.

* * *Dudum observavit Magnus ille Crato* - Verba Cratonis si quis forte desideret, uti profecto merentur legi, hæc sunt: *Non sunt hi (Paracelsistæ) qui divinam artem medicam norunt. Quedam medicamenta ab illorum Deo Theophrasto recta atque utilia tradita non diffiteor; sed quam perverse & corrupte divulgata ista sint, hi optime agnoscunt qui veterum MSta exemplaria, in quibus illa quæ mirificis involucris Theophrastus involvit, perspicue tradita sunt, viderunt. Fuit in bibliotheca viri optimi & integerrimi Marci Singmoseri sacratissimi Impp. Consilii à secretis primi liber, ante ducentos annos à Monacho quodam exaratus: Eo multis mensibus usus sum & omnia quæ isti tanquam in Eleusiniis sacris inter se mussitant, tam evidenter tradita, ut neminem fallere possint, animadverti. Reliqua quæ plurima sunt, adscribere nolo, curioso tamen lectori, ut ipse evolvat, etiam atque etiam commendo.*

* * * *Superioris capitis jam fuit expositum.* Postulat series rerum ut jam nos id etiam exponamus, quid post hæc in arte medica sit actum: cum autem magnam ejus partem capiti superiori subjunxerimus, hic erimus breviores. Itali igitur post illa tempora Galenicam doctrinam ubique fere modicus tenuere, & omnibus aliis nationibus in alia omnia dilapsis, constantissimos in veteri medicina tuenda se præstitere. Excelluit vero cum primis Neapoli Marcus Aurelius Severinus Amicus auctoris, qui ei & librum suum de calido innato dicavit, & in fine illius libri egregio illum ornavit encomio, Is autem

tem in chirurgicis potissimum laudem commeruit, editis de efficaci medicina & recondita abscessum natura libris egregiis. Sed de Vipera quoque scripsit, & Observationes ex brutorum anatome reliquit, quas Zootomiæ Democriteæ titulo edidit Clarissimus Noribergensium Medicus Volkamerus: De his vero rursum deinceps dicendi nobis nascetur occasio. Romam exornavit præ cæteris magnus ille Hippocratis interpres, de quo modo egimus *Prosper Martianus*. cujus liber ibidem typis exscriptus est anno MDCXXVI. Deinde *Petrus Castellus* editis variis libellis, qui tamen maximam partem ad pharmaceuticam spectant, Index operum ipsius cum editorum tum ἀνενδοτών habetur in calce Antidotarii Romani prioris editionis: satis profecto prolixus, multoque plura continens quam Lindanus in libro de Scriptis Medicis enumeravit, qui tamen in editione recentiore anni MDCXXXIX. nescio qua de causa omissus est. Tum *Paulus Zacchias*, cujus Quæstiones Medico-Legales tanto Medicis æque ac Jurisconsultis in pretio sunt: sed in quibus tamen hodie forte nonnulla essent emendanda. Vixit ibidem eodem tempore *Petrus Servius* itidem doctissimus, qui varia quoque scripsit. Galenicæ doctrinæ nimium in quibusdam videtur adhæsisse, quamvis in aliis ab ea recedat, ut in libro de Unguento Armario. Sed de hoc ipse auctor alibi fert judicium. Pisis floruit *Stephanus Rodericus Castrensis, Lusitanus*, qui varios tractatus partim ipse edidit, partim filio Francisco edenda reliquit. Patavii anatome summa assiduitate excoli cepit primum ab *Hieronymo Fabritio Aquapendente*, qui simul excellens erat chirurgus, & *Julio Casserio Placentino*, ejus ex discipulo æmulo. Quos secutus *Spigelius* est, hunc vero *Veslingius*: cuncti post initia hujus seculi vixerunt. *Spigelius* ad Medium accessit. Nostra autem tempora cohonestarunt duo celeberrimi viri, quorum alter Pisis primum, mox Romæ vitam egit laudatissimam, *Johannes Alphonsus Borellus*. Altero Bononia gavisa est, *Marcello Malpighio*: Uterque Physiologiam præ cæteris excoluere, ille quidem, ascita potissimum Mechanica doctrina, ad cujus normam naturam articulos & musculos constituisse ostendit; hic vero subtilissimis se-

candi artificiiis adjutus. Excoluit, vero ultimus etiam Herbariam Philosophiam, cum *Nehemia Grevv* qui in insula longissime diffusa, Britannia puta, forte fortuna eodem tempore idem prorsus in animum quod Malpighius induxerat. Alphonsus primum edidit librum de vi percussionis, alterius prodromum & fundamentum, quem deinde incomparabilis ille de motu animalium, in quo omnes veteres longissime post se relinquit, secutus est. Patavii Anatomen & chirurgiam post Veslingium summa cum laude profesii sunt *Duo Marchetti Petrus & Dominicus*, pataviae Doctores incomparabiles. Sed Chemica etiam studia plurimum promovere *Laudatissimi Principis Cosmi, Magni Ducis Hetruriae* eruditæ curæ, adornato Florentiæ Laboratorio cujus *Experimenta* ibidem mox ipso Ducis nomine publicata, prodire. In Gallia post Fernelium *Josephus Quercetanus* Regius medicus inclaruit; sed qui relicta veterum via magis ad Chemica dogmata inclinavit: vixit vero superiore seculo, & hujus nostri principio, quo eodem tempore *Ambrosius Pareus* Chirurgiæ laude super omnes sui temporis ibidem excelluit. Patrum memoria populosissima hæc urbs in *Guidone Patino* se plurimum extulit, verum is fama potius quam editis in publicum libris celebratus est: Erat enim vir eximie doctus, nec in medica tantum arte, verum & elegantioribus studiis versatissimus. Post hæc Galli sui Cartesii amore rapti, illius potius philosophiam excolere quam medicinam promovere sategerunt. Chemicas tamen operationes celebrant, & exiguis libellis singula sua vel inventa vel excogitata subinde communicant, qui tanquam exigui, (non tamen semper ex merito) vel negliguntur vel ignorantur. De Hispanis nihil dicendum venit. Germania vero nostra sibi non defuit, tam foecundis alibi currentibus temporibus. Paracelsi enim audaciam & impudentissimum os compressit mox publice stupendi ingenii par illud nobile, *Thomas Erastus* primum, deinde ipse *Conringius* noster quorum utriusque libri omnibus veræ eruditionis cultoribus debent esse commendatissimi: etsi enim peritia operationum chemicorum ab hodiernis superantur, veritatis tamen amore & acris judicii vi aliis vicis-

vicissim præpollent. Secutus est eos *Antonius Guntherus Billichius*, Angeli Salæ gener, & subinde absurda & falsa chemicorum dogmata perstrinxit. Huic sese opposuit *Petrus Laurembergius*, vir celeberrimus, qui nescio quo in Chemica amore ductus, eorum defensionem suscepit: tanto ardore ut tandem in meras calumnias desineret cepta inter eos contentio, ex quibus parum utilitatis ad publicum pervenit. Uti vero dogmatum illorum vanitatem & superbiam atque arrogantiam impugnare in inferiore Germania bini ultimo nominati amici. Ita in superiore Germania id quod laudabile & egregium atque utile in *Paracelso*, *Helmontio*, aliisque istiusmodi auctoribus reperitur, à quisquiliis sejungere cepere quibus de meliore luto cor finxerat Deus: quorum inter primos fuit *Joannes Hartmannus*, forte etiam primus publico stipendio Chemiæ professor constitutus: hujus est.

Dogmata non iuro in Paracelsi aut scita Galeni.

Vera utriusq; placent, falsa utriusq; jacent.

Vide ejus disputationem Medico-chem. VIII. p. 144. Huic socius accedat ejusdem provinciæ indigena *Oswaldus Crollius*, qui egregia medicamenta collegit, etsi proluxa illius præfatio non magni sit momenti. In eum vero postea commentatus est ipse *Hartmannus*. Sed felicius etiam alibi hoc opus urgebatur. Posteaquam enim *Guernerus Rolfsincius* Hamburgensis, vastissimæ vir doctrinæ Anatomien & Botanicam & Chirurgiam in Jenensi Academia restaurasset, etiam hæc pertentandi ipsum libido incescit. Idem desiderium tum ceperat *Johannem Michaelem*, Lipsiensem: cujus Manuscripta practica & chemica omnibus juvenibus etiamnum expetuntur. His auctoribus cepit chemiæ illa pars, quæ ad pharmaceuticam maxime pertinet, caput extollere, quos successores sui, singuli suo loco laudandi pari æmulatione secuti sunt, eoque successu, ut rei pharmaceuticæ primas hodie partes occupare videantur. Italiæ propior vixit nuper, Augustæ nempe Vindelicorum, vir supra laudem positus, Medicus & Polyhistor incomparabilis *Hieronymus Welschius*, Germaniæ decus, variis varii generis scriptis clarissimus:

rissimus: Inter quos eminent Consilia ejus, & observationes. Hunc nuper fata nobis eripuerunt: nomen vero ejus cum publica scripta tum *Lucas Schroeck us*, amicus noster, ab interitu vindicant, qui cum de vita ejus pariter ac scriptis ac instituto egerit, nos eo Lectorem amandamus. Et ex illis quidem temporibus nemo amplius inventus est facile, qui Paracelsicis dogmatis aperte inhæret, Helmontiana secta eam absorbente, nisi quod in Dania *Petrus Severinus* mira deliria propagare ausus sit: quæ commentariis illustrare suscepit postea *Wilhelmus* quidam *Davidsonius* Scotus, quorum prodromum edidit, veterum philosophorum hanc esse doctrinam, ipsiusque Hippocratis, non veritus profiteri: Sed meras nugas esse facile patet legentibus, ut mirer Borrichium de tali antecessore sibi tam prolixè esse gratulatum, cujus tamen dogmata, relictis vestigiis ejus saniore & sobria sua philosophia tacite falsitatis ubique convincit ac damnat. Post chemica ista undique locorum nominalis quoque herbarum notitia, quam Botanicam vocant, evehi insigniter cepit, alibi *Caspere* aut *Johanne Baubino* fratribus, alibi *Jungermanno*, *Vorstio* alibi; alibi aliis præcuntibus juventuti, quod argumentum capite X. persequimur. Vixit etiam seculi initio *Gregorius Horstius*, plurimis scriptis clarissimus, maxime tamen observationum & epistolarum volumine, quod operosa commendare supervacaneum foret. Ad Belgas accedo, ubi Plempius in Regio territorio emittit: Lugduni vero *Johannes Antonides Lindanus*, iis annumerandus, qui Hippocratem unice venerati sunt. Huic *Sylvius* successit, de quo supra diximus. Sed ultimis deinde temporibus Anatomicen & physiologiam sibi selegerunt potissimum Batavi: primum *Johanne van Horn* exsuscitante præclara ingenia qui etiam testes viriles vasorum conglomerationem; mulierum ovaria esse primus asseruit: vir perquam egregius, cujus præmaturam mortem non satis lugere se posse ajunt qui eo familiarius sunt usi. Impari ingenio & eruditione, sed longe majori felicitate ejus vestigia premere & quod ille ceperat, absolvere vidimus *Regnerum de Graef* & *J. Swammerdamium*. Et quidem Swammerdamii industriæ & subtili-

tili ingenio potissimum debemus quicquid per viscerum excarnationem, injectionem ceræ in vasa cujusvis generis, & partium à corruptione vindicationem anatomico studio emolumenti accessit. Contendit cum Hornio aliisque tum temporis *Ludovicus de Bils*, nobili loco natus, sed singulari exemplo genioque tractus ad anatomen: in qua omnium rerum rudis sine magistro miros etiam fecit progressus. Sed cum in controversia quæ agebatur, non satis circumspecte oculis usus esset, causa cecidit. Ingenti autem anatomicæ & Physiologicæ rei amore tum temporis magnus ingenuorum juvenum numerus exarserat. Hinc *Nicolaus Steno* quoque, *Olaus Rudbekius*, *Richardus Louverus* Dani, Sueci, Britannii alii in eas summa cum laude sese occuparunt, &, quem inter viros eosque primos collocare oportebat, quod infinita omnis generis eruditione etiam excelleret, *Thomas Bartholinus*: Ab his egregie in illis opera fuit collocata, invidendo omnibus seculis successu. Pathologia & methodus medendi non parem invenerunt numerum amantium, quod illæ veluti pellices illecebris suis irretirent juvenes virosque, & quod has expectare oportebat, interciperent. Præter enim *Willisium* celebrem Angliæ Medicum in illa quidem Parte nemo; in hac vero non nisi solus *Walaëus* Batavus operæ pretium fecerunt. Unicum adhuc commemorandum venit præclarissimum seculi nostri institutum, quod Baconi Verulamio debemus. Is enim, vir summi ingenii cum animadvertisset plerosque doctorum in explicandis veterum sententiis & controversiis agitandis unice ætatem conterere, nec tamen multum artes promoveri, (quod Helmontium etiam ad scribendum impulerat) id vero ab experimentorum inopia nobis accidere recte existimaret, quo revocaret ab inutili labore animos ad naturæ contemplationem, editis variis opusculis, & in quo peccarent & quomodo emendari possit hoc vitium, pluribus ostendit. In quibus licet multa moneat quæ ipsum jam olim Aristotelem minime latuere, eumque vel non lectum, vel oscitanter inspectum nec intellectum, sæpius carpat quam foret necesse, effecit tamen quod volebat, cum essent pro novis

S

quæ

quæ proferebat. Itaque statim consensu eruditorum quorundam hinc inde deinceps collegia fuere instituta, quorum membra in particularibus experimentis & observationibus colligendis studium suum contulerunt. Præluferant in Italia Lycei academici qui instituto collegio, in res naturales interdum & medicas inquisivere, servatis tamen sibi experimentis suis. Secuti mox sunt majori conamine illustriorique loco Britanni, civis sui prudens monitum nobiliori exemplo comprobantes: Quibus etiam non dubitavit Carolus II. Magnæ Britanniae Rex Regii nominis sui auctoritatem commodare; quin & privilegiis & fundo societatem donavit. Sed de horum progressu nihil est dicere, partim quoniam & hi in scriniis asservant omnes observationes suas, fortassis nunquam lucem visuras: dum enim non nisi perfectum ex infinitis opus affectant, verendum ne vel publicæ calamitates vel forte incendium (quod fatum fuit instructissimarum bibliothecarum) laudabilem eorum voluntatem antevertat; partim quod ad philosophiam potius quam medicinam pertinere videatur. Propius ad nos spectant S. R. I. Naturæ curiosorum ephemerides, in quibus, Anglos secuti, Germaniæ potissimum, tum aliarum regionum Medici, quod singuli observant, quotannis transmissis vel ad collectorem vel directorem schedulis, publici juris faciunt. Pleraque enim hic medica occurrunt. Hos deinde porro imitati sunt aliæ nationes: Ita in Dania acta Hassniensia, in Hollandia Amstelodamensia sunt nota. Quin & privati homines, conventibus eruditorum in ædibus habitis, aut ab aliis acceptis rebus memoria dignis, suum contulerunt symbolum. Quod de Gallis potissimum valet: Habemus ex his *Abbatis Bourdelottii Conversationes academicae* à Gallezio editas, & *Blegny Observationes*. In his & similibus variarum rerum copiam & experimenta infinita est reperire, Anatomica, Pathologica, Chemica alia, ut inde nobis maxima singularem nata sit abundantia atque ubertas, ex qua summum suo tempore fructum licet expectare: qui vero ex his universalia rectæ rationis usu condiderit, adhuc quidem nemo hominum inventus est, dissuadentibus Anglis. Et hæc fere sunt, quæ nostris & proxime ista tangentibus temporibus fuerunt acta.

XXXIIX. ✱ *Joannes Antonides Vanderlindius.* Cum ex reliquis modo nominatis plurima Lindanus in suum librum transulisset, ut ipse in præfatione non ivit inficias, factum est, ut libri ipsi istorum sensim deficerent, & cum Lindano toti essent inserti, etiam memoria auctorum pene extingueretur. Editus autem Lindani codex tertium quartumve, semper auctior: ultima editio Batava ni fallor, ann. M DCLXII. excusa est: Nunc iterum recusum opus Norimbergæ, rursus augmento aliisque accessionibus conspectius, studio atque opera Georgii Abrahami Merklini, ex Nat. Cur. Collegis. Probe autem in hoc quam maxime; quod non auscultarit quorundam consiliis, qui ordinem mutandum, & cognomina præmittenda esse voluerunt: præstat enim juventutem ad pronomina hoc pacto addiscenda constringere, quam eorum negligentia subsidia quærere, nemini enim, ut puto, non constat quantum huic subfit utilitatis, si quis ad solidam doctrinæ cognitionem adspirer. Sed hic jam iterum nostratis ævi felicem industriam deprædicare datur. Cum enim quotidie crescat auctorum numerus, nec liceat uni, quicquid in universo Europæo orbe excuditur, habere statim compertum; optime nobiscum illi egere, qui editorum librorum catalogos singulis annis vel mensibus edidere. Quale quid iterum in Anglia primum conatus est Illustris Regiæ Societatis Secretarius Henricus Oldenburgius, natione Germanus: post ejus mortem vero hoc negotium una cum munere ad Robertum Hookium, celeberrimum virum, devolutum est. In Gallia idem præstitere qui ephemerides eruditorum edidere, (*Journal des Savans*) & nuper Lipsiensis Lycei præcipui doctrina viri effecere, ne soli Germaniæ suæ hæc gloria deesset: nam & Romæ his annis idem aggressi sunt nonnulli. Quin imo nuperrime idem institutum apud Roterodamenses secutus est doctissimus Bayle, Scotus ut fertur: Ut de omni illo, quod per universum literarum orbem agitur, prope constare queat. Sed in his uti forte nonnullis, quibus sumtus non suppetunt, molestum est illud, quod auctor primo loco de Gesneri bibliotheca monuit, recenseri ibi non solum medica scripta, sed &

multa alia, quæ artem nostram non tangunt; ita apprime juvat, ut abunde compensetur hoc dispendium; quod & argumenta librorum sint addita, & haut raro etiam de iis judicium ferant editores; etsi vel sincerum semper expectare vel requirere, non licet: periculosum enim nonnunquam & odiosum esse constat de viventibus id conari. Cæterum placuit etiam hoc, quamvis cum isto neutiquam sit conferendum, quod Londini observavimus: Edi subinde catalogum omnium librorum per universam Angliam typis excusorum addito pretio quo venduntur. Ex quo vel id commodi redit ad emtores, ne emungant crumenam maleferiati homines: Quod in Germania nostra facile possemus itidem imitari, si singulis in oppidis unus constitueretur qui ad certum locum in medio Germaniæ situm eorum quæ prodeant titulum teneatur transmittere, adjecto pretio quod primus qui sumtus fecerit sibi cupiat solvi: idque hodie tanto magis foret utile & necessarium, cum enormiter & impune peccent nonnulli nostrorum bibliopolarum, quorum vel luxus & superbia, vel avaritia animos ita corrumpit, ut primo quo quid editur anno, duplum vel triplum pretii exigere, non pudore non conscientia prohibeantur. Qui mos, paucis abhinc annis ceptus, verendum est, ne deinceps, ni obviam eatur, totam Germaniam, pernicioso inficiat contagio.

XXXIX. ✱ *Magis eruditorum desiderio satisfaciunt Renatus Moraeus & Johannes Henricus Meibomius.* De priori mihi non constat prodiisse: forte doctissimus vir illi immortalis est. Multa tamen ejus generis immiscuit operi suo de Venæsectione in pleuritide, ex quo depromit subinde Lindanus quæ in Libro suo de scriptis Medicis solet de auctorum vitis, tempore, locove nonnunquam adjicere. Alterum vero illud præclarum & bonis omnibus desideratissimum, etiamnum asservat secum Henricus Meibomius patriæ famæ ac eruditionis ex asse hæres, Academiæ hujus ornamentum, idque plurimis accessionibus nunc auctum, propediem à se sperare jubet eruditorum coetum.

XL. ✱ *Num qui præterea in eodem argumento laboraverint.* Est hæc altera pars bibliothecæ Medicæ universalis, utilissima

lissima itidem futura & Locorum communium vicēs impletura. Et vero, quod ad praxin, seu illam partem quæ curationem morborum docet, non infeliciter eo in argumento nonnulli versati sunt. Laudandum præ cæteris *Matthiæ Moroni Directorium Præcticum*, & *Job. Georgii Walteri, medici Lignicensis sylva medica*, vere, ut fert titulus opulentissima: quæ duo conjungenda sunt, non enim uterque eadem conscribere sed diversa: Et possent illa sensim augeri, & perfectum opus, omnis singularibus remediis & seorsim collectis, tandem inde exsurgere. Videtur huc spectare etiam *Haseri Hercules Medicus*, sed is non tam de auctoribus quam remediis compilandis sollicitus fuit. Moroni Directorium tertium jam edidit accessionibus auctum Sebastianus Schefferus, ille qui ante hos 32. annos hanc introductionem primum tunc editam sub præsidio auctoris disputando publice defendit; nescias autem fortassis majori artem profitentium emolumento an damno: eo enim factum est ut præveniret incomparabilis viri, Georgii Hieronymi Welschii longe majores conatus, qui idem opus tum sub manibus habebat, prout ex ejus in *Curationum & observationum Medicinalium centurias præfatione* apparet, ubi sic ait: *Innumera igitur suis locis restitimus, quadam superflua recidimus, non pauciora emendavimus & plura omissa addidimus, quæ aut Moronus neglexerat, aut non poterat vidisse. Nec iis tantum contenti, qui singulares commentarii occurrebant, collegimus præterea, quicquid historiarum apud antiquos Græcos Latinos Arabas supererat, & quicquid hinc inde alii scriptis suis ex occasione inseruissent: Hinc opus duabus propemodum partibus & quod excedit grandius nobis natum. Hunc indicem à nobis auctum & emendatum quamvis privatis usibus destinatus esset, in publicum tamen producere aliquando meditabamur, sed commodum evenit ut V. C. Sebastianus Schefferus, Medicus Francofurtensis has sibi partes deposceret, & anniversariis Bibliopolarum indicibus significaret, nosque ingenti molestia propterea liberaturus videretur. Verum quod pace eximii viri dictum volumus, ne nunc quidem ab edito majore nonnihil opere nos temporis impensi aut qualiscunque industriæ nostræ pœnitere potuit. Ex quibus patet, longe præstantius fuisse Wel-*

schii hoc quam Schefferi opus: rogatos igitur volumus tanti thesauri hæredes etiam nunc publici juris facere, & Schefferianæ editioni adjicere ne graventur ea quæ vir eruditissimus in suos primum usus collegerat, mox autem publicis destinaverat: uti & reliqua sua opera edendo non minorem gratiam iniverint forte ab iis qui solidæ rei medicæ notitiæ inhiant eamque cupiunt promotam.

CAPUT IV.

DE

PHYSIOLOGICO ET PRÆCIPVE
ANATOMICO STUDIO, EJUS-
DEMQUE SCRIPTORIBUS.

THESIS I.

STudium itaque Physiologicum, de quo primum agendum est, quod attinet; jam tum ex Primo capite notum est, in sanitate totius corporis singularumque ejus partium, omnibusque quæ ad eam quoquo modo pertinent exponendis, illud unice esse occupatum. Ideoque etiam hic denuo ut illa repetamus, nulla est necessitas. Hoc potius hic tradendum erit paulo accuratius, quomodo ista cognitio possit acquiri. Quanquam jam tum ex eodem capite itidem constet, ut in reliquis Artis partibus ita & in Physiologia duobus principiis utendum est, experientia scilicet ac rationatione; ad quas proinde, *tanquam certam & unicam veritatis normam*, provocavimus etiam *præfat. ad lect. lib. de Sanguine*. Non difficile itaque erit juxta hæc etiam in hac doctrina progredi: Quo maxime facit *Introductio nostra*

in Naturalem Philosophiam ad cuius ductum omnis Physiologica doctrina instituenda est, nisi quod quæ illic de omni in universum naturali corpore differuntur, hoc loco ad solam humani corporis notitiam restringenda sint.

II. Caterum quum omnis nostra cognitio à sensibus incipiat, etiam in Physiologicis sensualem notitiam præcedere debere, certum est. Quum autem porro hic non æque omnes sensus prodesse possint, sed tamen visus & tactus, hi vero nec ipsi omnia corpore integro comprehendere queant, utpote in quo externæ tantum partes cognoscantur, necessarium utique est corpora dissecare, quo etiam partes internæ in notitiam nostram deveniant. Quo itaque partes corporis internæ cognosci possint, anatome in subsidium erit vocanda. Neque tamen per sectionem illam corporis aliud præstatur, quam ut iisdem sensibus ea, quæ integro corpore latent, clare exponantur. Ut proinde huc etiam pertineat illud Aristotelis in posterioribus Analiticis: eum qui sensibus captus est, recte philosophari non posse. Nec etiam oculis à prima nativitate captus corporis humani internas externasque partes, quemadmodum quæque sese habeant, plene didicerit. Caterum quo sectio illa sive anatome recte instituatur, arte quæ modum secandi tradit instructus esse quis debet. Est enim Ars illa Anatomica nihil aliud, quam ratio tantum & cognitio recte secandi proponendique ob oculos singulas in corpore latentes partes. Non enim naturam & usum partium Anatomicus quatenus talis exponit; sed ex iis quæ anatomicus proposuit, illa deinceps investigat Philosophus Naturalis. Ideoque Ars Anatomica circa *ἐγχειρήσεις*, videlicet secandi occupata, revera tantum ministra est Philosophiæ Naturalis ut & Artis Medicæ. Quo patet insignis error illorum, qui

libros

libros Anatomicos inscribunt, quibus tamen ipsum usum partium inquirunt & tradunt: quasi scilicet secare partes & in earundem usum inquirere unum idemque foret. Quemadmodum vero ars textoria circa pannum conficiendum occupatur, quum tamen ipsa panno non utatur: ita etiam Ars Anatomica modum tantum secandi monstrat, & partes latentes oculis per sectionem exponendi, de usu illarum nihil sollicita. Rectius hoc observavit Galenus: eo-que libros illos duntaxat, quibus secandi rationem docet, inscripsit: *πεὶ ἀνατομικῶν ἐγχειρήσεων*: libros autem, quibus usu & actiones partium explicuit, Anatomico titulo non inscripsit.

III. Quum igitur per Anatomen partes internæ detegantur, jam porro constare debet; quidnam itaque per illam in sensus incurrere possit. Diximus autem jam tum visum & tactum ex omnibus sensibus hic vel tantum vel præcipue locum habere. Quæcunque ergo sive visu sive tactu deprehendere possumus, omnia illa etiam in sectis corporibus iisdem patent, sive sint propria sive communia istorum sensuum objecta. Et quidem ut de propriis objectis nihil dicamus, quorum notitiam propriis uniuscujusque sensorii deberi constat; ad communia sensibilia situm, magnitudinem, motum, quietem, figuram, numerum singularum partium, earundemque cum aliis connexionem pertinere, clarum est: utpote quorum pleraque & visu & tactu simul cognosci atque discerni queant.

IV. Quibus ita se habentibus, ad accuratam partium cognitionem ordine obtinendam utique consultum erit, ut primum de singulis seorsim partibus generalior quædam tractatio instituatur. Qua opera peracta, proximum jam erit, osteologiam addiscere. Et quidem quum maximum mo-
mentum

mentum in ea cognitione collocatum sit, qualem figuram singula ossa habeant, quem situm, quam magnitudinem, & denique connexionem; num item dura sint, an mollia, & quæ reliqua sunt hujus generis, diligentissime ea sunt investiganda. Certe quo quis horum fuerit peritior, eo facilius doctrinam de luxationibus addiscere, feliciusque in luxatis (*addo etiam & fractis*) restituendis versari poterit. Post osteologiam, venarum, arteriarum, nervorum, viscerum, omniumque reliquarum partium singularum structura investiganda est. Neque enim hepar v. g. quis recte curare poterit, nisi ipsius situm, temperiem, constitutionemque exploratam habuerit. Par vero est ratio de cæteris.

V. Verum quum his partium cognitio non absolvatur, ulterius jam pergendum est, & quidem ut proprius uniuscujusque partis usus sive actio teneatur, opera danda. Quod ipsum addisci potest ex parte quidem sensuum adminiculo: ex parte tamen & quidem potissima per ratiocinationem. Ad actiones autem partes non uno sese habent modo. Quædam enim partes propter actiones integre præstandas nobis datæ sunt, quædam ut actionum adjuvent tantum. Constat autem porro, varia actionum genera in homine dari. Et primo quidem quædam sunt actiones animæ vegetativæ, homini cum stirpibus quodam modo communes; quæ alias in Medicorum scholis naturales appellantur; perperam tamen, utpote quum hæc appellatio Stoicis primum auctoribus in Philosophiam introducta sit, cum quibus loqui quosque hoc loco sequi Galenus maluit. * Sunt autem hæc omnes, tum quæ ad nutritionem tum quæ ad generationem faciunt, actiones. Quamvis nutritio atque generatio hominis uti & reliquorum animantium à plantarum nutritione ac generatione multum differant, nec nisi aliquo tantum modo cum ea conveniant. Obser-

vare autem est, has actiones omnibus corporis nostri partibus quodatenus quidem esse communes; plurimas tamen partes totas vegetativis istis actionibus edendis unice esse deditas, ventriculum intellige, hepar, lienem, renes, & similia alia. Quin etiam motus sanguinis huc maxime facit. Itaque *** ventriculus e. g. & intestina partes sunt singulares nutritioni inservientes, ita tamen ut in partibus etiam reliquis fiat quaedam vegetatio. Hinc igitur ante omnia quidem danda est opera, ut intelligamus quid illæ partes singulares ad nutritionem præstent; præterea tamen etiam sciendum est, quomodo singulæ partes vegetentur. Et quidem propterea, quoniam hoc ignorato, Medicus sæpe curationem recte instituere nescit. Ita v. g. si in digito sit atrophiam, vel etiam idem plus iusto crescat adeoque vegetationem iusto pleniorē patiatur, utique neque atrophiam tollere neque prolixiorē illam vegetationem impedire poteris, nisi incrementi rationem & modum teneas.

VI. Præter actiones vero vegetativas etiam sensitivæ dantur tam internæ quam externæ. Sunt autem & hæ omnes accurate noscendæ. Neque enim v. g. auditum læsum integrum restituere poteris, neque illum integrum conservare, neque etiam circa eum aliquid observare; nisi & quomodo pars illi dicata sentiat, & quomodo auditus fiat, cognitum habeas.

VII. Hæc igitur addiscere Medicus omnino debet, ut, quo pacto singulæ tum vegetativæ tum sensitivæ actiones fiant, sciat. Potest autem quis isthanc quidem notitiam unius mensis spatio facile sibi comparare, si quidem in sectionibus sese simul exercuerit. Alias enim tam cito istam studii partem absolvere quis non poterit: etsi magistris aut optimis etiam libris fuerit diligenter usus.

IX. Cæterum quum Medicus propositam sibi habeat

beat notitiam unius corporis humani: hominum corporibus debere illum cum primis insudare manifestum est. Nec enim animantium corpora omnimodo sunt humanis similia. Itaque etiam humana corpora omni studio sunt medico secanda, siquidem accuratam velit subjecti sui notitiam acquirere; quod fieri par est. Verumtamen quia non semper datur facultas humana corpora secandi, brutorum corpora assumenda sunt. Quoniam vero alia cum homine plus, alia minus habent similitudinis; nemini non liquet, non sine discrimine omnia in hunc usum conducere, sed præcipue illa, quorum constitutiones cum humano corpore quam maxime conveniunt. Imo etiam si in promptu sint cadavera humana; nihilominus tamen adjungenda est & brutorum corporum inspectio. Certum enim est usum actionemque humani corporis neminem perfecte addiscere posse, nisi reliqua animalia aliquo modo etiam cognita habeat. Ratione hujus non obscura: utpote quoniam nemo recte scientiam aliquam sibi paraverit, nisi exploratis omnibus effectiionibus in adæquato subjecto, simulque differentiis & similitudinibus cognitis. Quæ pertinent autem ad corpus humanum, illorum paucissima homini soli conveniunt, sed vel omnimodo cum aliis aliquibus animantibus sunt communia, vel vero magna ex parte. Iuvat porro sectio brutorum etiam ad faciliorem rationem anatomes humani corporis. Quoniam quo quis peritior in brutis animalibus secandis fuerit, eo expeditius etiam humani corporis sectiones instituere poterit.

IX. Quicumque itaque ad accuratam partium cognitionem aspirat, etiam aliorum animalium sectioni operam dare debet. Quam in rem maximorum virorum exempla non deerunt. Et quidem quod antiquissima tempora attinet, ipse Hippocrates Cous, Democritus, aliique

in animalium sectione multum versati fuerunt. Longe vero operosius & summa cum diligentia illud ipsum præstitit *Aristoteles*, suppeditante ipsi in hanc rem immensam pecuniæ vim cæteraque necessaria omnia adjumenta Alexandro Magno Macedonum Rege. Quo effectum, ut animalium rem omnem nemo etiam in illo vel fusius vel etiam accuratius prosequutus sit. Singulari in isthoc negotio usus simul prudentia, dum quæ per sensus dignosci possunt, seorsim, in historia animalium cum primis, tradidit: doctrina partium *Ἰπσισημονικῇ* seorsim exposita. Verum Aristotelis exemplum Medicum non adeo moverit, propterea quod Philosophum egerit, & in Philosophiæ usum diffuse adeo in Animalium cognitionem sese immerferit. Et sane fatemur talem peritiam à Medico non exigi. At vero etiam *Galenus* noster in multorum animalium brutorum sectione haud leviter profecto fuit versatus. Et sane id nisi fecisset, non reliquisset nobis præclaros illos de Usu partium commentarios. Idem præclarum institutum nostra quoque & patrum memoria multi alii præclarissimi viri sequuti sunt; quorum insigniores non possumus non heic commemorare. Primo autem loco nominandus merito venit *Andreas Vesalius*, qui hac in re summam diligentiam adhibuit, de quo infra pluribus. Post hunc maximum inde nomen reportavit *Hieronymus Fabricius ab Aquapendente*, ejusque discipulus & postea æmulus ac collega *Julius Casserius Placentinus*. Romæ item *Bartholomæus Eustachius* sectione animantium valde inclaruit: sicuti in Germania laudem inde sibi peperit *Volcherus Coiter* Frisius Groninganus, Norimbergensis Reipubl. Poliater, Anatomicus & Chirurgus celeberrimus. Nostro hoc ipso tempore in Italia *Marcus Aurelius Severinus*, Chirurgorum omnium hodie princeps, Regius in Gymnasio

nasio Neapolitano Professor, *Ζωτομίας*, ut ipse appellat, si-
ve animantium sectionem valde urget. Imo singularem
ejus librum, *Zootomiæ Democriteæ* titulo edidit non adeo
pridem Vir Clarissimus *Joannes Georgius Volkamerus*: De-
mocriteam appellans, quod Democrito præcipue credan-
tur olim secta animalium corpora, cum tamen hujus indu-
* striam plurimum superaverit Aristoteles. Superest apud
nos ejusdem Severini manuscriptus liber de Phoca marino:
qui itidem ad hoc argumentum pertinet, propediem lucem
visurus.

X. Ut porro ad exercitia anatomica redeamus, insti-
tui illa possunt aut in corpore vivo, aut mortuo. Unde
jam quæstio oritur, utrum potius ex re sit Medico, vivane
an mortua corpora secare? Videtur autem illa non diffici-
lis adeo expeditu. Quanquam enim in corpore vivo non-
nulla appareant, quæ in mortuo non deprehenduntur:
omnino tamen statuimus, ante omnia mortua corpora secan-
da esse, quod in iis plura observari queant quæ in vivo
absque magna difficultate vix possunt deprehendi. Dum
enim corpus vivum inciditur, ob dolorem, quem ex sectio-
ne percipit animal, sese movet, unde non possunt non mul-
ta sub ipsa manu perire, adeoque observatione digna ana-
tomico subtrahi. Proinde necessum est, corporis mortui
ac proinde quieti naturam ante exploratam habere. Ac-
cedit, quod per sectionem vivam multum sanguinis non
possit non simul effundi: unde necessario vasa quæ sangui-
nem vehunt, concidunt & evacuantur, quæ in corporibus
mortuis ut plurimum turgent & in conspectum venire que-
unt. Præterea vero ex sectione viventium, durante qui-
dem vita, pauca tantum petere licet, nempe quæ ad chyli
distributionem, aut cordis & arteriarum motum pertinent,
* & similia quædam. Quocirca in mortuorum corporum
T 3 sectione

sectione potissimum anatomicus sese exerceat. Qui mos præclaris quibusque anatomicis semper etiam observatus est.

XI. Secundo porro loco non incommode quæritur, suffocatumne aliquod cadaver an suspensum vel jugulatum denique rei anatomicae magis sit accommodum? Putamus autem corpus aqua suffocatum omnibus præferendum esse. Ratione non obscura: utpote quoniam per istiusmodi suffocationem cita subsequitur mors, adeoque in corpore non fit magna mutatio. Proximum vero ab hoc est corpus suspendio necatum, minus tamen utile, quod circa diaphragma cum primis major mutatio facta sit. Ultimum est jugulatum, quod omnium minime aptum est, propterea quod venæ arteriaque in eo plane conciderint sanguine efflu-
xo.

XII. Quamvis vero paulo ante in usum Medicum & Philosophicum laudaverimus vivorum corporum sectionem, vivos tamen homines incidere nefas censemus. Nec fortassis optimorum etiam Anatomicorum quisquam nostro ævo tale quid aggressus est. Quanquam enim de Andrea Vesalio maximo & incomparabili viro id narretur, optimo tamen viro maximam injuriam fieri arbitramur, quoniam nullos qui vel viderint illud vel à fide dignis acceperint, testes reperire est. Jacobum item Berengarium Carpum, Hispanum quendam, qui Gallico morbo laborans curæ ejus sese commiserat secuisse, sunt qui memorant quidem: sed itidem fama incerta. Quanquam suspitione hujus facinoris laboravit usque adeo, ut Bononiensi professione relicta, quod tuto ibi amplius vivere non posset, ad Ducem Ferrariæ profugerit, quem etiam hæredem instituit quadraginta scutatorum Italicorum, sive ut habet Thomas Erastus *Orat. de Medic. laud. coronatorum aureorum mil-*
libus

libus relictis. Interim tamen quam utilis sit virorum anatomie, præter alios *capite XVI. partis II. Zootomiæ* suæ Severinus etiam noster ostendit.

XIII. In vivorum igitur hominum secandorum locum succedant Medico sectiones vivorum animalium brutorum, & illorum quidem potissimum, quæ cum humano corpore magnam cognationem nacta sunt. Hac ratione sane inventæ sunt lactæ venæ, circulatio sanguinis, motusque ipsius cordis. Sanitatis certe multorumque morborum accuratam notitiam nemo acquisiverit, nisi ex anatome, eaque non solum humanorum corporum, sed brutorum etiam præcipue in istorum defectu, exemplo ipsius Galeni nostri. Quamvis vero ipsam *ἀνατομὴν* cum primis utilem censeamus Medico, non tamen & librorum Anatomicorum lectionem improbamus. Imo hos insigni posse esse usui, potissimum qui sunt à præstantissimis artificibus profecti, existimamus. Imagines quoque Anatomicas plurimum commendamus. Quamvis enim cum corporum ipsorum inspectione comparari illarum usus non debeat, tamen ut fit alias, juvare possunt; etiam illos quibus non datur facultas secandi, qui vero spectaverunt ipsa corpora, horum memoriam egregie adjuvare possunt. Quapropter etiam non probare possumus Joannis Riolani, celeberrimi alias viri, consilium, quo imagines Anatomicas in universum omnes rejicere non dubitavit. Præplacet nobis sententia Vesalii, Aquapendentis, Casserii, Eustachii & aliorum qui imaginibus conficiendis multam operam impenderunt. Et vero quis non sentit quantum inspectio juvet picturarum Anatomicarum, quas Academia hæc Julia habet, sine exemplo optimas & complures? quis etiam non usu ipso addidicit, quantum alias ad notitiam multarum rerum picturæ & imagines faciant?

XIV. Porro quod ipsam Artem secandi attinet, illam oppido pauci tradiderunt. Unus enim Galenus ex omni antiquitate illud ipsum præstitit, scripto libro περὶ τῶν ἐγχειρησέων ἀνατομικῶν. Sed & inter recentiores Andreas Vesalius in eximio opere *de Fabrica corporis humani* modum secandi identidem tradere solet. Fecit idem ex parte Real-
 dus Columbus. At vero Joannes Riolanus Anatomicus Parisiensis modo laudatus diligentius reliquis id præstitit. Elegans quoque libellus ejusdem argumenti Gallice prodiit auctore Nicolao Habicot Chirurgo quodam. Reliqui scriptores anatomici, utut magnus eorum sit numerus, modum ipsum incidendi non perinde tradunt, contenti historiam partium docuisse. Quapropter etiam libri illorum minus commode anatomici appellantur: utpote cum non doceant ἀνοτομεῖν sed aliquid ἀνατομῆς beneficio magna ex parte inventum. Arbitramur porro opus minime esse, ut de ipsa secandi ratione libri operose conscribantur, quum ex αὐτοψία præeunte gnavo & perito sectore illa Ars quam optime addisci possit. Plane quemadmodum ars sutoria v. g. videndo tantum addiscitur, nullo existente libro, qui eam tradat.

XV. Operæ pretium forte fuerit, si jam de optimis auctoribus & cultoribus Physiologici illius studii, quod etiam per ἀνοτομεῖν diximus aliquatenus addisci, explicatius nonnihil differamus. Igitur antiquis Philosophis pariter atque Medicis humani quidem corporis sectionem plane non in usu fuisse videtur. Quod ipsum ex Hippocraticis atque Aristotelis scriptis apparet. Habemus tamen ab Hippocrate etiam libros, qui nunc pertinent: etsi liber *de ossibus* nihil minus agat. Longe plura vero in libris ejusdem *de Fracturis, Articulis, Vulneribusque capitis* eaque peregregia leguntur. *Aristoteles* quamvis in brutorum sectionibus peritissimus fuerit,

fuerit, humani tamen corporis insignem adeo notitiam non habuit, si sane partes internas & in ipso corpore delitescentes spectes. Id quod unicum *caput XVI. libri I. Histor. anim.* luculente satis demonstrat. Nihilominus tamen multa habet idem Aristoteles lectu longe dignissima etiam in ipso illo modo laudato opere ex cunctorum brutorum corporum contemplatione hausta, & ingeniosa ratiocinatione exculta. Imo de omni hominis generatione nihil præclarius temere reperias iis quæ continet isthæc historia, etsi decimum librum spurium dixeris. Cum primis porro præclari sunt libri *de Generatione animalium, de Partibus animalium, de Locomotione* & in universum omnia quæ vulgo solent dici *Parva naturalia*. Inter quæ non postremo loco numerandus est ille, quem *de Partibus animalium* virorum maximus nobis reliquit. Non possumus non hoc loco mentionem etiam facere *Εισαγωγῆς Ἀνατομικῆς* quam ante non adeo multos annos Hamburgi excudi curavit Petrus Laurembergius, ex Aristotele præter duos aut ad summum tres locos ad verbum exscriptæ. Non desunt tamen quibus id scriptum suspectum est, & à Laurembergio suppositum existimatur: quod nos in medio relinquimus. Etsi vero & Hippocrati & Aristoteli aliisque veterum humani corporis internarum partium historia non perinde fuerit cognita: veniam tamen meretur hæc eorum inscitia, utpote quum per ea tempora nefas creditum sit cadaver humanum secuisse, post horum ævum apud Græcos demum in usum isthac sectione admissa.

XVI. Post Aristotelis tempora clarissimum nomen anatomico studio sibi pepererunt *Herophilus* atque *Erasistratus*, qui primi etiam humanis corporibus secandis operam impenderunt. Tanto certe studio humani corporis fabricam scrutati sunt, ut latrones morti addictos
V sive

sive nocentes homines à regibus ex carcere acceptos vivos inciderint, quemadmodum Cornelius Celsus testatur. Præcipue vero Herophilus hoc studio inclaruit: ex quo etiam pleraque, quæ apud Galenum de corpore humano tradita inveniuntur, deprompta sunt. De eodem Tertullianus lib. de Anima cap. X. refert, *septingentos eum exsecuisse ut naturam scrutaretur*; quemadmodum quidem Mercurialis quique eum sequuntur alii legunt: Nam Franciscus Junius in Notis mavult *sexcentos*, ut videlicet numerus certus pro incerto positus sit. Quod posterius nos etiam existimamus, quicquid tandem de lectione fiat. Certum vero est, de mortuorum corporum humanorum Herophilo ad secandum abunde fuisse; & accuratam anatomiam cum primis multum illi debere. Usque adeo autem exacte anatomem excoluit, ut Gabriel Fallopius eum Anatomicorum Evangelistam appellare non dubitaverit. Duobus autem præcipue æternam nominis memoriam sibi comparavit, cum ipsa secandi peritia, tum introducta in Artem nostram subtiliore doctrina pulsuum. Nervorum motus voluntarii illorum qui ex cerebro aut spinali medulla exoriuntur structuram ut & usum à primo Herophilo observatum fuisse, ex Galeni non uno testimonio in promptu est probare. De sectis porro tam ab Erasistrato quam ab Herophilo institutis, uti & scriptis illorum capite II. jam diximus.

XVII. Post Herophili & Erasistrati ætatem pauci admodum fuerunt in anatomicis versati, paucissimi autem in sectione corporis humani. Extat enim quidem liber *de Utero* Ruffi Ephesii; sed valde levia sunt quæ in illo traduntur. Seculo autem secundo à nato Servatore caput iterum erexit hoc studium. Et quidem paulo ante Galeni tempora potissimum inde famam meruit Marinus: quo nomine

mine passim apud Galenum laudatur, quamvis more suo identidem eum perstringat: neque enim ipsius Marini quicquam hodie superest. Caterum inter omnes ipse Galenus huic rei quam maxime operam navavit, & tum peritia secandi tum libris in eo genere editis, quibus doctrinam Physiologicam maximopere illustravit, præcipua laude floruit. Huc pertinet primo liber *de Administrationibus Anatomicis*, cujus paulo ante mentionem injecimus. Item *De Facultatibus Naturalibus*, *de Semine*, aliique hujusmodi qui prima classe ejus operum continentur: Quanquam etiam multa ab ipso disputata passim sint, quæ ad Medicam Artem proprie non pertinent. Referendum quoque huc est ejus *de Sententiis Hippocratis & Platonis* opus; quod juvenis conscripsit, ut vel ipsa insolentia insultandi hominibus doctis, satis docet. Verum maxime inter omnia excellent *de Usu partium* libri: quod sane opus incredibili *ἀνεξέτητος* & singulari plane ingenio conscriptum est, ut in quo auctor vim sui judicii potissimum declaravit. Si quis tamen in illo libro cum fructu versari cupit, operæ fecerit pretium, si adjungat commentarios longe doctissimos Caspari Hofmanni philosophi & Medici Altorfensi, viri sæpius jam à nobis laudati. Ad idem Argumentum pertinet etiam *liber de Ossibus ad tyrones* scriptus: in quo multa tamen non diffitemur reperiri, quæ ossibus humani corporis non quadrant. Fatendum quinimo, multa passim apud Galenum, etiam in ipso *de Usu partium* opere occurrere, quæ cum veritate non usque quaque, immo non raro neutiquam conveniunt: utut identidem corporum humanorum sectione gloriatur. Et vero non injuria à viris præstantissimis, auctore primum Andrea Vesalio, in dubium vocatum est, num ab ipso Galeno corpus ali-

quod humanum sit sectum, & non omnia quæ homini propria sunt, fide Herophili sint tradita.

XIIX. Post Galenum nemo sive Græcorum sive Arabum Medicorum diligentem aliquam scrutationem corporum humanorum vel affectavit. Græci enim à Galeno nihil pene quicquam dissentiant, sed omnia illa quæ de corpore humano habent, ex Galeno ad verbum transcripserunt, immo vix aliquod animal videntur secuisse. Creditum enim illis nefas dixeris Galeni fidem in dubium vocare. Ideoque etiam hac quidem in parte nihil illi nos juverint. Modo minus Arabum quisquam humani corporis sectionem unquam perfecit; utpote quibus illud ipsum religione prohibitum fuerit. Tametsi enim *Averrhoes*, vir ingeniosissimus, de usu partium pro Aristotele adversus Galenum nonnulla disputet; revera tamen Aristoteli ille multa affigit, adeoque sententiæ, quas ille pro Aristotelicis venditat, nihil sunt minus quam Aristotelicæ: & circa ipsam corporis historiam à Galeno proditam Averrhoes nihil movit.

XIX. Par est ratio omnium illorum Medicorum Latino-Barbarorum qui à seculo decimotertio adusque sextum decimum vixerunt. Licet enim interdum sectionem aliquam ab illis tum in Gallia tum in Italia, in schola cum primis Salernitana, ut & Bononiæ, ubi Medicum studium illis temporibus præcipue floruisse supra ostendimus, institutam esse concedendum sit; admodum tamen rudis illorum anatome fuit: quod ipsum ex *Mundini* libello, qui unus ex illo ævo hoc in genere superest, longe est clarissimum; utpote qui tyrocinia tantum exponat, neque ullo modo cum post natis sit comparandus: quapropter etiam raro adeo illum hodie reperiri, eo minus est dolendum.

XX. Caterum ab anno millesimo quingentesimo
peri-

peritia Artis Anatomicæ nonnihil altius caput extollere cepit, quod nonnulli longe quam unquam erat factum hæcenus, diligentius in illam rem incumberent. In quo tres Itali maxime laudem aliquam commeruerunt. Primus autem horum *Nicolaus Massa* Venetus est, cujus opus anatomicum barbaro stylo scriptum, maximam tamen partem ex Galeno concinnatum, habemus. Alter est *Jacobus Berengarius Carpensis*; Medicus & Chirurgus Bononiensis, vir non sane contemnendus, neque indiligens, quique adeo vivos etiam homines secuisse creditus est, quo nomine infamem fuisse paulo ante eum retulimus. Edidit autem commentarium in Mundinum, egregium quidem, scabro tamen sermone confectum, quod Latini sermonis imperitus esset; inventu hodie justo rariorem. Tertius est *Gabriel de Zerbis* Veronensis, sed qui Patavii Theoricam Medicinam professus est, cujus liber singula humani corporis membra enarrans, quamvis non magni momenti, in manibus habetur. De cujus miserrimo interitu post alios varios Bruno Seidelius *l. de morbis incurabilibus* pag. 25. refert, eum, cum *Satrapam* quandam *Turcicum in Illyrico vel Mysia* propinqua sanare non potuisset, satellitum gladiis concisum esse. Quanquam autem hi tres modo laudati nomen aliquod studio Anatomico sibi pepererint, non tamen cum iis qui sunt secuti, merentur contendere.

XXI. Per idem vero tempus in Gallia majorem inde laudem assequutus est *Jacobus Sylvius*, vir doctus & satis celebris. Quem tamen in libris conscribendis quam in arte secandi magis exercitatum fuisse, etiam ipsi illi libri Anatomici, lectu alias non indigni, satis produnt. Consimiliter & *Joannes Guintherius Andernacus* in eadem Gallia, quamvis Germanus, epitomen aliquam de structura humani corporis tum evulgavit, maximam partem ex Galeno desumptam

ptam, quamque postea accuratiorem edidit Vesalius discipulus. Pretium operæ fuerit adjicere quæ de illo Guintherio refert Vesalius l. de Radice Chinæ: *Guintherium*, ait, *ego sane multis nominibus colo, & in medicina præceptoris loco publicis scriptis habeo. Verum tot modo mihi sectiones infligi cupio, quot illum aut in homine, aut in alio bruto (præterquam in mensa) tentantem vidi. Neque arbitror Guintherium id ægre ferre, quum ipsi cum non paucis aliis constet, num mihi aliquid in hac nostræ artis parte debeat, si quid mado in dissectionis ratione extra communes Galeni libros, sibi vendicet.*

XXII. Quum ad hunc sese modum res Anatomica five Physiologica haberet, non sine singulari Dei beneficio factum est, ut hic modo laudatus Andreas Vesalius, patria quidem Bruxellensis Brabantinus, origine vero Vesaliensis ex Ducatu Clivensi, unde & cognomen hæsit, jam tum adolescens, immo pene, puer huic studio animum applicaret. Quum enim ingenio pene unico immo divino natus esses, credidit operæ pretium se facturum, si rei quam modo diximus, sese suumque studium dicaret. Quo pene etiam omnes ante se natos Medicos superavit, remque Anatomicam penitus collapsam, atque ne quidem ab ipso Galeno satis accurate traditam, primus restituit, atque ad invidiam usque excoluit: unde tantam etiam nominis gloriam est adeptus, ut omnibus post sequutis admirationem sui reliquerit. Hic adolescens adhuc cum Sylvio Parisiis familiariter vixit, adeoque eo præceptore in Arte medica addiscenda usus est: quanquam, si ipsi Vesalio fides habenda, uti omnino habenda est, à Sylvio in Anatomicis quidem nihil didicerit; quod tamen Riolanus non sine Vesalii injuria persuadere hominibus voluit. Quanto autem studio

Audio rei Anatomica flagraverit, ipsemet libro de Radice Chinae prodit. Ex quo proinde non possumus non hoc loco quadam referre. Suadet, inquit, Sylvius ut meas in Galenum Annotationes diu & bene excoquerem: perinde ac si propter aetatem, & precipitem editionem in meis libris commisisssem, cuius modo pœniteret: & non ea ætas uxore, liberis, omnique cura rei familiaris libera, in jucundissimo sodalium convivio, anatomicis tractandis fuisset longe aptissima. Haudquaquam enim modo Parisiis in Innocentium cœmeterio horis multis ossa lubens versarem, aut ossium videndorum gratia ad Falconis montem adirem, ubi semel cum sodali quodam tot intersectorum canum pœnas quasi dederam; neque nunc me solum Lovanio excludi sinam, ut sceletis mihi parando nocte ossa ex palo sumerem. Non modo iudicibus molestus ero, ut hoc aut illo supplicio homines necari curent, sive in hoc aut illud tempus nostris sectionibus opportunum conservent; non studiosos omnes sedulo monebo, ut ubi quis sepeliendus sit invigilent: aut ut qua valetudine quis in præceptorum, quos propter artis usum comitantur, curationibus moriatur, observent (quo grata cunctis tandem obtingeret præda) nunc adhortabor; non mihi in cubiculum aut è monumentis, aut publicis suppliciis data corpora, etiam septimanis aliquot asservabo: neque sculptoribus & pictoribus me ita exercitandum dabo, ut sæpius ob eorum hominum morositatem me illis infeliciorem esse putarem, qui ad sectionem mihi obtigissent. Quæ omnia ætas ad quæstum arte parandum immatura & discendi communiaque studia provebendi libido, facile & leviter pertulerunt. Vt meam interim præteream diligentiam, qua tribus integris ut minimum septimanis, me in publicis sectionibus uti viderunt, qui in Italia mihi anatomen docenti adfuerunt: quum tamen uno anno in tribus Academijs aliquando id præsti-

præstiterim: adeo ut si in hoc tempus scriptorem distulissem, & jam primum coctionem aggrederer, mei Anatomici conatus in studiosorum manibus haud versarentur. Hæc Vesalius: qui mox nonnulla subjungit, digna quæ itidem hic legantur. Quod attinet, inquit: Annotationes, quæ in ingens volumen excreverant, illæ cum integra in decem libros Rhazis ad Almanforem regem paraphrasi multo diligentius quam illa quæ in novum librum prostat à me conscripta, & libri cujusdam de medicamentorum formulis apparatu (in cujus materiam multa meo judicio non inutilia congesseram) una die mihi interierunt, cum omnibus Galeni libris, quibus ego in discenda anatome usus eram, quosque, ut fit, varie commaculaveram. Quum enim aulam aditurus, Italiam relinquerem, atque illi quos nosti medici, de meis libris omnibusque quæ hodie promovendis studiis eduntur, apud Cæsarem, & alios quosdam magnates pessimam fecissent censuram, ea omnia (in posterum manus facile à scribendo cohibiturus) cremavi: etsi non semel interim ejus petulantiae me poenituerit, meque amicorum, qui aderant, monitis non stetisse, doluerim. Hactenus ille.

XXIII. Hic itaque Vesalius tanto ingenii ardore juvenis viginti trium circiter annorum in Italiam ubi pervenisset, peritia secandi brevi tempore ita inclaruit, ut Senatus Venetus secandi munus cum Chirurgiæ professione in Academia Patavina extra ordinem ipsi obtulerit; quo factum ut primus Anatomicus in Europa fuerit, qui publico stipendio aleretur. Annos viginti octo natus, edidit *de fabrica corporis humani* ut grande, ita regium profecto opus, cuique nullum aliud comparari meretur. Nam & stylo magnifico & Latino est perscriptum, & tantam ipsius experientiam in Anatomicis prodit, ut totus crudiorum orbis

orbis ad extremum usque diem nunquam satis sit admiraturus, juvenem nullo magistro ad illud fastigium eruditionis pervenisse. Ubi obiter notandum, ex omnibus editionibus hujus operis illam esse optimam, quæ Basileæ prodiit, cura Oporini, & cumprimis illam anni 1555. Neque enim Venetæ editionis, ut alias taceam, imagines aut typi cum elegantia editionis Oporinianæ merentur comparari. Quamquam vero usque adeo insigne & prorsus incomparabile sit opus, neutiquam tamen illud est ad captum tyronis alicujus. Commeruit autem illo scripto Vesalius, ut à Carolo V. Cæsare accitus, ex Academia in aulam Hispanicam inigraverit. De qua re postea sæpe conquestus est, præcipue quod studium Anatomicum non ita in aula exercere sibi liceret. Sub finem Examinis observationum Fallopii Madrilii exarati anno 1561. scribit: *Nulla hic (ubi ne Calvariam quidem commode nancisci possum) ad dissectionem aggrediendam incidere potest occasio.* Idem porro Epitomen grandis istius operis elegantem confecit, quam Philippo II. Hispaniarum Regi, cujus Archiatrum egit, consecravit, uti prius illud opus ejus patri Carolo Cæsari. Prodiit autem initio illa Epitome pene majori etiam forma atque prius illud opus. Sed eandem Petrus Pavius in Batavia contractiorem edidit & illustravit notis. Unum in Vesalio forte jure reprehendas, quod in Galeno insectando modum nonnunquam excedat, irritatus tamen ab imperitis Galeni admiratoribus & laborum suorum censoribus sane iniquis.

XXIV. Etenim quum sicuti modo diximus, non dubitasset etiam in Galenum animadvertere Vesalius, multis illa reprehensio doluit: maxime quod isto ævo omnibus vulgo persuasum esset, Galenum nunquam in scriptis suis aberrasse. Ideoque pro sperata gratia atque laude illorum hominum odium sibi conflavit. Inter quos maxime persequutus

quutus est eum, nec sine convitiis, Jacobus Sylvius: primum epistola ad Vesalium scripta, qua eum acriter objurgavit, quod à Galeni doctrina descivisset. Verum ut se tueretur Vesalius, librum mox de Radice Chinæ recens tunc inventa conscripsit, sed rebus Anatomicis magnam partem immoratus; quo cum plura alia ad rem Anatomicam spectantia præclare exponit, tum illa quæ contra Galenum sparserat, conatur defendere. Argumentum libri absolvitur quatuor potissimum capitibus. Nam primo quidem demonstrat Galenum nunquam humani corporis sectionem instituisse: deinde ab eo in partium historia non omnia recte esse tradita: usus porro partium ab eo falso sæpe assignatos: & denique ipsum nonnunquam admodum infirmis argumentis sua probare. Quod ideo hoc loco recensere voluimus, quod liber iste in paucorum hodie sit manibus.

XXV. Hoc libello edito, Sylvius jam senex pene furere cepit, ideoque Vesalio reposuit libellum titulo: *Depulsio Vesani cujusdam calumniarum in Hippocratis & Galeni rem anatomicam*: quo sententias Galeni interdum perinepte tentavit defendere. Huic autem Vesalius, quod à se satis actum esse putaret, nihil respondit: pro Vesalio tamen apologiam elegantem sane *Renatus Henerus* confecit. Non multo post idem Sylvius, discipulorum suorum nonneminem *Franciscum Puteum* Anatomicum ineptum impulit, ut librum titulo *Apologiæ in anatome pro Galeno contra Vesalium* scriberet. Verum & hujus libri doctissimum examen publicavit *Gabriel Cuneus*, Vesalii sectator & discipulus satis diligens.

XXVI. Quum vero Vesalius per Italiam Artem anatomicam ad hunc modum exercuisset, multosque spectatores fuisset nactus; non potuit non etiam in Italis istius rei studium excitari. Tres autem cum primis imitatores mox
ibi

ibi accepit, qui studiis illis laudem insignem invenerunt. Et quidem de Cuneo jam dictum fuit. Hoc autem majus nomen meruit *Realdus Columbus* Cremonensis, qui cum Romæ, tum alibi in Italia post Vesalii discessum magno cum applausu anatomen fecit: conscripto etiam ea de re libro satis eleganti & accurato, adeoque lectu digno. Voluit quidem & ille videri noviter à Vesalio observata sectari; verum tamen erga magistrum suum ingrator fuit, nullam eum vellicandi occasionem prætermittens; ideoque etiam ipsemet Vesalius eundem rursus acerrime perstrinxit, *l. de Radice Chinæ* & in *Examine observationum Fallopii*, tanquam hominem anatomicæ doctrinæ non satis gnarum. Longe majori felicitate in eodem studiorum genere laboravit *Gabriel Fallopius*, patria Mutinensis, sed qui in Academia Patavina vixit: Anatomicorum fidus & exemplar, vir admirandi sane ingenii summique candoris, quique in omnibus Artis nostræ partibus maxima cum laude fuit versatus. Scripsit autem inter alia *Observationes anatomicas*, præclarum atque insigne opus, in quibus multa Vesalio prætervisa animadvertit; nunquam tamen sine præfatione ejus mentione facta, quin etiam Divini titulo semper eum dignatus. Quod opus quum in Vesalii manus pervenisset, scriptum ab illo est in Hispania earundem *Observationum Examen* longe doctissimum anno 1563. sequente anno Venetiis publicatum, jam tum non Fallopio duntaxat, sed & ipso Vesalio defunctis. Misere enim obiit Vesalius, redux ex itinere Hierosolymitano: Pestilentia enim correptus delatusque in insulam Zacynthum, & à suis neglectus, sub arbore quadam exspiravit, ubi tamen forte fortuna à Batavo quodam agnitus, sepultus fuit. Arcano fortassis Dei judicio; ut qui tot cadavera sepulchris suis, quibus merito suus debetur honor, spoliasset, ipse vix inveniret, quo corpus suum conderetur.

XXVII. Habuit idem Vesalius & doctissimum sectatorem *Joannem Philippum ab Ingrasfia, Siculum*; cujus extat præclarum opus *De tumoribus præter naturam*. In re enim Anatomica nihil plane ejus habetur præter commentaria in Galeni librum de Offibus. In Germania nostra discipulum nullum nactus est, nisi quod *Leonhardus Fuchsius* ex libris ejus elegantissimam epitomen confecerit, licet alias Galeni studiosissimus esset. Hispanum denique sectatorem invenit *Joannem Valverdam*; qui tamen nullum præstitit prætium operæ, nisi quod illi debeantur elegantes sculpturæ in æs incisæ Plantinianæ, quæ tamen ligneis Basileensibus multum cedunt.

XXIIX. Porro Romæ Columbum hoc in genere studiorum excepit *Bartholomæus Eustachius*, vir in sectione non hominum duntaxat sed etiam animantium diligentissimus, antiquitatisque pariter studiosissimus. Cujus opuscula uti rarissima sunt, ita digna quæ ab omnibus evolvantur. Post eum ibidem horum studiorum insigni fama floruit *Archangelus Piccolhominus*, edito satis grandi opere anatomico: sed qui non tam in secandis corporibus exercitatus fuit, quam disputando de usu partium. Bononiæ etiam circa annum septuagesimum superioris seculi hoc studio claruit *Julius Cæsar Arantius*, qui laudem eo potissimum invenit, quod primus doctrinam de fœtu humano exactius tradiderit. Huic σύγχρονος æmulusque fuit *Caspar Tagliacotius*, qui tamen hac quidem in re collegæ famam non æquavit. Arantium ibidem sequutus est *Constantinus Varolius*, homo acuti ingenii & anatomicæ rei peritissimus: cui novam cerebri nervorum opticorum, totiusque adeo fabricæ nervorum sectionem debemus. Ab ipsius obitu prodiit compendium aliquod Anatomicum sub ejus nomine, in quo itidem multa nova dogmata
citra

citra demonstrationem tamen proponuntur, quod fertile hominis ingenium satis arguit.

XXIX. Cæterum longe maximam famam studio Anatomico nactus est Fallopii successor, *Hieronymus Fabricius ab Aquapendente*, qui Patavii ultra quinquaginta annos hoc studium excoluit. Et vero ejus nomen non multo post Fallopii discessum jam ita inclaruit, ut primus ordinariam Anatomices professionem in ea schola meruerit; post jam senior, supraordinarium locum consequutus. Scriptis tamen non nisi sero inclarescere cœpit, quod Latinæ linguæ fortassis more Italorum non satis esset peritus, ideoque omnia Germanis studiorum caussa ibi commorantibus tradere contactus fuerit. Multa illa noviter observavit aliis hætenus prætervifa, & præter humana, animalium quoque corpora diligentissime ac curiosissime secuit. Ad hoc post Vesalium imaginibus Anatomicis exacte conficiendis & æri incidendis singularem industriam adhibuit. Cum primis vero in partium multarum usu rectius exponendo multum se exercuit. Eodem in studio initio discipulum deinde æmulum & uti vocant, professorem concurrentem nactus est *Fulvius Casserius Placentinus* qui pingendis imaginibus anatomicis Aquapendentium longe superavit, adeoque immortale nomen hinc apud posteros consequutus est. Verum quod partium explicationem eorumque usus concernit, Aquapendentio omnino palma debetur. Fertur Casserii hæres magnos fascēs tabularum anatomicarum adhuc servare: quarum aliquam partem nactus Daniel Bucretius Breslaviensis, illas edidit, Adriani Spigelii operi Anatomico nexas. Successit Casserio, quum adhuc viveret Aquapendentius magister, ipse ille modo laudatus *Adrianus Spigelius*, domo Bruxellensis, adeoque civis summi Vesalii, vir eximii ingenii, Latinæque linguæ notitia præceptore suo

longe peritior. Ab obitu ejus, is quem diximus Bucretius, Spigelii titulo opus Anatomicum, evulgavit: quod tamen Bucretii magis quam Spigelii esse publice affirmare non dubitavit noster Weslingius. Elegans est illud, & multa doctrina nova refertum, firmis tamen demonstrationibus non perinde subnixum. Spigelio in Patavina schola successit *Pompejus Caimus*, vir doctus sed pene nihil minus quam Anatomicus. Excepit autem hunc *Joannes Weslingius Saxo* *Mindæ* ad *Visurgim* natus, qui cis paucos annos incomparabili Artis Medicæ damno diem obiit. Cujus Syntagma Anatomicum, five stylum, five ipsum tractandi ordinem spectes, elegantissimum est & lectu longe dignissimum. Promiserat ille non multum ante obitum *de Pullitie Ægyptiaca* opus. Verum fato præventus fidem liberare haud potuit. Editioni *Francofurten*si Syntagmatis (ut hoc obiter moneamus) adjunctus est libellus *Cæcilii Folii*: sed indignus qui isti purpuræ assueretur: profectus quippe à juvene indocto & rei Anatomicæ imperito, stolide tamen superbo. Porro & *Franciscus Plazzonus* in eadem schola libros duos de partibus generationi inservientibus non indoctos publicari curavit. Nominari denique hoc in loco meretur *Joannes Georgius Virsungus* Bavarus, observato ductu aliquo cholidochi per medium pancreas veterum in intestinum duodenum decurrente clarus. De quo tamen suo invento ipsemet nihil scripsit, paulo post ab *Italo* quodam in suo museo sclopeto trajectus.

XXX. In *Ticinensi* Academia non exiguum nomen jam olim reportavit *Gabriel Cuneus*, de quo supra jam egimus. Sed longe magis illam illustravit non ita pridem *Caspar Asellius* *Cremonensis*, inventis Lacteis venis, de cujus laudibus operæ pretium est adire caput tertium libri nostri

nostri de Sanguine. Certe inventum illud Afellio nomen dabit quamdiu res florebit Anatomica.

XXXI. Neapoli postremo rem Anatomicam post Ingrassiam ante laudatum cum magna laude excoluit *Julius Fasolinus*, editis etiam scriptis nonnullis, quanquam oppido paucis. Præceptore illo usus fuit *Marcus Aurelius Severinus Tharsiensis Thurius*, qui hodieque vivit & utinam vivat diutissime. Hujus Zootomiam Democritæam, quo opere usum sectionis in animalibus ostendere voluit, ante paucos annos evulgavit Norimbergæ Vir Cl. *Joannes Georgius Volckamerus*, Præceptoris ac hospitis quondam sui famæ studiosissimus. Hi pene sunt illi, qui in Italia hactenus quidem nomen aliquod ex re Anatomica scriptis reportarunt. Nec enim hodie perinde ut olim Itali studio isto ducuntur.

XXXII. Caterum in Gallia & quidem Parisiis primus omnium rem anatomicam excolere cepit *Jacobus Sylvius*. Parum tamen illum hoc quidem in studio præstitisse, jam ex superioribus constat. Eodem tempore *Monspeffuli Guilielmus Rondeletius* nonnulla huc pertinentia conscripsit quidem, verum mox viso Vesalii opere, ne cum tanto viro in contentionem veniret, manus continere maluit. Majus autem nomen meruit, evulgato *de Piscibus* egregio opere; licet illud *Guilielmo Pelletario* Episcopo *Monspeliensi* per plagium surreptum esse *Josephus Scaliger*, & ab hoc inductus *Thuanus* non dubitaverint affirmare: nobis minime persuasis, cum non tantum vivo & vidente *Pelletario* opus illud prodierit, sed & *Rondeletius* post libellum *Pharmaceuticum* in *Pelletarii* nomen ediderit, illius operis de *Piscibus* luculenta facta mentione: quod sine summa impudentia fieri utique non potuisset. Aliquamdiu post ibidem floruit *Andreas Laurentius*, cujus

jus opus Anatomicum in manibus est. At vero in illo, quod historiam partium quidem attinet, multa ab illo errata commissa esse, fatendum est; controversiæ tamen physiologicæ eleganter proponuntur: ut hoc nomine studiosis omnibus librum illum commendare non dubitemus. Nec tamen non simul legi & expendi debent, quæ in Laurentii illud opus publicatæ sunt Animadversiones cum à Petro Laurenbergio, tum à Theodoro Calladone. Iniquior Laurentio videtur esse I. Riolanus: forte ex æmulatione scholæ, aut hæreditaria quadam simultate. Non de nihilo tamen est quod idem monuit, multa apud Laurentium pene eodem modo tractari quo apud Ludovicum Mercatum inveniuntur: ut dicendum sit vel alterutrum ex altero sua transcripsisse, vel vero utrumque in unum aliquod scriptum incidisse, unde sua, dissimulata auctoris laude desumpserint. Tabulas porro quas enarrationibus suis Laurentius subjunxit, plerasque ex Vesalio transtulit; reliquæ enim, queis novas scilicet observationes exhibere voluit, à vero magnam partem abhorrent. Itaque hinc quidem nulla laus Laurentio accessit.

XXXIII. Majorem gloriam nostra memoria invenit ipse *Foannes Riolanus* Junior; cum grandi opere *Anthropographiæ* longe præclarissimo, tum etiam *enchiridio Anatomico* præ cæteris lectu dignissimo, *Pathologicæ* etiam doctrinæ gratia. Idem nuper novam sententiam de circulatione sanguinis introducere est conatus: sed hanc doctissime refutavit *Slegelius* noster. Ne quidem *Chirurgi Parisienses* fraudandi sunt sua ex Anatome parta laude: quorum princeps *Ambrosius Paræus* in præclaro & nunquam satis deprædicato opere *Chirurgico* doctrinam de corporis humani fabrica haud in scite explicavit: quicquid de eo finistre judicet *Riolanus*. Chirurgus quoque fuit *Bartholomæus*

Iomæus Cabrolus, cujus observationes Anatomicas atque Chirurgicas egregias habemus. *Nicolai Habicotti* etiam elegans est de Encheiresi Anatomica liber, Gallica lingua conscriptus & inde in Batavicam translatus. Quibus ultimo loco accensendus est *Joannes Pecquetus*, invento ante biennium insigni in thorace lactearum venarum ductu clarus.

XXXIV. Transeundum jam est ad Germanos nostros; quamvis laus eorum cum Italorum gloria conferri non mereatur. Primus autem hac in re aliquid commentatus est *Leonhardus Fuchsius*, cujus ex Galeno & Vesalio conscriptæ epitomes jam supra meminimus, elegantissimæ quidem, sed quæ vitio studiosorum novitatis avidorum hodie eviluerit. Post hunc propria industria ante omnes commendari meretur *Volcherus Coiter*, Groninga Frisius, sed qui Norimbergæ vixit; cujus observationes Anatomicas tabulasque admodum doctas habemus. Proximus est *Felix Platerus*, tabulis Anatomicis editis; quæ doctis viris minus tamen placuere, quod nimis divisionibus lectorem potius turbent quam instruant. Majorem gloriam consequutus est tum Botanico tum Anatomico studio collega ipsius *Caspar Bauhinus* itidem Basileensis. Hic enim licet tractatu de Partibus humani corporis similiaribus parum operæ præstiterit, tamen Institutionibus Anatomicis tyronum studia permultum adjuvit. Theatrum porro Anatomicum non tantum insigni methodo adornavit, sed etiam in additis illi operi notis incredibili labore & diligentia varias omnium pene ante se Anatomicorum sententias in unum quasi conspectum ita produxit, ut qui Bauhinum habet, omnes fere reliquos simul possideat. Tantum in partium usibus dijudicandis requiras forte majorem judicii acrimoniam: & mireris non immerito, etsi rem anatomi-

camp plurimos annos exercuerit, paucula tamen propria industria eum adinvenisse. Et vero omnia illa epistola quadam ad V.C. Godofredum Voglerum complexus est. Accusat illum Riolanus plagii: nec negari potest ejus opus fuisse Bauhino adjumento: Riolani tamen nomen non dissimulatur, eoque non vacat injuria illa in Bauhinum Riolani invectiva.

XXXV. Præter hos etiam alii nonnulli docti Anatomici in Germania floruerunt. Quorum princeps *Salomon Albertus* vir doctissimus, *Wittebergæ* de Ostiolis venarum librum conscripsit. Cæterum summum nomen non adeo pridem Altorfi Norimbergensium merito suo obtinuit *Caspar Hofmannus*, vir propter raram in omni pene genere eruditionem inter primos laudandus. De quo jure illud dixerimus: in Physiologicis neminem unum plus præstitisse. Huc etiam pertinent nostri cum de Generatione & motu sanguinis, tum de Calido innato libri: ut & *Pauli Marquardi Slegelii* Hamburgensis, longiori vita dignissimi viri de Motu sanguinis opus paulo ante obitum evulgatum. Alios commemorare supersedeo, ne nimius videar in hoc argumento. In Batavis porro hoc studium libris editis excoluerunt *Petrus Pavius*, & ut nuperrime *Joan. Walæus* ita nunc adeo *Joannes van Horn*: quorum hic peculiari ductu lacteo (quem tamen jam Pecquetus prodiderat, & eleganter descripserat in Dania T. Bartholinus V.C.) superiori anno sese orbi commendare voluit.

XXXVI. Dania porro vicina nobis dedit, *Bartholinus patrem & filium*, utrumque non hac duntaxat sed varia omnino eruditione clarum. Caspari compendium Anatomicum notum est orbi; cum primis ex quo illud *Thomas* filius eximia felicitate multum & auxit & emendavit. Pergit hic insigni industria Anatomicam doctrinam exornare

nare, nuper adeo de Lacteis venis thoracicis ut & aliis quas Lymphaticas nuncupavit, opusculis præclaris editis: dignus proinde cui grati nos longam vitam apprecemur.

XXXVII. Ultimo demum loco ex Anglo Britannis præcipue commendandus venit *Guilielmus Harvejus* Circulari sanguinis motu reperto nobilis. Quamvis enim novam hanc & omnibus retro seculis inauditam ejus doctrinam cum aliorum *Æmylius Parisanus* & *Fortunatus Plempius* convellere conati fuerint; ita tamen mox alii eos exceperunt, ut passim per eruditum orbem magis magisque Harvejana sententia assensum inveniret. Ejusdem ante hos tres annos doctissimæ de Generatione animalium exercitationes prodierunt, quibus multa peregregia ab aliis nondum satis explicata continentur. Ejusdem insulæ incola est *Nathanael Highmorus*: cujus opus Anatomicum nuper demum prodiit, imaginibus sane elegantibus insigne, sæpe tamen vero & rei ipsi minus congruentibus.

XXXIX. Atque hi sunt præcipui in studio Anatomico vel Physiologico scriptores. Neque tamen hos ita statim promiscue omnibus evolvendos esse censemus; utpote cum tyronibus ab epitome quadam, vel *Vesalii*, vel *Bauhini*, vel *Veslingii*, vel *Bartholini* initium faciendum sit. Quanquam si quis his careat, vel *Fuchsii* Institutiones sufficere possint. In quem finem etiam non incommode uti poterint *Columbi* libro, ut qui præ cæteris etiam modum sceleti conficiendi proponat. In Physiologicis autem controversiis potissimum eminent *Caspar Hofmannus* noster, *Franciscus Vallesius*, *Petrus de Peramato*, *Ludovicus Mercatus*, *Laurentius*, & minime postremus *Fernelius*.

ADDITAMENTA.

I. * *Studium Physiologicum.* Physiologia omnia illa examinat, quæ corpus sanum componunt atque constituunt: adeoque non tantum de corporis partibus accurate sic dictis, sed etiam de humoribus, de calido, de spiritibus, omnibusque ac singulis quæcunque in corpore vivente occurrunt, illiusque constitutionem ingrediuntur differit. Mira res est, horum permulta ab illis qui de corpore humano quondam scripta Physiologica publica vere negligi, tamque aperte hic delinqui, ut partes solidas considerandi negotium sibi solum dari existiment, de humoribus vero & spiritibus altum ubique silentium agant, quasi ista ad argumentum illud non pertineant; immemores Patri medicorum Hippocrati divisas esse partes in continentes, contentas, & impetum facientes; quæ divisio longe profecto medico utilior est magisque conveniens quam Aristotelica illa in similes & dissimiles: Aristoteles enim corpus solidum tantum considerabat, adeoque istam ut Philosophus protulerat, cui etiam est convenientior. Est autem horum omnium natura, usus & finis per apodicticas rationes, quantum unquam fieri potest, demonstrandus; non secus atque affectiones de rebus naturalibus in physicis demonstrantur. Quemadmodum vero rerum physicarum aliæ affectiones sunt primæ & maxime per se, aliæ vero accidentales & remotiores, ita & hic: Usus & modus operandi, utique primariæ affectionis modum habent, ideoque quam accuratissime sunt pernoscenda: quem in finem natura cujusvis unice exploranda est, ut possit illius ratio ex usu patere; reliqua, ut situs, color, figura, secundaria sunt, & propter hæc, adeoque pro eorum commodo aut loci quem occupant conditione aliter vel aliter fere se habent. Dixeris eodem hæc loco esse respectu sanitatis, ac primaria symptomata (actionis læsæ) & secundaria (excretorum & qualitatum) respectu morbi. Cum autem

autem principia demonstrationum per inductiones fiant, non sufficit ad perfectam notitiam acquirendam unius hominis partem aut humorem examinare, sed quantum fieri potest, ex omnium animalium natura arcessenda exempla sunt, quo maxime universales conclusiones formari possint: alias frustra in partium usu ostendendo versaberis, & loco ἀποδείξεις probabilem rationem dices, quæ sæpe uno exemplo contrario potest everti. Uti autem inductiones per experientiam fiunt (quapropter Physiologiæ doctor sine experientia nullus est) hæc vero per sensus comparatur, ita apertum est, ubi sensus desinunt ac deficiunt, ibi etiam desinere demonstrationes. Quapropter de humorum minimis & intimioribus frustra, armatis etiam in id oculis sumus solliciti, nec de spiritibus animalibus, ac poris, minimisq; partium solidarum quicquam certi ac indubitati afferre licet. Inanes certe hic sunt sæpenumero etiam chemicorum conatus, secus atque aliis fuit adhuc persuasum: aliter enim natura, aliter artifex opus suum peragit, & quod per ignem sistitur sensibus, eodem modo se habuisse etiam antea, neutiquam potest admitti. Conandum tamen hic saltem aliquid est, & probabile afferendum ubi demonstrativum non potest, neque explodenda aut cachinnis excipienda eorum est opera, qui in his se exercent: modo non pro apodicticis venditent quæ comminiscuntur, aut perperam negligant veriore illam viam, cum per eam ambulare liceat. Nempe tum demum non autem alias, intellectui humano hoc debet esse satis: cum *in abstrusis illis aliquid saltem intelligere (ut alibi auctor loquitur) delectare non minus possit, ac stricturam lucis videre in tenebroso carcere.*

II. ✱ *Quo itaque partes corporis internæ cognosci possint.* Incomparabilis est Galeni locus seu cujuscunque tandem est de artis constitutione liber cap. 2. ubi sic loquitur interpres: *Ut qui jam factam domum qualisnam sit, nosse accuratius vult, ex resolutione dissolutioneque ad eam succedit pernoscendam, eodem nobis modo hominis corpus ex dissectione innotescit. Nam Deus quidem ac natura, uti is qui primum ades condidit, sic partes pernoscunt, usu nimirum ipsis exemplum pariente: nos vero perinde ac qui jam inspicit exstructas,*

exstructas, atque incognoscit. Sequuntur alia multa, lectu dignissima quæ apud ipsum Pergamenum videri possunt.

✱ ✱ *Quo patet insignis error illorum qui-* Scilicet Triplex hic argumentum occurrit, neutiquam confundendum. Primum est de ipsa corpora dissecandi arte, alterum historiam partium enumerat, tertium vero usum. Qui primum sibi tractandum sumunt, magistris scribunt, quorum officium est partes illas, publice præsertim, præsentibus artis studiosis dissecare atque producere: Qui in secundo occupantur, discipulos instruunt, ne plane rudes, & ignari quid a doctore agatur, ad demonstrationes anatomicas accedant: Qui tertium, jam porro eosdem ad artem ipsam audiendam componunt, & futuro medico sanitatis ac morbi limites velut digito intento monstrant, quibus supergressis, ad Pathologiam cum fructu audiendam queant accedere. Hinc munera ista in Italia aliisque forte in locis separatim & à diversis etiam administrantur: ubi anatomicus (profectorem vero appellant) partes tantum dissecat, Deinde accedit Medicus Philosophus, qui est ipse anatomes professor & naturam earundem atque usum breviter explicat: Aliter res habet in Gallia, ubi Chirurgus, & in Germania nostra Belgioque, ubi publico stipendio constitutus Doctor & secat partes & mox de iisdem dissertationes instituit; quod longe præstantius est, & magis laudabile præ Italico illo more: De usu vero partium, ex cathedra cum auditoribus agitur, idque iterum multo rectius fit, quam cum in Theatro hæc omnia junguntur, ubi nihil nisi quod ad partium cognitionem spectat peragendum est, additis de usu generali forte paucissimis, quæ tamen ipsa etiam auditores prænosse expedit. Sæpius igitur apud me miratus sum, Anatomen illam Bartholinianam reformatam aliosque anatomicos libros prolixiores, ubi hæc omnia & si quæ sunt ab his etiam remotiora, latisime disputantur, tanto esse apud nonnullos in pretio, & juventuti ad theatra accedenti pene ubique commendari. Etsi enim contineant multam ac variam doctrinam, non tamen ad opus quod præ manibus est accommodata sunt hæc talia, sed potius obsunt, postquam ex
com-

compendiis in ampla volumina excreverē: æque ac Blasii commentarius Veslingii utilissimum laborem foedavit potius quam ornavit. Non hercle mens ista primis fuit auctoribus, ad sufficientem & omnimodam omnium rerum notitiam artis cultores perducere, sed primordia doctrinæ de partibus, tanquam in compendio exhibere: qui egregius usus plane illis periit nunc, cum toti alii sunt redditī. Itaque longe rectius faciunt qui in id exiguum Veslingii, sed aureum libellum, & Dominici Marchetti Anatomiam legunt, sibi que reddunt familiares: sed de methodo addiscendi partium historiam ipse auctor in sequentibus aget.

IV. * *Ut primum de singulis seorsim partibus.* Hoc ita interpretor, ut primum v. g. de ossibus quid in universum notandum, omnibusque competat; deinde quid de cartilaginibus, ligamentis, tendinibus, musculis, vasis, nervis, glandulis, parenchymaticis denique sciendum sit, ex præceptore addiscatur: qua ratione vulgo partium similarium historia seorsim tradi solet, & à methodo synthetica initium capi, deinde analytica adhibita, pergi ad singularia: Exemplo esse possunt Vesalii, Columbi, Spigelii, doctissima opera, ubi ea præmittuntur. Nimirum hæc præcognosci, atque ad inspectionem cadaverum & sceletorum accedentibus afferri oportere, & isti innuunt, & auctor hic docet.

V. * *Cum quibus loqui, quosque hic loci sequi Galenus maluit.* Qui nimirum istam loquendi rationem in scholas introduxit: magis adeo, ut ne Aristotelem sequi cogeretur, quam ut commodum discipulorum juvaret.

* * *Observare autem est, has actiones --* Nempe in ea est opinione auctor doctissimus, omnibus partibus inditam esse vim & facultatem alimenta assimilandi, quod quidem hætenus etiam ab aliis omnibus firmiter est creditum. Verum hoc plane falsum esse, nec fieri nutritionem quo modo eam sibi concipiunt eruditi, ostendemus aliquando, Deo coeptis annuente, peculiari de nutritione opere:

* * * *Quin etiam motus sanguinis hic maxime facit.*
Rectius

Rectissime de his sentit auctor, etsi invitis medicis propè omnibus. Ad vegetativam enim vim pertinet id omne, quod vel Chylum, vel sanguinem spectat, vel etiam lympham : ut non sit opus vitali, quæ merum Galeni commentum est.

VI. ✱ *Sunt autem hæ omnes accurate noscendæ.* Actiones nempe, non tantum partes. Requiritur enim ad sensitivas actiones pernoscendas non organi tantum, sed & objecti cujusque, & medii si quod est, accuratissimum examen, prout libro de auditu luculento exemplo monstravimus : adeoque hac saltem parte Medicum necesse est esse Mathematicum, ut radio- rum visivorum ac sonorum naturam dimetiri queat, alioquin hos duos sensus perfecte nunquam vel capiet, vel læsos restituet. Sunt vero præter sensus externos, illæ quoque actiones quæ internis sensibus adscribuntur, quas auctor non temere omisisse videtur, sed de industria. Fiunt enim istæ à spiritibus animalibus, & in cogitatione omnes consistunt; quam falso Cartesii affectæ soli animæ adscribunt, cum sit spirituum actio, id quod indubitatis argumentis posset ostendi, & vel hoc uno absurdum illorum dogma: Cogitationem esse intellectus immediatum attributum, refutari, si hujus loci id pateretur angustia. Cum igitur animalium spirituum neq; naturalis ratio, neque præternaturalis constitutio nobis quantum sufficit, cognita esse queat, ideo etiam istæ eorum variæ actiones corrigi emendarique non admodum possunt; certissimumque est, eos qui memoriam, phantasiam, judicium restituere vel augere promittunt, fallere prorsus: præter cephalica enim in genere sic dicta nihil adhibent, neque methodus ulla est quæ memoriam speciatim multo minus quæ judicium & phantasiam respiciat. Nihil igitur hic possumus, aut certe perparum nisi fortassis diæta totum temperamentum corrigatur, qua de re vide *Æschatii Majoris*, seu potius Jani Huarti *Scrutinium ingeniorum*.

VII. ✱ *Unius mensis spatium* - - superficiaria scilicet notitia & rudimentum physiologiæ : & vero vel hoc nemo nisi magni Conringii inenarrabili ingenii felicitate usus, tam brevi temporis spatium facile perdiscat,

IIX. ✱ *Certum enim est.* Nos ea de re supra jam tum egimus: Vide tamen quæ in præfatione libri de auditu differuimus, quæ omnino huc etiam pertinent.

IX. ✱ *Supereſt apud nos.* Marci Aurelii Severini Phoca illustratus ab ipſo anno MDC XLV. ſcriptus, & Decemviris ex tota Europa clariffimis, reſtuit in orbem ſanguinis aſſertoribus, & inter eos quoque Auctori noſtro inſcriptus, poſt ejus mortem Anno MDC L. cum aliis ejus opusculis de Reſpiratione piſcium, de Piſcibus in ſicco viventibus & Radio Turturis Marini editus eſt Neapoli: Manuſcriptum vero in bibliotheca auctoris non amplius invenitur. Cæterum præclarum iſtud laudatiſſimi Severini inſtitutum noſtris temporibus imitatus eſt *Gerhardus Blaſius*, Medicus Amſtelodamendiſ, edito ſatis magno volumine, in quo animalium variorum anatomen enarrat uberius, non tamen à ſe inſtitutam, ſed prout ab aliis accepit. Quam in parte præſtantioſiorem operam poſuit quam in Veſlingii commentario conſcribendo, vel quovis tandem alio. Habemus vero & ſeorſim edita ejus argumenti nonnulla, ut ſagaciſſimi Stenoniſ diſſecti piſcis ex canum genere, & canis Carchariæ capitis hiftoriam, Myologiæ ſuæ adjuncta: item alia multa in actis eruditorum, cum Germaniæ, tum aliis, præſertim vero Hafnienſibus, quæ omnia merentur legi & diligenter annotari, ut ſuo loco commodum in uſum transferri deinde queant.

X. ✱ *Et ſimilia quedam.* Horum numerum jam auxit vaſorum Lymphaticorum genus: hæc enim itidem, niſi viventia animalia, aut proxima à morte hora incidas, videri nequeunt: etſi ſemel ligato illorum trunco; etiam poſtero die appareant, uti quidem mihi experientia conſtat.

XI. ✱ *Major mutatio facta ſit.* Subnituntur hæc opinioni, Diaphragma eſſe primarium reſpirationis inſtrumentum. Hoc autem omnino eſt falſum, ut alibi docebimus clare: Hinc etiam nihil hic præter morem obſervatur, ſi non illud, quod ſuperiora verſus magis quam in naturali ſtatu retractum eſt. Sed hoc in aliis quoque cadaveribus reperitur. Cæterum & in jugulatis & in ſuſpenſis muſculi colli & præcipue Laryngis vi-

gis vitiantur, ut in his non satis commode, in illis vero prorsus non queant demonstrari: Hinc tam raro in publicis theatris in conspectum producuntur, ut plerique nostratium vix unquam in humano oculis usurpaverint cadavere, & anatomici etiam percelebres in iis describendis pingendisque haut leves nonnunquam commiserint errores.

XII. ✱ *Nostro ævo.* Non olim Erasistratum id fecisse, itemque & Herophilum, certum est, si qua Celso, qui in proœmio libri sui id annotatum reliquit, aliisque fides.

XIII. ✱ *Imagines quoque anatomicorum plurimorum commendamus.* In his pariter atque aliis tamen selectus institutus est. Multi enim ad vivum quidem exemplar, minus tamen accurate partes delineavere. Alii etiam ab aliis desumere, nullo habito ad veritatem respectu. Primus omnium figuras Carolus Stephanus, Medicus Parisiensis videtur operi suo inseruisse, à Stephano Riverio Chirurgo in eo adjutus. Hunc deinde Magnus Vesalius alique secuti sunt: in quibus est Veslingius, qui Syntagmati aliquot adjecit, ut Junioribus exemplo atque usui essent simul cum Syntagmate. Institutum hoc utilissimum moxprehenderunt atque imitati sunt alii: sed horum nonnulli non collatis figuris cum ipsis partibus, nec examinatis Veslingianis, in suos libros easdem transferre integras fuerunt contenti, ut Riolanus, & ipse quoque Bartholinus: hinc etiam bona malaque, ipsiq; errores, quos ille non poterat omnes evitare, eodem modo in his omnibus habentur, ut vel ex sola emulgentium figura videre est, quæ eadem ubique non sine insigni errore cernitur. Non dubitamus autem exactissimas ipsius *Vesalii* figuras profiteri, deinde *Aquapendentis* & *Casserii*: *Willisii* etiam nonnullæ merentur commendari, cerebri potissimum, deinde & Pharmacix rationali insertæ. Quæ nuper *Bidloius* ad vivum expressit, egregiæ etiam nonnunquam videntur, non tamen omnibus numeris absolutæ. *Gregorius Horstius* quas libro de natura humana anno MDCXII. edito adjecit, ex Vesalio potissimum desumpsit: nec ipse igitur ipsorum auctor est. *Baubini* à crassiore sunt manu, non tamen omnino contemnendæ.

✱ ✱ Quas

* * *Quas Academia hæc Julia habet sine exemplo optimas & complures.* Laudavit Cl. Conringius illas, nec immerito, quamvis ubi deficerent, probe nosset, nimisque frigide de illis judicet Michael Lyserus, mox laudandus, cum Anno MDCLII. eas spectasset, in epistola ad Th. Bartholinum II, 25. rudique omnes penicillo delineatus scribat. Fecit illas Magnus Princeps, Henricus Julius, vivis coloribus (nullo hætenus, quod constet, in Europa exemplo) iusta partium magnitudine & situ observato, depingi à Christophoro Gertnero, insigni suæ ætatis pictore juxta cadavera apposita, & artifice præstantissimi Anatomici & Medici, Henningi Arnisæi manu dissecta & præparata. Et voluerat quidem Princeps ad ducentas usque fieri, cum publicarum rerum curæ alio eum abripuere: ideoque non nisi eas tabulas habemus, quæ ventrem medium cum collo & musculis humeri exhibent, quæque ventrem infimum, ex quibus ultimis tamen, ex quæ partes genitales mulierum repræsentarunt, sive surreptæ, sive incivili pudore reconditæ sunt. Ausim vero dicere, ab his tabulis, quæ iusta magnitudine, debito situ, & veris coloribus partes corporis humani spectandas exhibent, plus quam ab aliis ullis instrui tyronem artis posse, ideoque insignem eas habere usum, etiamsi omnia vasa tam accurate in iis non sint expressa.

XIV. * *Elegans quoq; libellus.* His adnumerandus jam est *Michaelis Lyseri* culter anatomicus, omnium optimus, qui curantibus Bartholinis aliquoties Hafniæ in lucem prodiit, ultimo etiam novis quibusdam *ἐν χειρὶ ἵστοι* auctus à Bartholino nepote, paternæ eruditionis æmulo, & in anatomica functione nuper successore.

XV. * *Habemus ab Hippocrate etiam libros qui huc pertinent.* Anatomica Hippocratis admodum rudia esse ac cruda, antea monuit, idque ex libro citato de ossibus statim patet: in quo vix quicquam lectu dignum occurrit, sed multa confusa & falsa: ut etiam Hippocratis esse ægre persvadeam, quicquid dicat Martianus. Est ipsi cum aliis nonnullis commune, quod titulus non respondeat argumento, sed ex initio li-

bri sit natus: Quod evenit libro de Superfoetatione aliisque qui apud Foësium istum præcedunt, in quibus itidem multa inania & inepta leguntur. Post Hippocratem quid acciderit, alienis verbis hic legendum dabo: *Hippocrates cum in Græciam discessisset, scholæ curam Polybo tradidit, genero suo, Quem in ejusdem administratione excepit Diocles Caristiuss, qui primus anatomica ex professo peculiaribus scriptis tradidit* (Hoc si verum, non sunt Hippocratis quæ illius generis habemus) & auctor putatur libri de morbis mulierum inter Hippocraticos reperiundi. Hæc ita differit Joannes Hermanni, Professor Medicus Wittebergenfis in oratione ibidem habita anno MDLX, d. 25. Junii.

XXVI. ✱ *Misere enim obiit Vesalius.* De Vesalii obitu nonnulla alia narrat Joannes Metellus in epistolis Belgarum, pag. 372.

XXVII. ✱ *Joannem Philippum ab Ingrassia.* Huic ab Ingrassia debetur inventio tertii ossiculi in aure, Stapedis dicti, cujus sibi arrogaverat inventionem Columbus, prout Fallopius in observationibus suis docet.

XXIX. *Hieronymus Fabritius ab Aquapendente.* Ejus opera præterquam quod sint docta, perquam magnifice insuper & splendide prodire: cum primis opera Physica Anatomica, ut quidem appellat, De Formato foetu, Venarum ostiolis, Formatione ovi & pulli, Locutione & ejus instrumentis, & Loquela brutorum Patavii MDCXXV. charta regali, litteris majoribus, & figuris longe excellentissimis. De visione & voce quæ scripserat, jam antea Venetiis MDC. excusa fuerant itidem quidem nitidissime, sed in charta minori, Reliqua ejus generis in quarto sunt edita, excepto uno de musculi artificio & ossium articulatione.

✱ ✱ *Julium Casserium Placentinum.* Hujus tria extant opera I. De vocis auditusque organis opera anatomica; quæ in æmulationem Hier. Fabritii conscripsisse eum apparet: ubi præter humana, etiam aliorum animalium partes describit & pingit, figuris longe elegantissimis. II. Pentaistheseion h. e. de quinque sensibus liber: Venetiis primum excusus, mox Francofurti
etiam

etiam, sed figuris minus terfis. III. Tabulæ anatomicæ illæ de quibus auctor dicit Spigelii fabricæ adjunctas esse. Uterque nimirum & Fabricius & Casserius grande opus anatomicum moliebantur, sed morte præventi illam gloriam aliis relinquere coacti sunt. Interim natæ sunt nobis ex hujus conatu tabulæ illæ eximiae: quibus visis fortassis destitit ab opere Aquapendens, cum agnosceret iis nihil posse melius fingi. Superavit autem Casserium in explicatione & usu partium investigando, quia plus volebat judicio: Perspicuitatis inde quoque laus manet Aquapendenti, cum Casserii stylus asper sit & grandis quidem, sed verborum potius quam rerum pondere. Diligentia vero & peritia secandi pares videntur fuisse, etsi Aquapendens, ut ætate longe grandior, plura præstiterit quam Casserius.

XXXI. ✱ *Oppido Paucis.* Ea in collegio suo anatomico cum M. A. Severini & Bartholomæi Cabrolii operibus junctim edidit doctissimus Volkamerus, MDCLIV.

XXXIII. *Joannes Riolanus*, Anthropologiæ ejus accesserunt Animadversiones in plerosque omnes sui temporis anatomicos quibus singulorum errores & vitia acriter perstringit. Quod laudabile quidem & apprime est utile, sed quia in carpendo Riolanus prorsus excedit modum, seque omnibus videtur præponere, id laudem quam alias promeruerat non vulgarem, haud parum imminuit.

XXXIX. Auctor in hoc capite de Physiologia quoque se acturum promiserat; sed ubi ad auctores pervenit, substitit in anatomicis, quod hi omnes Physiologiam cum anatome junxerunt, prout ipse supra monuerat, ubi dixerat, libros nostros anatomicos maximam partem esse physiologicos, & usum partium tradere. Aliis tamen & præter anatomiam, eaque plane relicta, sola Physiologica pertractare visum est: quales sunt ex paulo remotioribus quidem temporibus *Joannes Costerus*, Medicus præclarus Bononiensis, qui cum alia varia tum & Physiologicas disquisitiones edidit, *Nicander Jossius*, qui scripsit de voluntate & dolore, risu & fletu, somno & vigilia, fame & siti, cui ultima editione accessit *Laurentii* etiam *Politiani* de risu tractatus. *Petrus Peramatus*, qui docte scripsit ad Galenum de Naturalibus Facultatibus, *Thomas Fienus* qui accurata ratione

disputandi omnes superavit, *Mundinus Mundinius*, qui de semine operose scripsit, cui se opposuit *Caspar Hofmannus* Libro de Generatione Hominis. Ipse vero etiam Hofmannus præter istum & Commentarium in Galeni libros de usu partium, De Thorace tribus libris perdocte disputavit, maxime ex Peripateticorum principiis: Aristotelicas quoque sententias exponere cepit Lumen illud philosophorum *Cesar Cremoninus Centensis*, sed qui Patavii docuit; præsertim in iis quæ de anima, semine, & calido innato. Ex his quoque est *Franciscus Bonamicus* qui de Alimento egit, & alii plures. Ex recentioris nostrique ævi scriptoribus statim se offert nobilissima celeberrimorum virorum triga, quibus ipsemet olim præceptoribus usus sum: *Guernerus Rolincius*, qui prolixas edidit Dissertationes Anatomicas, *Gothofredus Mæbius* qui omnium fere sententias doctissimo suo opere complexus est, & *Johannes Theodorus Schenckius*, cujus sunt exercitationes anatomicæ & perdoctum de humani corporis humoribus scriptum; item de sero sanguinis & Lacte. Ante hos vero & parens meus, *Christophorus Schelhammerus* Rolincii tum Collega, de humani corporis humoribus perdoctum opus conscribere ceperat ac publicare: sed præmaturo fato mortalitati ereptus, imperfectum relinquere coactus est. Illorum vestigia nunc preßit dignissimus tantorum virorum successor, amicus noster singularis *Georgius Wolfgangus Wedelius*, publicata itidem Physiologia, in qua multa quoque nova & adhuc inaudita prodidit: in quibus recensendis & refingendis nunc eum occupatum esse novimus. Et vero hi omnium partium aut plerarumque naturam & usum tradere annisi sunt. Qui vero eos secuti recentissimi scriptores, alia institerunt via, & singulas excutere duxerunt operæ pretium, magno studiorum bono: Hoc enim factum est modo, ut diligentius & pressius examinarentur omnia, plurimaque partim non visa, partim non satis perspecta detegerentur. Anglorum plurimi Harvei exemplo inducti, in eo suam operam collocarunt. Numerantur in his *Nathanael Highmorus*, *Gualtherus Charleton*, *Franciscus Glissonius* (qui tamen de pluribus, veterum potius more egerunt) *Thomas Warthon*, qui de glandulis sollicitus, novos salivales ductus inferiores adin-

venit

venit & primus descripsit, *Gualtherus Needham*, *Guilielmus Cole*, *Thomas Willis*, qui, cum sola brutorum corpora spectaret, humanaque eodem putaret modo composita, nonnunquam fallit, prout jam supra monuimus: *Richardus Louverus*, qui cordis historiam videtur absolvisse, *Malachias Thruston* & *Johannes Mayovv* qui respirationis negotium perquisivere. In Belgio post Johannem van Horne, quem supra laudavimus, *Theodorus Kerkringius*, & sub *Theodori Aldes* ficto nomine latitans *Matthaeus Sladus* generationis modum diligentius sunt scrutati: Kerkringius etiam alia plura & osteologiam infantum tradidit. In eodem argumento qua felicitate versatus sit *Regnerus de Graaf*, ad caput proximum monuimus, nec non de mota ea de re ipsi controversia: Non autem abs re erit fortassis eam rem plenius hic exponere. Johannes igitur van Horne ejus in anatome magister, cum fama emanaret, Graafium tale opus moliri, (per epistolam enim publicatam id significaverat) conscripto ad Guernerum Rolfinkium Prodromo, suum esse inventum publico significavit, & mox prodituri ea de re libri summa capita exposuit: sed antequam adimplere posset promissa, diem obiit supremum: Post hujus mortem statim Graafii utrumque opus prodiit: quorum postremum quod de partibus Mulierum Genitalibus agit, *Johannes Swammerdamius*, itidem Hornii discipulus, Doctori suo publice vindicare non dubitavit, ostensis in fidem certiores erroribus à Graafio commissis: ita ut tandem ad tribunal Anglicæ Societatis Regiæ uterq; causam dixerit, scriptis suis illi dedicatis, quæ tamen suspendere judicium quam litem dirimere, qua est modestia & pari in omnes humanitate, maluit. Interim uterque fatis concessit. Nunc autem superest, utinam diutissime, Lugdunensis academix Lumen, cujus in anatomica dexteritate seculum non vidit parem, *Carolus Drelincourtius*, cujus stupendam industriam licuit nobis olim cernere & admirari. Verum is in publicandis scriptis paulo est scrupulosior. Sed & nuperrime Hagæ Comitum inclarescere cepit inventis novis ductibus in oculo, per quem humoris aquei fertur materia *Antonius Nuck*, cujus felix dexteritas plura nos expectare jubet. Italia quæ à talibus nunquam fuit

fuit alienior, hoc quoque tempore aluit *Antonium Molinerum* anatomicum Patavinum, *Laurentium Bellinum*, *Carolus Fracassatum*, *Marcellum Malpighium*, adhuc viventem, & insignem illum Mathematicum ad Medicum, qui nuper adeo ingens illud opus de Motu animalium aggressus est atque absolvit, *Job. Alphonsum Borellum*. Gallia post *Pequetum* ad hæc studia nihil videtur contulisse, nisi quod aliquot nuper de auditu perscripsere: in quibus excellit cæterosq; superat *Josephus du Vernay*, qui magnam eo opere de se spem concitavit: exactissimum enim se exhibuit & diligentissimum minimarum partium perscrutatorem. Hic etiam ni fallor, primus nunc in horto Parisino publicis Regis sumtibus anatonien exercet. Germania nostra hic merito gloriatur de suis *Wepferis*, *Meibomiis*, *Peyeris*, *Brunneris*: Nos quoque, licet impari conatu, hic aliquid sumus ausi: & fortassis de Bile tractatus & Thoracis Physiologia sequentur. Dania præter *Thomam Bartholinum*, accuratissimum anatomicum, *Nicolaum Stenonem* dedit, sed quem peregrinæ religionis amor à statione abstraxit. Horum ille cum *Rudbekio* vasa lymphatica reperit, hic autem cerebri, musculorum, glandularum illustravit doctrinam, novumque salivalem ductum adinvenit. In Suecia denique, tanquam extremo cultioris mundi angulo, *Olaus Rudbekius* quem modo citavimus, vixit: cui cum *Thoma Bartholino* de inventione Lymphaticorum fuit contentio, sed cum congrederentur imparibus armis, & *Olaus* Juvenis esset, vixque mediocriter Latinæ dictionis peritus, *Bartholinus* contra eminens auctoritate, & ad miraculum doctus, solito eloquentiæ flumine ita eum obruit, ut pene totus succumberet: cum tamen esset certum, minimum eodem tempore utrumque industriæ suæ præmia tulisse; & pene dixerim *Rudbekium* accurata diligentia *Bartholinum* superasse. Hos omnes, uno *Charleto* excepto, (cujus tamen de œconomia animalium liber meretur legi,) & *Nukio*, qui recentissime post editam ab ipsis Bibliothecam scripsit, ingenti labore, nec minori cum laude in unum opus congersere nuper bini Clarissimi Genevenses Medici *Daniel le Clerc* & *Johannes Jacobus Mangettus*: Quo nomine optime de republica literaria sunt meriti, magnamque iniere apud omnes bonos

bonos gratiam: sic enim quæ de singulis partibus à singulis sunt edita, uno intuitu legi & conferri inter se possunt. Hoc igitur opus lectori commendantes, pluribus de iis agere supersedemus.

CAPUT V.

DE

STUDIO PATHOLOGICO EJUSQUE
PRÆCIPUIS SCRIPTORIBUS.

THESIS I.

POSTEAQUAM de Physiologico studio recte instituendo partiumque adeo singularum vero & genuino usu, quæque hinc dependet sanitate ipsa recte discenda docendaque, satis pro instituto egimus; ipse rei ordo jam postulat, ut vitia corporis nostri investigare porro discamus. Igitur ponendum est: neminem cum fructu in Pathologicis versari posse, nisi Physiologica probe addidicerit. Immo Anatomicum exercitium utique necessarium esse, quum multi affectus citra cadaverum apertionem cognitionem nostram fugiant, liquet. Ideoque internos morbos corporis nostri expositurus recte *id initio sancit* doctissimus Fernelius, *ne quis* Præf. l. v.
Path. *huc nisi gnarus Anatomies ac peritissimus accedat.* Sicuti vero physiologicam cognitionem duobus modis nobis comparamus; ita etiam iisdem adminiculis morborum scientia acquiritur; ceu paulo post pluribus exponetur.

II. Et quidem circa quæ universa Pathologia versetur jam tum primo capite explicatum est: comprehendere scilicet illam omnia quæcunque corpori nostro præter naturam accidunt, adeoque actionibus edendis quoquo modo impedimento sunt: quæ sane infinita pene numero sunt.

Quin immo Pathologiam longe plura ambitu suo continere quam Physiologiam, quum innumeris modis usus actionesque partium laedi possint, clarum est.

III. Constat vero principio, morbi essentiam ante omnia debere esse cognitam, ad hanc autem porro pertinere omnia illa, quæ ad morbi constitutionem faciunt. Et primo quidem quum morbi essentia in dispositione præter naturam partis alicujus viventis consistat; ante omnia sane ad morbi cognitionem pertinet, partis laborantis naturam intime habere perspectam, cujusmodi illa sit, quem usum actionemve præstet, quem situm in corpore obtineat, & denique ubinam lateat. Id enim nisi scias accurate, fieri non poterit, uti judicium de medicamentorum applicatione recte ferre queas: num scilicet internis an externis utendum sit, aut si quæ aliæ sunt differentiæ medicamentorum. Alibi videlicet suffimenta, alibi unguenta, alibi pulveres, alibi alia profunt. Quæ omnia debito modo instituere non potes, loci affecti natura minus explorata. Quo referendum etiam illud est, ut scias quisnam locus proprie sit affectus, quum sæpius pars quædam, vitio ab alia primario laborante communicato, morbum patiatur. Certe ad curandi rationem permagni interest illud ipsum novisse. *Equidem nunquam ullum plane cognitum penitusque perspectum morbum esse putaverim, nisi compertum habeatur & quasi oculis cernatur, quæ in humano corpore sedes primario laboret, quis in ea sit affectus præter naturam, unde is processit, utrum in ea sede genitus κατὰ πρωτοπάθειαν, an aliunde profectus κατὰ συµπάθειαν an denique causa aliqua interior illum foveat: ceu recte idem Fernelius scribit præfat. in l. V. Pathol.*

IV. Æque necessario porro in Medico requiritur, ut ipsam præter naturalem dispositionem accurate teneat, quan-

quantum scilicet illa à naturali discefferit, qua ex parte no-
ceat, & denique quibus de causis vel orta sit morbosa e-
jusmodi constitutio vel etiamnum permaneat. Certe si-
ne causæ recta cognitione morbum integrum nemo per-
noscit, quum scire sit rem per causam cognoscere. Vt
porro Medicus medeatur morbo, necessum est causam
teneat, si non eam quæ primum produxit morbum, sal-
tem illam quæ eundem fovet: utpote quum remedia caus-
æ morbificæ proxime & proprie adversari debeant.

V. Quanquam vero ad hunc modum cognito mor-
bo, amplius latere nequeat quomodo symptomata effici-
antur, quibusque de causis illa ortum suum capiant; at-
tamen quum adeo accuratam morborum omnium noti-
tiam nonnisi magno labore comparare liceat, & vero sym-
ptomata, utpote in sensus magis incurrentia, ipsis morbis
plerumque notiora sint: hinc adeo fit, ut & singulorum
symptomatum cognitio in accurata proximæ causæ co-
gnitione consistat; utpote quum unius rei una tantum sit
causa proxima efficiens, remota autem multiplex esse pos-
sit. Ita ex. gr. tussis reapse tantum una proxima causa
est; quæ nempe motum illum involuntarium totius pe-
ctoris concitat; at vero illius causæ locum varia admodum,
in uno tamen illo quod possint ejusmodi aliquem motum
concitare pectoris, convenientia, tenere possunt.

VI. Circa symptomata præterea etiam id notandum
est, alia esse simplicia, composita alia. Quomodo v. gr.
vox epilepsiæ proxime symptomata aliquod denotat, sed
non simplex, verum ex pluribus quid compositum. Quan-
doquidem autem compositi alicujus naturam pervidere
non licet, nisi prius simplicibus omnibus accurate cogni-
tis; manifestum utique est, ante omnia id operam esse dan-
dam, ut cujuslibet simplicis symptomatis natura & causa

recte teneatur, quo compositorum naturam exactius liceat percipere. Sic ex. gr. quum varia in epilepsia symptomata occurrant, fieri non potest, ut quis naturam epilepsiæ accurate explicet, nisi numerum symptomatum non tantum habeat cognitum, verum etiam cujuslibet causam proximam: qua perspecta demum accurate docere poterit, quomodo omnia illa symptomata in unum convenient ad epilepsiam producendam, quomodoque omnia hæc ab una origine promanent.

VII. Denique ad morbi exactam notitiam etiam illorum cognitio pertinet, quæ necessario quidem morbum comitari solent, proprie tamen dicta symptomata non sunt. Cujus ordinis est magnitudo, motus, mos & eventus demum morbi. Certe discrimina cujuslibet morbi Medico necessario tenenda esse, siquidem curationem suam recte ille instituere velit, constat. Quod si enim hæc posthabeat, fieri non potest, quin præpostere curationem instituat, adeoque in magno aut acuto morbo, celerem quærente medicationem, ipse medendi tempora elabi patiatur, quæ deinceps nullo modo nullaque opera resarciri possint.

IIIX. His ad eum modum sese habentibus, proximum jam est viam & rationem ad cognitionem illam perveniendi ostendamus. Quanquam hoc labore supersedere possimus, quum illud ipsum a nobis *præfatione in Observationes Philippi Salmuthi* adeo aperte sit jam factum, ut quod illi doctrina adjici velimus non habeamus. Scilicet quod cognitionem τῆς οὐσιῆς concernit, sensuum beneficio potissimum illam acquiri in propatulo est: sicuti contra causarum investigationem ratiocinatione. Sunt autem illa quæ per sensus deprehendimus, revera tantum historicæ cognitionis, & initio quidem singularia tantum; ex quibus demum

* demum inductionis beneficio universalia pronunciata confieri oportet, quemadmodum *capite primo* jam tum fusius à nobis dictum est. Perinde vero ferme est, siue propriam siue alienam experientiam afferas. Quanquam enim nostris sensibus longe tutius possumus credere; quum tamen per infinitam rerum multitudinem nosmet omnibus observandis non sufficiamus, minime rejicienda est experientia aliorum, modo fidem illorum recte sese habere constet. Quo porro apparet quantum Observationes siue Historiæ Medicæ utilitatis ad plenam morborum notitiam comparandam afferant. Ideoque tam multi fuimus *citata præfatione* in commendandis historiis illis Medicis: ubi etiam de reliquis huc facientibus diffuse tractamus, ut hoc loco proluxiores nos esse non sit necesse: Tantum de scriptoribus Pathologicis non-nihil attexamus superest.

* IX. Et sane veteres scriptores Pathologicos uti hoc loco prolixè recenseamus, nihil causæ est, nisi operam ludere velimus: omnes enim ex quibus quidem aliquid peti possit, in toties laudata illa præfatione sunt enumerati. Scilicet *Hippocraticis* opusculis, cum primis illis quæ indubitato Hippocratem auctorem agnoscere videntur, primas hic omnino deberi certum est. Multum etiam hic prosunt cum alii libri *Aristotelis* tum quæ ejus nomine circumferuntur *Problemata*. In horum sane prima statim sectione multa habentur quæ Hippocratis Aphorismis magnam lucem afferre possunt. Conjungendi autem cum Problematum illorum lectione sunt *doctissimi commentarii tum Petri Aponensis, tum Julii Guastavini Neapolitani*, sed qui in Pisana Academia primarium Professore egit, tum denique *Ludovici Septalii Patricii Mediolanensis*: nisi quod hi duo, priores quatuordecim tantum sectiones illustraverint. De reliquis ex prisco avout & Græcis posterioribus Ara-

bibusque parum dicendum, plerique enim horum Galeni scriptis unice contenti, nihil pene de suo addiderunt, si pau- culas historias excipias.

X. Cæterum superiori seculo, quum pulsa barbarie Medicum studium quasi revivisceret, etiam Pathologica doctrina novam faciem induere cœpit. Et quidem *Leonhardus Fuchsius* noster haud parum forte illam turbavit, prolato absurdo illo dogmate, morbum esse substantiam. Quod uti ille vir alias doctissimus sane imperitia Philoso- phiæ affirmavit, ita revera ad Medicam tamen artem nihil facit, quum quæstio sit mere Logica & fori Philosophici. Cæterum majorem laudem commeritus est *Joannes Ferne- lius*, qui ut in therapeuticis, ita & in pathologicis à Galeno passim dissentire cœpit. Cui adjungendus est *Joannes Ar- genterius*: in quo tamen nimium Galeni insectandi studium merito reprehendas. Post hos in eodem opere cum laude versatus est *Felix Platerus*, & multi etiam alii. Etenim scriptores Practici Pathologiam ut plurimum solent expo- nere, licet novi aliquid raro adjiciant. Pertinet ad hanc classem etiam *Daniel Sennertus*, qui tum in Institutionibus, tum in grandi opere Practico Pathologiam præ aliis magno studio tradidit. Nec fraudandus sua laude *Duncanus Lidde- lius*, Julia nostræ decus, doctrina pathologica ut compendio se ita satis exquisite exposita.

XI. Paulo post Fernelium *Hieronimus Mercurialis* præcipua laude vixit; cujus varia opera à discipulis ab obi- tu ejus edita, non leviter unumquemque etiam in pathologi- cis erudierint. Post quem *Comes Montanus* ejusque adver- sarius *Thomas Erastus*, Viri eximii, de morbis acerrime in- ter sese contenderunt: quorum utriusque ἀντιλεγόμενα scri- pta doctissimis animadversionibus illustravit *Caspar Hof- mannus* noster; cujus reliqui etiam libri pathologici, ut
omnia

omnia ejus, lectione digni sunt. Eraſti ſane *Diſputationes* multa de affectibus præter naturam continent quæ expendi omnino merentur: utut controverſia illa cum Montano agitata, haud pauca à Medica ſchola aliena vereque Logica comprehendat. Huc etiam referendus eſt liber *Stephani Roderici de Caſtro*, ille ridiculo titulo *Quæ ex quibus*: utpote qui ineptias nominis bona doctrina compenſet. Adjungi etiam debet alter ejusdem libellus *De complexu morborum*, qui itidem multa utilia complectitur.

XII. Ante omnia vero Medicinam facturo, certe ad accuratam morborum cognitionem aſpiranti neceſſario cognoscendæ ſunt *Observationes Medicæ*. In quibus poſt Hippocratis huc pertinentia opera præcipue laudandæ ſunt illæ quas *Schenckius* magna diligentia congeſſit; utpote qui plerorumque omnium notatu dignas historias Medicas ſingulari induſtria in unum volumen collegit. Ex reliquis tamen potiffima laude afficiendi ſunt doctiffimi *Guilielmi Ballonii Ephemeridum & Epidemiorum* libri: qui multa continent, quæ quoad univerſalem morborum historiam ad Hippocratis gloriam proxime accedunt.

XIII. Cæterum quandoquidem ratione ſexus haud parvum inter morbos diſcrimen occurrit, ſeorſim de illis qui *Mulierum morbos expoſuerunt*, aliquid dicendum eſt. Ubi initio ſtatim iterum *Hippocrates* laudandus venit: quod nullum ſcriptum in hoc genere antiquius extet quam illa quæ Hippocratis nomine appellantur. Et primo quidem nonnulla, præcipue quæ τὸ ὅτι horum morborum concernunt, reperiuntur libro quinto *Aphoriſmorum*. Longe autem plura libro ſecundo de morbis mulierum habentur: Quamvis illa non ſint unius auctoris. Extat etiam porro de ſterilitate, morbis virginum, & ſuperfætatione quam ἀποπαισμάτιον tantum. In quibus omnibus hoc diſcrimen

men probe advertendum est, uti Pathologica à Therapeuticis discernantur: similiter etiam ea quæ usu comperta traduntur, ab illis, quæ per ratiocinationem investigare conati sunt. Scilicet quæ per experientiam cognosci possunt, longe felicius ab istis exposita videmus, quam quæ causas spectant; in quibus indagandis veteres illi frequenter cespitarunt. Omnia vero illa, quæ ad morbos mulierum pertinent & ab Hippocrate vulgo creduntur profecta, continentur *sectione quinta* editionis Foëssianæ. Tantum dolendum, hos libros bonis commentariis carere. Habemus tamen doctissimum commentarium in *librum primum de morbis mulierum Mauritiæ Cordæi*, auditoris Jacobi Hollerii; sub quo Hippocraticam Medicinam reflorescere cœpisse supra diximus.

XIV. Post Hippocratica scripta memoranda veniunt quæ apud Aristotelem occurrunt. A quo principio illa quæ ad historiam partus humani pertinent, *libro septimo Historiæ animalium* tanta brevitate exposita reperiuntur, qua alibi nusquam. Multa porro quæ tam ad Physiologiam quam Pathologiam spectant, *sectione quarta Problematum* habentur. Multo autem plura de sterilitate utriusque sexus *libro decimo Historiæ animalium* traduntur, sed quæ maxime circa causas explicandas versantur. Quamquam opus illud, utut sit antiquum, Aristotelem auctorem non videatur agnoscere: quod & stylus prorsus sit diversus ab Aristotelico, ipsa insuper tractandi ratio alia, & denique sententiæ cum aliis veris Aristotelicis non conveniant. Quin esse librum illum, qui apud Diogenem Laërtium in recensione operum Aristotelis *περὶ τῆς μετὰ* inscribitur, colligimus *pæfat. ad Observ. Salmuth.* Certe principium hujus decimi libri cum illo convenit. Quæ etiam causa impulit Theodorum Gazam, ut hunc ipsum librum Latine vertere

vertere noluerit, quod scilicet ex stylo judicaret eum non esse Aristotelis. Post tamen ipsum transtulit Julius Cæsar Scalliger & illustravit.

XV. Post Aristotelem nullus laude dignus intra aliquot secula de hac materia scripsit. Vixit quidem post Aristotelem Cornelius Celsus, verum ille nihil de morbis mulierum edidit. Habetur liber quidam *Trotulæ* inscriptus & continetur in opere Gynæciorum & Spachiano & Wolfiano; quem video doctis placere conscriptum esse ab Erote, Medico & Liberto Juliæ, filiæ Augusti Cæsaris. Quod quidem si verum, scriptum illud esset Celso antiquius. Verum miror hoc doctis ita potuisset placere, quum multis rationibus falsitas ejus rei possit ob oculos poni. Nam primo multa ibidem ex Galeno descripta reperiuntur; quum tamen Eros ante Christum, Galenus autem secundo à nato Servatore seculo vixerit. Deinde in scripto eo mentio Franciæ occurrit, quum Gallia Franciæ nomine non sit appellata, nisi posteaquam Franci eam occupaverunt. Accedit tertio prædicti opusculi stylus plane barbarus quum ævo Augusteo in flore fuerit Latina lingua. Ideoque existimo scriptum esse Medici alicujus Salernitani: stylus certe plane dictioni Constantini Africani affinis est.

XVI. Sub initium porro seculi secundi floruit *Soranus Ephesius*, uti notum: cujus libri quatuor de morbis mulierum à Suida laudantur, quorum fragmenta omnino docta apud Aetium leguntur. Extant præterea ex illo ævo etiam nonnulla *Ruffi Ephesii* de utero muliebri; quæ tamen potius Anatomica sunt. Galenus etiam, quamvis tam multum in arte exornanda laboraverit, hanc doctrinam non exacte tradidit. Neque ex sequentibus quoque Medicis Græcis quod hoc loco nos juvare possit, quic-

quam peti potest: præter illa quæ apud Aetium & quidem fatiis præclare exponuntur.

XVII. Post eos in Græcis nemo quem laudemus occurrit, imo ne quidem apud Arabas. Habet tamen nonnulla Avicenna, eaque perdocta. Quibus addenda sunt pauca apud Avenzoarem & Albucasin in *Chirurgia*, eaque sic fatiis docta: quæ sive Bauhinus sive Wolfius excerpfit adjunxitque tomo secundo *Gynæciorum*. Alios ex Arabibus non habemus, adeo pauci hoc argumentum attigerunt, multo pauciores pro dignitate prosequuti sunt.

XIIX. Arabicos scriptores exceperunt Galli & Itali, cum primis à seculo duodecimo usque ad seculum sextum decimum. Quorum plerique tamen viri mulierum morbos attigerunt; quod ductum Rhafis in omnibus fuerint sequuti, qui morbos partim exponendos sibi sumfit. Verum qui post annum millesimum quingentesimum vixerunt, majori nonnihil diligentia hoc argumentum fuerunt persequuti. De quibus tamen priusquam aliquid dicamus, silentio prætereundum non est, ex antiquioribus Græcis hujus argumenti *librum Moschionis* extare: quem tamen non usque adeo vetustum esse, ut vulgo proditur, & circa nonum seculum vixisse existimamus. Ex illis autem seculi decimi quinti recentioribus primus fuit *Ludovicus Bonacciola Ferrariensis*. Cujus ætate doctrinam de partu probe tractavit *Jacobus Ruffius*. Eodem tempore in Italia vixerunt *Joannes Baptista Montanus* & paulo post etiam *Hieronymus Mercurialis*, uterque vir vario doctrinarum genere excultus. Quamvis Mercurialis ipse sua non ediderit, sed dissertationes ejus à magno nostro Anatomico Basiliensi Bauhino exceptæ & evulgatæ sint. Inter alios etiam commendandi sunt *Ambrosii Paræi*, *Severini Pinæi de notis virginitatis*, & *Francisci Rousseti*, qui primus mo-

modum foetum vivum ex utero exsecandi docuit, libelli: quorum hic postremus cum reliquis illis est insertus operi Gynæciorum, & seorsim etiam ab eodem Bauhino nostro editus, melioribusque historiis illustratus. Cum primis vero *Andree Cæsalpini* opus practicum, cui titulum *Speculi artis Medicæ Hippocraticæ* fecit, in manibus esse debet. Scripta certe ejus ut in aliis, ita & doctrina de mulierum morbis quasi compendia sunt Hippocratica: primus enim ille cum Medicina Aristotelicam Philosophiam conjunxit. Multa quoque habemus ingendi opere Practico *Sennerti* nostris & peculiari hujus graneris volumine *Roderici de Castro Judæi Hamburgensis*; cujus liber doctus quidem est, non tamen ut titulo respondeat, neque illam laudem quam affectavit mereatur. Non tacendus etiam est *Ludovicus Mercatus* Hispanus perdoctus. Licet enim Hispanis usitata illa prolixitas lectorem nonnihil deterrire possit, ubertate tamen doctrinæ illa compensatur. Præter veterum enim sententias ab aliis quoque indicta commemorat. Insignia etiam habet, quæque alibi non reperiantur, *Joannes Varandæus* Monspeliensis, ut & *Raphaël Moxius* Gerundensis Hispanus; cujus opus de morborum muliebrium per venæ sectionem curandi ratione peregregium est & lectu apprime dignum. *Thaddæus* denique *Dunus Locarnensis*, sed qui ob religionem ex Italia profugus in Helvetia vixit, parvum libellum de morbis mulierum, at valde doctum edidit, ad modum libri illius cui *Jacobus Dondus* Aggregatoris nomen indidit. Superfunt quidem nonnulli etiam alii, sed qui singulare pene nihil præstiterunt, adeoque illorum enumeratione lectorem ulterius detinere nihil attinet.

XIX. Par ratio est morborum *Puerilium*. Quapropter etiam rei series exigit, ut ad scriptores illorum jam protinus nos conferamus. Ex veteribus autem hoc loco ne-

minem commendare possumus, quod argumentum illud ex professo nemo sit persequutus. Præter perpauca enim, quæ sparsim tam apud Hippocratem quam Galenum hac de re dicta reperiuntur, nihil inde peti potest. Neque in Arabibus quisquam illam doctrinam aggressus est, si excipias unum Rhasin, cujus libellum de morbis infantum habemus. Est autem idem ille, qui opus illud ad Almanso-rem conscribit, alius ab auctore Continentis quod vocatur, ceu supra jam monuimus. Apud Avicennam tamen nonnulla etiam lectu digna inveniuntur. Doctrinam sane de variolis & morbillis nemo illo diligentius explicavit; licet in curatione minus sit accuratus. Certe hodie magnomalo ex studioforum manibus scripta Avicennæ excutuntur.

XX. Post Arabicos scriptores ab anno usque millesimo ducentesimo ad superioris seculi initium nemo reperitur, qui huc pertineat. Caterum principio istius seculi *Leonellus Faventinus* eximium & lectu sane dignum libellum *De morbis infantum* composuit. Tantum illud observetur, plus ad curationem illum facere quam ad dignotionem morborum seu Pathologiam. Adjungi autem illi solet appendix adjecta à *Petro Kuffnero*. Vixit tum temporis quoque *Sebastianus Austrius*, qui doctum hujus generis libellum ex Arabum scriptis concinnavit, quemque non ita pridem *Nicolaus Fontanus* cum non indocto commentario Amstelodami excudi curavit. Extant & erudita quædam, ad diætam infantum pertinentia edita per *Hieronymum Montuum*, Sebastiani optimi Medici filium. Scripsit idem Hieronymus etiam alia, quæ omnia præclara sunt & digna cognitu: veterum enim sententias diligenter excerpt, in quorum lectione versatissimus fuit. De morbis porro

porro infantum præter hos *Eucharion Rhodion* scripsit & *Balduinus Ronssseus*, qui tamen minoris est momenti. Cum primis autem præclarum est scriptum *Hieronimi Mercurialis*, licet & ipsum à discipulo quodam ejusdem editum sit. In hoc eodem genere etiam aliquid scripsit *Ludovicus Mercatus* paulo ante laudatus. Extat insuper etiam *Strobelbergeri* libellus omnino præclarus. Quanquam num ipse autor istius scripti sit merito dubites. Plurima sane in eo reperiuntur, quæ plane eadem sunt cum illis quæ in Germanico ejusdem argumenti libello *Casparis Am Thor* leguntur. Quapropter num hic vel ille proprius libelli auctor sit, nescias: utrumque ex tertio aliquo sua scripsisse, verisimile videtur. Ad Pathologiam autem nihil fere facit, ad praxin potissimum spectans. Longe plura pathologica habet *Francisci Ranchini*, cujus & commentaria in Hippocratis Jusjurandum extant, hujus argumenti scriptum, nuper in Italia editum. Sicut & libellus ejusdem generis *Marii Zuccrii* Neapolitani. Sunt quidem & alii recentiores, sed qui non omnes infantum morbos tradiderunt. Non possum autem non ex illis cum primis commendare *Marcellum Donatum*, cujus doctissimas Observationes habemus; *Foannem* item *Themam Minadoun*, ut & *Horatium Augenium* & *Æmylium Campolongum*, ex Italis: ex Germanis autem nostris *Melchiorrem Sebizium* Medicum Argentinensem longe doctissimum, qui præ aliis Germaniæ Medicis hodie præcipue laudandus venit. Habet quoque non pauca de morbis infantum in praxi sua *Sennertus* noster. Quod si præterea quidam ad hanc classem referendi veniant, à lectoribus ipsis adjici poterunt.

ADDITAMENTA.

III. * *Constat vero.* Nimirum in Pathalogia morborum universa natura & historia traditur, quæ quaternario absolvi-
tur rerum diversarum numero: Una est primaria, morbus ipse,
altera est cum ipso simul, pars affecta, cujus & natura, & situs
debet esse cognitus: Tertia morbo prior est, Causa: quarta
eodem posterius, Symptomata. Hisce universum studium
Pathologicum absolvitur. Quæ, ut pauca videri possint,
tam amplam tamen unumquodque rerum varietatem com-
plectitur, ut non frustra auctor dixisse videatur, *esse pene infinita
numero.* Cur autem, & in quem finem cuncta hæc cognoscere
necessum sit, mox uberius declarabitur.

* * *Id enim nisi scias, fieri non poterit ut --* Bina in par-
te affecta veniunt accurate cognoscenda, natura ejus & situs.
Natura quidem, ut remedii quod quæris materiam proximam
invenias, situs vero ut formam. Quæ enim à morbo est indi-
catio, non nisi genus remedii manifestat; selectum autem ex
tot medicamentis ad eundem generalem scopum collimantibus
natura partis affectæ velut intento digito commonstrat; com-
positionis modum usumque, (quod formulam vocant,) situs.
Primum subinde inculcat Galenus in libris de methodo meden-
di, ostendens siccioribus partibus sicciora, humidis humidiora
convenire, similibus enim gaudere naturam, iisque conservari.
Vide Lib. III. c. 2. & 4. Lib. V. 10. Alterum demonstrat idem *Per-
gamenus Lib. IV. 7. & V. 11.* Discitur autem partis & situs & na-
tura in Physiologia: estque hæc ratio, quamobrem adeo neces-
saria hujus est exacta doctrina, ut binis diversis in locis prope
iisdem verbis id monere Galenus non dubitaret: *Methodo Meden-
di* scilicet *Libro Vto cap. 1. & VII, c. 2.* *Qui simplicium,* inqui-
*ens, in nobis particularum elementis minime inquisitis artem ade-
unt, non posse quicquam certa ratione sanare.* Sanguinis vero et-
iam

iam crasin cumprimis nosse expedit, prout liquidum est ex *libro III. citatis supra capitibus.*

*** *Quo referendum etiam illud.* Paulo obscurior hæc de affectionibus per consensum doctrina mihi semper visa est; Non dubito quin & aliis: Videtur autem perspicua magis futura si sic explicetur, ut dicamus, aliam esse partem in qua morbus dominetur, aliam in qua vera causa lateat. Philosophi subjectum morbi & subjectum causæ appellant. Habebit tum partis per consensum affectio symptomatis rationem, ut plane in aperto sit quo loco habenda veniat.

IV. * *Necessum est causam teneat si non eam quæ --* Nonnunquam ad unam causam attendere sat est, si nempe ab una sola morbus pendet, aliquando ad plures. Est enim cum ipsa illa quæ morbum fovet causa, ab alia vicissim fovetur, ut concatenatus nascatur rerum corrigendarum ordo, v. g. in phthisi: cujus ulcus in pulmone est causa, frustra vero es, in eo sanando nisi affluxum acris leri avertas, nec avertere potis, nisi id corrigas simul. Cum autem ingens causarum sit numerus, omnes in numerato habeat medicus oportet, quo eam dignoscere possit quæ in individuo quod præ manibus est, peccet maxime cujus etiam accuratissima, quantum fieri potest cognitio est acquirenda: quo enim certius naturam ejus noveris, eo etiam felicius expugnaveris, non igitur in qualicunque vel mediocri subsistendum vel acquiescentum. Notandum tamen, non conjecturis aut quodam ingenii lusu, dum quidvis fingimus, sed ex effectibus suis & symptomatibus, naturalis status conditione juncta, indeque formato ad leges disciplinæ rationalis syllogismo, eam esse eruendam: ad quod observationes unice profunt: tantoque minus ferenda quorundam hic temeritas atque incogitantia est, quod nullum eo quod circa istam committitur, peccatum perniciosius sit. Constat enim, morbum quidem generalem auxilii cujuscunque indicationem suppeditare, materiam vero in universum, ex causa innotescere, uti proximam & specialissimam (quod modo notavimus) ex parte affecta: quæ omnia in methodo medendi ex instituto & prolixius docentur.

V. ✱ *Attamen quum adeo accuratam.* Est hic locus paulo minus perspicuus. Id autem voluisse auctor videtur: quia in affectibus bene multis symptomata morbis ipsis notiora sint, utile esse ipsarum quoque naturam indagare, idque aliquando sufficere. Recte quidem; sapius tamen etiam natura cum morbi tum causæ non nisi ex his ipsis pernoscitur. Cum enim effectus testetur de sua causa, symptomata vero à morbo & causa morbi producantur: qualia hæc sint, tanquam exploratores medico produnt. Quin imo, cum omnis causa agere aliter non possit quam pro substrata, ut philosophi loquuntur, materia, talisque sit effectus, qualis permittitur esse à subjecto; hinc denique & partis effectæ rationem nobis aperiunt. Sic igitur ex symptomatibus conjunctis & inter se collatis horum omnium tanquam efficientium causarum ex effectibus cognitio resultat: plures enim etiam si sint causæ, & diversi generis, conveniant tamen in uno tertio necesse est, & in notionem desinant communem: quod in exemplo de tussi facile esset demonstrare. Inde igitur adeo cum diagnosi tum prognosis nobis nascuntur, & hæc est conjectura medici, in qua quo quisque rectius se gerit, eo felicius absconditarum rerum conditiones assequitur: non enim hæ sunt conjecturæ simpliciter sic dictæ, sed ex arte & perpetuæ veritatis regulis institutæ, ut fallere facile haut queant. Hanc igitur quia ignorant non nulli, fallacia putant esse & incerta omnia ut in propriæ artis ignominiam videantur stultissimis suis principiis conjurasse, veritatis se studiosos esse rati, cum ejus sint hostes, & destructores.

VII. ✱ *Magnitudo, motus, mos & eventus demum morbi.* Hæc explicatione tanto magis indigent, quanto & majoris sunt momenti, & magis vulgo negliguntur. Sunt autem necessaria conjuncta, quæ omnino pertinent ad essentiam morbi integram exhaustiendam: Ideoque, quamvis diversa videri queant; ab auctore tamen sub una classe collocata sunt; quod ejusdem sint generis. Nimirum in his præcipua medici & ultima cura collocanda, atque is demum verus artifex meretur haberi, qui ista habet perspecta. Considerari vero possunt & in

in morborum speciebus, & eorum individuis. Nam verbi gratia Febris ardens est morbus magnus, acutus, nonnunquam malignus, & periculosus, idque de ea habito respectu ad alios morbos affirmatur recte; sed & alia ad (aliam, hujus nempe hominis ad illius) major, magis acuta, maligna vel benigna magis, & periculosior vocari potest. Nec de acutis id tantum valet, sed etiam chronicis: sic nemo arthritidem vagam recte curaverit, nisi sciverit morem ejus esse ut vagetur per partes corporis universas, motum humoris celerem, sed morbum tamen ipsum diuturnum & pertinacem: Podagræ vero, seu arthritidis fixæ mos est longe alius: ut nempe autumnus potius ac vere affligat, utque facilius & frequentius recurrat: si repellatur, regrediaturve in venas materia, angustias parere præcordiorum ingentes, & quæ interitum minentur, sic se eam habere ad hæc, ita ad alia medicamenta, & quæ talia sunt plura. Cuncta hæc ad morem morbi pertinent, quæ uti recte describere, non nisi illius est, qui multiplici experientia est instructus, nam ex meris observationibus petuntur, ita vulgo mirum in modum à practicis negliguntur atque insuper habentur; haud exiguo rei medicæ damno.

VIII. * *Perinde vero ferme est, siue propriam siue alienam experientiam afferas, modo fidem eorum recte sese habere constet.* Cum nemo omnium morborum experientiam omnimodam habere queat, præsertim juvenis medicus, utique requiritur ut artem facturus afferat alienam. Invenitur autem ista in observationibus & historiis medicis, siue scriptis traditis siue ex ore Præceptorum haustis. Non est igitur cur recentem medicum spernat quisquam aut ei sese concedere dubitet, modo sit doctus & optimorum Præceptorum manibus formatus, valeatque judicio ut possit & morbos ipsos & scriptores sinceros ac bonæ fidei discernere. Quid autem requiratur ut de fide alicujus auctoris constet, supra etiam ad cap. I. ostendimus: Auctor vero in laudata præfatione paucis id verbis complexus est nervose, dicens: *Quod ab homine perspecta integritatis & prudentie proditum esse oporteat.* Addit deinde. *Faciliorem etiam ad prudentiam*

tiam medicam viam esse per historiam, quam per usum ipsum, utpote cum hic seris demum ab annis veniat, historia erudiat etiam juvenem. Quibus quæ modo a nobis dicta sunt, mire confirmantur.

IX. ✱ *Et sane* - Antequam ulterius pergamus lector, & de ipsis scriptoribus cognoscamus, illud monendum est, Pathologiam esse generalem & specialem. Generalem esse, quæ in institutionibus solet doceri, ubi termini artis, divisiones morborum, causarum, symptomatum exponuntur. Hanc non videtur multum hic noster curasse, alias non tacuisset *Galenii libros de differentiis & causis morborum ac symptomatum: De causis procetardicis: De temperibus morborum: De typis*, atque alios nonnullos, qui tanto magis hic merentur nominari, quod insequentibus veteres, nostrique prope omnes illam Galeni doctrinam per omnia sequi soleant, vix vel digitum transversum ab ea recedentes: non curantes quod in ea multæ ac magnæ sese offerant difficultates, ex quibus hodie nos extricare non possumus: ut nesciam an salvo veritatis amore ei queamus deinceps inhærere: sed ea de re publico fortassis mox scripto pluribus agemus. Interim videtur excusabilis auctoris isthæc neglectio, quod in institutionibus fere illa, uti dictum modo est, tradantur, nec operæ pretium sit iis nimium immorari juventutem. Eo pertinent autem quæ mox de *Leonbardo Fuchsio* refert, & sequente paragrapho de *Comitis Montani cum Erasmo controversia*: Quare etiam in logicas tandem quæstiones istam desinere ait, cum hæc nihil ad artem ipsam faciendam conferant: sunt autem hinc inde in istis libris aliqua propius ad ipsos morbos pertinentia interspersa, cum primis ab *Hofmanno*: cujus quoque *Pathologia parva* huc spectat, etsi etiam ibi divertat tandem ad specialiora. Porro extat quoque *Gregorii Horstii* de morbis eorumque causis liber, Giesæ editus anno seculi duodecimo, in quo itidem universalem morborum doctrinam tradidit. Ad eandem classem referenda sunt & sequentia: De causa continente, seu conjuncta disceptatio *Stephani Rodorici Castrensis*, quæ posthumis ejus operibus à filio editis habetur inserta, de quo argumento etiam aliorum integra extant volumina: acriter enim

enim inter medicos initio hujus seculi de ea disceptari ceptum est, multis eam plane rejicientibus, (in quibus est Hofmannus noster) aliis aliter atque aliter explicantibus. Alia consimilis ejusdem Stephani inter illa opuscula legitur dissertatio de Plenitudine, quæ est de Plethora & Cacochymia: sed & hic & in altera illa subtilius disputat quam verius aut utilius. Porro de causis morborum in universum breviter ut solet, sed accurate egit *Guernerus Rolfsincius* jam alibi nobis laudatus in sua *Methodo Medicinæ commentatoria*: ipsique debetur divisio causarum in immediatam, mediatam proximiorē & remotiorē, &c. quæ tamen philosophiæ quam Medicinæ aptior videtur. Tum prolixæ illa *Thome Erasti* cum Archangelo Mercenario de putredine disputatio, atque alia multa illius excellentis viri: uti etiam liber per parvus sed doctus Ἐπὶ πάλιν *Casparis Hofmanni de Ichoribus* huc referendus est. Pathologiam specialem quod attinet, Eam plerique omnes usque adhuc scriptores Practici suis libris inseruere, pauci tradiderunt seorsim: magno profecto errore, & studio medico pernicioso. Ut enim Physiologia, in qua finis, sic etiam Pathologia in qua subiectum artis exponitur, merentur separatim edoceri, nec jure majore Pathologia cum morborum curatione confunditur, ac si Physiologia cum parte συγγενῇ combinaretur. Neque est quod quis putet breviorē sic viā, unaque opera & morborum historiam & therapeutice posse addisci, nam in hoc compendio magnum utique dispendium est: Primum enim fit, ut non possit satis accurate morborum historia expendi, quippe quæ sit prolixior, quam ut absolute & perfecte his libris inferi queat; quod si coneris tamen, hæc secundaria libri materia maximam occupat partem totius, adeoque inconcinna inde nascitur & indecens proportio. Deinde etiam ad praxin se accingentes nimis diu moratur illa morborum contemplatio, atque à scopo abstrahit. Etenim Pathologiam non minus quam Physiologiam inter præcognita esse referenda, aliarum artium omnium exempla commonent, ut de ea re nullum sit dubium: Præcognita autem ipsamet disciplinam citra confusionem ingredi non possunt. Est autem

Prædici scriptoris, & qui curationes docet, officium, ea quæ ad methodum medendi eruendam idonea, & ex Pathologia arcesitu necessaria sunt, supponere, & simpliciter enumerare, non autem demonstrare, sed Pathologico demonstranda relinquere, à quo antea illa petere omnia & iis jam instructum accedere oportet eum qui ad curationes morborum perdiscendas animum applicat: Pari prorsus modo, quo actio partium in Physiologia demonstratur, in Pathologia vero demonstrata supponitur. Hinc prudenti sane consilio vices publicarum in hac academia lectionum ita inter nos dispartitæ sunt, ut primus doctor Physiologiam, alter Pathologiam, tertius Praxin profiteatur; secus ac in aliis plerisque fit academiis. Hinc etiam dicere auserim, plus hanc nostram (præfiscini dixerim,) quam alias multas ad excolendum pathologicum studium conferre aptam esse, imo reapse forte etiam dudum contulisse. Sed de scriptoribus Pathologiæ specialis nos ad finem capitis plurima addemus.

XI. ✱ *Cujus etiam reliqui libri Pathologici:* Sunt illi Pathologia parva, modo à nobis laudata, de locis affectis libri tres, & rejectanea Pathologica de morbis formæ & materiæ contra Fernelium & Argenterium.

XII. ✱ *Certe ad accuratam morborum.* - Cur auctor tantopere commendat observationes medicas, etsi nemo forte est qui se putet nescire, non tamen omnibus adeo obvium esse crediderim: Dicam igitur. Sunt ejusmodi historiæ enarrationes singularium, ex quibus universalia principia in pathologia speciali formantur. Enimvero Observationes vel morborum historias tradunt, vel causas evidentes commemorant, vel symptomata quædam exponunt, vel denique curationem etiam adjectam habent. Hæc ad Pathologiam non pertinet, sed ad pharmaceuticam: reliqua vero in hoc unum conspirant omnia, ut vel indolem ac morem morbi, vel causam expeditam reddant; quæ cum abdita sit, ab evidentibus ad occulta arguendo eruitur, neque alia est quæ eò ducat via. Cum itaque causæ cognitio tam necessaria sit medico rationali, quam obrem
tanto-

tantopere laudet auctor observationes, jam satis patet. Neque cum indole & more morbi aliter se res habet: tametsi enim in singulis singuli varient morbi, utpote subjecti, hoc est ægri, aeris, victus, atque ætatis diversitatem sequentes, est tamen & hic quod universæ alicui morborum speciei commune est, ut inde erui quid possit. Eorum vero, qui Historias medicas scripserunt, nonnulli propria, & sibi observata tradunt, qui majorem fidem merentur. Alii vero ab aliis quomodocunque accepta, & semiplene intellecta annotarunt. Quos inter primo loco Borellus collocandus, deinde & Bartholinus, & Johannes Rhodius, singuli suo loco mox nominandi, & magna ex parte ipse etiam Schenklius. Cæterum, cum perpauca observationum scriptores vir nobilissimus enarraverit, addendi sunt reliqui; non tamen omnes, sed præcipui, sunt enim complures: omnes tamen hoc atque superiore ævo floruerunt. Est igitur ex Italis *Dominicus Panarolus* Romanus, Petri Castelli discipulus, qui in urbe medicinam & fecit & professus est, & *Marcellus Donatus*, Mantuanus: Ex Lusitanis *Zacutus*, Judæus, qui eas historias quæ sparsim in veterum Græcorum, Latinorum, Arabum scriptis reperiuntur, collegit in unum: super quas amplas deinde disquisitiones, sed sæpe inanes conscripsit. Sed insuper & suas edidit, sub titulo Praxis admirandæ: Continet autem ille liber vere admiranda & rara, sed quorum suspecta nonnullis fides est. Alter *Amatus* est, communem cum priore & patriam & gentem agnoscens, artemque eandem professus Gallia dedit *Franciscum Valeriolam*, *Carolus Pisonem*, qui doctissimum librum reliquit de morbis prætermiſſis ex serosa colluvie oriundis, *Lazarum Riverium*, celeberrimum Practicum auctorem, *Petrumq; Borellum*. Germania nostra plura suppeditat, celeberrima nomina: *Gregorium Horstium* quem jam supra laudavimus, *Joannem Wierum*, celebrem illum de Lamiis Magisque scriptorem, *Salmuthum*, *Platerum*, *Tonerum*, *Gabelchoferum*, quem tamen minus æstimo, nimis enim vulgata congeſſit, *Hechsteterum*, *Timeum à Guldenklee*, *Joannem Jacobum Binnigerum*, Mompelgardensem, & ævi sui decus *Gerthofredum Welschium*. Belgium *Forestum* genuit, virum experien-

tissimum, qui innumeras observationes prolixo insuper auxit commentario, in quo universam omnium morborum Pathologiam, unaque præcipuas controversias veterum legas, ut quanta instructus fuerit hic vir doctrina, inde liceat æstimare. Post hunc *Rembertus Dodonæus* ipsi coævus, laudandus venit: cui nuper accessit *Nicolaus Tulpius*, cujus observationes omnium aliorum ejus generis relationes elegantia antecellunt. Ex *Smetii* quoque (qui inter Germanos nominandus fuerat) miscellaneis haut parum colligas interdum utilitatis: Neque prætereundus *Joannes Rhodius*, ipse ille cujus Bibliothecam medicam nunc primum publici juris facimus. Plurima tandem huc pertinentia in Ephemeridibus eruditorum extant, de quibus itidem supra egimus. Uti vero hi promiscue omnia, ut sese obtulerunt, conjecerunt in chartas: Ita nonnulli de singularibus morbi generibus congeffere similia: In qua classe sunt *Job. Jacobi Wepferi* observationes anatomicæ de Apoplexia, & perdoctæ observationes morborum Castrensiū *Tobie Coberi*, nuper denuo hic ab Henrico Meibomio, Collega nostro æstumatissimo publicatæ. Non carent etiam utilitate quæ de uno morbo populariter grassante nonnulli condiderunt: uti *Octavianus Roboretus*, de Peticulari febre, Tridenti anno 1591. publice vagante, cujus generis haut paucos quoque habemus auctores. Huc enim referas *Laurentii Gieseleri* nostri, item *Diemberbroekii*, *Gabrielis*, (qui licet olitor, valde opportuna locutus) *Pauli de Sorbait*, Viennensis medici, ac Lipsiensium nonnullorum aliorumque de Peste observationes: Nec negligendus est *Nathanael Hodges* de peste Londinensi, aliique complures: sunt quoque ex eo genere quæ *Thomas Sydenham* de morbis epidemiis nuper publicavit, de quibus mox plura erunt dicenda.

XIIX. ✱ *Supersunt quidem nonnulli* - Non hic silentio prætereundus est nuperus scriptor Gallicus *Franciscus Moriceau*, qui de puerperarum cura habenda peregre scripsit, cujus etiam liber, non exigua utilitate ad obstetrices redundante, nuper in Germanicum idioma translatus est. Accedat huic *Cosmus Viardel*, Chirurgus Regius, qui ex innumeris observationibus ostendere cepit,
ad

ad foetus extractionem non opus esse ferreis instrumentis, sed omnia manibus Chirurghi posse adoperari; Brevis est libellus, sed lectu dignus. Uti & porro quæ ad puerperium pertinent, non male exposuit vernacula lingua *Christophorus Volterus*, Chirurgus Wirtembergensis: Etsi enim non admodum erudite, recte tamen de his sensit atque differuit, & hunc de partu partum obstertrice experientia non invitis Musis enixus est.

XX. ✱ *A lectoribus ipsis adjici poterunt.* Quam privatis lectoribus omnibus ac singulis auctor potestatem fecit, ea & nos utemur in publicum commodum. Ut enim de morbis mulierum & puerorum, (nisi quod hic *Jacobus Primerosius* addi mereatur) tam exacte omnia perquisivit, ut nihil magnopere queat addi, ita supersunt alia adhuc morborum genera quorum scriptores itidem commemorandi sunt. Inter ætates senectus eminet, quæ cum ipsa morbus sit, meretur curam & sollicitudinem medicorum; Verum enim vero de affectibus senum nemo Græcorum quicquam prodidit, neque Arabes in eo argumento multum laborarunt, aut veteris Latii incolæ; saltem conservandis quam restituendis senectutis viribus fuerunt studiosiores: neque id perperam, cum nulla ætas æque regiminis sit indiga. Ex recentioribus autem extat idem modo laudatus *Franciscus Ranchinus*, qui etiam scripsit *de morbis virginum*, & *de morbis subitaneis*: Omnia hæc ejus opuscula, perdocta sane, junctim edita sunt Lugduni MDCXXVII.

Post ætates aliæ morborum differentiæ se nobis sistunt, nec illæ considerari indignæ, nec suis destitutæ auctoribus. De contagiosis igitur morbis extat liber longe doctissimus *Hieronymi Fracastorii*: post quem idem argumentum haut parum illustravit *Julius Palmarius*, Constantinus: ejus libri septem tertiam jam aspexere lucem: ultima vice Hagæ Comitum, anno hujus seculi sexagesimo & quarto, indice auctiores. Neuter tamen agit vel generatim, vel de omnibus, sed præcipuos exequuntur, magisque formidabiles, nec pathologica tantum sed curativa quoque explanant. De universitate vero contagii, ex quo pestem etiam in distans propagari constitit (apparuit autem post seculi

seculi elapsi initium, Nicolai Massæ temporibus) id argumentum tanquam proprium, qui de peste scripserunt sibi postularunt, satisque in eo prolixè omnes disputare sunt soliti.

Epidemii sequuntur morbi, magnam partem & ipsi contagiosi, sed tamen diversi. De his nemo quod sciam digne satis commentatus est, aut universalia condere ausus; sed particulatim de iis plurimi egerunt. Itaque infinitos habemus qui de Variolis, Dysenteriis aliisque epidemice grassantibus morbis describendis solliciti fuerunt: qui tamen ut plurimum frigide satis in Pathologia versantur, in præservationem & curationem potissimum intenti, cum tamen hæc sine altera illa ipsa frigeat. Interim initium singularium observationum & historiarum fecerat jam olim *Hippocrates*, in illum finem, ut certi ac soliti quid inde inferret, quale quid non raro in Aphorismis ex operibus suis collectum legitur. Sed nemo post ipsum insistere huic viæ aut prosequi laudatissimum institutum sustinuit. De terrente cunctas, ut suspicor, magnitudine operis & subtilitate. Hodie non ita foret difficile industriis animis, ex tot relationibus plurimorum lucem huic rei mutuari, modo omnes illos inspiciendi copia sit & ingenii felicitas ab inani captandæ temere laudis consuetudine remota. Multo certe feliciter hoc pacto licebit id consequi, atque fecit nuper *Thomas Sydenham* Londinensis Practicus, ut ex ejus scriptis apparet, experientissimus, qui ex propriis tantum observationibus id facere ausus est. Nec tamen defraudandus hic sua laude cum multa ad istorum morborum genium pertinentia satis egregie annotaverit, magnaque diligentia cuncta observaverit symptomata. Dolendum saltem quod more gentis suæ parum in lectione aliorum versatus, & prope autodidactus appareat. Hinc perperam etiam suum opus *De morbis acutis* videtur inscripsisse: etsi enim morbi epidemii ut plurimum etiam acuti sint, ipsum tamen de iis non tanquam acutis, sed qua epidemii sunt, egisse, haud obscurum est. Cæterum, qui præcipuus in illo opere est scopus, vix potest sperari: nimirum fore, ut tandem post plurimos annos iidem morbi eodem ordine recurrant, eadem prorsus facie, adeoque nobis

nobis inde nascatur hoc pacto absolutissima epidemiorum scientia. Tanta enim aeris, tempestatumque inconstantia est, ut id prorsus mihi videatur ἐν τῶν ἀδυνάτων, etiam in ipsa urbe Londinensi. De Hæreditariis morbis librum publicavit *Dermotius de Meara*, Ormoniensis Hibernus, qui tamen scriptum id non suum esse dicit, sed parentis, qui ante annos quadraginta quinque Dublinæ excusum publico id dederit, satis elegans, exiguum licet, opusculum est, nisi quod chemicis ineptiis auctor indulserit. Ex iis qui in Pathologia speciali reliquorum morborum illustranda operam collocarunt, alii morbos ipsos examinarunt, eosque vel omnes aut plerosque, vel singulos: nonnulli etiam ad symptomata descenderunt. Ex illis primo loco nominandus iterum *Rolfincius*, qui Epitomen cognoscendi & curandi particulares affectus composuit, quæ sua se cum primis & brevitate & elegantia commendat, & maximam partem Pathologica est, veterum præcipue Græcorum dogmata complectens: quibus subinde aliquid novi ex propria auctoris observatione accessit. Studiosis hæc apprime utilis. Longe aliter vero, egregie tamen in hoc opere se gessit *Thomas Willis*, & ipse medicus Londinensis celeberrimus, qui relictis non semel veteribus, ex proprio ingenio plurima depromsit: quamvis haut raro etiam apud alios lecta, callide dissimulatis auctoribus, pro suis obtrudere & novis incrustare formis optime sciat. Primum edidit libros de Febribus, ab Edmundo Meara Hiberno mox examinatos, contra quem Willisii defensionem suscepit Richardus Lowerus, de quo fama fertur, Willisium, Latinæ linguæ facultate destitutum, ejus calamo usum fuisse ad sua chartis consignanda: Deinde illustravit illos affectus qui ad motus convulsivos pertinent: Tum & reliquos in Pharmacia sua rationali tam eleganter & accurate explanatos dedit, ut sanctioribus naturæ consiliis interfuisse interdum videatur. Non potuit quidem evitare, quin in pleno difficultatis negotio aliquando impingat: sed quis est qui ab omni lapsu in ardua veritatis via securus incedat: præsertim si à præjudiciis non caveat, qualia ex chemicis suis novis dogmatibus multa ille hauserat. Præterea brutorum sectioni nimis fidens,

inque humanis corporibus non satis versatus, nonnunquam circa anatomica fallit: hinc enim est quod in ventriculo illas tunicas fingit, quæ non nisi in œsophago hominum reperiuntur, cum in brutorum ventriculis extent: Post hunc multa etiam utilia admodum excerpere licet ex amici nostri supra laudati, *Georgii Wolfgangi Wedelii* libro de facultatibus medicamentorum: Uterque enim laudatissimorum scriptorum idem diversa tamen via ingressi, urgent propositum, ita partitis vicibus, ut Willis ipsorummet morborum causa exposita, medelam contemplatus sit, Wedelius vero medicamentorum efficacia in morbis examinata causas illorum notet, Ille à posteriori, hic à priori argumentando. Propius igitur ad Pathologiam Willisiana illa attinent. Uti vero is plerosque affectuum, ita alii paucos aut unum absolverunt, quos omnes enumerare, integrum posceret volumen: aliquos ergo tantum ex præcipuis recensebimus. De morbis igitur capitis frequentioribus *Vincentius Alsarius à Cruce*, de omnibus iterum *Rolfincius*, uterque singulari libro egerunt. De Epilepsia sigillatim plures: *Hieronymus Gabucinus*, *Stephanus Rodericus Castrensis*, in posthumis, *Matthias Unzerus*, prolixè. De Rabiè contagiosa *Josephus de Aromatariis*, qui liber pene totus est Pathologicus, de Dentium dolore, seu, ut loqui amat, Podagra, *Strobelbergerus*. De Catarhis amplissimis voluminibus *Johannes Victor Schneider*, Professor Wittebergensis: De virtutibus & vitiis cordis *Eustachius Rudius* commentatus est, rudius tamen quam doctius. De morbis ex mucronata cartilagine extat liber doctissimi *Ludovici Septalii*, De malo Hypochondriaco *Pauli Zacchiæ*; De scorbuto *Salomonis Alberti*; *Joannis Dravvitzii*, *Job. Echthii*, *Severini Eugaleni*, *Gualcheri Charletonis*, *Everhardi Mainuvaring*, sed hic lingua Anglicana; De Passione Hysterica & affectione Hypochondriaca *Nathanaelis Highmori*. De Nephritide itidem particulatim egit *Unzerus*, & *Beverovicius*, accuratius. De Podagra *Losselius* & *Knoefelius*, De morbis cutaneis *Hieronymus Mercurialis*, de Nevis *Septalius* rursus, De sudoribus perdocte & uberrime scripsit *Julius Caesar Baricellus*, libris quatuor, quibus de Hydro-

nosa

noſa natura titulum fecit, de ſudore Anglico *Joannes Nidepon-
tanus*, De Lue Venerea plurimi: Ex primis ſunt *Nicolaus Maſ-
ſa*, *Fracaſtorius*, *Palmarius* c. l. *Gabriel Fallopius*, *Hieron. Montuus*,
Job. Varandæus: Recentiores ſunt ex Gallis *Blegny*, ex Anglis *Gideon
Harveus*, *Everb. Mainvaring*, &c. Scriptorum de Febribus in-
finitus pene eſt numerus: Primus omnium eos rite diſcer-
nere docuit *Galenus* L. de differentiis febrium, ad *Glaucanem*
& M. Med. V. Hippocratis tamen ævo plurimæ jam erant co-
gnita. Galenum omnes ſecuti ſunt ad noſtra tempora: Lau-
dari cum primis ex recentioribus merentur *Sennertus* noſter, qui
plerasque veterum ſententias in librum ſuum congeſſit, ac ven-
tilavit, & *Guerneri Roſſincii* Ordo & Methodus cognoscendi &
curandi febres, item doctiſſimum opus *Pii Aneæ Caprilii*, ex quo
plurima *Sennertus* ſuppreſſo nomine in ſuum librum videtur
tranſtuliffe. Et illi quidem de omnibus; hic de putridiſtan-
tum febribus diſquiſivere. A quibus recedunt quidam recen-
tiſſimi ſcriptores: & quidem veteres non ſatis perſpectum ha-
buiſſe febrium naturam, magis apertum eſt quam ut queat ne-
gari, nec ipſe judicioſiſſimus auctor noſter, qui erat veterum
cultor maximus, ivit inficias. Novo igitur conatu febrium
naturam aggreſſi ſunt iſti non ſine cauſa: ſunt autem *Franciſcus
de le Boe Sylvius*, *Lugdunenſis*, *Franciſcus Piens*, *Hornanus Pra-
cticus*, qui prolixè ſatis & operoſe id egit: *Thomas Willis*,
de cujus opusculis diximus, & nuperrime denique *Joannes
Jones*: Verum nemo iſtorum mihi videtur rem ſatis expedi-
viſſe feliciter. Ut enim de Sylvio nil dicam cujus doctrinam
non ſuſtinuiſſe doctiorum examen ſupra monuimus, *Piens* ad cap. III.
febris cauſam in irritatione cordis quærit, *Willis* Chemicorum
principiis inſiſtens, ſua potius aſſerit quam probat aut evincit,
Jones autem, qui in aceſcente ad vaſorum oſcula chylo eam
ponit, itidem in probatione videtur deficere, licet de ſympto-
matum varia ratione multa feliciter expedit, nec tam in-
epte ut multi hodie facere aſſuevere, in argumentando ſe ge-
rit. De febribus, affectibus, capitis & thoracis perdocte nuper
quoque *Laurentius Bellini*, *Academiæ Piſanæ* Profeſſor com-

mentatus est, quæ cum aliis recudi curavit vir clarissimus Joannes Bohnius, Academiæ Lipsiensis curiosissimus doctor. Laude dignum in hoc auctore, quod in enarrandis symptomatibus est perquam diligens: Modo non in causis eorum scrutandis communi seculi laboraret vitio, plurima supponente, pauca apodictica ratione ostendente ac demonstrante: Qualia sunt quæ de liquido nervorum fluente & refluyente undatim, de nervorum expansione & contractione sive amplitudine majore & minore, compressione cerebri & medullæ ad foramen magnum occipitis in primo statim limine occurrunt, atque alia plura. Profecto, quamdiu quilibet indulgebit sic genio suo, & supponet ea quæ nulla ratione prævia perspexit, ad veritatis radios perpetuo in his cæcutiemus, instar noctuæ ad meridiani solis claritatem. Pene oblitus eram eorum qui de morbis supernaturalibus egerunt: Errant enim qui putant hos incurabiles esse, neque ad medicum attinere, cum quod supponunt, falsum sit. Eminent autem in his triga scriptorum: *Job. Baptista Codronchius*, *Hieronymus Jordanus*, Auctoris auditor non ineptus, & nuperrimus *Frommannus*, qui reliquos rerum amplitudine superavit. Habita est quoque sub præsidio Magni auctoris nostri anno 1659. erudita admodum disputatio de incantationis circa morbos efficacia. Quæ ex his disci non possunt, petenda ex eorum erunt libris qui de Veneficiis, Dæmonum vi & potentia, Lamiis, aliisque ejus generis ex instituto egerunt. Atque sic de scriptoribus Pathologicis nunc absolvimus.

CAPUT VI.

DE

STUDIO SEMEIOTICO EJUS-
QUE AUCTORIBUS.

THESIS I.

POSTEAQUAM de Pathologica doctrina in genere à nobis actum est, proximum jam erit, ut illa etiam adjungamus, sine quibus morborum cognitio non potest esse perfecta. Enimvero tum ad ipsorum morborum dignotionem, ad quam loci affecti notitia etiam pertinet, tum ad ipsam curandi rationem permultum interest scire illa, ex quibus ceu certis & infallibilibus notis discrimen ad ipsa desumi possit. Quæ doctrina in scholis Medicis vulgo σημειωτική appellari solet. Est autem σημεῖον sive signum, *quicquid ab aliquo tanquam à causa procedit*: quomodo ipsemet Galenus noster lib. V. de locis affect. cap. 7. definit. Doctrina itaque Semeiologica rationem docet, quæ quis instructus plenam morborum notitiam investigare potest. Sunt autem duplicis generis omnia in universum signa: quædam enim propria, quædam communia sunt. Atque ex communibus quidem solum in se spectatis signis nihil certi de morbo aliquo colligere possumus, nisi propria adjuncta habeat, quippe quæ propterea etiam communia vocentur, quod in pluribus affectibus deprehendantur. At vero propria statim morbum, naturam ejus, & ipsum locum affectum demonstrant. Ubi tamen notandum, communia nonnulla si conjungantur, speciem aliquando referre priorum. Quandoquidem vero ex propriis signis proxime affectum

cognoscimus, hinc etiam venit ut propria illa παθογνώστικὰ nuncupentur. Quum autem porro non solum signa in morbi notitiam nos deducant, sed etiam illorum beneficio de morbi eventu prædicere possimus: hinc signorum alia Διγνωστικά alia vero προγνωστικά sunt & appellantur.

II. Est autem Diagnostica methodus, ut & de ea primum seorsim aliquid dicamus, nihil aliud atque doctrina apodictica generalis, restricta ad certam materiam h. e. ad solum morbum. Quemadmodum vero is, qui demonstrat, ex iis quæ per experientiam cognita sunt, causas indagat: ita Semeiotica per symptomatibus, aliisque in sensum incurrentibus causas latentes morborum ipsorumque adeo essentiam investigare docet. Cæterum de hac ipsa ratione dignoscendi morbos aut partem affectam, in genere quidem, adeoque ut in artem vel universalia præcepta illa doctrina potuerit redigi, ab Hippocrate usque ad Galenum fortassis nihil scriptum est. *Galenus* itaque primus maximo studio illud ipsum præstitit elegantissimo & omnibus commendatissimo opere *De locis affectis*; ea in re potissimum adjutus beneficio Analyticorum Aristotelis: ut ut more suo multa aliena interferat, neque omnia satis exacte visus sit tradidisse. Conjungendi autem sunt cum librorum illorum lectione doctissimi commentarii *Francisci Vallesii*, ut & *Joannis Wolfii Exercitationes Semeioticæ* in hac Academia Julia ante hos triginta amplius annos habitæ. Post Galenum omnes illi qui Pathologiam explicavere, hanc doctrinam etiam adjecerunt. Unde communiter etiam ab illis solet tradi, qui Institutiones Medicas conscripserunt. Et vero ab his initium faciendum est tyronibus artis, priusquam ad Galeni lectionem sese convertant. Præcipui autem sunt inter illos *Joannes Fernelius*, *Duncanus Eiddelius*,

lius, Daniel Sennertus & Caspar Hofmannus. Præterea universalem morbos dignoscendi rationem perspicue & nervose ex Galeni doctrina proposuit *Æmilius Campolongus* Patavinus, Hieronymi Capi vaccii discipulus, libro, cui titulum fecit *Methodi semeioticæ ad analysees Capi vaccianæ normam expressæ*, quem Iessenius publicari fecit. Quamvis autem universalem Semeioticam doctrinam *Hippocrates* non reliquerit; sigillatim tamen multorum morborum particularium signa, varia experientia longoque usu observata, reperire est apud eundem tum in Aphorismis tum passimalibi. Notandum tamen, in scriptis ejus nonnulla quæ huc faciunt minus certa esse, propter anatomen seu potius constitutionem corporis humani minus tum temporis cognitam. Interim operæ pretium erit, ex Hippocraticis illis scriptis excerpere, & in unum colligere omnia illa signa morborum, quæ causis licet controversis hinc inde v. g. de epilepsia, apoplexia, convulsionibus &c. indicari solent. Ex veteribus tamen non negligendus est *Aretæus*, ut qui integris libris etiam signa morborum exposuerit, omnium aliorum industria longo intervallo ea in re post se relicta. Et hæc quidem de Diagnostica doctrina seorsim dicere voluimus. Pergendum nunc ad illa signa, quæ non solum morbos dignoscere sed etiam futura prædicere docent.

III. Inter signa illa vero primo solet numerari *Pulsus*. Ubi initio notandum, in scriptis Hippocraticis de pulsibus perpauca tradita reperiri, immo vix unum ac alterum locum occurrere; certe inter signa morborum nusquam pulsus relatos legi. Cæterum post illum *Herophilus* hanc doctrinam maxime excoluit, in *musicos pedes venarum pulsu descripto per ætatem gradus*, quemadmodum *Plinius lib. XXIX. cap. i.* loquitur, Quin immo, quoniam ne-
cesse

cesse erat in secunda ea literas scire, nimiam propter subtilitatem desertus fuit, ut Plinius l. c. & l. XI. c. 37. f. memorat. Sequuti tamen nihilominus multi sunt Herophilum, sed quorum scripta omnia interciderunt. Quæ non minus desideremus, effecit Galenus, plurimis voluminibus *De pulsibus* editis: adeo ut à præclaris quibusdam Medicis & ipse ad nimiam subtilitatem & curiositatem rem totam reduxisse, non immerito judicetur. Neque enim negari potest, libros istos adeo esse subtiles, ut Galeni diligentiam satis mirari nequeamus, multa etiam non recte assequi. Post Galenum neque Græcorum neque Arabum, neque Latinorum quisquam pari labore ac diligentia hanc doctrinam persequutus est, præterquam quod à nonnullis ex Galeno excerpta quædam hujus generis collecta sint: donec ante hos centum annos *Josephus Struthius* Polonus, quum viveret in Italia, subtilitatem illam circa pulsus Galenicam in lucem reducere visus est, conscriptis libris *Sphygmice artis*. Non potest vero negari, multa in opere illo satis docta reperiri, eumque præter illa quæ ex Galeno hausit, in cuius lectione versatissimus fuit, nonnulla etiam de suo adjecisse. Illum qui sequuti sunt, quamvis hanc doctrinam magni fecerint, nemo tamen eorum parem diligentiam adhibuit. Interim quam optime de iisdem scripsisse videntur * *Hercules Saxonia*, *Eustachius Rudius*, *Hieronymus Capi-vaccius* & *Alexander Massaria*, omnes Patavinæ scholæ magni nominis Professores. Antetredecim demum annos prodiit Ulmæ libellus *Samuelis Hasenrefferi* titulo *Monochordi Symbolico-Biomantici* &c. Non putamus vero operæ pretium esse vel integrum titulum ineptiis plenum, huc adscribere.

IV. Cæterum quid de hac doctrina in universum sentien-

sentiendum nobis videatur, paucis addemus. Primo enim recte existimamus dubitasse summi iudicii virum Johannem Baptistam Montanum, num etiam Galenus bene isthac tradiderit, quum omnia ipsemet vix videatur esse expertus. Deinde recte etiam idem iudicat, tanta subtilitate non esse opus, sed sufficere paucas admodum pulsuum differentias novisse. Quam sententiam juxta cum aliis etiam Senner-tus & Caspar Hofmannus nostri approbarunt. Ideoque ad
* praxin talis accurata pulsuum cognitio nullo modo neces-saria est. Quod si quis tamen otio abundat, in Galeno sic satis multa hac de re inveniet. Cumprimis vero observan-dum hic venit, causas pulsuum hodie longe magis esse per-spectas, atque veteribus fuerunt. Posteaquam enim circu-latio sanguinis innotuit, etiam unde pulsus proveniat, quid-que illud sit quod arterias moveat, non potuit non simul in-clarescere: nimirum non aliunde illum esse atque à sangui-ne ex sinistro cordis ventriculo in arterias protruso. Ideo-que quod Galenus occultæ & peculiari suæ facultati promo-venti, quam vitalem nominat, adscribit, id calido nativo mo-venti cor, & ex consequenti protrudenti sanguinem omne o-mnino unice attribuendum est. Acriter quidem doctrinam
* illam Galenicam jam ante sanguinis motum cognitum op-pugnavit Hofmannus. Verum utut de sanguine recte qui-dem senserit; ab effervescencia tamen ejus pulsum fieri, quod ille voluit, experientia minus est consentaneum. Reve-ra enim prout protrusio sanguinis in arterias aliter atque ali-ter se habet, sive ea in omnes sive aliquas tantum fiat; ad eun-dem etiam modum pulsum variare necessum est. Ideoque pulsus sæpe nos fallunt, neque ex illis in hac vel illa parte ma-le sese habentibus statim cor affici colligendum est, quum vitium illud sæpe non in corde, sed arteriis tantum de-liteat.

V. Porro inter signa morborum hodie à nonnullis primo loco habetur *Vrina*, adeo ut de toto morbo & eventu ejus ex solius istius inspectione se certi quid divinare posse multi arbitrentur. Quod autem hanc doctrinam attinet, in Hippocraticis quidem scriptis paucula duntaxat morborum indicia ex urinis desumpta reperiuntur. Galenus quoque nonnulla ex illis colligere solet, sed admodum pauca: ideoque etiam hanc doctrinam peculiari libro non exposuit, licet plerasque reliquas Artis partes singulis operibus sit persequutus. Similiter post Galenum diu neglecta fuit, donec quinto à nato Servatore seculo *Palladius Fatosophista Alexandrinus*, solito magis eam excolere cœpit, scripto de *Vrinis* singulari libro, quem Parisiis *Federicus Morellus* Latine à sese versum anno hujus seculi octavo edidit. Post illa tamen inspectio illa urinarum magis magisque videtur inolevisse, usque ad duodecimum seculum; quo *Actuarius*, Græcus medicus, septem integris libris operosissime omnem illam ipsam doctrinam explicavit. Interea tamen etiam apud Arabas circa inspectionem urinarum magna diligentia adhibita fuit. Ideoque hujusmodi argumenta haud pauca apud *Rhasem*, *Avicennam* aliosque invenire est. Ex quo ævo etiam extat liber Judæi cujusdam *Isaaci Aben Amram*, Latine versus à *Constantino Africano*. Post seculum duodecimum, Medicina Arabica in Europam translata, una cum Astrologia superstitiosa divinatio ex urinis etiam invec̃ta fuit. Ex quo tempore paulatim magis magisque incrementum sumsit, ut demum res ad summam pervenerit stultitiam. Quin immo nonnulli Paracelsicorum nova quadam ratione anatomiam urinæ instituere ausi sunt; distincta urina in caput, manus, pedes, thoracem &c. Cujus generis est ineptissimus liber *Joannis Rhenani* titulo *Urocriterii Chymiatrici*.

VI. Cæterum superiori seculo à nonnullis præclaris Medicis deprehensum fuit, multum fallaciæ huic divinationi inesse, ideoque etiam artificium hoc egregiis libris impugnari cœpit. Quos inter cumprimis legi merentur *Petri Foresti*, diligentissimi juxta ac doctissimi viri, de *incerto & fallaci urinarum judicio* libri. Multa etiam huc pertinentia leguntur passim in longe elegantissimis Epistolis *Foanis Langii*. Neque negligendæ etiam sunt *Euricii Cordi de abusu Vroscopiæ conclusiones &c.*

VII. Non negamus tamen posse interdum nonnulla ex urinis colligi, quæ partium quarundam affectus sic satis manifeste produnt. Ideoque quid revera ex illis peti possit, etiam optimi Medici est docere. Quod in genere non negligenda sunt, quæ peculiari opusculo doctè explicavit *Iodocus Willichius* titulo *Vrinarum probationes*: in quas extant erudita scholia *Hieronimi Reusneri*. Verum enim vero dubitandum non est, multa ex sudoribus & alvi excrementis æque colligi posse. Cæterum quum alia signa satis multa in promptu sint, ex quibus morbi natura clare cognosci queat; ad elegantiam Medici omnino pertinet, ad sordida illa nequaquam temere recurrere, adeoque ne quidem urinarum inspectioni facile se dedere, nisi summa demum exigente necessitate. Ideoque de hac pessima consuetudine extirpanda optime scribit *Bruno Seldelius*: *Hanc vitiosam consuetudinem vehementer optarim ab ipsis medicis emendari, neque enim ab aliis emendatio exspectanda est, neque etiam difficilis futura esset, si omnes in una civitate consentirent, imperitos rectius insti-*

1. de
morb.
incura-
bil. Pag.
15.

defutura essent, benedicente Deo curis atque laboribus medicorum, in re plana, aperta, justa, legitima, recta, & cum veritate consentiente. Qui etiam singulari libro illud ipsum est & persequutus.

Pag. 429. IIX. Fatendum sane est nonnullos, ex infima præsertim plebe, leviter tantum inspecta urina, multa eaque mira & quæ fidem pene superant, posse divinare. Verum certum est, aut fucum illos facere aut vero magicis artibus non minus esse instructos, quam qui ex solo hominis aspectu vel manus inspectione præterita & futura edisserere norunt. Ad quam classem etiam pertinent multi Judæorum; de quibus non possumus quin egregium quendam locum ex Epistola LXXI. lib. I. doctissimi Langii recitemus. Verum, ait, quid stemmate avorum generosus, & rara eruditione vere admirandus Comes Picus Mirandulanus, de Judæorum in re medica libris & peritia statuerit, vel tu diuturno (ut hospes refert) eorum usus commercio comperisti, nondum nobis significasti: quum tamen hæc scire Germanorum maxime intersit, quorum ut marsupia Judæi scænore, ita facultates corporis vitales medicamentis exhauriunt, ac experimenta per mortes agunt (discunt enim periculis nostris) Judæoque Christianum medicamentis occidere summa impunitas sit, quippe cum nulla lex sit, quæ in hac arte puniat inscitiam capitalem. Accedit ad hoc avaritia præsectorum & præsidum, qui accepto parvo tributo, data illis, qui Christum & illibatam ejus matrem virginem Deiparam blasphemant, majore quam Christianis immunitate, hos, ut mali pastores, non tondere, sed Hebraicos hos lupos, subditos ut oves deglubere permittunt. Pudet fateri, solos in toto terrarum orbe Germanos cuilibet apostatæ, sacrificulo, agyræ, carnifici, perfidoque Judæo, profitenti se medicum, corpus

corpus & vitam concedere. Quibus adjungimus illa quæ I. III. Epist. VI. idem Langius perscripsit. *His Theophile & Vlpiane arbitror vos convictos fateri, hæc superstitionum & idololatriæ scelera & in vestra Republica latrocinia, & ægrorum expilationes, non in illud divinum Dei donum Medicinam, sed in hominum vitia, sacerdotum avaritiam, & Magistratus indulgentiam, qua omnibus vel medicinæ imperitis, civibus impune mederi, & quodvis data pecunia, etiam Judæis cum vita Christianorum colludere liceat, ex urinæ inspectione de hominum salute, morbis, & imprægnatione false divinare, referre oportere.* Et tamen passim hodie in tanta sunt estimatione, ut Christianis Medicis viris probis & doctis sæpenumero anteferantur, neque solum ab imperita plebe, sed etiam ab illis, qui scelera illorum justa animadversione prosequi debebant. Verissimum enim est, quod in hanc rem magnus Crato præfat. operibus Fernelii præmissa scribit: *Sunt illi (Hebræi) apud rerum imperitos, hoc est, judices injustissimos, primi: & soli medicinam scire atque intelligere (cum non tam mederi, quam Christianos fallere didicerint) existimantur.* Itaque vere scripsit Agrippa: *Si magnus Medicus vis perhiberi, Hebræum te dicas.* Atque utinam quotidiana experientia proh dolor non testaretur, quam multi illorum nefandis artibus pereant, dum non solum veneno præbito, etiam summos Principes è medio sustulisse deprehensi sunt, sed etiam abortus provocant, fœtumque ante diem expellunt: ut scilicet stupra scortorum magistratum fugiant. Verum, ut recte post pauca subjungit Crato, *deplorare magis quam emendare seculi nostri miseria nobis conceditur.*

IX. Præterea vero ex *Lingua* in morbis acutis indi-

Ec 3

cia

cia quædam desumi possunt. Quæ de re nonnulla jam apud Hippocratem extant. Similiter etiam Galenus morborum naturam ex signis illis à lingua petitis interdum describit. Verum post Galenum hæc doctrina à plerisque Medicis plane neglecta fuit. Tantum paucos ante annos *Prothus Casulanus* Senensis, peculiari eoque elegantissimo libello hoc argumentum exposuit.

X. Atque hæc de signis illis, quæ tam *διάγνωσιν* quam *πρόγνωσιν* præbent, sufficiant. Ubi tamen monendum est, universam hanc Semeioticen egregie & magna cum laude tradidisse *Jodocum Lomium* in eximio opere *Observationum*, quæ propterea omnibus Artis studiosis quam maxime debent commendatæ esse. De Prognosticis scriptoribus tantum seorsim aliquid adjungemus.

XI. Hanc ipsam vero scientiam diligenti industria illustravit ipsemet Hippocrates. Pertinent enim huc libri ejus *Prognosticorum*, *Prorrheticorum*, *Coacæ prænotiones*, *Aphorismi* item magna ex parte, ut & *Epidemica*: Cum quorum lectione conjungenda sunt commentaria Galeni. Ex recentioribus in *Coacas* *Ludovicus Duretus*, & *Desiderius Facotius*, similiter doctissime commentati sunt: in *Aphorismos* præcipue *Jacobus Hollerius*. In quos etiam scholia non contemnenda extant *Leonhardi Fuchsi* & *Johannis Heurnii*, etsi ille pleraque ex Galeno transcripserit. In *Epidemias historias* lectu dignissimas annotationes scripserunt *Franciscus Vallesius* & *Hieronymus Mercurialis*. Vallesii certe scripta ipsi Galeno propter doctrinam præferri in haud paucis merito poterunt. Quanquam & *Sennertus* noster in colligendis Hippocraticis observationibus egregiam præstiterit operam. Cum primis denique legi merentur *Prosperi Alpini de præsagienda vita & morte* li-

te libri, utpote in quibus ars tota Hippocratica prædicendi, adjunctis plurimis novis observationibus continetur. Reliquos Semeiotices scriptores enarrare non est operæ pretium: præsertim quum illorum catalogum seorsim confecerit Joannes Schenckius, cujus compendium evulgavit Joannes Georgius filius. Quibus ita expositis ad Therapeuticam jam nobis sermo noster dirigendus est.

ADDITAMENTA.

I. ✱ *Sine quibus morborum cognitio non potest esse perfecta.* Nimirum Doctrina Semeiotica ad Pathologiam quoque pertinet, ejusque est pars: agitur enim etiam in ea de morbis. Est namque duplex morbos discendi & investigandi methodus: altera, quando enarratis symptomatibus, morbum quem quis cupit cognoscere, describimus ac veluti constituimus. Hæc locum habet in scholis, ubi morborum singulorum naturam scrutamur, docens postulatum morbum per sua symptomata & signa describere; Altera est, quando ex apparentibus signis incognitum nobis morbum investigamus, & occurrit in resolutione casuum, consiliis, consultationibus medicis; cum primis vero in praxi clinica locum habet, nosque id docet; Datis signis & historia morbi, quis sit affectus, eruere & pronunciare. Hac methodo utimur in individuo morbo cognoscendo; Illa in specie cujusque morbi describenda; hæc in semeiotica, altera in Pathologia proprie dicta, attenditur.

✱ ✱ *Quædam enim propria, quædam communia sunt.* Nemo hominum usque adhuc quod mihi constet, recte & pro rei necessitate hæc excoluit. Nam signa communia in triplici differentia sunt: Vel enim uni ac soli morbo competunt, sed non semper; vel semper quidem, sed non soli; vel nec semper nec soli. Quorum singula suos habent usus, & modum certitudinis, restricta licet ea sit; quæ in singulis morbis pervestigare atque

que ut sese habeant ostendere, magnæ foret utilitatis, prout, si vivo, in opere de Demonstratione medica, apertius aliquando sum ostensurus. Propria signa sunt, quæ uni soli semper accidunt morbo: sunt autem talia paucissimis sane morbis, singula quidem, ideoque reliquorum doctrina tanto magis est necessaria.

II. ✱ *Galenus itaq; primus* - Egerat tamen jam ante Galenum De Locis Affectis Archigenes, quod patet ex Galeno ipso, L. III. cap. 1. & 2. ubi dicit, ipsum reliquos omnes superasse: interim subinde refutat: suo more Libri vero Archigenis ad nostra tempora non pervenere: Idque forte quoniam à Galeni exactitudine factum, ut majus lumen minus absorberet.

✱ ✱ *Omnibus commendatissimo opere de locis affectis.* Sunt in illo opere multa profecto incomparabili industria ita explanata, ut nemini medicorum fas sit ea ignorare: dolendum tantum, quod methodo neglecta, multisque, ut auctor notat probe, alienis admixtis, aliis disjectis, libri illi deformati sint: Id quod nimis multis Galeni occupationibus adscribendum, ideoque condonandum est: Cum autem morbos admodum paucos hoc pacto ille expediverit, consultum foret ejus premere vestigia, & reliqua exsequi: id quod nemo ausus est præstare, ob ingentem rei difficultatem, nisi tamen Campolongus ille cujus in textu nomen legitur, exsecutus id fiet, quod mihi non constat. Scripsit quidem de locis affectis etiam Caspar Hofmannus, sed exiguum opusculum est, & infra expectationem, non tamen plane aspernandum. Judicium illius de Galeni hoc opere legitur ibidem, pag. 74. proœmio nempe, §. 6. 7. 8. ubi non placet, quod ex minutiis ansam capit eum perstringendi, cum de opere universo ferenda esset sententia. Sed ita placuit Hofmanno forte, sola libri illius vitia indicare intento.

✱ ✱ ✱ *Sed etiam futura prædicere docent.* Ad morborum curationem Futuri prædictio nihil omnino facere videri queat: qua igitur de causa commoti medici eam sibi doctrinam arrogaverint, dicendum quoque est. Dudum vero id fecit Magnus Hippocrates noster τῶν πρὸ γυνώσκων initio, item libro de diebus

bus Criticis & alibi: ex quo nunc breviter eam referemus. Primum igitur, cum quis tum præsentia, tum præterita, tum futura nosse omnia deprehenditur, maxima cum fiducia se ipsi ægrotantes committunt: quod quanti sit ad sanandum momenti, norunt qui virtutis imaginativæ vires intelligunt, & ejus rei viderunt exempla. Deinde, quæ prævidet mala, facilius medicus vel antevertere potest vel avertere: tela enim prævisa, quod proverbio fertur, minus nocent: utque turpius ejicitur quam non admittitur hostis, ita periculosius amolimur quam prævenimus in morbis symptomata: ex longo igitur intervallo prudens medicus ad singula consilium diriget. Porro si quis morbo succumbat, cum fieri non possit ut omnes ægroti valetudinem recuperent, ubi medicus prædixerit, extra culpam positum, apparebit. Nemo autem repertus est qui tantam ad hanc doctrinam excolendam attulerit diligentiam, atque fecit ipse Hippocrates: ut ex variis ejus scriptis patet, de quibus cum alibi jam sit actum, plura hic proloqui super sedemus.

III. ✱ *In scriptis Hippocraticis perpauca tradita reperiri.* An Hippocrates pulsum tetigerit, controvertitur. Theophilus, Græcus auctor, libro de pulsibus & urinis (an Philaretus) Hippocratem pulsus notitiam habuisse negat: cum tamen in libro de Humoribus post initium inter ea quæ medico observanda sint, recenseat pulsum, χρώματ' & μεταβολή, inquit, σφυγμοί, ψύξις παλμοί, &c. & VII. Epidemiorum: σφυγμὸς ἐν κρωτάφοισιν ὡς λεπτῆς δερμῆς allegatur. Item libro de alimento expressius: φλεβῶν διασφύξεις, καὶ ἀναπνοὴ πνεύματ' & κατ' ἡλικίαν καὶ σύμφορα καὶ διάφορα, καὶ νόσος καὶ ὑγείης σημεῖα. Libro porro citato Epidemiorum videtur ei spiritus nomine venire tum respiratio, tum manus pulsus: ut in historia Filii Balis, numero 12. Spiritum ad manum malus, non densus, neque magnus, Quo loco per spiritum ad manum malum non nisi pulsus videtur intelligendus. Ex hoc igitur & aliis ejusdem libri, Eratoli Filii Cidis, Polycratis unctoris, Menonis, Polemarchi historiis manifestum videtur esse, Ipsum motum arteriarum frontis appellare pulsum, manuum vero, spiritum; adeoque ex istis locis pulsum tetigisse Hippocratem, certum esse videtur. Non quidem est dissimulandum, cum librum VII. Epidemiorum, tum de Alimento

inter spurios à nonnullis haberi, & cum liber de Humoribus (quod modus dicendi protenus declarat) cum libro de Alimentis ejusdem sit auctoris, eandem eum censuram sine dubio incurrere: Tametsi vero ita est, sunt tamen Hippocratici hi libri, quamvis non sint ipsius Hippocratis: & vero habetur quoque *In aphorismis* de pulsibus aliquid, VII. videlicet 21. ἐπὶ ἰσχυρῶ σφυγμῶ ἐν τοῖσιν ἐλκεσιν ἀμαρῥαγίη κακὸν. Adeoque non plane ignotum fuisse temporibus Hippocratis pulsuum, ex his opinor constabit. Interim, cum tam rara fiat ejus mentio, atque obscuris adeo verbis qualitas ejus describatur, etiam hoc certum est, non multum de arte σφυγμικῇ tum Hippocratem ceterosque medicos tenuisse, adeoque & explorandi causa quo in statu sit morbus & naturæ robur, raro vel nunquam eum tetigisse. Ejus vero loco ipsis fuit respirationis observatio, quam Hippocrates sane majoris semper fecit quam pulsuum. De eaque quam fuerit sollicitus, ex aliis libris Epidemiorum, præcipue vero ex historia Philisci, uxoris Dromeadae constat, uti & ex prognosticis, & Galeni libris de difficultate respirationis. De pulsu plura testimonia ex Hippocrate congeffit *Laurentius Bellini*, in nupero scripto de pulsu: quicquid tamen se jaçet, non persuadet suis illis locis Hippocraticis, eum adeo multum ad pulsus attendisse: uti nec in aliis illud opus suum expectationem explet, sed exigui est momenti.

III. ✱ *Interim quam optime de iisdem scripsisse videntur.* His accensendus etiam est *Ludovicus Mercatus*, Medicus & professor primarius in academia Soletana, postea etiam Regum Hispaniæ Philippi II. & III. Archiater, qui amplo volumine de pulsibus perscripsit: Pintia impressum est anno MDLXXXIV, & recusum Patavii MDXCI. Tametsi vero hic auctor magna diligentia doctissime omnia prosecutus est, in multis tamen non potuit veritatem attingere, ob illorum temporum infelicitatem, quo de pulsus natura & causis nihil certi constabat. Hinc multas inutiles, & hodie prorsus supervacaneas quæstiones immiscet. Laudem interim non vulgarem meretur in eo, quod singulorum morborum pulsus parte peculiari consignare cepit, quod opus imitandum est & perficiendum. Cæterum

ita fuit Galenō addictus, ut alicubi his verbis utatur: *Quam procul dubio sententiam, nisi Galenus protulisset, ego existimarem omnino falsam.* Ex quo apparet, in quanta tum temporis fuerit Asiaticus apud viros doctos auctoritate.

IV. ✱ *Idoque adpraxin talis accurata pulsuum cognitio nullo modo necessaria est.* Imo non modo non necessaria, sed etiam vana est magna pars doctrinæ illius Galenicæ de pulsibus. Tactus enim nostri organon, quia non immediate arteriam tangit, quamcunque etiam exercitationem ac diligentiam adhibeas, subtiles istas differentias si quando occurrerent, internoscere non posset. Merito vero de iis an unquam occurrant dubites, prout quisque qui causam & originem pulsus probe expendit, facile perspiciet. Bene multæ etiam illarum, imo dixerim præter simplices ac primarias illas propemodum omnes, ex iis de principio pulsus hypothesebus sunt natæ, quas manifestæ falsitatis licet hodie convincere. Ex quibus non excludo pulsum formicantem, serratum, caprizantem, & similes. Quas præstantes in arte viri & exercitatissimi etiam medici post Galenum percipere non potuerunt, quicquid etiam in scriptis eorum nonnunquam extet; id quod satis aliunde constat. Denique si omnia recte se haberent, nullius tamen forent usus. Quæ enim inde prædicere conatur Galenus nulli innituntur fundamento, nullam cum ipsis illis pulsibus connexionem habent. Ut fidem habere iis prorsus nequeam, quæ de Chinensium medicis ab orientalium rerum scriptoribus referuntur: ex solo pulsus tactu ipsos omnes causas, etiam externas & fortuitas, totiusque morbi decursum, omnia accidentia, quorum etiam nullum amplius apparet vestigium, cognoscere, & ægris atque adstantibus posse enarrare. Pugnant enim hæc adversa fronte cum recta ratione, & ex historia motus cordis vanitatis manifesto possunt accusari: ita ut vel clanculum hæc medicis fuisse antea comperta, vel callido artificio expiscata, vel denique malis artibus ac magicis incantamentis Dæmonibus extorta, planissime pateat. Frustra igitur se torquet, & Europæis medicis insultat auctor anonymus eruditissimi libri de Veterum cantu & viribus rythmi, (quem Isaacum Vossium esse constat) ubi oppro-

brio iis vertit, quod non ad Musicas leges pulsus describant. Quod enim natura ipsa ignorat, efficere illi neutiquam tenentur, imo sine peccato & errore maximo plane non possunt. Sed cum doctrinæ illius Chinesium de pulsibus præcipuam partem Europæis nostris Clarissimus vir Andreas Cleyerus, Societatis Batavicæ orientalis proto-Medicus nuper communicaverit, ex qua vanitas hujus rei apertissime perspicui potest, nos nihil addimus, sed Lectorem ad anni MDCXXCV. Ephemeridum nostrarum appendicem ablegamus, ubi ista legere serioque expendere datur.

* * *Id Calido nativo moventi cor* - - Ita auctor ex sua sententia, quæ tamen neque ipsa hodie amplius locum habet. Talem enim motum, qualis est cordis, calor innatus neutiquam potest efficere: Etenim vero musculum esse cor, & motum ejus in contractione fibrarum consistere, post Loweri librum lectum nemo amplius dubitat: quicquid etiam fiat de principio movente: quod insitum esse, non influere, docent embryones imperfecti, in quibus ante cerebrum absolutum pulsare deprehenditur: quemadmodum & corda frigidorum animalium quæ pectoribus erepta, omnique cum cerebro commercio privato post horas integras palpitare non desinunt. Quamvis ab influentibus per nervos spiritibus in adultis deinde videatur omnino magnam partem pendere: cum mutationes pulsus vix aliunde possint derivari.

* * * *Sive id in omnes, sive aliquas tantum fiat.* Hic etiam vir Doctissimus videtur à recta via nonnihil deflexisse: non enim potest in alias arterias aliter sanguis pelli, cum per Aortam æqualiter dispensetur, & à sequente perpetuo pulsu æque urgeatur omnis. Quod si quando accidit unam fortius præ reliquis pulsare, (quod palpitationem medici appellamus) id fit ideo, quoniam pars illa ossea & immobilis reddita est: cujus rei observationes practicæ fidem faciunt.

VII. * *Qui etiam singulari libro illud ipsum est persecutus.* Quod vehementer adeo viri summi, antecessores nostri exoptarunt, id nos hodie pene sumus consecuti. Si enim infimam plebem & ignaram rusticorum gentem excipias, pauci supersunt hodie

hodie qui credant id quod majores sui habebant persuasissimum: Imo his locis paulo elegantiores non modo, sed & mediocris conditionis homines vix audent medico qui in existimatione & celebritate quadam vivit, sine præfamine vel excusatione aliqua urinam inspiciendam obtrudere: mihi saltem tam raro a talibus offertur, ut poscere sæpe necesse habeam. Satis itaque jam repressa, & communi omnium medicorum consensu explosa est temeritas ac dementia audaculorum, qua imponere imperitis rerum & emungere pauperculos pecunia consueverunt: Experimentis autem debemus, quod naturam urinæ & coloris ejus causas feliciter queamus interpretari: multaque hoc lumine accenso, evanescunt velut umbræ fallia dogmata. Primus restituisse nobis hanc rem *Sennertus* videtur, quod nemo accuratius quid prædici ex urinis liceat, proposuit. Nam quæ *Gothofredus Mæbius* superaddit, perpauca sunt, & ex parte falsa: præsertim quæ habet de urinæ compositione: quam multo rectius nobis nuper manifestavit *Laurentius Bellini* in operibus à doctissimo Bohnio Germaniæ communicatis: cujus doctrinæ mea quoque experientia perpulchre suffragatur, quam mihi dudum febricitantium urinæ examen eodem fere modo institutum peperit: Id tamen miror, quod à sale albedinem urinæ vult oriri, cum Lixivia prorsus contrarium ita doceant, ut nulla amplius relinquatur dubitatio. Hujus vero lectioni præmittenda est veteris cognitio doctrinæ, quam quis vel ex *Sennerto* petere potest, vel si non multum adeo temporis ei velit impendere, ex *Joannis Vassæi* Meldensis, medici Parisini libello de *Judiciis urinarum*, qui Venetiis prodiit MDXLIX. Egregie sane is juvat memoriam, dum omnia urinæ accidentia, tanquam in tabula, brevissime oculis subjicit, juncto succincto ac perbreui commentariolo; ita ut in hac parte non exigua cum laude sit versatus.

X. ✱ *Atque hæc de signis illis quæ tam diagnosin quam prognosin præbent, sufficiant.* Miror equidem, hic auctorem tam cito filum abrumpere, cum mihi superesse videatur magna semeioticæ doctrinæ pars, quam intactam prætermittit. Nimirum universum symptomatum genus omnino huc pertinet: quod ex

definitione quam ad Galeni sementem supra produxit, patere potest, ubi dixit, *signum esse quicquid ab aliquo tanquam a causa procedit*. Sunt enim ejus generis symptomata prorsus omnia, tam actionis læsæ quam excretorum, & qualitatis mutatæ. Hic autem, si unum pulsum excipias, qui ad actionum symptomata referendus est, & Linguae inspectionem, quæ ad qualitates mutatas spectat, nil præter excreta adducuntur, adeoque minima dicendorum pars exposita est: Certe actionis læsæ symptomata nobis & Loci affecti, & morbi ipsius & causarum notitiam largiuntur: per reliqua statum fere tantum naturæ ac robur ad morbi magnitudinem conferre possumus, temporaque pernoscere. Confer quæ ad §. VI. capitis præcedentis notavimus, nam hæc pro rei dignitate ubertim exponere hic non est locus: neque quenkumque qui hoc argumentum ex instituto prosecutus sit, commendare possumus, cum practici id negotii sibi pene solis sumserint cum pathologia reliqua perficiendum. De sudore autem, quæ huc pertinet, satisfecerit *Julius Caesar Baricellus*, in libro de Hydronosa natura, quam supra etiam ornavimus encomio.

XI. * *Quibus ita expositis &c.* Antequam hanc partem deseramus, monendum se nobis offert, ad eam etiam pertinere doctrinam de Crisi & diebus criticis. De quibus illud in scriptoribus nostris desidero, quod satis improbe quidem ea quæ huc spectant enarrent, sive potius ex Græcis transcribant fideliter, interim de suo nihil addant quicquam, nec quomodo ea sese habeant in nostris regionibus moneant. Ubi profecto apparet omnibus medicinam facientibus, crisin multo hic esse quam in Græcia, ubi illi vivebant, rariorem; signa vero etiam criseos, qualia describuntur ab istis, vix unquam apparere cernimus, convalescere tamen ægros, si ipsi cum medico & adstantibus officium faciant. Novi quid nonnulli respondeant: nos hodie sæpius turbare crisin, frequentiores visuros, nisi intempestivis sudoriferis aliisque, naturæ conatibus obstaremus: in qua sententia etiam Amplissimum auctorem nostrum olim esse meminimus. Et est quidem sua cuilibet nunc in acutis curandis methodus ac ratio, ut id accidere aliquando non sit negandum:

An

An autem in vitio id sit ubique ponendum; ego semper dubitavi: si quis enim nihil agat aliud quam crisin expectet, naturæ sola diæta subveniens, (quam fuisse methodum Hippocraticam ex ejus scriptis ad oculum possum ostendere) natura vero, in his frigidioribus regionibus minus ad id disposita, non intendat eam, protenus sua expectatione frustrabitur. Constat autem rarissime eam eò ire, nec nisi in illis fere, qui natura vividiores, sinceri sanguinis incendium patiuntur. Si quis igitur, non expectata crisi eandem noverit antevertere, morbumque citra ipsam expellere, multo rectius mihi videtur facere, quam si rem dubiam expectando, præcipitem occasionem dimittat; cum in acutis omnis cunctatio sit periculosa, crisis autem, etiamsi tandem accidat, tamen imperfecta sæpe deinde comperiatur adeoque perniciofa. Cæterum ne quis putet ab intempestiva potius medicamentorum exhibitione quam natura sanguinis nostri rariores provenire crises, legat mihi Sydenhamium, qui idem urgens, plerumque morborum spectator potius quam actor est, adeoque ab hac culpa unus saltem vacat: & observet an frequentiores quam nos observamus, crises commemoret. Nolo jam in dierum criticorum causas & rationem pluribus inquire, quæ quam sint vanæ, & ab omni ratione alienæ, quotquot etiam hæcenus prolatae sint, satis ex se patet; quicquid etiam de iis fiat, aut in Græcia olim sit factum: De crisi interim & *Senner-tus* prolixè commentatus est, & plusquam videtur esse opus, & *Andreae Laurentii* elegans opusculum habemus: in quo id laudes cumprimis, quod ex Epidemiis Magni Coi exempla arcessit, quibus assertionibus suis faciat fidem: Utinam & nostrates, more illius Divini senis, de acutis magis essent solliciti, & exempla itidem atque historias adderent suas, ut ex multorum experientia certi quid de nostrorum morborum conditionibus tandem colligi possit: ex propria enim eaque sola nemo quantumvis senex, & qui vitam inter experimenta transegerit, id facile præstiterit.

CAPUT VII.

DE

STUDIO THERAPEUTICO EJUS-
DEMQUE OPTIMIS SCRIPTO-
RIBUS.

THESIS I.

HIs ita haecenus traditis, ad tertiam Artis partem, quæ duabus illis expositis magis ipsi propria est, deveniendum. Est autem illa doctrina Therapeutica. De qua initio statim monendum, duplicem illam esse, aliam universalem, aliam particularem. Et universalis quidem in genere tantum docet, quomodo curatio institui debeat, quidque ad eam requiratur: ita tamen ut ad specialia non descendat. Huc pertinet Methodus medendi generalis. Quam *omnium primus peculiari opere complexus est Galenus*. Quamvis enim nonnulla more suo nimis diffuse tractaverit, multa etiam particularia admiscuerit; meretur tamen ab omnibus attente legi, præsertim quoniam ad particularem methodum medendi multum facit. In quod opus superiori seculo doctissima commentaria *Fabius Pacius scripsit*, rariora tamen inventu.

II. Post Galenum sive Græcorum sive Latinorum sive Arabum Medicorum veterum vix quisquam universalem medendi methodum attigit, in particulari exponenda plerisque occupatis. Reperiuntur tamen nonnulla, sed pauca, huc spectantia apud *Avicennam* & *Averrhoën*. Verum ex recentioribus magnam operam in universali hac methodo exponenda collocarunt *Franciscus Vallesius* & *Ludo-*

Ludovicus Mercatus uterque Hispanus, ita tamen ut Vallesio prima laus debeat. Ex Italis etiam varii in hoc genere sese exercuerunt. Inter quos primum nominandus est *Hieronymus Capiuaccius*, cujus Methodus medendi satis accurate conscripta est. Laudandus deinde venit *Michael Gavassetus* Novellariensis, cujus Methodus etiam præclara est, minus tamen artificiosa. Longe artificiosissime universalem hanc medendi rationem explicavit *Joannes Paulus Perrumia* Patavinus, adeo ut ipsi Galeno palmam fere eripuerit. Opus certe ejus eximium est ac vere aureum; nisi quod nonnulla adhuc in eo possint desiderari: quæ si quis adjiceret, vix illi par hac in re inveniretur. Similiter quanquam compendiosius hanc doctrinam tradiderunt *Johannes Fernelius* & *Leonhardus Fuchsius*. Reperitur quoque inter Germanos *Nicolaus Biesius* Gandavenis & *Godofredus Steeghii* Amorsfortius; quorum uterque novam & artificiosam methodum, sed paulo aliter quam à Galeno factum, tradere ausus, laudem tamen commeruit. Interim pro tyronibus sufficiunt ea, quæ in *Institutionibus à Liddelio nostro* & *Sennerto conscripta sunt*. Quorum usibus etiam maxime accommodata erit universalis illa methodus, quam juxta cum particulari præ manibus jam habet Doctissimus *Jacobus Tappius*, Academiae hujus Senior.

III. Cæterum particularem singulorum morborum methodum longe plurimi iique optimi scriptores tradiderunt. De quibus antequam agere incipiamus, operæ pretium erit, id quod *primo capite* explicatum fuit denuo hic repetere, totam scilicet Artem nostram singulasque ejus partes partim super experientiam, partim vero super rationationem fundari. Quod ipsum in curatione morborum maxime locum habet. Deinde etiam monendum, de causis & natura morborum multa vulgo tradi solere, quæ for-

tassis rationi & experientia non omni ex parte sunt consentanea. Quod si enim examini subjiciantur, sæpe vel falsa vel saltem dubia esse deprehenduntur. Qualia de febribus cum primis plurima dici constat. Hinc sane fit, ut quicumque nostro seculo particularem methodum scribunt, quum receptæ morborum notitiæ unice innitantur, eique firmissime adhæreant, empiricis sese egregie deridendos præbeant. Quæ enim causa est, ut nonnulli doctissimi alias viri à communibus illis methodis recedentes, experientiam potius sequendam sibi existimaverint. Temere itaque methodis illis, utut receptis, rigorose semper non est innitendum; sed nonnunquam id quod experientia comprobatum fuerit, anteponendum. Nimirum experientia multos morbos & facilius & brevius sæpe nos docet curare, quam si eosdem juxta receptam curandi rationem tractare velis. In quibus morose præconceptas sententias rationesque sectari, quid aliud esset atque de industria ineptire? Inanibus profecto rationibus experientia repugnantibus uti, stultum est. Ideoque cuilibet observandum, quid usus doceat: quem empiricis illis sapenumero merito debemus; adeoque non simpliciter illa rejicienda sunt, quæ ab illis videmus in morborum curatione adhiberi: de qua re infra plura, ubi de simplicibus agemus. Hoc sane modo etiam illi qui tamen in verba magistri quasi jurasse videntur, à Galeno recedere non dubitarunt. Cum primis autem in curatione febrium Galenum deseruerunt Galli: Italis Galenicæ methodi observantioribus. Docet enim experientia, Parisienses cæterosque Gallos Medicos una venæsectione feliciter ut plurimum in febribus profligandis uti, quam Galenus non adeo commendavit. Quin longe compendiosiore via febres posse pelli, atque ille quam Galenus duobus libris ad Glauconem de Arte curativa, in quibus

bus circa febres curandi rationem potissimum est occupatus, tradidit; singulari libro fortassis luculente ex propriis observationibus aliquando ostendemus.

IV. In curatione itaque in universum omni morborum receptas methodos medendi nemo temere sequi debet, sed ut in reliquis Artis partibus, ita etiam hic quam maxime experientiam cum ratione conjungere, quin immo illi istam nonnunquam præferre. Quid autem ad veram & firmam, cuique tuto inniti possis, experientiam requiratur, accurate sciendum est. Quid ipsum quidnam exigit, tum ex Logicis discendum est, tum etiam *primo capite* aliquo modo à nobis ostensum. Neque vero est quod aliquem turbet, quod experientiam adeo commendemus. Ipse enim Galenus in particulari morborum curatione quam maxime eam laudavit & sequutus est; cujus tamen hoc in genere non nisi tres libri supersunt, *De medicamentis κατὰ τόπους*, *De medicamentis κατὰ γένη*, & *De venesectione*, quibus adjungi possunt & illa quæ ad Glauconem scripsit. In quibus omnibus tantum non totus occupatus est in recensendis medicamentis, & quidem ex empiricorum scriptis desumptis; quæ tamen sic satis diligenter explorat, deque iis judicium suum apponit. Id quod recte ab eo factum, à nobis etiam observari debet.

V. Habemus autem, ceu jam tum indicatum fuit, magnam copiam tum veterum tum recentiorum scriptorum, qui circa singulorum morborum curationem occupati fuerunt; variis tamen modis inter sese discrepantium. Namque ne *Hippocratica* quidem scripta uti alibi ita hic inter sese conveniunt: quod ipsum magno argumento est, à variis auctoribus illa esse confecta. Quamvis enim plurima huc pertinentia in eis reperiantur; modus tamen ipse curandi valde variat. Quapropter non temere etiam illa

scripta sequenda sunt. Post Hippocratem paucos antiquos habemus, qui morbos particulares curandos exposuerint: nisi quod Galenus in modo laudatis libris alios atque alios commendaverit, quorum tamen scripta interciderunt. Methodicorum veterum curandi ratio cognosci potest ex *Cælio Aureliano*, qui in multis Hippocratem reprehendere non veretur: Cujusmodi libri negligendi non sunt illi, qui ad accuratam therapeutices doctrinam aspirat. De singulis quoque morbis aliquid conscripsit *Cornelius Celsus*. Ex Empiricis porro habemus *Scribonium Largum* & *Marcellum*, qui curationes singulorum morborum per empirica h. e. experientia comprobata medicamenta tradiderunt. Qualia multa ex *Dioscoride* etiam petere licet. Cujusmodi libelli à variis Medicis Græcis, Latinis, Arabibusque similiter nobis relictisunt. Ex Græcis extant libri *Aëtii*, *Pauli Æginetæ*, fragmenta *Tralliani* & *Oribasii*; qui omnes de singulorum morborum curandi ratione egerunt. Inter Arabes hac parte magnum nomen invenerunt scripta *Avenzoaris*, *Rhasis*, *Serapionis*, *Joannis Mesuæ*, *Haly Abbatis*, *Isaaci* & *Alsabara-vii.*

VI. Post seculum à nato Salvatore tertium decimum ad sextum decimum usque præclari scriptores hoc in genere exstiterunt: quorum præcipui atque omnium optimi hi sunt. Et siquidem ætatem spectes, *Gentilis de Fulgino* primus est: at si doctrinam, præferendus ipsi venit *Valescus de Taranta* Gallus, cujus doctum librum titulo *Philonii* jam supra commendavimus. De quo illud monendum est, editionem Germanicam castratam esse, antiquam autem sive Gallicam, raram tamen repertu, longe meliorem. Cui suppar pene est *Bernhardus de Gordonio*, itidem Gallus, cujus *Lilii* itidem jam meminimus. Quo tempore in Anglis potissimum excelluerunt *Gilbertus Anglicus* & *Joannes*

annes de Gadesden; quorum ille *Rosam Anglicam*, iste *Compendium medicinae* composuit. Vtrumque autem perdoctum scriptum est. Inter Italos porro permulti reperiuntur, qui præ aliis laudem videntur mereri. Ex quibus primo loco collocamus *Bartholomæum Montagnanam Patavinum*, cujus doctissima Consilia extant. Nec multo inferiorem laudem invenerunt *Antonii Cermisoni* & *Hugonis Senensis Consilia*. Clara item sunt & multa eruditione referta *Practica opera Joannis Michaëlis Savanorolæ Patavini*. Sunt & alii, sed qui minorem laudem invenerunt. Quos inter tamen legi omnino etiam meretur *Petri de Bayro Taurinensis Enchiridion*, quod vulgo *Veni mecum* appellatur, scriptum perdoctum. Hi sunt præcipui illius ævi Practicorum: qui quamvis barbare scripserint, negligendi tamen nequaquam sunt. Ad quos tamen adhuc referendus est, qui quasi empiricam curandi morbos rationem tradidit *Guilielmus Varignanus*; cujus liber titulo *Secretorum* verissimis auctoritatibus illustratus ad multorum morborum curationem valde juvare nos potest.

VII. Cæterum post annum millesimum quingentesimum tota curandi ratio plane aliam faciem accepit, in varias sectas ipsis Medicis divisis. Principio enim alii Galeni vestigia observare maluerunt, alii Arabum, alii novam illam eamque perniciosissimam viam, quam Paracelsus instituit, sequuti sunt; alii aliam denique curandi rationem elegerunt. Deinde observandum, etiam secundum nationes discrimen esse factum, quod quædam huic sectæ, quædam alii addictæ essent. De quo *capite tertio* integris aliquot thesibus egimus. Notandum præterea & hoc est, inter Medicos illos qui ab illo tempore Artem excoluerunt, alios methodum omnium particularium morborum curandorum sibi tractandam sumpsisse, alios in quibusdam

tantum, iisdemque paucis morbis occupatos fuisse. Et posterio- rem quidem horum adeo ingens est numerus, ut à nobis enarrari nequeat.

IIIX. Quandoquidem itaque, ceu modo diximus, non omnes eandem curandi rationem obtineant, & proinde non omnes æque in eodem pretio haberi mereantur; necessum utique est, accuratum iudicium hic adhibere, quo probe à se invicem distingui possint, qui legendi præcipue sint nec ne. Ubi initio notandum inter omnes, qui vel experientia vel ratione vel utraque simul in curationibus suis peragendis inni- tuntur, potissimum cæteris anteponendos esse qui experien- tia & longo usu maxime valuerunt. Quod ipsum ex su- perius traditis clarum est. Quum autem porro non cuivis ad experientiam provocanti temere sit credendum, necessum est ut magister quem sequi velis, bonæ sit fidei, ut ipsi tuto assentiri possis. Vnde apparet eos esse reliquis præferendos, de quorum fide iustis de causis dubitari nequit, quique nec mentiri, nec arcana sua nimium jactare solent. Quod qui non faciunt, istorum utique auctoritas non magni debet esse pretii. Quo vitio quum potissimum laborent Herme- tici sive Chemici vulgo appellati, licet in illorum scriptis multa præclara & egregia medicamenta reperiantur, fidem tamen eruditorum, quam plane videntur decoxisse, inveni- re non potuerunt. Quocirca in omnibus auctoribus hæc cum primis observanda veniunt, ut scilicet exploremus num iudicio valuerit nec ne, usumne & experientiam multam si- bi comparaverit, & denique qua fide etiam sua scripserit. Quibus quidem dotibus quum veteres nonnulli insignes fue- rint, etiam illi præ reliquis eligendi sunt; ita tamen ut ex post sequutis non defuerint, qui iisdem virtutibus excellue- rint.

IX. His igitur in genere præmissis, ad præcipuos qui
à se-

à seculo decimo sexto vixerunt Medicinæ magistros recensendos nos conferimus. Narrabimus autem primo eos, qui omnium in universum morborum curationem tradendam sibi sumpserunt, deinde adjungemus illos, qui de his vel illis morbis præclare & justo ordine scripserunt: observato illo ductu, quem hætenus semper sequuti fuimus.

V. Vt igitur ab Italis, qui Artem omnibus aliis nationibus longe majori industria & numero excoluerunt, exordium faciamus; inter illos qui omnium morborum curationes tradiderunt, primo loco merito collocandus est *Alexander Benedictus Veronensis*, vir medendi peritissimus, quique magna valuit experientia. Cujus Practica jure habenda in pretio, quod & multa medicamenta ab illo observata & felici cum successu adhibita, quæque apud alios invenire non licet, exponat. Quibus & hoc addendum, quod in multis à Galeno secesserit, verbis antiquorum non ubi-vis superstitiose sese adstringens. Ex parte idem præstitit *Antonius Fumanellus* itidem Veronensis & vir doctus, quique multa etiam ab aliis neglecta habet. Vterque autem ante hos centum amplius annos vixit. Recentior est *Andreas Cæsalpinus Aretinus*; cujus Praxis titulo *Speculi Hippocratici* hoc præcipuum habet, quod curandi rationem quam maxime ex Hippocrate sumpserit. Fuit autem vir ingenii acutissimi, exquisiti judicii, experientia præterea insigni præditus, & Philosophiæ Peripateticæ insuper addictus, veritatis denique amantissimus. Magni porro nominis inter Italos fuit *Donatus Antonius ab Altomari* Neapolitanus, vir insignis & integerrimus; nisi quod Galeni vestigia nimium videatur sectatus, adeo ut ab eo vel latum unguem vix discedere ausus sit. Ejusdem plane notæ est *Alexander Massaria* Patavinus, homo doctus quidem, sed qui nimis superstitiose Galeno

leno fuit addictus, adeo ut nemo Galeni fuerit studiosior, ejusdemque simul methodi peritior. Ideoque etiam Galenica curandi ratio ex eo ipso quam optime peti potest. Quo tempore in eadem Academia Praxin medicam elaboravit *Hercules Saxonia*, simili propemodum superstitione Galenum sequens. Eadem pene tempestate insigne nomen impetravit in eadem schola *Hieronimus Capiuaccius*; qui methodo suæ ita est addictus, ut experientiæ locum nullum dederit, receptæ curandi sententiæ unice innixus. Majori libertate, ingenio & judicio omnes illos superavit *Hieronimus Mercurialis* Foroliviensis, vir plurimæ lectionis & Medicus præstantissimus. In quo hoc singulare fuit, quod lectionem Græcorum cum Latinis, Arabibus, Barbarisque Medicis conjunxerit. Ideoque etiam eodem ad omnem veterem medicinam manu ductore uti possumus. Num vero pari felicitate artem fecerit, in diversa de eo scriptorum sententia definire nobis vix licet: Ex scriptis enim ejus illud ipsum percipere non possumus. Vterum sane sententiæ rectius ex eo peti possunt, quam ut quis eum in praxi imitari velit. Ante eum in schola Patavina floruit vir magnæ existimationis *Joannes Baptista Montanus* Veronensis, sed qui ipse nihil ferme edidit, quod aliquam mereatur laudem. Discipuli tamen ejus varia evulgarunt, quæ omnigenam artis peritiam ostendunt. Quædam enim eaque egregia ab Hieronymo Donzellino Brixienfi publicata sunt, quædam per Polonum quendam Valentinum Lublinum, minus elaborata tamen, & Montani nomine interdum indigna. Omnium optime Consilia ejus, profecto præclarissima, à Cratone luci data sunt, ut jam supra dictum. Sed & in eadem Patavina schola *Eustachius Rudius* sive Bellunensis sive Utinensis, tam de internis quam externis corporis affectibus dignoscendis curandisque, ut
prolixè

prolixè ita satis doctè scripsit: nisi quod & ipse more collegarum Galeno nimium fuerit addictus. Non possumus etiam non ex Italis commendare *Helidæum de Padoanis* Foroliviensem, qui tanta felicitate praxin exercuit, ut omnibus Italis suo ævo palmam præripuerit. Satis doctè quoque Praxin suam elaboravit *Dominicus Leonus Lunensis*, ut qui ratione & usu valuisse videatur. At magis ad methodum medendi universalem pertinet eruditissimum scriptum *De ingressu ad infirmos Julii Cæsaris Claudini Bononiensis*: cujus etiam Consilia extant, sed minori laude confecta. Majorem laudem promerentur opera *Roderici à Fonseca* Lusitani, sed qui in Italia vixit, hominis multorum medicamentorum periti. Nec denique prætereundus *Benedictus Victorius Faventinus*, cujus Medicationes Empeiricæ multum boni in se continent, ne quid dicamus de ejus Praxi magna. Atque hi sunt præcipui, qui in Italis avorum memoria cum laude Artem excoluerunt.

XI. Inter Gallos qui omnium morborum rationes tradiderint, pauci admodum reperiuntur. Extat autem Praxis Medica *Guilielmi Rondeletii* Monspeliensis; sed opus posthumum & quandum videtur, minus elaboratum, quodque non respondet expectationi, quam alias doctissimo scripto *De piscibus* excitaverat. Longe majorem laudem meruit *Joannes Fernelius*, vir experientissimus & magni judicii atque ingenii. Verum ille non tam singulorum morborum curationem nobis reliquit, quam methodum medendi generalem. Interim tamen libri therapeutici de compositione medicamentorum omnibus sunt præferendi, qui tanta industria sunt conscripti, ut satis commendari non possint; ut quibus tuto fidem adhibere liceat. Super sunt quoque *Jacobi Hallerii* Medici itidem docti, & peritiæ insignis de Morbis internis libri, optimi sane & lectione cum-

primis digni: qui tamen non tam methodum medendi docent, quam remedia egregia suppeditant, utpote in quibus recensendis toti occupati sint. Commendanda autem est potissimum editio Parisiensis, adjunctis commentariis Ludovici Dureti. Præter hos duos vix quenquam (nec enim omnes moramur) per Galliam reperias, qui universalem hanc methodicam doctrinam pro dignitate excoluerit. Ex parte tamen huc referri potest *Gilielmus Ballonius*, de quo supra. Scripta certe ejus singularem diligentiam, judicium atque eruditionem, cum insigni experientia conjunctam sapiunt. Priusquam vero à Gallis discedamus, duo ad huc commemorandi veniunt. Alter est *Hieronymus Montuus*, ejus duo eximii libri huc pertinentes extant, quorum alterum *Anasceuen morborum*, alterum *Halosis febrium* indigitavit, magno judicio ex veteris ævi pariter & nostri scriptoribus collecti, quibusque fidere tuto possumus. Cum primis autem in pretio habenda est Halosis illa. Quamvis vero non adeo pridem in Gallia recusati sint isti libri, prior tamen editio omnino præferenda est. Alter est *Lazarus Riverius*, Monspeliensis quondam professor, ejus Practici libri cum Observationibus utut luculente ostendant, propria experientia non multa adeo illum observasse, sed ex aliis pleraque transcripsisse, cum primis ex Sennerto, licet id sæpe dissimulet; habet tamen etiam quædam propria non contemnenda. Quamquam multum commodi exinde nemo haurire possit. In veterum certe lectione plane est hospes.

XII. Pergendum nunc est ad Hispanos: inter quos nonnulli singulorum morborum curationem scriptis exponere cœperunt. Præ aliis vero excellit *Ludovicus Mercatus*, ejus perdocta extant volumina, nisi quod nimia mole laborare videantur. Habemus etiam *Petri Pauli Peredæ* egregia scholia in praxin non indoctam, quæ multa iti-

ta itidem egregia habet, ac merito meretur legi, *Michaëlis Joannis Paschalii*. Quibus annumerandi veniunt duo Judæi Lusitani: quorum alter est *Amatus* (qui se antea appellavit Joannem Rodericum Castelli-albi;) cujus Observationes extant, in quibus multa præclara ad artem facientia differuntur. *Verum plura conficta quam facta illum scripsisse, & interdum opiniones suas isto modo confirmare voluisse apparet: quem admodum Crato notavit.* Quem vere judicasse, juxta cum multis aliis doctissimis viris non semel etiam observavimus. Alter est *Zacutus*, qui non adeo pridem Amstelodami obiit. De cujus grandi opere Historiarum Medicarum idem judicium ferre licet quod de Amato modo protulimus. Multa enim exscripsit, plurima etiam effinxit, malaque fide sibi multa attribuit. Interim tamen scripta ejus variæ lectionis & doctrinæ plena, ut ex iis multa peti possint, quæ apud alios frustra quærantur. Uterque igitur non nisi cum accurato judicio est legendus.

Præfat.
in Fér-
nel.

XIII. De Germanis nostris nunc aliquid nobis narrandum venit: quo nomine tamen etiam Batavos comprehendimus, ut qui revera ad Germanicas gentes pertineant. Inter hos vero permulti sunt, qui in hoc argumento desudarunt. Quorum primo loco merito nominandus videtur *Leonhardus Fuchsius*, vir per totum eruditum orbem clarissimus, repurgata in Germania arte Medica ex Galeno desumpta, profligatis explosisque Arabibus: quo nomine tamen laudem plenam illum non meritum esse, jam supra notavimus. Cujus opera omnia revera docta sunt, licet à quibusdam parvi æstimentur. Per injuriam certe ex manibus juventutis vulgo excutiuntur, quum patrum avorumque ætate doctissimi quique tam Itali quam Galli Hispanique cum illo disputare conati fuerint: non utique id facturi, nisi præclara eum doctrina instructum

esse sibi persuasissent. Ex operibus autem ejus huc pertinet de Curatione liber : qui sæpius quidem passim recusus est , ita tamen ut postremæ editiones reliquis præferendæ sint propter novas fictas accessiones. In Batavis tamen longe clarius nomen hoc studio sibi peperit *Petrus Forestus* Alcmarianus , vir multæ lectionis & practicus felicissimus. Cujus opus Observationum insigne est , & omnibus ad praxin aspirantibus maximo potest esse usui. Sed inter Germanos præ cæteris ingens nomen adeptus est πολυπερότατος ὁ ἀρχίατρος *Joannes Crato à Crafftheim* Vratislaviensis ; cujus varia extant scripta Consiliorum , Epistolarum , aliorumque opusculorum , revera eximia & omnino lectu digna : quæ omnia junctim publici juris fecit *Laurentius Scholtzius* itidem Vratislaviensis ; Superest porro præclarum opus Consiliorum *Reineri Solenandri* Budericensis , Clivensium Ducis Atchiatris felicissimi , *Johannis VVieri* collegæ : qui propter medicamentorum plurimorum vulgo ignoratorum Peritiam potissimum magnam existimationem sibi conciliavit : licet in illo opere omnes morbos non persequatur. Cui omnino jungendus est *Christophorus Guarinonius* Veronensis quidem patria , sed qui in aula Rudolphi Imperatoris vixit : cujus Consilia ex media Philosophia deprompta in causis morborum pervestigandis pene sine exemplo extant. Tantum optandum , à mendis typographicis non ita foede essent corrupta , ut sæpe etiã mentem auctoris recte assequi non possis. Porro vero ex illis qui praxin reliquerunt , commemorandus venit *Felix Platerus* : qui medicamentorum copia abundat quidem , sed ita ut aliquem delectum merito desideres ; unde fit , ut lectorem potius deterrere , quam ad amorem sui incitare videatur. Interim tamen hoc præclarum habet , quod longe diversus & plane novum modum

modum, atque à plarisque aliis factum, observet. Extat quoque ejus opus Observationum, eximium quidem, sed de cujus fide interdum forte haud injuria dubites. Non parum etiam peritiam Artis auxit Praxis *Francisci Joëlis Gryphiswaldensis*: hoc nomine potissimum commendanda, quod vulgaria remedia, quorum ipse magnam experientiam habuisse videtur, maxime detegat, adeoque pauperibus & minus lautæ fortunæ hominibus summo opere inserviat. Quapropter etiam his nostris præsertim regionibus multum conducere potest. Neque vero laude sua defraudanda est Militaris quam vocavit Medicina *Raymundi Mindereri* Augustani, postmodum Bavariæ Electoris Medici; utpote quæ plurima nobilia remedia ex obviis petita, certaque experientia comprobata proponat. Extat etiam Praxis *Chemiatrix Joannis Hartmanni* Marpurgenfis, medicamentis Chemicis potissimum referta, in quorum præparatione satis eum versatum fuisse apparet. Num vero iisdem tuto uti liceat, non sine causa dubites; præsertim quum multi infelicem eum medicum fuisse referant. Cuilibet tamen artem facturo saltim propter medicamentorum illorum Chemicorum cognitionem ad manus esse debet, utut suspectæ etiam sit fidei; quo scilicet exigente necessitate inspicere possit: ut integer enim liber evolvatur, operæ pretium non est.

XIV. Restat ut tandem de Sennerto nostro aliquid dicamus, & libere quidem atque procul omni affectu. Sane Praxis ejus etiam ab exteris tanti facta est, ut bis in Gallia eam typis mandarint: quamvis admodum mendosæ sint illæ editiones. Habet autem primo hoc Sennertus, quod omnes pene morborum species, secus ac reliquis practicis factitatum, tractandas sibi sumpserit. Quapropter multa apud eum inveniuntur aliis prorsus indicta. Merito de-

inde etiam illud laudandum est, quod de singulis morbis suam sententiam exponat, & signa tam diagnostica quam prognostica identidem una cum modo curandi adjiciat, ita tamen ut singula seorsim & suo loco tradat; quæ vulgo admodum confuse solent exponi. Sed & illud laude dignum & quidem præcipue, quod medicamenta, quæ hodierno usu innotuerunt, indicet; nec Chemica solum sed & vulgari modo præparata adhibeat. Præclarum denique & hoc est, quod controversias circa morbos agitari solitas seorsim proponat, adjunctis etiam illis, quæ difficiliora in Artis usu occurrere solent; id quod ab aliis etiam neglectum est: ut vel hoc nomine omnibus cæteris anteponendus videatur. Verum enim vero tanti non est faciendus, ac si solus ille palmam omnibus præripuerit. Frustra certe sunt, immo injuriam ipsi faciunt, qui tanta superstitione illud opus colunt, ut nefas etiam existiment, ab ejus verbis discessum facere. Sane circa curationem multi longe melius versati fuere. Minime etiam existimandum, usque adeo omnia illum perfecisse, ut ab aliis nihil addi amplius possit. Et vero conferat quis tantum inter sese Sennertum & Mercurialem, de uno eodemque morbo agentes: ingens profecto discrimen deprehendet. Interim tamen & hoc laudandum, quod nulli sectæ sese mancipaverit; ceu jam *secundo capite* ostensum. Neque vero etiam hoc negaveris, æque absolutum opus practicum vix reperiri. Quicquid sit, ubi vis illud observandum;

Nullius addictus jurare in verba magistri,

Quid verum atque decens, curo, & rogo, & omnis in hoc sum.

XV. Hi itaque præcipui sunt, qui Artem præ reliquis excoluerunt. Jam differendum etiam nobis esset de iis, qui non nisi circa particulares affectus fuere occupati.

Verum

Verum quum illorum numerus pene innumerus sit, non est quod laborem illum aggrediamur. Quanquam tantum ex supra dictis constet, quid in lectione uniuscujusque observandum venit: ut ita illis non neglectis, quivis à judicio recte instructus per se facile quid sequendum quid minus, pervidere queat. Consequens jam est, ut de remediorum ipsorum doctrina differamus, initio à simplicibus medicamentis factio.

ADDITAMENTA.

I. * *Quæ duabus illis expositis magis illi propria est.* Jam supra monuimus, reliqua omnia, una methodo medendi & forte medicamentorum præparatione exceptis, veluti præcognita esse & extra artem posita. Hæc enim in solis præceptis tradendis occupatur, ad quorum normam in producendo opere, seu introducendo fine in subiectum artifici agendum sit, quo voto compos reddatur. Illa autem præcepta, ad finem quidem propriè attinentia, traduntur in Methodo medendi; præparandi vero medicamenta, in parte pharmaceutica. In hoc vero capite Practicos vulgo dictos scriptores auctor enumerat, duplici memorato ordine: uno illorum qui methodum medendi excoluerunt, altero illorum qui morborum omnium & singulorum curationem, omisis illis qui de uno tantum aut altero specialissime egerunt.

* * *Quam omnium primus peculiari opere.* De dicta methodo generali id interpretandum, uti de præceptis paucis & specialibus nonnullis capiendum quod dicit ipse Galenus de Hippocrate. *Se habuisse eum præeuntem, sed qui nec cujusq; indicationis dignitatem ad unguem finiverit, & quadam omiserit, obscureque plura pro antiqua dicendi brevitate sit interpretatus.* Quæ verba extant IX. Meth. Med. c. 8. ex quo juvabit & sequentia excerptisse: Hæc igitur

igitur dum doceo, adsis animo velim, illud habens in memoria, quod nec in aliis ullis curatio, quæ per methodum agitur consistat, nec alius ante nos quisquam omnia ordine definivit: quanquam etiam ab Hippocrate via est inventa, ---- qui omnem ad medicationem viam aperuisse mihi videtur, ita tamen ut ea curam diligentiamve ad absolutionem desiderent. Vide plura ibidem, si otio abundas: mire enim prolixus. Uti id quidem etiam de toto opere vere affirmaveris: Sed intercedit vir summi iudicii & in Græcorum lectione versatissimus, Janus Cornarius, qui Oratione supra citata ita censet: *Esse id maioris utilitatis quam ut paucis peragi queat.* Negari tamen id non debet, Juventuti quidem fructuosam adeo esse non posse ejus lectionem, peritiam enim artis requirit non vulgarem & iudicium usu subactum: practicis autem viris, qui feliciter artem exercere cupiunt, neutiquam negligendum, sed diligenti meditatione expendendum est. Non enim generales tantum habet regulas & intra speculationem consistit, sed ad rem transit Galeni industria, multaque particulatim persequitur, ut monet etiam auctor: In libro tertio & quarto agit de ulceribus omnis generis; libro quinto de Hæmorrhagiis, præsertim sanguinini sputo, indeque oriente tandem phthisi; sexto de vulneribus; octavo, nono, decimo, undecimo de febribus; decimo tertio & ultimo de tumoribus: ubi ea de his tradit, quæ si ignores, fieri non potest ut recte curationem instituas: & licet nonnunquam aberret à scopo, facile tamen id aliis maximi momenti monitis abunde compensat, ut neminem possit impensæ his operæ poenitere: Neque multa adeo emendari possunt, addi tamen nonnulla & excoli volunt, ut verum sit quod de Hippocrate dicit ipse Galenus, *L. VII. c. 2. citati operis: Hippocrates nobis omnium salutarium præceptorum semina præbuit, postulant autem, quæ ille reliquit, non malos agricolas, qui ea tum seminant commode, tum augeant, tum perficiant.* Atque utinam hodierni nostri postquam tantum his rebus ex felici causarum indagatione lucis accessit, insisterent viæ isti, & Methodum medendi generalem curatius excolerent, etiamnum enim licet dicere quod in eodem opere rursus Galenus: *Non cœu ea plane non esset inventa, sed veluti*
quæ

qua diximus desideret, venimus ad scribendum, nemine priorum qui eam methodum ante me absolverit, ante me invento: quando alii eam omnino non noverant, alii cum nossent, non potuere tamen quod defuit adjicere. Neque ab hoc me judicio deterret recentiorum plerorumque præpostere nimis lata sententia, quibus ita Galeni invisum est nomen, ut vel hoc unum si videant, satis existiment causæ ad rejiciendam quamlibet doctrinam: certum enim mihi id indicium est, nunquam hos attente eum legisse, aut si legerint, certe non intellexisse. Sed multos adeo in errorem hunc præcipites dedit partium studium, & inanis Helmontii auctoritas fefellit, qui inter alia nova excogitata dogmata, etiam methodum medendi invertere, & qua fuit in veteres medicos pariter & philosophos implacabili semper odio, ipsum methodi Galenici fundamentum concutere futili objectione est ausus: Falsum esse contendens, Contraria contrariis curari, quod tamen non à Galeno primum consignatum esse constat, sed ab ipso Hippocrate, diversis in locis, cujus summe studiosi volunt ejusmodi novatores videri. Verum enim vero, quicquid etiam superbissimus & superciliosissimus censor se moveat, nihil agit, nunquam enim aureos hos libros studiose & seposito præjudicio perlegisse videtur: adeoque idoneus hic judex haberi nequit. Quod ut perspicias, per Apollinem & Æsculapium, primos artis magistros, perque Galeni genium te, Lector, obtestor, ne te pigeat vel unicam inspicere hujus methodi pagellam, quæ est *lib. XI. cap. 9.* ubi profecto videbis, dudum ad ea quæ iste novator post plurima tandem secula illi objicit, dudum inquam ad ea ipsummet Galenum sufficientissime respondisse, iisque tanquam prævisis telis ivisse obviam. Addi, si placet, possunt, quæ Fernelius initio M. M. item monet, & si quid deest, ipse facile supplebis. Conveniunt nempe optime in Helmontium, quæ adversus Thessalum Galenus *L. 1. M. M. c. 1. & 2.* disputat: tantique est, quod ille objicit, *legisse eum quidem Hippocratem, sed non sub Magistro legisse.* Audiant hæc autodidacti nostri! cereis alis terram & maria supervolitantes, & metuant ad solem veritatis propius accedere: Audiant inquam, ut vanissime insuntos labores tandem relinquunt, & sub severa disciplina discant proficere.

II. * * *Jacobus Tappius.* Hoc opus ad umbilicum perductum à venerabili sene non fuit. Sed huc referendus etiam est *Joannes Heurnius*, vir undiquaque doctissimus, qui itidem methodum medendi generalem edidit, Lugduni exscriptam typis, MDXC, Galenum imitatus & presso secutus pede, ita ut, cum in *Methodo* is dixisset, præmittendos esse hujus lectioni libros quos de Compositione secundum genera & secundum locos scripsisset, hic noster in unum ea omnia contracta, tribus distinctis libris tradat, in quorum primo agit de variis medicamentorum generibus, & formulas in officinis usitatas edisserit: In secundo quæ cui convenient parti, ostendit: in tertio Methodum Medendi generalem secundum indicationes docet; verum id breviter, eleganter tamen, etsi Galenum, per quem profecit, & à quo omnem hanc libri sui rationem mutuatus est, vix nominare dignetur.

III. * * *Partim super experientiam partim super rationem fundari.* Notari merentur quæ de hac re idem *Galenus L. II. c. 7.* ubi, ait, *Inveniri quidem & ab experientia quid faciendum sit, ceterum Methodum medendi ex ipsa rei natura ordiri, atque ab ipsa quod sit conveniens, citra experientiam invenire, id est indicatione: itaque omnem Medendi Methodum sejunctam ab experientia procedere, nec recte eos facere, qui Logicam methodum empiricamque confundunt.* Quibus verbis, alibi de modo curandi per experientiam comperto, alibi per rationem seu indicationem, agendum esse docet: atque adeò *L. I. c. 4.* aperte ab hac sua translatione experientiam removet, & alio in loco de remediis per istam inventis se differere ait. Quod fecit *Libris de Medicamentorum simplicium facultatibus, & de Medicamentorum compositione.* Ex quibus omnibus duplex nobis curandi ratio exsurgit: una quæ Methodice per indicationes procedit; altera, quæ empirice: quarum, ultima non nisi in subsidium alteri utcunque venit, neutiquam sola amplectenda aut profitenda est; Nullus enim morbus sua methodo medendi caret: quam qui nescit in tenebris palpitat, nec quid agat intelligit.

* * *Quam Galenus non adeo commendavit. Vide tamen Meth.*

Metb. Med. IIX, 4. ubi sanguinem esse in diaria detrahendum præcipit, etiamsi plenitudinis signa non adsint. *Lib. IX. 4.* ubi ratione & experientia se didicisse ait in febre continua, sive cum, sive sine putredine sit, V. S. ad deliquium maximum esse remedium: uti & *cap. 5.* idem inculcat. His junge *Libri XI cap. 4.* ubi itidem eam commendat. Pueris tamen & senibus non convenire existimat, idque in universum quidem recte ita putavit, tametsi aliter se res habet in Gallia. Ab illa enim consuetudine quantum nostrates aliique abhorreant, notum est: utpote quibus raro in intermittentibus V. S. instituatur; nec sine ratione: uti ex adverso, quando pueris pertundere venam nemo audet, haut raro peccatur. Nam ubi abundant sanguine atque æstuant, omnino eam non est cur omittamus.

IV. ✱ *Tres libri supersunt.* Addamus quartum de facile parabilibus, ipsius Galeni monitu. *Tu igitur, inquit L. XIII. c. 6.* ô Eugenie, *quacunque methodo curandi explorentur, hinc discas.* Quæ experientia tantum deprehendit, ea in iis operibus, in quibus de medicamentis agitur, sunt collecta: uno, quod de facultate illorum inscribitur, altero quod de compositione, & tertio, de facile parabilibus. In quibus operibus ostendimus, quanam ex sola experientia, quanam ex sola ratione, & quanam ex ambobus inventa sunt pharmaca. Porro quod auctor dicit, ad ejus exemplum probe exploranda esse & dijudicanda hæc, id vero sedulo agendum: infinitis enim modis nobilior est per methodum curandi scientia quam illa empirica ratio. Neque est cur hodie cunctemur & tergiversemur amplius. Longe enim magis exulta pathologica doctrina est nunc, atque erat Galeni ævo, tot extantibus observationibus, quæ nos in causæ notitiam admittunt. Neque alia est ratio, quam obrem plerique omnes veterum, & ipse medicinæ pater Hippocrates, in remediis recensendis satis quidem diligentes sunt, sed sine omni ordine aut via certa procedunt, multaque incongrua & præter rem conjungunt; quam quia neglecta rationali methodo, ex antecessoribus ista exscribebant cœcu ductu. Legat quis Celsum, Aetium, Æginetam, cæteros, & verum esse quod assero, inveniet. Quemadmodum autem in

aliis impudentiæ signum est, nihil velle ignorare, ita & in medicamentorum operatione, præsertim in re herbaria, multa adhuc tam obscura sunt & recondita, ut oculatissimi auctoris hoc monitum haut frustra appositum esse, debeat videri. Vide quæ ad caput seq sumus addituri.

VI. ✱ *Guilielmus Varignana* -- Consimilis videtur recens scriptor *Leonardus Fioravanti, Bononiensis*, qui itidem plurima congeffit remedia: sed valde probo in hoc, quod superiori præcepto obtemperans, eadem secundum curandi regulas diligenter examinat: hinc recte etiam inscripsit librum: *Compendium secretorum rationalium*. Cui geminus est, ejusdem auctoris, *De Capricci Medicinali*, sed non ejusdem pretii: multa enim absona & satis à ratione aliena in eo leguntur.

VII. ✱ *Alii aliam denique curandi rationem elegerunt*. Neque defuere, qui Helmontianam sequi methodum sunt ausi, sed infelici admodum successu: cujus rei exempla quæ & ipsi vidimus, & ab aliis accepimus, præstat tacere quam in artis ignominiam propalare. Ut enim egregia Helmontius medicamenta invenerit, cum judicio præ ceteris seligenda, in quibusdam etiam morbis dijudicandis se non inepte gerat, Methodi tamen medendi generalis fuit ignarissimus: quod ex propriis ejus verbis, adductis in testimonium, licebit æstimare. Sic loquitur *Tractatu Natura Contrar. Nescia* §. XI. *Judicium practicum est genuina methodus medendi, non illa quam libri mutuati sunt à Galeno, non sine opprobrio & socordia: quasi nos, qui nunc vivimus tam illuminatum intellectum atque ille non haberemus, cum tamen methodum satis incertam & vacillantem compilavit. Quæ profecto stolidi sunt, & sine omni judicio practico prælata. Primum enim ridiculum est credere, omnes pariter medicos Galenum judicio æquare: Deinde si hoc ita esset, multa tamen Galeno experientia forte suggessit quæ juvenem medicum latent: Quod tandem dicit eum incertam & vacillantem methodum compilasse, id ex suo cerebro fingit, & si unquam legit ejus methodum, certe non intellexit: argumentoque est ipsemet luculento satis, non omnes medicos judicio Galeno esse pares. Idem patebit §. auctoris sequente quem si conferas cum dicto hoc Helmontii, videbis*
tantum

tantum eum Helmontio iudicio præstitisse, quantum lux clara meridie vespertinum crepusculum antecedit.

II. X. ✱ *Quam plane videntur decoxisse.* Distinguendum: Illi qui, cum primum hæc prodirent, chemici audiebant, plerumque homines erant bonarum literarum elegantia neutiquam exculti, nil nisi sua arcana crepitantes. In hos dicta ista optime conveniunt. Quin etiam doctis ac dogmaticis nonnullis, postquam operam his dare ceperunt, labes ista adhæsit: Nam de Quercetano, quam nonnunquam egregie sciat mentiri, constat. At qui postmodum, rationali artis methodo instructi, & lotis manibus ad sacra ista accedere, nec probant veterum errores, & ipsi de iis sibi quantum fieri potuit caverunt. Neque igitur de his unquam hæc voluit auctor intellecta: utpote qui ipsemet medicamenta chemica magno habuit in pretio, veros etiam chemicos ab ineptiis temperantes magnificet: ut Angelum Salam & ejus generum Billichium: neque ab illis studiis abhorruit, quod voluere nonnulli erudito orbi persuasum calumniatores: Contrarium enim & ipse testatur passim, & nos hisce oculis vidimus.

XI. ✱ *Lazarus Riverius.* Riverii praxis primum ipso in scio atque invito à discipulo ejus quodam, Stephano Plaquiere Parisiis edita est, anno seculi XL. Deinde ibidem recusa, ipso approbante, anno XLIII. Tum tertium in Batavis lucem vidit: constabat autem tunc solis remediis. Sed mox Lugduni Gallorum prodiit MDCLX. auctior theoria morborum & correctior, vivente adhuc & inspiciente Riverio: Ultimo denique Hagæ comitis, anno ni fallor LXXII. verum huic nihil accessit: uti nec illi qui Lugduni anno LXXIV. prælo denuo subjecta est. Prostant quoque universa ejus opera in Folio, Francofurti edita.

XIII. ✱ & ✱ ✱ *Georgii Hieronymi Welschii*, summi viri iudicium est in *annotationibus ad Walæi methodum medendi: Foresti & Joëlis remediis tuto fidere licet, cum Sennerti medicamenta nunquam felici successu tentata fuerint.* Quod, si de omnibus verum non est, de multis tamen affirmari potest. Finxit enim ex

proprio ingenio quæ tradidit composita Sennertus, non ex praxi didicit. At Forestus & Joel experti erant ea quæ mandabant literis & in praxi medica versatissimi. Non tamen etiam persæpe salutare medicamentum Sennertum commendare, dubitandum: saltem enim simplicia, & quæ ex aliorum experientia recenset, recte habent. Et quemadmodum Foresti remedia in angustiis constitutis sæpe ingens præsidium præstitisse, in praxi observavimus, ita Sennerti quædam etiam quandoque fuerunt auxilio.

* * * *Praxis Chymiatrica Joannis Hartmanni.* An chemicis ejus medicamentis tuto uti liceat, non est quod dubites, recto accedente judicio, cum in eorum præparatione eum fuisse satis versatum, etiam nostri constet testimonio. Neque quod infelix medicus fuit, hic potest obstare: Non enim medicamenta, sed ars, id est methodus medendi, facit artificem.

XVI. Hic finiente excellentissimo viro, nostrum jam est reliquos adjungere Therapeutices auctores. Ex recentioribus autem qui in methodo generali excolenda sese occuparunt, pauci admodum sunt. Imo præter unum *Joannem Walæum*, qui per egregiam illam de circulatione sanguinis epistolam notior est quam ut nostro indigeat encomio, vix quisquam occurrit. Est tamen hæc methodus sua epistola illa haut paulo inferior, ut vix ultimam manum ei imposuisse, ut ad editionem eandem elaborasse Walæum, existimari queat: potius nonnullorum privatis commodis dicasse videtur id operis, tradidisse vero per discursum, Ubi, ut solet fieri, materiæ quæ se offert, fecunditate sæpius abreptus, liberius differuit, non omnibus ad Critolai libram appensis. Multum itaque debemus τῷ πολυμαθεστάτῳ Georg. Hieronymo Welschio, quod libellum notis & animadversionibus exornare dignatus sit, sine quibus legi non debebat. Multum autem à Galeni methodo recedit Walæus, quin & alia insuper prorsus incedit via. Nam cum ille ad morbos potissimum curandos dirigat gressum, hic magis ad causas mentem applicavit: imo alicubi profiteri audet, à procatarctica curationem esse incipiendam, quam Galenus nunquam curationem ingredi

ingredi, aperte & rectius docuerat, paucissimos modo morbos excipias, in quibus si quando adhuc sit præsens, removen-
da est. Sed ut ad Galenicæ methodi excellentiam neutiquam
accedit, legi tamen omnino meretur, & expendi isthæc Wa-
læana: Multa enim nos commonefecit, de quibus alii non co-
gitarunt, quæque deinde nostratum nonnulli suis scriptis tan-
quam nova inseruere: ut spiritus animales ad chylicationis
opus in ventriculo obeundum concurrere, & similia. Specia-
lem medendi methodum diligentius excoluit præ primis *Tho-
mas Willis*, aliquoties nobis laudatus. Et quidem sic satis fe-
liciter, ut non inepte inscripserit libro isti titulum Pharmacæ
rationalis, quod idem fere est, ac methodus medendi, recte-
que etiam sic appellari liber iste potuisset: Eleganter enim
& ingeniose inquit in morbi cujusque naturam & causas,
& ex iis demum eruit methodi rationem, ostendens quæ
medicamina, & quibus viribus idonea sint malis tollendis; pla-
ne in hoc secutus Galenum, inscius licet fortassis. Quod
enim in Anglis plerisque omnibus merito desideres, sper-
nere ipsos monumenta antiquitatis & alto supercilio, pri-
usquam evolvant, contemnere, (quod partim præjudiciis
seducti faciunt, partim ex *αὐταρχία* quadam, fidentes nimium
egregiæ indoli) Id etiam de ipso haut raro affirmaveris: nisi tamen
(quod facere solere & Sylvium, supra monuimus) forsan dissimu-
lat. Interim non omnia tamen ad amussim: multa enim in illo ope-
re emendanda, multa addenda restant, aut ab aliis felicius explica-
ta sunt: uti non omnia possumus omnes. Sed ante ipsum fortas-
sis commemorandus erat modo nominatus, ex nostris Germanis
Franciscus de le Boe Sylvius, Lugdunensis ille celebratissimus doctor,
cujus itidem mentionem jam sæpius fecimus. Ejus primum
Praxeos liber primus & secundus lucem videre, de infimi ac me-
dii ventris agentes affectibus. Tertium de capitis morbis, vivens
ipse adjungere nunquam est ausus. Post mortem vero ejus,
cum reliquis operibus suis omnibus junctum Amstelodami edi-
tus fuit. Haut parum vero juit hic vir eximius rem medi-
cam istis suis meditationibus; non tamen triumviratu illo
suo

suo, sed aliis perpulchre excogitatis: præsertim vero in medicamentorum genere eminet, ita ut hodie plerique, etsi dissimulent, ejus præscribendi methodum amplexi sint. Ad hanc classem porro pertinet *Rolfinkii Medicina consultatoria*, æque ac de *Partionlaribus cognoscendis affectibus epitome*, ac liber *De affectibus capitis & thoracis disputationes practicae*, anno seculi LXVI. Trajecti editæ, magna pars eorum quos supra cap. V. enumeravimus. Addendus his foret *Wolfgangi Heferi Hercules medicus*. Verum cum is liber, prout in frontispicio ipse monet, potius locorum communium specimen exhibeat, quam methodum proponat, atque in enarrandis remediis ab aliis usurpatis totus sit, videtur potius ad eos pertinere, qui per experientiam curandi rationem docuere, de quibus actum est §. VI. Rectius autem fecisset hic auctor, si post XXIII. annorum quam jactat experientiam addidisset clarius, quæ ex illis remediis habuerit comperta, quæ non: sic enim liber, empiricus licet, multo tamen majore cum fructu legi potuisset. Et in hoc quidem ejus generis auctores peccant pariter omnes, quod in remediis ab aliis sæpe fando acceptis, vel exscriptis fideliter, acquiescunt. Id profecto inter desiderata in arte medica habeo desideratissimum, ut viri exercitati & cordati, qui in curandis morbis consenscunt, quid experientia sua confirmatum viderint eorum, qui ab auctoribus commemorantur remediorum, nobis impertiant, quidve expectationem fefellerit, satis enim superque nobis est medicamentorum, ita ut laboremus ubertate, selectioni igitur studendum non simplici collectioni: Hoc enim pacto futurum est, ut illa quæ memorata nobis est, per experientiam curandi ratio unice excolatur, adeoque habituri simus mox utramque viam expolitam & ab sentibus & offendiculis repurgatam. Ejusdem ordinis atq; Heferi liber videtur quoque *Grulingi Praxis medica*, nam is quoque in compilandis remediis suam præcipue diligentiam doctis probavit. Denique non hic tacendum est, nihil ad Therapeutice pertinentium absolutius prodiisse, quam quod sub incom-

incomparabilis auctoris nostri præsidio ex publica cathedra defensum prostat. Ut enim erat iis mediis instructus, quæ ex pathologicis ad hoc præstandum debent afferri, (nullibi enim excerpendi studium majus quam in pathologicis adhibuisseprehenditur) sic quomodo ex his eruenda esset methodus, ad unguem doctus fuit, utpote artis demonstrandi peritissimus. Operæ pretium igitur erit, ea omnia in unum volumen aliquando collecta, publicæ utilitati conservare: qua in re præstanda, ac pro virili promovenda, studium atque operam nostram, ubi placuisse hæc compertum habebimus, pollicemur. Restant quæ particulatim vel certum affectuum genus sunt profecuti, vel morbos singulos, ut adjiciamus. Sed isthoc laboris unicujusque propriæ industriæ relinquendum existimamus. Aliquos etiam jam tum qui huc pertinent ad caput V. addidimus; In reliquis Moroni Directorium & Waltheri sylvæ subsidio esse possunt, sub cujus umbram nos abscondentes, ac subducentes, ab hoc etiam theatro recedimus.

CAPUT IIX.

DE

SIMPLICIBUS MEDICAMENTIS IN
GENERE, QVOMODOQVE EO-
RVNDEM COGNITIO MEDICA COMPARA-
RI POSSIT, NEC NON EJUSDEM
REI AUCTORIBUS.

THESIS I.

VT itaque de Simplicibus medicamentis agamus, operæ pretium est nonnulla in genere præmittere, quæ ad universum illud studium scitu ac observatu necessaria sunt. Diffusum enim illud est, nec levem requirit industriam. Appellamus autem Simplicia medicamenta omnia illa fa-

nitatis recuperandæ auxilia, quæcunque sine ulla artificis ope sola natura produxit: ut perinde sit ac si nativa medicamenta nuncupentur. Neque vero propterea simplicia ea vocamus, quasi in singulis unica tantum insit virtus. Multa enim eæque diversæ vires sæpius in uno aliquo simplici reperiuntur. Ita v. g. in rosa virtus quædam est purgandi, adstringendi, refrigerandi, & aliæ: in absinthio similiter, & ita in reliquis.

II. Cæterum non unius generis sunt naturalia corpora, quæ inter simplicia medicamenta referuntur. Primo enim ex ipsis primis simplicibus corporibus quæ vulgo elementa vocantur, nonnulla huc pertinent; & quidem ita ut vel ipsa talia sint, vel quæ ex illis petuntur. Quo pertinent cum primis diversorum generum Aquæ & Terræ. Secundo multa medicamenta desumuntur ex corporibus mixtis sed inanimatis; eaque vel ex Metallis: quo nomine septem res veniunt: aurum scilicet, argentum, æs sive cuprum, plumbum candidum, quod stannum vulgo appellatur, & nigrum, ferrum, & denique argentum vivum. Quo etiam referri possunt omnium metallorum excrementa, qualia sunt scorix, cerussa &c. Vel ex mediis Mineralibus: qualia sunt omnia salia, chalcanthum, antimonium, vitriolum, arsenicum, auripigmentum, sulphur, alumen, nitrum &c. Huc etiam fortassis non incommode referri possunt Marina, ut bitumen, ambra, halcyonia, margaritæ, & omnia in universum ex mari petita. Lapidés item & gemmæ, & corallia: quanquam hæc ad plantas potius spectare videri queant. Porro multa eaque longe plurima ex corporibus anima vegetativa præditis in classem hanc veniunt. Quo pertinent omnia medicamenta ex Plantis desumpta: quorum numerus est ingens. Quædam enim plantæ omnibus suis partibus prosunt, quædam qui-

quibusdam tantum; & quidem ita ut vel folia, vel cortices, vel radices, vel semina, vel ipsa etiam ligna vim medicam habeant. Nonnulla denique ex ipsis animalibus desumi possunt: & vero vel integra animalia adhibentur, vel eorum partes, vel ipsa etiam excrementa. Quorum omnium indicem in vulgaribus istis pharmacopoliis taxatoriis libellis videri poterit.

III. Antequam vero de singulis differere incipiamus, notandum est, triplicem uniuscujusque simplicis medicamenti cognitionem haberi posse; vel Grammaticam, vel Philosophicam, vel denique Medicam. Et prior quidem illa notitia nihil aliud præstat, quam ut ea instructus unamquamque rem & proprio suo nomine appellare & ab aliis discernere possit. Huc etiam quadantenus pertinet scire locum ubi nascatur, unde quam optima afferatur, figuram etiam ejus, & similia. Vocari vero eam Grammaticam non immerito existimamus, quamvis mere talis non sit, quod sicuti ars Grammatica ex parte circa notitiam vocabulorum aut veterum aut recentium versatur quidem, ita tamen ut unum ab altero sensibus possit distingui; sic hujus nostræ de qua agimus cognitionis potissima pars in assignandis veris ac genuinis unicuique simplici medicamento nominibus occupata est. Qualem cognitionem quisque sibi comparare debet, ut ad usum medicum proxime & unice non pertineat.

IV. Alteram diximus esse Philosophicam cognitionem: qualis omnium rerum dari potest, ex quibus medicamenta petuntur. Consistit autem in naturæ singulorum scientia, quomodo generentur singula, quæve sint causæ omnium uniuscujusvis affectionum. Ita v. g. de thermis aliter Medicus aliter Philosophus agit. Hic enim causas caloris earum scrutatur, de quibus iste minime est sollici-

tus. Quamvis autem talis scientifica notitia oppido sit elegans, ad Medicum tamen quatenus quidem est Medicus propriè non spectat.

V. Medicam denique quam vocemus, per se patet. Quemadmodum enim in unaquaque disciplina & arte, illa cognitio necessaria est, qua quis novit, quantum hæc vel illa res arti suæ inserviat, adeoque ad usum quem sibi propositum habet faciat; ita Medico etiam simplicium medicamentorum cognitio illa necessario tenenda est, quæ tota in eo versatur, ut simplicia illa, in quantum usui Medico inserviunt, explorata habeat. Est autem illa notitia facultatum simplicium. Ita si quaratur ex. gr. an camphora calida sit an frigida, item an aurum spiritus possit refocillare, & similes quæstiones, Medico oportet perspectas esse, quicquid tandem de causa horum efficiente fiat.

VI. Quandoquidem autem res naturales simplices infinitæ pene numero sunt, sive aquas & terras, sive lapides, sive plantas, sive ipsa denique animalia spectes; quorum multa adhuc nos latent, multa etiam ad usum medicum nihil faciunt: utique facile apparet, horum in universum omnium cognitionem ne illam quidem, quam Grammaticam appellavimus, in Medico requiri. Quamvis enim notitia illa elegantem Medicum omnino ornet: ad perfectam tamen scientiam sola illa cognitione perveniri posse, falsum est. Frustra certe sunt, qui in illa cognitione tantos labores impendunt, plane ac si in illo totus rei Medicæ aut Philosophicæ cardo versaretur. Contra illorum simplicium medicamentorum, quæ usu jam explorata sunt, nomina Medicus teneat necessum est: tum ut circa illa rite versari possit, neve unum pro altero imprudenter exhibeat, tum ut veterum scripta recte etiam intelligat. Quapropter etiam operæ est pretium, illis tantum medi-

medicamentis uti quæ cognita habentur, & illa ipsa proprio suo nomine appellare posse: Multæ enim sunt ejus generis quæstiones, cujusmodi est illa quæ circa hyssopum agitur. Quod si itaque tale aliquod simplex occurrat cujus nomen non perinde nobis cognitum est, satius est illa usurpare, quorum virtutes certo nobis sunt exploratæ. Quo pacto autem ad cognitionem sive Grammaticam sive Philosophicam perveniatur, nunc disquirere nostrum non est: potius de cognitione Medica comparanda aliquid subjungemus.

VII. Quod autem notitiam illam Medicam attinet, jam tum notum ex superioribus est, duplici modo illam acquiri posse, experientia scilicet & ratione: & experientia quidem vel propria vel aliena. Quod alienam vero concernit, magna cautela opus est, ne seducamur, cum primis ab illis qui nescio quibus arcanis sese ostentare & imperitam plebem sibi conciliare student. Quod Chemicis ut plurimum maxime familiare est. Ideoque non temere omnia statim usurpanda sunt, quæ fortassis à glorioso tali empirico laudantur. Quo pater non nisi illis demum esse credendum, quorum fides sine causa non potest in dubium vocari: Non contemnenda tamen etiam sunt quæ ab hominibus minoris dignitatis interdum discimus: modo promiscue ipsis fidem non habeamus. Itaque optime consulat sibi futurus Medicus, si in adversaria sua, quæcunque vel lectione vel auditione de simplicibus acceperit, diligenter referat. Ita enim brevi tempore ad insignem notitiam pertinget.

IIX. De ratiocinatione, altero hujus etiam scientiæ principio, non idem omnes sentiunt. Multi enim per illam vires medicas indagari posse negant. Verum sane negari non potest dari methodum quæ per rationem vires

simplicium investigare doceat, quam etiam nonnulli excoluerunt, ut mox dicemus. Interim tamen qui experientia unice hic nitendum contendant, longe sunt plurimi. De singulis fusius agendum.

IX. Et vero ut de ratiocinatione prius dicamus, veterum quidem nemo de ea aliquid videtur novisse, empirica cognitione omnibus tantum instructis. Primus Galenus illud argumentum aggressus est opere *de simplicium medicamentorum facultatibus*. Quamvis autem præclarum illud opus sit & lectione apprime dignum; nimium tamen confidere illi nemo debet. In priores hosce doctissime commentatus est Franciscus Vallesius. Quæ enim contra eos à Sennerto aliisque varie disputata sunt, nullius sunt momenti. Ex recentioribus idem argumentum eleganter persequutus est Joannes Baptista Montanus, Fuchsius, & Fernelius: quem, cum primis autem ejus *librum quintum methodi medendi* cum accurata diligentia esse legendum omnibus edicimus. Doctissime quoque de hac re egit Andreas Cæsalpinus. Neque pauca etiam habet huc pertinentia Casper Hofmannus in opere *de medicamentis officinalibus*.

X. Verum enim vero ex recentioribus Paracelsistæ novam & veteribus plane incognitam explorandarum virium simplicium medicamentorum rationem monstrare conati sunt. Præcipue vero de viribus ex figura & colore divinare volunt. Verum quam frivolum illud quidem sit, jam tum à nobis ostensum est *lib. de Herm. Medic. II. cap. VII.*

XI. Longe verisimilius ex sapore & odore medicamentorum de viribus eorundem aliquid colligere licet. Quod ipsum præclare quoque est notatum Galeno. Verum ne illud quidem semper est usque adeo certum, ut non

* non interdum etiam fallere possit. Scilicet à calore nostro assumpta medicamenta non possunt non magnam transmutationem subire: quam proinde qualis futura sit, quidve illa à calore nostro pati possint, tuto definire, vix nobis licere videtur. Ideoque fortassis haud parum majoris certitudinis nobis suppeditari posset, si accurate observaverimus, ** quid simplicia illa ab igne humido & aqua pati consueverint. Longe certe probabilia argumenta exinde desumi possunt: utpote quum calidum nativum nostrum sit itidem aliquis humido insitus ignis. Quicquid vero sit, experientia tamen ubivis conjungenda est. De cujus proinde auctoribus etiam nobis nunc quædam in medium producenda veniunt.

XII. Ex *Hippocraticis* itaque *scriptis* (hæc enim omnium antiquissima sunt) peculiaris quidem liber non extat, qui hoc argumentum unice tractat; passim tamen quædam ex iis licet colligere, præcipue vero ex libro *de aëre, aquis & locis*. Post hæc nihil est nobis ad simplicium medicamentorum hanc empiricam cognitionem magis * utile, quam opus *Pedacii Dioscoridis Anazarbei*, qui tantam simplicium peritiam habuit, ut omnes Græcos hac laude superaverit, vel ipso Galeno iudice. Variæ autem ejus editiones prodierunt. Et primus quidem post renata meliorum litterarum studia *Hermolaus Barbarus* Patricius Venerus, ex Græco illud opus transtulit, adjunctis doctissimis commentariis. Quem sequutus *Marcellus Vergilius* Florentinus novam ejus versionem fecit, sed quæ ob artis Medicæ in illo interprete imperitiam minus nobis prodesse potest. Paulo post *Famus Cornarius* inter multos alios Græcos scriptores hunc etiam in Latinum sermonem convertit. Quod quoque paulo ante fecit *Joannes Ruellius*, adjuncto etiam insigni commentario: quæ translatio

latio etiam frequentissima atque omnium pene optima esse videtur. Post Ruellium *Anatus Lusitanus* Judæus, eundem Dioscoridem commentariis illustravit, cujus labor laudem quidem meretur, in multis tamen merito suspectæ est fidei. Scripsit etiam in eundem longe doctissimum commentarium *Valerius Cordus*, quem juvene maximo Medicæ rei damno immatura morte abrepto, divulgavit Conradus Gesnerus. Cæterum omnes tamen reliquos superavit *Petrus Andreas Matthiolus* Senensis, scripto longe eruditissimo in Dioscoridem commentario, quo omnium ante se hujus argumenti sententias diligentissime excussit, maximam inde gloriam adeptus. Plantas tamen illum multas pro Dioscorideis venditasse atque depinxisse, quæ tamen nullibi reperiantur, jam vivo adhuc ipso tum à Gesnero tum à Guilandino præclare observatum fuit; qui cum eo hac de causa etiam in contentionem venerunt. Quo nomine eo similiter passim accusat *Fabius Columna*. Interim tamen eximii sunt illi commentarii, & omnibus qui ad accuratam Artis nostræ peritiam adspirant lectu prope necessarii. Post Matthiolum Græce & Latine Dioscoridem edidi curaverunt & *Jacobus Goupylus Gallus* & *Fanus Antonius Saracenus* Lugdunensis, itidem Gallus: ex quibus hujus editio omnium est præstantissima. Proximus porro à Dioscoride ex veteri ævo superest *Galenus*, cujus *De medicamentorum simplicium facultatibus* opus jam paulo ante commendavimus. Certe ex omni antiquitate nullum extat scriptum, quod cum his Galeni & Dioscoridis libris comparari mereatur. Sane enim ex post sequutis Græcis vel *Oribasius* vel *Paulus Ægineta* vix quicquam habent, præterquam illa quæ ex Dioscoride & Galeno transcripserunt. Nam *Simeon Sethi* parum nos juvare potest, quippe qui ex *Michaële Psello* sua desumpserit. Ex Latinis quem

quem huc pertinentem nominemus, nullus est præter Plinium, de quo sequentibus capitibus, suo loco plura.

XIII. Ex Arabibus hoc in argumento satis laboravit *Joannes Serapion*. Quo longe majorem tamen laudem commeritus est *Joannes Mesues* Damascenus, cujus *De purgantibus* liber supra modum doctus est. Fuit enim vir diligentissimus pariter atque doctissimus, quicquid alii contradicant. Nonnulla etiam huc facientia *Avicenna* habet in suo *Canone*. Agit quoque de simplicibus medicamentis in *Colliget* suo, perdocto illo opere, *Averrhoës*, nimis tamen fortassis compendiose. Fertur Arabice scriptum grande opus hujus argumenti *Ebenbitare* sive *Embitare* auctore: sed nondum Latinis auribus est factum commune, nisi quod capitulum de Limoribus verterit *Andreas Alpagus*, quod Parisiis prodiit typis editum. Ubi de Arabibus istis notandum, de compluribus medicamentis illos egisse, quæ Græcis plane incognita fuerunt. Cujus generis v. gr. usus est tamarindorum, cassiæ, foliorum fenæ &c. Non tantum autem nova & hætenus incognita medicamenta nobis exposuerunt, sed & nonnullorum alias jam cognitorum facultates minus hætenus deprehensas detegerunt. Dolendum tamen, multa ex Græcis in Arabicum sermonem male conversis illos transcripsisse, & præterea in cognitione istorum non satis fuisse versatos. Quo vitio potissimum *Avicenna* laborat, minus tamen *Mesues* & *Serapion*.

XIV. In Latino-barbaris denique optimum hujus generis scriptum confecit *Matthæus Sylvaticus* titulo *Pandectarum Medicinæ*. Similiter & *Simon Fanuensis* & *Jacobus de Dondis* alique de quamplurimis simplicibus sparsim egerunt: quibus recensendis non possumus immorari. Post hæc enim tempora medicina ita cœpit excoli, ut di-

ligentia sua superiora aliquot antegressa secula longe superaverit. Ideoque quæ hinc inde commendata inveniuntur, observanda sunt eo modo quem supra indicavimus. Unum tamen *Gabrielem Falloppium* non possumus non nominare, cujus *De purgantibus simplicibus medicamentis* insignem librum habemus.

XV. Quanquam autem veterum cumprimis Græcorum illorum, scripta longe sint præclarissima; in multis tamen tuto iis non possumus niti, quod complura ab illis laudata non satis nobis sunt cognita, neque nos semper illud deprehendamus ab iis præstari, in quod tamen veteres illa laudaverunt. Hinc sane quum ante centum & quod excurrit annos Medici animadverterent multa simplicia non respondere virtutibus à veteribus illis ascriptis, acriter controvertere ceperunt, cumprimis de iis medicamentis, quorum mentio apud *Dioscoridem* occurrit. Quapropter non levis cura hic adhibenda est, ut ea potissimum pernoscamus illorumque vires exploremus, quæ in manibus nostris versantur quæque comparare possumus, ne per vetera nomina nostris medicamentis communia incauti decipiamur. Quod autem horum experimentalem cognitionem attinet, ex recentioribus pauci admodum uno volumine de iis tractarunt. Interim præcipuam laudem hac in parte meruit *Johannes Jacobus Weckerus* Basileensis: quanquam plagii à multis, cumprimis autem à *Matthiolo* *Præf. ad Diosc.* accusetur: neque fortassis injuria, quum ipse met culpam videatur confessus.

ADDITAMENTA.

I. ✱ *Ut itaque de simplicibus medicamentis agamus.* Auctor receptum in institutionibus ordinem secutus, post methodum

dum medendi de medicamentis agit. Quod si artium indolem, ordinemque naturæ potius quam in scholis docendi methodum respexisset, aliter ab eo fuisset factum: Non enim hic ordo idoneus est ad artes perdiscendas: in quibus nullum est dubium, instrumentorum cognitionem ipsius artis præcepta præcedere oportere, quippe quum sine istorum notitia ea ne intelligi quidem possit. Id quod omnium reliquarum exemplo in facili esset docere. Pertinet igitur & hæc tota quæ restat de Instrumentis artis nostræ disquisitio ad præcognita, adeoque deberet præmitti, ut methodus medendi postremum sit à futuro medico perdiscenda. Sunt autem instrumenta Medici vel Feramenta aut simili de materia facta, id est Chirurgica; vel Medicamenta, id est Pharmaceutica. Nam diæta qua ad morbos debellandos utimur, in hoc includitur, & cibi, quoties sic adhibentur, medicamentorum habent rationem. Agunt autem de his tribus instrumentorum classibus seorsim auctores, & trium Auxiliorum fontes eas nominant; Quod & noster hic facit sequentibus capitulis, quorum IIX. IX. X; de simplicibus est Medicamentis, XI. de compositis, XII. de Chirurgia, XIII. denique & ultimum de Diæta.

* * *Multæ enim eaque diversæ vires.* De his egit prolixe Galenus III. De Medic. Simpl. Facult. c. 13. 14. 15. & quo pacto id fiat, exposuit.

II. * *Cæterum non unius generis sunt naturalia corpore.* Ut Medicamentorum ordinem cognoscere rectius queat studiosa juvenus: en! brevem totius rei ideam subjungimus: Omnia medicamenta vel nascuntur, vel arte fiunt. Nativa vel sunt ex magis simplicibus corporibus, Aqua & terra, vel ex apertius compositis. Quorum nonnulla terram agnoscunt matrem, suntque vel subterranea, ut metallica, succi liquidi & concreti, lapides; vel superficiei terræ innascuntur, ut vegetabilia eorumque progenies; vel denique soluta, liberius in aëre supra terram degunt, ut animalia: Nonnulla vero ex aquis veniunt, quæ sunt vel vegetabilia iterum, ut Corallia, coralloides, musci, fuci, similiaque succrescentia sensim, plantarum more; vel animalia, ut quæ ex piscibus sunt; vel ostracoderma, sive conchy-

lia; vel denique succi, ut succinum. Arte facta sunt vel Simplicia, ut salia volatilia & fixa, aliaque chemica arte ex magis compositis parari solita, fiuntque per resolutionem, seu διάκρισιν; vel Composita, ut sirupi, essentia, Tinctura, elixiria, fiuntque per compositionem, seu σύγκρισιν; vel Decomposita, ut quando vel hæc ipsa inter se, vel cum simplicibus aliis miscentur. Nativa addiscuntur in scholis, ubi differitur de materia medica: Arte facta primæ & secundæ classis artem pharmaceuticam constituunt; tertiæ pertinent ad artem præscribendi formulas, quæ omnino est à pharmaceutica diversa, & seorsim tradi meretur, etsi illius exactam notitiam præsupponat.

III. * *Qualem cognitionem quisq; sibi comparare debet.* In eum finem instituuntur botanicæ excursiones & demonstrationes simplicium, quæ vulgo collegia de materia medica appellantur. Atque ea quidem primo loco discenda sunt Tyronibus: Frustra enim & præpostere facultates rerum docentur, si non noverint res ipsas. Quæ tamen notitia rerum non ab imperitis Pharmacopæorum servulis petenda est, qui cum ea omnia ex solo discant usu, nihil præter nuda nomina, eaque talia qualia acceperunt, nos possunt docere, & fallunt sæpe quia ab aliis falluntur; sed à viris doctis, rerumque peritis, ut solidam, non superficialiariam notitiam acquirant. Nam præter jam dicta, modus etiam dignoscendi adulterina à genuinis & probis: quotuplex uniuscujusque genus, & quod optimum; quod in officinis usitatum, aut si plura unius generis sint, quod quando adhibendum sit, scire oportet. Exemplo sit Vitriolum: Varia hujus sunt genera, quæ singula quidem usurpantur, sed suo loco, nec substitui sibi, aut confundi temere ac præter rem volunt. Non tamen omnino rejiciendus est mos eorum qui in officinis pharmaceuticis Medicamenta ibi prostantia sæpius inspiciunt: quin imo isto cognoscendi modo rei initium fieri velim; sed non est in his acquiescendum: Tres enim modi sunt simplicia cognoscendi, qui sibi succedere debent, si quis eorum perfectam notitiam velit acquirere. Unus simplex hic de quo diximus, alter sublimior ille, sub erudito præceptore proficiendi; tertius

tertius, & qui complementum prioribus superaddit, ut quis varia loca peragrans, quantum fieri potest in ipso natali solo res inspiciat: exemplo Galeni, qui Africam petiit insulasque mediterranei maris horum addiscendorum gratia. Ubi id non potest, saltem in celebrioribus Europæ emporiis, in quæ talia immediate exinde afferuntur, frequens adsit mercatoribus qui ea dividunt minorum gentium istis Diis, & ibi in omnia diligenter inquirat. Hic non est postremus medicæ peregrinationis fructus, quamvis à multis vel negligatur, vel segniter expectatur, id quod non alia de causa fit, quam quoniam cruda studia sua ex patria in exterarum regiones protudunt, & neglectis prioribus illis binis modis, non satis instructi sunt iis adminiculis quibus in his deinceps proficere possint.

IV. ✱ *Ad Medicum tamen, quatenus quidem est Medicus proprie non spectat.* Nempe ad Philosophum causæ rerum pertinent, ad Medicum effectus. Quo posito facile est judicare, quam longe extra propriam disciplinam excurrant hodie scriptores plurimi, qui medicos se profitentes in causis tamen perquirendis unice occupati sunt. Quod haud ita dictum à me existimatum velim ac si causarum illam doctrinam ex arte ejectam velim, aut utilissimum eorum laborem damnum: hoc enim empirici esset, non dogmatici, sed quod vel in causarum perquisitione acquiescere, vel longius procedere quam par est, nostrates nolim. Quousque videlicet in arte usum habet ista perquisitio, progrediendum puto: sed ibi pedem figendum, & sua philosophis relinquenda: Exemplo sit iterum Vitriolum: Hoc sanguinem profluentem sistit aliaque præstat, quia adstringit, adstringit autem duplici de causa, & quia acidum spiritum in se occultat, & quia partes terreas seu metallicas terrestres: Hoc si nescias, possis in emplastris & unguentis præparandis magnos committere errores; ne dicam de applicatione, vel harum vel ipsius spiritus. Hæc igitur ad medicum spectant, juvatque cognoscere: sed an acidæ illæ particulæ sint acutæ, & cuspidibus prædita spicula, an vero flexiles & curvæ, nihil prorsus facit ad nos, & salva omni medendi lege potest ignorari. Ita-

que remotiores causæ non multum attinet scire, etsi sit elegans: At proximiores, & ex quibus sunt actiones ac operationes medicamentorum, citra summam injuriam & noxam sperni non possunt. Quisquis enim ex methodi medendi legibus curationem perficere cupit, non potest iis carere, cum ipsa illa methodus, ut ex superiore capite potest patere, hisce unice innitatur tanquam fundamento suo, totaque aurea illa & artificiosa doctrina Galeni eis sit superstructa. Ex causis scilicet discitur modus agendi, ex modo agendi, collato ad causam morbi, quando hoc remedium, aut quando illud ex usu sit, dignoscitur: Iterum exemplo rem declarabimus. In imbecillitate ventriculi notum est commendari amara, acida, falsa volatilia, aromatica, spirituosæ, & terrea: id est tantum non omnia. Hæc cum sint natura diversissima, qui sciri potest quando amara sint adhibenda, nisi scias quomodo agant in ventriculo? quomodo vero id scias nisi amarorum naturam intimius habeas perspectam? Idem de reliquis esto judicium. Falsum igitur est, nullum esse usum scientiæ causarum ex quibus medicamentorum facultates fluunt: imo nihil hoc magis est necessarium, tum ad componenda medicamina, tum ad ipsam methodicam curationem, quæ his sublati protenus corrumpitur. Neque video qui possimus, istis neglectis, empiricorum imperitissimorum nomen effugere, aut dogmaticorum amplius tueri: Sed

Est modus in rebus, sunt certi denique fines,

quos non nisi illi supergrediuntur, qui vel ingenii vitio, vel ignorantia methodi docendi sese continere intra limites præscriptos nesciunt.

VI. *Tum ut circa illa rite versari possit.* Universam plantarum cognitionem in medico quidem necessariò requiri, adversus summum virum, auctorem, adserere non ausim: apprimè tamen esse utile hoc studium, summeque omnibus commendandum, vel ipsa hæc ipsiusmet verba evincunt. Vix enim cavere quisquam potest fraudem male feriatorum, aut veterum scripta rectè intelligere, nisi qui & reliquorum, quæ extra usum sunt, notitiam sibi comparaverit; quandoquidem
maximæ

maximæ in vêtêrum scriptis occurrentes difficultates de Grammatica cognitione ventilantur. Quapropter etiam Galenus videtur dixisse: *Medicus omnium stirpium si fieri possit peritiam habeat consulo.* Quod ad reliqua extendi nil vetat: Luculentius vero etiam *Libro III. de compos. Medic. κατὰ γένη, cap. 2. Quisquis auxiliorum undique copiam habere volet, omnis materia stirpium, animantium, & metallorum, tum aliorum terrestrium corporum quæ ad medicinæ usum ducimus, expertus esto, ut ex eis exacta & notha cognoscat: Nisi enim hoc modo ad præsentis operis præsidia veniat, verbotenus quidem medendi methodum sciet, opus vero nullum ipsa dignum perficiet.* Etsi enim restringi hæc videantur iis verbis: *quæ ad medicinæ usum ducimus*, tollit tamen fere eam restrictionem quod sequitur: *Ut ex eis & exacta & notha cognoscat.* Hoc enim vix potest exacte fieri, nisi & ea habeat perspecta quæ solent substitui, aut similitudinis quadam specie fallunt.

* * *Quo pacto autem ad cognitionem sive Grammaticam sive Philosophicam perveniatur.* -- Nos de Grammatica egimus: De Philosophica, quæ longius quam ista à medicina remota, non est opus multa tradere: ut dicam paucis: duplex via est. 1. Lectio scriptorum qui de rebus naturalibus egerunt, & 2. Experientia: sive jam chemico igne, aëre, aqua res mixtas quis aggrediatur atque examinet, sive aliis modis: Hic tamen summa cautio est, ut à præiudiciis sibi caveat, nec temere sententiam propriam præcipitet, sed probe pensitatis omnibus proferat, & consulta prius arte ratiocinandi. Sed de his, præcipue quod attinet ad scriptores, ipse auctor capitibus proxime sequentibus affatim nos edocebit.

VII. * *Cum primis ab illis, qui nescio quibus arcanis* Loquitur hic de experimentis. Quorum dijudicatio multo est hodie expeditior atque fuit olim, exculta longè magis experimentalis philosophia, & ad normam bilancemque rationis expensis medicorum experièntiis. Itaque perito medico adeo difficile amplius non est, utrum vera jactent tales de quacunque medicina dijudicare. Perspectis enim virtutibus nativorum, & modo quo operentur cognito, de eo quod inde fit vel elicitur, haut difficulter constabit. Sed fortassis non hic de
arte

arte factis auctor sermonem instituit; verum de vulgo dictis simplicibus tantum ea vult intelligi; de quibus multo majori difficultate fertur iudicium, cum multa ab his fiant, non tam ratione in vulgus nota, quam occulta quadam virtute, minime per suas causas à priori demonstranda: ut de Mandragora, Cicuta, ipsoque Opio, in quo examinando nemo adhuc explevit expectationem, id in aprico est.

IX. ✱ *Nimium tamen considerare* -- Non est dissimulandum, hanc laudem Galeno deberi, quod primus glaciem fregerit in hoc tam vasto & invio mari, idque beneficio maxime artis demonstrandi, cujus erat callentissimus, aggressus est non infeliciter. At vero in istis rerum initiis non unquam hallucinari, id quidem ultra humanam sortem sapere fuisset. Cum primis vero dolendum, nimium in quatuor illis qualitatibus asserendis fuisse audacem, quas primas esse, omniumque aliarum causas, perperam existimabat: id quod tamen non ex proprio ingenio, sed Hippocraticis monumentis hauserat. Longe autem felicius ex qualitatibus gustus, quam tactus omnia potuissent explicari, quod publico eruditorum iudicio dijudicandum dare jam diu meditamur. Hinc justam ex parte Helmontanam indignationem esse, negari non potest. Interim ad recte intelligendum illa Galenica, omnino opus est attenta lectione libri citati *Johannis Bapt. Montani*, viri, ut de eo Peucerus, qui librum istum edidit, acerrimi ingenii, & iudicii dexterrimi. Titulus est: *De differentiis medicamentorum, & causis diversarum virium & facultatum in medicamentis tractatus pulcherrimus, &c.* Prodiit Witteberg. MDLI. Uti enim alias creditum fuit, in eum virum Galeni animam veluti transvolasse, ita profecto in hoc parvulo & aureo libello spiritum ipsius videtur supergressus esse, eaque tradidit, quibus neglectis, facile Galeno, de ejus conatu iudicando, injuria fieri possit.

✱ ✱ *Casparus Hofmannus*, in opere de medicamentis officialibus. Aliqui horum auctorum iterum in iis acquiescunt quæ in genere dici de his possunt, alii ad specialia transeunt. Ex illis est Montanus, de quo modo dictum est, & Andreas Cæsalpinus

salpinus. Quibus addas quæ Adrianus Spigelius in parte secunda Ifagoges plantarum Nationi Germanorum, Patavii studiorum causa degentium dedicata congeffit: sed quæ stirpes concernunt tantum. Ex his sunt Fernelius & Caspar Hofmannus. Quibus recentissime accessit nobilissimum par virorum *Daniel Ludovici*, Medicus Ser. Ducis Saxonici, & *G. Wolfgangus Wedelius*, aliquoties laudatus, quorum ille in Pharmacia sua non quidem simplicia tantum, sed præcipue etiam composita examinat, adeoque iterum de eo infra erit dicendum; hic vero in solis nativis operam posuit, tam feliciter, ut cuique alii ex veteribus palmam dubiam reddere videatur, sui ævi vero omnes superare: Me certe ejusdem argumenti aliquid olim meditantem excellentia operis ab instituto deteruit: id igitur omnium manibus jugiter terendum commendamus.

XI. ✱ Ne illud quidem semper est usque adeo certum - - Non est negandum, interdum fallere, sed rarum id est, in vegetabilibus præsertim, quantum quidem ad secundas & apertas agendi facultates: De occultis autem illis, & quas Galenus sapienter à tota substantia esse prodidit, id est specificis, judicare nisi per experientiam non licet: quod dudum docuit Theophrastus Eresius, vir summus, nec Aristotele multo inferior. De metallicis paulo difficilius est judicare, præsertim ab igne mutationem passis: De animalibus vero, si venena excipias, pauca esse autumaverim quæ explorari eo pacto non possint.

✱ ✱ Ab igne humido & aqua pati consueverint. Imo nec ignis & aqua penitus rem expediverint: nam multa in sanguine nostro præter ignem nativum & humidum reperiuntur, à quo pati quid possunt simplicia; imo reapse etiam patiuntur. Salsum, pingue & glutinosum certene quidem ab illo abest qui ad naturæ leges constitutus est, quid fiet de præternaturali? in quo acidum reperiri manifesto, haut vanis rerum documentis constat. Licebit igitur & aliis modis eadem examinare: aliquid certe ex chemicis quoque experimentis per liquores institutis emolumenti est sperandum, quamvis longe alia sit ratio

sanguinis calentis ac fervidi, atque est emortui refrigeratique. Non alia sane ratione videtur innotuisse pulverum quos vulgo præcipitantes vocant, agendi modus, Arabibus cordialium titulo nobilitatorum. Acidum nempe in ventriculo absorbendo multos vel præcavent morbos vel domant.

XII. ✱ *Opus Pedacii Dioscoridis.* Illius scilicet, cuius
 cap 1.13. jam supra facta est mentio, Anazarbensis: Vocatur autem
 ὁ Αναζαρβεύς à patria sua Anazarba, Ciliciæ urbe, de qua vide
Stephanum de Urbibus. De ætate ejus controvertitur, aliis Plinii
 senioris æqualem, & sub Nerone Galba, Othone, Vitellio &
 Vespasiano vixisse existimantibus; aliis, floruisse seculo ante
 Æram Christianam primo, sub duobus primis Romanorum Mo-
 narchis C. Julio Cæsare, & Octaviano Augusto. Quam senten-
 tiam quoque approbat, & ex Arei, Philosophi Alexandrini, cui
 quinque libros suos de Materia medica, ipsius hortatu conscri-
 ptos, totidem singularibus præfationibus Dioscorides dedicavit,
 Tynchronismo prolixè ostendit Vir πολυμαθὲς αὐτὸς Petrus Lambe-
 cius in stupendæ eruditionis opere de Augustissima Bibliotheca Cæ-
 sareæ. Idq; fide potissimum incomparabilis MSti codicis Dioscoridei
 in illa Bibliotheca extantis, longe antiquissimi & pretiosissimi,
 Qui inscribitur ΠΕΔΑΝΙΟΥ ΔΙΟΣΚΟΡΙΔΟΥ ΑΝΑΖΑΡΒΕΩΣ
 ΠΕΡΙ ΒΟΤΑΝΩΝ ΚΑΙ ΡΙΖΩΝ ΚΑΙ ΧΥΛΙΣΜΑΤΩΝ ΣΥΝ ΦΥΛΛΩΝ-
 ΤΕ ΚΑΙ ΦΑΡΜΑΚΩΝ. Ex qua inscriptione, aliisque rationibus
 convictus Lambecius contendit *Pedanium* non *Pedacium* appel-
 lari: A Gente enim Romana hoc esse pronomen ascititium, quod
 fervavit etiam in sua editione Latina Ruellius. De hoc MSto
 non abs re erit paulo operosius hic agere. Viderat id Con-
 stantinopoli, in Legatione quam Augustissimi Cæsaris Ferdi-
 nandi I. jussu eo susceperat *Augerius de Busbeck*, eques ex Belgio
 inferiore ortus, vir prudentissimus & sedulus Antiquorum
 codicum sectator, apud Judæum quendam; sed pretii magnitudi-
 ne deterritus, id ibidem reliquerat. Operæ pretium est ipsius
 Busbeckii verba ex epistola quam post reditum scripsit Franco-
 furti d. 16. Decembris MDLXII. integra adscribere; Sic loquitur:

Unum

Unum reliqui Constantinopoli decrepita vetustatis, totum descriptum litera majuscula, Dioscoridem, cum depictis plantarum figuris, in quo sunt pauca quedam, ni fallor Cratevæ, & libellus de avibus. Is est penes Judæum Hamonis, dum viveret Suleimanni medici filium, quem ego emtum cupivissem, sed me deterruit pretium. Nam centum Ducatis indicabatur, summa Cæsarei, non mei marsupii. Ego instare non desinam donec Cæsarem impulero ut tam præclarum auctorem ex illa servitute redimat. Est vetustatis injuria pessime habitus, ita extrinsecus à vermibus corrosus, ut in via repertum vix aliquis curet tollere. Hæc jam citato loco Busbeckius. Servavit autem vir generosissimus & de re literaria optime meritis datam hanc fidem. Ejus enim impulsu à Cæsare vel Ferdinando I. adhuc, vel Maximiliano II. redemptus, ex Aula Turcica in bibliothecam Cæsaream auro carior habendus codex migravit. Et quamvis ut amissum deploret ejusdem Bibliothecæ non multo post Præfectus, literatissimus Hugo Blotius, vanum tamen hunc metum fuisse, adhibita in eo perquirendo majori diligentia, reperit Petrus Lambecius, Magni Leopoldi nostri itidem Bibliothecarius & Historiographus meritissimus, ingenti rei universæ literariæ damno haud ita pridem mortalium coetui creptus. Qui etiam Libro II. suorum Commentariorum laudati Codicis admodum memorabilem texuit & amplam descriptionem, integro capite VII. Ubi ostendit esse illum longe antiquissimum: Julianæ scilicet Aniciæ Imperatoris Flavii Anicii Glycerii auspicio & liberalitate, majusculis literis Græcis, sine accentu ullo, & sine ulla distinctione ante mille & centum sexaginta tres (nunc octoginta) annos diligentissime exaratum, & figuris plantarum atque animalium ad vivum depictis, ipsius præterea Aniciæ, variorumque illustrium medicorum veterum iconibus, accuratissima delineatione & vivacissimo post integra undecim secula coloratu expressis mirifice exornatum. Medicorum etiam illas effigies æri incisas in specimen ibidem exhibet: ex quibus facile, quam excellenter & reliqua, plantæ præsertim sint depicta, fertur judicium. Quæ si ita sunt, Proh! quantum Bibliotheca Augustissimi Cæsaris nobis

occultat thesaurum: quanta, quæque bona inde expectanda nobis sunt, si cum figuris suis reliquis, quæ non expressæ ab incomparabilis industriæ atque candoris viro Lambecio fuere, compareat aliquando in publico. Omnes enim tunc æternæ illæ Medicorum de plantis Dioscoridi descriptis disceptationes maximam partem cessabunt; quibus reperiundis tot libri, totque labores lucubrationesque summorum virorum adhuc fuerunt dicatæ. Quisquis igitur nunc eruditorum delicii Lambecii vires implet, ne diutius tanto tamque desiderato bono medicorum genus universum de toto humano genere tam bene meritum, patiatur carere; sed vel alii, si per occupationes ipsi non vacat, edendum committat: Neque existimet, nostris precibus se id quod petimus dare, sed universo mortalium ordini, cui ex codice isto magna salutis pars sperari posse, agnitis veris plantis Dioscorideis videtur. Præsertim cum adjuncta sint singulis plantarum capitibus fragmenta Cratevæ, Medici antiquissimi & Hippocratis coævi ex quibus quid de iisdem plantis tradiderit ille, cognoscatur. Extat autem in eadem Augusta Cæsarea bibliotheca & aliud ejusdem Cratevæ inter MStos Historicos monumentum: *Γατροσόφου Κρατεύς ἔριζοτύμης περί ὕλης ἰατρικῆς*: quod si genuinum est, quoniam ex illo ævo, & à tali concinnatum, qui ab ipso Hippocrate maxima laude sit affectus, possumus & ab hujus editione expectare plurimum emolumenti: nam quid antiquissimis illis Hippocratis temporibus plantarum atque aliarum rerum in usû fuerit, inde discere licebit. Promiserat id opus Lambecius antecessor, quæ obligatio videtur nunc hæreditario quasi jure in successorem transisse: videat igitur quid sibi ea de re sit statuendum, & utrum justissimam eorum expectationem, qui non sui sed publicæ salutis causa id optant, differre aut eludere æquum sit. Nos vero de his iterum ad cap. X. acturi sumus. Habemus autem præter libros illos quinque de re medica, aliud quoque Dioscoridi tributum scriptum, *Εὐπόριστα*, seu Paratu facilia, à Moibano translata, & à Gesnero, cum ille obiens imperfectum opus reliquisset, perfecta; sed quæ ab eruditissimis, *Ψευδοπιγραφὰ* habentur. Primum Argentina

gentinæ adspexere lucem, anno MDLXV. Deinde Sarracenus suæ editioni adjunxit. Extant sub nomine Dioscoridis & alia quædam, uti *Historia plantarum*, ordine alphabetico, & *Alphabetum Empiricum*, item *Libri duo de curandis morbis per simplicia fere medicamenta secundum morborum genera digesta*, quos MStos habuit Gesnerus, sed & ista vel Phacæ sunt vel junioris illius quem citat Galenus in præfatione ad *Lib. de vocibus Hippocraticis*. Scripsit porro in Dioscoridem etiam commentarios *Ulysses Aldrovandus*, prolixos admodum & luculentos, quorum magnam partem vidit apud ipsum Camerarius. *Gabriel Fallopius* quoque lectiones in Dioscoridem habuit quarum nonnullæ apud eundem Camerarium extitere. Utrumque tamen hoc opus nondum in publico comparuit. Sed de Aldrovandi conatu ad cap. X. iterum quædam notabimus. Memoratu digna sunt quæ *Gesnerus* in præfatione ad *Tragum* de Rei herbariæ scriptoribus reliquit: *Mibi quidem*, inquit, *videtur Dioscorides plurima à Nicandro mutuatus, cum eadem præscribant in plerisque omnibus venenis tum signa, tum remedia, & herbis quas describunt notas easdem fere attribuant, ut nihil apud Nicandrum sit, quod non apud Dioscoridem etiam legatur: aut potius ambo ex uno quodam tertio sua descripserunt.* Hæc ibi Gesnerus: Quæ tamen de libro sexto vulgo loco collocato, *De Venenis lethiferis*, ut suspicor, tantum, non item de reliquis intelligenda veniunt: nam in simili argumento Nicander fuit occupatus. Verum & istum video à Lambecio pro illegitimo haberi: Et quamvis nec ille rationem ejus rei addat, & ipsa præfatio Dioscoridis præferens nomen aliud videatur suadere, quoniam ibidem expressa reliquorum fit mentio, eaque itidem ad *Areum* philosophum dirigitur, tamen vel hoc uno inducor, ut haut ægre Lambecio accedam. Potius enim hoc, secus atque Gesnero judicatum, indicium esse autumo, ex Nicandro ab aliquo medico in suum usum ista esse excerpta aut descripta, tandemque Dioscorideis, forte fortuna in eodem volumine junctis accessisse; Certe id multo videtur verosimilius quam à Dioscoride ipso ex Nicandro esse mutuata, quicquid tandem de

Præfatione etiam fiat, quæ ita seduxit eruditos viros ut esse legitimum hunc factum nemo unquam dubitaret.

XIII. ✱ *Arabice scriptum grande opus hujus argumenti Ebenbitare auctore.* Ita est: Et extat in Augustissima bibliotheca Cæsarea, MStorum Orientalium no. 49. Titulus est Aben vel Jbn Bithar liber de simplicibus ad curandos omnes corporis humani morbos, distinctus in XX. capita, teste Petro Lambecio Bibl. Cæs. Lib. I.

XIV. *De purgantibus simplicibus medicamentis.* De Purgantium facultatibus scriptores omnes superavit libro nuper edito supra modum docto & eleganti *Nicolaus Pechlinus*, Kiliensis tum Academiae Professor, nunc Serenissimi Holsatiae Ducis Archiater. Cum quo consentit magna ex parte *Willisus*; nisi (quod magis credibile mihi videtur) ex eo, suppresso nomine exscripsit quod habet mala, de suo addidit. Legi possunt in *Pharmacia rationali*, ubi & alia reperiuntur huc pertinentia: sed quæ laudem aut consensum apud me quidem semper haud inveniunt.

XV. ✱ *Ex recentioribus pauci admodum uno volumine de iis tractarunt.* Ita est: Non tamen sine laude dimittendum foret utilissimum *Schræderi opus*, nisi omnibus ita esset notum ut nulla hoc vinum hedera indigeat: Totam enim rem pharmaceuticam, & quicquid ad officinam spectat, complexus est, nullo aliorum exemplo. Extat in eum commentarius *Friderici Hofmanni*, Practici Halensis Saxonis, sub titulo *Clavis Pharmaceutica*: Quod opus D. Johanni Michaeli Lipsiensi Chemico, maximam partem debetur: plus tamen laboris quam eruditionis habet, aut solidi judicii, interim plurima ibi perquam utilia ex istius experientissimi viri MSis excerpta habentur, De Ludovici & Wedelii scriptis huc referendis supra egimus.

CAPUT IX.

DE

METALLIS, LAPIDIBUS, AQUIS,
TERRIS, ET ANIMALIBUS; SINGU-
LORUMQUE SCRIPTORIBUS.

THESIS I.

Hisce ita in genere præmissis, jam ad singula simplicium medicamentorum genera pergendum est, adeoque differendum de iis, ex quibus horum scientia præcipue comparanda est. Initio autem de metallis, lapidibus, animalibus, terris & aquis conjunctim agemus; partim quod pauca sint, quæ de iis exponi possint, partim etiam quod naturam habeant inter sese multum affinem.

II. Ut autem de *Metallis* (quo nomine etiam *mineralia* nunc comprehendemus) exordiamur, parum difficultatis cognitio illorum Grammatica habet, quod metalla pariter ac *lapides* varia *συναρμωμια* non laborent quemadmodum plantæ, neque etiam numerus illorum adeo sit magnus. Observandum tamen, de quibusdam mineralibus controversi, an nimirum eadem sint cum veteribus isto nomine laudatis. Cujusmodi disputationes apud *Dioscoridem*, *Matthiolum*, *Georgium Agricolam*, *Andream Cæsalpium*, cæterosque rei metallicæ scriptores inveniuntur. Quo pertinent etiam tractatus *Valerii Cordi de Holosantho seu Spermate ceti* vulgo dicto, multæque disputationes de gemmis institutæ. Qua in parte etiam multum proderit *Cassii Julii Solini Polyhistor*, cum primis prout illum ex veteribus libris emendavit *Claudius Salmasius*, stupendæ industriæ vir. Similiter de nominibus lapidum & gemmarum multa ha-

ta habet *Christophorus Encelius*. Et denique *Conradus Gesnerus* plurimum hoc loco nobis inservire potest peculiari hujus generis opusculo. Hi enim sufficiunt ad Grammaticam * horum cognitionem acquirendam.

III. Quod autem Philosophicam & Medicam horum metallicorum lapidumque peritiam concernit, conjunctim de iis agemus, quod hoc modo auctores eo melius sub unum conspectum quasi produci queant. Et sane medicamentorum ex metallis paratorum usus jam olim valde increbuit, tam apud Græcos quam apud Latinos, præcipue in vulneribus & ulceribus. Quod ipsum tum ex aliis, tum * ex Celso luculente discimus. Quæ tamen in curationibus suis adhibere non ausi sunt Arabes: de qua re *Agricola* in *Beermanno* suo justam querelam instituit. Ex quo autem *Paracelsi* schola cœpit, etiam mineralia ex illisque confecta medicamenta in majori pretio esse cœperunt; usque adeo ut prope in abusum etiam illud ipsum tandem deve- *** nerit.

IV. Quamvis autem jam tum priscis temporibus metalla in usum Medicum adhibita fuerint, non nisi cruda tamen usurpata sunt, quod variæ præparationes longe post à Chemicis demum inventæ sint. Quantum autem illa ipsa cruda valeant, *Dioscorides*, *Plinius* & *Galenus* exposuerunt. Præter hos de metallis ex veteri ævo hodie nihil superest. Similiter neque de lapidibus quisquam hodie extat ex antiquitate, præter libellum *Theophrasti Eresii*: quem doctissimo commentario ut reliqua ipsius fragmenta illustravit *Daniel Furlanus Cretensis*; qui ex parte tamen tantum huc facit. Prodiit quidem libellus idem nuper admodum etiam Lugduni Batavorum cum commentariis *Joannis de Laet* Antwerpiani; verum annotationes illæ neque

neque ad Philosophicam neque ad Medicam lapidum scientiam adeo spectant, quantum ad Grammaticum quem diximus usum. Aristoteles hac de re nihil nobis reliquit. Quanquam enim Diogenes Laërtius mentionem faciat libri *ἡ περὶ τῆς λίθου* Aristotele conscripti; sine dubio tamen hoc libro naturam lapidum in universum non explicavit, verum de uno aliquo, ut magnete aut Lydio lapide, aliquid commentatus est: id enim innuere nobis videtur inscriptio *ἡ περὶ τῆς λίθου*, quæ alias *ἡ περὶ λίθων* esset.

L.I. de
mine-
ral. in
præfat.

Albertus quidem Magnus vidisse se testatur fragmenta quædam librorum Aristotelis de lapidibus; sed si fuerunt librorum Aristotelis, neque ea hodie supersunt: quod recte quondam observavit etiam B. noster Horneius *disp. IX. Phys. th. 3.*

✱ mus omnium de metallis ac lapidibus Philosophiam excollere cœpit ille ipse *Albertus Magnus*: cujus hac de re præclarum opus magno judicio & pari experientia conscriptum extat. Post eum hoc in argumento nemo aliquid ✱ præstitit, ad usque *Georgium Agricolam*: cujus de re metallica & omnibus subterraneis, fossilibus, atque iis quæ ex terra effluunt, opera tanta industria, doctrina, facundia & diligentia referta sunt, ut non solum ante se natos longissimo intervallo superaverit, verumetiam externos in stuporem rapuerit. Metallorum & mineraliorum doctrinam etiam optime persequutus est *Andreas Cæsalpinus*; sed tamen ita, ut multa adhuc in eo desiderentur, neque ad eam gloriam quam Agricola meruit conferri possit. Extat etiam *Thomæ Moreſini Aberdonni Scoti De metallorum causis & transmutatione* egregius liber. Metallicam etiam rem pariter & lapidum descripserunt *Christophorus Ence- lius Salfeldensis*, & *Conradus Gesnerus*; sed qui potius ad Grammaticam horum notitiam pertinent; quo nomine à

nobis modo commendati. Idem argumentum pertractavit quoque *Falloppius* satis egregie, uti omnia ejus opera erudita sunt. De gemmis & lapidibus etiam librum scripsit *Hieronymus Cardanus*, sed in quo multa superstitiona occurrunt. Idem argumentum occupavit *Andreas Baccius*, quem notis quibusdam illustravit *Wolfgangus Gabelchoverus*. Quod ipsum etiam fecit *Anshelmus Boëtius de Boot* Brugensis, Baccium multosque alios longo post se intervallo relinquens. Quemadmodum ambo Cardano multum præferendi sunt. Philosophiam denique tum metallorum tum lapidum peregrie exposuit paulo ante laudatus *B. Horneius* noster in *Disputationibus Physicis*.

V. A metallicis ad *Aquas medicatas* transeamus; quæ valde etiam inter se variant. Aliæ enim calidæ sunt, aliæ non, sed potius saporibus, odoribus, coloribus & multis virtutibus insignes. Quumque facultates aquarum itidem duplici modo possimus deprehendere, partim per rationem, partim vero per experientiam: illam quidem quæ beneficio ratiocinationis instituitur, monstravit *Falloppius* & *Reinerus Solerander* peculiari libello *De caloris fontium medicatorum causis*. Quo referenda est disputatio *De Aquis* nostro sub præsidio ventilata. Experientia autem, cum primis vero aliena, ex variis peti potest. Etenim passim terrarum aquæ reperiuntur, quæ præ cæteris nomen aliquod nactæ sunt. Quæ proinde etiam à variis sunt descriptæ. Et *Italicas* quidem plerasque omnes descripsit *Andreas Baccius* in grandi opere *De Thermis*; in quo de *Germanicis* etiam agit. *Germanicas* vero, quæ nobis in *Germania* degentibus maxime præ aliis exteris debent esse cognitæ, optime enarravit *Jacobus Theodorus Tabernaemontanus*, primus inventor *acidularum Schwalbacensium*, docto

docto & summe utili libello *Hydrothesauri* patrio sermone confecto. De *thermis Carolinis* seorsim egit *Fabianus Sommerus* & *Strobelbergerus*, de *Egranis* *Paulus Macasius*, de *Alsaticis acidulis* cum alii, tum doctissime scripsit *Melchior Sebizius* Germaniæ Medicorum nemini hodie secundus. *Spadanas* aquas præ reliquis doctissime exposuit *Henricus ab Heer* peculiari libello cum titulum fecit *Spadacrenes*. De *Silesiacis* varii scripserunt, præferendus tamen omnibus est *Caspar Schuvenckfeldius*, descriptione thermarum *Hirsbergensium*. De *Moraviæ aquis* extat *Thomas Jordanus* ut de *Casimirianis acidulis* libellus Germanicus doctus *Andree Libavii*. Sunt & complures alii ad hoc argumentum pertinentes: verum omnibus recensendis non opus est immorari.

VI. Jam etiam de *Terris* seorsim aliquid dicendum esset, sed quoniam de iis ex professo vix quisquam egit, non etiam habemus quod magnopere afferri possit. De terris tamen veteribus Medicis usitatis, quarum nonnullæ hodieq; adhuc laudari solent, sparsim quædam reperiuntur apud *Dioscoridem*, *Plinium* & *Galenum*. Habentur tamen etiam multa tum apud alios rerum metallicarum scriptores, tum præcipue apud *Andream Cæsalphinum*. Peculiariter etiam de iis nonnulla differuit *Caspar Hofmannus* in *Paraleipomenis Officinalibus*. Haut indiligenter autem & nos hoc argumentum persequuti sumus singulari disputatione *De terris*, quæ evolvi potest.

VII. Supereft ut de medicina ex *Animalibus* desumpta aliquid annectamus. Fuerunt autem jam olim *Ægyptiis* Magis ejusmodi remedia usitata. Cujus generis multa apud *Plinium* leguntur: pauciora quidem apud *Dioscoridem* & *Galenum*, sed veriora. Habetur etiam opus *De*

animalibus Sexti Platonici, quo tamen superstitiosum & supposititium est. Verum philosophicam animalium doctrinam nemo fufius persequutus est *Aristotele*. Ex recentioribus pauci admodum in eo studiorum genere laborarunt, si excipias *Conradum Gesnerum Tigurinum*, & *Vlysem Aldrovandum Bononiensem*; quorum conatus, utut non sunt omni ex parte perfecti, ipsis tamen æternum nomen pepererunt. Quamquam autem Philosophiæ peritia uterque minus fuerit instructus, adeoque ad hanc quidem doctrinam illa scripta parum faciant; quod ipsum jamdudum cum *laudatione prima Aristotelis*, tum *Introductione in Naturalem Philosophiam* indicavimus, ad Grammaticam tamen & historicam cognitionem plurimum conducere possunt: quo nomine etiam omnibus debent esse commendatissima. Huc pertinet quoque *Thomæ Moufetti Londinensis Insectorum sive minimorum animalium theatrum*. Spectant huc item *Guilielmi Rondeletii De piscibus* libri, pene incomparabiles, quique tam quæ ad Grammaticam quam Philosophicam notitiam faciunt, plurima continent. Quem imitatus est *Hippolytus Salvianus Romanus*, conscripto itidem *De piscibus præclaro opere*. Extat porro liber *de aquatilibus Petri Bellonii Cenomani*, sed quem mere Grammaticum dixeris. Ante hos omnes *De piscibus Romanis* elegantem librum, Grammatici tamen potius argumenti quam philosophici aut Medici, jam confecerat *Paulus Fovius Novocomensis*; qui ab Historia longe majus nomen invenit. Reperitur insuper commentarius *Julii Caesaris Scaligeri in Aristotelis historiam animalium*, sed qui itidem Grammaticis tricis potissimum occupatus est. Sunt & plures alii cum primis autem *Anatomici*, qui animalium historiam exposuerunt:

sed

sed quoniam illi ad Physiologiam tantum pertinent, hoc loco eos enumerare non convenit. Caterum quænam animalia quæve eorum partes aut etiam excrementa in usum medicum veniant, post alios docuit egregie *Caspar Hofmannus* in supra laudatis *Paraleipomenis Officinalibus*.

ADDITAMENTA.

I. ✱ *Partim quod pauca sint quæ de iis exponi possint: partim quod.* Illud pertinet pariter ad omnia, hoc autem ad reliqua, si animalia excipias: Quæ nemo facile dixerit naturam terris ac metallis affinem habere, à quibus potius omnium longissime recedunt. Lapides autem & metalla maxime natura conveniunt omnium; his deinde proximiores sunt terræ: Nam metalla ipsa puriora plerumque ex lapidibus excoquantur, & terræ medicatæ aliquid succi metallici habent; spiritum nempe acidulum; Aquæ vero medicatæ omnes metallicis particulis imprægnatæ sunt.

II. ✱ *Hi enim sufficiunt ad Grammaticam horum cognitionem acquirendam.* Quantum ejus ex libris petendum est. Quemadmodum vero de plantis liquidum est, non sufficere illam notitiam quæ ex libris atque imaginibus habetur, imo ne illam quidem quam inspectio earum præbet in officinis, sed necessum esse prodire in campos, ac in solo, si fieri potest natali crescentes contemplari, si quis recte eas cupiat discere: ita de rebus metallicis idem plane opus est facere. Postquam enim aliquam ex libris novis comparavimus cognitionem, excurrere oportet ad ipsa metalla & fodinas, ut quomodo crescant, extrahantur, depurentur, oculis cernatur: idque vel id propter, quod raro admodum qualia apparent, producuntur ab ipsa natura, sed excoquantur arte ac demum studio & cura hominū fiunt. Id quod fit manifesto in recrementis metallicis, & mediis mineralibus

prope omnibus, quæ rarissime nativa inveniuntur. Operationes vero metallicas non nisi ipso natali cujusque loco licet perspicere, quod tamen ad naturam eorum rectius pernoscendam est utique necessarium. Nemo tamen eò rudis aut sine comite rerum metallicarum perito accedere aut lustrare officinas istas potest, si non operam ludere velit. Non enim tantum plurima ipsum fugere eo pacto facile possunt, multaque non intellecta, aut per transennam inspecta negliget, quæ tamen merentur notari; sed & iis de metallorum natura & indole præjudiciis ab imperitis philosophiæ qui in opere occupantur hominibus animum imbuere potest, quibus, cum ad rem ventum fuerit, nec facile valedicere, nec solidi quid superstruere licebat.

III. ✱ *Precipue in vulneribus & ulceribus.* Nempe, ut alibi doctissimus auctor ostendit, non nisi externe iis utebantur, interno usu habito suspecto: neque id injuria, cum arte chemica inde quicquam parari posse, ignorarent, cruda vero sine gravi noxa aut cum aliquo bono effectum minime propinari posse, viderentur. Neque vero & nostrates id facile audent hodie, quamvis de omnibus cur ægris metuamus nulla sit ratio.

✱ ✱ *Ut prope in abusum etiam illud tandem devenerit.* Ita tum, in istis rerum initiis se res habebat, nonnullis spernentibus tantum non omnia vegetabilia, & nil nisi metallica ubique adhibentibus. Nunc pulchre exculpto chemiæ studio peritis & eruditis medicis omnibus reclamantibus, non amplius ex Paracelsicis illis infelicibus sectatoribus periculum nobis est, cum ita plerisque in locis res pharmaceutica ordinata sit, itaque ponderata atque expensa à dogmaticis metallica sint remedia omnia, ut, modo rite parentur, non plus inde discriminis quam ex mitissimis quibusvis vegetabilibus imminet ægrotantibus: Interim hoc laudis jure manet Paracelso, quod usum metallicorum externum, ab Arabibus interceptum, nobis reduxerit: eique rei potissimum adscribendum arbitror, quod in curandis externis malis reliquis sui ævi præstiterit.

Quæ

Quæ res ei fraudi non fuit: nam inde potissimum famam atque existimationem illam acquisivit, quâ fretus, novam suam doctrinam commentus est.

IV. ✱ *Primus omnium de metallis ac lapidibus philosophiam excolere*-- Auctor nunc scriptores de metallis & Lapidibus conjungit: quod plerique de his omnibus, id est fossilibus in universum commentati sunt. Commodum autem hic erit monere, doctrinam de virtutibus Gemmarum Græcis pene ignotam, ab Arabibus videri maximam partem promanasse: Hi enim compositionibus officinalibus, cordialibus imprimis, nisi gemmas addiderint, non bene rem gessisse videntur mihi fuisse persuasi. Nostri deinde & superioris ævi etiam doctissimi viri suo suffragio hanc rem comprobarunt: Chemici illi priores aureos montes inde polliceri, quintasque essentias ac tincturas ex iis elicere ausi sunt. Quemadmodum vero hujus temerarii conatus vanitas non diu potuit latere, ita nunc de illis quoque facultatibus, quas olim iis adscribebant ipsi Galenici, à plerisque admodum dubitatur, aut si quid veri subesse creditur, idem tamen ex aliis vilioris pretii & facilioris apparatus sperari posse, non sine causa existimatur: Itaque paucas hodie gemmas in usum trahere opus est; neque Alberto Magno, Mizaldo, J. Baptistæ Portæ aliisque, virtutes earum medicinales jactantibus fidendum. Multo prudentius cæteris in hoc opere se videtur gessisse Anshelmus Boëtius, neque tamen & is satis sibi cavet aut ab hyperbolicis encomiis gemmarum temperat: secutus nempe præeuntium doctorum gregem, quibus fidem habebat, ipse rerum istarum minime peritus. Extat hodie incomparabilis naturæ Mistæ, *Roberti Boylei libellus de Gemmis*, ex quo solidam naturæ earum haurire licet scientiam, quamvis in tanta brevitate ad specialia raro potuerit se demittere.

✱ ✱ *Georgium Agricolam.* Hic vir, decus universæ Germaniæ, deque re metallica optime meritus, laudari satis nunquam potest: tanta est tersi sermonis in re difficillima nitor ac puritas; tanta eruditionis ubertas, felicitas ingenii, judicii

dicii vis: ut si absque hujus esset labore, multi de re metallica vel tacuissent, vel parcius deteriusque essent locuti. Juvat imagini ipsius subscriptum elegans, ut erat Poeta felicissimus, auctoris elogium, gratæ mentis documentum, commemorare.

*Quicquid Grajugenum, quicquid Romana vetustas
Metallica nescit rei,*

*Quicquid Grajugenum quicquid Romana vetustas
Metallica nescit rei,*

*Pondera, mensuras, atque ipsa arcana medendi,
Et Misnidum vices soli,*

*Cuncta hac & multo plura his scis magne Georgi,
Hoc unus omne tu doces,*

*Lingua par Columella ipsi, facundior ipso,
O grande seculi decus!*

Possunt autem ex Erkeri scriptis ac Lehneisenii quoque proficere lectores: sed cum Agricolaë oceano hi rivuli non sunt comparandi. Et hi quidem universam hanc doctrinam, aut magnam ejus partem scriptis illustrarunt, sunt vero præter eos & alii recentiores, qui de una aut altera tantum rerum metallicarum commentarios concinnarunt. Ita de Sale pereruditam dissertationem habemus ipsius auctoris. De eodem longe prolixius scripsit Matihias Unzerus Medicus Halensis: Idem vero etiam de Sulphure & Mercurio. De Vitriolo perdoctus extat tractatus Angli Sala, illius quem primum ex Chemicis delirare desiisse, alibi auctor censet. De Vitriolo scripsit etiam Raymundus Mindererus Augustanus, cujus supra etiam auctor, fecit mentionem. Ad medicam vero cognitionem pertinent præ ceteris laudatissimi sæpius Rolsintii disputationes Chemicæ sex, quibus egit de auro & argento, ferro & cupro, antimonio, tartaro, sulphure & margaritis. In has enim pleraque omnia quæ ex iis præparari aut peti solent, congeffit. Peregrægius quoque est liber Caneparii de Atramentis, in Italia editus, multis hodie quæsitus, paucis intellectus: plenus enim eruditionis antiquæ: ad Grammaticam tamen potius & Philosophicam scientiam quam medicinam facit. Ante aliquot
annos

annos editus est quoque libellus de metallis *Albari Alonfi Barbae*, Hispani, ex ea lingua in vernaculam nostram translatus, sed qui itidem neque ad hanc, neque ad ipsam etiam philosophicam notitiam multum adeo potest prodesse: scripsit enim suis in India degentibus Metallicæ rei præfectis, adeoque Metallurgum potius instruit, quam artis medicæ cultorem; altera præsertim parte. Accedit, quod imperitia interpretis opusculum ex se parvi pretii, misere deturpavit, neque enim ipse quæ vertit intellexit, neque ab aliis intelligi potest. Non autem hic solus est eo nomine reprehendendus, sed ingentem habet sociorum numerum: Qui sunt fructus bibliopolarum ignaviæ & sorditæ avaritiæ, qui dum librum ex alio sermone in nostrum cupiunt transcribi, non idoneos habere interpretes solliciti sunt, sed exigui pretii: quemvis igitur ex plebe ad id conducunt, & ut quam citissime rem expediat urgent, sollicitant, cogunt; bene an male, parum curant, nec si exigias, intelligunt. Sic miseri isti, & rerum & verborum inopes inviti jubentur in utramque linguam peccare: Sed hæc non jam ad nos: extorsit tamen commune malum hanc in rem pessimi exempli querelam.

V. ✱ Ad hunc ordinem referendi, qui de acidulis nostris temporibus scripsere. Ex quibus sunt Gallorum non pauci, Regni illius florentissimi aquas scrutati. Nuperorum unus est *Petrus Giurius*, qui de Pruvinsensibus potissimum acidulis, quod ibi vitam degat, deinde & de Spadensibus, Pugenensibus, Forgensibus aliisque Galliæ fontibus egit in tractatu quem Arcanum acidularum inscripsit: in contenta metallica istorum & naturam contentorum etiam inquirat: Etsi vero tam certus rerum suarum, sibi esse videatur, ut etiam in Dei singularem illuminationem inventa sua referre non dubitet, æternoque Numini opus quoque illud suum inscribat, longe tamen infra expectationem sunt, quæ depromit: Ut enim nugis Paracelsicis & quinque illis jamdudum abunde à medicis veræ eruditionis explosis principiis strictim inhæret, ita fallaciis consequentiarum adeo refertum est opusculum, ut ne quidem aluminis ali-

quid inesse istis aquis: (quod tamen præcipuum est, quod sibi ostendendum fumsit) ex suis argumentis perspicui queat: ita ut epistolæ subnexæ, quibus impugnant istas hypothesen eruditi Gallorum ipso libro prope sint meliores, præsertim quæ Cattierii præferunt nomen, doctissimæ, & quibus respondendis impar fuit Giurius. Haut paulo rectius se habent quæ nomine *Academie Regalis eruditorum publicavit Closeus experimenta*: Qui liber etiam normæ instar iis esse posset, qui deinceps sese in examinandis aquis metallicis occupare voluerint: omnes enim modos quibus possunt ad examen istæ revocari enarrat, quot quidem eorum adhuc potuerunt excogitari, ut vel hoc uno nomine sit commendandus. Dignus autem is conatus est tantis auctoribus, quum non unam atque alteram, sed quotquot per universam Galliam celebres sunt, aquas metallicas sibi sumserint examinandas; id tantum forte quis desideret, quod nimis fiat brevis enarratio de singulis ubi agitur: sed cum non nisi res in illustri Academia gestas referre studeat Closeus, id quoque vitio dari non potest. Reliqui, qui de una aut altera separatim egerunt, sunt laudatus modo Cattierius, qui thermas Porbonenses explicat, & qui ab ipso citantur *Joannes Banc Medicus Molinensis, cujus est Nova commemoratio admirandorum in aquis mineralibus, Antius item Faber de aquis mineralibus regionis Vivarez, & Piduxius de usu fontium Pugeacorum*: Hi tamen omnes vernacula lingua suos libellos edidit. Ex nostris sunt præter jam commemoratos, *Helvicus Dietericus Archiater Darmstadiensis, qui edidit Responsa doctissimorum totius Germanie medicorum de facultatibus Acidularum Sualbacensium*: sed ista jamdudum prodire: Recentior de iisdem est *Job. Daniel. Horstii* expositio. *De Egranis Martinus Meyerus* egit; *de Pymontanis primo Polmarus Medicus Hamelensis, & dein nuper adeo Cuneus*: *De Wisensi (Bom Wiesenbad) Gobelius in Hydriatria*: *De thermis Ferinis Encianis Ducatus Wirtembergici (Bom Wildbad) Job. Deucerus*. Habemus etiam ex prioribus illis *Johannis Baubini Historiam fontis Rollensis, sive de aquis medicatis novam methodum, ubi de fontibus (ut quidem est titulus) celebribus, Thermis, & Balneis uni-*
verse

versa Europa, & potissimum Ducatus Wirtembergici agitur: opus longe eruditissimum, & varia doctrina totum refertum, sed quod latius se quam ad aquas medicatas extendit. Prodiit jamtum initio hujus seculi. His alii per otium erunt addendi.

VII. ✱ *Fuerunt autem jam olim Aegyptiis Magis ejusmodi remedia usitata.* Nullius rei quam animalium in medicina major abusus fuit: non enim viscera tantum ad Magiam & artes Diabolicas traxerunt orci ministri, sed & foetida & absurda quælibet, sine dubio iūasu oraculorum ac dæmonum, immundarum rerum amantissimorum, miseris mortalibus venerunt in usum. Qui enim alias, ut tam absurda & extremæ turpitudinis remedia devorassent, potuissent persuaderi? idque in experimentum tantum, cum hoc tempore vix decocta & infusa, experientia & ratione dudum probata, sine magno tædio & renitentia assumantur. Horrenda sunt quæ in *Galenī Libri de simpl. Medic. Facultatibus decimi* proœmio de Xenocrate quodam leguntur, qui libri scripsit *περὶ τῆς ἀπὸ τῶν ζῴων ὠφελείας* sive *De utilitate ab animalibus percipienda, id est, de Medicamentis ex animalibus petitis.* Liceat locum, in tam rara Galenī lectione haut facile cuivis notum, integrum, prolixum licet, adscribere: *Ingenue, inquit, fateor, complura esse tum partium, tum liquorum in animantium corporibus comprehensorum, quorum nullius ejusmodi feci periculum, ejusmodi quidam scriptum reliquerunt. Siquidem quædam abominanda, detestandaque sunt, quædam etiam legibus vetita: De quibus haut scio, quo pacto scribere licuit Xenocrati, homini non olim nato, sed ævorum nostrorum seculo, cum imperium Romanum hominibus rescivetuisset. Atque ille sane, tanquam ipse fuisset expertus, magna profecto fiducia scribit, quosnam affectus curare valeat comesum cerebrum, aut carnes; aut jecur humanum, quos autem capitis, suræ, aut digitorum ossa, partim usta, partim ustionem non experta; quæ denique & sanguis. Sed hæc sane tametsi contra leges sunt, non tamen sunt scæda atque abominanda. At potio sudoris, aut urine, aut menses mulieris abominanda detestandaque est: atque horum imprimis stercus; quod tamen scribit Xenocrates, si oris aut gutturis partibus inungatur, & in ventrem devoretur, quid præstare valeat. Scripsit etiam*

de aurium sordibus devorandis. At ego ne has quidem unquam devorare sustineam, ne si in toto quidem morbo deinceps liber degerem. Atque his etiam magis abominandum puto stercus, estque gravius probrum homini modesto, audire *κοπροφάγος*, hoc est, stercorivorum, quem fellatorem aut cinedum, & inter fellatores magis execramur qui Phœnicissant, quam qui Lesbianantur. Cui non dissimile mihi videtur perpeti qui menses bibere sustinet. Itaque horum nemo periculum facere non aversabitur; hominum certe secundum naturam habentium. Neque insuper eorum quæ, tametsi modestiora videantur, tamen etiam fœda sunt, nempe partem aliquam corporis stercoris inungi perpeti, ob affectum scilicet, si quem patiatur; aut humano semine, id quod *γόνος* hoc est genituram appellare solet Xenocrates, summaque diligentia distinguit, quamam ipsa genitura sola illita juvare queat; quæ vero, ubi ex sinu mulieris post coitum viri effluxerit. Nam ingens sit medicamentorum penuria oportet, ubi quis, quo *Chimæthila*, sive perniones curet, viri semen conquirere cogitur, quod in mulieris congressu intus non remansit, verum effluxit atque effusum est. Atque pleraque sane ejusmodi materiæ species est in iis quæ de utilitate ab animalibus percipienda ab illo sunt conscripta: siquidem non quam vim habeat epota urina, aut devoratum illitumve oris partibus stercus duntaxat hominis enarrat, verum etiam aliorum cujusque animalium, atque alia etiam non pauca rarorum & paratu diffitilium. Non dissimilia iis quæ à Xenocrate scripta sunt, & ab aliis prodita sunt de animalibus, ex quibus & ipse Xenocrates pleraque exscripsit. Nam unde illi tantarum, taliumque rerum experiendarum fuisset copia? Hactenus Galeni verba: ex quibus simul de fœdis illis vitis que remediis & de Xenocratis libro potest constare. Nos ergo tametsi non omnia animalium excrementa rejicimus, utpote quibus est notum quid bubulum in refrigerando ac dispellendo, suillum in hæmorrhagiis, alia in podagra, ipsumque humanum in serpentis cujusdam Indici morfu, (in quo id unicum & catholicum est remedium) valeant, non tamen existimamus esse cur hunc interiisse doleamus: potius gaudemus tam absurda perlegendi nobis necessitatem non amplius imponi, quamvis non dissimilia vetulis nostris ad varias res expeti,

non

non possumus ire inficias. Est autem is Xenocrates non alius quam Alphrodinensis ille, qui eidem Galeno sexto de simpl. Facultatibus vocatur ἀνδρων τ' ἄλλα περίεργος ἰκανῶς καὶ γοητίας ἔκ ἀπαλλαγμεί i. e. homo cum in aliis supra modum curiosus, tum à goëtia sive præstigiatura non alienus. Quo ipso conjectura nostra de origine usus horum remediorum haut parum confirmatur.

* * * *Ulysses Aldrovandus.* Immensi laboris opus. Fuit enim Aldrovandus vir diligentissimus & extremam attigit ætatem, annum scilicet supra octuagesimum tertium. Apparet viri curiositas ex ejus Museo, quod Bononiæ in Palatio Illustris Pontificis Legati etiamnum spectatur: jussit enim ibi asservari post obitum Aldrovandus, quo appareat non sine rerum documentis eum scripsisse. Ingentem ibi videas rerum naturalium congeriem: animalia, mineralia, metallica, lapides, terrestria, marina, quæ modo potuere ab interitu vindicari, ibi cernuntur: sed & bibliotheca lectissima: & miro artificio, suavissima colorum exactaque varietate plantarum genus omne ad vivum depictum, decem grandia volumina implet. In aliis animalia extant eodem artificio repræsentata. Sed fidem superant tercentum ampla volumina manu ipsius, ut asseverabant spectanti, exarata. Hinc natum nobis ingens & eruditum illud opus: Quod deinde in compendium redegit Ionstonius, ut uno intuitu spectari possit ac legi, quod in ipso continetur omne, additis figuris insuper æri incisis elegantissimis: Non tamen omnes quæ in Aldrovando sunt, sed præcipuas tantum expresit. At in textu etiam compendii virtutes meritò desideres, cum non satis exacto judicio esset usus. De ipso Aldrovando notandum, editionem Francofurtensem umbram esse præ Italica, quæ splendidissima, decem constat voluminibus, & figuris ad miraculum pulchris & exactis, sed rara est, ideoque maximo etiam, ubi reperitur, venditur pretio. Præter allegatos auctores plurima, præsertim quoad Grammaticam notitiam, conferre possunt etiam Catalogi rerum naturalium quæ in Museis aliorum eruditorum virorum conspiciuntur: quales habemus Olai Wor-

mii, Calceolarii, Septalii Mediolanensis, Gottorfensis Rarothecii, & similium. De quibus in universum vernacula lingua egregium opus exorsus est vir facundia, ingenii fertilitate, & ingenti multarum rerum peritia nemini secundus *Job. Daniel Major*, Kiloniensis Medicæ artis Professor, quod ubi ad umbilicum erit perductum, non exiguæ erit utilitatis, instar indicis enim erit omnium Pinacothecarum: ut igitur absolvat, publico nomine hic debita observantia eum compellamus. Extat etiam *Thomæ Mouffeti insectorum theatrum*: Cui addendum merito *Joannis Svammerdammi* de insectis opus, &, si ad individua ire licet, celeberrimi *Malpighii de Bombyce*. Curiosa etiam sunt quæ nuper adeo ornatissima foemina, maximæq; industriæ *Maria Sybilla Græfia*, celebratissimi illius artificis *Meriani filia* De Insectis propria experientia comperta Francofurti publicavit: opus tam elegans & gratum oculis æque mentibusque elegantius doctorum, ut non satis possit deprædicari, non enim unquam vidit orbis imagines curiosius æri incisas. Sed in his omnibus pauca reperias ad medicinam faciendam utilia: verum & ea quæ habemus ejus generis, ita comparata sunt, ut multa vel superstitionis vel falsitatis possint accusari. Itaque omnino legenda Paralipomena illa doctissimi *Hofmanni*, ubi haut paucos errores indicavit: tum excerpenda etiam quæ *Daniel Ludovici* de his monuit. Reliqua cum judicio & grano salis sunt accipienda, omnia vero subjicienda experientia: nisi tamen absurditas prima statim fronte appareat: veluti tunicarum stomachi Gallinacii in ventriculi imbecillitate commendatio. Quamvis post experimentum nuper in *Ephemeridibus Nat. Cur.* anni LXXXIV. proditum de Leporis vesica & urina in calculo pellendo, quid non credi possit, certe vix scio; audacia plenum vero foret asserere, forte fortuna eum effectum fuisse consecutum.

Et sic etiam de his peregrinus: Unum tamen addendum restat, in *Baconis Verulamii* laudem. Videlicet is cum scientias atq; artes promovendas omni studio atque opera constituisset, inter alia monita peregregia, id quoque agendum censuit, persuasitque eruditis, ut ad excolendam ulterius scientiam naturalem cujuslibet

bet regionis natorum omnis generis metallorum, mediorum mineralium, plantarum, animalium, exactam scriberent historiam, vel saltem catalogos suo quisque loco ederent. Quod institutum secuti quoque sunt cum primis conterranei ejus, ediditque mox *Job. Childreus*, sed sua lingua usus, *Britanniam Botanicam, sive Rariora naturalia Angliae Scotiae & Walesiae*: ubi quicquid in singulis provinciis notatu dignum, utilissima serie exponit. Cui jungi potest itidem Anglice composita *Gerardi Bootii Historia Islandiae*, in qua etiam de mineralibus & metallis agit. Prodiit item *Roberti Sibaldi* nuperrime *Scotia illustrata*, sive prodromus Historiae naturalis splendidissimus, charta regali Edinburgi impressus, cui si respondet opus ipsum, habebit sane quod de tam egregio Historiographo Scotia sibi gratuletur. Reliqui Europae populi de universalium regionum naturalibus describendis fuerunt haecenus minus solliciti: particulatim tamen aliqua prodire: Silesiaca animalia, metalla, plantas, tribus distinctis libris erudite exposuit *Casparus Schvvenckfeld*, idem ille qui de Thermis Hirsbergenfibus: Hildesiae naturalia Fossilia *Fridericus Lachmund*. In his haut postremo loco erat memoranda *Johannis Baubini* Magni illius Botanici *Historia Fontis Bollenfis*, supra nobis laudata, cujus totus liber quartus in enarrandis Lapidibus, metallis, stirpibus, insectis, avibus, aliisque animalibus occupatus est, additis iconibus pulcherrimis. Qui omnes sedulo conquirendi sunt rerum naturalium cultoribus, una cum Catalogis Museorum. Mire enim horum cognitio his ac similibus juvatur.

CAPUT X.

DE

RE BOTANICA EJVSDEMQUE
SCRIPTORIBUS.

THESIS

THESIS I.

PRogrediendum jam est ad botanica: de quibus longe plura dicenda venient, tum quod & stirpium longe major numerus sit atque metallicorum eorumve quæ in medicum usum ex animalibus petuntur, tum etiam quod naturæ nostræ multum illæ sint convenientiores, adeoque ad sanitatem longe magis expetantur.

II. Vbi statim illud repetendum quod superius exposuimus, ut reliquorum simplicium, ita & plantarum triplicem potissimum esse notitiam, Grammaticam scilicet, Philosophicam, & Medicam. Grammaticam autem plantarum cognitionem merito appellaveris omnem illam earum notitiam, quæ cujuslibet plantæ proprio nomine absolvitur. Etsi enim perampla & satis difficilis sit hæc peritia, in se tamen considerata, intra nominum sive vocabulorum scientiam pene illam consistere videmus. Sunt vero plantarum nomina alia vetera, quæ in antiquorum partim Græcorum partim Latinorum, partim denique Arabum scriptis reperiuntur: alia recentiora, & vel à nostri temporis præclaris Botanicis iis indita, vel in vernaculis linguis passim etiam vulgo usitata.

III. Vt vero de vernaculis appellationibus nunc non agamus, & de iis tantum, quæ à Botanicis impositæ sunt, pro instituti ratione dicamus; & ipsam tamen valde diffusam neque adeo facilem esse constat. Nimirum ex quo avorum memoria res herbaria solito magis excoliturum cœpit, cum ab aliis, tum præcipue in Italia quidem ab Hermolao Barbaro Veneto, viro de omni bona eruditione præclare merito, Aloisio Anguillara Patavino, Luca Ghino Bononiensi, Petro Andrea Matthiolo Senensi, Melchiorre

chiore Guilandino, Boruffo quidem, sed qui Patavii vixit, Andrea Cæsalpino Aretino, Joanne Pona Veronensi, Vlyffe Aldrovando Bononiensi; in Gallia vero à Joanne Ruellio Sveffionensi & Jacobo Dalechampio Cadomensi; in Germania porro à Conrado Gesnero Tigurino, viro illo publicum bonum juvandi usque adeo studioso, Leonhardo Fuchfio Tubingensi, Hieronymo Trago, hujusque discipulo Jacobo Theodoro Tabernamontano, Euricio & Valerio Cordis, Joachimo Camerario; in Belgio denique è Carolo Clusio Atrebatensi, Matthia Lobelio Insulano, & Remberto Dodo-næo Mechliniensi: ex eo inquam una eademque planta variis nominibus à doctissimis illis viris cœpit usurpari, ita ut qui unum legat, alterum vix intelligat; quod ipsum quam vel hanc levem plantarum notitiam remoretur, facile perspicere est.

IV. Major adhuc difficultas deprehenditur in cognitione priscorum nominum: quæ tamen ars nostra minime carere potest; ceu infra apparebit. Scilicet multorum simplicium laudes Medicina accepit, à Theophrasto Eresio, Dioscoride, Galeno, Græcis; à Cornelio Celso, Plinio, aliis Latinis; à Serapione, Avicenna ac similibus Arabibus scriptoribus. Valde vero difficile est cognitu, quænam illa sint veteribus ita laudata, & quibusnam plantis inter manus nostras versantibus antiqua illa nomina & laudes competant. Neque negari potest ab officinis multa non olim tantum, sed hodieque etiam sub veteribus illis nominibus falso vendi. Quod ipsum non potest non cum insigni Artis medicæ detrimento esse conjunctum. Non possunt autem veterum scripta multis in locis intelligi, nisi vetera illa nomina nostris plantis imponere accurate noveris.

V. Non parum porro hanc Grammaticam planta-

rum cognitionem difficilem reddit earundem tantum non infinita multitudo. Quo accedit, quod eadem plantæ non raro faciem suam pro diversa ætatis & soli in quo crescunt ratione, multum immutent. Tam amplum autem plantarum numerum ita memoria tenere, ut simulac oculis aliqua objecta fuerit, unaquæque suo nomine appellari possit, memoriæ profecto res est ingentis.

VI. Quanquam vero difficultates hæ sic satis sint magnæ, non desunt tamen rationes & modi, quibus si firmiter insistas, magna ex parte te hinc possis extricare. Et quidem ut memoria figuras singularum plantarum comprehendas, faciendum est id, quod in aliis rebus memoriæ mandandis observari debet; videlicet uti plantas vel ipsas vel certe veras figuras & effigies earum diligenter & cum industria tractes. Ne vero plantarum varia illa facie, quam ætas efficit, decipiaris, diligenter observandum fuerit, quomodo singulis ætatibus suis sese plantæ habeant, & quas mutationes patiantur. Vnde patet in illum finem perreptandos esse montes, sylvas & convalles scrutandas, lacus etiam & stagna esse pervestiganda; atque ita hinc inde omnifarii generis plantas conquirendas. Quin & peregrinis in locis idem faciendum; cum primis vero sectanda illa loca, quæ vario plantarum proventu præ reliquis fecunda sunt. Etsi enim nulla fere terra suas non habeat plantas; attamen non omnis fert omnia tellus, & sunt nonnulla loca plantarum fecunditate præ aliis maxime insignia.

VII. Sunt autem ejusmodi loca alia arte in id exculta, alia vero nativa dote instructa. Prioris ordinis sunt cum alii horti, tum præcipue quidam huic potissimum usus dicati. Quum enim avorum memoria res botanica
reflo-

reflorescere cœpisset, egregio profecto & nunquam satis laudabili consilio nonnulli maximis sumtibus struere cœperunt hortos copioso herbarum proventu nobiles. Inter quos omnium primus impensis Senatus Veneti constructus est hortus Patavinus, urgentibus negotium Francisco Bonafide & Daniele Barbaro Patriarcha Aquilegiensi. Cui etiam primus præfectus datus est ille ipse Bonafides, ut non possimus satis mirari Petrum Castellum lib. cui titulum fecit *Optimi Medici sect. X.* illum celeberrimum hortum primum à nescio quo anno 1540. constructum esse scribere. Successit autem Bonafidæ Aloisius Mundella Brixianus, antehac Romanus Botanicus: qui successorem nactus est Aloisium Anguillaram, Lucæ Ghini (quem primum Pisani horti præfectum fuisse Castellus refert) discipulum. Huic quarto loco Melchior Guilandinus successit; quem quinto sequutus est Jacobus Antonius Cortusius Patricius Patavinus; uti hunc sexto prosper Alpinus; quem septimo excepit Joannes Prævotius teste Castello, & denique Joannes Weslingius noster. Sunt autem omnes hi singulari herbarum peritia & editis scriptis clarissimi. Exemplo Patavino incitatus similem hortum construere fecit Cosmus Medices Magnus Dux Florentiæ, heros & virtute & ingenio maximus; eique præfecit Andream Cæsalphinum, cujus de plantis præclarissimum opus extat.

II X. In Gallia quoque & quidem Montepessuli longe majoribus sumtibus similis hortus constructus est; quem deinde per obsidionem urbis corruptum Henricus IV. Rex donatis octies decies mille florenis mirifice fecit reparari. Majori adhuc sumptu & cura ante paucos annos construere cœpit Parisiis hortus longe amplissimus, ri-

vis, collibus, stagnis & convallibus variis instructus, studio Claudii de la Brosse: adeo ingenti liberalitate Ludovici XIV. Regis, ut feratur hortus viginti millium francorum annuo re- *
ditu donatus: præfecto hortensi curæ Joanne Robino Botani-
co celeberrimo. Consimilis hortus mirificis impensis Oxo-
nii quoque in Anglia exstrui cœpit.

IX. Ne Germaniæ quoque hæc laus deesset cautum
est amplissimi Senatus Norimbergensis cura per Ludovicum
Jungermannum, virum herbariæ rei peritissimum, superio-
ri demum ætate octuagenario majorem extinctum, horto
amplissimo instructo Altorfii. Quod exemplum Academia *
Jenensis sequuta est. Insignem porro jam dudum famam
meruit similis hortus in Batavis studio Petri Pavii adorna- **
tus: cujus herbarum catalogum non adeo pridem
Isagogæ in rem herbariam Adriani Spigellii adjecit alter
horti illius post Pavium præfectus Adolphus Vorstius. Po-
test etiam haud levi ex parte in similem usum nobis esse hor-
tus Hessensis noster; etsi eandem cum reliquis laudem non ***
mereatur.

X. Præter hortos sunt & loca complura plantarum
omnis generis perfoecunda: quo nomine etiam passim
quædam præ aliis jam tum inclaruerunt. In Italia insigni
fama est mons Baldus in agro Veronensi situs; cujus plan-
tas omnes post Franciscum Caleolarium Veronensem vi-
rum optimum & *Φιλοβοτανώτατον* singulari libello enumera-
vit Joannes Pona Pharmacopæus Veronensis doctissimus.
Quod opusculum Carolus Clusius dignum censuit, quod
suis voluminibus infereret. Est autem secunda vice Ba-
sileæ & auctius & emendatius editum. Similia loca et-
iam habet Germania nostra. Ita plantas in Helveticis
montibus prope Bernam crescentes enarravit Benedictus
Aretius:

Aretius: circa Basileam nascentes Caspar Bauhinus: quæ
 * circa Altorfium reperiuntur Ludovicus Jungermannus: Bo-
 rufficas Joannes Wigandus: quæ in agro Dantiscano pro-
 veniunt Joachimus Olhavius: quæ in Brunsvvicensi Joannes
 Chemnicius: sicuti quas mons Bruëterus & vicina quædam
 loca gignunt, Joannes Royerus hortulanus Hessensis. Cum-
 primis vero stirpium ferax est Hercynia sylva, quas peculia-
 ri libello descripsit Joannes Thalius Medicus Northusanus.
 ** Sed & Helmstadiensi nostro agro vicina nemora plantis
 præ aliis locis sunt fœcunda. Galli præcipua fama cele-
 brant Narbonensem agrum, & seorsim quidem loca quæ
 ** circa Monspelim & Sedanum sunt. Quanquam vero hu-
 jusmodi loca plus reliquis stirpium promant: reperire
 tamen alibi licet quæ fœcundissimis hisce locis desideran-
 tur.

XI. Quamvis vero hæc & similia loca in stirpium co-
 gnitionem nos potissimum deducant, utpote in quibus plan-
 tas nativo suo solo & succo adhuc gaudentes spectare liceat:
 est tamen & alia ratio & via ad ejusmodi cognitionem perveni-
 endi; si scilicet siccas stirpes, apte tamen compositas crebro
 inspicias & sedulo verses. Neque vero quenquam latet, o-
 mnis generis plantas artificiose exsiccari & in libris disponi
 posse, ita ut illæ quoque pleraque oculis exponere queant,
 quæ in viridibus observantur. Cujusmodi libri vulgo *herba-
 ria viva*, Adriano Spigelio *horti hyemales* minus tamen felici
 appellatione usurpantur. Neque parandorum illorum diffi-
 cilis adeo ars est: quom fatis perspicue tum Spigelius Isagoge
 in rem herbariam, tum singulari libello Guilielmus Laurem-
 bergius exposuerunt.

XII. Sane hoc maxime multos sollicitos habere
 * debet, de ordine nempe observando, non est quod hujus

quidem rei cura tyronem distineat, quum ad rudem illam collectionem quilibet ordo satis sit; & si aliquis servandus est, facile ille teneri possit quem Laurembergius commendavit. Quod autem in herbis siccis cognoscendis istiusmodi libri præstant, idem *μυροπώλια* & *φαρμακοπώλια* instructa largiuntur, in exoticis cum primis, lignis, radicibus, seminibus, & fructibus. In illis certe officinis horum omnium copiam affatim habere licet, præsertim si iis locis vivas, ubi id generis commercia exercentur. In rem sanetyronis fuerit, vel in officinis illis ejusmodi simplicia sæpe versare & inspicere, vel sibi ipsi quasi supellectilem aliquam ejus generis comparare. Ita enim in his quidem non minus proficere poterit, quam in aliis stirpibus ex vivis illis herbariis.

XIII. Porro & alia adhuc datur ratio, minoris licet commodi ad cognitionem illam stirpium, qua de nunc agimus, pertingendi; per effigies videlicet stirpium ad vivum sive depictas, sive alias efformatas. Quanquam enim majorum nostrorum ætas hac re minus fuerit instructa, abhinc centum tamen pene annis mirifice hoc ipsum excultum est. Et quidem omnium primi in id incumbere cœperunt *Hieronymus Tragus*, *Leonhardus Fuchsius*, *Petrus Andreas Matthiolus*, & *Conradus Gesnerus*. Cæterum Tragi historia continet tantum hujusmodi icones DLXVII. easque minus eleganter efformatas. Fuchsius vero DXVI. tantum quidem edidit, at elegantius tamen depictas. Longe plures & comptiores exhibet editio Italica commentariorum Matthioli in Dioscoridem, utpote quæ MDLXVIII. icones contineat: quot numero etiam in aliis editionibus istorum commentariorum reperiuntur, minus tamen elegantes. Quin & Germanicæ versionis editio à Camera-

rio

* 4. rio curata figuras CXXIII. adjecit, immo & Bauhini editio figuras CCCXXX. addidit, ut ita editio illa exhibeat MDCCCXCIX. stirpium icones. Singulari quadam nec alias usitata ratione icones stirpium depingi & sculpi fecit Conradus Gesnerus, plantas in partes dividendo, & singula seorsim spectanda exhibendo. Quanquam vero ipsemet operi immortalus nihil horum ediderit, eas tamen imagines postea nactus Joachimus Camerarius in epitome Matthioli exhibuit, adjectis plusquam mille aliis ad similem modum confectis.

XIX. Communem rationem sunt sequuti viri doctissimi & in herbaria re exercitatissimi, *Matthias Lobelius*, *Rembertus Dodonæus*, & *Carolus Clusius*: quorum hic duobus posterioribus sui herbarii libris præter multas exoticas plantas, pisces, aves & alia animalia descripsit. Icones autem horum Christophorus Plantinus hujusque generis Raphaelengius sculpi curavit: quæ causa est, quod eadem prorsus plerumque in horum scriptis occurrant. Et quidem Lobelii historia, quæ Antvverpiæ anno superioris seculi septuagesimo sexto prodiit, figuras MCCCCLXXVI. exhibet: Dodonæi vero itidem Antvverpiensis ejusdem seculi octuagesimo tertio anno evulgata MCCCVIII. Reperire autem est in his duobus scriptoribus plantas passim occurrentes & maxima ex parte vulgares. At vero Clusii historia, quæ ibidem anno hujus seculi primo exiit, rariorum stirpium figuras dat MCXXXV; uti ejusdem exoticum opus CXCIV. Unde patet in horum trium voluminibus ingentem plantarum numerum optime depingi. Clusius certe si quis alius insignem Botanices peritiam tenuit; cujus comparandæ ergo Germaniam, Galliam, Italiam, aliasque regiones peragravit: Medice tamen plantas non tam descri-

descripsit, quam historice sive potius Grammatice. Plures, & quidem Germanicarum maxime stirpium imagines satis accurate depictas exhibuit nobis Jacobus Theodorus Tabernamontanus, (qui magis tamen se plantarum virtutibus cognoscendis dedit,) utpote in cujus opere figuras MMLXXXVII. spectare liceat. Quibus plures de suo adjecit Caspar Bauhinus editione operis Tabernamontani altera; ut proinde hoc opus hac quidem in re facile præ reliquis omnibus palmam obtineat. Nec fraudanda sua laude venit universalis plantarum historia, quæ duobus vastis voluminibus Lugduni in Galliis superiori seculo prodit, habens scilicet MMDCLXXXVI figuras. Rectissime autem à Casp. Bauhino singulari libro animadversum est: CCCC circiter figuras in illo opere bis terve repeti; alias ipsis plantis non respondere, alias vitio laborare. Digna sunt notatu, quæ de eodem illo opere Thuanus *lib. II. vitæ suæ* memorat. Lugduni, inquit, Tornasii & Rovilli librariorum Apothecas evolvit, & Jacobum Dalechampium vidit, qui tunc in suo Plinio occupabatur, & herbario à Rouillio instituto dabat operam, quo in id observandum, quod ab ipso Dalechampio rescivit, & ut omnes sciant, publicæ utilitatis interest, opus illud à diversis triginta annorum fere spatio congestum & concinnatum esse, & typis majorem partem mandatum, cum Dalechampus ei ultimam manum imposuit, quo factum ut quædam accuratius, quædam minus diligenter scripta, quædam etiam repetita & interpolata reperiantur, ita tamen ut postrema semper sint meliora. Hæc Thuanus. ***

XV. Præter hos vero scriptores, qui pene omnium stirpium imagines nobis tradere allaborarunt, sunt nonnulli qui seorsim noviter sibi observatas aut rectius expressas depinxerunt.

pinxerunt; qui itidem imaginum gratia saltim in nonnullis merentur consuli. Ejus generis cum alii libri sunt, tum *Hortus floridus Crispini Passæi junioris*; in quo rariorum & minus vulgarium florum icones CCCXXV. ad vivam veramque formam accuratissime delineatæ & secundum quatuor anni tempora divisæ exhibentur. Huc pertinet *Horti Eichstetensis* descriptio figuras MLXXXIII. continens: nec non *Emanuelis Siveertii Septimontii Batavi Florilegium* Francofurti evulgatum: descriptio item accurata *Montis Baldi Joannis Ponaæ*. Ejusdem generis sunt *Prosperi Alpini de plantis Ægyptiis*, item *de Exoticis libri*, à filio ejus anno hujus sæculi

* vigesimo octavo editi: in quo posteriori opere Crentenses stirpes præcipue spectantur. Quo facit & *Jacobi Cornuti Parisiensis liber*, quo herbæ *Canadenses* satis egregie & descriptæ & depictæ sunt, ante paucos annos editus. Spectant huc itidem nonnulla ex *Leonhardi Rauvvolfii Augustani Itinerario Orientis*, quæ ad cognitionem Grammaticam plurimum conducunt. *Plantarum* denique *Ægyptiarum* imagines hætenus non visas haud adeo pridem elegantissimo libello propalavit *Joannes Veslingius* noster. Quin & *Caspar Bauhinus* in *Prodromo Theatri sui Botanici* novas plantarum à se primum descriptarum imagines CXL. exhibuit. Qui idem sine dubio in magno suo Theatro plures quam quisquam alius nobis ostendisset, nisi tanti operis editionem & maximi viri mors, & graves illæ, quæ hætenus Germaniæ nostræ nimium incubuerunt, tempestates sufflaminassent: quam tamen à filio ipsius cœptam esse à

*** fide dignis accepimus. Procul dubio vero non parum locupletaretur iste thesaurus, si typis rite ederentur picturæ illæ imaginum *plantarum Americanarum*, quas *Philippi II. Hispaniæ Regis* impensis, & quidem ut *Josephus*

Acosta refert sexaginta ducatorum millibus in unum volumen congestit *Franciscus Hernandes Medicus Hispanus*. Quamvis enim in illo opere plantas circiter MCC depingi Acosta scribat, ab amico tamen accepimus, in eo plusquam MMMDCCC stirpes exponi. Verum illud opus hactenus lucem non vidit. *Epitomen* tamen ejus, quam *Friderici Casio- **** rum Ducis auspiciis æri incisus imaginibus *Nardus Antonius Reccius* Neapolitanus Italus confecit, brevi prodituram nonnulli pollicentur. Jam tum enim libri quatuor de stirpibus *Francisci illius Hernandis* lingua *Hispanica* sunt editi in *Mexico* anno 1615. à *Fr. Ximene*, sed icones nullæ sunt additæ: eoque hactenus non prodiit idem opus *Latine*, etsi verterit doctissimus vir *Joannes de Laët*. Ad *Americanarum stirpium* illustrationem hujus argumenti facit cum primis etiam *Historia Naturalis Brasiliæ*, quæ *Lugduni Batavorum* prodiit cura *Joannis de Laët*; utpote cum contineat stirpium *Brasilensium* historiam iconibus efformatam, libro uno à *Guilielmo Pisone* & tribus libris à *Georgio Marcgrafio de Liebstad Misnico* exhibitam.

XVI. Hos modo enumeratos similesque libros si sæpius quis evolverit, plerarumque certe plantarum imagines non poterunt tenere eum latere. Harum enim inspectionem multum ad illam cognitionem parandam facere, negari non potest. Neque vero ullius ponderis sunt aut consideratu digna, quæ adversus imagines has & olim *Plinius* & patrum memoria *Janus Cornarius*, *Langiusque* disputaverunt, quasi scilicet pro ætate sua multis modis mutantur plantæ, adeoque ex imaginibus vere cognosci non possint. Hoc sane argumento licuerit simul omnes descriptiones quoque plantarum, quæ hactenus quidem prodierunt, damnare; utpote quæ non nisi florentes plantas magnam

quam partem describant. Immo omnem etiam inspectionem ipsarum plantarum virentium damnare licuerit. Cæterum non opus est verbis aut proluxa refutatione, quum usu quotidiano sit compertissimum, imaginem bene depictam longe exquisitius & certius docere figuram similiaque quæ in oculos incurrant, non stirpium tantum sed aliarum quoque rerum, quam ampla quamvis descriptio præstare possit.

XVII. Sed de modis illam plantarum notitiam, quæ in visum incurrit, comparandi, satis dictum est. Nomina porro jam quod attinet eorumque cognitionem, observandum est, aliam esse notitiam eorum nominum, quæ jam tum imposita sunt, aliam adhuc imponendorum. Fieri enim potest, uti quidem scias quo nomine hæc aut illæ plantæ appellentur: an recte tamen ita nuncupentur, nescias. Est etiam ubi offeratur planta, cui hætenus quidem nomen nullum inditum est, quæ tamen aliquo vocabulo indigitari meretur.

XIIX. Nomina porro illa plantarum quæ jam imposita sunt, alia nova alia vetera sunt, apud Græcos scilicet Latinos & Arabes olim usitata. Et quidem de veteribus illis maximæ controversiæ esse solent, quodnam nomen antiquum illis stirpibus quæ nobis in manu sunt conveniat. Negotium vero illud de appellatione plantarum difficile admodum & morosum reddidit recentiorum scriptorum nimia contentio, dum quisque eorum in nominibus imponendis singularem eruditionis laudem est aucupatus. Hinc sane orta videtur ingens illa copia & varietas nominum plantarum. Qua in re insignem in modum studiosos juvit incredibili sua diligentia *Caspar Bauhinus*, primum quidem *Phytopinace*, inde ve-

ro *Pinace Theatri Botanici* edito : quibus singularum plantarum variae appellationes à præcipuis Botanicis profectæ enumerantur. Sed & jam ante cum ad Matthiolum tum Theodorum, sua cura recusos, synonymas hujusmodi appellationes magna cura congestas idem Bauhinus ediderat. Quo in eodem laborare plurimum quoque sudavit *Caspari frater Joannes Baubinus*, ceu cum ex aliis variis ejus de re herbaria scriptis, tum ante triennium amplissima ejusdem *Vniversali stirpium historia* Ebroduni Allobrogum edita apparet. In quo posteriori opere, utut infiniti laboris & plurimæ industriæ, imagines tamen non raro accuratiores desideres. Tyroni vero rei herbariæ suffecerit, si illas appellationes memoria comprehendat, quibus principes nostri temporis Botanicorum, quales sunt Clusius, Dodonæus & Tabernæmontanus, plerasque plantas indigitarunt.

XIX. Datur præterea alia adhuc nominum plantarum cognitio Grammatica, quæ in recte indendorum nominum notitia consistit. Vbi primo notandum, multas stirpes veteribus fuisse ignotas, ideoque omnes nostras non posse antiquis illis nominibus appellari. Deinde observandum, si vetera illa nomina excipias, (quæ tamen, saltem propter medicamenta veterum probe intelligenda, necessario tenenda sunt,) parum referre, quo nomine aliqua planta insigniatur: quum in tali nominis notitia nihil fere eruditionis & doctrinæ insit. Haud male tamen, immo cum fructu quodam plantæ veteribus incognitæ, illis nominibus vocari poterunt, quæ notam aliquam plantæ sive in odoribus sive saporibus sive externa figura sive denique in viribus positam, designent. Ita v. g. non male nasturtium Indicum vocatur planta, quæ licet figura cum nasturtio

tio non conveniat, ejusdem tamen cum illo sit saporis. Eodem modo & consolidas appellaveris illas herbas, quæ earundem cum vulgari consolida in vulnerum conglutinatione sunt virium. Sic irides appellantur omnes flores ejusdem cum iride vulgari figuræ.

XX. Maxima vero difficultas est circa plantarum nomina antiqua, à Theophrasto, Dioscoride, Galeno, Græcis; à Plinio & aliis Latinis; ab Arabibus denique, quibus non minus multa quam Græcis heic debemus, usurpata & memoriæ tradita. Quum enim inter manus nostras plurimæ plantæ versentur; quænam illarum priscis illis nominibus venire debeant, non injuria quæritur. Neque vero fidere statim licet passim receptis appellationibus; utpote quum rudes pharmacopolæ avorum memoria plurimas herbas pro veterum herbis per imperitiam vendiderunt. Hanc sane ob rem jam tum ab illo ævo ad nostra usque tempora à præclaris viris diligentissime est laboratum, ut plantæ illæ veteribus usitatæ vere & sine fucō vel errore in usum venire possent. Ac primus quidem omnium hanc glaciem frangere cœpit *Hermolaus Barbarus* Patritius Venetus, vir summus pariter & doctissimus, in eruditissimis suis ad Dioscoridem & Plinium commentariis. Post illum in Gallia idem ingente studio aggressus est *Johannes Ruellius* Medicus Parisiensis itidem doctissimus, edito grandi volumine *De natura stirpium*. Quo eodem tempore in Germania nostra idem egit *Euricius Cordus* evulgato exiguo quidem sed insigni libello, cui titulum facit *Botanologicum seu colloquium de herbis*. Longe tamen majus operæ pretium fecit *filius ejus Valerius*, juvenis egregius, & longiori vita dignissimus. Cujus satis insignia in Dioscoridem commentaria aliosque ejusdem argumenti libellos à morte ipsius publicavit *Con-*

radus Gesnerus; qui & ipsemet hac in re plurimum laboravit: quamvis plurima ejus huc facientia scripta magno herbariæ rei damno perierint, ut mox dicetur. Idem studuit quoque *Hieronymus Tragus*, minus tamen feliciter, utpote à veteri litteratura non satis instructus. Post illos omnes hac in re haud parum sudavit *Leonhardus Fuchs*: quem tamen longo intervallo antecellit *Petrus Andreas Matthiolus*, scripto longe eruditissimo in Dioscoridem commentario, quo omnium ante se hujus argumenti sententias diligentissime excussit. Quanquam nec ille in omnibus veritatem sit assequutus; ideoque in alias sententias ivit *Amatus Lusitanus* commentariis in eundem Dioscoridem: contra quem tamen satis feliciter sese defendit Matthiolus edita apologia cum censura in Amati enarrationes. Longe majori cura & doctrina Theonem suum & quinque de stirpibus epistolas adversus Matthiolum conscripsit *Melchior Guilandinus*, natione Borussus, sed professorio munere Patavinus, vir infinitæ lectionis & ingenii admirandi, in aliis tamen insectandis justo vehementior. Plurimum laboris in idem argumentum illo ipso tempore impendit *Conradus Gesnerus*: qui quum ad hanc rem utriusque linguæ insignem peritiam, acerrimum judicium, incomparabilem diligentiam attulerit, felicissime procul dubio in hoc negotio fuit versatus. Verum maximi hi & utilissimi optimi viri labores neque à Caspares Wolfio Tigurino Medico doctissimo, neque à Joachimo Camerario, quorum uterque commentarios illos sese editurum promiserat, vulgati, hætenus lucem aspexerunt, & nunquam fortassis prodibunt. Vel unicus autem ille *De aconito* tractatus, quem Wolfius edidit, satis ostendit opus futurum fuisse incomparabile.

XXI Circa eadem fere tempora & paulo etiam post hac

* hac in eadem re magnam curam in Italia posuerunt *Lucas Ghinus Forocorneliensis, Gabriel Fallopius Mutinensis, Vlysses Aldrovandus Bononiensis, & Bartholomæus Marantha Venusinus*: quorum tamen hujus generis opera, excepta tantum *Maranthæ Methodo cognoscendorum simplicium*, hætenus lucem non viderunt. Nonnulli sparsim has controversias agitaverunt. Seorsim tamen præ aliis commendandus est *Fabius Columna*, cujus *Πυροβάσινων* sive plantarum aliquot historiam habemus; in qua, ut recte titulus præ se fert, describuntur diversi generis plantæ veriores, ac magis facie viribusque respondentes antiquorum *Theophrasti, Dioscoridis, Plinii, Galeni*, aliorumque delineationibus, ab aliis huc usque non animadversæ. Ejusdem minus cognitarum rariorumque stirpium *ἐκ Φεγγαίς*, qua non paucæ ab antiquioribus *Theophrasto, Dioscoride, Plinio, Galeno* aliisque descriptæ, præter eas in *Πυροβάσινων* editas, disquiruntur ac declarantur, Romæ anno hujus seculi decimo sexto prodiit. Sunt autem non hæc tantum sed etiam omnia scripta *Columnæ* perdocta, & quibus hoc in genere hætenus vix ullum præstantius excusum sit. Multa huc pertinentia habent quoque & *Rembertus Dodonæus* & in sua *aromatum Indicorum historia Garzias ab Orta Lusitanus*. Neque parum hac in re juverint quem *Caspari Hofmanni De medicamentis officinalibus* libri ante hos octo annos *Parisiis* publicati. Ex his sane scriptoribus præcipue illæ controversiæ petendæ sunt; utpote qui præ aliis maxime heic operæ pretium fecerint, qui licet herbarum peritia fuerint insignes, in hoc tamen argumento minus feliciter videntur verlati.

XXII. Est vero hæc ratio veterum plantas cognoscendi non una de causa difficilis. *Primo* enim ex ipsis veteribus

bus nonnulli plantas quas nobis laudarunt non satis habuerunt cognititas. Quum itaque ipsimet perperam multas stirpes descripserint, non possumus non etiam nos, qui tantopost temporis intervallo vivimus, simul in erroris induci. Ipse certe *Dioscorides* cum in præfatione operis sui, tum alibi passim hoc nomine multos medicos accusat. Facit idem *Galenus*: qui demum soli *Dioscoridi* in simplicium descriptione fidendum esse pronunciat. Et vero *Cajum Plinium* ut in aliarum rerum, ita quoque in stirpium historia ex variis scriptoribus & quidem iis, qui nec ipsi satis perspectas plantas habuere, pleraque omnia sua descripsisse, adeoque hinc plurima in præclaro alias opere suo errata admisisse, post *Nicolaum Leonicum* Ferrariensem à multis satis egregie demonstratum est. Similiter in Arabibus quoque *Avicennam* multa aliena fide tradere, nec satis itidem accurate stirpes quas laudavit descripsisse, notatum est à viris eruditis. Nec nunc dicam *Foannem* etiam *Serapionem* hac in parte non semel impegisse. Secundo has difficultates etiam auget, quod veteres sæpe plantas non describant, sed verbo tantum innuant. Quum vero noveris, quamnam illi plantam denotare voluerint, nomine tenus tantum cognitam? Tercio ut hodie, ita olim quoque à scriptoribus circa nomina plantarum magnæ fuere lites, adeoque unum idemque nomen apud veteres quoque scriptores easdem stirpes non significat. Quarto denique cum veteres illi in remotis regionibus vixerint, & non quælibet tellus ferat omnia, adeoque hinc nobis multo minus possit constare, quænam herbæ in Asia aut Africa floreant, patet itidem difficile admodum esse nostras plantas dicere easdem esse cum veterum illis. Accidit insuper & hoc, quod veterum scripta non raro mendosa sint, ut ita ne hanc quidem ob causam legitimas pri-

priscorum descriptiones nosse in proclivi sit. Enim verum demum id exacte nobis constat, quando omnis descriptio plantarum, quam antiqui illis attribuunt, omni ex parte convenit cum iis, quæ hodie licet in ea planta experiri. Ita v. g. quando veteres dicunt hanc vel illam plantam hoc vel illo odore, colore, sapore præditam, hoc vel illo loco nasci &c. si talia etiam in planta nobis nota deprehendantur: Ideoque nobis cognita esse debent, quæcunque veteres de iis scripserunt, quidque nos similiter de illis observaverimus. Ita enim collatione facta tuto judicare possumus, an eadem plantæ sint nec ne. Ubi tamen iterum difficultas quædam occurrit, quum veteres interdum brevissime & paucissimis tantum verbis suas plantas descripserint. Quod ubi factum, fieri non potest ut quicquam nisi verisimiliter tantum de aliqua stirpe pronunciemus. De toto fere hoc argumento extat Bartholomæi Maranthæ *Methodus cognoscendorum simplicium medicamentorum*: qua longe plures adhuc circa hanc cognitionem occurrentes difficultates adducuntur: quas tamen omnes non æque magni momenti esse quis dixerit. Cujusmodi illud est, quod *lib. II. cap. 3.* affert, à Dioscoride scilicet descriptas esse plantas modo dum germinant, modo dum primum pullulant, interdum etiam postquam floruerunt; & tamen prò varia ætate variam esse stirpium figuram. Et si enim omni ex parte id negari nequeat; modo tamen observetur, quam plantæ partem, radicem nempe, flores, folia, an semina in medicum usum Dioscorides laudet, haud difficulter etiam cuivis patere poterit, quamnam plantæ ætatem ille exprimat, quod scilicet alia ætas eruendis radicibus, alia colligendis floribus, foliis, seminibusve apta sit & idonea.

XXIII. Quantumvis vero hæ modo recensitæ difficultates adeo possint videri magnæ, ut cui impossibile esse videatur, ad certam veritatem hæc pervenire; est tamen via quædam & ratio sæpenumero ex his eluctandi. Et quidem quod *primum* attinet, satis fuerit, si eos veterum sectemur, de quorum fide certo nobis constat. Talis autem est *inter Græcos Theophrastus, Dioscorides & Galenus: in Arabibus Ebenbitar*, cujus de simplicibus opus etsi hætenus ex Arabico verum non sit, ex iis tamen, quæ hinc inde ex illo Andreas Alpagus Bellunensis excerpfit, haud difficile fuerit multas stirpes, quæ Arabibus Medicis in usu fuere, internoscere. Quod *secundum* cernit, fatemur & ipsi, quarum stirpium descriptiones nullæ, sed nuda tantum nomina apud antiquos reperiuntur, eas à nobis dignosci non posse. Immo fatemur, quarum descriptiones non sunt plenæ nec perfectæ, ne illas quidem certo à nobis posse intelligi: sed omnes qui ex una aut altera tantum nota confestim veterum nominibus nostras plantas designant, temerariam ludere operam. *Tertia* difficultas non adeo multum obstabit, modo descriptiones plantarum sint additæ. Certum enim alias est, non temere propter solam nominis identitatem de stirpis alicujus natura præsumendum aliquid esse, quum facile appareat, occurrere eadem nomina in diversis scriptoribus diversas tamen stirpes significantia. *Quartum* quod spectat, itidem haud diffitemur, temerarium si non ridiculum illorum studium esse, qui ex. gr. Germanicis plantis, Dioscoridi aliisque Græcis trita nomina indere nituntur, quasi in Germania plane eadem inveniantur, quas nobis Græcia commendavit. Recte sane hoc nomine Hieronymum Tragum reprehendit Leonhardus Fuchsius: qui nec ipse tamen sibi hac in parte satis cavit, si Matthiolo & aliis credimus.

XXIV. Itaque consultum maxime fuerit accurate animadvertere ubinam scriptores illi veteres vixerint, aut ubinam locorum laudatas sibi plantas crescere prodiderint. Quum autem constet in Asia eos magnam partem vixisse aut Ægypto, facile etiam apparet, inde plantas illas maxime petendas esse. Qua in resane multum nos juverit *Honorii Belli Cretensis Medici herbarum Creticarum descriptio*: quæ partim in Clusii opere, partim etiam in altera editione descriptionis montis Baldi Joannis Ponæ continetur. Exstat & *Prosperi Alpini rariorum plantarum liber* non adeo pridem editus, quo itidem cum aliæ tum Græcæ præcipue & Cretenses herbæ enarrantur. Idem porro etiam de plantis Ægyptiis præclaros libros edidit: cujusmodi quoque *Joannes Weslingius* ille toties nobis laudatus conscripsit. Constat porro *Leonhardum Rauwolfium* in *Hodæporico* suo & *Petrum Bellonium* in *Observationibus*, quorum uterque omnem Syriam peragravit, Syriæ Græciæque hodiernas plantas ad veterum descriptiones satis accurate contulisse. Quod si Indicas veterum plantas cognoscere libuerit, perscrutandæ itidem fuerint stirpium Indicarum historia. Quales in lucem edidit *Garzias ab Horto*, quem Latine ex Hispanico vertit *Carolus Clusius*: *Joannes* item *Hugo Linschotanus* parte ultima *Historiæ Indiæ Orientalis*: Quibus adjungi poterit liber primus *Jacobi Bontii Roterodamensis de Medicina Indorum*; quod opus nuper admodum in lucem editum est. Itaque hi libri multum profecto juvare poterunt, ut illa quidem difficultas, qua de nunc agimus, eviteatur.

XXV. Quod menda autem veterum codicum attinet, fatendum sane propter ea non posse non in multis nos harere. Attamen non omnia æque mendosa sunt:

tum vero diligenti labore præclari quidam viri satis emendata nobis omnia jam ediderunt. Et vero in Dioscoride post cum aliorum tum præcipue Jani Antonii Sarraceni diligentiam non adeo multum superest quod intelligi nequeat. Avicennæ quoque opus satis exacte edidit Andreas Alpagus, & post hunc Benedictus Rinius Venetus, uti ultimo denique Joannes Costæus Laudensis ac Paulus Mongius. Similiter & Serapionem jam emendatiorem habemus, cura ejusdem Alpagi & Costæi. Longe plura fateor menda supersunt in operibus Theophrasti & Caii Plinii: verum tamen Plinium quidem post alios Dalechampius, & in Exercitationibus suis Plinianis ad Solinum Claudius Salmasius, infinitæ vir lectionis, Theophrastum vero editio Batavica, tum ea cum primis quam eruditis commentariis illustravit Joannes Bodæus à Stapel, sic satis comtos præbuerunt. Theophrastum sane etiam non parum emendavit Casper Hofmannus, sed qui hætenus nondum invenit editorem. Vt itaque saltem pleraque veterum mediocriter à nobis possint percipi.

XXVI. Quin igitur hac ratione difficultatibus illis omnibus evitatis saltem in perquam multis ad veritatem hic pervenire possimus, nullus equidem dubitaverim: tantum modo diligenter notentur omnia, quæ de singulis plantis prodidit Dioscorides, uti illum unum nunc in exemplum adducam. Nec vero sufficit, illa solum notasse, quæ de figura plantæ alicujus Dioscoridi sunt annotata, sed & quæ de viribus ac facultatibus, saporibus item ac odoribus: nam & isthæc, immo quam maxime, ad essentiam plantæ alicujus pertinent. Hæc autem omnia recte observata si diligenter cum plantis quæ nobis in manibus sunt conferantur, non poterit facile latere sint ne eadem nec ne, præsertim

sertim si descriptiones veterum fuerint accuratæ: alias enim etiam nos fatemur verisimile quidem aliquid, certum tamen in hoc negotio dici non posse: Potest vero hoc ipsum negotium aliquo modo promoveri inspectis antiquis codicibus manuscriptis, qui figuras plantarum habent adpictas: quales in bibliothecis nonnullis, Cæsarea, Regia Gallica, aliisque magni nominis extant. Quanquam enim omni ex parte figuris illis tuto credere non liceat, quod illæ sæpenumero à manu imperita depictæ sint; est tamen ut interdum egregie nos instruere queant, ceu apud Matthiolum & alios videre est.

XXVII. Alterum vero Grammaticam cognitionem vocabulorum recentium quod attinet, illa facilius haberi potest. Hactenus enim incognitis plantis poterimus & nos ipsi nova indere nomina ob aliquam similitudinem aut alia de causa, sive ratione loci; ceu jam *thesi XIX.* diximus. Vocabula autem jam imposita partim ab optimis autoribus desumere possumus: ita tamen ut postmodum etiam sensibus simplicia illa investigemus, cum primisque id operam demus ut recte & exacte oculis perspiciantur.

XXIIX. Cæterum de Grammatica stirpium peritia satis. Plurimum vero ab hac differt illa cognitio, quam Philosophia naturalis desiderat, quamque adeo æquum est appellare PHILOSOPHICAM. Neque enim sufficit Philosopho, nomina herbarum scire, sed ulterius ipsi pergendum est, intimiusque stirpium omnium natura pernoscenda. Quemadmodum autem aliarum rerum naturalium, ita & stirpium essentia peritia in duobus consistit; partim nempe in cognitione τὸ τί ἐστι, partim vero in notitia τὸ διότι. h. e. partim uti scias qualis sit omnium plantarum natura, partim vero ut cognoscas quare aut propter quas causas illa ita sese ha-

beat. Notum autem est, stirpium omnium differentias & naturam primo in partibus, secundo in affectionibus, tertio in generationibus, (quo germinatio omnis & florum productio quoque pertinet,) & denique in omni reliqua vita consistere. Quum itaque Philosopho propositum sit integram plantarum naturam cognoscere, liquet etiam, ipsi omnia illa perdiscenda esse, quæ modo enumeravimus. Hoc ipsum autem rite fieri non potest, si tamen inspicias, quibus partibus singulæ stirpes constant, aut quæ sit ratio germinationis, protrusionis florum & omnis in universum generationis, tum si quæ alia ad vitam stirpium pertinentia singulis competant: verum collatis similitudinibus & perspectis differentiis, ex singularibus universalis quædam cognitio construenda est, & in genera atque species singula distribuenda sunt. Est autem universalis illa cognitio vere & proprie Philosophica, uti prior illa tantum historia quædam in Philosophiæ usum comparata. Quod attinet vero historiam, comparatur sane illa sensu & multiplici experientia: quorum beneficio plantæ pernoscendæ sunt, quo ex singularum similitudinibus & differentiis observatis ad universalia pronunciata licet pervenire. Debet utique ergo Philosophus cognitione quoque Grammatica ex parte esse instructus, ne si de planta aliqua ipsi differendum sit, in nomine hærare cogatur. Quanquam enim varia illa & exquisita nominum notitia in eo non requiratur, aliquam tamen necessum est ut habeat, quo & ipse discere & alios recte etiam docere possit. Ad causarum porro scientiam unice faciunt præcepta Analytica: neque enim præter hanc ulla alia doctrina viam ad veram scientiam, adeoque ad cujuslibet rei causarum perfectam cognitionem perveniendi, docet. Certe sine Analytica doctrina ad scientiam

con-

consequendam niti, tantundem est ac si sine aliis coneris volare.

XXIX. Hanc autem plantarum philosophiam paucissimi hactenus sunt persequuti, & quidem procul dubio ob insignem difficultatem; utpote quum ingenio doctrina atque industria maxima ad eam consequendam sit opus. *Aristoteles* tamen si veteribus credimus, *plantarum hanc Philosophiam exposuit.* Et vero extant hodieque duo de plantis libri Aristotelici vulgo attributi: Verum hos tanto scriptore indignos, quin immo ex Arabico primum in Latinum, ex hoc deinde in Græcum sermonem esse translatos, rectissime *Julius Cæsar Scaliger* judicavit. Fatendum tamen est in libris istis multa reperiri homine Philosopho non indigna. Quapropter etiam Philosophiam hanc affectanti profuerit illorum lectio; sed adhibito insigni *Commentario* illius modo laudati *J. C. Scaligeri.* Quamquam autem dubitandum non sit, *Aristotelem* Philosophiæ plantarum fuisse peritissimum, eam tamen excoluisse non videtur. Interim ex genuinis ejus operibus multa sparsim dicta petere licet, quæ mirifice hanc ipsam Philosophiam illustrent: quin hæc ipsa magna ex parte jam tum in unum congesta inseruit operi suo, cui titulum *Vera mens Aristotelis* fecit, *Felix Accorombonus Philosophus Romanus.* Omnino autem hoc in negotio magistrum suum superasse videtur *Theophrastus Eresius*, discipulus pariter ac in schola successor; cujus maximi viri cum de historia plantarum tum de causis earundem admirabili eruditione refertissima scripta extant. Id summe dolendum, quod longa ætas his operibus multum decerpserit, plurimasque iis intulerit lacunas, ita ut mentem *Theophrasti* sæpe vix assequi liceat. Nec vero integram medicinam tanto operi quisquam hactenus adhi-

adhibuit, utut multi multa fuerint conati. Sed & qui in Latinum hoc opus vertit *Theodorus Gaza*, elegantia Latini sermonis quam herbarum peritior videtur fuisse, unde in plurimis cum propter hanc tum alias causas mentem Theophrasti minus feliciter expressit. Quin etiam haud parum tenebrarum lectoribus offudit sectione librorum in capita, & singulis capitibus breviarum præmissa præfatione: utpote quum sæpe illa divisa sint, quæ jungi maxime debent; uti è contrario conjuncta, quæ erant separanda; argumenta autem illa capitum lectorem plerumque seducant. Interim tamen ex ipsis apparet, quanto ingenio quantaque doctrina conscripti fuerint. Prodiit vero & ipsius Theophrasti Græcum opus & Latina Gazæ versio non semel in lucem. Primus Græcum Latinumque textum junctim edidit *Daniel Heinsius*, opere quo simul & reliqua ejusdem Theophrasti Græco-Latina dare conatus est. Quanquam autem titulus illius editionis refert, ab Heinsio textum Græcum locis infinitis partim ex ingenio partim ex libris emendatum, hiulca suppleta, male concepta recensita, interpretationem quoque passim esse interpolatam; epistola dedicatoria item loquatur in Græco textu Augiæ stabulum esse expurgatum, quumque plurima hiulca, lacera, corrupta, perperam ab interpunctioribus concepta legerentur, partim ex ingenio, partim subsidio librorum, partim doctorum observatione, partim etiam collatione auctorum, qui similia aut forte eadem cum Theophrasto scripserunt, datam esse operam ut emendatus Theophrastus in manus hominum prodiret; etsi denique diffitendum minime sit, editionem illam omnibus aliis antegressis præstare: multa tamen immo longe plurima merito desideraveris. Nec vero iniquum videtur *Casparis Hofmanni de hac ipsa Heinsiana*

siana Græco - Latina editione judicium. Quid (inquit ille, præfat. ad lectorem in lib. Variarum lectionum) de Theophrasto dicam? Tot ille pene vitia habet, quot lineas. Equibus si ea tantum, quæ ab aliis animadversa fuerant, sparsimque notata, sustulisset ille, qui paucos ante annos Græco-Latinum nobis dedit, solide solidam gratiam apud omnes cordatos iniisset. Si attigisset illa quoque, quæ Gaza erravit, noruntque Botanici, civicam coronam mereri poterat. Nunc quoniam Augiæ stabulum illud non nisi extimo quodam textorio ornatum est, fas est nos expectare, usque dum promissa cætera appareant. Hæc Hofmannus & recte quidem. Non est vero fortassis quod meliorem ab Heinsio operam expectemus. Quamvis enim in epistola dedicatoria scribat, suarum emendationum aliquando rationem iusta commentatione sese redditurum, in qua multa olim temere admissa, quædam ne nunc quidem è codicibus antiquis recte esse inserta, sit evicturus; hætenus tamen nihil hujus prodiit, & Heinsii senectus aliis prorsus studiis occupata, jubet nos de eo plane desperare. Et sane in reliquorum etiam Theophrasti opusculorum editione haud videtur iusta diligentia esse adhibita, utpote quum sola illa isthic habeantur, quæ Daniel Furlanus & interpretatus est & commentariis illustravit, adeoque desiderentur & *Metaphysicus* Theophrasti libellus & alter ejus *De sensibus*, quorum illum Henricus Stephanus, istum jam olim Aldus Manutius protulit. Ne nunc dicam de libello *πεὶ Παντοίας*, cujus paraphrasin Græcam à Prisciano Lydo confectam Hieronymus Gemusæus edidit. Immo vero ne quidem omnia iusta diligentia expressa ibi sunt, ut illa nobis dedit Furlanus; quod clare apparet ex libro *De signis pluviarum, ventorum, ac tempestatum*; qui

quum unus sit, non tantum in varios libellos est divisus, sed & ita disiectus, ut pars, quæ de signis est tempestatis & serenitatis, à reliquis divulsa, locum post librum *Digne* invenerit. Sane operæ quis pretium factururus sit, qui varias emendationes præclarorum virorum, (quales profecto plurimas Claudio Salmasio in opere *Exercitationum Plinianarum* debemus) diligenti studio collectas ediderit, si non etiam ipse ex sua pharetra, ut loquuntur, aliquid possit depromere. Nec vero est, cur quis credat ex Theophrasti opere, quale illud est, nihil posse disci; immo vero plurima sunt satis clare & egregia dicta, ut haut difficulter diligentem lectorem instruere queant. Longe tamen elegantior & multis modis laudabilior est illorum *De plantis Theophrasti librorum editio*, quæ nuper demum seorsim in Belgio prodiit opera Bodæi à Stapel Amstelodamensis: est sane opus illud ut longe præstantissimum atque optimum, ita merito plurimi æstimandum. Sine dubio vero non parum emendatiora sunt opera Theophrasti, qualia illa ad editionem Casparum Hofmannum confecisse *thes. XXV.* diximus. Quicquid vero sit, utendum est eo, quod fortuna concessit, quum simile scriptum nullum extet.

XXX. Scilicet per aliquot centum, immo per bis mille fere annos ad stirpium philosophiam nemo quisquam vel conatus videtur attulisse. Certe unum si excipias scriptorem librorum *De plantis* Aristoteli attributorum, neminem reperire est sive in Græcis sive in Arabibus sive denique in Latinis auctoribus, qui vel leviter hanc Philosophiam exercuerit. Donec demum superiori seculo I. C. Scaliger maximi vir ingenii commentarios ipso Theophrasto dignos in utrumque opus *De plantis*, cum primis tamen in libros *de plantarum causis*, ut & Aristoteli tributos libellos

los cœpit conscribere. Observandum vero est, neutri commentario, sive in historiam sive in libros de plantarum causis, ultimam manum à Scaligero impositam, immo Animadversiones in historiam plantarum satis exiles esse. Post Scaligerum unus *Andreas Cæsalpinus* in opere de plantis Philosophiam hanc eleganter, ut solet, instituit, ita tamen ut longe plurima merito adhuc desideres. Probum sane est de illo Cæsalpini opere Philippi Scherbii Philosophi & Medici insignis iudicium, quod habet epistola ad Ernestum Sonerum Cæsalpini ejusdem libris præfixa. Similia tamen quædam & philosophiæ huic valde utilia sub initium præclari *De stirpibus* operis (in posterioribus enim ejus libris non Philosophum sed Medicum aut Grammaticum se gessit) protulit *Johannes Ruellius*, ut & in *Vniversali stirpium historia* *Johannes Costæus* Medicus Bononiensis, quæ tota est Philosophica: Nec vero nihil juverint Philosophiæ hujus studiosos, & imagines singularum plantarum & enarrationes quæ in optimis Botanicis scriptis supra enumeratis continentur.

XXXI. Tantum etiam de Philosophica plantarum cognitione. Qualis autem MEDICA earundem peritia sit, ex usu Artis petendum est. Vt enim in artibus usu omnia definiuntur, ita nihil quoque ad Medicum proprie pertinet, nisi quod vel necessarium est, vel apprime in medendo utile. Non præstant vero stirpes alium in medicina usum, quam quod vel in alimentum cedant, vel medicamento sint loco. Vnde patet in tantum Medici proprie esse scire, quomodo plantæ vel nutrimento vel medicamento nobis esse possint. Per accidens tamen merito dixeris etiam id ad Medicum pertinere, ut sciat, quænam plantæ nocere nobis possint, & quidem quomodo vel quando. Ex qua

discrimen cognitionis Medicæ à Grammatica aut Philosophica cognitione nemini non manifestum est.

XXXII. Vt autem alibi pluribus docetur, duobus modis medica & nutritiva virtus ut & noxia plantarum facultas investigari potest: experientia scilicet & ratione. Est autem porro experientia duplex; alia quam ipsemet instituit, alia quam tenes certa fide dignorum testium, qui compertum aliquid sibi prodiderunt. Fide digni vero sunt qui & rectam experiendi rationem noverunt, & usu aliquo rerum valent, & denique nolunt mentiri. Sane si horum aliquid desideretur, nudo aliorum testimonio credi temere nec potest nec debet. Quum autem hæc interdum adsint homini alias non multum docto, poteris huic tuto credere. Certe talis ordinis hominum commentationes aut narrationes non sunt alto supercilio contemnendæ. Vsq̃ue adeo verum hic est illud: *Quandoque est olitor verba opportuna locutus.* Nec tuæ vero etiam experientiæ fidere potes, nisi accurate observes omnia, quæ ad veram experientiam pertinent. Quæ quidem qualia sint, supra jam dictum est.

XXXIII. Investigatio porro facultatum qua ratione peragi possit, jam tum etiam supra explicatum est. Quam maxime scilicet procedere illam ex odoribus & saporibus. Ex coloribus nimirum nullum capi iudicium potest, utpote qui cum tactilibus facultatibus, in quarum temperie virtus medica consistit, nihil commune habeant. Similiter nec ex figuris stirpium de medica earundam virtute quicquam certi collegeris, utut hisce signaturis, quas appellant, plurimum tribuant Paracelsistæ; quorum ineptias perspicere est ex Osvaldi Crollii libro *De signaturis*. Nec vero Joannes Baptista Porta, cætera præstantis ingenii & iudicii, in *Phy-*
togo-

tognomonicis suis (si quicquam recte judicamus) non operose in propugnanda hac sententia lusit operam. Quanquam vero nonnunquam eveniat, ut e. g. rhabarbarum & flavum sit & purget flavam bilem; per accidens tamen totum hoc est, & multa alia bilem purgant nihil flavedinis habentia. Itaque si quæ alia sunt indicia unde medica stirpium facultas intelligi possit, confectanda illa potius fuerint, quæ ab Averrhoë *lib. III. Colliget* proponuntur. Non opus vero est hoc loco de hac quidem re plura in medium afferre, quum supra jam de facultatibus simplicium * medicamentorum in genere agentes, satis copiose de eo differuerimus.

XXXIV. Quanquam vero cognitio plantarum Medica primario & per se in virium medicarum notitia consistat, reliqua vero quæ stirpibus insunt, proprie ad Medicum non pertineant; secundario tamen in Medico requiritur, uti & faciem & nomina quoque norit illarum stirpium, quæ medicum usum habent. Nomina enim nisi cognoscat, non poterit ab aliis stirpium vires petere, nec alios docere, aut in usum medicum stirpes præscribere. Ineptissimum enim est, quod nonnulli existimant, sibi licere pro arbitrio plantis imponere nomina: Quomodo enim vel discas aliquid vel doces, si nominum usum commutes? immo quem in usum voces effinxeris, quum nec te quisquam intelligat, nec tu alios? Formam quoque stirpium dignoscat medicus oportet, si tuto artem facere velit, ne nempe aliud pro alio per imperitiam substituat, atque ita proposito suo frustretur. Præclare scilicet Galenus *lib. VI. De simpl. facult.* *Id genus*, inquit, *hominum* (loquitur autem de iis, qui plantas laudant sibi non visas) *simillimum præcomibus*, qui formam ac notas fugitivi mancipii, licet ipsi

ipsi non viderint, præconio tamen publicant. Notas enim ab aliis qui norunt accipiunt, & ceu cantilenam eas proferunt, ut si forte etiam quem præconio indicant, prope assisteret, cognoscere tamen non possent. Et sane avorum memoria gravissime hac in re peccatum est, toto colligendarum dignoscendarumque stirpium negotio aniculis & pharmacopolarum pueris commisso. Quo factum, ut plerarumque stirpium cognitio paulatim inter Medicos evanuerit, donec acristudio à præclaris quibusdam viris res herbaria tum dignosci, tum nominibus suis distingui & recte usurpari iterum cœpit.

XXXV. Quum nulla autem sit planta in toto mundo, quæ non possit cedere vel in usum humanum, vel in ejus noxam, adeoque ubivis terrarum nascantur, quæ in usum Medicum possint cedere; liquet utique ad perfectionem artis pertinere, omnium plane stirpium, quas fert tellus, vires ac facultates in numerato habere. Et vero magno usui forte hæc cognitio; utpote quum ubivis haberi facile possit, quod insignem potest usum præstare. Quamquam enim non temere admitti queat, quod nonnulli tradunt, ubivis terrarum nasci, quæ sunt sanitati necessaria; quum constet non ubivis terrarum nasci necessaria alimenta, sine quibus tamen vita humana itidem tolerari non potest: attamen certissimum videtur, nusquam non reperiri stirpes permultas quæ plurimum possint prodesse, si cognoscerentur. Si ad perfectionem vero artis necessaria est cognitio facultatum cujuslibet stirpis, requiritur vero in Medico, ut ultimum stirpium & nomina quoque sciat & figuras; manifestum est, Medici omni ex parte perfecti itidem esse, omnium prorsus stirpium nomina & figuras dignoscere.

XXXVI. Verū enim vero hactenus sane ad eam perfectionem Ars Medica nondum pervenit. Plurimarum enim, immo infinitarum stirpium facultates hactenus quidem nos latent; quin immo illa Artis perfectio humani ingenii viribus nunquam videtur impetranda. Quum autem dignotio à figuris stirpium ut & nominum peritia ad Medicum pertineat non nisi per accidens, utque utiles herbas ab inutilibus dignoscere possit, nec omnium stirpium usus hactenus sit exploratus, sed aliquarum tantum & quidem earum non magno numero; liquet hinc, non omnium quoque stirpium siue nomina siue figuras ut dignoscat, Medici interesse, sed sufficere Artem quidem facturo, ut certus sit de iis, quibus sit usus: reliquarum autem plantarum Grammaticam illam notitiam, ut ut ornamento possit esse Medico, reapse tamen ad Medici officium non pertinere. Et vero quum non sit utendum temere medicamentis, nisi de quarum virtute certo nobis constet, illa autem maxime sint explorata, quæ longa ætas jam commendavit, adeoque quorum præconia à Græcorum usque antiquissimis scriptis ad nos pervenerunt; illa utique pauca præstat accurate novisse, simulque & nomina pariter atque figuras earum habere in numerato. Quod si merito dubitaveris, an recte antiquis nominibus, quæ apud nos habentur plantæ, sint nuncupatæ, & ita non certo liqueat, num à nostris illa olim laudata possint expectari; satius omnino fuerit, hæc nostra cum per experientiam tum per rationationem quid valeant, accurate perscrutari, quam in incerto fluctuare, & quidvis quod nominibus antiquis hodie venit, in certum usum recipere. Ut ita proxime Artem facturo nihil sit necessarium, quam illarum tantum stirpium, quas ipse usurpaturus est, exquisitam, circa facultates cum primis earum, notitiam habere.

XXXVII. Est autem doctrina illa medica jam à plurimis usque seculis diligenter exculta. Neque enim ulli genti saltem aliqua stirpium medica cognitio defuit. Verum omnium gentium experientia quid compertum sit, scire non licet, quum omnes monumenta nobis non reliquerint. Quæ Græci tenuerunt, discere licet ex *Hippocraticis* aliisque multis antiquis *voluminibus*. Nam & *Cajus Plinius* quæ de herbarum viribus prodidit, veteribus Græcis scriptoribus debet. Verum hujus quidem narrationibus minus tuto fidere licere, quod ex variis, nec perinde omnibus probatæ fidei, sua transcripserit, ipse vero exiguam habuerit stirpium peritiam supra, indicatum fuit. Longe major laus debetur *Dioscoridi*, utpote qui, ipso etiam Galeno teste, & accuratissime omnem, materiam medicam pernoverit, & optima fide singula docuerit. Merito tamen etiam in illo desideres id quod olim Galenus desideravit, varia scilicet eum ad varios affectus commendasse, sed justo confusius, nec satis distinxisse varias morborum causas. Scilicet unus idemque affectus à diversis causis proficiscitur, itaque est quidem ut medicamentum aliquod in affectu quodam valeat, si ejus hæc aut illa causa fuerit; sin alia, damno potius sit aut certe nihil juvet. Proinde simpliciter aliquod medicamentum ad affectus laudare non licet, nisi habita simul ratione causarum. Quod ipsum à Dioscoride factum non est: ut adeoque imperium medendi artis etiam ille in gravissimos errores conjecerit. Non unius tamen Dioscoridis hoc vitium est, sed pene omnium qui de viribus medicamentorum sunt commentati. Quum variæ vero sint & interpretationes & editiones librorum Dioscoridis, uti ex superioribus constat, merito præ omnibus palmam hodie debemus editioni Jani Antonii Saraceni, ut qui
post

post Ruellium & diligenti cura latine Dioscoridem verterit, & Græcum textum ex plurimis manuscriptis magno studio emendaverit.

XXXIIX. Porro post Dioscoridem de virtutibus plantarum satis eximia etiam prodidit *Galenus* *libris ultimis De simplicium medicamentorum facultatibus*. At qui Galenum sequuti sunt Græci, præcipue *Aetius*, *Ægineta* & *Oribasius*, quæ habent de plantarum facultatibus, vix alia quam ex Galeno & Dioscoride desumpta, tantum in compendium redegerunt. Præter illas autem Græcis usitatas plantas nonnullarum aliarum vires ac usum *Arabes* docuerunt illi, qui post annum Christi octingentesimum ad millesimum ducentessimum pene usque ut aliam fere omnem doctrinam ita & Medicam artem excoluerunt. Caterum in Latinum hætenus scripta illorum, quæ huc quidem faciant, conversa pauca prodierunt. Desideratur enim, cujus *De simplicibus* opus maxime *Andreas Alpagus* commendavit, *Ebenbitar*. Inter eos qui ad nos pervenerunt præcipuus est *Joannes Serapion*, utpote qui singulæ i opere conatus est vires simplicium medicamentorum exponere, testimoniis partim ex Dioscoride, Galeno & Ægineta, partim ex Arabibus nonnullis mutatis. Certe id opus inter Arabica hujus argumenti scripta Latine edita maxime lectu dignum est. Exposuit etiam multorum simplicium facultates *Avicenna* & *Averrhoës*, sed tantum breviter, & ita quidem ut apud Avicennam multa liceat reperire, quibus tuto fidere non possis.

XXXIX. Postquam seculo tertio decimo circiter à nato Servatore Ars Medica ex Arabum potissimum scriptis addisci in Europa cœpit, ab iis qui Latine monumenta conscripserunt, hæc quoque simplicium medica peritia

etsi non pro dignitate, ex parte tamen exulta fuit. Nectamen quisquam ab anno millesimo ducentesimo pene ad millesimum quingentesimum quicquam edidit hujus argumenti quod laudem mereatur, si excipias *Matthæum Sylvaticum* & *Joannem Genuensem*. Cum primis tamen Sylvatici Pandectarius pro captu illius temporis satis eximius est. Certe non sine damno Artis Medicæ ille liber minus nunc manibus studiosorum teritur. Haut vulgarem quoque variarum stirpium medicam peritiam in *Consiliis* suis ostendit *Bartholomæus Montagnana*; verum seorsim hujus argumenti nihil edidit.

XL. Avorum autem memoria renata omni meliori eruditione, qui herbariam rem excolere instituerunt, ad medicum quoque usum multa contulerunt. Non omnium tamen æqualis hoc in genere laus est; quod quidam in plurimis plantis depingendis ac describendis gnaviter quidem laboraverint, cæterum vires & facultates non perinde videantur intellexisse. Sunt porro quibus fatis creditum est in unum tantum colligere quæ à Græcis sunt tradita; nova reperta & recentes observationes insuper habentes. Primus novis inventis simul & antiquis Medicam hanc rem plurimum juvit *Petrus Andreas Matthiolus*, doctissimis in Dioscoridem commentariis. Per multa etiam nova propriaque experientia observata de plantarum viribus prodit *Hieronymus Tragus*; fallit tantum interdum, dum à veteribus prodita herbis nostris diversissimis per errorem adscribit, ut recte à Leonhardo Fuchσιο est animadvertum. Majorem adhuc præceptore suo laudem promeretur *Jacobus Theodorus Tabernæmontanus*, ut qui ipse magistri exemplo de facultatibus plantarum plurima nova tradiderit. Quo majore nunc jure dolemus primam tantum
par.

partem operis amplissimi ab auctore ipso esse absolutam; secunda scilicet & tertia ab alio quodam elaborata, non male quidem, infra tamen illam laudem quam Tabernæmontano posteritas debet. Satis eximia quoque sunt & multa egregia de viribus plantarum continent opera *Remberti Dodonæi*, *Matthiæ Lobelii* & *Joachimi Camerarii*; utut Tabernæmontanus præ aliis hisce emineat, & istos reliquos omnes longe superet.

XLI. Præter hos vero Botanicos scriptores multa quæ ad Medicum hunc usum faciunt, petere licet ex iis maxime scriptoribus, qui de simplicibus medicamentis aut repharmaceutica commentati sunt. Et vero hos imprimis legere est operæ pretium, hujus quidem finis ergo: utpote qui enarrent omnes stirpes vel certe plerasque, quarum in pharmacopoliis usus est, quasque cum primis cognoscere Medici interest, aliarum omnium stirpium cura seposita. Sunt autem in hoc genere præcipui *Leonhardus Fuchs* opere *De compositione medicamentorum*, *Joannes Fernelius* libro V. & VI. *Therapeutices*, *Bernhardus Dessernius* opere *De componendis medicamentis*, *Antonius Musa* variis libris, quibus examen simplicium & compositum medicamentorum instituit, *Joannes Renodæus* in *Dispensatorio*, *Joannes Jacobus Weckerus* in *Antidotario*.

XLII. Sunt postremo nonnulli, qui non omnium, sed singulatim aliquarum tantum plantarum speciem pertractarunt. Ita de *Opebalsamo Orientali antiquo* & *hodierno* extat tractatus Norimbergæ à V. C. *Joanne Georgio Volckamero* evulgatus, lectione cum primis dignus. Huc pertinent quoque scripta illorum, qui de plantis ex India utraque allatis scripserunt. Et de *Americanis* quidem *Nicolaus Monardes*, de *Orientalis* autem *Indiæ* plantis

Garcias ab Horto & Christophorus à Costa præclaros libros confecerunt: quos latine à se versos edidit & notis illustravit *Carolus Clusius*, stirpium inquisitor diligentissimus & de omni herbario studio optime meritus. Post illos de *Medicina* itidem *Indorum* non adeo pridem egregios libros consignavit *Jacobus Bontius*. Cujus generis etiam est *Prosperi Alpini de Medicina Ægyptiorum opus*; quod Bontiano illi *Parisiensis* editionis junctum est. Similiter denique huc referendus est parvus quidem sed egregie & lectu dignus libellus de *Sambuci anatomia Martini Blochoviti* *Ofchaliensis*. Certe his similibusque aliis scriptoribus si quis dederit operam, simulque in adversariis suis quæ sparsim tradita inveniuntur collegerit, haud multum hujus quidem argumenti desiderabit.

ADDITAMENTA.

III. ✱ *Uti vero de vernaculis appellationibus.* A Grammatica cognitione incipit, quod illa præcedit jure suo tum Philosophicam tum Medicam: *Lobelius* Præfatione in adversaria ea dere sic ait: *Et quia plantarum cognitio duplex, altera nempe de facie exterior, altera virium, quasi interior, illam huic antevertere debere, monet Philosophi opera, imo ipsa natura. Neque enim potest quis ullam certam cognitionem sibi arrogare eorum simplicium quæ nunquam aspexit.*

VII. ✱ *Primum à nescio quo anno 1540. constructum esse.* De anno certum est, eo ita accidisse, sed auctoritate senatus *Veneti*, suadente & mox dirigente opus *Bonafide*, qui & eodem anno præfectus horti primus factus est: *Danieli* vero *Barbaro* debetur, quod Illustrissimo Senatui sit persuasum; ille enim, cum *Herbarius* iste id opus diu urfisset & compellasset senatum plurimumq;
insti-

institisset, ejus suscepit patrocinium, æquum laudabileque esse, quod tantopere postularet, magnæque utilitatis futurum, commonstrans, tum ei demum concessum est, ut theatrum ex terra & lapidibus pro suo arbitrio construi juberet: prout luculentum habemus ejus rei enarratorem *Petrum Bellonium in libello de neglecta plantarum cultura probl. 20.*

* * *Weslingius noster.* Hic successorem habuit Georgium à Turre, Patavinum.

* * * *Casalpinum.* Cujus tot de universa re medica incomparabiles extant libri: Fuit autem Lucæ illius Ghini, cujus modo facta est mentio, discipulus, & tum quoque successor. Italicis hortis adnumerandus etiam venit Bononiensis, quamvis reliquorum celebritatem hætenus non attigerit. Catalogum tamen ejus, sub nomine Horti Studiosorum Bononiæ consiti Anno MDCLVII. cum novarum plantarum hætenus non sculptarum figuris & historia publicavit *Hyacinthus Ambrosinus*, Simplicium Professor & horti Præfectus, qui etiam promiserat Icones novarum Plantarum in Mutinensium & Lucensium Alpibus collectarum, una cum Indice omnium herbarum qui in Cimone monte reperiuntur, sed horum aliquid an prodierit, non liquet.

IIIX. *Claudii de la Brosse.* Imo Guidonis: *Guy de la Brosse* Medicin ordinair du Roy, & designé par sa Majesté pour intendant de ce Gardin: anno MDCXXVIII. edidit librum sub titulo: *Dessain d'un Jardin Royal pour la culture des plantes Medicales à Paris: ou il est amplement deduit la raison de la nécessité, & quel bien il peut oporter au public.* Sunt epistolæ ad Regem, Cardinalem Richelium, aliosque primores Galliæ, & Apologia pro erigendo horto cum catalogo Plantarum usitatarum, quæ semper aut recentes aut siccæ in horto illo haberi debeant, una cum succis earum, aquis destillatis, salibus & essentiis. Ad-ditus est hic tractatus majori Guidonis Brosseæ libro *De la Nature, vertu & utilité des Plantes.*

* * *Joanne Robino.* Viget etiamnum ejus viri memoria in isto suo horto; vidimus enim Lutetiæ adhuc dum vi-

rentes magno numero stirpes ejus manu confitas, potissimum vero Rarissimæ Plantæ, Acaciæ Americanæ Robini (nam ejus gerit nomen) plurimas, quæ tum quidem terræ commissæ, & quantum conjicio ex semine pronatæ, nunc pulchre adoleverunt, ut sub ipsis umbram capere & deambulare liceat. Curam horti tum gerebat D. Marchandus, vir humanissimus pariter ac doctissimus, qui per universam Galliam non modo, Hispaniam, Italiam, & Germaniæ partem, sed & Ægyptum, Asiam, Africam plantarum gratia fuerat peregrinatus, jussu & auspiciis summi principis Gastonis Ducis Aurelianensis, Ludovici XIII. Fratris, maximi literarum, dum viveret, patroni, quem adhuc in vivis esse audio. *Robinus* autem post initium seculi floruit, tertio nempe & quarto decennio. Scripsit *enchiridion Isagogicum ad facilem notitiam stirpium tam indigenarum, quam exoticarum, quæ colebantur in illo horto*

IX. ✱ *Academia Jenensis secuta est* - Auctore potissimum & primo dein præfecto Guernero Rolinkio, cognato meo, botanico absolutissimo, cujus herbarium vivum, propria manu confectum & ad ordinem Dodonæi dispositis plantis per classes, decem voluminibus ingentibus constans, haut levem nobis olim in addiscendis plantarum nominibus opem tulit, utpote cujus usum pro paterno in nos affectu Vir amplissimus liberaliter concesserat. Secutus est ipsum clarissimus Slegelius, eumque discedentem, Parens meus, sed præmatura morte obiens non admodum diu horto præfuit; post quem Joh. Theodorus Schenckius ejus curam gesit, tum Arnoldus Friderici, cui successit tandem Augustinus Henricus Faschius, qui magna sedulitate rei botanicæ incumbens, & ipsam horti Aream emendavit, & multas rariores plantas intulit, iisque de hybernio prospexit: denique exstructo magnifico porticu ipsum ornavit, adeoque jure merito optime meritis horti Jenensis instaurator audire meretur.

✱ ✱ *Insignem porro jam dudum famam meruit similis hortus in Batavis* - Lugdunensem dicit. Is nunc justo spatio & magnarum naturalium copia, in ambulacro æstivo elegantissimo dispositarum gaudens. Præfecto post Sienum fruitur viro doctissimo

limo & elegantissimi ingenii Paulo Hermann, Halo-Saxone, qui ex ipsa India Orientali ad officium illud arcessitus, rarissimas plantas pariter atque alia plurima pulcherrima inde secum attulit, quibus mire nunc hortus atque ambulacrum istud superbiunt, jam ante cultissima. Edidisse eum audio catalogum plantarum: quod commodo rei botanicæ haut exiguo factum judicamus, cum primis, quia figuræ plantarum sint additæ ab auctoribus adhuc prætermittarum: certe absque hoc adminiculo hortorum usus discipulis vix potest integer constare. Sed & Lipsiensis Academia suum celebrat hortum, jam inde ab anno præteriti seculi octuagesimo, sub Pauli Ammanni, Botanici curiosissimi tutela hodie florentissimum. Sed de his omnibus hortorum incrementis, ipsaque inauguratione Jenensis illius, aliorumque legi meretur celebrati sæpius *Rolfincii liber de vegetabilibus V, 3. 6.* delitiis hortensibus atque amœnitatibus ita refertus, ut in hortis ipsis versari & prodeambulare per eorum areas & vireta legentes sibi videri queant.

* * * *Hortus Hessesis.* Quanta fuerit plantarum in isto ubertas, ex *Catalogo*, quem *Joannes Royerus*, primus ejus præfectus olim edidit, licet perspicere: Nunc præest eidem filius *Joannis* qui quidem insigni fuit olim & peritia & industria, ita ut ad meum usque in hanc Academiam adventum dignitas hortu constiterit sua, sed ut

Omnia fert ætas, animum quoque,

ita is nunc senio confectus, sumtibus etiam ex parte horto subtractis, plurimum à priori diligentia remisit: præsertim postquam filius ejus unicus quem in spem successionis egregia itidem imbuerat herbarum scientia, in Italia ante aliquot annos fatis cessit: ita ut nunc vix spes sit reliqua, hortum istum unquam ad pristinum statum esse rediturum. Erat tum temporis haut paucis etiam rarioribus plantis instructus Schoeningensis hortus, in quibus caput extollebat præ cæteris Cuajaci arbor justæ magnitudinis: verum is nunc cum multis aliis Saltzthaliæ migravit, nobisque triste sui reliquit desiderium; maxime cum post ejus discessum hortus quoque reliquus negligentior haberi ceperit.

X. * *Quæ circa Altorfium reperiuntur*, *Ludovicus Jungermannus*. Altorfinas plantas accuratius nunc descripsit *Mauritius Hofmannus*, vir rectissimo judicio, & antiqua fide inter doctos hodie præcipuus, & Botanicarum rerum longe peritissimus, *Catalogo* edito cum earum quas florentissimus ejus hortus profert rariores plerasque, tum quas universa vicinia. Placet autem præ cæteris omnibus hic catalogus quod non synonyma tantum & loca addidit, tabulaque topographica æri insculpta adnexa, indicavit, sed & indice novo per menses singulos quæ ubi invenienda sint, doceat: ita ut quilibet rei herbariæ utcunque initiatus, sponte sua sine magistro aut comite possit omnia invenire; Quin & reliquas res naturales ibi reperiundas describit, ut eo nomine ad præcedens caput referri ex parte queat. Sed & alii novos catalogos edidere: *Jenensem Joh. Theodorus Schenckius*, sed qui nec synonyma nec loca, nec tempus quo extent, adscripsit: confudit quoque hortenses cum sponte nascentibus, ut parum hoc suo labore juvari studiosa juvenus queat. Longe rectius se in simili gessit negotio *Joh. Raye, Anglus*, vir stirpium peritia longe maximus, edito primum catalogo *Cantabrigam* circa nascentium plantarum; At mox longe accuratiorem totius *Angliæ*: ex quo libro laudata ejus peritia longe clarius emicuit, quam non in patria tantum, sed institutis in longe disitis per *Europam* regiones peregrinationibus sibi comparavit. Unde & mox alterum edidit *Catalogum* plantarum extra *Angliam* nascentium: ut viri in locis omnibus perreptandis & exquirendis diligentiam satis mirari non possim. *Silesiacas* plantas dedit nobis una cum *Hirschbergensibus* diligentissimus rerum naturalium patriæ suæ scrutator, *Caspar Schvvenckfeldius*: *Middelburgenses Peletarius*, *Marchicas Elsholtius*, circa *Halam Saxonum* nascentes *Schefferus*, *Amphitheatrales Panarolus*. *Monspeliensem* regionem accuratissime descripsit vir itidem notitia herbarum, indigenarum præsertim, nemini secundus *Magnolus*, cujus singulari benevolentia & nos usi sumus jam ante hos XII. annos, non sine insigni in addiscendis plantarum nominibus utilitate. Vidimus jam tum
absolu-

absolutum istum apud ipsum catalogum, quem etiam lucem vidisse inaudivimus, sed desiderium ejus nanciscendi nondum licuit explere, quantocunque etiam illo ex eo tempore teneamur. Nam præter stirpium ibi nascentium enarrationem accuratam, addiderat plurimas in Casparis Bauhini Pinacem vir doctissimus animadversiones, infinitos ejus errores commonstrans, quibus plantarum numerum præter rem auxisse eum contendebat. Est autem hic catalogus omnium qui extant sine dubio numerosissimus: Præ omnibus enim regionibus Gallia Narbonensis plantarum ferax, agnoscente id *Matthia Lobelio* cui ut homini extero fides haberi potest. In *Præfatione* autem *Adversariis præmissa* hæc habet: *Si delicias & divitias plantarum, quæ Narbonensi agro, cis transque Rodanum, Lyguribus & Pyrenæis Alpinis utrinque maritimis contermino virent, cum plerisque septentrionis, vel ipsius Italiæ tractibus quis conferat, hosce saltus & pascua, lumas, aut desita loca putet, Narbonenses autem præfecturas amœnitate & varietate feraci Elisiæ vireta dicat, illis quidem sparsim multa & rara, sed hic tum eadem, tum longe plurima & latiora etiam in montis & convallis ambitu pusillo, quasi uno orbis compendio, occurrunt.* Sane non sine causa laudavit hæc loca *Lobellius*: Nos certe intra semestre quod ibi commorati sumus spatium ultra quadringentas antea non visas (non autem rei botanicæ plane rudes accesseramus) præeunte humanissimo *Magnolio*, collegimus, meminique ex eo non semel audivisse, ultra bis mille diversas in solius *Monspeli* agro & vicinis montibus reperiri. Qui profecto ingens est numerus, ad quem haut scio an ullus totius orbis locus accedere possit.

* * *Sed & Helmstadiensi nostro agro.* Ego me olim, cum id negotii mihi esset a Serenissimis Principibus meis demandatum, ultra sexcentas plantas observare memini, non excurrentes ultra unum Germanicum miliare quod vocant, nec despero ad DCC. produci istum numerum posse, si quando otium & occasio tulerit ceptum jam dudum catalogum plantarum per-textere.

* * * *Et seorsim quadam loca quæ circa Monspeliū &*
 V u *Seda-*

Sedanum sunt. De illis jam diximus, Sedanum non adivimus: celeberrimi verò sunt & montes Alvernienſes, in quibus eminent Mons Dei; ut prope Monſpelium Mons Lupi & Mons Cete, ubi & nos varias rariffimas plantas decerpſimus.

XII. ✱ *De ordine nempe obſervando.* Ita tamen, ne omni ordine neglecto, promiſcue omnes prout ſeſe offerunt inferantur, ſed aliquis teneatur. Ordo enim memoriæ unicum ſubſidium eſt, neque quicquam tam pernicioſum eſt diſcentibus, quam ſine ordine diſcere: præſertim in re tam diſufa atque eſt herbarum cognitio. Sane ego aſpicere ſine indignatione vix poſſum herbaria illa viva, quæ vulgo conſieri à juventute ſolent ſine omni ordine. Danda ergo eſt opera ut conſimiles genere ſub ſua quævis claſſe collocentur: neque refert, quod ab aliis alio referantur plantæ auctoriſus, in eo enim eſt, quod dicit auctor, quemvis ordinem ſervire diſcentibus poſſe: prout nempe hunc vel illum quis ſibi ſelegerit, quem ſequatur auctorem. Sic Rolſincius Dodonæum erat ſecutus, mihi Bauhinum præferre viſum eſt. Nunc, cum Morifonius & Rajus litis hujus finem fecere, & certam qua in indagandis plantarum generibus incedamus, monſtrarunt viam, illam potius ſequendam duxerim. Verum cum iſti auctores rari ſint, prodeſſe interim poteſt *Pauli Ammanni* editus nuper *character plantarum*, ſi forte Raji methodus, qui bis tamen jam editus fuit, haberi non poſſit. Et quidem apprime foret utile Bauhini pinacem reſingere, & ex iſtorum mente collocatis plantis, nomina à Bauhino collecta, vitatis erroribus ab ipſo commiſſis, addere, ita tamen ut in fronte ac prima acie pugnet Rajus & Morifonus. Adjungendus verò omnino erit Magnolii Catalogus, & ipſius animadverſiones inferendæ. Interim donec id ab aliquo cordato homine præſtetur, Bauhini pinax eligi quoque poteſt, quamvis longe illis recentioribus, variis de cauſis ſit poſtbabendus: laudem tamen meretur vel eo nomine quod cæteris voluerit hic præire. De addendis autem reliquorum auctorum nominibus quod dixi, omnino neceſſarium eſt: fruſtra enim ſunt, qui ſibi perſuadent ea deinceps negligi citra artis incommodum poſſe.

se, prout mox pluribus ostendam. Quo vero & sumtibus consulatur, neque charta inanis in magnis voluminibus in spem futuræ collectionis relinquenda sit plantarum collectoribus, ego quidem auctor sum meæ curæ se committentibus, ut singulis foliis singulas plantas affigant, donec tandem additis successive & per vices reliquis in justa volumina repetitus assidue labor possit coalescere.

* * *Quod autem in herbis siccis.* Jam antea de his egimus. Ligna, radices, semina, fructus, aromata ex utraque India allata item ex Asia, Africa, cum primis Arabia, aliter cognosci nequeunt, cum paucissimis liceat adire disrita hæc loca neque sit operæ pretium ob id unum eò ire. Recte igitur quod herbaria viva ad stirpes indigenas, id ejusmodi collectiones exoticorum ad reliquorum officinalium vegetabilium cognitionem conferunt.

XIII. * *Per effigies videlicet stirpium ad vivum depictas.* Fuit hic mos antiquissimus & non solum Pamphilo ante Galenum usitatus, ut mox pluribus ostendemus, sed & jam inde ab Hippocratis temporibus plurimis aliis, ut Cratevæ, qui hujus fuit coævus. Ex Plinio discimus *Hist. Nat. L. XXV. cap. 2.* Verba ejus sunt hæc: *Græci auctores Medicinæ, Cratevas, Dionysius, Metrodorus, item Evax Rex Arabum, qui de simplicium effectibus ad Neronem scripsit, prodidere scientiam herbarum ratione blandissima, sed qua nihil pene aliud quam rei difficultas intelligatur. Pinxere namque effigies herbarum, atque ita subscripsere effectus. Verum & pictura fallax est, & coloribus tam numerosis, præsertim in æmulatione naturæ, multum degenerat transcribentium sors varia. Præterea parum est singulas earum ætates pingi, cum quadripartitis varietatibus anni faciem mutant. Quare ceteri sermone eas tradidere; aliqui ne effigie quidem indicata, & nudis plerumque nominibus defuncti, quoniam satis videbatur potestates vimque demonstrare quærere volentibus.* Hæc ille. Adscripsimus autem integrum hic locum, quod ille ipse est cujus deinde fit mentio inciso 16. hujus capitis, ubi hæc de picturis Plinii difficultas expenditur.

* * *Omnium primi in id incumbere ceperunt.* His accendendus etiam est *Adamus Lonicerus*, Physicus Francofurtensis, cujus

cujus duplex opus, utrumque cum figuris, si recte se habet Lindani catalogus, anno seculi præteriti 55. jam extitit, Mirum tamen, si verum. Nam Lonicerus natus est anno MD XXVIII. prout ex effigie ejus operi Germanico præmissa patet, adeoque anno MDLI. quo secundum Lindanum primum opus prodiit, non nisi 23. annorum fuit, & tamen opus illud Dioscoridis æmulum est, additamque insuper habet artem destillandi, quæ omnia vix cadunt in virum juvenem.

✱ ✱ ✱ *Editio Italica.* Videtur ad Venetam respicere, quæ figuras longe elegantissimas exhibet, singulis integrum folium occupantibus. Prodiit ex officina Valgrisiæ anno MDLXVI. item MDLXXXIII. in folio.

XIV. ✱ *Plantas passim occurrentes & maxima ex parte vulgares.* In Belgio: multæ enim in Germania nascentes non reperiuntur: multæ quoque in Dodonæo occurrunt, non æque obviæ sed ex hortis collectæ; ut fieri solet in adornando opere integro.

✱ ✱ *Hæc Tbuanus.* Post hos omnes demum prodiit vastissimum opus Johannis Bauhini, Casparis fratris, quod *Historiam Plantarum* inscripsit, in quo universam rerum vegetabilium historiam tradidit, ad exemplum Historiæ animalis Aldrovandi. Et vero hoc opere, fatendum est, omnes qui eum præcesserant, superatos: tanta enim fuit viri industria & indefessum studium, ut Juvenis Helvetiam, Italiam, Galliam, Germaniæ partem, aliasque regiones peragraret, plantarum cognoscendarum gratia; Senex autem factus, omnes evolveret auctores. Hinc tantam sibi acquisivit peritiam, ut licet non omnino omnes, plerasque tamen etiam peregrinas, enarret. Id tamen in eo opere desideres, quod icones, quas addit plerumque nimis exiguæ, minus terfæ nec dignitati operis sint respondentes, imperfectæ etiam haud raro, imo & transpositæ, aliisque vitiis laborent, quæ lectores possint turbare. Usus est initio ad miniculo Generi sui, Henrici Cherleri, doctissimi viri, quo fato functo non multo post scæci obitum, editionis curam in se suscepit Chabræus, medicus Genevensis: sumtus autem si non omnes, magnam tamen partem suppeditarunt Proceres Ebrodunenses, sub quorum

rum auspiciis prodiit opus, cujus amplitudo omnes typographos deterruerat. Et quidem hoc ipsum in causa esse apparet, quod & pauciores quam par erat, & minus splendidæ figuræ sint additæ. Sed operæ fortassis erit pretium de tanti libri origine & incrementis quædam ipsius auctoris verba adducere, ex præfatione in librum IV. descriptionis fontis Bollensis, cujus ad caput præteritum mentionem fecimus; præsertim cum & Lugdunensis illius historiæ fatum ibi habeatur & ipsius auctoris vita magnam partem inde cognosci queat. Talia sunt: *Triginta quatuor nunc præterierunt anni, quod peregrinationes meas juveniles & labores indefessos maxime circa studium botanicum utilitati publicæ devovere, & publici juris facere decrevi. Ac proinde pro historia stirpium universali quam tum meditabar, descriptiones, synonyma, & observationes circa easdem varias per Alpes primum Helveticas aliasque plures, dein per Germaniam, tandem etiam per Galliam, præcipue tamen Narbonensem, Italiamque congeffi. Has meas lucubrationes & adversaria paulo post, ut & plantas ipsas, magno illi GESNERO, optimo meo præceptori (ipso hoc flagitante) communicavi lubens. Ex hismet postmodum Eicones non paucæ historiæ Matthioli à præcelebri medico D. CAMERARIO editæ accesserunt. Nec pauca nobis debet LOBELIUS. At vero qui historiam illam Lugdunensem consarcinavit, omnia nostra habuit. Sed me hercle eadem hæc, aliæque plurima parum considerate congeffit, tum divulsis eorundem generum speciebus, tum iisdem earundem stirpium tam iconibus, quam descriptionibus sæpius imprudenter inculcatis. Nec certe potuit aliter, ut qui vel stirpium & plantarum fuerit imperitus, vel doctas doctissimi DALECHAMPII meditationes neutiquam perspectas habuerit, quas promiscue cum nostris aliorumque scriptis confudit. Et etiam nunc historiam illam confusam potius quam ordine digestam, & sine iudicio (dicam fere) sine lectoris Φιλοβοτάνῃ utilitate. Mibi quidem tum generalis illa historia fuerat demandata, ut qui ad illam vel ultro me accinxeram: nec infeliciter etiam cœpta, ut multis viris clarissimis notum est, & ex GESNERI editis epistolis patet. Interim dum hæc fiunt, intempestivis (proh dolor) bellorum Gallicorum fluctibus exerceor, peneque dixerim obruor, ut non solum tranquillioris vite studio,*

dio, relicto Lugduno, sed & circa historiam conatu ipso, Genevam
 primum, postmodum etiam ad almam patriam mihi fuerit redeundum.
 Tum studia mea Botanica pressa, neutiquam tamen oppressa delituere.
 Nam & praxi Geneva grassante peste districtus, & Professioni paulo
 post Basilea praesui, ubi tamen magnam ἀντιβαλλομένων & συνωνύμων
 meorum partem conscripsi: In his etiam dum occupor, ecce novo irra-
 dior Phabo. Illustris nempe Princeps FRIDERICUS DUX WIR-
 TEMBERGENSIS, &c. honorifico stipendio ad se Mompelgar-
 dum evocat; Ubi hortum principis & studium botanicum ipsum ali-
 quantisper quidem intermissum, neutiquam tamen penitus omissum, ex
 professo recolere cepi, quantum quidem per pragmaticam & occupatis-
 simam aulicam vitam licuit. Primum itaque magnum illud opus
 meum, cui titulus Consensus & dissensus authorum circa plan-
 tas magno labore concinnavi, non posthabito interim instituto de Histo-
 ria generali edenda, adjectis synonymis aliisque, ad stirpium cognitionem
 exactam plurimum facientibus. Hæc autem omnia tam crebris pere-
 grinationibus, praxiq; medica adeo fuerunt interrupta, ut ad hanc usq;
 diem non sine magna laborum meorum jactura fuerint retardata atque
 protracta. Tandem vero, ingravescente ætate, & utilitate publica
 illud suadente postulanteque, serio cogito de operibus meis Botanicis eden-
 dis, hocque eo facilius atque citius futurum nunc spero, cum divina
 providentia Genæ mihi nunc contigerit JOH. HENRICUS CHER-
 LERUS, Phil. & Med. Basil. & in omni genere literarum, præcipue
 vero etiam in studio botanico ob varias peregrinationes per Gallias &
 Italiam apprime versatus. Hujus itaque fidem diligentiamque adversa-
 riis & observationibus meis adhibere, eique committere decrevi, nec
 dubito, junctis operibus tantum effecturos nos, ut Generalis mea Plan-
 tarum historia cum Consensu & Dissensu circa plantas earumque sy-
 nonymis &c. supremam manum consequi, & brevi tandem in publicum
 prodire queat &c. Hæc ibi Johannes Bauhinus bona fide ita enar-
 rat. Nos vero antequam de iis qui figuris illustrare plantarum
 historiam instituere, cessemus dicere, etiam Morisoni recentis-
 simi operis meminisse oporteret: Sed ejus institutum ad Philo-
 sophicam notitiam stirpium maxime respicit, adeoque infra
 commodius recensabitur. Utinam vero aliquando consumma-
 retur

retur atque prodiret in publicum id quod Parisiis apud supra laudatum horti Regii præfectum D. Marchand Ludovici XIV. maximi Regis jussu coeptum vidimus vere Regium opus, figurarum ad vivum æri incisarum, quibus singulæ plantæ tam nitide tamque accurate exhibeantur, ut nihil absolutius unquam orbis adspicere queat. Sed paucae tum erant excusæ, & jam tum à rei literariæ cura, animum Régis abduxerat ad belli studium insatiabilis acquirendi libido, ita ut sumtibus in alia omnia conversis, vix liceat deinceps quicquam ea in re inde expectare: O utinam aliquando, armis & Marte relictis cum Musis rediret in gratiam magnanimus æque ac potentissimus Monarcha & metu ac terrore soluto, cupiat ut ante, à vicinis populis amari potius ac suspici quam metui ac esse exosus: rediret fortassis in eorum pectora prisca veneratio, qua delictum Generis humani tum audiebat, haberetque etiam botanica res quod post tot artium ac scientiarum augmentum à Ludovico sibi accessisse posset gloriari.

XV. * *Cretenses stirpes præcipuè spectantur.* De plantis Cretensibus longe absolutius edidit opus sive *Joannes Baptista*, ut ego eum vocari memini, sive, ut aliis appellatur *Jacobus Zannoni*, Bononiensis Pharmacopæus, sed ex eorum numero, qui supra vulgus sapiunt; nam & *Λιδωταμείον* apud ipsum spectatur instructissimum, in quod magnum numerum Lapidum omnis generis congeffit: rarissimum oculis spectaculum, quod hominis industriam & elegans ingenium prodit. Operæ foret pretium & illud nobis descriptum dare.

* * *Ex Leonhardi Rauwolfii Augustani Itinerario.* Rauwolfii illius Collectionem Herbarum, quam in Peregrinationibus suis fecerat, in Pedemontano solo, Nitzæ, in Provincia circa Masfiliam, in Syria, ad montem Libanum, Antilibanum, per Arabiam, juxta Euphratem, in Chaldæa, Assyria, Armenia, Mesopotamia (ita enim ordine sequuntur) annis MDLXXII, LXXIV, LXXV. quatuor vastis tomis, in quibus omnes plantæ siccatae nitidissime repositæ, apud celeberrimum virum Isaacum Vossium Hagæ Comitum anno MDCLX. fuisse

fuisse, ibique à se visam nos asserit Nobilissimus vir Henricus Meibomius, Collega noster honorandus. Fuisse autem hæc præstantissima volumina in Electorali Bavarica bibliotheca asservata, ex ipso Vosio intellexit, qui simul Paralipomena Botanica quædam ope observationum Rauwolfianarum scribere, in animo habuit, modo Didymum Alexandrinum de plantis Ægyptiis, MStum Venetiis extantem accepisset. Nondum id præstitit vir doctissimus, forte quia voto apud Venetos excidit: interim meretur, quantum conjicimus, totum opus, descriptis per Chalcographum plantarum figuris edi, non parum enim lucis inde affulsurum rei herbariæ veterum, ex iis colligere licebit quæ deinceps in auctore nostro sequuntur, & nos iis adjecturi sumus.

* * *Quam tamen à filio ejus captam esse.* Singulari factum esse fato videtur, quod & Johannes & Casparus Bauhini, fratres eodem impetu, suo quisque loco, & pari industria in rem herbariam excolendam ferrentur, atque adeo grande opus molerentur ambo, pari etiam fere successu. Etsi enim Johannis opus lucem tandem integrum adspexit, non tamen sine maximis id factum difficultatibus, immortuo operi & ipso auctore, & Genero ejus Cherlero, coadjutore. Casparum vero itidem in adornanda editione occupatum rapuit supremus dies, sed operis ejus non nisi exigua pars, prima scilicet, à filio superstite evulgata est, quo agit de Graminibus, frumentis, & reliquis, quorum nomina libro primo Pinacis enarrantur: ad cujus ductum totum illud opus fuisse compositum apparet. Editæ est Basileæ 1658.

* * * *Verum illud opus hætenus lucem non vidit.* Vidit jam: sed longe infra expectationem esse apparuit & vere non magni momenti. Sed abunde compensavit hunc defectum *Horæ Malabaricus* nuper editus, opus magnificentissimum, & quod splendore & elegantia iconum omnibus palmam reddere dubiam possit. De Historia naturali Brasiliæ, non tantum illa quæ sub Marggraffi extant nomine, sed & magnam reliquorum partem quam sibi vendicavit Johannes de Laet, Marggraffi esse, frater ejus Christianus

nus

nus, amicus noster olim nobis asservare solitus est. Pertinet vero ad hæc quoque non solum ejusdem de Laet descriptio Americæ, ubi satis magnus Americanarum stirpium & fructuum ibi nascentium numerus habetur; sed & itineraria eorum qui per eam mundi partem peregrinati sunt, quorum pauci à plantis describendis abstinuerunt manum. Spectant etiam ad hanc classem rariorum plantarum *Lobellii* supra laudati & *Petri Pona Adversaria*, utpote in quibus itidem multæ rariores plantæ vix alibi rectius inveniendæ describuntur, illarum præsertim quæ in Gallia Narbonensi proveniunt, fida pictoris manu scriptoris accuratum sequente ingenium: fuit autem in nominibus plantis repertiundis *Lobelius* apprime ingeniosus ac felix. Denique sunt & recentissimi nonnulli scriptores: uti *Johannes Breyn* Dantiscanus, ex Myriopola factus insignis botanicus. Edidit prodromum, & descriptiones rariorum plantarum nitidissimis figuris, quousque humana industria eniti potest: sed vix ullibi prostant venales, &, præterea ingens quo venduntur & enorme pretium (pro singulis enim centenariis plantarum decem imperiales ab emtore exigit auctor) potest unumquemque ab emtione non injuria absterre, præsertim cum utilitas rariorum ejusmodi plantarum, præterquam quod nosse juvat, sit prorsus nulla.

XVIII. ✱ *Tyronei verò rei herbariæ suffecerit.* De Bauhini opere supra diximus ad sectionem XIV. Quod vero ad Tyrones, primum omnium danda est opera, ut officinales plantas & nomina noscant, quo in officinis appellantur, ita tamen, ut simul quænam species ibi extent singulorum generum, habeant perspectum: Deinde in reliquis consultius hodie erit sequi Bauhinos, Morisonum & Rajum, ut qui accuratius longe circa plantarum digestionem in genera & species versati sunt. Cum enim priores paucas tantum species cognoverint, brevi etiam ac simplici appellatione sæpe sunt usi: illa vero nunc, ubi plures unius generis innotuere, sufficere amplius non potest, sed confundit ac turbat.

XIX. ✱ *Haut male tamen . . .* Rectè id quidem, & factum ita à plerisque est, mereturque consuli hic *Spigelii Isagoge plantarum*

tarum, *Cap. XV. & sequentibus*. Malim tamen ego hac in re statuere cum Morisonio, esse statim ad specificas differentias respiciendum, ut in tali nominis notitia simul eruditionis & doctrinæ aliquid contineatur. Vide quæ ad sequentem sectionem trigessimam adnotamus. Certe hoc pacto Adamum olim in nominandis animalibus, quum Creator illa ad ipsum adduceret, ut perspiceret quod nomen imponeret singulis, se gessisse, Sacrarum rerum & Physicarum auctores concordi scribunt sententia: & quamvis Morisoni methodus omnem essentiam non exhaustiat, juvabit tamen, vel particulam ejus simul cum nomine delibasse.

XXI. * Ad hanc nominum à veteribus excogitatorum certiore cognitionem sine dubio plurimum posset etiam prodesse incomparabilis Critici *Cl. Salmasii* liber, quem à Dnn. Lantini & Marei (De la mare) Consiliorum Parlamenti Burgundici beneficentia nos expectare jussit eorum publice data fides, cujus etiam jam præfationem Divione impressam edidere ante hos 19. annos, titulo: *Cl. Salmasii Prefatio in librum De Homonymis Hylesiatrix, addito ejusdem de Plinio judicio*: in quo opere ostenduntur infiniti illi errores circa nomina rerum naturalium etiam antiquis commissi, & qui factum sit, quod unum idemque variis sæpe plantis inditum nomen fuerit, & versa vice uni plantæ varia item nomina. Utrum vero tam utilis liber, Magni illius viri industria citra dubium accuratissime conscriptus, præfationem secutus atque editus sit, non constat: si factum non est, injuria publico invidetur, cum periculum sit, ne quando per infortunium nobis pereat: Sed forte in turbulenta ista Reformatorum ejectione petulantia militis jam absumptus est: quid enim non perpetrarent, quibus omnia permissa?

* *Ulysses Aldrovandus*. Vidimus Bononiæ in ejus Museo, ut jam ante quoque notavimus, pictarum plantarum ingentia volumina, summa diligentia adornata, ex quibus satis licet colligere, quantam in his collocaverit industriam vir stupendi laboris atque ingenio maximus. Suspikor autem, scripta illa *Botanica in Palatio Cardinalis Vicelegati Bononiensis*, ubi ista omnia

omnia asservantur, adhuc superesse, & inter trècenta illa volumina MSta, quæ ibi extant, alicubi latere: sed vix lucem videntur esse visura.

XXII. * *Quarto denique, cum veteres illi in remotis regionibus vixerint.* Hæc profecto ratio omnium est præcipua. Nam vel in ipsa Germania, Gallia aut Italia quanta sit differentia soli, indeque nascentium stirpium, nemo ignorat, nisi qui ultra patriæ limites pedem nunquam protulit: Idque adeò me movit dudum ut existimarem, frustra nos in istis laborare, nisi Græciam ipsam Asiamve, cum minorem, tum magnam etiam majoris sic dictæ partem, Arabiam cum primis, & denique Ægyptum adire, omniaque ibi prostantia curate pervestigare liceat: Monstrant certe id quam sit proficuum, *Rauvvolfi* Itinerarium, *Petri Bellonii* observationes, aliaque Scripta eorum, quibus regiones illas pervadere licitum fuit. Verum hoc optare quam sperare proclivius est, ni forte victricia Magni Leopoldi, Veneratorumque invictissimorum arma nobis viam sternant; conculcato Turcarum imperio, qui nec talia curant, nec facilem aliis aditum ad ea concedunt: Quod ut faxit supremum numen, ardentissimis ab ipso votis contendendum est:

* * *Quod ubi factum, fieri non potest, ut quicquam nisi verisimiliter.* Quod veteres plantarum suarum imperfectas, imo haut raro etiam plane nullas descriptiones dedere, sed verbo tantum eas innuere consueverunt, id factum semper non est ex aliqua negligentia aut levitate animi, aut quod crederent satis esse in vulgus eas notas, ut non indigeant descriptione prout cuidam posset forte videri, sed quia icones singularum addiderant. Ita enim in more positum ipsis fuisse jam inde ab antiquissimis temporibus, ex luculento illo Plinii testimonio antea à nobis allato satis videtur esse certum. Cum igitur figuræ essent ab ipsis additæ, non opus erat proluxa descriptione, sed ea, tanquam supervacanea, omissa, statim ad effectus enarrandos accedebant. Apparet igitur, unicum huic rei remedium in figuris antiquis genuinis esse quærendum, quia in re quid sperandum nobis sit, mox ad sectionem XXVI, declarabimus.

XXV. ✱ *Et Caji Plinii-sic satis comtos praeuere.* Qui compendium quærunt, iis sufficere possit quæ anno M DCLXIX. Lugduni Batavorum prodiit nitidissima editio, tribus tomis, cum selectis doctorum virorum commentariis; inter quos & Dalechampii & Salmasii notæ habentur quædam. Nihil in ista posset forte desiderari, si recto cum iudicio omnia essent ex commentatoribus excerpta: etsi tam vastus labor, & prope immensus vix absolutam curam admittat.

XXVI. ✱ *Inspectis antiquis codicibus MStis qui figuras plantarum habent adpictas.* Respexisse auctorem ad ipsum illud à nobis supra celebratum, & ab incomparabili Lambecio descriptum Dioscorideum, in aperto est. In asserto autem isto ita eum falli non puto, ut minus dixisse quam par erat mihi videatur, dum tantum *aliquo modo* nos ejusmodi figuris inspectis iuari posse, existimavit. Quod enim veretur à manu imperita sæpe depictas illas esse, id ex conjectura ita putavit, cum non antiquos satis crederet, sed forte sequioris ævi: Nam antiquiores Romanos Græcosque artis pingendi fuisse peritissimos, nullique nostrorum artificum cedere quenquam veteris ævi, ipsum minime latuit. Manifestum vero est ex supra à nobis ex Lambecio allatis in medium, ad quam ætatem Codex ille Cæsareus sit referendus. Liceat igitur mihi, dum de cæteris Regis Galliæ aliisque nihil habeo quod dicam, saltem de isto esse securum: nam præter argumentum à Chronologia, ipsoque tempore quo vixit Anicia, depromptum, satis pro vetustate codicis feliciter militat ipsa figurarum excellentia, quas non imperita manu, sed summa cura, scitissime & accuratissime esse delineatas, clarissimo viro attestanti est credendum. Nul- lum igitur est dubium, genuinas esse istas figuras, & itidem ex antiquissimo Dioscoridis exemplo descriptas: sive jam ipse Dioscorides à primordio statim adpinxerit, sive deinceps ab aliquo sint adjectæ: utrumque enim fieri potuit. Et vero istuc ut credam illo fere inducor, quod antiquo more ita erat receptum, & nonnunquam in describendis plantis parcus admodum sit Dioscorides, atque concisus. Neque obstat, quod inventi sint co-
dices,

dices, in quibus adpictæ non erant, itidem antiqui; sine dubio enim, cum describerentur, sumtus vitandi causa omissæ fuerunt plerumque picturæ. Quale quid etiam ipsi Cratævæ libro evenisse ex Dioscoride colligo, qui in principio *Cratævam herbas nonnullas non satis designatas reliquisse* conqueritur, cum contrarium ex Plinio constet: Ergo figuras periisse cum Dioscorides viveret necessum est. Forte autem ejusmodi exemplar in quibus servatæ erant Dioscorideæ, ad ævum Julianæ Aniciæ fuit superstes: quod si modo tale aliquod exstitit, multo facilius accidere potuit, quam quod ejus auspiciis exaratum ad nostra usque duravit tempora, quippe cum à Dioscoride ad Aniciam vix quingenti intercedant anni, mille autem & ducenti ex quo illa vixit, præterfluxerint. Quod si non ab ipso Dioscoride derivatæ icones istæ sunt, certe ab aliquo fuisse additas licebit asserere, rei herbariæ non imperito, & cui a Dioscoride descriptæ stirpes fuerunt probe cognitæ: Neque enim poterant illis temporibus, ubi nulla barbaries literarum studia adhuc foedaverat, facile ignorari, præsertim in Græcia, neque deesse poterat Aniciæ commoditas omnis ejus generis codices conquirendi & optimum ac probatissimum, quem sequatur Pictoris manus, seligere: ni forte ex vivo naturæ exemplo delineari maluit, indicantibus τοῖς βοτανικωτάτοις aulæ Cæsareæ medicis. Insignis sane foret stultitia, & res tam illustri foemina, Imperatoria stirpe oriunda, prudentialias ut constat, & frugali, prorsus indigna, tanta profusione & vere Regiis impensis adornare opus imperfectum, & in falsis imaginibus pingendis tantum temporis, laboris, sumtum inaniter consumere: summam enim & extremam diligentiam etiam in reliquis fuisse adhibitam, nos docet Lambecius, qui uniuscujusque plantæ descriptioni suam è regione respondere figuram artificiosissime ad vivum depictam asserit, & contextui Dioscoridis insuper præfixas esse varias appellationes singularum plantarum, quibus non solum à Græcis & Romanis, verum etiam à Persis, Ægyptiis, Hetruscis, Hispanis, Gallis, Dacis, aliisque olim sint vocatæ: Adjecta porro fragmenta Cratævæ, excellentissimi illius Botanici, Hippocrati laudati; æque ac Ga-

leni: ut quid de iisdem plantis, alter ante Dioscoridem, alter vero post eundem tradiderit, cognoscatur. Ex quibus omnibus, ut hæc tandem concludam, plus commodi ex unico hoc MSto, si ederetur in lucem, sperandum esse liquet, quam omnibus disceptationibus. Hermolai, Matthioli, Maranthæ, & quicquid tandem est Botanicorum, qui in enodandis istis difficultatibus desudarunt.

XXVII. * *Ob aliquam similitudinem.* Diximus de eo jam nostram sententiam ad eandem thesin XIX. unde si placet, repetenda est.

XXX. * *Joannes Costæus.* Hunc auctorem aliorum verbis alienisque coloribus liceat depingere. Ita igitur de eo *Hermannus Grube*, vir dum viveret non indoctus, fidusque eorum quæ noverat, Doctor, in præfatione tractatus de Malo Citrio: *Ad exemplum Theophrasti perelegantem & commendabilem præprimis rerum naturalium cultoribus de universa stirpium natura, librum tradidit posteritati Costæus.* Et paulo post: *Ejus sanè nota sunt, quos mihi quidem legere hætenus contigit de hoc argumento, (legerat autem Ruellium & Marantham & quæ habet Scaliger in libro de subtilitate) ut facile palmam omnibus præripiat Costæus: quicum & elegans sit, & in paucorum manibus, nullus dubito quin gratiam initurus sit magnam à naturalis scientiæ studiosis qui sit operam navaturus huic denuo in lucem edendo.*

XXX. * * *Quæ tota est Philosophica.* Huc fortassis haut immerito partem etiam aliquam conatus aliorum referas Botanicorum, præcæteris vero *Casparis & Joannis Bauhini.* Utriusque enim maximus & pene immensus labor ad eundem scopum collimat, nempe ut in ordinem redigant genus omne plantarum. Hic certè in historia sua plantarum, ille in Pinace id potissimum egerunt; & quidem in multis non infeliciter. Omnes vero tandem in genere hoc longe superarunt *Robertus Morisonius Scotus*, Medicus & Botanicæ professor Oxoniensis, & qui eum in plurimis secutus est *Joannes Rajus Anglus*, Regiæ societatis membrum longe dignissimum. Primus in magnifico opere concinnando laboravit Morisonius, in quo, cum usque
adhuc

adhuc esset dubitatum, unde differentiarum plantarum specificarum potissimum petendæ sint, aliis alia hic suggerentibus, plerisque sine discrimine, modo ab his modo ab illis plantarum partibus; à foliorum, radicum, florum, virtutum similitudine sumpta occasione qua sub hoc vel illo genere eas collocarent, prout euique se hoc vel illud primo intuitu offerebat; ille novo conatu, nec infelici successu à seminibus, capsulis seminalibus & flore eam in omnibus plantis esse desumendam coepit ostendere, edito primum *Prodromo* operis, ubi *De Umbelliferis*, in exemplum agit: quem paucis abhinc annis grande opus, *Historia Oxoniensis* titulo secutum est, egregium, & omnibus ad philosophicam plantarum notitiam adspirantibus lectu maxime necessarium: dolendum saltem, fato præventum, ultimam partem ipsum edere non potuisse, ita ut XXIV. ultimæ sectiones desiderentur. His enim adhuc edendis cum strenue insudaret, infausto prorsus casu Londini Rheda excusus, alliso ad saxum capite, cranium confregit, tam misere, ut post bihorium mors ipsum nihil tale cogitantem occuparet. Non tamen desperandum: Vidimus enim ipsi jam ante hos undecim annos apud ipsum auctorem, ruri tum degentem, opus cum omnibus figuris prope ad umbilicum perductum: atque adeo nulli dubitamus, inventum iri qui tanti auctoris nomini ac famæ consultum eat, & reliquas illas sectiones publici juris etiam faciat. Interim notandum est, de hac nova plantas digerendi ratione non hunc Morisonum primum cogitasse, sed ante ipsum *Fallopium*, *Casalpium*, alios inculcasse id dudum: à seminibus tanquam sine ultimo arcessendam esse veram stirpium differentiam. Diserte etiam *Fabius Columna* id scriptum reliquit, cujus videre est operæ pretium. *Minus cognitarum Stirpium ex Φραση parte II. cap. 27.* Quamvis autem primi auctoris gloriam sustinere is non possit, laudem tamen meretur non vulgarem, quod illi excogitarunt eum esse executum. Immensi enim laboris hoc est, maximæque industriæ: & quamvis non in omnibus æque vegetabilibus forte ad semina respici queat, cum multa nullo semine gaudeant, ut fungorum omne genus, nec exigua muscorum portio, in ple-

plerisque tamen pulchre procedit. Interim tamen insigniter falluntur & fallunt qui usque adeo istud opus suscipiunt & extollunt, ut omnes veterum conatus & scripta de plantis præ isto pro nihilo habeant, & æternis tenebris damnanda putent. Est enim, quod iste quidem præstitit, exigua tantum pars philosophicæ cognitionis, ad τὸ ὄν pertinens, prout ex sectione hujus capituli xxviii. est discere: cum, qui eum præcesserunt in reliquis etiam non segniter laboraverint: Theophrastus profecto quæ olim literis consignavit, talia fuere, quæ neque a Morifono, neque à quoquam alio nostrorum hominum possunt expectari: indicio sunt, quæ ad nos pervenerunt, non ubique tam obscura, ut negligi debeant, prout recte auctor noster judicavit: Non dicam, de reliquis hoc ipso §. XXX. laudatis. Longe vero absurdus etiam, & perniciosus est illud, quod nonnulli censent, nominum usque adhuc usitatorum varietatem posse deinceps negligi, solius Morifoni noviter inditis retentis, eaque de causa tantum non omnium aliorum libros juventutem jubent è manibus deponere, existimantes, omnes in impositione nominum nimium quantum errasse: Non enim adeo magna hæc peccata sunt, nec multum refert, quo nomine plantam appellites, neque requiritur, quod isti videntur supponere, ut quævis nomina ipsam rerum essentiam statim præ se ferant: alias ex animalibus Leo non amplius Leo, sed Animal quadrupes robustissimum rugiens foret appellandus; Canis vero sagax & latrans; ex metallis Aurum non amplius Aurum, sed Metallum nobilissimum, flavum, mollissimum, ductile maxime & incorruptibile, & sic in cæteris: talia enim sunt Morifoni nomina. Hoc autem asserere, ridiculum foret, multoque plus confusionis quam utilitatis afferret. Nempe confundunt isti Grammaticam & Philosophicam cognitionem, immemores nomina ad rerum essentias minime pertinere, & differentias específicas ac definitiones quidem ex intima rerum essentia esse eruendas, nomenclaturam vero à quovis etiam accidenti peti posse. Deinde quando sic adversus reliquos rigidam sententiam ferunt, & prorsus abjectos illos esse cupiunt

unt persuasum, non cogitant, cum ex botanicis nostri ævi, tum ex veteribus quoq; plantarum facultates esse addiscendas: Fieri autem hoc non potest, nisi quibus nominibus à singulis sint appellatæ, & quam quisq; plantam intelligat, accurate cognitum habeatur: Quicunque igitur non nudæ contemplationis ergo plantarum sibi notitiam acquirit, sed ad medicinam faciendam, haut paulo magis juvabitur, si vetera nomina, quam si novam Morisoni Philosophiam teneat. Ex quo apparet, insignem quidem operam eum præstitisse Philosophis, non item & Medicis, quibus viam ad scientiam non reddidit breviorē, sed longiorē: accessit enim nunc ad antiquas suarum denominationum novus exercitus, post cujus apparatus non dimittendæ sunt veteranæ illæ copiæ, sed cum ipso jungendæ: hoc est omnium reliquorum auctorum nomina ad hæc addenda, simulque notanda sunt tum ut ipsos si quis legat, possit intelligere, tum etiam ut ipsum alii. Nam Pharmacopœi exempli causa, nunquam relictis usitatis in officina nominibus, nova ista ut addiscant, poterunt cogi, neque si facerent, res foret ullius utilitatis. Hæc de Morisonio, ejusque novis nominibus dicenda fuerunt. De altero, *Johanne Rajo* erimus breviores, quod Morisoni premens vestigia, eadem insistit via, sed liberali & ingenua confessione ex quibus profecerit, addens. Nominat vero in his primo loco Cæsalpinum, secundo vero Joachimi Jungii Lubecensis *Isagogen Phytoscopica*, dein cæteros, ut appareat quibus initiis creverit id opus; non neglectis Bauhinis, in quibus carpendis alii toti pene occupati sunt, in laudandis parcissimi. Id quod injuria fieri censendum est, tantam enim isti diligentiam adhibuere, ut si sine ea fuisset, non potuissent recentiores isti fortassis præstare quod nunc eos præstitisse constat: quicquid etiam de erroribus istorum fiat, quos in tanta rerum confusione evitare, non erat omnino in potestate hominum. Emisit autem *Rajus* præter jam supra celebratos catalogos tandem *Methodum plantarum novam*, qua de iis sub certas Classes redigendis egit, characteristicis certisque notis conspicuas, qui liber bis prodiit, anno scilicet seculi. 65. & 82. Eum

nuper admodum Historia plantarum secuta est, nullis quidem figuris, descriptionibus autem elegantibus & perspicuis ornatis-
sima; cujus tamen alterum volumen itidem adhuc expectamus. Quantum autem apparet, perfectius erit Rari quam ipsius Morisoni opus, ut propter omissas figuras minoris pretii, atque adeo multorum usibus magis accommodum.

Aliam, nec minus difficilem Philosophicæ Plantarum cognitionis partem excolendam sibi sumserunt uno eodemque tempore, diversissimis licet in locis, *Nebemius Grevv*, Anglus, & *Marcellus Malpighius*, Italus: Hi enim in partes plantarum, radices, truncos, fructus, semina, accuratius contemplandas oculorum mentisque aciem direxere. Et ista quidem uti altioris erant indaginis, ita in id vitris opticis adjuti, perspicacissima hac ratione, miraq; felicitate ea detexere, quæ hæctenus omnia latuerant secula: Oñderunt enim, non in animalibus tantum, sed & stirpibus esse venas cum humores tum aereas fistulasque vitales, per quas circulatio fiat, & vel afferatur alimentum, vel effoetum iterum recurrat, aliaque pulcherrima: accedentes quam proxime ad ipsius Theophrasti diligentiam, cujus in coeptum opus haut parum novis istis inventis illustratum est. Referendus ad Philosophicam Plantarum notitiam quoq; venit sæpe jam laudati *Guernerii Rolfincii* elegans libellus qui *De Vegetabilibus in genere* inscribitur: in quo breviter tangit omnia quæ ad eam disciplinam pertinent, & tanquam in compendio exhibet: Uti & Spigeli omni-
bus celebrata Isagoge plantarum quod ad partem primam; nam ultima est Medica. Ut ex ea tanquam in exemplo discere liceat illud vulgatum: ubi desinit Philosophus ibi Medicam artem sua invenire initia.

Pertinet tandem ad Philosophiam plantarum ex parte etiam earundem cultura, verum ad medicum parum illa attinet. Labet tamen, quoniam ita fert nunc occasio, aliquot ejus cultores recensere. Post illa quæ in Theophrasto cum commentatore ejus Scaligero legenda occurrunt, si ea excipiam, quæ in scriptoribus rei rusticæ forte hinc inde fuerant interspersa, nemo veterum videtur in eo argumento laborasse. Ex recentio-

centioribus autem & omnium primus forte & optime scripsit *Petrus Laurembergius in Horticultura*, ubi generatim egit de modo colendi hortos: elegantissimus supra modum libellus est, & Plautino nitore lectori sese commendans, cujus Laurembergius erat maxime præter cæteros studiosus: Huic accessit deinde alter, nomine *Apparatus plantarum*, ubi plantis depictis, culturam singularum subjungit breviter: perpulchro ac utili, nec iis temporibus cuiquam adhuc tentato instituto; sed imperfectum reliquit, morte præventus ut opinor: Verum & infinitum est istud opus, nec unius hominis. Hoc deinde ex nostratibus aliqui vernacula lingua imitati sunt, sed impari eventu: etsi omnes qui eum secuti sunt, bonam suorum partem ab ipsius primo illo præsertim libro sint mutuati. Est à Laurembergio fortassis secundus *Joannes Baptista Ferrarius Senensis Jesuita*, qui *Floræ culturam* edidit Latine, stylo itidem exquisitissimo usus, quem Italus quidam, præstantia operis inductus ad interpretandum opus, felicissime sua lingua est æmulatus. Ejusdem habemus *Hortos Hesperidum*, ubi docet culturam ac varietatem omnem malorum Citreorum Aureorumque, pari elegantia sermonis & figurarum, in quibus pingendis celeberrimos totius Italiæ pictores ad nutum habuit: Alia vero insuper, præter ea quæ ad culturam attingunt varia, ad philosophicam eruditionem referenda ejus libris continentur. Sequitur recentior *Elsholzius* noster, Medicus Electoralis Brandenburgicus Doctissimus, qui præter ea quæ propria experientia comperta habuit, quicquid in Laurembergio aliisque extat, fideliter operi suo inseruit & ita reliquorum industriam omnem velut absorpsit. Lingua materna compositus est liber, ut & imperitis Latinæ legi possit, tantoque magis expetitur, quod qui Elsholzium habeat, omnes simul alios possidere videatur. Sed ne ita verum illud omnino esse judicetur, effecit nuper *Abrahamus Muntingius*, Groeningensis Botanicus insignis, qui idem illud argumentum eleganti, justoque volumine illustravit, additis nitidissimis multarum itidem herbarum rariorum iconibus: In eo non probo, quod idiomate Batavico

uti maluit quam Latino, cuius se non ignarum esse, luculentum dederat & præstantissimum modo testimonium, edito libro de *vera Herba Britannica*, perdoctum & ad veterum elegantiam compositum. Satius certe fuisset universo eruditorum numero, quam paucis amicis suis & popularibus solis voluisse prodesse. Præter antesignanos istos sunt Dii minorum gentium plures, ex quibus meretur fortassis adhuc nominari præter *Hortulanum Gallicum*, qui tamen non adeo magni momenti, *Georgii Vischeri Blumengarten*, & *Petri Gabrielis*, hominis non inelegantis *Hortulanus universalis*: Uti & *Wolffgangi Georgii Dümmleri Noribergensis*, de arborum cultura liber, omnia Germanica: Nonnulla etiam non contemnenda extant in *Royeri descriptione Horti Hessensis*. Aliqua ex parte posset etiam prodesse *Joh. Jacobi Agricola Theatrum œconomiae universale*, *Schauplatz des allgemeinen Haushaltens*, maxime quia in hortis quid agendum, per singula mensium spatia distributo labore ostendit. Sed de his, extra pomoeria evagantes, forsitan plus satis diximus:

XXXIII. ✱ *Satis copiose de eo disseruerimus.* Nobis cum excidisset tum temporis *Hermanni Grube, Physici Haderslebenensis Commentarius De Modo simplicium medicamentorum facultates cognoscendi*: eum hic postliminio adjungere, è re esse duximus: præstans enim hoc scriptum est & doctum, unicumque fere quod habemus ejus generis absolutum: quove ostenditur non tantum quid per rationem, sed & quid per experientiam investigandum sit; quomodo per odores præcipue & sapes innotescant pleræque medicamentorum vires: quare velim studiosa nostra juvenus id scripti sibi commendatum habeat post Montanum, cæterosque supra à nobis dilaudatos. Et cum per sapes pleraque explorentur, etiam *Laurentii Grilli liber de sapore dulci & amaro*, nec non *Nehemiae Grevi* Anglica lingua publicatus de *Saporum causis & differentiis* iis adjungendus est: prior tamen ille non nisi illis qui magis sollicitè inquirere cupiunt, & jam ultra prima artis principia progressus fecere: est enim philosophicus, nec medico utilis nisi quâ fundamenta assertionum inde possunt peti ad alia arti propiora superstruenda.

XXXVI. * *Quodsi merito dubitaveris* - Imo vero non hoc solum nos potest à nimia fiducia in veterum medicamentis collocanda abstrahere, sed & quod sæpe, etiamsi nullus in nomine error committatur, tamen non respondeat semper effectus. Neque sane id fieri potest in tanta soli coelique non diversitate dicam sed adversitate: Quantum enim hæc duo immutent virtutes & facultates plantarum, non nisi rerum imperitissimos potest latere. Allium apud nos quam sit ingrato odore, quantaque acrimonia, notum est: at in Græcia tam suave tam grati saporis omnisque contra acrimoniæ omnisq; foetoris expers, ut in maximis deliciis crudum quoque omnibus habeatur, oculatus nuperrime testis *Job. Sponius* & fide dignissimus in Itinerario retulit; Quis credat jam illam plantam, licet eandem, apud nos ejusdem esse cum Græca illa efficacix? Porro in Gallia Terebinthus arbor crescit copiose, sed nulla ex cortice terebinthina potest elici: Lentisci eadem est ratio, quam vidimus ipsi Terebintho mixtam in provincia Narbonensi, sed nihil Mastiches, nisi in sola Chio insula colligi, nec in reliquis quidem Ægei maris, omnes uno ore affirmant auctores, peregrinatores, incolæ. Quin aperte *Fernelius Meth. Med. Lib. VI. c. 4.* Origanum, Hyssopum, & Satureiam advectas è Cappadocia aut Creta, iis duplo acriores deprehendisse se testatur quas Gallia sua proferat. Est igitur apprime necessarium, non semper stare veterum testimoniis, sed in loco ubi facienda ars est, sedulo explorare omnia: nec officinis usitatus solum, sed & reliquas plantas non ignorare, plurimum non modo profuerit medico, sed & ex re ægrotorum erit quam maxime. Quin imo vel hac de causa incumbat medicus plantarum suæ urbis notitiæ, ne, si quæ vetula commendet indigenam, & sæpe non usitatam alias plantam, exquiraturque sententia ejus, per ignorantiam in ruborem detur, & id videatur nescire quod vulgus novit: neque enim sine aliqua ignominia aut turpitudinis nota, præsentibus forte ibi malevolis, ut sunt nunc pessimi seculi mores & in calumniam proni, jam inde facile abscedet.

XXXVII. *Quæ Græci tenuerunt, discere licet ex Hippocraticis*

ticis aliisque multis. Quinam Græcorum antiquorum Medicam plantarum tradiderint doctrinam, ex parte nos docet *Galenus*, *proæmio Lib. VI. de simpl. Med. Facult.* ubi præter Dioscoridem & *Pamphili* mentionem facit & *Xenocratis*, & *Cratevæ*, & *Nigri*, & *Heraclidis*, *Tarentini*, & *Mantie* & *Andree*; dicitque alios insuper fuisse innumeros. Nos paulo altius rem arcessemus. Primus & antiquissimus omnium sine dubio fuit, non quidem scriptor sed inventor, *Chiron Centaurus*, quem *τῶν ἰατρικῶν διὰ βοτάνων*, sive medicinam herbariam invenisse, & *Machaonis* ipsiusque *Æsculapii* fuisse præceptorem, cum *Plinius Lib. VII. cap. 25.* tum *Eustachius* ad locum *Homeri Iliad λ* & auctor *Introductionis*, sive *Medici* testantur: Qui dum ab eo dicit eruditos Heroes, *Æsculapium* intelligit, *Achillem*, *Herculem*, *Jasonem*, aliosque *Argonautica* expediti ne in *Colchidem* claros, ut quidem notavit eruditissimus *Lambertius Comm. de Bibl. Cæs. sæpius citati. II, c, 7.* Scripsit autem de herbis primus omnium quos memoria novit, *Orphæus*, & post eum *Musæus* ac *Hesiodus*: verum qualis fuerit eorum doctrina, non constat. Hos secuti *Pythagoras* & *Democritus*, qui præceptor fuit *Metrodori Chii*, cujus epitomen *ῥιζοτομικῶν* L. XX. c. 20. *Plinius* citat. *Metrodorum* vero *Hippocratis* doctorem fuisse notat *Suidas*. *Hippocratis* ipsius tempore floruit *Cratevas* (*κράτειας*) dictus *ὁ ῥιζοτομικός*, cujus librum etiam *Dioscorides* laudat statim in principio sui operis, & *Neandri* scholiastes vetus, qui illud scriptum nominat *ῥιζοτομικόν*: unde forte auctori nomen hæsit. Ad hunc extat *Hippocratis* epistola, non quidem in *Foëfiano* opere, sed inter epistolas *ἐλληνικὰς ἀμοιβαίας* sive *Græcanicas* mutuas *Aureliæ Allobrogum*, i. e. *Genevæ* editas, anno *MDCIX.* in folio, ex qua *Hippocratem* magni eum fecisse apparet: *Præstantissimum* enim *Herbarium* appellat. Integer tamen ejus liber interit: fragmenta tantum quæ habentur in incomparabili illo *MSto* *Dioscoridis* Augustissimæ bibliothecæ *Cæsareæ*, de quo supra ubertim egimus, nobis servata sunt. Post *Cratevam* neminem antiquissimi illius seculi scriptorem de virtutibus planta-

plantarum habemus, quod iis solis operam navare tum non solebant: Galeno id prodente citato loco, ubi: Porro inquit plerumque medicamentorum usum veteres in curandis tractatibus prodiderunt, ut & juniorum Medicorum prope omnes. Nam & ab Hippocrate dicta sunt multa, & ab Euriphonte & Dieuche, & Diocle, & Praxagora & Herophilo. Mox etiam his addit Rufum Epbesium, qui tamen & de herbis seorsim versibus hexametris quatuor libros composuit. Idem de Chrysippo Cnidio forte credendum, inio potissimum celebrato: qui itidem de plantis distincte aliquid tradidisse non videtur, nisi quod Brassicæ privatim volumen integrum dicaverit, per singula hominis membra digestum, teste eodem Plinio L. XX. c. 9. Postea vero complures fuere, sed sequentibus omnes temporibus, longoque intervallo discreti à Crateva, neque de solis plantis sed in materia medica universa plerique fuerunt solliciti. Vetustissimus eorum forte Mantias fuit, ejusque discipulus Heraclides Tarentinus, quorum ætatem colligere licet ex loco Galeni qui extat VII. de Comp. med. sec. loc. ubi dicit ante Antonium Musam (Augusti Cæsaris medicum) vixisse Andromachum & ante ipsum etiam Musam & Menecratem, longo vero tempore hos præcessisse Heraclidem & ejus præceptorem Mantiam. Fuit autem Mantias Herophili sectator, fortassis non ita diu post ipsum vivens, uti Heraclides empiricus, quod cum Galenus hic loci, tum Celsus in procæmio attestantur. Parum autem isti duo de herbarum virtutibus reliquere, potius medicamentorum compositioni operam dantes: Peritissimos tamen rei herbariæ fuisse, vel ex eo licet, quod in illa citra hanc præstare eximii quid non licet. Eodem tempore fortassis vixit Jolas Bithynus, conjungit enim is Dioscorides: Jolas Bithynus, inquires & Heraclides Tarentinus prorsum ommissa herbarum tractatione, rem ipsam leviter & paucis attingere; quia nec metallicorum aromaticorumve omnium meminerunt. Post illos proxime Andreas collocandus venit, de quo dicit idem Anazerbensis accuratius eum quam ceteros hac in parte versatum videri: At longe aliud de eo est Galeni judicium, qui loco supra citato, procæmio nempe Lib. XVII. de Simpl. dicit eum Præstigiaturam

giaturam ac mendacium in artem invexisse: alibi vero eum imperitissimum, temerarium, & ab Hippocratis prudentia valde remotum appellat. Notabilis est prior ille locus, cum ex eo appareat, nulla ante Andream superstitione, nullis malis artibus herbariam (inter Græcos videlicet) fuisse inquinatam, sed ab ipso primum ea illata: hujus igitur ob præstigias ab imperito vulgo cognomen tum τὸ θάυμαστον inditum ejusque esse Ἰατροσόφου Ἐνδρεῶς ἔθ' θαυμαστοῦ περὶ ὕλης ἰατρικῆς κατὰ ἀλφάβητος σοιχεία, *Iatrosophium de materia medica ordine alphabetico*, cujus in bibliotheca quadam Constanti-nopolitana fit mentio, non sine causa existimat Doctissimus Lam-becius, *Bibl. Cas. c. l.* Porro de facile parabilibus remediis scripsisse quendam *Apollonium* quoque, Galenus inter Scriptores Simplici-um memorat, qui tamen quisnam sit, aut quando vixerit, scire non licet: Sine dubio tamen is est, quem Serapionem Empiricum secutum fuisse *Celsus in Proœmio* memorat, & cujus citatur à scho-liaſte Nicandri aliud scriptum περὶ βοτάνων. Hi vero omnes sunt paulo antiquiores: nec ipſorum scripta ad nos pervene-re. Quod item contigit ſequentibus, licet ſint Recentiores, nec diu ante Dioſcoridem floruerint: *Julius Baſſus* nimi-rum. *Niceratus*, *Petronius Niger* & *Diodotus*: quos ut in vulgatis & unicuique notis præter rem accuratos, in facultatibus vero enarrandis breves, rejicit Dioſcorides ac vituperat: minime enim eorum vim ad experientie normam examinasse, sed inania in assignandis causis verba, ea in re funditasse. Quod ad Nigrum, ex parte ὁμόψυχον habet Galenum, qui licet alioqui eum laudat, præter Dioſcoridem neminem aque de omnibus simplicibus scripsisse, eique cætera bene dicta esse ajens, addit tamen: extra rationes quas supra causas affert. Est autem is *Sextius Niger*, quem licet Romanum, Græce tamen scripsisse *Plinius* testatur, diligentissimumque medicinæ aucto-rem nuncupat. Superest *Pamphilus*, scriptor herbariæ rei;

LXXXII.

3. *Grammaticus*, ut eum Galenus appellat: *Alexandrinus* nimirum ille, Critici Aristarchi, qui seculo ante Æram Christianam secundo sub Ægypti rege Ptolomæo Philadelpho floruit, di-

Proœm. scipulus: sed qui male audit Galeno, multis de causis. Ait VI. simp. enim, eum se per somnium quidem vidisse herbas, quarum figuras M. F.

aggre-

aggreditur describere, nec vires earum esse expertum, sed iis qui ante ipsum scripsere, fidem habuisse citra ullam explorationem: incantationes quoque & libationes atque thymiamata quæ in colligendis illis adhibebantur, adscribens, aliasque ejusmodi prestigiaturas nugaces: nonnulla quoque exscripsisse ex libro quopiam eorum, qui Mercurio Ægyptio inscribuntur. Dignus est locus qui inspiciatur ipse, non enim ex postremis est eorum, ex quibus Ægyptia illa tam laudata nonnullis hodie sapientia (nam Ægyptiaca hæc esse, non est dubitandum) & quid de libris Hermeticis senserit Galenus, vir magni judicii, & in cujus sententia tuto acquiescere licet appareat, præsertim si conferatur quod de Xenocrate paulo ante, & origine librorum qui ex Ægyptia lingua traducti credebantur, idem narraverat. Est nempe is Xenocrates ille ipse qui de animalibus scripserat, quo de superiore capite egimus. Sed de antiquis istis scriptoribus satis.

XLi. *De simplicibus medicamentis, aut re Pharmaceutica commentati sunt.* Miror excidisse hic auctori Hofmannum suum, cujus eximium opus de medicamentis officinalibus inter prima venit commemorandum, eo etiam nomine, quod est veluti perpetuus in reliquos commentarius, quo ad rationis trutinam accurate omnia examinantur. Insigni igitur cum utilitate, provectionibus imprimis, legi potest. Neque hic tacendæ sunt *Simonis Pauli* laudes, qui tamen de solis Europæ plantis egit in *Botanico suo quadripartito*. Peregregia profecto, & ab aliis plane intacta plurima de virtutibus plantarum ibi reperiuntur: tanto pluris æstimanda, quod modum utendi fideliter addit; adeoque multa egregia composita quoque medicamenta propalavit, quæ proprio usu est expertus. Id quod non in Dioscoride tantum, sed & aliis plerisque sæpe frustra quæras, solent enim contenti esse docuisse quo in morbo conducant: quomodo sint ulurpandæ, lectori hariolandum relinquentes.

XLII. *Latine à se versos edidit & notis illustravit C. Clusius.* Omnia ista in opere exoticarum rerum reperire est. Cæterum *De Purgantibus vegetabilibus* commentatus est rursus libro singulari celebratus nobis sæpissime *Rolfincius*; solet autem fere Gram-

maticarum & Philosophicarum rerum subinde aliquid immisce-
re, non sine insigni legentium utilitate. De Orientali Opobal-
samo consulendi quoque sunt *Francisci Perla Medici Romani*, &
Baldi Baldi Florentini scripta controversa, Romæ edita anno
MDCXLI. nata occasione ex Opobalsamo in Theriacæ con-
fectione ibidem addito. De Balsamo Judaico extat Pr. Alpini
dissertatio libro de Plantis Ægypti adjuncta. Referendi vero
huc etiam veniunt varii tractatus de *Chocolata*, *herba Thee* & *Caffè*
quorum nuperrime, ex quo eorum usus invaluit, plurimi pro-
diere: ex quibus *Pechlini Dialogum* & *Neandri Tabacologiam* tan-
quam præcipuos inter superioris capitis additamenta commen-
davimus. *Simonis Pauli* vero de usu & abusu Tabaci & *Herba Thee*
non ignotum etiam vulgo est: vel eo maxime nomine quod
optimum virum infelix conjectura fefellit, qua Myrtum Bra-
banticam Theam esse credidit: Sed de herba Thee agentibus
non est silentio prætereundum, eam antea non ignotam qui-
dem nomine, sed usu rariore vix perspectam, tam celebrem
reddidisse nuper adeo Batavum quendam, obscurum alias ho-
minem, ut nemo jam sit eorum qui ad seculi genium mores com-
ponere student, qui eam amplius ignoret; neque ægris duntaxat,
sed & recte valentibus assiduo & tantum non quotidiano usu
commendatissima habeatur. Is enim cum in arte facienda non
satis exercitatus, iisque destitutus solidis fundamentis, quæ in
medico erudito requiri solent, Hamburgum venisset; quo
praxin haut ita lucrosam nonnihil sublevaret, simul instructa
officina, potum ubique collaudatum desiderantibus publice ven-
didit. Exinde Maximo Principi commendatus tam felici audacia
novam ipsi sententiam probavit, ut gravissimis podagricis dolori-
bus haut mediocriter levatus, medicum honoribus & præmiis in-
gentibus auctum, suis adscriberet: potum verò salutarem auli-
cis primum suis, mox & aliis, atque exteris adeo commendatis-
simum suo exemplo redderet, jamque vulgo jactatum prover-
bium:

Regis ad exemplum totus componitur orbis

vere dici in ea re queat; ex quo non in podagra solum, sed &
omni-

Omniſibus illis morbis, in quibus ſeri acrimonia peccat, hauſtum iſtum conducere, mox in eandem ſententiam conſpirante mirabili conſenſu toto medicorum choro, fuit perſuaſum. Hic igitur tanti medicamenti auctor, cum tandem præcipiti fato infelici morte periret, in eum ſic luſit feſtivum & latina elegantia cultiſſimum ingenium:

Epigramma

In mortem Dni. Bontecoe.

A Rte viri tanti viderat mors atra parari
 Quotidie regno plurima damna ſuo.
 Hinc irata fremit: Non poſſum tollere morbis
 Qui morbos medica quolibet arte fugat.
 Ergo per inſidias vindictam quærit, eumque
 Dejeſtum gradibus præcipitemque necat.
 Livor iners gaudet: ſed Principis aula cadentem,
 Plangit & innocui triſtia fata viri,
 Mors vincit tacitis inſiſtens greſſibus & quem
 Non poterat morbis tollere, fraude rapit.
 O ſpes fallaces hominum! quam lubrica ſors eſt
 Quid tutum eſt ſi nec quâlibet ire licet.

Quæ nos animi gratia in hunc ſenſum vertimus:

D Er ſchwarze Tod ſah wie ihm täglich ward entzogen
 So manch gewiſſer raub durch dieſes Mannes Hand.
 Wie? ſcheunt' er ganz ergrimt, hält keine Krankheit
 ſtand

Für dieſes groſſer Kunſt, ſo muß er ſeyn betrogen!
 Drauf ſucht' er ſich durch liſt zu rächen,
 Und ſetzt ihm auf der trepp' ein Bein
 ihm mit gewalt den hals zu brechen.

Der blaſſe neid
 iſt drob erfreut,

Des Prinzen aber Hoff hült ſich in trauer ein,
 und klagt den unglückſeelgen Mann
 dem, weil er ihn nicht ehrlich fallen kan.

Der tod schleicht heimlich nach, und wider alten glauben
durch einen Meuchelmord das leben sucht zu rauben.

Ach sterbliche! Wie schlipfrich ist eur pfaß!

Es ist um euch geschehen,

Wenn keiner mehr die freyheit hat,

wohin er will, zu gehen!

Et sic etiam quæ de plantis fuere adjicienda, perscripta sunt: Est autem hoc caput, (ut jam ab aliis notatum) idem illud quod integrum suo libro, cui titulum fecit: *Nova & accurata methodus cognoscendi simplicia vegetabilia juxta triplicem cognitionem*, inseruit Johannes Ludovicus Hanemannus, Kiloniensis Academiae Professor, paucis tantum verbis nonnunquam mutatis vel transpositis; Quin imo integrum istum librum ex hac Conringiana eruditione conflavit, additis paucis de suo, & interjectis, prout videre est si conferantur quæ habentur pag. 9. & 10. cum inciso hujus capitis II, III, IV. pagina 14. cum V. pag. 19. cum X. pagina 24. cum XI. 27. & seqq. cum XIII, XIV, XV, XVI. & sic deinceps: oblitus eorum quæ ipse scripserat pagina 117, ubi inquit: *Studia vilescunt in Allemannia propter inopiam Macenatum, qui studia promovere debent, & bibliopolarum avaritiam, tum propter PLAGIUM LITERARIUM.* Et voluit quidem in additamento ad dissertationem de usu & abusu inebriaminum ea de re sese excusare: sed id præstitit admodum frigide, dum ait: *Quæ Conringio debentur illa in dicto tractatu introductionis thesibus XLII. à pag. 168. ad pag. 205. includuntur, faciuntq; cap. X. juxta editionem Helmstadii Anno 54. publicatam, jamq; paucis ante diebus cum meo exemplari contuli. Fateor, si illinc omnia essent exscripta, & non in MS. extitissent quod carebat omni nomine, maximum plagii crimen esset: at quod jam plagium sit nego, neq; illius criminis me reum agnosco, neque quis me reum esse mortalium convincet.* Verum enim vero, etsi non sit negandum Anno seculi XLIV. ex ore auctoris publice differentis magnam partem hujus dissertationis ab auditoribus esse exceptam, idque MStum apud me extet, non tamen omnia quæ transcripsit Hannemannus, ita ut exhibet, in eo leguntur, sed desunt multa & præcipue totum illud quod
de

de editione Theophrasti Heiniana in opere ipso habetur: ultima enim auctoris manus in eo aliqua, ut ubique, mutavit, aliqua addidit, ut non sit quod hoc nomine sese expurget Hannemannus: Mirum vero etiam, eum negare plagii se reum esse, quoniam ex MSto non ex typis expresso volumine exscripserit. An non igitur est aliorum compilasse scrinia si quis ex scripto aliquid surripiat? Nam quod addit, fuisse absque omni nomine, id vero si vel maxime habuisset illud Manuscriptum Hannemannus, nondum à plagii crimine illum excusat, & saltem fuisset ipsi metuendum, tam eruditum tam elegans scriptum præter eum etiam alii ne possiderent. Verum ea nunc adducere, non est opus: quoniam, ita ut suæ Methodo (quam dudum publicæ luci concreditam) perperam novam vocavit, ea inseruit, in manuscripto nullo reperiantur: recteque facit bonus vir, quod aliorum se soletur consortio, dum addit: *Quid multis? peccatur hic intra & extra muros Iliacos.* Non jam dicam, multa mendose & perperam in libro ejus expressa, totque insignes errores potius typothetæ quam suæ culpæ imputabo: neque enim iniquo in eum animo hæc scribo, quum nunquam mihi quicquam cum ipso fuerit negotii: sed ut suum cuique reddatur, & quæ autoris sunt, ei restituantur, ista pro officii mei ratione & in ipsius manes pietate per occasionem commonenda mihi duxi.

CAPUT XI.

DE

PHARMACEVTICA VETERVM ET NO-
VA CHEMICORUM DOCTRINA, VT ET
VTRIVSQUE PRAESTANTISSIMIS SCRI-
PTORIBVS.

THESIS I.

DE simplicibus medicamentis hætenus egimus: operæ pretium nunc est de compositis, eorumque legitima

præparatione deinceps dicamus. Quum enim simplicibus omnia Medicus præstare nequeat, quod unum simplex non omnibus qualitatibus polleat, quibus ad morbum pellendum tamen opus est, aut vero interdum etiam ejus vis sit fortior, ut sine correctione adhiberi non possit; necessario ad composita identidem confugiendum, iisque utendum est. Neque vero audiendi sunt illi, qui compositis plane non esse utendum pertendunt. Quamvis enim compositis non temere utendum sit, adeoque illorum inscium morem probare non possimus, qui finem sese obtenturos desperant, nisi ex multis compositis novam misturam constituent; nihilominus tamen & experientia & ratio ipsa suadet, nonnunquam ad composita necessario deveniendum esse. Enim vero, ceu paulo ante dicebamus, unum simplex medicamentum huic vel illi morbo averruncando sæpe insufficiens est, nec diversis qualitatibus præditum. Qualitates vero præterea simplices interdum multum noxii habent, interdum vires ejus nimis vehementes & acres sunt, interdum nimis languidæ, interdum etiam alterari, augeri vel etiam imminui debent. Ut ita omnibus his de causis necessitas compositorum satis inclarescat.

II. Ad doctrinam autem hanc pharmaceuticam comparandam tria requiruntur. Primo ut tum simplicium tum compositorum medicamentorum peritiam Medicus habeat; secundo ut eorundem naturam teneat; & tertio demum ut ipsum caleat præparandi modum, tam antiquum illum & vulgarem, quam novum sive Chemicum. Modi vero præparandi scientia in eo proprie collocatur, ut scias, quid quælibet præparatio & compositio sit, & quicquid sive addere sive demere medicamenti possit. Ita v. g. opus est Medico ut norit, quid præstare possit circa varia simplici-
um

um corpora five vegetabilia five metallica five animalia fuerint, coctio, quid combustio, quid infusio, quid elixatio, quid affatio, quid distillatio, & quæ id generis alia sunt. Horum si imperitus fuerit, *Φαρμακeutikῆς* ignarus est. Præterea vero in Medico etiam requiritur, ut teneat Chemicis usitatas præparationes, quo pacto scilicet fiat destillatio, quo sublimatio, quo circulatio &c. quantum etiam unaquæque harum Operationum circa medicamentum aliquod præstare possit. Neque enim tantum præparationes novisse sufficit, sed omnino etiam tenendum est, quid illæ ipsæ efficere possint & præstare. Idque est quod in Chemicis vulgo merito desideramus; ut qui modum quidem quo præparationes secundum artem illam institui debeant, norint, interim tamen neque doceant neque etiam sciant, quid huiusmodi quælibet operatio circa singula medicamenta præstare queat. Quod si vero hoc etiam noveris, tum demum justam artis Chemicæ cognitionem datur assequi. Par est ratio vulgaris medicamentorum præparandorum. Scilicet ad artem hanc pharmaceuticam integre addiscendam necessum est scire, quid singula simplicia per præparationem possint pati: utpote quum coctio atque infusio idem circa omnia simplicia præstare nequeat, vel etiam æquali modo id ipsum agere; alia nempe per coctionem deteriora fiunt, alia ad meliorem usum præparantur. Horum itaque omnium Medico exacta notitia habenda est, licet ipse manus non adhibeat præparetque medicamenta. Præparatio etenim ad pharmaceuticam pertinet, quæ arti Medicæ ministrat potius quam ut eam absolvat. Neque enim hoc loco de publicorum pharmacopœorum instituto, quo ve consilio illi admissi sint, verbum addemus, quum jam *capite primo thesi III. de eo dixerimus.*

III. Porro denique Medico scire etiam opus est rationem medicamenta componendi, & in quibusnam morbis compositio illa sit adhibenda. Sive enim ipse aliquid componere velit, sive pharmacopœis novam compositionem præscribere, in neutro recte se geret, nisi istius rei justam peritiam habeat. Ubi non possumus quin doctissimum Langium *lib. I. Epist. 76.* ita scribentem audiamus. *Nostri doctorculi, inquit, Pharmacopœi nulla ratione, nulla denique indicationum methodo, coacervatis scrupulatim omnium electuvariorum, quæ obscurum illud Luminare majus continet, pulvisculis, ad ostentationem pharmaca cujusvis generis componunt; unde remediorum bonitas & præstantia, non ab artificio compositionis & medicamentorum viribus, sed saltim à numero simplicium æstimatur: & quo quis plura, ut arena sine calce coherencia, in unum pharmacum vel decoctum congesteris, tanto sibi ipsi doctior esse videtur; quum protritum illud testetur adagium, eos graviter delinquere, ego vero dico desipere, qui pluribus aliquid expediunt, quod paucioribus transigi posset.*

IV. Composita autem medicamenta alia sunt vetera, quæ apud antiquissimos Medicos reperiuntur, alia nova. Utrorumque cognitio duplici modo haberi potest, partim per rationem, partim per experientiam. Per rationem quidem, primo si omnium simplicium ingredientium naturam teneas; deinde si justum præparationis compositionisque modum cognoscas. Medicamenta enim sicuti suam vim ex natura simplicium quam maxime accipiunt, quam tamen præparatio & compositio plerumque immutant; ita ab omnibus his denominationem suam nanciscuntur. Per experientiam vero idem fieri poterit, vel propriam vel alienam. Nimirum quæ plurimo usu sunt probata, potissimum

num adhibenda esse supra diximus. Utroque autem modo circa medicamenta composita versari debemus. Neque enim soli rationi, neque etiam temere soli experientiæ (utut huic primas deberi superius docuerimus) fidendum, sed utraque simul attendenda sunt.

V. Notitiam itaque compositionis & præparationis medicamentorum sibi comparaturus adire debet optimos magistros, qui in eo genere cum laude laboraverunt. Ex veteribus quidem nullos habemus, qui hanc artem litteris exposuerint: nisi quod apud Galenum aliosque Græcos sparsim hinc inde nonnulla reperiantur. Verum recentiores hac in re satis diligenter occupati fuerunt: non tamen omnes æque feliciter. Inter quos primo loco memorandus venit sæpius laudatus *Fuchsius*, conscripto de componendis medicamentis opere: quod tamen prolixum magis est quam exactum. At *Fernelius* hanc ipsam artem usque adeo præclare est persequutus, ut omnibus aliis unum illum præferendum esse censeamus. Pari etiam subtilitate doctissima quædam apud *Cesalpinum* tradita habentur in duobus libris sane ingeniosis *de medicamentorum facultatibus*; quibus hoc negotium accurate pertractavit, egregie simul ostendens, quas mutationes per infusionem, destillationem, & decoctionem medicamenta patiantur. Quibus adjungere possumus tum *Sennertum* nostrum, qui tam institutionibus quam in libro de consensu & dissensu &c. sic satis curiose eam rem exposuit: tum *Artem Medicam Liddellii* nostri: tum denique ea quæ in Pharmacopœa sua Dogmaticorum Restituta differuit *Quercetanus*. Extat etiam liber non indoctus *de Fabrica Receptarum Marci Banzeri*.

VI. Quandoquidem vero duobus modis medicamenta præparantur, veteri scilicet & novo Chemico; etiam

de posteriori præparandi ratione qui non scripserint, dicendum est. Vbi statim observandum, totam hanc doctrinam hæcenus solide in artem non esse redactam; quæ vero de iis ab optimis auctoribus sunt tradita, reliquis esse præferenda. Habent quidem de hac præparandi ratione quædam etiam *Fernelius*, *Cesalpinus* & *Sennertus*; pauca tamen. Late vero de omni illa arte differitur in *Hermetica Medicina*. Quibus adjungi potest opus *Andree Libavii*. Breviter & artificiose omnem illum Chemicum præparandi modum tradidit *Antonius Guntherus Billichius*, Archiater Oldenburgerensis, partim parvo quidem sed pereximio libello *de Natura & Constitutione Spagyricæ emendatæ*, partim præclaro opere *Observationum ac Paradoxorum Chemiatri-corum*. Præter hos omnino commendandus est *Angelus Sala*, qui omnium optime de hac ipsa re variis libris differuit, atque præ aliis candide & sine fūco exposuit ea quæ ad experientiam Chemicam spectant. Quanquam enim primi ejus libri, quos sub adventum suum in Germaniam conscripsit, multum jactantiæ habeant; posteriores tamen lectu sunt longe dignissimi. Ut quod de Maimonide inter Judæos *Josephus Scaliger* dicebat, idem de Sala asseverare liceat: primum eum inter Chemicos nugari desuisse. Adjungenda his præterea sunt *Josephi Quercetani* scripta, cum primis pharmacopœa ejus Dogmaticorum restituta: in quibus tamen multa proterve, ruditer & inani jactantia conscripta reperiuntur. Præter hos vero complures alii extant libri, in quibus non tota ars exponitur, sed de singulorum tantum medicamentorum præparatione agitur. Qualis liber est *Oswaldi Crollii*, quem *Basilicam Chymicam* inscripsit: in quo quod præparationem medicamentorum attinet, fide dignum se gessit; in virium vero explicatione plurima fuit mentitus.

Cum-

Cum primis autem legi meretur editio illa, quæ cum commentario Ioannis Hartmanni prodiit. Elegans vero & doctissimum compendium hujus generis habemus *Joannis Beguini, Tyrocinii Chymici* titulo: quod insignibus notis partim *Christophorus Gluckradius*, partim *Jeremias Barthius*, à Joanne Georgio Pellhofferò junctim nuper editi, illustraverunt. Ex quibus Gluckradiana illa sunt nihil aliud, quam quæ in arcanis observationibus suis habuit Hartmannus. Quem tamen Hartmannum tanto intervallo Sala superavit, quanto Luna reliquas stellas. Quibus omnibus merito adjungenda sunt nupera scripta *Joannis Rudolphi Glauberi* sub titulo *Novi Furni Philosophici*; ut qui tanto compendio omnes istas præparationes instituere doceat, quanto nemo hæcenus videtur circa illam artem versatus. Quibus quemque de suo quid addere licet. Quamvis autem non contemnenda hæc sit ars, immo sic satis eximia; majoris tamen momenti est doctrinam medicamenta componendi cognitam habere. Quin & in his ipsis medicamentorum etiam chemicorum virtutibus dignoscendis, experientia cum ratione conjungi debet.

VII. Proximum jam est etiam de illis scriptoribus differamus, qui usitata composita medicamenta exposuerunt. Quamvis enim veteres non adeo magni præparationes atque compositiones videantur fecisse, mentem tamen postmodum mutarunt. Propterea etiam nonnulla composita invenerunt: quæ postea longo usu & experientia comprobata in officinas pharmaceuticas assumpta sunt: quorum utique cognitionem nobis cum primis familiarem reddere debemus. Cujusmodi composita medicamenta & *Hippocrates* & *Galenus* annotaverunt. Præcipue vero id videre est ex *Galenī τὰ συνδέσµατα φαρµάκων κατὰ τόπους ἢ κατὰ γένη*

operibus, in quibus multa nobilia medicamenta composita partim ab Empiricis partim ab aliis doctissimis Medicis inventa, recitantur. Idem & *Cornelius Celsus* fecit. Similiter *Scribonii Largi* liber totus in recensendis istiusmodi medicamentis compositis & per experientiam probatis occupatus est. *Marcelli* quoque *Empirici* liber circa composita enarranda versatur. Similia etiam passim apud *Aëtium*, *Paulum ex Ægina ortum*, *Alexandrum Trallianum* aliosque Græcos reperiuntur.

IIIX. Imprimis autem in magno usu & pretio Antidoti fuerunt: ex quibus Theriaca & Mithridatium primas jure merito obtinent, quæque pene unica ex veteribus illis decantatis medicamentis hodieque adhuc in usu sunt. Et quidem ut de Theriaca prius dicamus, in præparatione ejus Galenus per fuit curiosus. Vnde liber illius *περὶ Ἀντιδοτῶν* cum summo fructu legi potest. Reperitur etiam alius quidam liber de Theriaca, falso quidem Galeno adscriptus, satis tamen doctus. Præter hæc vero etiam perlegi merentur *Nicandri Theriaca* & *Alexipharmaca*, & *Joannis Baptistæ Sylvatici Mediolanensis de compositione & usu theriacæ Andromachi* insignis tractatus, ut qui omnium inter recentiores optime de nobilissima ista confectione scripserit. Sequimur autem in præparatione theriacæ descriptionem *Andromachi Cretensis*, doctissimi pariter & elegantissimi *Neronis Imperatoris Medici*. Quandoquidem autem simplicia, quibus *Andromachus* in compositione ista usus est, ex parte hodie ignorantur, ex parte vero reperiri non possunt; mirum non est, nostras theriacas eundem usum cum *Andromachi theriaca* non obtinere. Notum sane est, quantum dispensatio illa theriacæ Romæ ante paucos annos *Barbarinorum* cura instituta propter *opobalsamum* tur-

* turbaverit plerosque Italiae pharmacopœos. Cumprimis autem animadvertendum venit, in vera theriacæ confectione quinque desiderari. Primo quibusnam simplicibus usus fuerit Andromachus, quæ apud Galenum l. c. enumerantur. Secundo num simplicia quibus is usus est talium sint virium nec ne. Tertio quodnam verum sit succedaneum. Quarto quo pondere medicamenta illa debeant adhiberi. Et quinto denique confectionem ipsam: quæ simplicium medicamentorum miscendorum operam requirit singularem. Par pene ratio est Mithridatii: cuius veram ac propriam descriptionem Galenus l. c. nobis dedit. Democrates enim in pondere ac quantitate sæpe aberravit. Legi vero cumprimis meretur quem patrum memoria de Mithridatio isto commentarium confecit Nicol. Muttonus. Conati autem multi quidem sunt Mithridatem imitantes similes compositiones conficere: sed qui quod volebant assequuti non fuerunt. Nos merito sequimur vulgarem & passim usitatam officinis nostris Mithridatii conficiendi rationem.

IX. Quamvis vero ex veteri ævo adeo pauca adhuc in usu sint composita, num tamen illud ipsum perinde recte fiat, haud facile dixerimus. Ratio certe probat, si quis in vires medicamentorum veterum inquirat, illa ad hæc nostra commode reduci posse. Caterum causa, quare ita antiqua medicamenta in desuetudinem venerint, nostro iudicio nulla alia est, quam quod ante quadringentos annos, quum primum Ars Medica in Occidentali orbe doceri & disci cœpit, pleraque veterum tam Græcorum quam Latinorum scripta sepulta fuerint planeque ignorata. Itaque mirum non est medicamenta etiam ipsa usurpata non fuisse. Ex adverso quæ apud Arabas usitata fuerunt, etiam ab illius temporis

Medicis in usum sunt cooptata. Cujusmodi vero illa medicamenta fuerint, videre est ex variis antidotariis sive dispensatoriis: qualia reliquerunt *Avicenna*, *Rhases*, *Aben-zoar*, *Serapion*, *Mesue*: ex quo hodieque quam plurima vulgo solemus mutuari. Quibus temporibus etiam apud Græcos nonnulli similiter Antidotaria conscribere cœperunt: quorum præcipui fuerunt *Adæuarius* & *Nicolaus Myrepsus Alexandrinus*; cujus Antidotarium omnium veterum est celeberrimum, ex quo epitomen postmodum fecit *Nicolaus Præpositus Salernitanus Medicus*. *Myrepsi* vero illud opus omnium optime luci dedit *Leonhardus Fuchsius*, ex Græco in Latinum à sese versum: in quo plurima medicamenta habentur, ut eo tuto recurrere liceat, si qua difficultas in compositione oriatur.

X. Quum igitur ars nostra ista ætate ex Arabum scriptis petita sit, hinc ipsorum medicamenta quoque invaluerunt. Ideo etiam doctissimi quique Practici, qui post annum millesimum ducentesium ad millesimum quingentesimum usque floruerunt, peculiaria eaque varia medicamenta usurparunt, qualia apud veteres & Græcos & Latinos nunquam in usu fuerunt. Nec tamen tanto temporis intervallo ex his pene quisquam in usum pharmacopoliorum aliquid conscripsit, Tantum duo libri apud Latino-barbaros istos nati sunt, titulo *Luminaris majoris* & *minoris*; quos ex *Serapione* & *Pandectario cumprimis* collegit *Joannes Jacobus Manlius de Bosco Alexandrinus*. Laudanda autem sunt hæc antidotaria propter veterum lectionem. Quibus addi potest opus rarius *Matthæi Sylvatici Pandectarum Medicinæ*.

XI. Cæterum avorum memoria, à seculo nimirum sexto decimo, ut reliquæ medicinæ partes ita etiam pharmacu-

pharmaceutica ars magnam mutationem passa est. Nonnulli enim majori cum judicio novos libros Pharmaceuticos condere ceperunt. Cum primis autem hanc rem restituere primus omnium est aggressus *Valerius Cordus*, magnæ doctrinæ & excellentis ingenii juvenis, dispensatorio in usum pharmacopolii Reip. Norimbergensis tanta felicitate conscripto, ut omnes Europæi æterna cum hominis laude industriam ejus sequuti sint. Quin usque adeo illud opusculum passim probatum fuit, ut per Italiam quoque & Galliam in permultas pharmaceuticas officinas fuerit receptum. Animadverterunt tamen nonnulli, quod in eo corrigi posset. Et quidem legi merentur, quas in illud scripsit notas *Petrus Coudenbergius* doctissimus Medicus & pharmacopola Antwerpiensis. Idem deinde etiam emendaverunt atque auxerunt *Matthiolus* & *Lobelius*. In eodem argumento, sed minori cum successu laboravit *Leonhardus Fuchs* & *Bernhardus Dessenius*. Similiter insignem laudem meretur *Hieronymus Mercurialis*, scripto de compositione medicamentorum, ut & *Gabriel Fallopius*. Legendum etiam est Examen omnis generis fere compositorum ab *Antonio Musa Brassavola* institutum. Eodem pertinet *Jacobi Ferrarii Idea Theriacæ & Mithridatii*, ex pragmatia Antonii Bertioli & Flamminii Evoli concinnata. Idem, & quidem magno labore, conatus est doctissimus Medicus *Victor Trincavellius*, sed qui operi immortuus, imperfectum illud reliquit.

XII. A quam multis porro seorsim Dispensatoria quæ vocant, publicata sunt, quibus itidem ratio componendi medicamenta illa vulgaria satis accurate proponitur. Imitati autem sunt nonnulli *Valerium Cordum*, cum primis quædam Medicorum collegia. Ita per Italiam quam maxime

xime hodie utuntur *Antidotario Florentino & Bononiensi*, per *Ulysses Aldrovandum* potissimum emendato; quod utrumque magni est nominis. In Germania circa hanc rem cum primis laboravit *Collegium Medicum Augustanum*, promovere præcipue id opus præ aliis *Adolpho Occone*, & post eum *Raymundo Minderero*. Atque hoc est illud opus, quod vulgo *Pharmacopœa Augustana* vocatur: quæ jam octies semperque auctius edita, obscuravit pene famam dispensatorii antiqui *Norimbergensis* sive *Valerii Cordi*. Quamquam enim *Norimbergenses* dispensatorium suum majori opera recudi curaverint, prævaluit tamen *Augustani* auctoritas, ita ut pleræque universæ Germaniæ officinæ pharmaceuticæ normam illis quam maxime sequantur. In hoc dispensatorium *Augustanum* edidit nuper doctas & sic satis accuratas *Animadversiones Joannes Zuvelfferus*: nisi quod nonnulla ad vivum refecare & laudatissimis quibusdam viris nimium insultare videatur. In Batavia *Lugduni* non ita pridem *Valerii Cordi*, sed longe auctius, plurimis nobilissimis medicamentis annexis, dispensatorium prodiit, quod suam meretur laudem. Inter Gallos libellum ejusmodi titulo *Ambrosiopœæ* conscripsit *Nicolaus Abrahamus Frambesarius Veromantius*. Cui tamen *Joannis Fernelii Dispensatorium*, quod in *Therapeuticis* ejus reperitur, non dubitamus anteferre; utpote quod magno judicio ab illo conscriptum sit, licet rationes non addiderit: quas tamen postmodum adjunxit, multis etiam emendatis doctissimis scholiis *Guilielmus Plantius Cenomanus*. Prolixius id ipsum egit *Franciscus Seguius*, commentariis itidem longe doctissimis. Ibidem nonnemo librum edidit titulo *Apollinis*, sed qui expectationi non respondet. Non adeo pridem porro *Medici Parisienses* exiguum quidem sed tam limato

limato iudicio confectum dispensatorium evulgarunt, ut satis mirari nequeamus. Ubi silentio neutiquam prætereunda est *Pharmacopœa Anutii Foëssii*, quæ ut reliqua omnia ejus viri monumenta magna laude confecta est. In Germania *Caspar Baubinus* duos optimos libros de medicamentorum compositione scripsit. Quibus addi quoque possunt *Fuchsii libri*. Operæ pretium etiam est adjungere insignem *Pharmacopœam Dogmaticorum Restitutam Quercetani*, quam quam genium chemicorum habeat. Cum fructu quoque legi potest *Antidotarium geminum Weckeri*. A nonnullis etiam multum commendari solet *Quintus Apollinaris*, qui tamen nobis nunquam sese probare potuit. Longe melius est *Dispensatorium Georgii Melichii*, pharmacopolæ medicamentorum componendorum peritissimi, in qua multa certe præclara continentur. Non possumus non etiam commendare *Dispensatorium Tobie Dorncreilii*. Egregia quoque est *Pharmacopœa Curtii Marinelli* à Collegio Medicorum Venetorum comprobata. Galli præterea habent *Dispensatorium Joannis Renodæi*, operosum potius quam doctum. Vulgo hodie in Gallia in magno usu esse solet *Pharmacopœa Bricii Bauderonii*, quæ quidem multa habet præclara, tanti tamen facienda non est, quanti existimatur. In his enumeratis libris jam continentur pleraque medicamenta, quæ hodie passim in usu sunt. Majoris vero momenti est, scire doctrinam medicamenta componendi: quandoquidem rationem & experientiam heic afferre debemus in cognoscendis medicamentorum virtutibus. In his autem dispensatoriis plerisque medicamenta vulgato tantum usu parata proponi solent. Chemica itaque aliunde haurienda sunt. Ad quorum notitiam præcipue faciunt *Basilica Crollii & Hadriani à Mynsicht Thesaurus Medico-Chemicus*.

micus. Reperiuntur quidem præter hos longe adhuc plures pharmaceutici scriptores, verum quorum tantus est numerus, ut omnes recenseri non possint: sufficit præcipuorum meminisse.

XIII. Priusquam tamen hoc argumentum deferamus, monendum adhuc venit, *Hieronimum Cardanum* peculiari tractatu ostendere voluisse, *compositis* potius *medicamentis* utendum esse: contra vero *Arnoldum Villanovanum* præferre *simplicia*. Quo vero quid de hac controversia sentiendum sit pateat; ut plurimum quidem composita usurpanda esse, *primo* inde probatur, quoniam simplicia tam commode præberi non possint. *Deinde* experientia docet, à quam multis jam seculis in usu fuisse composita. *Tertio* etiam notandum venit, non omnia medicamenta debito modo componi, sed varios errores hac parte committi.

XIV. Nonnulli enim *primo* in eo peccant, quod quædam in nimis exigua quantitate misceant. Accedit *secundo*, quod multa medicamenta inter sese commisceantur, quæ sæpe viribus contraria sunt, ita ut unum alterum impediat, neque addendum sit, nisi correctionis tantum gratia. *Tertio* etiam in eo peccatur, quod medicamenta variarum virium diversisque indicationibus respondentia uno tempore commisceantur, quum longe satius esset distinctis temporibus modo hoc modo illud præbere atque ita per vices indicantibus satisfacere. *Quarto* porro in eo quoque peccatum committitur, quod multa medicamenta unum idemque valentia citra necessitatem sæpe commisceantur, quum longe convenientius unum & alterum majori tantum quantitate assumptum, idem possit præstare. *Quintus* denique error est, quod uno eodemque tempore sæpe illa decoquantur, quæ diversæ admodum sunt naturæ, ita ut alia levi decoctione, alia majori indigeant.

XV. Quibus ad hunc modum sese habentibus utique etiam atque etiam cavere Medicum decet, ne qua parte impingat. Itaque ipsi *primo* accurate notandum est, quantum valeat præparatio medicamentorum, ut quid pulvis, quid infusio circa lignum, circa lapidem &c. præstare possint, noverit. *Deinde* naturam etiam medicamenti alicujus simplicis, antequam vel præparetur vel componatur, novisse debet. Ita v. g. cochleariam non ferre coctionem patet. Radices etiam cichorii conditæ eandem vim non habent, quæ ante istam præparationem in istis fuit. Multa enim per sacchari admissionem suam virtutem amittunt. Præterea & *tertio* quoque observandum, quod medicamentum unum idemque aliquo modo & noxium & utile esse possit: idque duplici modo. Vel enim si gradu aliquo justam temperamentirationem excedat, amisso illo gradu quo noxium esse poterat, redditur utile. Quomodo ignis unus idemque pro diversitate graduum nunc noxius est nunc utilis. Vel etiam quando variis substantiis unum idemque constans aliis noxiis, aliis utilibus; remotis nonnullis, quod reliquum est redditur omni ex parte utile. Ita e. g. si qua farinæ cinis aut lapilli fuerint commisti, illique removeantur, tota farinæ deinde massa redditur utilis, quæ antea propter nonnulla plane heterogenea admista nulla ex parte utilis esse poterat. Boni *denique* Medici etiam est, medicamentis tale vehiculum adhibere, quod simul sit medicamentosum. Ita v. g. decocta illa maxime penetrant, quæ cum hydromelite parantur.

* XVI. Neque silentio involvendum est, quibusdam medicamentis præter naturales vires, alias adhuc easque supernaturales solere adscribi. Quanquam autem Magicæ hæ remediorum virtutes explodendæ sint, interest tamen etiam Medici scire quomodo ea soleant adhiberi. Constat au-

tem magicam medicinam per se nihil valere, nisi virtute Dæmonum. Quicquid enim virium habent, à Diabolo est. Et vero nihil præstant, nisi accedat persuasio. Quam primum vero illis diffusus fueris, nullius sunt usus nihilque valent. Unde apparet à natura tales vires ipsis minime esse. Ignis enim e. gr. urit, & medicamentum aliquod naturale purgans operatur, sive tu credas sive non. Contra vero magica medicamenta nihil efficiunt, si absit persuasio tua: plane sicuti in sacris Baptismus absque fide nihil proderit. Ejusmodi vero magica apud veteres Ægyptios cum primis in magno usu fuerunt. Quorum ingens numerus etiam apud *Plinium* reperitur. Quemadmodum hoc *lib. de Hermet. medic. cap. XI.* luculenter juxta ac diffuse ostenditur. Similia autem remedia apud *Marcellum Empiricum* etiam laudantur, ut & *Aetium* & *Alexandrum Trallianum*. Ejusdem notæ autem etiam sunt *Amuleta*: de quorum natura doctissima disputatio extat *Thomæ Erasti*. Tales vanitates magicas quoque medicamentorum exponit libellus ille, qui ex veteri ævo sub nomine *Kyranidis* nuper demum editus fuit. Ejusdem commatis plane sunt libri, qui nomine *Alberti Magni De secretis mulierum* & *De virtutibus herbarum, lapidum & animalium quorundam*, perperam tamen circumferuntur; utpote in quibus nihil præter magica contineantur.

XVII. Ex recentioribus talia produxit præ multis aliis celebris ille Magus, *Paracelsus*. Ex cujus affeclis plurimi etiam similia remedia non erubuerunt laudare. Quos inter non postremus est *Bernhardus G. Penotus*: qui Deo mendacia & fraudes ejus ulciscente, in nosocomio extrema in paupertate obiit: ceu notatum est *lib. c. cap. XXIII.* Ejusmodi magnus famosus & agyrta fuit quoque *Alexander Suchtenius*, *Leonhardus Turnbeuserus* Basiliensis, ex aurifabro

Che-

Chemicus & insignis impostor. Magicis etiam artibus infamis fuit ejusdem scholæ sectator Polonus quidam *Michael Sendivogius*: ut alios complures taceam.

XIIX. Huc pertinet Unguentum etiam Armarium uti & Pulvis Armarius, quæ appellantur: curatio item per Transplantationem, & similia complura alia, quorum ingentem copiam apud recentiores reperire licet. Neque vero alterius generis est libellus de unguento armario, seu magnetica vulneris curatione *Rudolphi Göclenii* Marpurgen-sis, aut *Foannis Ernesti Burgravii* Neostadiensis Palatini *De Biolychnio & Achille πανόπλω* redivivo opuscula, quæ pessimus ille nebulo in lucem edere non erubuit: eo nomine a nobis *lib. De calido innato cap. XV.* juste reprehensus. Similia (pauca tamen) in *Secretis Weckeri* reperiuntur: nonnulla item in Naturali Magia (qui liber nomine tamen illo indignus est) *Foannis Baptistæ Portæ* Neapolitani. His similibusque pessimis remediis licet minime utamur, sed toto pectore ab iis abhorreamus, propterea tamen nota esse debent, ut recte de eis judicare, & alios ne tantis peccatis Deum offendant, admonere possimus.

ADDITAMENTA.

II. ✱ *Quam novum, sive chemicum* - Chemicum studium ad medicum qua medicum si non unice, saltem primo loco & præcipue eo pertinet nomine, quæ est pars pharmaceuticæ. Certe insigniter falluntur qui omnem tam Physiologiæ quam etiam Pathologiæ explicationem unice ex Chemicis principiis petendam existimant; Ut enim nonnulla quæ ad humorum spectant naturam ex his satis feliciter queant explicari; neque hæc tamen omnia, neque operationes viscerum ullo modo per ea

sola expēdiri, omnino certum est. Neque possum dissimulare, multos hodiernorum qui in infido hoc oceano nimium procedere ausi sunt, turpiter se dedisse; quamcunque etiam prima specie præ se tulerint verisimilitudinem novitate ipsa placentia ipsorum dogmata. Nihil enim agunt qui soli Analogiæ hic innituntur, nisi monstraverint etiam reapse in sanguine eadem quæ in chemicis scriniis latere, eodemque modo & eadem mensura concurrere. Quicquid vero istorum fecerint, non tamen comparanda est hæc utilitas cum illa quæ in medicamentorum præparatione & Pharmacia occurrit; sive enodanda sit natura simplicium & ex his compositorum, sive jam nova sint concinnanda, sive in officina existentia corrigenda. Equidem naturam & compositionem medicamentorum sine arte chemica velle intelligere, idem est ac in densissima sylva ad Lunæ lumen è longinquo ambulantes velle discernere.

* * *Idque est quod in Chemicis vulgo meritò desideramus.* Vulgo ait, ut excludat eruditos medicos. Nempe illis temporibus apud seculum prius neutiquam exculta summis ingeniis erat hæc ars, sed ab imperitis naturalis philosophiæ hominibus exercebatur. Est autem impossibile ut nisi hac probe imbutum afferas animum, & naturæ rerum naturalium gnarus accedas, in chemia recte sentias: aberrant enim toto cœlo, qui per chemiam rerum naturam investigari primum putant: non minus quam qui facultates viscerum naturales: in nulla enim disciplina effectiva subiecti natura indagatur, sed ejus notitia afferri debet & supponitur, etsi inter operandum plura adhuc indies ad ejus naturam pertinentia detegantur: prout illi qui artium naturam intelligunt, facile mecum & clarissime perspicient. Sane quod ignoratur quid præparationes & operationes efficere possint, non aliunde quam ex naturæ rerum naturalium ignorantia & inscitia illa fluit: Hinc tot vani processus, tot fallaces præparationes olim perscriptæ leguntur: nec alio magis imposuerunt imperitis fumivenduli, quam quia quid singulorum natura ferat ignorabatur. Nunc autem alia plane rerum est facies, ubi quid ex singulis parari, & quid unusquisque operandi

randi modus asferre immutationis possit, tantum non ad unguem est cognitum. Primum enim Angeli Salæ & Billichii, deinde Boylii aliorumque mox nominandorum curis est factum, quod magnam illius scientiæ de qua neglecta hic auctor conqueritur, partem sic satis habemus hodie excultam, etsi bene multa adhuc restent, secus ac putant nonnulli, quæ licet prima fronte applausum mereri videantur, tamen si detracto cortice, & verborum quibus incrustantur pomposis titulis, curatius introspicias, nil nisi ludibria mentis & rerum Umbræ inveniuntur.

V. * *Ex veteribus quidem nullos habemus.* Qui post Hippocratem de compositione medicamentorum scripserint, discimus ex Galeno: nam permulti eum præcesserant ex quibus haut pauca est ipse mutuatus. In his est *Mantias & Tarentinus* quorum postremus *Heracledes* etsi inter scriptores rei medicæ, id est simplicium medicamentorum Dioscoridi memoretur, magis tamen in compositione eorum laboravit. Ubi enim *Dioscorides* ait: *Eum prorsus omissa herbarum tractatione rem ipsam leviter & paucis attigisse;* Galenus aperte eum de *Preparatione ac probatione medicamentorum testatur scripsisse.* Id quod uberius multo ostendit alibi, ubi refert eum ad imitationem *Mantie* præceptoris multa volumina de compositione medicamentorum conscripsisse: Ipsum Galeni locum si quis desiderat, sic habet: *Compositiones medicamentorum complurium laudabilium primus omnium quod novimus, Mantias Herophileus scripsit, cujus discipulus factus Heracledes Tarentinus, in Pharmacorum usu videtur illum imitatus --* Post quos alii sane quidam non paucis voluminibus, (in Græcis est: ἐπὶ πλείοσι βιβλίοις) sicut *Mantias & Heracledes*: Sunt etiam qui uno aut altero tantum ea conscripserint, quemadmodum *Cappadox Heras*. Plures qui cupit cognoscere, conferat ejusdem Galeni alium locum qui extat *VI. de Compos. Med. κατὰ τόπους* in principio: ubi & *Menecratis & Andromachi & Musæ & Asclepiadum & denique Critonis* cujusdam meminit, omnium in hoc artis genere excolendo occupatorum, cujus loci partem & nos paulo ante citavimus, ubi de simplicium scriptoribus nobis erat sermo. Sed horum

Procem.

L. I.

Procem.

L. VI. de

Med. S. E.

II. Comp.

med. K. V.

cap. I.

horum omnium scriptorum nihil nobis superat illis exceptis quæ sparsim Galenus in suis operibus servavit.

* * *Marci Banzeri.* Separanda hæc sunt: Alia est ars componendi medicamenta, alia præscribendi formulas. Illa enim in compositis, quæ in officinis perpetuo extant, versatur, hæc fere in decompositis, ex illis & simplicibus extemporanea opera parandis, ubi multa occurrunt quæ nec in Pharmacopœo requiruntur, nec a medico ignorari debent. De hac agit Banzerus minime, vero de illa; qua de re nos plura post hæc addeamus. Cæterum Banzeri in locum succedat perelegans & doctissimus libellus *Jacobi Sylvii, De medicamentorum simplicium delectu, præparationibus & mistionis modo, Lugduni exscriptus MDLV:* In hoc & Pharmacopœum & universam officinam instruit, dignusque est qui in vernaculam translatus iis assidue legatur. Ostendit vero & plurimos errores sodalibus suis Pharmacopœis *Joannes Zwelferus in animadversionibus ad Augustanam Pharmacopœam:* quem tamen nimium sibi interdum sumentem, & ultra quam sua peritia sese extenderet procedentem justis novis animadversionibus repressit foecundum & elegans *Luæ Schrækkii junioris* ingenium, cum in *Pharmacopœa sua Augustana restituta*, tum ejusdem suscepta denuo adversus alios *Defensione*, quæ lectori omnino cum Zwelferi notis conjungenda sunt. Nihil de utriusque opere amplius addo, cum in omnium manibus sint ista, adeoque ubivis nota.

Notior ut non sit Caribus jam Delia. --

VI. * *Quanto nemo hætenus.* Modo responderet semper eventus, neque communi isto chemicorum empiricorum Glauberus laboraret vitio, ut plura jactitet jam queat præstare: quod ita esse non clarissimus tantum Ludovici monuit, sed & ipsa hinc Glauberi auctoritas hodie apud plerosque valde est elevata, quemadmodum & furni ejus esse in pretio cito desiere.

* * *Quamvis autem non contemnenda hæc sit ars.* Utrumque conjungi debet, cum hæc omnia dirigere oporteat medicum. Quin imò ars componendi medicamenta, sine chemicarum rerum peritia mutila est, neque potest citra eam acquiri:

quiri: Enim vero, quod tot in componendis medicamentis inanes hodie labores sumtusque possumus rescindere, quod tam graves errores monstrarunt Zvvelferus alique, id chemiæ unice debetur. Hinc etiam merito omnes hoc tempore artis cultores acquirendi peritiam chemicam occasionem quærunt sollicite: Peccatur tamen ex altera parte, dum huic soli dant operam, doctrinam de componendis medicamentis veterem insuper habentes, rati scilicet eam ad Pharmacopœos potius attingere: sane hoc pacto deinde accidit, ut istis hominibus, quibus imperare ubique deberent, haut raro ob illam inscitiam suam ludibrio sint, auctoritatisve, qua super eos eminere fas esset, apud vafros & ad licentiam pronos detrimentum patiantur. Quod jam porro auctores artis chemicæ spectat, post hanc Nostri enumerationem haut leviter excoli illa cepta est: ita ut numerus eorum plurimum nunc excreverit. Primo autem forte in loco atque in acie stare mereretur *Joannes Michaelis, Lipsiensis ille celeberrimus Chemicus*, sed nihil ipse publice scripsit, etsi medicamenta ejus per totam Germaniam dispersa, subinde à plurimis hic illic publicentur. Ex ejus tamen schola fere prodiit, quicquid illustris illa academia celebrat Doctorum in eo virorum: ejusque etiam fuit discipulus *Barnerus*, vir ingenio magnus, & peritia artis insignis, qui tamen itidem in hoc genere nihil edidit. Ut autem Lipsiensis illa schola plurimos egregios viros dedit, ita non minore cum fructu Jenæ laboravit *Guernerus Rolfsincius* noster, cujus chemica scripta jam aliquoties laudavimus: Sane isti duo viri, quicquid deinceps in Germania chemicorum eruditorum emicuit, videntur nobis peperisse. Ex utriusque autem discipulis bini maxime celebres evasere, palmamque cæteris dubiam reddidere omnibus. Lipsiæ scilicet *Ethmüllerus*, cujus chemia post ejus mortem nuper à quodam lucri captatore publicata est: nefario tamen ausu, cum non sit dubium multa si vixisset, celeberrimum auctorem fuisse emendaturum, expuncturum, inmutaturum, quæ non sine ipsius ignominia nunc publice leguntur. Deinde ibidem *Joannes Bobnius* etiamnum vivit, qui non pauca jam huc pertinentia publico communicavit, sed à

Ccc

quo

quo longe majora adhuc expectamus, cum ab assiduo labore nihil audiamus eum remittere. Ex altera parte itidem binos habemus insignes viros, quorum pari ratione alter jam fati cessit, beato Ethmullero nunc in æternitate socius, *Daniel Ludovici*, cujus *Pharmacia* auro contra chara habenda est, cum in illo libro nihil falsi, nihil fucati reperiatur, sed sincera & quousque eniti humana experientia potuit, vera omnia, ita ut post Angelum Salam & Billichium ingeniosorem Chemicum magisque peritum seculum non viderit. Id tantum in eo desideres, (imo desideratur à plurimis) quod nonnihil obscurior, nec à quoquam intelligi queat. Quod partim ob dicendi genus auctori consuetum, partim ob immensam rerum copiam, (cum in tam exigua mole nihil prope simplicium, nihil compositorum medicamentorum omissum sit, quod unquam sive antiquis sive recentioribus venerit in usum, modo adhuc prodest in officinis) ita evenit: De his enim omnibus iudicium ferre vir vere expertissimus non dubitavit, solidum vero illud, doctum, & ut antea dixi, sincerum, ut non possit operæ poenitere quam in extricandis obscuris illis quis posuerit: Altera vice jam iste liber est editus, accurate amico ejus summo & olim collega qui nunc nobis celebrandus venit: auctior autem hæc cum novis animadversionibus tum auctoris vita. Et nunc ad virum illum insignem *Georgium Wolfgangum Wedelium* venimus, cujus *Pharmacia in artis formam redacta, itemque nuperrime publicata acroamatica*, quantum planiore & apertiore dicendi genere præ Ludoviciana illa est consignata, tanto commodius majorique cum fructu Tyronibus legitur. Et quidem, dicendum quod res est, seposito omni affectu, quo veterem amicum & de nobis jam olim præclare meritum amplectimur: cum omnes, qui ante ipsum id operis fuerunt aggressi, ipsumque præceptorem Rolincium longe superasse. Conjunxit autem hæc biga virorum pari instituto ac successu veterem illam novamque hanc Pharmaceutices partem, ut quæ sibi invicem debebantur, sed iniquo divortio sejuncta erant, hisce paranymphis tam egregiis juncta, redirent in gratiam, & amico connubio in unum coalescerent. Post istos Ante-

signa

signanos memorandi porro sunt alii minorum gentium dii, qui non tam artis rationem in mente habuisse videntur, quam circa singularia hæserunt, & ut nunc vocantur Barbaris, processus. Sunt autem plures: Galli potissimum. Anno nempe LXVII. currentis ævi publicatus est Parisiis *Cours de chymie de P. Thibaut, - dit Le Lorrain*. Fuit autem Destillatoris Regii titulo honoratus, & ut apparet ex libri inscriptione, Lotharingus. Non multo post ibidem comparuit *Traité de la Chymie de N. Le Febure*, qui sibi titulum fecit, *Apoticaire ordinaire du Roy, distillateur chymique de sa Majeste & de Monseigneur de Metz duc de Verneuil*. Anno LXXIII. sequuta est, *Christophori Glaferi Chemia, sive Traité de la chymie*, ipso jam mortuo aucta & emendata; erat autem Glaferus natione Germanus; seu proprie loquendo Helvetius, Basileensis scilicet primum Fouqueti chemicus, dein instructo Pharmacopolio, privatim chemiam docuit: mox publico stipendio in Horto Regio illum exercens. Denique anno LXXXIII. adeoque decennio post prodiit *Cours de chymie de Nicolas Lemery*. Quibus omnibus ac singulis sua debetur laus: major etiam futura, si tritum illud sibi quoque dictum meminissent.

Ne sutor ultra crepitam!

& Pharmacopœorum partes implevisse contenti, subinde philosophos agere non voluissent, rerumque causas exponere. Et si enim nonnunquam sic satis bene, sapius tamen male in aliena messe falcem exercent. Verum id in Gallis (Glaferus enim sibi temperavit magis) condonari posset, quibus audax & fertile ingenium cohibere difficile est: modo non turbas darent, & ipsam artem longam suis inventis ulterius producerent. In Germania Francofurti edidit ante quinquennium bina huc pertinentia scripta *Job. Helfricus Jungkenius*, ita tamen ut magna utriusque pars etiam ad Pharmaciam Galenicam faciat. Utrumque pomposo superbit titulo: Primum quidem *Medici Prasenti seculo accommodati per veram philosophiam Spagiricam &c. &c.* Alterum, *Chemica experimentalis curiosa ex principiis mathematicis demonstrata*. Quemadmodum vero inscriptionum verba inter se conciliare difficile est, ita multo difficilius, quod prima hæc li-

brorum frons promittit, in sequentibus paginis invenire. Sunt enim collectiones variorum potius remediorum, nec semper optimorum, sed promiscue omnium: & quamvis propria experientia à se adornatam chemicam polliceatur in præfatione, maxima tamen pars ex aliorum industria est, unde etiam Germanica, Italica & Latina inter se ita sunt commixta, ut non nisi harum omnium linguarum perito legi omnia possint. Ad utrumque pharmaceutices genus magnam quoque partem referenda est *Christiani Marggrafi Materia medica contracta Lugduni secundum edita anno seculi LXXXI*: uti potius ad Chemiam attinent, quæ ipso inscio & invito cum aliorum quoque medicamenta chemica parandi modis evulgavit ingratus quidam discipulus. Id quod, uti summa injuria est factum, ita merito non ipse modo optimus vir id tulit ægerrime, sed & omnes boni sine dubio factum hoc improbum abominantur: crimen enim non leve & furto simillimum est, in aliorum labores sibi arrogare divulgandi potestatem. Præter hæc vero in Belgio nuper prodiit quoque *Chemia Jacobi Le Mort*, itidem Pharmacopœi, quam paulo ante obitum, qui hoc anno nobis eripuit optimum & longe expertissimum chemicum, ipse *Marggrafius* noster acerrime impugnavit, edito libello cui titulum fecit *Jacobi Le Mort Pseudochymici & Ratiocinatoris Dupondiarum ignorantia circa chemiam & scientiam naturalem*. Sed jam satis de chemicis scriptoribus dictum est.

IIIX. ✱ Propter Opobalsamum. Est illa ipsa controversia, de qua modo diximus ad finem proximi capitis, *Baldi & Perle* tractatus fuisse conscriptos, qui reliquis Pharmacopœis & medicis Romanam illam compositionem oppugnantibus egregiè obviam ivere. His addendum *Opobalsamum examinatum, defensum, judicatum, absolutum & laudatum Petri Castelli* ut & *Ejusdem Opobalsamum triumphans*, utrumque in 4. editum, alterum Messanæ, Basileæ alterum. De cætero reticendum hic non est, nobilissimis istis compositionibus à nostratibus quoque nonnullis moveri hodie controversiam: Quorum quidem alii inconcinnam & inconditam esse compositionem clauitant, quæ cum pauca alexipharmaca recipiat, mole tamen sua laboret;

alii

alii etiam inutilem, & non adeo magnarum virium esse: quicquid præstet, id opio deberi, circa quod ne sudorem quidem posset movere: in malignis autem morbis non multum adeo hodie vel istam, vel reliqua etiam alexipharmaca afferre auxilii: Quæ omnia merentur figillatim expendi. Est autem non admodum difficilis ad hæc omnia, & in promptu responsio. Quod igitur ad prima attinet, quibus post Quercetanum Chemicum, cui Galenica ut vocant, id est vetera, erant admodum exosa, Zwelferus contra insignem compositionem insurrexit, ex parte iis jam satisfecit in *Pharmacopœia Augustana restituta Lucas Schrækius*: verum iis addi & alia possunt. Primum enim, etsi longa satis sit & ampla eorum simplicium classis, quæ Theriacam ingrediuntur, ea tamen esse pugnancia & se invicem destruentia, difficilius forte ostendi potest, quam nonnulli credunt: deinde si essent, nihil inde superflui liceret arguere aut mali. Concurrentibus enim his inter se & fermentantibus, non cujusvis speciatim virtus expetitur, sed tertia universalior inde exurgens, cujus rei exempla tota die in componendis etiam recentissimis & Chemicis occurrunt. Et sane prodiit egregie suam hic ignorantiam Zwelferus, cum quod illud non intellexit, tum quod calida inde eliminare audet, & nominatim piperis genera. Alexipharmaca enim virtus in eo maxima constituenda est, ut vel obtundat & reprimat fermentationem antidotum, id quod opium, Chalcitis & reliqua constringentia egregie præstant; vel malignitati occurrant: quæ cum in coagulatione sanguinis maximam partem consistat, illa calidissima, acriave & resolventia, maximam Theriacæ partem constituentia, utique erant summe necessaria. Ex quibus simul patet, quam vehementer errent qui quicquid præstat, id opio deberi putant, cum discutiens, resolvens & sudorifera illa facultas (quicquid etiam de opii diaphoretica vi gloriantur) ad ea primario pertineat. Quod si ipsis non sufficit, adeant incomparabilis Welschii in Walei methodum medendi notas, haut longe à principio, atque audiant, illos qui sine opio confectam Theriacam sudorem movere negarunt, insigniter falli. De malignis morbis distinguendum vi-

detur! Qui enim perniciosissimi sunt & vehementissimi, ut Pestis illique confinia mala, illi etiam maxima requirunt remedia; Quæ ergo potentius resolvunt & sudorem impensius ac celeriter movent, sine dubio Theriacalibus compositionibus sunt præferenda. In reliquis non æque vehementibus morbis omnino faciunt officium: in dysenteria quam sit efficax remedium Theriaca, non solum Ludovici & Wedelius haud ita pridem, sed & ante hoc octennium Helmstadium nostrum comprobatum dedere, ubi generoso hoc remedio recenter tum confecto ingentem ægrotantium numerum esse servatum, vulgo notum est: In omnibus autem prorsus nihil agere, nemo nisi audaculus veterum derisor dixerit, cui respondere inutile esse existimamus. Equidem tot seculorum experientiam negare, stultitiæ proximum puto, præsertim cum ratio ipsa eam suffulciat & tueatur. Scripsit vero etiam de Theriaca & Mithridatio egregie *Joannes Henricus Meibomius*, ubi plura in rem præsentem legi possunt.

* * *Conati autem multi sunt, Mithridatium imitantes.* Orvietanum, & similes compositiones intelligit; quarum haut paucas habemus: Electuarium de Ovo, Matthioli Antidotum, Diascordium Fracastorii, Sylvianum, & quas Zwelferus ipse aliique recentes excogitarunt. Sunt autem & aliæ ejusmodi salutares compositiones, non ejus generis: uti cordiales cum primis, ut vulgo quidem audiunt. In quibus eminet *Confectio Alkermes*, de qua præter ea quæ in dispensatoriis habentur, bini eruditi extant scriptores, *Laurentius* nimirum *Eichstadius*, & *Joannes Strobelbergerus*, quorum ille Stetini 1634. hic vero Jenæ 1620. dissertationes suas in lucem emisserunt.

XII. * *Animadversiones Joann. Zwelferus.* De iis ad thesin quintam nos jam egimus, ubi inveniet lector quod huc transferri potest.

* * *Georgii Melichii:* Augustani itidem, sed qui Venetiis vixit Pharmacopola ad signum Struthionis. Prodiit de novo hoc ejus dispensatorium anno MDCXXIX. cum animadversionibus *Alberti Stecchini*, successoris ejus: sane quam doctis, Italice

Italice. Meretur vero hic etiam post ista commendari *Pharmacopœi Londinensis* aliquoties intra paucos annos iterata editione prostant; Multo vero magis fortassis *Dispensatorium Romanum* Italice itidem conscriptum, notisque admodum doctis & elegantibus exornatum à *Petro Castello*, medico illo famigeratissimo, de quo multa alia habemus, doctissima, minus vulgo nota, & cuius est etiam Optimus Medicus, qui cum aliis huic operi parte altera accedet: Uti & porro etiam *Discorso della differenza tra gli semplici Freschi & Secchi*, Romæ editus, 1629. *De Vesuvii incendio liber*, aliaque bene multa, omnia doctrina uberrima referta. Denique agmen claudat *vastum opus*, & quale in hoc genere vix aliud unquam extitit, Francofurti ante aliquot annos à *Job. Daniel Horstio*, practico veterano publicatū, in quod videtur omnia congeisse, quæ potuit invenire: opus igitur hoc maxime necessarium est iis qui absolutam rerum pharmaceuticarum notitiam student sibi comparare, etsi prolixitate pene deterreat lectorem.

* * * *Majoris vero momenti est scire doctrinam medicamentorum componendi.* De cuius auctoribus actum fuit inciso quinto huius capituli, & sexto: ad quæ addidimus quæ inde repeti possunt: Chemica vero, etsi recte dicat hætenus auctor, aliunde esse haurienda, iterum tamen monemus, absque his Pharmaceuticam veterum illam sibi non satis constare, & injuria hæc sejungi ac prorsus præter rem: quare in permultis operibus etiam conjuncta iterum videntur, ut in ipsa *Pharmacopœia Augustana Zuelferi*, & *Schræderiana* etiam, sed quæ uti referta est stolidissimis Paracelsi aliorumque jejunorum Philosophorum principiis, ita processibus ut vocant Chemicis ibi expositis non semper adeo multum est fidendum: sunt enim in his cum multa inepta ac falsa, tum manca quoque & imperfecta plurima, prout occurrebant auctori citra examen judiciosum inserta: injuria ergo tyronum manibus hic liber tam sedulo ac diligenter versatur: verum in defectu melioris excuti iisdem nondum facile poterit.

XIII. * *Villanovanum præferre simplicia.* Quod ad hanc con-

controversiam attinet, mihi non est dubium, utrumque non recte sensisse. Est enim ubi simplicia; est etiam ubi composita rectius adhibentur; utrumque scilicet suo loco. Indubitatum enim & primum principium hic esto medicum: *Quod potest fieri per pauca, & per simplicia, id non fiat per plura, sive composita*, quoniam Entia non sunt multiplicanda præter necessitatem. Secundo loco sit: *Quod rectius fieri per composita videtur, faciendum; & ubi simplicium vires non sufficiunt, non esse ambigendum de illorum usu*: ipsa dictitat hæc recta ratio: cavendi tamen errores in sequente XIV. designati; ubi tamen iterum hæc fiunt notanda:

XIV. * Non semper esse rejiciendam contrariorum mixtionem cum sæpe resultet inde tertium, prorsus à prioribus diversum nec inutile. Exemplo sit arcanum Tartari & Tartarus Vitriolatus & Spiritus Nitri in conchas effusus. Nimirum non semper destructis contrariorum qualitatibus prioribus, effoetum quid sit & omni usui ineptum.

* * Nec semper in eo peccari, quod diversis indicationibus respondentia misceantur. Si enim se invicem possunt ferre, neque detriverit unum alterius efficaciam, quid ni jungas? cum fieri possit per pauca quod alias pluribus esset obtinendum. Ipse *Galenus* hoc non improbat, cujus evolvere præter alia in id licebit *Metb. Med. VIII, c. 9.* Non tamen frustra hic auctor institutum illud videtur taxare: Cum enim anomali quid habeat illa mixtura, saltem non sine ratione & sufficiente causa id faciendum, alias curatio evadet empirica. Quod factum vidimus cum in Sylvianis illis misturis, tum in aliis quoque haut semel, ubi acidis spirituosæ, calida frigidis, coelum terris mista non nunquam est cernere.

XV. *Decocta illa maxime penetrant, quæ cum hydromelite parantur.* Ex istis omnibus patet, neminem ad præscribendas formulas properare oportere, ante plenariam cum simplicium, tum artis ipsius præscribendi cognitionem. Cum enim duo ad medicamenta requirantur, Materia & Forma, patet illa spectare ad materiam tantum: Forma autem est consistentia medicamento, quæ ex variis illis commistis resurgit. Quæ ambo cum sint necessaria

cessaria cognitu ad compositum quodcunque recte constituen-
dum, demiror esse qui formularum conscribendarum artem in-
super habeant, aut peculiarem nullam esse putent. Cum tamen
in omnibus artibus nihil aliud addiscatur, quam isthuc ipsum;
Quo pacto forma sit in materiam introducenda: ita ut materiæ
exacta cognitio neutiquam sufficiat, sed in præcognitis sit haben-
da. Neque enim verum est, quod isti fortassis putant, eandem
esse conficiendi & præscribendi scientiam: Etsi enim hæc esse
sine illa nequeat, potest tamen illa citra hujus notitiam teneri:
cum ad Pharmacopœum spectet, hæc vero ad medicum. Omnino
igitur & ista tradenda venit seorsim, ut jamtum ad cap. VIII. anno-
tavimus. Et vero non desunt nobis auctores plurimi, qui eam
scriptis illustrarunt, ex recentioribus saltem. Veteres enim
Græci atque Arabes priores, cum suis manibus componerent me-
dicamenta, (qui mos antiquus in quibusdam nunc locis incipit
sensim reduci) seorsim his instrui non habeant opus, cum ipso
usu id liceret discere. Præter *Petrum Morellum* nempe, omnium
notissimum, huc facit unice etiam *Marci Banzeri professoris Wit-
tebergensis perdoctus liber*, quem supra expungendum atque huc
referendum censuimus. Utile quoque est perelegans, exi-
guum licet *de Materia Medica opusculum Joannis Tilemanni*: etsi
id non tam artem ipsam quam exempla & materiam suppeditet.
Porro etiam prostat *Joannis Prævotii de compositione medicamentorum
opus posthumum*, apprime huc faciens: Item doctissimi viri *Joannis
Theodori Schenckii Syntagma componendi & præscribendi medicamenta*,
satis prolixum, in quo egregie practicum recentem instruit.
Post quem denuo laudanda *Christiani Marggrafii Materia medica
contracta* cujus altera pars hoc unum præcipue docet; & quidem
pereleganter, constructis tabulis in rem utilissimis. Quem docen-
di modum felicius deinde imitatus est *celeberrimus noster Wedelius*,
itidem editis tabulis, quas justo deinde commentario illustravit,
& tam aperte rem omnem dixit, ut nihil eo in genere luculentius
desiderari queat.

XVI. *Neque silentio involvendum est.* Non dubito fore
plerosque, qui huc usque ubi pervenerint, hæc de Magicis me-

dicamentis ab auctore asserta tanquam inania & absurda dam-
nent, atque illico altum exclament:

Risum teneatis Amicæ.

Quod hoc seculo ad Atheismum plusquam omnia fuerunt elap-
sa, supra modum proclivi, neque mirum est, neque quenquam
debet turbare. Provenit enim id quidem non aliunde quam
ex immani superbia, qua omnia ante se in re literaria gesta hodie
contemnunt nostri, pauca illa & exigua particula scientiæ quæ ve-
teribus nunc accessit, adeo inflati, ut plus se valere judicio atque
prudencia credant quam reliquos omnes antiquos magistros.
Itaque torquent, negant, invertunt quicquid unquam
occurrit novæ isti suæ sapientiæ adversum: subinde inculcantes
illud

Νᾱφε καὶ μύνας ἀπισεῖν, ἀρθεῖ ταῦτα τῶν φρένων.

Immemores interim, in utrumque hic partem peccari posse, nec
minus ineptos esse, qui nihil, quam qui omnia credunt. In hoc
ultimo sæpe jam peccari, & maxime quidem ab illis qui sibi vi-
dentur supra cæteros sapere, non indiget multa probatione: quod
ut pateat, rogo atque obtestor omnes, quibus rei literariæ facies
hodierna non plane ignota est, ut examinando eant per singulas
disciplinas, atque exquirant paulisper, Quid in Theologia, quid
in Medicina, in Philosophia naturali, in Morali tandem ac Meta-
physicis non sit negatum, aut vocatum in dubium. Adeo invaluit
probe illud infelix Cartesii dogma: De omnibus esse dubitandum,
ut nihil sanctum, nihil inviolatum maneat. Hæc igitur labes, cum
propria sit huic seculo, non inquam, est mirum etiam de Magia tam
perperam ac frigide nonnullos hodie sentire: Verum quo jure id
faciant, judicabunt posterius, & hodie viventes prudentiores, qui-
que simul id norunt, artem Analyticam hoc tempore simul ita ne-
gligi, ut ea pene sola, instrumentum licet sit & vere nervus τῶν
φρένων, prope intercidisse videri queat.

At at! hoc illud est: hinc illa lacrima!

Si enim fidem historicam & argumenta repugnantium rectius in-
telligerent, aliter sentirent. Non possum quin provocem ad
exempla, & *Gabrielis Naudæ* summi cæteroquin viri librum, cui
titu-

titulum fecit: *Apologie des Grands hommes accusez de Magic* in scenam producam: in quo & ipse celeberrimos Magos omni suspicione liberare ausus est: Cujus argumenta si quis perpendat, quam plerumque sint frigida & sine omni robore, deprehendet. Non enim tantum audacter negat plurima plusquam levi suspicione inductus, sed & vim infert ipsissimis auctorum verbis, & ea rapit in alienum sensum. In reliquis plerisque pugnat probabilibus & apparentibus, cum tot seculorum fide certa veris argumentis expugnanda essent: nec multo aliter se gerit, quam Borrichius circa Ægyptiam Philosophiam. Nam ubi solidiora ipsum destituunt, illis audacter utitur: & quia talia amat hoc seculum præ demonstrativis & analyticis, quæri sui & contemptui sunt, obtinet quod cupit, & vel imparibus armis prosternit veritatem. Inter alios etiam Paracelsum ex numero isto eximit & famosissimum nebulonem Faustum: de quibus tamen mihi tam certa suppetunt testimonia, alterius quidem in propriis scriptis, alterius vero ex fidissima relatione, ut si quis dubitet, eum me posse convincere omnino existimem, modo rationis sit capax, nec in Magiæ ludat vocabulo. Sed frustra sum: quid enim cum ejusmodi hominibus agas, qui tam vehementer mentem habent opinionibus suis præoccupatam, (vocant id vero ab omni præjudicio se liberare) ut citius negent etiam apertissima, quam quicquam ab illis remittant, & quibus hoc unum sufficit dicere, quod dicit Naudæus, ubi nihil aliud habet quod objiciat.

At nusquam totos inter qui talia jaçant,

Apparet ullus qui re miracula tanta

Comprobet. —

Quasi vero quod ipsi non viderunt, id omne falsum, inane, & mera persuasio fuerit, sintque ipsi soli oculati, reliqui cæcutiant instar noctuæ ad splendorem solis. Nolo plura inaniter & frustra apud eos profundere: evolvant auctores ipsi quos hic Noster commemorat, & certò sciant, illum, illum, si quenquam alium in auctoribus De Dæmonomania, omnique doctrina de spiritibus ita fuisse versatum, quantum nemo homo unquam fuit, ne-

que vidisse hoc tam nasutum seculum ipsi in hoc etiam genere parem. Hinc sæpe optabat otium & corporis vires, quantum ad componentum librum de spiritibus sat esset. Quo in opere, nisi ista eum defecissent, forte habuisset in quo contradicendi lubidinem genius nostrorum studiorum potuisset exercere.

CAPUT XII.

DE

CHIRURGICA EJUSDEMQUE SCRIPTORIBUS.

THESIS I.

DOctrina de medicamentaria omni in universum re expedita, ad Chirurgicam transeundum est: quam per summam injuriam sequioris ævi temporibus à Medicina sejunctam esse, *capite primo* clarum fecimus. Antiquissimis sane temporibus longe aliter de ea judicatum fuisse, *præfat. in libros Chirurgicos Thomæ Fieni* à nobis editos notavimus. Quin apud Homerum Chirurgus κατ' ἐξοχὴν ἰατρός appellatus fuit. Ideoque non est ut hoc loco prolixiores simus. Tantum de scriptoribus unum & alterum subnectemus.

II. Ex veteribus autem primo loco hic nominanda sunt *Hippocratica scripta*, quæ *sectione sexta operum editionis Fœsianæ continentur*. Quæ omnia utpote Hippocrate maxime digna, commentariis Galenus explicavit. Præter hos ex antiquo ævo qui hanc doctrinam scriptis tradiderit, neminem habemus. Quapropter etiam ad recentiores nos statim nunc conferimus. Duo autem cum primis ante hos centum præter propter annos in Italia magnum nomen inde impetraverunt. Alter est *Joannes de Vigo Gemensis*, cujus
Pra-

Practica Chirurgica copiosa ac præclara superest. Alter *Jacobus Berengarius Carpus*, qui præter alia etiam *De cranii fractura* aureum tractatum reliquit; quem ante hos viginti quinque annos in Batavis emendatius recudi fecimus. Extat porro *Chirurgia magna Vesalii* in septem libros digesta, verum quantum liquet, ipso incomparabili viro minus digna. *Variorum porro eorumque optimorum habitorum chirurgicorum scripta*, (præter illos sequioris ætatis lingua barbaros qui itidem uno volumine prodierunt Venetiis anno 1499.) primum diligentissimi viri *Conradi Gesneri*, inde iterum *Israëlis Spachii cura uno volumine evulgata sunt*; quod utrumque præclarum opus est & multos egregios libellos continet: nisi quod neutrum Joannem de Vigo habeat, qui tum temporis tamen in pretio fuit: id quod miramur. Discipulum vero Vigo habuit *Marianum Sanctum Barolitanum*: cujus nova de lapide vesicæ per incisionem extrahendo ratio extat, de qua alias dicendum. Quorum vestigiis feliciter institerunt deinceps *Angelus Bologninus Bononiensis* opere de cura ulcerum exteriorum edito clarus, & *Michael Angelus Blondus*, una cum *Bartholomeo Maggio Bononiensi*, eruditione in re medica nulli chirurgorum secundo, & *Alfonso Ferrio Neapolitano*; qui omnes de schlopetorum & bombardarum vulnerum curatione scripserunt. Non multo post eximiam laudem hac de re consequuti quoque sunt *Gabriel Falloppius*, *Caspar Tagliacotius*, *Julius Cæsar Arantius*, uterque Bononiensis, *Cæsar Magatus Scandianensis*, & *Joannes Andreas à Cruce Venetus*. Quibus tamen longe anteferendus est *Hieronymus Fabricius ab Aquapendente*; cujus duo præclara *Chirurgica scripta* in manibus sunt, in quibus magno ingenio judicioque conscriptis multa circa curandi rationem traduntur, quæ ali-

bi frustra quæſiveris. At omnium induſtriam ſuperavit *Mar- * 4.*
cus Aurelius Severinus, cujus præter alia varia & docta ſcri-
 pta cum primis laudem merentur libri *De efficaci medicina*, *De*
recondita abſceſſuum natura, & nuper demum evulgata *Tri-*
membris Chirurgia.

III. In Gallia avorum memoria nonnulli etiam chi-
 rurgicæ rei peritia floruerunt. Inter quos præcipuum nomen
 commeriti ſunt *Joannes Tagaultius Ambianus*, *Vidus Vidius*
Florentinus, *Bartholomæus Cabrolus*, & *Franciſcus Rouſſetus*.
 Quibus tamen ut & reliquis omnibus facile palmam præripuit
Ambroſius Paræus, cujus grande opus dignum eſt, ut ab omni-
 bus cognoſcatur.

IV. Germaniæ etiam non defuerunt præclari Chirur-
 gi: in quibus præcipue tamen excelluit *Guilielmus Fabricius*
Hildanus, Practicus feliciffimus: quo in excogitandis in-
 ſtrumentis chirurgicis dijudicandisque medicamentis illi rei
 aptis nullus peritior fuit aut felicior. Observationes certe
 ejus chirurgicæ adeo ſunt egregiæ, ut cum cæteris omnibus
 ejus argumenti ſcriptis merito certare poſſint. Habemus
 tamen etiam alios Germanicos Chirurgos: è quibus quoque
 eſt *Felix Würtz Baſilienſis*: etſi in quam multis ſit lapſus
 propterea que ab Hildano reprehendi meruerit. Ex parte
 ad Chirurgiam etiam ſpectat parvus ille ſed elegantiffimus
 libellus *De medicina militari* viri ſolertiſſimi *Raymundi*
Mindereri, ſupra jam nobis laudatus. His annumerandus
 eſt *Thomas Fienus*, Philoſophus & Medicus longe doctiſſi-
 mus; cujus *De cauteriis* elegantiffimi libri jam pridem, &
 alii præterea *De præcipuis artis chirurgicæ controverſiis*
 à nobis publicati ſunt: præmiſſa præſatione, quæ chirurgi-
 cum hoc argumentum perſequitur. Commendari denique
 meretur *Matthias Ludovicus Glandorpius Coloniensis*,
 Reip.

Reip. Bremensis Medicus; cujus varia perdocta que opuscula chirurgica lucem jam viderunt: qualia sunt *De polypnarium, affectu gravissimo, Speculum chirurgicum, Methodus medendæ paronychiæ*, ut & ejusdem *Gazophylacium polyplusium fonticulorum & setonum reseratum*. Desiderantur adhuc ejus *Observationes Chirurgicæ*, quas tamen ad editionem eum jam paratas habuisse constat.

V. Horum similiumque optimorum scriptorum notitiam habere debent illi, qui elegantiam aliquam medicinæ assequi volunt. Atque utinam vulgo etiam Chirurghi essent doctiores, neque statim ad ferrum & ignem in quovis partium periculosiore affectu confugerent. In quam rem cum alii, tum *doctissimus Langius* multa habet in Epistolis suis, quæ hodieque etiam in illos qui vulgo se Chirurgos profitentur, quum carnificibus longe sint similiores, quam optime conveniunt. In quos recte illud detorqueri potest, quod de adulatoribus olim quidam dixit: præstare incidere in corvos, quam vitam & corpus hujus farinae chirurgis imperitisque Medicis committere, qui in vivos adeo crudeliter grassantur.

ADDITAMENTA.

I. ✱ *Ad Chirurgicam transeundum est: Quam per summam injuriam.* Triplicem esse Therapeutices partem, sive curandi modum, & quasi remediorum fontem, Pharmaceuticum, Chirurgicum & Diæteticum, quibus æque omnibus ad depellendos morbos & sæpe quidem eosdem utimur, & vulgo notum est, & in Institutionibus latius explicatur. Singula inde petenda remedia non promiscue, sed suo quodq; loco esse adhibendum, ex se quilibet vel indoctus judicat: At quando hoc, vel illud vel istud locum habet, id nemo nisi perfectus medicus potest judicare. Per-

tinet

tinet enim ad methodum medendi, adeoque patet quam sit perniciosum humano generi, quod in quocunque, quamvis externo etiam malo Chirurgi inconsulto medico operationem quam volunt eligunt. Id enim est irrumpere in campum alienum, & quam non didicerunt artem exercere. Sane isti homines, si medicum respicias, non in alio sunt loco quam Pharmacopœi: Ministri nimirum ex ipsius nutu quibus erat pendendum, neque operandum nisi quando, & quomodo is imperat: essetque officium magistratus, reducere hanc legem, illisque interdiceret, ne quid audeant antequam cum perito medico rem omnem communicaverint. Est nempe duplex chirurgiæ consideratio: Una quæ pertinet ad methodum medendi, altera, qua instrumentorum artis & remediorum venit in numerum. Nam quæ operatio cui malo exstirpando vel mitigando conveniens sit maxime, id sane ad methodum referendum est. Ipsæ autem operationes sunt instrumentorum loco, non prius permittendæ, quam expensis probe omnibus ad illius leges & præscripta. Estque hoc pacto Ars *Χειρουργική* sub medica arte, tanquam ipsius ministra collocata, haut secus ac Pharmaceutica; & quod est Pharmacopœus in re medicamentaria, id est, Chirurgus in re Chirurgica. Igitur utraque hæc eadem injuria se subtrahit medicinæ, ejusque se subducit imperio. Quod mirum est (ut hoc obiter jam moneamus) in Chirurgica auctorem tam aperte agnovisse, non item Pharmaceutica: cum hæc longe & facilius & majori cum Medici dignitate posset ad ipsum redire. Cæterum quod supra diximus de diversa consideratione Chirurgiæ, quantum ad operationes ipsas, & ad earum selectionem atque usum, id nonnulli præstantes chirurgi animadverterunt probe, & potest esse exemplo eorum maximus. Hieronymus Fabricius ab Aquapendente, qui duplici methodo opereque seorsim tradidit Chirurgiam: uno, quo agit de operationibus, qui chirurgum instruit; altero, quo morbos manuum ope curabiles à capitis incipiens partibus, per universum corpus eundo, persequitur: atque hic liber unice pertinet ad medicum, ad chirurgum vero nihil attinet, qui si modo recte novit operari, de reliquis sollicitus esse non deberet. Concludamus hæc verbis

bis Simonis Pauli; Is in programme de officio Medicorum Pharmacopœorum & Chirurgorum sic nostra confirmat: Chirurghi, ceteroquin solertis Chironis ad famam pergentis partes sunt, Mariscas & Polypum excidere, aut truncare artus; sed non nisi Medicus jusserit, ipsoque presente & arbitro. Idem de cæteris esto judicium: nam hæc in exemplum duntaxat dicta putanda sunt.

II. ✱ Præter hos ex antiquo ævo, qui hanc doctrinam scriptis tradiderit, neminem habemus. Extant quidem plurimi, sed avêndotoi si credimus Johanni Sponio, artis & antiquitatis peritia celebrimo, in Augusta illa Magni Ducis Hetruriæ bibliotheca inter MSta ad S. Laurentii ædem asservata, De quibus non pigebit verba ipsamet adscribere ex Itinerario, quo per Italiam, Dalmatiam, Græciam & Asiam sibi visa notavit: sic autem ubi de Florentiæ admirandis sermonem instituit idiomate sibi nativo loquitur. *Je vous parleray d' un autre manuscrit, qui regarde mon metier, qui est l' unique qu' on sçache de toutes les bibliothèques de l' Europe. C' est un gros volume Grec, qui comprend la Chirurgie des Anciens, comme d' Hippocrate, de Galien, d' Asclepiade, de Bithyne, d' Apollonius, d' Archigenes de Nymphodorus, d' Heliodore, de Diocles, de Rufus Ephesius & d' Apollodorus Cytiensis, dans l' ouvrage duquel il y a des figures, petites sur le parchemin, pour la maniere de remettre les dislocations. Ce dernier aussi bien qu' Asclepiade, Apollonius & Diocles, sont citez diverses fois par Pline, & Galien parle souventes fois de Archigenes. Mais nous ne voyons pas de leurs ouvrages entiers, & Bithynus, Nymphodorus & Heliodore ne nous sont presque pas connus de nom. Quod Latine sic reddimus: Aliud Manuscriptum commemorabo, quod pertinet ad artem quam profiteor, & quod omnium per universam Europam bibliothecarum, quantum quidem novimus, unicum extat. Est vastum volumen Græcum, continens Chirurgiam Antiquorum, Hippocratis, Galeni, Asclepiadis, Bithyni, Apollonii, Archigenis, Nymphodori, Heliodori, Dioclis, Ruffi Ephesii, & Apollodori Cytiensis, in cujus opere figuræ cernuntur chartæ Pergamene inscriptæ ad modum reponendi luxatas partes attinentes Hujus ultimi, pariter ac Asclepiadis, Apollonii, & Dioclis aliquoties in Plinii operibus fit mentio. Archigenis etiam apud Galenum non infrequens*

quens est nomen: verum integra ipsorum opera nullibi reperiuntur. Bithyni autem Nymphodori & Heliodori vix nomina nobis etiam nota sunt. Sane ista omnia si ita haberent uti Clarissimus Sponius narrat, fraudi foret haut exiguae rei chirurgicae, æternis tenebris tam eximium opus damnari, in quo fieri non posset, quin multa præclara admodum, summæque utilitatis monita legerentur: multo enim plura fuisse recte observata antiquis illis, cum inter medicorum filios chirurgiæ studium floreret, quam nostris temporibus ab indoctis plerumque operatoribus & rei anatomicae imperitis fieri potest, rationi conveniens est, & res ipsa loquitur. Verum enim vero fefellisse videtur optimum virum cursoria & festinata perlustratio. Cum enim in his inserendis animus esset, opportune occurrit sagacissimi antiquitatum medicarum indagatoris, Collegæ conjunctissimi, Meibomii peritia, cui diutius Florentiæ subsistenti bibliotheca illa Magni Ducis ad invidiam frui concessum fuisse noveram. Is igitur de hoc codice consultus tale mihi responsum misit:

Liber ille, quem ex antiquis chirurgis collegit quidam Medicus, Nicetas, nescio cujus ævi, notissimus mihi est, illoque in Magni Ducis Laurentiana Bibliotheca, Scamno LXXIV. exstante, licuit mihi uti, quamdiu Florentiæ fui, & pluscula ex illo describere. Non tamen Florentiæ solum, ut Sponius credit, sed etiam in Regis Galliarum Bibliotheca eadem collectio extat. Nec omnia, quæ in eo codice habentur, inedita sunt, nec ejusdem momenti, multo minus Autores eorum sunt incogniti. Deprehendi in eo quosdam libellos integros: de aliis non nisi tenuia quædam fragmenta. De Hippocratis, Galeni, Orisabasi, P. Aeginetæ, Ruffi Ephesii, Palladii, aliunde notis scriptis & jam editis nihil moneo. De Bithyno, Nymphodoro, & Heliodoro tantum dicam aliquid, quoniam Sponius illorum nomina pene incognita existimat. De Bithyno forte non male dixerit, eum aliis omnibus ne nomine quidem cognitum esse, quoniam ex Sponii cerebro nuperrime prodiit. Quæ enim hi habentur fragmenta, sunt Asclepiadis ex Bithynia, seu Prusienfis, cujus toties mentio fit apud Plinium & Galenum, ex quo

quo illē duos facit, alterum Asclepiadem, Bithynum alterum: quo eodem jure alium Rufum, alium Ephesium facere potuisset. Et vero Heliodorus quoque ex Ægineta & Oribasio, qui ejus Chirurgica laudant: Nymphodorus quoque ex Celso & Galeno & eodem Oribasio, propter Glossocomum quoque, potuisset esse cognitus. Jam tum etiam Heliodorum, cujus de fracturis Capita XI. in hac collectione extant, vertit & edidit Vidus Vidius.

* * *Omnes de sclopetorum & Bombardarum vulneribus scripsere.* Adde: & omnes in isto Gesneri volumine continentur, cum aliis valde præclaris: Cum primis elegans est ipsius Gesneri enumeratio alphabetica virorum chirurgica & scriptis chirurgicis illustrium, & liber de Fasciis Galeni, propter additas figuras quæ rem alias obscuram optime declarant.

* * * *Hieronimi Fabricii* tres sunt editiones, quarum ultima est auctior.

* * * * *Marcus Aurelius Severinus* Ejusdem habemus etiam synopseos Chirurgicæ libb. VI, qui tamen potius capitum quam librorum merentur nomen, adeo sunt breves: Opusculum inservire tyronibus aptum, si expleret expectationem: sed tale est ut pene dubitem ab ipso Severino esse evulgatum. Longe sane est in eo genere præstantior clarissimi viri & longioris vitæ dignissimi *Job. van Horne Microtechnæ*, ut possimus post eam Severini (si modo ejus est) libro facile carere.

III. * *Ab omnibus cognoscatur.* Non est hic silentio prætereundus *Leonhardus Botallus*, qui varia scripsit huc spectantia: Cum autem ejus opera omnia ante hos XXV. annos à modo laudato *Job. van Horne* junctim sint edita non est necesse ea sigillatim hic recensere. Præclarus tamen præ cæteris esse videtur tractatus de vulneribus Sclopetorum, Hic non tacendum, videtur, quod à viro quodam docto accepimus. Nempe illum ipsum Botallum esse, qui morem tam frequentis Venæsectionis in Galliam primus introduxit, ex illoque tempore populares ejus ipsi indulgisse: Quod & nunc faciunt, quantum quidem nulla

per universum alia natio solet. Utrum de necessitate id faciant nec ne, non est jam opportunum exquirere.

IV. ✱ *Habuisse constat*: Addi his meretur *Joannis* cum primis *Sculteri* Armamentarium Chirurgicum, aliquoties jam excusum & accessionibus auctum, propter tabulas quas habet numerosas, juventuti utiles, sed cum in omnium jam sit manibus, ei commendando tempus frustra impenderem. Superest etiam ex Germanicis *Gualteri Hermanni Ryff*, medici Argentoratensis Chirurgia magna, quam Lindanus in De Scriptis Medicis omittit: forte, quod Germanice conscriptam, non vidit. Est verè amplius liber, non quidem omnibus numeris absolutus, sed qui egregia non pauca continet, ut erat ille vir doctus, & cujus lectio nostris hominibus Latinæ linguæ ignaris plurimum posset prodesse. In Belgio aliquot abhinc annis in lucem prodire *Pauli Barbette* Amstelodamensis medici *Opera Chirurgico anatomica*, in quibus, (libro non magno) multa ad medicamenta præsertim spectantia, reperiuntur; quæ non licet diligentem medicum ignorare. Secuti hæc sunt *Observationes* binorum Chirurgorum itidem Amstelodamensium: *Henrici Roonbuysen* & *Jobi van Meekeren* patrio primum sermone exarata, nunc ni fallor Latine interpretata, in quibus non contemnenda etiam inveniuntur. Tandem iterum *Rolfincii* mei hic mentio facienda est, qui uti erat cum viveret, Chirurgus manu & ingenio præstantissimus, & felicissimus, ita eandem artem etiam scriptis illustraverat. Vidi ejus opus absolutum & ad editionem paratum, manibusque plurimum versavi, cum essem una. Verum ex peregrinatione redux cum interim è vita excessisset venerabilis senex, frustra quæsimus, furtiva manu sine dubio ablatum: Nec dubito alicubi adhuc latere: forte prodibit aliquando sub alieno nomine, & utilitati publicæ restituetur. Præter hæc plurima nunc in Germanica Lingua vulgata sunt edita his proxime elapsis annis: sed cum non magni videantur esse momenti, ea referre hic piget. Addimus potius quas supra memorare negleximus, *Petri Marchetti*, Professoris *Patavini* observationes Chirurgicas, lectu apprimè dignas, & in iis finimus,

CAPUT XIII.

DE

DIÆTETICA EJUSQUE OPTIMIS
SCRIPTORIBUS.

THESIS I.

* **R**estat ut de Diætetica agamus: illa Artis parte, quæ sanitatem exacte conservare docet. Quod ipsum, quum in recta victus ratione sive legitimo sex rerum non-naturalium usum consistat, adeoque hæc omnia & singula ad exactam sanitatis conservationem requirantur; de omnibus etiam istis hoc loco differendum est.

II. Et quidem non solum quid sex illæ res sint, quamve naturam habeant, diætetico sciendum est; sed præterea etiam & cum primis quidem, quomodo & in quantum ad sanitatem faciant vel eidem obsint, accurate ipsi est cognoscendum. Quod ipsum experientiam quam maxime addiscitur, quum ratione investigari vix possit. Ut enim de solo alimento ex. gr. agamus, quanta naturarum discrepantia heic deprehenditur, quum sæpe ab uno eademque cibo alii bene alii male se habeant? Quod quum Medico accurate definire non liceat, utique non simpliciter aut commodum aut incommodum ægroto aliquem cibum judicare poterit, quandoquidem sæpius contingere videmus, ut quis ab hujus vel illius cibi usu per *ἰδιοσυνηγορίαν* abhorreat. Quomodo alios à lacte, alios à caseo, alios à butyro, alios ab aliis cibis abhorrere cernimus. Quamobrem qui universales istiusmodi regulas ægroto temere præscribunt, non leviter sæpe numero peccant. Attendendum igitur semper est, quid usus

tum in genere tum in specie doceat: eaque de re ægroti ipsi interrogandi sunt, quid usu didicerint corpori suo vel prodesse vel nocere. Ideoque non male Tiberius Cæsar dicere solitus est: eum qui triginta annos jam vixerit, in victus ratione ad sanitatis conservationem Medico non egere; quum unusquisque quid sibi conveniat nec ne, facile observare possit: illud negligentes merito socordix accusans. Præter experientiam tamen non nihil etiam per rationem colligere possumus, quid conducat nec ne. Ut proinde Dioclem Carystium, omnia in victus ratione per solam experientiam cognosci posse, asserentem, jure perstrinxerit Galenus noster.

III. Cæterum quum experientia duplex sit, ut toties dictum, propria & aliena; per illam autem difficilis atque periculosa sit indagatio, per hanc omnia addisci non possint: utique quanto labore hic sit opus, patet. Alienæ tamen, modo qui dicunt fide sint digni, tutissime fidere atque inniti hac quidem in re possumus. Quapropter etiam de propria experientia nihil dicemus: illos potius recensituri, qui suo usu juvare nos possunt. Aliena autem hæc experientia non tantum à Medicis scriptoribus, sed nonnunquam à vulgo & idiotis petenda est; ut qui interdum præ istis circa hanc rem plura fuerint experti. Itaque notandum, quid hic vel ille circa hunc vel istum cibum observaverit: similiter quid illi, qui vel vino generoso Rhenano, Francico &c. usi sunt, vel cerevisiam Servestanam, Gardelebenianam, Goslariensem &c. biberunt, circa singula peculiariter deprehenderit. Idque eo magis faciendum, quo pauciora in hoc argumento scriptis sunt prodita, plus etiam passim scriptores de rebus sibi ignotis proloqui solent. Hoc sane modo Itali de cerevisia multa verba facere solent, quam tamen
for-

fortassis nunquam gustarunt: risu proinde eorum nunnuli quam censura digniores.

IV. Scriptorum porro qui integram Diæteticam excollendam sibi sumpserint, paucissimi admodum inveniuntur, præter istos qui institutiones scripserunt. Ex his autem cum primis illam pertractarunt *Hofmannus* & *Sennertus*. Idem etiam non leviter egit *Liddelius*; ita tamen ut utroque sit inferior. Unus tamen *Hieronimus Cardanus* opere *De sanitate tuenda* à discipulorum suorum quodam evulgato universum hoc argumentum satis egregie persequutus fuit, ita tamen, ut in re alimentaria potissimum sit occupatus.

V. At vero per partes ea quæ Diæteticam pertinent, quamplurimi exposuerunt. Utque de *Aëre* incipiamus, de eo *Hippocrates* egit libro *De aëre aq. & loc.* Quanquam in omnibus neutiquam ipsi sit assentiendum. Quod enim omnem mutationem corporis nostri ab aëre dependere existimat, alienum est à veritate; utpote quum mutationem istam ab alimentis potissimum fieri, lib. *De Habitu corp. German.* contra Hippocratem luculente ostenderimus, interim liber ille Hippocraticus doctus & elegans est. In quem commentarius extat viri longe doctissimi *Ludovici Septalii*. Cujus *Cautionum & animadversionum Medicarum* libellus itidem insignis est, & multa quæ ad praxin faciunt, continet. Præterea ex veteri & ævo de Aëre nihil extat. Neque recentiores in hoc argumento aliquid præstiterunt, quod laudem mereatur. Tentavit quidem aliquid hujus generis in hac Academia *Joannes Wolfius*, verum operi immortuus non perfecit. Huc tamen omnino referenda sunt etiam illa, quæ de mutationibus temporum morbisque inde provenientibus *seçãoe tertia Apherismorum* ab Hippocrate observata leguntur.

VI. Proximum ab Aëre locum sibi vendicat *Cibus & Potus*: à quibus sanitatem corporis humani sive integram conservandam sive labefactatam recuperandam maximam partem dependere, cum alias notum est, tum etiam nos ostendimus modo laudato *Decorpor. Germ. hab.* libro. Quum itaque vis alimentorum adeo magna sit tam ad sanitatem conservandam quam collapsam restituendam; utique doctrinam illam accurate Medico excolendam esse patet. Habemus autem ex veteri ævo libellum *De Alimentis Hippocrati tributum*; sed qui non est unius scriptoris, & multa continet huc non spectantia, quæ vero hunc pertinent plane non tangit. Extat in eum commentarius *Hieronimi Cardani*, qui multo rectius & doctius ipso auctore argumentum illud tractavit, adeoque meretur legi. Hæc & alibi tamen nonnulla de alimentis in scriptis illis Hippocraticis reperiuntur. Liber vero *De victus ratione in morbis acutis* partim est Diæticus, partim Therapeuticus. Quum enim victus duplex ratio habenda sit, ut scilicet partim conservetur sanitas, quæ adhuc superest, partim vero per cibos quodammodo medicatos labefactata in integrum restituatur; utrumque autem liber iste tradat; Illud ad therapeuticen, istud ad diæticen proprie pertinet. Habemus in eum elegantem & doctum commentariolum Galeni. Ex recentioribus etiam nonnulli itidem in eum sunt commentati: præ aliis tamen commendandæ sunt *Francisci Vallesii Animadversiones*. Præterea vero de illa in singulis febribus victus ratione non solum notas, sed etiam elegantem librum reliquit *Brudus Lusitanus Fudæus*, Medicus doctus, ita ut in hoc argumento vix habeat parem. Jungi solet ille liber *Gesneri Enchiridio rei medicæ triplicis*.

VII. Reliquam quod attinet Alimentariæ doctrinæ par-

partem; præter illa quæ apud Hippocratem sparsim reperi paulo ante diximus, *nonnulla etiam apud Plinium* ut & plerosque fere rei Botanicae scriptores, qui stirpium doctrinam usumque Medicum excoluerunt, inveniuntur. Seorsim tamen hoc argumentum doctius persequutus est *Galenus* noster, cui merito fidere possumus. Ejusdem liber extat *De tuenda sanitate*, quem omnibus aliis quæ hodie supersunt, præferimus. Post Galenum qui hoc tractarit, ferme reperiatur nemo: nisi quod ex Græcis scriptoribus Medicis sibi hanc operam unus & alter sumpserint. Ex quibus extant fragmenta apud *Oribasium de victus ratione*: quæ tamen manca sunt, quod ex viginti libris potior pars perierit. Inter Medicos illos vero sequioris ævi extat *σύνταγμα de cibariis facultate Simeonis Sethi* Antiocheni, quod magni momenti quidem non est, legi tamen potest, quoniam ex Græcia profectum fuit. Habemus etiam *Noni libellum de alimentis*, qui itidem parvi momenti.

II X. Verum ex recentioribus nonnulli præclarius persequuti sunt hanc rem Alimentariam. Primus autem elegantissime scripsit *De re cibaria* libros XXII. *Joannes Bruyerinus* Campegius Gallus Medicus, vir summæ eruditionis. Quo eodem pene tempore omnem victus & conservandæ sanitatis rationem præclaro opere persequutus est *Julius Alexandrinus à Neustain* Protophysicus Ferdinandi I. Cæsaris, collega Cratonis, in libris triginta tribus *Salubrium sive de sanitate tuenda*: quo scripto nihil est præstantius. Refertum enim tum temporis erat collegium Cæsareum Medicis doctissimis, Matthiolo, Cratone, Dodonæo, Godefrido Steeghio, aliisque qui quam plurimis scriptis æternum sibi compararunt nomen. Non adeo pridem doctissimus Medicus *Ludovicus Nonnius* Belga scripsit *de re cibaria* doctos libros

Fff

qua-

quatuor : quibus tamen Bruyerini scriptum præferre non dubitaverim, quoniam elegantius atque accuratius omnia tradidit. Præ aliis tamen omnibus singulari & industria & iudicio hoc argumentum quinque libris ante hos quatuor annos exsecutus est is, qui de re medica præclare adeo est meritis æternum Argentinensis Academiae decus Melchior Sebizius.

IX. Huc pertinent etiam illi scriptores, qui tam de vino quam cerevisia, & utriusque variis generibus & speciebus aliquid in lucem ediderunt. Et *Vini* quidem virium nostro seculo optimam descriptionem nobis dedit *Andreas Baccius* Medicus Romanus opere *De naturali vinorum historia*: cujus alia scripta supra laudavimus. Extant etiam eruditi libelli *Antonii Fumanelli de vini temperatura & facultatibus*, ut & *Hieronimi Fracastorii*, utriusque Veronensis, de temperatura sive de qualitatibus vini, num scilicet sicca sit vel humida qualitas. Certe hi libri non tantum cum voluptate, sed etiam cum fructu leguntur. Imprimis autem danda nobis est opera, ut vinum ejusque facultates in genere non tantum cognoscamus, sed omnium quoque specierum ejusdem singularem habeamus notitiam.

X. *Cerevisiam* quod attinet, de ea tum apud Galenum tum Dioscoridem aliquid invenitur. Utuntur enim voce Ægyptiaca *Zythy*, quæ denotat cerevisiam: quæ cerevisiæ vox partim ex Latino, partim ex Gallico sermone desumpta est. Latini enim veteres vocem non habuerunt, qua cerevisiam exprimerent, sed appellarunt per descriptionem potum vel vinum ex hordeo vel frumento: quali circumscriptione etiam usus est Tacitus l. de Mor. Germ. Græci vocant *οἶνον κριθινόν*, sive *οἶνον ἀπὸ κριθῆς*, vinum hordeaceum. Cæterum extant quidem libri de cerevisia, imprimis Galeni & Dioscoridis

ridis, sed qui de Ægyptiaca tantum, non de omnibus egerunt. Quum autem illa Ægyptiaca minus salubris, ex lupulo valde crudo, neque bene cocta fuerit; inde male Itali quidem collegerunt omnem cerevisiam ejusdem generis esse. Ægyptii enim incoctum lupulum non habuerunt; utpote cujus decoctio Hispanorum inventum sit. Facit autem ad conservationem cerevisiæ ne putrescat; nam aliquam ætatem ferre ita posse observatum est. Recentiores, præsertim nostri Germani, rectius vel Italis vel Gallis usum cerevisiæ habent cognitum: isti enim de illa imperitius loqui solent; itaque Germani nostri nobis sunt consulendi. In genere de cerevisia satis doctum scripsit libellum *Joannes Placotomus Mursladius*, qui libello *Eobani Hessi de sanitate tuenda* conjungi solet, in quem etiam commentarium edidit. Egit autem Placotomus in genere de cerevisia: sed tamen in specie sciendum, quid hæc vel illa cerevisia producere possit; quod nemo Medicorum præstitit, neque unquam forte quis conatus fuit. Fecit tamen libello Germanico quidam Ictus *Joannes Knaust sive Cnaustius*, cui titulum præfixit **VON DER PHILOSOPHISCHEN BRAUKUNST DES BIERs**; verum ut titulus ineptit, ita etiam libellus ipse multa ridicula continet; auctor tamen strenuus potator fuisse, multarumque cerevisiarum Germaniæ experientiam habuisse videtur. Habentur nonnulla etiam eaque satis egregia de variis cerevisiæ speciebus apud *Tabernæmontanum in grandi opere de plantis*.

XI. Tertio loco recensendus venit *Somnus* ut & *Vigilia*. Et quidem hæc unde prodeant vel eorundem causas exponere, pertinet ad Physiologicam doctrinam. Quid vero somnus vel vigiliæ ad sanitatem conducere possint, diæteticiæ est considerationis. Quandoquidem vero hæc doctrina facilis est, neque necessum, ut operose de ea agatur, ideo-

que etiam nulli ferme extant de illo argumento singulares libelli. Qui enim hoc titulo prodierunt, sunt merè Physiologici. Huc pertinent autem vereres illi versiculi, qui Catoni tribuuntur:

Plus vigila semper, nec somno deditus esto;

Nam diuturna quies vitiis alimenta ministrat.

XII. Post somnum & vigilias sequitur *Motus & Quies.*

Ubi per motum exercitium, per quietem autem otium denotatur. Cum primis autem ad sanitatem corporis nostri conservandam multum facit iusta ratio motus & quietis. Nos enim *homines ad labores nati* profecto videmur, sicut *aves ad volandum*, uti loquitur Ecclesiastes. Otio contra corpora nostra torpescunt, & morbis variis progignendis apta redduntur, si non moveantur. Itaque ante omnia danda est opera, uti sciamus quid labor unusquisque corpori nostro possit prodesse, quomodo idem afficere, in quantumque eidem nocere. Alii enim labores corpus defatigant, alii non. Cui proinde studio antiqui Medici longe maxima industria incubuerunt. Hinc enim orta est ars *γυμνασική*: ideo inventa, ut per varia exercitia bonum corporis habitum acquirere sanitatemque quam optime conservare quis possit. Quales artifices fuerunt celeberrimi in Græcia; quorum aliquoties apud Hippocratem fit mentio. Unde patet tum temporis ibi in usu quam maxime fuisse. Quanquam omnia eum exercitia istiusmodi athletica non probavisse ex aphor. 3. sect. 1. pateat, ubi ita scribitur: *ἐν τοῖσι γυμνασικοῖσι αἱ ἐπ' ἄκρον εὐεξία σφαλεραί, ἢ ἐν τῷ ἐσχάτῳ ἔωσι. & γὰρ δύνανται μένειν ἐν τῷ αὐτέῳ, & δὲ ἀτρεμέειν. ἐπεὶ δὲ οὐκ ἀτρεμέεσιν, οὐκ ἐτι δύνανται ὅτι τὸ βέλτιον ὅτι διδοῖται, λείπεται ὅτι τὸ χεῖρον. τετέων δὲ ἐν εἵνεκεν τὴν εὐεξίαν λύει. συμφέρει μὴ βραδέως, ἵνα πάλιν ἀρχὴν ἀναδρέψῃ. λαβὴ τὸ σῶμα. μηδὲ τὰς συμπτώσεις ἐς τὸ ἐσχατὸν ἄγειν, σφαλερόν*

ρὸν γὰρ ἀλλ' ὁκοίη αὖ ἢ φύσις ἢ τῶ μέλλοντι ὑπομένειν, ἐς τὸ τοῦ ἀγῶ-
 ῶσαύτως δὲ καὶ αἱ κενώσιες, αἱ ἐς τὸ ἐσχάτον ἀγῶσαι, σφαλεραί.
 καὶ πάλιν αἱ ἀναδρέψιες, αἱ ἐν τῷ ἐσχάτῳ ἐῶσαι, σφαλεραί.
 Verum post tempora Hippocratis ars paulatim defecisse sen-
 fimque periisse videtur. Omnium vero hæc doctrina quam
 optime tradita est à Galeno integro libro sexto *de tuenda sa-*
nitate, ita ut nobis satisfaciat. Post Galenum tamen & a-
 lli Medici Græci circa hanc materiam versati fuisse viden-
 tur, uti ex fragmentis Græcorum apud Oribasium de arte
 gymnastica apparet. Huc etiam fecit *Galenus liber De lusu*
pilæ parvæ, qui ad Diætetica spectat. Inter Arabes, licet
 artem Medicam Græcorum exceperunt & gnaviter excolu-
 erunt, tamen pene nemo est, qui artem athletarum pro
 dignitate attigerit; nemo illorum sane, quorum scripta in La-
 tinum sermonem versa sunt: ideoque videtur eo tempore
 illa penitus defecisse. Et vero concidente Imperio Romano
 seculo post Servatorem natum quinto, in Oriente *γυμνασικὴ*
 leviter tantum superfuit: in Occidente nusquam. Hinc mi-
 rum non est, Medicos posteriores, qui vixerunt post annum
 1200. in hoc Europæo orbe, hanc artem neque accepisse ne-
 que attigisse, quoniam omnia scripta ex Arabibus hauserunt.
 Nihilominus tamen inter recentiores totum hoc argumen-
 tum adeo præclare persequutus est *Hieronimus Mercurialis*
 juvenis tum adhuc, opere *de arte Gymnastica* conscripto, ut
 vel unico illo æternam nominis gloriam sibi comparaverit.
 Præstitit autem illo scripto se doctissimum & Philologum &
 Philosophum & Medicum: quod varie quidem evulgatum
 fuit, ita tamen ut postrema editio reliquis præferenda sit.
Quo impulsus, verba sunt Caspari Hofmanni l. v. Instit. c. 37.
 §. 1. (*hac enim voce utitur*) Petrus Faber, J. C. Gallus &
 Philologus maximus, *Agonisticon* conscripsit, opus, pene
 ultra

ultra humanam conditionem doctum, amplum; Φιλολογικόν tamen, atque ad usum Medicum parum faciens; ideo Medicus quis prætulero opus præclarissimum Mercurialis. Quamquam vero ars illa iterum excoli eo modo cœpit, hodie tamen vix quenuquam reperias, qui eam profiteatur & exerceat. De arte vero illa quæ apud nos adhuc obtinet, nonnulla tum apud *Langium lib. 1. Epist. 51.* tum *Cornarium præfat. ad Aetium* differuntur.

XIII. Sequuntur *Excreta & Retenta*. De qua doctrina à paucis aliquid seorsim traditum est, excepto *Hieronymo Mercuriali*, qui in *libris de Excrementis humani corporis* id præstitit. De Sudore, peculiari *sectione IV. in Problematis Aristotelis* quoque agitur, cui jungendus *Commentarius Ludovici Septalii*. Eadem vero quæ in *Problematis* istis leguntur, etiam in fragmento de Sudoribus *Theophrasti Eresii* habentur. Manifesto indicio, ex *Theophrasti scriptis* in *problematum* illud opus plurima esse translata.

XIV. Denique inter sex res non naturales supersunt *Pathemata mentis seu Affectus animi*: quos maximam vim habere atque ad conservationem valetudinis plurimum facere, omnibus est notissimum. Quod argumentum nemo hactenus singulari persequutus est libro, quatenus scilicet facit ad usum diæteticum. De affectibus quidem varii sunt libri, sed vel sunt *Ethici*, vel *Physici*, vel *Physiologici*: interim quenuquam nescimus, qui hoc de argumento scripserit, quod ad usum istum diæteticum aliquid faciat. Hæc itaque doctrina usu addiscenda, atque memoriæ mandanda est. Exstant quidem *Nicandri Jossii Venesfrani opuscula de voluptate & dolore: de risu & fletu: de somno & vigiliis: de fame & siti*. Item *Celsi Mancinii Ravennatis de somniis*

ac synefi per somnia : de risu ac ridiculis : de synaugia Platonica. Et Antonii Laurentii Politiani de risu ejusque causis & effectis libri duo : ut & de viribus imaginationis tractatus Thomæ Fieni Antwerpiensis : Item dissertatio de natura amoris : additis resolutionibus de cura furoris amatorii, de philtis, atque de pulsu amantium Gregorii Horstii. At hi libri potius ad Physiologicam, quam ad Diæticam disciplinam spectant. Itaque hac in parte scriptorem, qui in hoc argumento singulatim laboravit, nullum vidimus.

XV. In universum porro notum est in recensitis sex rerum nonnaturalium justis observationibus sanitatem consistere. Præterea observandum, sanitatem consistere in vitæ prorogatione. Hinc quicumque de tuenda sanitate scripserunt, rationem prorogandæ vitæ non omiserunt; quamvis alii hanc rem excolendam prolixius atque accuratius sibi sumpserint, alii brevius hac de re egerint. Ad artem sane diæticam omnino pertinent libri de vita proroganda. Vita autem prorogari non potest nisi bona victus ratione & rebus illis sex nonnaturalibus recte se habentibus. Et vero vitam prorogari atque corripiri posse, dubitandum non videtur. Est autem de quæstione isthac, an videlicet sit certus terminus vitæ atque fatalis finis homini præstitutus, præclare cum ab aliis disputatum, tum præcipue illustrat hanc controversiam *Epistolica quæstio de vitæ termino fatali an mobili*, publici juris facta curante Johanne Beverovicio Dordraceno Senatore ac Medico cum doctorum responsis. Quamvis enim omni ex parte liber ille Medicus non sit, sed multa Theologica ac Philosophica contineat, tamen legi meretur ob argumenti dignitatem. Nos quæ eo de argumento disseruimus,

mus, comprehensa sunt *Disputatione de Vita & Morte* ex nostris prælectionibus conscripta.

XVI. Quanquam vero produci posse dixerimus vitam, uon tamen assentimur illis, qui perpetuari aut ad aliquot centum annos hodieque vi artis extendi posse affirmant. Etsi enim haud lateat nos, ἀθανασία & αἰετογία artificium olim Ægyptios profectos, & ab iis ad Chemicos pervenisse eandem jactantiam; ut & hodieque in Asia nonnullos isthac spe detineri: prout multis in locis libro de Hermetica Medicina ostensum fuit: attamen quum usus ipse vanitatis & olim & hodieque homines satis convicerit convincatque, nec hujus instituti sit, hoc disputare, tantum satis est indicasse, nos tale quidquam minime ab Arte medica expectare aut polliceri.

XVII. De Argumento vero illo de vita proroganda per victus rationem, merentur legi ii, quos cuilibet non possum non commendare. *Constantii Landi, ut & Leonhardi Lessii Jesuitæ Hygiasticon, seu vera ratio valetudinis bonæ & vitæ, una cum sensuum, judicii & memoriæ integritate usque ad extremam senectutem conservanda: cui subjungitur tractatus Ludovici Cornari, Patricii Veneti, exiguus quidem, elegans tamen & lectu dignus ejusdem argumenti; quo conatur ostendere, vita sobria varios morbos corrigi posse atque vitam prolongari, proprio exemplo adducto. Operosius hanc rem persequutus est superiori seculo in Italis Baptista Codronchius, Medicus ac Philosophus Imolensis, præclaris libris duobus de Christiana & tuta medendi ratione. Ut & quondam Bernhardus de Gordonio, excellentissimus Medicus Gallus, tractatu de conservatione vitæ humane, à die natiuitatis usque ad ultimam horam*

mor-

mortis. Similiter *Martinus Pansa* Medicus Germanus, & *Hieronymus Montuus* doctissimus Medicus Gallus, ut & *Claudius Deodatus* Gebweysensis in eodem argumento laboraverunt. Neque contemnendi sunt libelli *Roderici à Fonseca* & *Thomæ Philologi* Ravennatis. Qui libri omnes ad hoc argumentum cum primis plurimum faciunt.

XIIIX. Caterum hisce omnibus ita ordine hæcenus expositis, nihil amplius est, quod nos remoretur. Unum tantum adhuc addemus. Quicumque in addiscenda Arte fructum aliquem percipere vult, necessum est, ut artem Medicam non tantum ex libris addiscat, sed & operibus Medicis paulatim asuescat, & usu sibi comparet ea, quæ sunt vere Medica: cum omnia ex libris hauriri nequeant. Cum autem opera Medica sint varia, alia sc. pertinentia ad Pharmacopœam & Therapeuticam &c. ideo necessum est, ut quis visitationibus ægrotantium quatenus licet intersit, Pharmacopœos atque Chirurgos adeat, attendat ejusmodi opera spectet eorum consilia, videatque quid vel in præparationibus vel in Chirurgicis operationibus occurrat. Ita sane brevi temporis spatio eximium progressum quis facere potest. Sicuti enim una sectio Anatomica magis instruere potest, quam diligens quamvis lectio scriptorum Anatomicorum: sic usu & exercitiis ac opere ipso, omnis ars quam citissime & felicissime addiscitur. Quod consilium cum & Fernelius auditoribus suis dederit, uti videre est in ipsius vita, quam Gvilhelmus Plantius operibus ejus præmisit, eo majorem fidem commeretur.

ADDITAMENTA.

I. * *Illā artis parte quæ sanitatem exacte conservare docet.* Videbatur hic auctor alio longe fine quam facit nunc, de diætā esse acturus. Nempe diximus supra, triplicem esse auxiliorum fontem, *Φαρμακευτικὴν, χειρουργικὴν, καὶ διαιτητικὴν*: ex quibus æque medicus petere possit idonea ad sanandos morbos remedia: quod ita esse, omnes medicinæ doctores consentientes habemus. Nimirum hoc etiam pacto, id est per solam diætā solebant Hippocratis tempore permultis morbis medicari, cum nondum ad tantam exactitudinem res Pharmaceutica pervenisset. Sic ipse quoque Hippocrates in acutis morbis videtur rarissime pharmaca adhibuisse in auxilium; ne scilicet crisin interturbaret: prout ex libro *Aphorismorum primo*, in quo totus ac unice in eo est, utiis medendi methodum exponat, & libro *de victus ratione in morbis acutis* recte rem reputantibus est cernere. Sed in chronicis quoque idem tum obtinuisse, ex aliis Hippocraticis libris perspicuum est: nec aliorum accipiendum Celsi illud dictum: *Multi magni morbi curantur abstinentia & quiete*: Quo simul usque ad hujus ævum id usitatum fuisse discitur. Pertinet ergo hac ratione considerata diætā ad therapeuticam, in cuius ratione exponenda hætenus auctor versatus est, in eaque perrecturus videbatur. Longe vero aliter se res habet cum diætā de qua hic loquitur: quam postmodum etiam sanis præscribere medici sunt ausi, recteque valentibus. Eo enim respectu non ad hanc, sed illam quam appellant *ὕγιεινὴν*, partem referenda venit. Et verò, quæ ea de re nostra sit sententia, jam diximus ad caput primum, ubi ostendimus, quicquid etiam sentiant atque repugnent alii, aut usque in hoc tempus sit creditum, ad artem medicam istam nihil prorsus attinere. Quam opinionem quamobrem nunc debeamus mutare, nullam causam videmus: Etsi agnoscendum sit, eam esse recentem, alteram

ram vero perantiquam. Quamvis & hæc bifariam queat intelligi. Primum enim non prospera utentibus omnino valetudine sed jam proclivibus in morbum ordinarunt cibos, quo præcaverent illos: & peccantes humores reducerent ad pristinam bonitatem; id quod non omnino male faciebant: Sed postea etiam pulchre valentibus leges ferre non erubuerunt. Illud Hippocratis tempore cepit. Quin imo ipsum Hippocratem auctorem habet, prout ex ejus scriptis satis superque potest probari. Nam libro de Rat. victus in morb. ac. haut longe ab initio sic ait: Ἀτὰρ ὁ δὲ περὶ Διαιτης οἱ δεῖχαι συνέγραψεν ὁ δὲν ἄξιον λόγος, καὶ τοι μέγα τὸ το παρῆκαν. Hoc est, interprete Foësius, *Sed neq; de victus ratione quicquam effatu dignum veteris scriptis tradiderunt, eamq; quamvis magna res sit, præter miserunt, & περὶ Διαιτης primo: Nūn δὲ πολλοὶ μὲν ἤδη συνέγραψεν: ὁ δὲ εἰς δὲ ἔγνω ὁρθῶς καθεῖναι ἂν αὐτοῖς συνέγραψεν. At vero cum multi ea de re scripserint, nullus tamen quid scribendum fuerit, recte mihi novisse videtur, & paulo post: Ἐμοὶ δὲ ταῦτα ἐξεύρεται, πρὸς τὸ κάμνειν τὸν ἄνθρωπον ἀπὸ τῆς ὑπερβολῆς, ἐφ' ὁπότερον ἦν γίνεται, προδιάγνωσις: ὁ γὰρ εὐθεὶς αἱ νῆσοι τοῖσι ἀνθρώποισι προσγίνονται, ἀλλὰ καὶ μικρὸν σολιγόμενα, ἀδρόως ἐκφαίνετο, πρὶν ἐν κρατέειν ἐν τῷ ἀνθρώπῳ τὸ ὑγιὲς ὑπὸ τῆς νοσηρῆς, ἀπάχουσιν, ἐξέρχεται μοι, καὶ ὅπως χρὴ ταῦτα καθεῖναι εἰς τὴν ὑγίην. A me autem inventa est morbi prænotio, antequam quis ab excessu ledatur, utram in partem fiat. Neque enim morbi derepente hominibus fiunt, sed paulatim collecti subito se produnt. Prius ergo quam quod sanum est, à morbo superetur, à quibus homines afficiantur, & quomodo sanitati restitui debeant à me inventa sunt. Eundem prorsus in sensum scribit Libro III. haut longe ab initio: sed ista adducere, cum prorsus cum his coincidant, supersedeo. Tan. Ibidem in hoc sibi plaudit, & se magnifice effert. τόδε τε τό ἐξεύρημα, inquit, καλὸν μὲν ἐμοὶ τῷ εὐρόντι, ὠφέλιμον δὲ τοῖσι μαθῶσιν, ὁ δὲ δέκα τῶν πρότερον ὁ δὲ ὑπεχείρησε ξυθεῖναι, ὁ πρὸς ἀπαντα τὰ ἄλλα πολλὰ κρίνω εἶναι ἄξιον. Hoc est. Atque ista inventio*

inventio mihi quidem inventari pulchra, utilis vero iis est, qui discunt, à nullo adhuc antea tentata, & quam ad alia omnia plurimi aestimo. Alia vero adhuc est ratio diætæ ægrotantium: ut in universum triplex genus diætæ statui queat, quorum tamen nullum ad *ὑγιαίνοντων* pertineat: 1. sanorum, 2. jam declinantium ad morbum. 3. ægrotantium. Quorum primam legibus tradere ineptum & inutile judicamus: secunda recte uti, pulchrum omnino est, & gloriosum, sed ob idiosyncrasias admodum difficile, nisi quis per plurimos annos familiariter ægroto usus sit. Multo facilius igitur per medicamenta, quæ habemus omnis generis varia, idem obtinetur. Tertia vero unice necessaria est: non tamen probamus eorum obscuram diligentiam, qui omnia ad pondus præscribunt etiam ægrotantibus, quibus sæpe natura ipsa rectius diætam quam medicus temperat. Quare sane etiam nescio utrum tot ac tantis illa res voluminibus egeat. Displicet interim magnopere, quod hæc ipsa auctores non distinguant, longe enim aliter si hoc, aliter si illud genus quis sectetur, differendum esse arbitror. Interim ipse auctor, quorum nemo facilius alias sibi ab erroribus ejusmodi cavet, non potuit istum evitare: Nam cum hic dicat: De illa artis parte se acturum *quæ sanitatem exacte conservare docet*, mox §. II. ad ægrotorum diætam se convertit.

V. ✱ *Utpote quum mutationem istam ab alimentis potius fieri.* Utique hoc ita est: quare consulendus hic citatus liber. Non autem in hoc tantum erravit Hippocrates quod constitutionem corporum ex regionum conditionibus variare putavit, sed in illo etiam, quod morbos tam multos ab aëre & ventis produci arbitratus est, ut etiam eos futuros prædicere sit ausus. Duplex enim morborum est genus, sporadicorum & communium. Illi plerumque ab alimentis sunt, aliisq; in diætâ erroribus: hi vero ex aëre originem trahunt; epidemii præsertim: nam endemii aliquando ex cibis quoque proveniunt, aliquando ex aquis etiam aut reliquo potus genere. Verum ipsi tamen illi epidemii non, uti persuasus fuit Hippocrates, ex ma-
nife-

nifestis aeris qualitatibus generantur sed occultis plerumque & nobis prorsus ignotis: nam ob aeris subtilitatem, & quia nantes in eo particulæ tam exiguæ sunt, ut omnem sensum fugiant, eorum naturam & generationem prænoscere aut indagare per ratiocinationem non licet. An vero per experientiam id fieri possit, nondum quidem certo constat, valde tamen vereor ut succedat negotium: Et laboravit quidem in eo sedulo nuper diligens & subtilis præ multis Sydenhamius: sed dubitare non sine ratione mihi videor (ut supra quoque jam monui) an eventus responsurus sit expectationi quam ille excitavit: fore ut eadem dispositiones aeris post annos aliquot recurrant, redeantque in circulum; quem in finem observationes suas de morbis epidemiis edidit. Non enim video qui in tanta tempestatum incertitudine id possit contingere, nisi agnoscamus hic præsidem directorem, qui ordine aliquo peragat singula. Quoniam autem post astra a sapientioribus repudiata id asserere absurdum fuerit, de his dicendum videtur illud comici:

*Incerta hæc si tu postules,
ratione certa facere, nihilo plus agas
quam si des operam ut cum ratione insanias.*

Argumento etiam in his est quod egregia illa Gerkii nostri, Boylii, aliorumque ingeniosissimis machinis facta experimenta tam parum nos juvent, ut eos horum nihil attigisse quicquam, ne quidem extremo digito appareat. De aëre Hafniensi scripsit Thomas Bartholinus. Uti multa etiam alia singularia in aliis scriptoribus sparsim extant, seorsim colligenda & notanda.

VI. ✱ *Libellum de alimentis Hippocrati tributum.* Non esse unius auctoris, ob tam varia, non bene cohærentia videtur judicare doctissimus Conringius. Verum ego nescio an non illius scriptoris mos ita tulerit, ut omnia misceret: Repetio enim idem prorsus scribendi genus in libro de Humoribus: ut extra omne apud me sit dubium, eundem auctorem hos am-

bos concinnasse. Minime autem Hippocratis sapientiæ conveniens videtur hic mos, sed potius alicujus obscuri hominis & elati animi, qui sententias & oracula dicendo, tanquam ex nube proloquens aliquis Deus, sapientiæ famam affectavit, ac venerationem.

* * Hic & alibi tamen nonnulla de alimentis in scriptis Hippocr. reperiuntur. De scriptis illis Hippocraticis reliquis sic habe: De Diætâ in genere fere agit in libro *De salubri victus ratione*, Item in fine libri *De victus ratione*, postquam exposuerat prolixè ortum hominis ex aqua & igne, quæ prænovisse oportere eum existimabat qui ad partem diæteticam accederet. Docet etiam hic quomodo per victum prudentiores fieri homines possint, & protemperamenti ratione atque ætatis Diætâ moderatur. Secundo vero de *Ratione victus* speciatim omnia persequitur quæ in cibum veniunt. Frumenta puta, Legumina, olera, fructus, Animalium carnes, & ex iis nata, aut facta: pisces & si quæ sunt alia. Vina deinde acetum, sapam, item de his quoque: Unctione, calore, sudore, Veneris usu, vomitu, somno labore, motu &c. differit. In tertio denique & reliqua addit: hyemalem diætâ, æstivam. De potus porro omni genere agit *Lib. de Ratione victus in acutis*, ubi egregie etiam de balneis & ad nostra tempora accommodate loquitur. Quo in libro quoque de cibis nonnulla invenire est: ita ut hanc doctrinam quasi absolvissè suo tempore videatur.

VII. * *Parvi momenti.* His accensendum quod extat MS. in Bibliotheca Cæsarea: Judæi R. Mosche Ben Majemon Cordubensis opusculum *de regimine sanitatis*, sed Hebraice. De ordine in cibis servando scripsit libellum *Marsilius Cagnatus*: Romæ editus 1587.

VIII. *Melchior Sebizius.* His accedit nunc doctissimi viri & non vulgaris ingenii *Henrici Vogleri*, hujus Academiæ Pro-

Professoris celeberrimi, & auctoris nostri collegæ, in *L. V. Liddellii artis medicæ commentarius*, ubi etiam de reliquis quinque rebus non naturalibus dictis in fine nonnulla monentur. Denique non est silentio prætereundum nuperum scriptum, natum in Anglia proxima foetura: *Henrici Mundii* scilicet, *Medici Oxoniensis Βιοχημειολογία* (forte *Βιοχημειολογία* grande vocabulum notat) seu *Commentarius* (titulus habet *Commentarii*) *de Aere vitali, esculentis & potulentis*. Qui liber sic satis est elegans, dicam etiam utilis: saltem quamdiu in rerum historia & narratione nuda se continet. Sed ubi naturam eorum, præsertim æris examinat, (nam de reliquis non æque sollicitus adeo est) non semper ipsi assentiendum est: solet enim fere recentibus quibusdam inanibus fabulis indulgere, cum primis vero nuper excocto invito Apolline dogmati indulget de Nitro in Aere natante, quo nihil inter tot vanas jactationes seculum hoc vidit absurdius, etsi nunc ubique magno cum applausu illud sit receptum; Ut dici de eo fere queat, quantum illustris Boyle, Angliæ suæ decus, ingeniosissimis suis inventis lucis attulit naturali de Aere doctrinæ, tantum his ipsis vanissimis suis commentis nonnullos popularium ipsius damni intulisse, dum universam fere naturam hoc nitroso suo spiritu conspurcarunt. Quid enim est quod hodie spiritu illo Aereo secundum ipsos non vivit, nascitur, vegetatur? sed de hoc alias, ubi Deus otium concesserit, late disputabimus.

IX. *Omniū ejusdem specierum singularem habeamus notitiam.* Id profecto tanto magis est necessarium, quod maxima sit eorum differentia. Sic nostra vina Germaniæ omnia recentia cruda sunt & ætatem non tantum ferunt, verum ea etiam mitescunt; admodum vetusta tamen ignea fiunt & gravant caput: Vina Gallica contra omnia recentia sunt optima, altero enim vel tertio anno fere solent ardentissima fieri. Idem & Italica patiuntur, nec seros durant in annos, sint licet initio longe mitiora & elegantiora reliquis omnibus. Magna tamen horum

horum omnium differentia est. Qui igitur Italica nosse cupit
adeat Galenum qui XII. M. Med. cap. 4. omnia unà Romæ tum
usitata diligenter examinat.

XIII. ✱ *De Sudore* --- Adde *Julii Caesaris Baricelli De Hy-*
dronosa natura libros IV. ex parte, quos supra etiam laudavimus.

XIV. *Quenquam nescimus qui hoc de argumento* --- Neque
nos quenquam habemus quem addamus. Nam, quæ Cartesius
& Willisus nuper differuere, Physiologica sunt. Rationem
saltim hujus tam constantis silentii, quæ quidem nobis videtur,
liceat adjungere. Est autem, quod modus quo afficimur, sit
plane incognitus, & difficillimæ indagationis. Nam per sic di-
ctos spiritus animales id fieri, nemo hodie est qui dubitet: quo-
rum natura, cum valde abscondita adhuc sit, quicquid etiam
conjecturarum attulerit in medium recentior ætas, neque a prin-
cipio illi possit indagari, neque a tergo satis cognosci, de eorum
modo operandi nihil certi afferri potest. Itaque diutius forte et-
iam conqueri cogemur de penuria scriptorum hujus argumenti.

Certe quo pacto in medium solidi quid afferri possit, præ-
ter ea, quæ nos docet experientia, nondum
perspicere possum.



INDEX AUCTORUM, QVORVM IN INTRODVCTIONE CON- RINGIANA FIT MENTIO.

Litera J. ipsam Introductionem, A. Accessiones
evolvendas esse innuit; sequens deinde prior nume-
rus Romanus caput denotat, alter thesin capitis,
tertius Additamenti signum.

A.

A *Ben Amram Judaeus* J. III, 21. VI, 5.
Acron Agrigentinus, Empiricae sectae auctor. II, 4.
Acta Amstelodamensia. A. III, 37, 3.
- - *Eruditorum Lipsiens.* III, 38, 1.
- - *Hafniensia* III, 37, 3.

Melchior
Paulus

Actuarius Gracus J. III, 25, VI, 5.
Adami de vitis medicorum J. III, 39.
Aegineta J. II, 17. III, 19. VII, 5.
Aesculapius J. III, 2. A. III, 2, 1. 4, 1.
Aëtius J. II, 17. III, 19. VII, 5. XI, 16.

Georgius
Johan. Jacobi
Salomon

Agricola J. IX, 2. 4. A. IX, 4, 2.
Agricola Theatrum oeconomiae univ. A. X, 30. 2. p. 356.
Albertus J. IV, 35. A. V, 20, 1. p. 210.
Albertus Magnus J. IX, 4. XI, 16. A. IX, 4, 1. p. 287.

Theodorus
Ulysses

Alder A. IV, 39, 1.
Aldrovandus J. IX, 7. A. VIII, 12, 1. IX, 7, 2. X, 21, 2.

Hhh

Julius

INDEX AVCTORVM.

- Julius** *Alexandrinus* J. III, 30. 31. VIII, 8.
Alexandrinus Grammaticus A. X, 36, 1.
Jacobus *Alkindus* J. III, 24.
Andreas *A'pegius* J. II, 19.
Amatus Lusitan. X, 20.
Prosper *Alpinus* J. II, 8. VI, 11. X, 24.
Donat. Antonius ab *Altomari* J. III, 30. VII, 11.
Hyacinthus *Ambrosinus* A. X, 7, 2.
Paulus *Ammannus* A. X, 9, 2. X, 12, 1.
Quintus *Andromachus* J. III, 13.
Apollinaris J. XI, 12.
Apollonides J. III, 15.
Apollonius Mys A. III, 13, 3.
Petrus *Aponensis* J. III, 26.
Hieron. Fabritius ab *Aquapendente* J. IV, 9. 29. XII, 2. A. III, 37, 3.
IV, 29, 1.
Arabes Medici A. III, 21, 1.
Julius Cæsar *Arantius* J. IV, 28. XII, 2.
Joannes *Arculanus* J. III, 28.
Archigenes A. VI, 2, 1.
Aretæus J. II, 17. III, 14. VI, 2. A. III, 14, 3.
Aretius J. X, 10.
Benedictus *Argenterius* J. II, 19. III, 31. V, 10.
Johannes *Aristoteles* J. III, 10. IV, 9. 15. V, 14. IX, 7. X.
29. A. I, 3, 1. 5, 1. 23, 1.
Arnoldus Villanovanus A. III, 26, 2.
Josephus de *Aromataris* A. V, 20, 1.
Artemidorus Capito J. III, 15.
Asclepiades Prusiensis J. II, 14. III, 12. A. II, 8, 1.
Asclepiadei duo J. III, 14.
Athenæus Attalensis II, 15. A. II, 15, 1.

INDEX AVCTORVM.

	<i>Athenaeus</i> A. III, 14, 1.
	<i>Avenzoar</i> J. II, 6. III, 24. A. III, 24, 1.
	<i>Averrhoes</i> II, 17. III, 24. IV, 28. A. III, 24, 1.
	<i>Avicenna</i> A. III, 20, 1.
Horatius	<i>Augenius</i> J. III, 32. V, 20. A. III, 32, 5.
Coelius	<i>Aurelianus</i> J. II, 7.
Sebastianus	<i>Austrinus</i> J. V, 20.
	B.
Andreas	<i>Baccius</i> J. IX, 4. 5. XIII, 9.
Baldus	<i>Baldus</i> A. X, 42, 1.
Guilielmus	<i>Ballonius</i> J. III, 34. V, 12. VII, 11.
Joannes	<i>Banc</i> A. IX, 5, 1.
Marcus	<i>Banzerus</i> J. XI, 5. A. XI, 15, 1.
Albarus Alonsus	<i>Barba</i> A. IX, 4, 2.
Hermolaus	<i>Barbarus</i> J. III, 28. X, 20.
Jul. Cæsar	<i>Baricellus</i> A. V, 20, 1. VI, 10, 1. XIII, 13, 1.
Jacobus	<i>Barnerus</i> A. XI, 6, 1.
Thomas	<i>Bartholinus</i> J. IV, 36. A. III, 37, 3. IV, 2, 2. IV, 39, 1. V, 12, 1.
Julius	<i>Bassus</i> A. X, 36, 1.
Bricius	<i>Bauderonius</i> J. XI, 12.
Caspar	<i>Bauhinus</i> J. IV, 34. X, 15. & 18. XI, 12. A. III, 37, 3. IV, 13, 1. X, 30, 2.
Johannes	<i>Baubinus</i> J. X, 18. A. III, 37. IX, 5, 1. IX, 7, 2, X, 30, 2. p. 3, 0.
Baverius de	<i>Baverius</i> J. III, 28.
Petrus de	<i>Bayro</i> J. III, 29. VII, 6.
Isaac	<i>Beimiram</i> J. III, 23.
Laurentius	<i>Bellini</i> A. IV, 39, 1. V, 20, 1. VI, 2, 1. VI, 7, 1.
Petrus	<i>Bellonius</i> J. IX, 7. X, 24.
Alexander	<i>Benedictus</i> J. VII, 10.

INDEX AVCTORVM.

Jacobus	<i>Berengarius Carpenfis</i> J. III, 29. IV, 20. XII, 2.
Leonhardus	<i>Bertapalia</i> J. III, 28.
Joannes	<i>Beverovicus</i> A. V, 20, 1.
	<i>Bibliotheca Anatomica Dn. Le Clere & Manger.</i>
	A. IV, 39, 1.
Gotefridus	<i>Bidloo</i> A. IV, 13, 1.
Nicolaus	<i>Biefius</i> J. VII, 2.
Antonius Güntherus	<i>Billichius</i> J. XI, 6. A. III, 37, 3.
Ludovicus	<i>Bilsius</i> A. III, 37, 3.
Joh. Jacobus	<i>Binningerus</i> A. V, 12, 1.
Gerardus	<i>Blasius</i> A. IV, 2, 2. it. 9, 1.
Nicolaus de	<i>Blegny</i> A. III, 37, 3. V, 20, 1.
Michael Angelus	<i>Blondus</i> J. XII, 2.
Hugo	<i>Blotius</i> A. VIII, 12, 1.
Anshelmus	<i>Boetius</i> J. IX, 4. A. IX, 4, 1.
Angelus	<i>Bologninus</i> J. XII, 2.
Joannes	<i>Bohnius</i> A. II, 26, 1. V, 20, 1. XI, 6, 2.
Franciscus	<i>Bonamicus</i> A. IV, 39, 1.
Ludovicus	<i>Bonaciola</i> J. V, 18.
Jacobus	<i>Bontius</i> J. X, 24.
Gerhardus	<i>Bootius</i> A. IX, 7, 2.
Petrus	<i>Borellus scriptor observationum</i> A. V, 12, 1.
Joh. Alfonsus	<i>Borellus</i> A. III, 37, 3. it. 39. IV, 59, 1.
Olaus	<i>Borickius</i> A. II, 20, 3. III, 2, 2.
	<i>Bourdelotius Abbas</i> A. III, 37, 3.
Robertus	<i>Boyle</i> A. I, 12, 2. II, 10, 1. <i>ib.</i> 20, 4. item 26, 1.
	IX, 4, 1.
Antonius Musa	<i>Brassavola</i> J. II, 19.
Joannes	<i>Breyne</i> A. X, 15, 3.
Petrus	<i>Brissotus</i> J. III, 33.
Guido dela	<i>Brosse</i> J. X, 8. Add. <i>ib.</i>

INDEX AVCTORVM.

- Joh. Conradus *Brunnerus A. IV, 39, 1.*
Brudus Lusitanus J. XIII, 6.
 Otto *Brunfelsius J. III, 38.*
Brunnus Chirurgus J. III, 26.
 Joannes *Bruyerinus J. III, 35, XIII, 8.*
 Daniel *Bucretius J. IV, 29.*
 Joh. Ernestus *Burggrafius XI, 17.*
 Augerius *Busbekius A. VIII, 12, 1.*
- C.
- Bartholomæus *Cabrolus J. IV, 33. XII, 3.*
 Andreas *Cæsalpinus J. III, 34. V, 18, VIII, 9. IX, 24. X,*
7. & 30. VII, 10. XI, 5. Add. III, 34, 1. VIII,
9, 2. X, 7, 3.
 Marfilius *Cagnatus A. XIII, 7, 1.*
 Franciscus *Calceolarius J. X, 10. A. IX, 7, 2.*
 Joachimus *Camerarius J. X, 13. it. 40.*
 Symphorianus *Campegius J. III, 29. & 39.*
 Æmilius *Campolongus J. V, 20. VI, 2.*
 Petrus Maria *Caneparius A. IX, 4, 2.*
 Artemidorus *Capito J. III, 15.*
 Hieronymus *Capivaccius J. III, 32. VI, 3. VII, 2. & II. A. III,*
32, 1.
 Pius Æneas *Caprius A. V, 20, 1.*
 Joannes *Cajus J. III, 8.*
 Hieronymus *Cardanus J. II, 11. XI, 4.*
Cartesiani A. I, 24, 1.
 Julius *Casseri J. IV, 9. & 29. A. III, 27, 3. IV, 13,*
I. & 29, 2.
 Guido de *Cassius J. I, 14. III, 13.*
 Petrus *Cauliaco Chirurgus præstans J. III, 28.*
Castellanus J. III, 39.

INDEX AVCTORVM.

Petrus Amatus qui se antea ap- pellavit Joan- nem Rodericum	} <i>Castelli albi</i> J. VII, 12.
Petrus	<i>Castellus</i> A. III, 37, 3. XI, 8, 1, <i>it.</i> 12, 1.
Rodericus a	<i>Castro de morb. mul.</i> J. V, 18.
Steph. Rodericus	<i>Castrensis</i> J. V, 11. A. III, 37, 3. V, 9, 1. & 20, 1.
Prothus	<i>Casulanus</i> J. VI, 9.
	<i>Cattierius</i> A. IX, 4, 2.
Cornelius Aurelius	<i>Celsus</i> J. II, 5. III. 14. VII, 5. A. 1, 19, 1. II, 5, 2.
Dominicus	<i>Chabraeus</i> A. XI, 14, 2.
Gualtherus	<i>Charleton</i> A. IV, 39, 1. V, 20, 1.
Johannes	<i>Chemnitiis</i> J. X, 10.
Johannes Henricus	<i>Cberlerus</i> A. X, 14, 2.
	<i>Chiron Centaurus</i> A. X, 37, 1.
Johannes	<i>Childrey</i> A. IX, 7, 2.
	<i>Chrysippus Cnidiis</i> A. X, 6, 1.
Julius Cæsar	<i>Claudius</i> J. VII, 11.
Andreas	<i>Cleyerus</i> A. VI, 4, 1.
	<i>Clofeus</i> A. IX, 5, 1.
Carolus	<i>Clusius</i> X, 14.
Joannes	<i>Cnaust</i> J. XIII, 10.
Tobias	<i>Coberus</i> A. V, 12, 1.
Joh. Baptista	<i>Codronchius</i> J. XIII, 17. A. V, 20, 1.
Volcherus	<i>Coiter</i> J. IV, 9. & 34.
Guilielmus	<i>Cole</i> A. IV, 39. 1.
Realdus	<i>Columbus</i> J. IV, 26. A. IV, 4, 1.
Fabius	<i>Columna</i> J. X, 21. A. X, 30, 2.
Georgius	<i>Collimitius Tanestezerus</i> J. II, 22.
Joannes de	<i>Concoregio</i> J. III, 28.
Pantaleon de	<i>Confluentia</i> J. III, 28.

INDEX AVCTORVM.

Hermannus		<i>Conringius A. III, 2, 2. & 37, 3.</i>
Robertus		<i>Constantinus J. III, 38.</i>
		<i>Constantinus Africanus A. III, 26, 1.</i>
Guilielmus		<i>Copus J. III, 33.</i>
Mauritius		<i>Cordæus J. III, 34. A. V, 12, 10.</i>
Euricius		<i>Cordus J. VI, 6 X, 20.</i>
Valerius		<i>Cordus J. VIII, 12. IX, 2. XI, 11. & 12.</i>
Janus		<i>Cornarius J. III, 30. A. III, 4. VII, 1, 2.</i>
Ludovicus		<i>Cornarus J. XIII, 17.</i>
Joannes		<i>Cornutus X, 15.</i>
		<i>Cosmus M. Dux. Hettruriæ A. III, 37, 3.</i>
Joannes		<i>Costæus J. X, 30. & A. Ib.</i>
Joannes		<i>Costerus A. IV, 39, 1.</i>
Petrus		<i>Coudenbergius in cordonum J. XI, 11.</i>
		<i>Cratæus A. X, 36, 1.</i>
Joannes		<i>Crato J. III, 32. VII, 13.</i>
Antonius		<i>Cremonius III, 28. VII, 6.</i>
Cæsar		<i>Cremonius IV, 39, 1.</i>
		<i>Crina Massiliensis, sectæ Jatro-mathematicorum autor A. II, 22.</i>
		<i>Crito J. III, 14.</i>
Oswaldus		<i>Crollius J. X, 33. A. III, 37, 3.</i>
Vincentius	a	<i>Cruce J. XII, 2. A. V, 20, 1.</i>
Gabriel		<i>Cuneus Vesalii discipulus J. IV, 25. & 30.</i>
Matthæus		<i>Curtius J. III, 35.</i>
		D.
Wilhelmus		<i>Daviasonius A. III, 37, 3.</i>
		<i>Democritus Abderita J. III, 9. IV, 9.</i>
		<i>Democritea Philosophia A. III, 9, 1.</i>
Claudius		<i>Deodatus J. XIII, 17.</i>
Bernhardus		<i>Dessenius J. XI, 11.</i>

INDEX AVCTORVM.

Johannes
Isbrandus de
Helvicius

Deucerus A. IX, 5, 1.
Diemberbroeck A. V, 12, 1.
Dietericus A. IX, 5, 1. *Edidit Epistolam Tachenii de Alcahest* II, 22, 3.
Dioscorides Anazarbensis J. III, 14. VIII, 12.
A. III, 14, 1. VIII, 12, 1, X, 26, 1.
- - *Phacas, differt ab isto* J. III, 13, A. ib.
- - *Alexandrinus* J. III, 15.

Rembertus
Marcellus
Tobiæ
Jacobus de
Joannes de
Hieronymus
Johannes
Carolus

Dodonaus J. X, 14. A. V, 12, 1.
Donatus J. V, 20. A. V, 12, 1.
Dornkreilii Dispensat. J. XI, 12.
Dondis J. III, 27. V, 18. VIII, 14.
Dondis, Jacobi frater Ib.
Donzellinus J. III, 32.
Drawitzius A. V, 20.
Drelincourtius A. IV, 39, 1.
Drusianus, Plusquam commentator J. III, 26.
Dumlerus A. X, 30, 2.
Duretus J. III, 34.

Georg Wolfgang
Ludovicus

E.
Ebntitar. J. X, 23. A. VIII, 13, 1.

Johannes
Joh. Sigismundus
Christophorus
Ruffus

Ecbthius A. V, 20, 1.
Elsholzius A. X, 10, 1. it. 30, 2.
Enzelius J. IX, 2. & 4.
Ephesius J. III, 14.

Thomas

Erasistratus J. II, 12. A. II, 12, 1. & 2.
Erastus J. I, 13, II, 20. V, 11. A. III, 37, 3. V, 9, 1.

Theophrastus

Eresius J. IX, 4. X, 23. & 29. A. VIII, 11, 1. IX, 4.
Erkerus A. IX, 4, 1.

Michael

INDEX AVCTORVM.

- Michael *Ethmullerus* A. II, 11, 1. XI, 6, 2.
 Severinus *Eugalenus* A. V, 20, 1.
Euphorbus Antonii Musæ frater J. III, 13.
 Bartholomæus *Eustachius* J. IV, 9. & 28.
 F.
 Gabriel *Fallopins* J. IV, 26. VIII, 14. A. III, 16, 1. V,
 20, 1. VIII, 12, 1.
 Antius *Faber* J. IX, 5, 1.
 Hieronymus *Fabritius ab Aquap.* J. III, 29. XII, 2. A. IV,
 13. 1. it. 29, 1. & 2. XII, 2, 3.
 Guilielmus *Fabritius Hildanus* J. XII, 4.
 Joh. Baptista *Ferrarius* A. X, 30, 2.
 Benedictus Victorius *Faventinus* J. VII, 11.
 Leonellus *Faventinus* J. III, 13.
 Cassius *Felix* III, 13.
 Johannes *Fernelius* J. II, 19. III, 31. & 33. VIII, 9. II, 5.
 & 12. VII, 2. & 11.
 Alfonsus *Ferrius* J. XII, 2.
 N. *Febure* A. XI, 6, 1.
 Thomas *Fienus* J. XII, 4. XIII, 14. A. IV, 39, 1.
 Anutius *Foesius* J. II, 19. III, 8. & 34. XI, 12. A. III,
 8. 6.
 Rodericus *Fonseca* VII, 11. & 13. it. 17.
 Petrus *Forestus* J. VI, 6. VII, 13. A. V, 12, 1. item 13.
 1. & 2.
 Jacobus *Feroliviensis* J. III, 28.
 Carolus *Fracassatus* A. IV, 39, 1.
 Hieronymus *Fracastorius* J. III, 32. XIII, 9. A. III, 32, 2. V,
 20, 1. pag. 207. & 211.
 Johannes *Freitagius* A. II, 21. 1.
Frommannus A. V, 20, 1.

INDEX AVCTORVM.

Leonhardus		<i>Fuchsius</i> J. II, 13. & 19. III, 30. IV, 27. & 34. V, 10. VII, 2. & 13. VIII, 9. X, 13. & 20. XI, 5.
Remaclus		<i>Fuchsius</i> II, 19.
Gentilis		<i>Fulginas</i> J. III, 27. VII, 6.
Antonius		<i>Fumanellus</i> J. VII, 10. XIII, 9.
		G.
Wolfgangus		<i>Gabelchoferus</i> A. V, 12, 1.
Petrus		<i>Gabriel</i> A. V, 12, 1.
Hieronimus		<i>Gabuzinus</i> A. V, 20, 1.
Claudius		<i>Galenus</i> J. I, 7. & 20. II, 9. 16. 17. III, 16. IV, 17. VI, 3. VIII, 9. A. I, 5, 1. it. 24, 1. II, 5, 2. & 16, 1. III, 2, 1. & 16, 1. V, 20, 1. VI, 2, 2. VII, 1, 2.
Paschalis		<i>Gallus</i> J. III, 38.
Dinus	de	<i>Garbo</i> J. III, 27.
Thomas	de	<i>Garbo Dini</i> F. J. III, 27.
Johannes	de	<i>Gatesden</i> J. III, 27. VII, 6.
Michael		<i>Gavassetus</i> J. VII, 2.
Gerhardus		<i>Cremonensis</i> J. III, 26. A. III, 26, 2.
Conradus		<i>Gesnerus</i> J. II, 16. III, 38. IX, 2. 4. & 7. X, 13. & 20. A. XII, 2, 2.
Laurentius		<i>Gieseler</i> A. V, 12, 1.
Petrus		<i>Gilbertus Anglus</i> J. III, 26. VII, 6.
Math. Ludovicus		<i>Giurius</i> J. IX, 5, 1.
Franciscus		<i>Glandorpius</i> J. XII, 4.
Joh. Gregorius		<i>Glissonius</i> A. IV, 39, 1.
Rudolfus		<i>Gobelius</i> A. IX, 5, 1.
Bernhardus	de	<i>Gollenius</i> J. XI, 17.
Joh. Mathæus	de	<i>Gordonio</i> J. III, 28. VII, 6. XIII, 17.
Regnerus	de	<i>Gradi</i> III, 28.
Maria Sibylla		<i>Graef</i> A. III, 37, 3. IV, 39, 1.
		<i>Grafia Meriani filia</i> A. IX, 7, 2.

Herman

INDEX AVCTORVM.

Hermannus	<i>Græcinus</i> J. III, 14.
Nehemias	<i>Grew.</i> A. X, 33, 1.
Laurentius	<i>Grillus</i> A. X, 33, 1.
Hermannus	<i>Grube</i> A. X, 30, 1. X, 33.
Philippus	<i>Grulingius</i> A. VII, 13, 3.
Christophorus	<i>Guarinonius</i> J. VII, 13.
Antonius	<i>Guainerius</i> III, 28.
Joannes	<i>Guinterus Andernacus</i> J. III, 20. IV, 21.
Melchior	<i>Guilandinus</i> J. X, 20.
Timæus à	<i>Guldenlee</i> A. V, 12, 1.
	<i>Gynaciorum libri</i> J. V. 15. & 17.
	H.
Nicolaus	<i>Habicot</i> J. IV, 33.
Samuel	<i>Hafenrefferus</i> J. VI, 3.
	<i>Haly Rodohan</i> J. III, 23.
	<i>Haly Abbas</i> J. III, 23.
Joh. Ludovicus	<i>Hannemannus</i> A. X, 42. <i>in fin.</i>
Guilielmus	<i>Harvejus</i> J. IV, 37.
Gideon	<i>Harvejus</i> A. V, 20, 1. p. 211.
Johannes	<i>Hartmannus</i> J. VII, 13. A. III, 37, 3. VII, 13, 3.
Philippus	<i>Hechsteterus</i> A. V, 12.
Henricus ab	<i>Heer</i> J. IX, 5.
Joh. Bapt, van	<i>Helmont</i> J. II, 23. A. II, 20, 4. II, 22, 1. & 2. it.
	3. V, 25, 1. VII, 1, 2. ib. 7, 1.
	<i>Heracrides Tarentinus</i> A. II, 5, 1. X, 36, 1, XI, 1.
	<i>Heracrides Hierophilus Erytraeus</i> J. III, 13.
	<i>Heras Cappadox</i> III, 13, 3.
Paulus	<i>Hermanni</i> A. X, 9, 2.
	<i>Hermes</i> J. II, 20. A. II, 20, 2.
	<i>Herophilus Calcedonius</i> J. II, 13. II, 4. IV, 16. A.
	II, 12, 2.
Johannes	<i>Heurnius</i> J. III, 34. A. VII, 2, 2.
	Iii 2
	Natha-

INDEX AVCTORVM.

- | | |
|----------------------|--|
| Nathanael | <i>Higbmorus</i> J. IV, 37. A. IV, 39, I. V, 20, I. |
| Guilielmus Fabritius | <i>Hildanus</i> XII, 4. |
| | <i>Hippocrates</i> III, 8. II, 9. IO. II. |
| | - <i>empiricus an fuerit</i> J. II, II. |
| | - <i>ejus scripta</i> III, 8. VII, 5. |
| | <i>chirurgica</i> XII, 2. |
| | - A. I, 12, I. II, II. I. III, 5, I. III, 8, I. 2. 3. 4. |
| | IV, 15, I. V, 2. I. XIII, 5, I. |
| Petrus | <i>Hispanus</i> J. III, 26. |
| Nathanael | <i>Hodges</i> A. V, 12, I. |
| Wolfgangus | <i>Haferus</i> A. III, 40, I. VII, 13. 3. |
| Casparus | <i>Hofmannus</i> J. I, 7. IV, 25, 28. VIII, 9. VI, 2. 4. |
| | IX, 7. X, 21. A. III, 16, I. IV, 39. I. V, 9. |
| | I. VI, 2, 2. X, 4 I, I. |
| Fridericus | <i>Hofmannus</i> VIII, 15, I. |
| Mauritius | <i>Hofmannus</i> X, 10, 2. |
| Joh. Mauritius | <i>M. F. Hofmannus</i> : <i>Professor Alterfinus</i> edidit nu-
per <i>Dissertationes Anatomico - physiologicas</i>
in <i>Job. van Horne Microcosmum</i> , doctissimas
Et quarum ad cap. 4. mentio fieri omnino de-
bebat. |
| Jacobus | <i>Hollerius</i> J. II, 19. III, 33, & 34. VII, 11, A. III. |
| | 8, 7. & 9. |
| Christophorus de | <i>Honestis</i> J. III, 27. |
| Johannes van | <i>Horne</i> A. III, 37, 3. IV, 39, I. XII, 3, I. & 2, 4. |
| Conradus | <i>Hornejus</i> J. IX, 4. |
| Gregorius | <i>Horstius</i> A. I, 15, I. III, 37, 3. IV, 13, I. V, 9, I. |
| Joh. Daniel | <i>Horstius</i> A. IX, 5, I. XI, 12, 2. |
| | <i>Hortus Eichstetensis</i> J. V, 15. |
| | I. |
| Leonhardus | <i>Jackinus</i> J. III, 30. |

Defide-

INDEX AVCTORVM.

Desiderius	<i>Jacotius</i> J. II, 19.
Julius	<i>Jasolinus</i> J. IV, 31.
Joh. Philippus ab	<i>Ingrassia</i> J. IV, 31. A. IV, 27, 1.
Johannes	<i>Panormita</i> J. III, 28.
Franciscus	<i>Joel</i> J. VII, 13. A. VII, 13, 1. & 2.
Johannes	<i>Jones</i> A. V, 20, 1.
Johannes	<i>Jonstonus</i> A. IX, 7, 2.
Hieronymus	<i>Jordanus</i> V, 20, 1.
Nicander	<i>Jossius</i> J. XIII, 14. A. IV, 39, 1.
Paulus	<i>Jovius</i> J. IX, 7.
	<i>Journal des Scavans</i> A. III, 38, 1.
	<i>Julianus</i> J. III, 15.
Ludovicus	<i>Jungermannus</i> J. X, 10.
Joh. Helfricus	<i>Jungkenius</i> A. XI, 6.
	K.
Joh. Theodorus	<i>Kerkringius</i> A. IV, 39, 1.
Andreas	<i>Knæfeliuſ</i> A. V, 20, 1.
	<i>Kyr anides</i> J. XI, 16.
	L.
Fridericus	<i>Lachmund</i> A. IX, 7, 2.
Joh. de	<i>Laet</i> J. X, 15, 3.
Constantius	<i>Landus</i> J. XIII, 17.
	<i>Lanfrancus Mediolanensis</i> J. III, 26.
Scribonius	<i>Largus</i> J. II, 7, III, 13. VII, 5, XI, 7.
Petrus	<i>Laurembergius</i> A. I, 3, 1, III, 37, 3, X, 30, 2.
Andreas	<i>Laurentius</i> J. IV, 32, A. VI, 11, 1. XI, 8.
	<i>Lemery</i> A. XI, 6.
Janus	<i>Leonicenus</i> A. II, 25, 1.
Nicolaus	<i>Leonicensis</i> J. II, 19. III, 28.
Dominicus	<i>Leonus</i> J. III, 10.
Leonhardus	<i>Lesſius</i> J. XIII, 17.
Andreas	<i>Libavius</i> J. p. 370.

INDEX AVCTORVM.

- Johannes *Libautius* J. III, 34. A. III, 8, 11.
 Duncanus *Liddelius* J. II, 8. V, 10. VI, 2. XI, 6.
 Johannes *Lindanus* J. III, 38. A. III, 8, 6. III, 37, 3. III,
 38, 1.
 Georg. Engelhartus *Loebneisen* A. IX, 4, 2.
 Matthias *Lobelius* J. X, 14. A. X, 15, 3.
 Jodocus *Lommius* J. VI, 10.
 Joannes *Loselius* A. V, 6, 1.
 Richardus *Lowerus* A. III, 37, 3. IV, 39, 1.
 Daniel *Ludovici* A. I, 12, 1. VIII, 9, 2. IX, 7, 2.
 XI, 6.
 Raimundus *Lullius* J. III, 27.
 Amatus *Lusitanus* X, 20.
 Zacutus *Lusitanus* J. VII, 12.
 Michael *Lycus Macedo* J. III, 15.
Lyserus A. IV, 13, 2. & 14, 1.
 M.
 Caspar *Magatus* J. XII, 2.
 Bartholomæus *Maggio* J. XII, 2.
Magnolius A. X, 10, 2. & 12, 1.
 Moses *Maimonides* J. III, 24.
 Everhardus *Mainwairing* A. V, 20, 1.
 Joh. Daniel *Major* A. IX, 7, 2.
 Marcellus *Malpighius* A. III, 37, 3. p. 133. & seq. IV, 39.
 IX, 7, 2.
 Joannes *Manardes Ferrariensis* J. II, 19.
 Celsus *Mancinius* XIII, 14.
Mantias X, 36, 1.
 Bartholomæus *Marantha* J. X, 21.
Marcellus Burdegalensis Empiricus J. II, 7. III, 18.
 VII, 5. XI, 7. & 16.

Domini-

INDEX AVCTORVM.

Dominicus	<i>Marchetti A. III, 37, 3. IV, 2, 2.</i>
Petrus	<i>Marchetti A. III, 37, 3. XII, 4, 1.</i>
Christianus	<i>Marggrafius A. XI, 6, 2. & 15, 1.</i>
Georgius	<i>Marggrafius A. X, 10, 3.</i>
Curtius	<i>Marinellus J. X, 12.</i>
Johannes	<i>Marinellus J. III, 8.</i>
	<i>Marinus Anatomicus J. III, 15. IV, 17.</i>
	<i>Marsilius de S. Sophia J. III, 28.</i>
Prosper	<i>Martianus A. III, 34, 1. III, 37, 3.</i>
Nicolaus	<i>Massa J. IV, 20. A. V, 20, 1.</i>
Alexander	<i>Massaria J. III, 30, & 32. VI, 3.</i>
Petrus Andreas	<i>Matthioli J. VIII, 12. X, 13. & 20.</i>
Joannes	<i>Mayow IV, 39, 1.</i>
Dermutius de	<i>Meara A. V, 20, 1.</i>
Jobus van	<i>Meekeren A. XII, 4, 1.</i>
Joh. Henricus	<i>Meibomius J. III, 39. A. III, 39, 1.</i>
Henricus	<i>Meibomius A. IV, 39.</i>
Georgii	<i>Mellichii Dispens. J. XI, 12. & A. 16.</i>
Ferdinandus	<i>Mena J. III, 36.</i>
	<i>Menedotus Empiricus J. II, 15. III, 14.</i>
Ludovicus	<i>Mercatus J. III, 36. V, 18. & 20. VII, 2. & 12. A.</i>
	<i>VI, 3, 1.</i>
Hieronimus	<i>Mercurialis J. III, 32. V, 11. 18. & 20. VII, 11. XIII.</i>
	<i>12. & 13. A. III, 8, 5. V, 20, 1.</i>
Georgius Abraham	<i>Merklin A. III, 38, 1.</i>
Joannes	<i>Mesue J. III, 24. VIII, 13.</i>
	<i>Methodici J. II, 1. & 8. A. II, 1, 1.</i>
Martinus	<i>Meyerus IX, 7, 2.</i>
Joannes	<i>Michaelis Lipsiensis doctor A. III. 37, 3. XI, 6.</i>
Job. Thomas	<i>Minadous J. V, 20.</i>
Raymundus	<i>Mindererus J. VII, 13. XII, 4. A. IX, 4, 2.</i>

Anto-

INDEX AVCTORVM.

Antonius	<i>Mizaldus</i> A. IX, 4, 1.
Gothofredus	<i>Mæbius</i> A. IV, 39, 1. VI, 7, 1.
Antonius	<i>Molinettus</i> A. I V, 39, 1.
Bartholomæus	<i>Montagnana</i> J. III, 28, 7, 6.
Comes	<i>Montanus Vicentinus</i> J. III, 30. V, 11. A. V, 9.
Joh. Baptista	<i>Montanus Veronensis</i> J. II, 19. III, 32, V, 18. VII, 11. VIII, 9. A. III, 16, 1. III, 32, 1. VIII, 9, 1.
Hieronymus	<i>Montuus</i> J. III, 35. V, 20, VII, 11. XIII, 17. A. V, 20, 1.
Sebastianus	<i>Montuus</i> J. II, 19.
Renaldus	<i>Moreau</i> A. III, 26, 1.
Petrus	<i>Morellus</i> A. XI, 15.
Thomas	<i>Morefinus</i> J. IX, 4.
Franciscus	<i>Moriceau Gallus</i> A. V, 19, 1.
Robertus	<i>Morisonius Scotus</i> A. X, 12, 1. & 30, 2.
Matthias	<i>Moronus</i> A. III, 40, 1.
Jacobus Le	<i>Mort</i> A. XI, 6.
R.	<i>Mosche ben Majemon</i> A. XIII, 7, 1.
	<i>Moschio Græcus</i> J. V, 18.
Thomas	<i>Moufetus</i> J. IX, 7. A. IX, 7, 2.
Mundinus	<i>Mundinius</i> A. IV, 39, 1.
	<i>Mundinus Bononiensis</i> J. III, 28. IV, 19.
Henricus	<i>Mundius</i> A. XIII, 8, 1.
Abrahamus	<i>Muntingius</i> A. X, 30, 1.
Antonius	<i>Musa Brassavola</i> J. II, 19.
Nicolaus	<i>Mutonius</i> J. XI, 8.
	<i>Myrepfus</i> XI, 9.
	N.
Gabriel	<i>Naudæus</i> A. XI, 16.
Gualtherus	<i>Needham</i> A. IV, 39, 1.

INDEX AVCTORVM.

- Johannes *Neldelius* J. I, 24.
 Julius Alexander a *Neustatn.* J. III, 30.
Nicander J. XI, 7. A. VIII, 12, 1.
Niceratus A. X, 36, 1.
Nicetas A. XII, 2.
 Nicolaus *Nicolaus Florentinus* J. III, 28.
 Johannes *Niedepontanus* A. V, 20, 1.
Niger Atticus J. III, 14.
 Sextus Petronius *Niger* A. X. 36, 1.
Nonus J. XIII, 7. III, 22.
 Ludovicus *Nonnius* J. XIII, 8.
Nouvellus de la Rep. des lettres A. III, 38, 1.
 Joachimus *Nuck* A. IV, 39, 1.
 O.
 Antonius *Olbasius* J. X, 10.
Olympianus J. III, 15.
Oribasius J. II, 17. III, 18.
 P.
 Antonius *Pachius* J. III, 13.
 Fabius *Pacius* J. VII, 1.
 Helidæus de *Paduanus Foroliv.* J. VII, 11.
Palladius Alexandrinus J. III, 20. VI, 5.
 Julius *Palmarius* A. V, 20, 1. IX, 5, 1.
Pamphilus A. X, 36, 1. p. 358. & 360.
 Dominicus *Panarolus* A. V, 12. 1. X, 36, 2.
Pantaleon de Confluentia J. III, 28.
 Johannes *Panormita* J. III, 28.
 Matthæus *Pansa* J. XIII, 17.
 Theophr. Bombastus *Paracelsus* J. I, 13. II, 20. III, 37. XI, 17. A. II, 20, 1. II, 20, 3. II, 22, 1. III, 37, 1. & 2. & 3. IX, 3. 2.
 Ambrosius *Paraus* J. IV, 33. V, 18. XII, 3. A. III, 37, 3.

INDEX AVCTORVM.

Jacobus de	<i>Partibus</i> J. III, 28.
Crispini	<i>Passai hortus</i> J. X, 15.
Guido	<i>Patinus</i> A. III, 37, 3.
Petrus	<i>Pavius</i> J. IV, 35.
Simon	<i>Pauli</i> A. X, 41, 1. & 42, 1.
	<i>Paulus Alexandrinus</i> J. III, 20.
Joh. Nicolaus	<i>Pechlinus</i> A. VIII, 14, 1. X, 42, 1.
Franciscus de	<i>Pedemontio</i> J. III, 27.
	<i>Pelops Anatomicus</i> J. III, 15.
Bernardus	<i>Penotus</i> J. XI, 17.
Joannes	<i>Pequetus</i> J. IV, 33.
Petrus	<i>Peramatus</i> A. IV, 39, 1.
Petrus Paulus	<i>Pereda</i> J. VII, 12.
Franciscus	<i>Perla</i> A. X, 42, 1.
Joh. Paulus	<i>Pernumia</i> J. VII, 2.
Joh. Conradus	<i>Peyerus</i> A. IV, 39, 1.
	<i>Philaretus</i> A. VI, 2, 1.
	<i>Philinus Cous</i> J. II, 4.
Archangelus	<i>Picolomineus</i> J. IV, 28.
	<i>Piduxius</i> A. IX, 5, 1.
Franciscus	<i>Piens</i> A. V, 20, 1.
Severinus	<i>Pinaus</i> J. V, 18.
Carolus	<i>Piso</i> A. V, 12, 1.
	<i>Placotomus</i> J. XXIII, 10.
Felix	<i>Platerus</i> J. IV, 39. V, 10. VII, 13. A. V, 12, 1.
Franciscus	<i>Plazzonius</i> J. IV, 29.
	<i>Plinius secundus</i> J. III, 14, X, 22, XI, 16. A. III, 14, 1, & 2.
Laurentius	<i>Politianus</i> A. IV, 39, 1.
	<i>Polybus</i> J. III, 9. A. III, 9, 1.
Joannes	<i>Pona</i> J. X, 10.

Petrus

INDEX AVCTORVM.

Petrus
Joh. Baptista
Johannes
Jacobus
Michael
Pona A. X, 15, 3.
Porta J. XI, 17. A. IX, 4. 1.
Pravotius A. XI, 15, 1.
Primerosius A. V, 20, 1.
Psellus J. III, 2, 3. & 25.

Q.

Jof phus
Quercetanus J. III, 6. XI, 5. A. III, 37, 3.

R.

Franciscus
Leonardus
Johannes
Johannes
Johannes
Eucharis
Johannes
Johannes
Lazarus
Johannes
Octavianus
Guernerus
Ranchinus J. V, 20. A. ib.
Rauwolffius J. X, 15. & 24. A. X, 15, 2.
Rajus A. X, 10, 1. X, 30, 2. p. 350. & 353.
Renodæus J. XI, 12.
Rhases J. III, 22. A. II, 18, 1.
Rhenanus J. VI, 5.
Rhodon J. V, 20.
Rhodius A. V, 12, 1.
Riolanus J. IV, 33, 1. A. ib.
Riverius J. VII, 11. A. V, 12, 1. VII, 11, 1.
Robinus A. X, 8, 2.
Roboretus A. V, 12, 1.
Rolfincius A. I, 12, 1. II, 18, 1. III, 37, 3. IV, 39, 1.
V, 9, 1. V, 20, 1. VII, 13, 3. IX, 4, 2. X, 9, 1. &
42, 1. XII, 4, 1.
Rondeletius J. III, 35. IV, 32. VII, 11,
Ronffeus J. V, 20.
Roonbuysen A. XII, 4, 1.
Rouffetus J. V, 15. XII, 3.
Royerus J. X, 10. A. X, 9, 3. XI, 6.
Rudbekius A. III, 37, 3. IV, 39, 1.
Rudius VI, 3. VII, 11. A. V, 20, 1.
Ruellius J. III, 35. X, 20. X, 30. A. I, 4, 1.

INDEX AVCTORVM.

- Jacobus *Ruffius* J. V, 18.
Ruffus Ephesus J. III, 14.
Johannes de *Rupescissa* J. III, 27.
Gualt. Hermannus *Ryff*, A. XII, 4, 1.
S.
Sabinus Hipp. Commentator J. III, 15.
Angelus *Sala* J. XI, 6. A. IX, 4, 2.
Claudius *Salmasius in Solin.* J. X, 25.
Hippolitus *Salvianus* J. IX, 7.
Guilielmus de *Saliceto* J. III, 26.
Serenus *Sammonicus* J. III, 17.
Marianus *Sanctus Barolitanus* J. III, 19, XII, 2.
Joh. Michael *Savanarola* J. III, 28.
Satyrus Anatomicus J. III, 15.
Hercules *Saxonia* J. III, 32. VI, 3. VII, 11. A. III, 32, 4.
Carolus *Schefferus* A. X, 10, 1.
Sebastianus *Schefferus* A. III, 40, 1.
Christophorus *Schelhammerus* A. IV, 39, 1.
Johannes *Schenkius* J. III, 38. V, 12.
Joh. Theodorus *Schenkius* A. IV, 39, 1. X, 10, 2. XI, 15, 1.
Joh. Victor *Schneider* A. V, 20, 1.
Johannes *Schræderus* A. VIII, 15, 1. XI, 12, 2.
Lucas *Schrækius* A. III, 37, 3. XI, 5, 1.
Caspar *Schwenkfeld* A. IX, 7, 2. X, 10, 2.
Melchior *Sebizius* J. IX, 5. XIII, 8.
Bruno *Seidelius* J. VI, 7.
Michael *Sendivogius* J. XI, 17.
Daniel *Sennertus* J. II, 21. V, 10. VII, 14. A. II, 21, 1.
V, 20, 1. VI, 7. 1. & 11, 2. VII, 13. 1. & 2.
Ludovicus *Septalius* J. XIII, 5. V, 20, 1. IX, 7, 2.
Serapion J. II, 4. III, 24. VIII, 13, X, 25.

INDEX AVCTORVM:

Joannes	<i>Serapionis F. J. III, 23.</i>
	<i>Servilius Plinii equalis J. III, 14.</i>
Petrus	<i>Servius A. III, 37, 3.</i>
Simeon	<i>Sethi J. III, 25.</i>
Marcus Aurelius	<i>Severinus J. IV, 9. & 31. XII, 2, A. III, 27, 3. & 4.</i> <i>IV, 19, 1. XII, 2, 4.</i>
Petrus	<i>Severinus Danus A. III, 37, 3.</i>
	<i>Sextus Empiricus J. II, 5. & 7.</i>
Robertus	<i>Sibaldus A. IX, 7, 2.</i>
	<i>Simon Jannensis J. VIII, 14.</i>
Matthæus	<i>Sladus A. IV, 34, 1.</i>
Reinerus	<i>Solenander J. III, 31. VII, 13. IX, 5.</i>
Cajus Julius	<i>Solinus Polyhistor. J. IX, 2.</i>
Gerhardus de	<i>Solo J. III, 28.</i>
Fabianus	<i>Sommerus J. IX, 5.</i>
	<i>Soranus J. III, 13. V, 16.</i>
Paulus de	<i>Sorbait A. V, 12, 1.</i>
Israel	<i>Spachius J. III, 38.</i>
Adrianus	<i>Spigelius J. IV, 29. A. III, 37, 3. IV, 4, 1. VIII, 9, 1.</i> <i>X, 19, 1.</i>
Joh.	<i>Spohnius A. X, 13, 1.</i>
Albertus	<i>Stecchinus A. XI, 12, 1. V, 20, 1.</i>
Gothofredus	<i>Steghius J. VII, 2.</i>
Nicolaus	<i>Steno A. III, 37, 3. IV, 9, 1. IV, 39, 1.</i>
	<i>Stephanus Philosophus Atheniensis. J. III, 20.</i>
Carolus	<i>Stephanus A. IV, 13, 1.</i>
Joh. Stephanus	<i>Strobelbergerus J. V, 20. IX, 5. A. V, 20, 1. XI, 8, 1.</i>
Josephus	<i>Struthius J. VI, 8.</i>
Joh. Christophorus	<i>Sturmius A. II, 22, 1.</i>
Alexander van	<i>Suchten. J. XI, 17.</i>
Bernhardus	<i>Swalve A. II, 26, 1.</i>

INDEX AVCTORVM.

- Johannes *Swammerdammius* A. III, 37, 3. IV, 39, 1. IX, 7, 2.
 Emanuel *Swertius* J. X, 15.
 Thomas *Sydenham* A. V, 12, 1.
 Joh. Baptista *Sylvaticus* J. XI, 7.
 Matthæus *Sylvaticus* J. III, 27. VIII, 14. X, 39. XI, 10.
 Jacobus *Sylvius Ambianus* J. III, 33. IV, 21. A. XI, 5, 2.
 Franciscus de le Boe *Sylvius* A. II, 25, 1. p. 75, 76. VII, 13, 3.

T.

- Jacobi Theodor. *Tabernemontani Wassertschatz* J. IX, 5.
 - *Lib. Botan* X, 14. & 40.
 Ottonis *Tachenii Epistola de liquore Alcabest*, A. II, 23, 3.
 Ejusd. *doctrina* II, 20, 1.
 Johannes *Tagaultius* J. XII, 3.
 Caspar *Tagliacotius* J. IV, 28. XII, 2.
 Jacobus *Tappius* J. III, 2. & A. ib. 2.
 Valescus de *Taranta* J. III, 28. VII, 6.
 Johannes *Tbalius* J. X, 10.
Theades Empiricus J. III, 14.
Themison A. II, 8, 1.
Theomnestus A. I, 4, 1.
Theophilus A. VI, 2, 1.
Theophrastus Eresius J. IX, 4. X, 29.
Theffalus Hippocratis F. J. III, 19.
Theffalus Trallianus J. II, 8. III, 13. A. II, 8, 1. & 2. it. 10, 1.
Thibaut A. XI, 6, 1.
Thonerus A. V, 12, 1.
Thruston A. IV, 39, 1.
Tburinus J. II, 19. III, 29.
Tragus J. X, 13. & 20.
- Nicolaus
 Augustinus
 Malachias
 Andreas
 Hieronymus

Alexan-

INDEX AVCTORVM.

Alexander Victor	<i>Trallianus</i> J. II, 17. III, 20. XI, 16. <i>Trincavellius</i> J. III, 32. <i>Turnbeuserus ex Aurifabro Magnus impostor</i> J. XI, 17.
Nicolaus	<i>Tulpius</i> A. V, 12, 1. V.
Veſtius	<i>Valens Antiochenus</i> J. III, 13.
Franciscus	<i>Valleriola</i> A. V, 12, 1.
Franciscus	<i>Vallesius</i> J. I, 7. III, 36. VI, 2. & II. VII, 2.
Joannes	<i>Valverde</i> J. IV, 27.
Joannes	<i>Varandæus</i> J. V, 18. A. V, 20, 1.
Guilielmus	<i>Varingnana</i> J. III, 27. VII, 6. A. VII, 6. 1.
Constantinus	<i>Varolius</i> J. IV, 28.
Joannes	<i>Vassæus</i> A. VI, 7, 1.
Ludovicus Le	<i>Vasseur</i> A. II, 25, 1.
Marcellus	<i>Vergilius</i> J. III, 31.
Josephus du	<i>Vernay</i> A. IV, 39, 1.
Baco de	<i>Verulamio</i> A. III, 37, 3. IX, 7, 2.
Andreas	<i>Vesalius</i> J. II, 19. IV, 22. 27. XII, 2. A. IV, 4. 1. IV, 13, 1. IV, 26, 1.
Joannes	<i>Veslingius</i> J. IV, 29. X, 15. A. III, 37, 3. IV, 2, 2.
Cosmus	<i>Viardel</i> A. V, 19, 1.
Leonel. Fayent.	<i>Victoriis</i> J. III, 29.
Vidus	<i>Vidius</i> J. XII, 3.
Johannes de	<i>Vigo Genuensis</i> J. III, 29, XII, 2.
Arnoldus	<i>Villanovanus</i> J. III, 26. & A. ib. 3.
Joannes Georgius	<i>Vindicianus Empiricus</i> J. III, 18.
Georgius	<i>Virsungus</i> J. IV, 29.
Johannes Henricus	<i>Vischerus</i> A. X, 30, 2.
Joannes Georgius	<i>Voglerus</i> A. I, 23, 2. XIII, 8. 1.
	<i>Volkamerus</i> J. IV, 9. A. III, 37, 3.

INDEX AVCTORVM.

Christophorus	<i>Volterus</i> A. V, 19.
Adolphus	<i>Vorstius</i> A. III, 37, 3.
	W.
Joannes	<i>Walaus</i> J. IV, 39. A. III, 37, 3. VII, 16, 1.
Joannes	<i>Waltberus</i> A. III, 40, 1.
Thomas	<i>Wartbon.</i> A. IV, 39, 1.
Joann. Jacobus	<i>Weckerus</i> J. VIII, 15. XI, 12, & 17.
Georg. Wolfgang.	<i>Wedelius</i> A. I, 12, 1. IV, 39, 1. V, 20, 1. VIII, 9, 2. XI, 6. 1. & 15.
Erhardus	<i>Weigelius</i> A. II, 22, 1.
Martinus	<i>Weinrichius</i> J. III, 32.
Georg. Hieron.	<i>Welschius</i> A. III, 37, 3. III, 40, 1. V, 12, 1.
Joan. Jacobus	<i>Wepferus</i> A. IV, 39, 1.
Johannes	<i>Wegandus</i> J. X, 10.
Jodocus	<i>Willichius</i> J. III, 39.
Thomas	<i>Willis</i> A. III, 37, 3. IV, 13, 1. V, 20, 1. VII, 13, 3. VIII, 14, 1.
Hartvicus	<i>Wichelmannus</i> A. I, 3, 2. & 24, 1.
Joannes	<i>Wierus</i> V, 12, 1.
Joannes	<i>Wolfius</i> J. VI, 2.
Olaus	<i>Wormius</i> A. IX, 7, 2.
Felix	<i>Wurz</i> J. XII, 4.
	X.
	<i>Xenocrates</i> A. IX, 7, 1. X, 37, 1.
	Z.
Paulus	<i>Zachias</i> A. III, 37, 3. V, 20, 1.
	<i>Zacutus Zusanus</i> J. VII, 12. A. V, 12, 1.
Jacobus	<i>Zanoni</i> A. X, 15, 1.
	<i>Zeno Cyprius</i> J. III, 18.
Gabriel de	<i>Zerbis Veronensis</i> J. IV, 20.
Joannes	<i>Zucrius</i> J. V, 20.
Joannes	<i>Zwelferus</i> J. XI, 12. A. II, 26, 1. XI, 5, 2. & 8, 1.

INTRODVCTIONIS
IN
ARTEM MEDICAM
Pars Posterior.
Complectens
Doctissimorum in arte Virorum
De ea recte perdiscenda
CONSILIA.

ARTS AND MEDICINE
IN THE GOVERNMENT

For the

Department of the Interior

WASHINGTON



GVNTHERVVS CHRISTO-
PHORVS SCHELHAMMERVS D.
LECTORI S.



Um altera hæc Conringianæ introductionis editio nobis esset adornanda, obtulerunt sese oculis nonnulla consimilis argumenti scripta præstantissimorum juventutem ad artis notitiam adspirantem instruere, vel de auctoribus ipsis iudicium ferre animum induxerunt. Non diu deliberandum duxi, an his essent adjicienda: Suadebat id insignis quæ hinc capi potest utilitas, non minus quam eorum exemplum quos inter præcipua instauratæ omnis bonæ eruditionis instrumenta seculum connumeravit. Gesneros enim, Camerarios, Clusios, Meibomios, ipsumque nostrum hic auctores habeo. Accedebat, quod non vulgata hæc & obvia, sed repertu justo essent rariora: Ultimum etiam, Johannis Rhodii, nondum editum, & paucissimis etiam visum: nos enim ex Bibliotheca insignis Philologi & Polyhistoris Johannis Andreæ Bosii, Jenensis academici quondam luminis nacti sumus

sumus, qui tanti illud faciebat, ut singularem mihi gratiam se-
se facere concessa describendi libertate prædicaret: Et sane etiam
eximium esse judico, vel ob auctorum notitiam, quam cum judicio
insinuat.

Cum autem paulo vetustiora hæc esse viderentur, multum-
que intercedat inter Avorum & Nostram medicinam, utpote quæ
infinite observationibus auctior, aliam in nonnullis discendi &
auctores legendi rationem posceret, non tamen propterea optima
monita cum reliquis æque premenda putavimus, cum medicina
afferre his posset: præter ea igitur quæ jamtum nobis prioribus
illis Conringianis fuerunt inserta, ex quibus quid hic temporum
cursus aut fortunæ ludibrium mutaverit, magnam partem co-
gnosci potest; ad calcem quoque, si quæ erant ejusmodi, ut tur-
bare legentium animos posse viderentur, eodem quo hætenus usi
sumus candore, de eo artis cultores admonere non sumus gravati,
quo plenaria ad discendi cupidos utilitas perveniret, nullaque in-
re eorum commodis, quantum in nobis erat, defuisse videremur.
Quod si hæc operosa quibusdam, & ad seculi genium minus ac-
commodata videantur, sciant me ex iis esse, qui cum diligentissi-
mo mortalium Plinio utilitatem juvandi prætulerunt gratiæ pla-
cendi, neque ægre ferant me, dum ipsi brevissimam commonstrant
ad praxin properantibus viam, aliam ostendere, qua ad
solidam medicinæ scientiam perveniatur.



CASP. BARTHOLINI

S. S. Theol. Medic. & Philos.

Doctoris

DE

STVDIO MEDICO

Inchoando,
Continuando, &
Absolvendo,

*Pro accurato & supra vulgus futuro
Medico*

CONSILIVM.

Breve atque extemporaneum.

Hafniæ olim excudebat, anno nimirum 1628.

Georgius Hantzsch.

*Optime ingenuato, & paternarum vir-
tutum æmulo Juveni*

PETRO CHARISIO,

Jonæ filio, Medic. & Philosoph.

Studioſo, amico & affini ſuo:

Nec non filioliſ ſuis

BARTHOLO, THOMÆ,

CASPARO, ALBERTO,

JACOBO & ERASMO

DD.

CASPAR BARTHOLINUS.



Vandoquidem, mi Charifi, variis
documentis edoceor, animum te ad artem
Medicam, exemplo avi tui materni, Medici &
Spagirici olim incomparabilis, & nusquam
non celebris, Doct. Petri Severini, p. m. appulſurum; mea-
rum partium eſſe cogitavi, non affinitatis tantum, ſed etiam
& vel inprimis ultimæ patris tui (heu quanti viri amiſſi!)
in mortis agone voluntatis cauſâ, hanc curæ tui partem in
me

me suscipere, ut te de studio hoc Asclepiadeo aggrediendo, & cum Deo, nisi propositum mutaveris, perficiendo nonnihil instituerem, idque eâ fidelitate atque ingenuitate, quâ proprios filios in id monitos, atque institutos discupio, si qui fortè illorum adolescente ætate huic se studio sint sacraturi: quo nomine eos tecum inscriptione jungere libuit. Quamquam enim jam anni abierunt, cum omnibus occupationibus Medicis, quâ publicè, quâ privatim, quâ theoriam, quâ praxin, sepositis, sapientiæ cœlestis doctrinam juventuti, publicè ac ordinariè, Deo sic vocante, & Magno Rege meo, reliquoque Magistratu jubente, instillare inciperem: quia tamen artem medicam pro virili, annos non paucos primum in exteris, apud Germanos, Bohemos, Italos, Siculos, Gallos, Belgas, & Britannos, deinde in patria Danorum Academia Regia, docendo & operando, etiam apud Regios & Principes viros, Comites, Barones, & innumeram nobilium aliorumque ignobiliorum multitudinem excolui atque exercui; huic negotio alias edocendo non penitus impar aut insufficiens censebor. Non autem ad pompam, sed ad usum hoc meum erit consilium; ideoque breviter & ex tempore, aliis, iisque sacris laboribus occupatus, animi mei sententiam vobis, mi Affinis, vosque filioli mei, aperiam, rebus magis, earumque momentis, quam locutionis ampullis velificaturus.

Primum ergo & ante omnia *pietatem* vobis commendo, vitæ integritatem, preces quotidianas, amorem verbi Dei, ejusque auditum:

Ni Deus affuerit, viresque infuderit herbis,

Quid rogo Dictamnus quid panacea juvat?

Frustra omnis labor suscipitur, omnis peregrinatio, omnis molestia, cura, studium, vigiliæ, sine pietate. Animalis homo hanc monitionem vel negliget, vel floccipendet, vel fortè ex
infamia

infania quadam irridebit: at spiritualis, qui omnia dijudicat, & mentem Dei tenet 1. Cor. 2. animo perpendit, pietatem magnum lucrum esse, ad omnia esse utilem, habereque cum presentis tum futuræ vitæ promissionem; 1. Tim. 4. & 6. animo secum meditatur, diligentibus Deum omnia cooperari in bonum, Rom. 8. E contra omnem creaturam ingemiscere, refractariam homini, quando hujus vanitati subjecta esse cogitur, ideoque liberari exoptat, neque homini servire. Quod si ita est, uti revera ita esse spiritus Dei inculcavit, quâ felicitate invitis canibus quis venabitur? quâ felicitate impius studium aliquod vel meditando tractabit, vel operando exercebit? Videntur sibi quidam sine pietatis studio Medicinam, more Ethnicorum & Judeorum fortè velle & posse facere. Cæterum aut ad tempus duntaxat durat felicitas, vitiorum amore omnia in mente & manu coinquinante: aut evigilans conscientia, melancholiam incurabilem progenerans, perturbat omnia: aut eadem mentem hujus morbi liberam, inquietam anxiamque in dubiis percurandis, aut malè percuratis reddit casibus. Quæ omnia & singula preces atque ex verbo Dei solamina potentissimè depellunt. Quamobrem in lucro ponet quivis artis hujus studiosus, singulis maturinis, præmissis precibus, caput unum atque alterum ex sacrosanctis Bibliis, non perfunctoriè, sed attentè & meditaturè, perlegere; atque ita ut singulis annis universa Biblia percurrento absolverit. Nescis n. quisquis es, quia flos es evanidus, dicto citius deflorescens, quid serus vesper vehat, & nemo crastinum sibi polliceri poterit: ac si vel maximè Nestor tibi polliceberis annos, quis tamen non illâ cum primis imbui gestiet doctrinâ, quæ in altera vita usum est habitura, omnibus aliis disciplinis atq; scientiis rerum secularium sempiternâ oblivione sepeliendis?

In adyta Medicorum, illotis, quod dicitur manibus minime irrupendum, sed præmittenda.

Linguarum Latine & Græcæ, quibus præcipua hujus artis decreta sunt consignata, accurata & minime superficialia cognitio. Quid n. ex aliis percipies, aut aliis docendo tandem explicabis, latine non satis doctus? quid ex Hippocrate vel Galeno bene vel male dictum æstimabis, Græcanici ignarus idiomatis? Poësis sive Græcorum, sive Latinorum futuro Medico parum vel nihil utilis: iis tamen quibus vena ac indoles, ornamentum. Sic neque Arabicæ Linguæ magna utilitas: nam etsi Arabes Medici à peritis hujus linguæ exactius intelligantur; tamen cum illi à Græcis sua meliora extraxerint, & ne quidem meliora semper affecuti sint: præstabit ex ipso fonte aquas bibere: quam ex luculentis inde derivatis lacunis. Satis multa sunt necessaria planè, in quibus ætatem infumere dabitur: Non enim frustra dixit I. Aphor. Coryphæus hujus artis: *vita brevis, ars longa &c.* Uno saltu qui plures lepores assequi volet, ingenii acumine, atque amplitudine, Latinam linguam ex Cornelio Celso, Fernelio, & Joanne Heurnio; Græcam ex Hippocrate & Galeno venabitur: ita rebus pariter Medicis & styli nitori adsuefiet.

Philosophiæ organa *Rhetorica & Logica* non posthabenda: hæc in primis divinationi inserviens, ubi causæ morborum indagandæ, signa venanda & colligenda: ubi non faustè satis sine rationis adminiculo artificiali datur progredi. Inferior in usu est Rhetorica; non enim verbis sed herbis æger curatur. Præcipui harum artium Doctores in meâ Rhetorica & Logica sunt annotati.

Philosophiam practicam, quia exigui usus in hoc studio

dii genere, perfunctoriè percurrisse sufficiet, atque ob usum in vita communi non neglexisse penitus. Accuratioꝝ tractatio Jurisconsulto necessaria est, non Medico.

Metaphysica etiam nullum penè usum Medico præstat. Ingenii bonitate qui pollent atque acumine, & otio abundant; imprimis si Philosophi Professoꝝ in Academiis futuri, ejus dogmata ex præcipuis authoribus haurient, quorum nomina Enchiridion nostrum *Metaphysicum* post præloquium recitavit.

Physica verò & *Mathesis* tam sunt in rem Medici, quam *Ethica* Jcti. Ubi n. desinit *Physicus*, ibi incipit *Medicus*.

Arithmetica ad criticas supputationes, ad medicamentorum compositorum examen & resolutionem atque ad alia utendum: suffecerit vobis Longomontani, præsertim auctior illa & correctior, quæ brevi prodibit; Interim Clavii vel Urstii.

Geometricum compendium Dybradii junioris, Dani, si publicè prostar, esset perquam accommodatum. Hujus defectu compendiosus est Rhodius, Clavius paulò prolixior, sed lectione dignus. Alii enim plerumque prolixiores sunt, ideoque futuro Medico, cui universa natura est contemplanda radiosiores.

Opticam ex Alhazeno, Vitellone & Keplero addiscetis.

Astronomiam ex scriptis Tychonis Brahe, contraneis nostri; additis Astronomicis Kepleri. Unus v. pro omnibus sufficiet Longomontanus, Astronomus post Tychonem nulli secundus, affinis noster: Cujus *Astronomia Danica* evolvenda, doctrinam Triangulorum, Sphæricam,

ricam, Theoricamque errantium mira dexteritate enucleans.

* *Astrologie* usum in facienda Medicina, quam Jatro-mathematicam vocitarunt, licet plurimi scripto comprehenderint, ut Marsilius Ficinus, Ganivettus, Guido Vilarientis, Aug. Niphus, Chrysogonus Jadertinus, Gaucicus, Steflerus, Carellus, Schollius, Transtetterus, Schylander, Boderius, Angelus Blondus, Ferrerius Peucerus, Galucius, Hasfurtus, Maginus & complures alii: duos tamen postremos cum primis vobis habere commendatos.

In Physica compendiosiori familiam ducunt Magirus & Sennertus. Quid verò nos in eadem præstiterimus, iudicium penes lectorem esto. Neque n. eorum mores imitari animus est, qui consilia pro studiis instituendis daturi, sua præ aliis scripta fastuosè extollunt, atque etiam quæ in rerum natura non reperiuntur, suo nomine adfuto commendant: nihil nisi quod ex suo tanquam Jovis cerebro (unde meras scilicet projiciunt Pallades) profectum, rectum putantes, ac si omnes alii

Sint viles pulli, nati infelicibus ovis.

Nemini quicquam detractum volo: sed aliis detractantes ex superbiæ spiritu, qui ipsissimus est Satanas, averfor. Neque n. uni mortali omnem scientiam, prodigio à quadam prodigalitate infudit natura, aliis omnibus novercata, sed variè sua dona hominibus distribuit Spiritus, aliis quidem sic, aliis autem alio modo. Unum sicco pede præterire non possum: *Enchiridion Physicum* Argentinx editum sub meo nomine, me inscio atque invito; & quod iniquissimum, libros 2. posteriores adjectos à quo ne-

scio, meopræfixo nomine; qui tamen mei non sunt, aut fuerunt unquam. Itane mei calumniandi ansam dederunt? cum in aliis meis scriptis reperiantur plurima, quæ è diametro cum duobus istis libris diffident. Inspexi primum Witebergæ in transitu ex Bohemia redux Anno 1624. in Octobri, adstantibus quibusdam meis popularibus: quibus statim de hac mihi illata injuria conquestus sum, & paulo post amico meo veteri Dn. D. Ambrosio Rhodio, aliisque Professoribus Domum reversus duos libros supposititios diligentius percurri & deprehendi, penultimum esse totum ex Magiro desumptum, ultimum v. ex Scheibleri Tract. de Anima in compendium redactò. Quo animo hæc mihi illata injuria, Deus novit. Forte ne deesset dicam plagii mihi scribendi occasio, quam quidam ante annos paucos in Consilio de studio Medico studiose quæsisse visus est, meque ejus reum fecit in Anatomicis contra propriæ conscientiæ testimonium & fidem oculorum cujusvis hominis literati, qui conferre meas institutiones Anatomicas cum aliorum potest. Scripsit me omnia in Anatomicis ex Aquapendente & Bauhino bonâ fide descripsisse. At quâ fide hæc de me scripta sint, in admonitione editioni Anatomiaæ meæ Rostochiensis subnexâ ostendi. Hoc tamen à me omissum: ipsum Bauhinum, virum optimum mihi-que amicissimum ultimam theatri sui Anatomici editionem, nonnullis ex mea Anatomia, adscripto etiam nonnunquam meo nomine, exauxisse. Existimavit fortè laureatus ille, Danos Bæotos esse, aut

Verecum in patriâ crassoque sub aëre natos præ aliis: sicut ille, qui mirabatur olim Saxoni Grammatico, Historico clarissimo, homini Dano, tantam eloquentiam
 conti-

contigisse. Sed querelarum desino; præsertim cum qui de me illa scripsit manu suâ postea testatus sit, ab amanuensi se inscio & invito verba illa de me irrepsisse: ideoque in aliis editionibus corrigenda. Quamobrem Christianæ charitatis memor lubens hanc injuriam scriptori condonabo.

Pro Mineralium, Metallorum, & lapidum natura omnino conjungendi sunt Cæsalpinus, Encelius, Libavius, & Anshelmus Boëtius de Bood.

In Botanicis, Lobelius, Tabernæmontanus, Herbarium Tragi cum notis Sebizii, Matthiolus Bauhini, & Clusius. Quanquam viva herbaria propriis manibus colligere & reservare, lectioni multæ Botanices præstiterit. Modum ac methodum colligendi ac servandi vide apud Spigelium in *Isagoge* in rem herbariam.

In historia Animalium, ut avium &c. consulendi præ aliis * Gesnerus & Aldrovandus.

In Anatomicis Vesalius, Laurentius, Bauhinus, atque quem nuper videre contigit, Riolanus junior. Quod Archang. Piccolom. Prælectiones, Columbi, Aquapendentis, Casserii scripta simul percurratis, operæ dispendium minimè estis facturi. In primis privatae sectiones animalium, & eorundem partium frequenter instituendæ; & publicæ cadaverum humanorum, quoties fieri potest, frequentandæ. Quoad Icones, omnes penè quotquot hætenus exierunt, & videre mihi contigit, ex Vesalio desumptæ sunt, nisi quod Aquapenden & Casserius nonnullas accuratiores de Organis sensuum edidère; atque ille insuper de venarum valvulis, hic de vocis instrumentis: Varolius & Archangelus de vero nervorum principio ex medulla cerebri: Laurentius de venis quibusdam uterinis; & Bauhinus de coli ostiolo.

In Medica ipsa arte commendo, priusquam ad Hippocratis & Galeni opera accessus fiat, Fernellium & Sennerti Institutiones medicas, ejusdemque de febribus doctissimum tractatum.

In controversiis & disputationibus Joubertum, Vallesium, Sylvaticum, Mercatum & Horstium.

In dietetica parte, Quercetanus, Pisanellum, & Brugerinum. In semeiotica Taurellum. De Pulsibus Saxoniam & Struthium. De Urinis Willichium, Reusnerum & Fabricium.

In Curatione morborum particularium omnium, unus sufficit Platerus, quem si novit quis, omnes cognorit. Qui volet, conjungere poterit Capivaccium, Mercurialem & Rondeletium.

In Chirurgiâ præstantes sunt Mercatus, Vesalius, Paræus, Aquapendens, Fabricius Paterniacensis, Felix Wurzius. Verum non pudebit manum in Italia & Galliis, ubi optimi Europæ Chirurghi, operi admove, atque ex cottidianâ praxi præcipua, non quibusvis lippis & tonsoribus nota, notare.

In Pharmacopœa vulgari, Cordus, Weckerus, Quercetanus, Renodæus, dispensatoriaque varia perlustranda; imò pyxides & cellulæ apud Pharmacopolas frequenter lustrandæ, ne quid Medicum fugiat, quod operæ Pharmacopæorum norunt.

De compositione Medicamentorum eruditissimè scripserunt Vallesius, Capivaccius, Haslerus & Tovarius.

Pharmacopœa Spagyrica seu Pyrotechnia curâ & vigiliis assiduis atque accubiis attendenda, non tantum ex scriptis Quercetani, Libavii, Crollii, Beguini; Rulandi, Basilii

Basilii Valentini, Penoti, Salæ, Mulleri, Finchii, atque aliorum, sed quia præcipua Chemiæ arcana inter viros eruditos, imo etiam Principes delitescunt; in ea semper inter peregrinandum inquiratis, qualia sunt Tychonis Brahe Nobilis Dani, Petri Severini, Archiatri olim Regis Daniæ, Banisteri Angli, Hartmanni Hassi, Joh. Baptistæ Portæ Neapolitani, atque inprimis Serenissimi Regis mei, Christiani quarti &c. Domini Clementissimi. Non dubito, mi Petre, Avum tuum maternum D. Petrum Severini, plurima reliquisse in pluteis latentia, quæ facile ab avunculo tuo impetraveris. Vos verò, mei filioli, si ad hanc artem aliquando animum applicueritis, multa volumina rarissimorum arcanorum tum spagyricorum tum aliorum, quæ magno labore & studio in variis Europæ Regnis conquisi, in meâ Bibliotheca Chymica invenietis. Non sum equidem nescius, quosdam arcana ejusmodi contemnere, nec multum de iis laborare, methodo medendi contentos. Verum, hoc est faciendum, & illud non omittendum: Non rarò in casu desperato nobile aliquod desideratur auxilium. Immo non pudebit etiam ab aniculis & barbitonforibus viliora experimenta expiscari, modò probata & sæpè cum successu usurpata.

Manus semper operi admovendæ & carbonibus & vitris: alioquin laterem lavabitis. Theorias Paracelsistarum haurire licet ex Petro Severini, Petrei Nosologia, Warenio & aliis.

Apodemica necessitatem Galenus in libello, quod optimus Medicus idem sit Philosophus, afferuit. Non enim omnis fert omnia tellus, five ex mineralium, five ex vegetabilium, five ex animalium generibus. Neque omnes præclaros Medicos una regio vel provincia

vincia coëgit. Ubi quæso tales Medicæ artis, & Spagyricæ præsertim eruditionis antistites in Germaniæ Academiis invenies; quales Witebergæ Daniel Sennertus, & Rostochii Jacobus Fabricius, amici mihi conjunctissimi? In Botanicis qui excellere cupiet, certè voti compos fiet faciliùs & feliciùs, ex conversatione D. Jungermanni in Academia Gieffena; & D. Bruferi in nova Academia Danorum Soranâ, quàm alibi. Sic Anatomica sectiones publicæ frequentius administrantur Patavii, Bononiæ, Romæ, Montispelii, Parisiis & Lugduni Batavorum, quàm alibi. Horti Medici plantis exoticis referti cultiores, Patavii, Pisis, Bononiæ & Montispelii, quàm loco ullo in alio. Medicæ & Chirurgicæ praxeos exercitia crebriora, pro spectatoribus studiosis Patavii & Florentiæ, quàm ullâ Europæi orbis in parte.

Ex quibus paucis exempli loco adductis, quid peregrinationes conferre futuro artis Medicæ Doctori possint, nemo non nisi qui fungus & stipes, intelligit.

Valete, & Deo atque proximo servire discite. Hafniæ, Anno 1626.



PETRI CASTELLI
ROMANI,
NOBILIS MESSANENSIS

Medici, & Philosophi

OPTIMVS MEDICVS

In quo conditiones perfectissimi Medici
exponuntur.

AD MESSANENSIS EDITIONIS

ubi 1 6 3 7. prodiit
exemplar.



ILLUSTRISSIMIS SENATORIBUS
MESSANENSIBUS.
 D. CÆSARI PISCI.
 POMPILIO COTTONI.
 FR. ANTONINO GOTHO EQ. HIER.
 FRANCISCO FAZARI.
 D. DIDACO LANZA.
 THOMÆ ISVAGLIA.
 PETRUS CASTELLUS ROMANUS S.



Urea Sententia magni illius Hippocratis Cō
 Medicorum Principis, ab Æsculapio origi-
 nem ducentis, quem Senatus Populusque
 Atheniensium publicè magis mysteriis, uti
 Herculem Jovis filium, initiavit, libro de Le-
 ge, extat. *Medici fama quidem, & nomine mul-*
ti, re autem, & opere valde Pauci. Porro cum maximè Reipub.
 Medicos bonos à malis destingui intersit, multumque Messa-
 nensi Senatui Nobilissimo, Illustrissimoque, qui Senatui, Popu-
 loque Atheniensi nobilitate, justitia, fortitudine, prudentia, &
 in virtutibus colendis minime cedit, ob plurima in me collata
 beneficia debeam, hoc Hippocratis dictum explicare mei fo-
 lius partis esse videbatur, Medicus cum sim, & publicus apud
 vos Roma accitus Professor. Etenim, ut à Diogene Laertio
 refertur, Anacarsis præclarus Philosophus θαυμάζειν δὲ εἶπεν πᾶσι
 παρὰ

*Mirari, se di-
 xit, quomodo
 apud Græcos
 Artifices cer-
 tarent judica-
 rentque qui
 Arrifices non
 essent.*

παρά τοῖς Ἕλλησι ἀγωνίζονται μὲν οἱ τεχνίται, κρῖνοι δὲ οἱ μὴ τεχνί-
ται. Ac si de Artificum præstantia ad Artifices tantum dis-

ferere pertineret. Ad Medicum igitur, & ad Professore
Medicum, Medicorumque priorem sui generis peritos nosce-
re, non ad Idiotas; & bonum vel malum Medicum pateface-
re, spectabit. Arduum quidem (fateor) & odio plenum o-

pus, quum pravorum ingens sit moles, detegi ægre ferentium,
veritasque ipsa, ex veteri proverbio odium pariat. Nullus
tamen labor, nulla difficultas, nullum discrimen obstare po-
terit, quin huic Illustrissimo Senatui debitas agam gratias.

Etenim si in bene meritos gratum animum Animalia bruta
ostendunt, cedam ne his ego unquam? Anne Ciconia grati
animi Hieroglyphicum apud Ægyptios pingebatur, quod pa-
rentibus senescentibus id alimenti, quod infantes ipsæ accepe-

rant, redderent? Anne Leonis in Androclea beneficii accepti
apud Ælium, & alios, memoria excolitur? Anne Canum
dominis gratiæ actæ plurimos obtinent testes? Quamobrem

*Lib. 6. de Hist.
Anim. c. ulti-
mo.*

Illustrissimo Senatui gratum me facturum pro meo officio
censui, si Hippocratis ipse sententiam explanarem, & quales
sint Medici fama, & nomine, quales vero re, & opere, scilicet
optimos docerem: Cum pro Academia exteros Professores


Illustrissimus Senatus convocare soleat, & urbs ipsa patrios
plurimos obtineat magnæ existimationis Medicos, ac Illustri-
simum Senatores Medici opera pro sua salute egeant. Ut ad

hæc omnia perfectum Medicum eligere queant, Optimi Me-
dici notas edocere conatus sum, hoc libello, quem vobis Il-
lustrissimi Senatores, do, dico, & confesco, ut me ipsum jure
vobis dedidi. Suscipite igitur hoc grati animi munusculum,

majora brevi ab allaturo & sub vestro patrocinio me

fovete, & ab invidis tueamini, ac foeli-

ces valete.



INDEX OPERIS.

Præfatio

Encyclopædia Medica.

De Linguis.

Logica.

De Philosophia.

De Mathematica.

De Anatome.

De Chirurgia.

De Theorica.

De Praxi.

De Diæta.

De Simplicibus.

De Pharmacia.

De Chimica.

sect. 1.

sect. 2.

sect. 3.

sect. 4.

sect. 5.

sect. 6.

sect. 7.

sect. 8.


sect. 9.

sect. 10.

sect. 11.

sect. 12.

sect. 13.



PETRI



PETRI CASTELLI ROMANI DE OPTIMO MEDICO

Præfatio.



Seudomedicorum ignorantia, Optimorum Asclepiadarum litteris, Medicæ artis dignitate, ac dedecore, Amicorum adhortationibus, Discipulorum precibus, Principum Rerumque publicarum commiseratione, atque Populorum jactura, humanique tandem generis dissolutione ad hoc opus exarandum me excitatum, commotum, irritatum, persuasum, lacescitum, inductum, coactum, impulsumque fuisse equidem ingenuè fateor. Nulla ergo lectores, si me in personatos Medicos iratum insurgere conspexerint, admiratio vexet; mirari potius debent, impunè homines occidi, nullo habito delectu, à nebulonibus his qui sese Medicos fingunt: Principes & Magnates concedere, annuere, permittere! Quod si Diogenes Cynicus θαυμάζειν τε εἶπεν εἰ χύτρον μὲν καὶ λοπάδα ὠνγμένοι σκοπόμεν, ἄνθρωπον δὲ μόνι τῇ ὥσει ἀρκέειν. Quo jure Medicum solo aspectu, ac loquacitate probant, eique vitam suam committunt νεότεροι?

Apud D. Laetium Mirari se dicebat, quum ollam quidem ac opculum non sine tactu ac tinnitu emamus, solo in homine emendo aspectu contenti sumus.

Sed digna tanto persoluunt crimine pœnas.

At tu indoctè carnifex.

Fam me prodere, jam non debitas fallere perfide.

Nec facta impia fallacum hominum cœlicolis placent;

*Martial. l. 1.
Catullus.*

Medico indocto quid pejus? βραχυλόγος pecuniam extorquet, vitam tollet! si morbum ignorat, aptum remedium

Theoph. de Caract. c. 3. Porro quisquis volet febre care- *ignorabit: Exaudiant ergo Magnates Theophrastum peripateticum* *ὁρῶντες πάντα δὲ χρὴ ἰεὺς τοιαύτας τῶν ἀνθρώπων καὶ ἀγρά- μενον ἀπαλλάττεσθαι, ὅ τις ἀπύρετος βέλεται εἶναι.*

re, homines *Optimi Medici effigiem, formam, & qualitates hic pin-* *ictiusmodi de-* *gam, proponam, ac demonstrabo, ut, qui Medico indiguerit,* *pellat à se ne-* *cesse est, & se-* *jugatus ab illis* *(ne lucerna accensa, ut alter Democritus, quærat) Asclepia-* *discedat.* *deum non e mentitum, larvatumque seligat sibi: attentas ergo* *præbere aures eum cupio, exhortor, jubeo. Caveatque ut si-* *bi à spuriis, ac ignaris, quos irrident sapientes ac Poetæ. Unde* *Martialis de Diaulo medico lib. 1.*

Chirurgus fuerat, nunc est Vespillo Diaulus.

Cæpit quod poterat, Clinicus est modo.

Et iterum ait.

Nuper erat Medicus, nunc est vespillo Diaulus

Quod vespillo facit, fecerat & Medicus.

Item in malum Medicum.

Hoplomachus nunc es, fueras Ophthalmicus ante.

Fecisti Medicus, quod facit Hoplomachus.

apud Laerti- *um, quid hoc?* *inquit, num &* *eos, qui te ali-* *quando vice-* *runt, nunc i-* *pse dejicies?*

Diogenes verò cynicus Philosophus haud aspernendus, *quum vidisset ignavum luctatorem medicinam profitentem* *τίτῃτο; ἢ ἵνα τῆς ποτέ σε νικῶσάντας νῦν καταβάλῃς; Optimè qui-* *dem Raimundus Mindererus Medicinam induxit lugentem,* *quum tractetur à Sycophantis, Judæis, mulierculis, & ab omni* *hominum fœce. Quapropter jure videntur hujusmodi Medi-* *castri Parabolanorum nomen sortiti: ut legere est apud Eru-* *ditissimum Paulum Zacchiam, & alios; non autem legitimis* *Medicis adaptatur. Nec equidem de Medicinæ origine, Me-* *dici dignitate, ac præstantia sermonem suscipiam à plurimis* *jā exactè prolatum: sed de qualitatibus quibusdam, quibus*

Quest. Med. *lib. 6.* *tit. 3.*

idiotæ

idiota optimum Medicum cognoscere valeat. Primum autem in memoriam reducam Hippocratis nostri legem, in qua: *Vertente Cor-naro.*
Medicina, inquit, omnium artium præclarissima est; verum pro-
pter ignorantiam eorum, qui eam excercent, & ob vulgi rudi-
tatem, quod tales pro Medicis judicat & habet, jam eo res de-
venit, ut omnium artium longè vilissima censeatur, ne igitur
rudis vulgus, & πᾶς δῆμος amplius decipiatur, succurrere in-
cumbo, ne vè ignorantem pro sapiente habeat, sed ἵδὲν noscat,
docebo. Hujus autem fallaciæ causam minimè reticuit Hipp. *Quod verum est.*
 sed addit: At verò hoc peccatum ob hanc potissimum causam
 mihi committi videtur: soli namque Medicinæ nulla pœna in
 Rebus pub. statuta est, præterquam ignominie: verum hæc ipsa
 non afficit, neque contingit eos, qui ex composito personam ipsi-
 us induerunt: simillimi enim hujusmodi Medici sunt personis,
 quæ introducuntur: quemadmodum enim illi figuram quidem,
 & habitum, ac personam eorum, quos referunt, habent, illi
 ipsi autem verè non sunt: sic & Medici fama quidem & nomine
 multi, re autem, & operè valde pauci. Quandoquidem fi-
 ctorum, & πωρόμων pravorumque Medicorum cum apud poe-
 tas non pauca reperiantur ludibria, & opprobria, sicut &
 optimorum laudes, silentio utraque obvoluam. Non enim il-
 le sum qui

Dat Veniam Coruis, vexat censura Columbas.

Juven. sat. 2.

Sed audiat, quæ requirat in Medico Hippocrates. *Quis-*
quis enim, inquit, Medicinæ scientiam sibi verè comparare
volet, eum his ducibus voti sui compotem fieri oportet Natu-
ra, Doctrina, Moribus generosis, Loco studiis apto, Institutio-
ne à puero, Industria, & Tempore. Et hæc quidem ad consti-
 tuendum optimum Medicum expetuntur: siquidem τῇ φύσει
 sagax, docilis, discendi cupidus, & Medicinæ peculiariter de-
 ditus sit, atque amore quodam ipsam amplectens, non autem

vi, aut lucro, alio vè fine remoto, Medicinam aggrediatur. Accedat διδασκαλία, quam à libris, & optimis præceptoribus assumere debet. Moribus conetur esse generosis, ut etiam in iurejurando jubet Hippocrates: Τρόπος etiam εὐφύης maximè facit ad optimum Medicum constituendum, unde constituta sunt publica Gymnasia, & præstantior Medicus est censendus qui in præstantiori Academia doctoratus Lauream suscepit, studuerit, se exercuerit, vel publice docuerit, ut Patavii, Bononiæ, Romæ, Pisis, Perusii, Neapoli, &c. Ubi multitudo adest Medicorum Professorum in omni Medicinæ parte, quales sunt Anatomes, Theorica, Practica, simpliciumque cognitio, quam ἐν ἄλλῳ μικρῷ γυμνάσιῳ. Sic τῇ παιδομαθίῃ optimum constitui Medicum, nam oportuno tempore Medicinæ operam dare cepit, patet: cum Ars longa, vitaque brevis sit, ut clarum est. Ari-
stoteles apud D. Laertium trium dicebat pueros egere: φύσεως, μαθήσεως, ἀσκήσεως. Ingenii, exercitationis, disciplinæ. Φιλοπονίαν præterea requirimus, ac diligentiam in Medico, tum in acquirenda medicina, tum etiam in cognoscendis morbis, atq; remediis. Deniq; κρόνον, quod hæc omnia corroboret, ut perfectè enutriantur, postulat Hippocrates. Hinc seniores Medici junioribus, utpote minus expertis, præferentur. Docti enim ab indoctis eo different. ὅσω οἱ ζῶντες τῶν τεθνηκότων: atque his in Medico existentibus omnibus, et quasi perfectus videatur, ultimum artis Colophonem adesse vult etiam Celsus Præceptor, sic alloquutus: *His igitur ad artem Medicam allatis, & vera ipsius cognitione comparata, tandem per urbes obambulando, non sermone tantum, sed opere Medicos haberi convenit. Quare Medicus, ut ultimum perfectionis gradum assequatur in diversas regiones peregrinari debet, ut Hipp. Gal. & alii præclari viri. Nihili igitur faciendi sunt ii, qui domo nunquam exierunt, plurimi autem, qui multas regiones*

Arist. quo vi-
nientes à mor-
tuis.

giones, perscrutati sunt variarumque Nationum Dogmata, *Sed ut ad in-*
 Mores, Instituta, Morbos, & Remedia considerarunt, didice- *stitutum ser-*
 runt, aestimandi erunt. *πεί δὲ ἔ ὁ λόγος:* implorato divino auxi- *monem rever-*
 lio dicam, cum Timone Philosopho *ἔσπετε ἴν μοι ὅσοι πολυ-* *mibi adesse o-*
πραγμιονές ἔσε σοφισαί. Hominem non hominem declarare, de- *mnes gens im-*
 ceptorem indicare, personatum Medicum detegere, & qualis *portuna So-*
phista. Plaut.
 sit eligendus docere. *Amphit.*

Clara vossum fabulabor, hic auscultet, quæ loquar.

Encyclopædia Medica.

Sectio I.

Qui perfectum evadere in Medicum cupit, is prius
 mediocriter saltem linguas, tum latinam, tum Græ-
 cam adeptus optimus esse Philosophus conari de-
 bet. *Quod opinor omnibus, ἔ lippis notum, ἔ tonso-*
ribus esse. *Ἀσρολογία, γεωμετρίαν, καὶ ἀριθμητικὴν* dicidisse fas est. *Horat. sat. 7.*
 Cadavera dissecuisse, vel saltem *Ἀνάτομήν* pluries inspexisse, ne-
 vē Clinicè tantum, verum etiam, ut Cheirurgicè curare valeat
 (si quando urgens sese obtulerit casus) ipsum in Cheirurgicis
 exerceri convenit: deinde in Theoricis, & speculativis me-
 dicis quæstionibus de rebus naturalibus, non naturalibus, &
 præter naturam versatum esse operæ pretium est: nimirum
 cognitis harum differentiis atque causis, accedat tunc ad
προγνωστικά, quæ Medicum *ἱερὸν, καὶ θεικὸν* reddunt, atque ad in-
 dicationes, quibus rationalis ab Empirico distinguitur, fera-
 tur. Praxim deniquè, ut artificiosè & scienter exercere queat;
 utque citò, & jucundè curet, quod Medici officium esse apud
 C. Celsum lib. 3. c. 4. docebat Asclepiades; nec à se seplasia-
 riis irrideatur, decipiaturve ægrorum jactura. Plantas, & Mi-

neralia de facie cognoscere, simpliciumque miscendorum, atque destillandorum scientiam possidere connitatur. Tunc dicam cum Chrisippo.

*Hic solus sapit,
ast alii velut
umbra ferun-
tur.*

Ὅσις πέπνυται, τοὶ δὲ σκιά διόσουσι.

*Vide quæ nos
ad Bartholi-
num notavi-
mus.*

Virum laudabo, Medicinæ Archiatrum appellans. Nam linguis adjutus, cum latinorum, tum Grajorum monumenta scriptorum facile percipiet. Philosophia instructus, non intelligere tantum, sed judicium quoque ferre de exaratorum veritate poterit. Astrologia ornatus, imminetia prænoscet, ad quam quidem adipiscendam Arithmetica faciet, ut ad discursum Geometria. Anatome verò locum affectum demonstrabit. Una si Cheirurgiæ, Hippocratis Galenique imitatione operam dare non piguerit, ab ipso opem requirentibus agris pariter atque Cheirurgis indoctioribus affectu lethali existente, Barbitonfore ne inferior sit, accessio ipsi fiet. Et ad celerem, securam, blandamque (ut præfatus sum) medellam scientia de simplicibus, de compositis, & destillatoria opem non levem feret: quibus munitus instrumentis, coadjuvante assidua probatorum auctorum lectione, (ut nulla dies sit sine linea) & frequenti, nec non accurata Aegrorum inspectione facile *ιατροκρίματος* evadet, cum Theoricus, tum Practicus, utpotè qui omnium artium absolverit *ἐγκυκλοπαιδίαν*. Idiotam verò his privatum dotibus, meo consilio, negligant, suamque vitam nequaquam illi orco manu mittendam committant. Quas ut facilius in Medico recognoscant, damus ita elucidata, ut Pseudo Medicos expellant: nam

*Horat. l. 2.
d. 2.*

*Crescit indulgens sibi dirus hydrops,
Nec sitim pellit: nisi causa Morbi
Fugerit venis, & aquosus albo
corpore languor.*

De Linguis.

Sectio. 2.

SI ergo nuper dicta Magistri in arte Asclepiadea ἐργαλεία exactius perpendere libuerit, ut Oratoriam ex instituto profiteri Medicum dedecet, cum ex C. Celso Morbi non eloquentia, sed remediis curentur, quæ si quis elinguis, usu discreta bene norit, hunc aliquanto maiorem Medicum futurum, quam si sine usu linguam suam excoluerit. Proinde Asclepiam ex Rhetore Medicum factum irridet Plinius lib. 26. c. 3. Nos verò dicendi artem doctamque Latinam elocutionem commendamus, si fuerit perspicua, & facilis intellectu; obscuram, salebrofam, ut tradendis scientiis ineptam, vituperamus: sicuti Valesius lib. 6. cont. 1. Rhetorica ornatum Medicum commendat, dummodo nè pro Rhetorica mordacitatem impudentem magis quam elegantem rependat. Dicebat etiam de Epicuro Philosopho insigni Diogenes Laertius, adeò apertum dictione fuisse, ut in libro de Oratoria nihil aliud quàm perspicuitatem orationis inquirendam, ac prosequendam moneret. Diogenes etiam Apolloniates: Qui docere aliquid instituit, ei operæ pretium, inquit, est, oratione simplici, atque pudica uti. Procul igitur ab ægris sint Poëticam, Rethoricamque profitentes Medici, cum enim tempus terant, totique incumbant in has artes, nihil Medicinæ conferentes, quæ per se ars longa, difficillimaque est, nihil illis otii ad Medicinæ partes speculandas restat, unde sic loquacem Zeno objurgavit: τὰ ὦτά σε εἰς τὴν γλῶτταν συνεῖρκε. Dicam ego: Ingenium, artem, & manus in lingua esse posita. Et equidem barbaram eloquutionem fugio, nimis elegantem non quaro: idem enim mihi videtur dicendum de affectata Latinitate. *Aures tuae in linguam confluxere.*

nitate, quæ doctrinis tradendis, obscuritatis gratia, minùs apta est, quod de Orationibus dialecticis docebat Aristo Chius Stoicus: Aranearum telis similes esse, quæ etsi quid artificiosum indicare videantur, inutiles tamen sunt. Sed mentem adhibete, (amabo vos) ad ea, quæ Gal. tractatu de Ordine librorum suorum protulit. Neque enim, inquit, nos volumus, quod nonnulli nunc jubent, omnes voce Atticissare, sive illi Medici, sive Philosophi, sive Geometri, sive Musici, sive Farisconsulti, aut nihil etiam horum, sed alioqui, vel opulenti, divites sint: verum contrarium intendo; neminem prorsus ob orationis solæcismos esse reprehendendum incessendumvè. Præstat etenim lingua, quàm vita solæcismos, barbarismosque committere. Quin & libellus aliquando mihi scriptus est contra eos, qui in Solæcissantes voce invehuntur: tantum abest, ut eruditionis esse partem aliquam Atticismos asseram. Ecce audivistis Galenum nihili facientem exquisitam sermonis elegantiam, licet ipse elegantissimè scripserit. Quare ex Galeno exactus sermo, vel Atticus, vel Latinus non est eruditionis pars, nec in medico requirendus. Sic Avicennæ, Rasis, Averrhois, cæterorumque Arabum eorumque commentorum, & sequacium doctrinam recipimus, barbariem sermonis non accusantes. Et ex his discat Idiota, Medicum, qui proficitur elegantiam sermonis, atque dicendi artem, sæpissimè in medendo minùs valere, quàm barbarè loquentem, quia non eloquentia, sed Medicamentis curantur ægri. Imò si videor Medicum natura deditum Rethoricæ, & in hac gloriosum, dicam ineptum Medicum, eò quod natura ad pædagogiam non ad medicinam illum genuit, *ιατρος ἀδελεχός νοσῶντι πάλιν νόσος*

Verum enim vero γλωσσῶν peritia Medico optimo necessaria est: ut sermone latino non possit carere (ut cum eodem loquar

loquar Vallesio) sine magna turpitudine, Græco non sine turpitudine solùm; sed neque sine magno artis dispendio, cum hujus sermonis ignorantia, quod Hippocrates, Galenus veteresque *ιατροὶ* scripsere, sophismata indissolubilia, contradictionesque protulerit infinitas. Eloquentiæ certè parens Tullius lib. de fin. à Græcis Philosophiam, *Et omnes ingenuas disciplinas habemus*, inquit, immo de Clar. Orat. *Græca oratio*, ait, *plura ornamenta suppeditans consuetudinem similiter latine dicendi affert*. Nos paucos hic invenimus Medicos, qui elementa Græca cognoscant, ac legere didicerint.

Sed equidem illum quoque mirum in modum commendarem, qui Arabici peritus esset sermonis. *Nos est in vanum fabula victa jocum*. Nobis enim genuinum Avicennæ, Serapionis, Haly, Mesues, Averrhois Avenzoar, Albucasis, & aliorum doctissimorum Arabum sensum exponere posset; verùm scientiam laudo, non requiro. Tibullus l. 3. cap. 4.

Logica,

Sectio. 3.

Scientiarum instrumentum, quum *Διαλεκτική* nuncupetur, quis medico non necessariam dicet? profecto nisi is perfectus Logicus fuerit (utpotè qui imperfectum scientiarum instrumentum fortitus sit) perfectus esse *Φυσικός*, & consequenter Medicus omnibus suis partibus expletus, minimè poterit. Clarissimum id est, tum Auctoritate Gal. 3. de fin. med. fac. intio, & 1. ad Glauc. lib. de sect. c. 19. tum Haly Albatis. 1. Theoricæ c. 3. & aliorum; sed præcipuè Valesii loco cit. expressè scribentis. *In logica, Et Philosophica, quam naturalem dicimus, vellem Medicum mul-*

tum profecisse; aut si cui id non contingit, solis artis operibus contentum esse, à docendo abstinere, cum ex Dialecticæ ignorantia infiniti emergant errores; tum rationibus H. Cardiani (quas piget referre) l. 1. contrad. tract. 3. cont. 1. concludentis necessariam omnino esse *Διαλεκτικήν* Medico; tum denique Galeni, Avicennæ, Cardani, Argenterii, Valesii, Capi-vaccii, Baccii, Libavii, Cæsalpini, & similium exemplis, qui optimi Logici fuerunt, & Medici præstantissimi, plurimique præclari Philosophi, ut Plato, Aristoteles, Chrisippus, Galenus, Averroes, D. Thomas, & Scotus Logicam docuerunt: imò Augustinus Niphus Sueffanus Medicus insignis, Toletanus postea Cardinalis; Petrus Hispanus, postea Joannes XXII. Pontifex, & alii viri clarissimi logicos tractatus ediderunt. Proinde

Ceterum absq̃; dialectica speculatione sapientem in creatione sine lapsu non futurum: quippe ex illa dignosci verum, atque falsum, probabile item & quod ambiguum dicatur intelligi.

quod maligni quidam *ἀρχαίματα* mihi vitio vertunt, ejus ego glorior, nempe primum per aliquot annos Romano in Gymnasio *Διαλεκτικήν* & *Φιλοσοφίαν* professum me fuisse. Moneo autem Principes, ac Respublicas, ut si quando Professorum aliquem pro publico Gymnasio eligendi occasio adveniat, Logicæ serio operam dedisse præsciant, alias irridendi amethodi illi medicastri, qui carentes scientiarum instrumento, nec docendæ, nec exercendæ medicinæ scientiam habere queunt. Nec huic meæ opinioni refragatur Zeno, qui scripsit: *ἐκ ἀνευ δὲ τῆς Διαλεκτικῆς θεωρίας τὸν σοφὸν ἀπώτον ἔσσεθαι ἐν λόγῳ, τότε γὰρ ἀληθές ἢ τὸ ψεῦδος διαγινώσκεισθαι ὑπ' αὐτῆς: ἢ τὸ πιθανόν, τότε ἀμφιβόλως λεγόμενον δὲ εὐκρινεῖσθαι*, at de logicæ dignitate, & utilitate agere non est hujus loci.

De Philosophia.

Sectio 4.

Naturalis autem est, & de sanitate, & in-

Philosophiæ si Medicina subalternatur ex Arist. lib. de san. & morbo, dicente, ubi desinit Physicus incipere Medicum,

cum, eo quod ad particularia magis iste descendat, nonne ^{firmitate pr} hanc supponit? quod etiam repetit lib. de sensu, & sensili c. i. ^{cognoscere} hisce verbis: Φυσικὴ δὲ, ἢ περὶ υἰγείας ἢ νόσων, τὰς πρώτας ἰδεῖν ἀρχὰς ^{principia nec} οὔτε γὰρ υἰγείαν ἔτε νόσον οἷον τε γίνεσθαι τοῖς ἐξηρημένους ζῶντι, διὸ σχεδὸν τῶν ^{n. sanitatem} περὶ φύσεως οἱ πλείστοι, καὶ τῶν ἰατρῶν ὃν φιλοσοφώτερος τὸ τέχνη ^{nec infirmita} μετιόντες, οἱ μὲν ἐλευθῶσιν εἰς τὰ περὶ ἡλικίης, οἱ δ' ἐκ τῶν περὶ φύσεως ἀρ- ^{tem possibil} χονταί περὶ ἰατρικῆς, quo igitur modo Philosophia carere medi- ^{fieri carenti} cus potest? raturum sit, optimam non posse Medicinam esse, quæ ^{bis vita.} optimæ non subalternetur Philosophiæ: hinc faciliè fuit Ga- ^{Quare ferè na} leno in libello dicato, Optimum Medicum esse optimum ^{turalium plu} Philosophum probare: Quo jus solius auctoritate constat, ^{rimi & Medi} necessariam esse Medico Philosophiam, & adeò ut optimus ^{corum qui ma} Philosophus optimus Medicus dicatur; mediocris verò, ^{gis Philosophi} Medicus mediocris; & ignarus Philosophiæ, Medicinæ quo- ^{cè artem per} que ignarus: Addam ex Hipp. de decenti ornatu. Nequaquam ^{sequuntur, ill} sejunctos, sed simul connexos ambos esse. Unde (suorum ^{quidem finium} librorum initio admonente C. Celso) medendi scientia sapien- ^{in iis quæ d} tiæ pars habebatur, ut & morborum curatio, & rerum na- ^{Medicina, h} turæ contemplatio sub iisdem auctoribus nata sit, ideoque ex ^{verò in iis, qu} sapientiæ Professoribus peritos ejus fuisse accepimus, claris- ^{ad Naturam} simos verò ex his Pythagoram, Empedoclem, & Theo- ^{spectant, me} phrastum recensent scriptores. Nec ullus unquam censetur ^{dicinam inci} optimus Medicus, quin etiam fuerit optimus Philosophus, ^{piunt,} ut Galenus, Avicenna, Fernelius, Duretus, Fracastorius, Baccius, Cæsalpinus, Eraustus, Cardanus, Scaliger, Argenterius, & similes alii: noster autem Hippocrates mox citato ^{Medicus} libro *ἡ γὰρ φιλόσοφος, ἰσόθεος*, scribere non erubuit; adeò ^{Philosophus} deniq; Medico necessaria ab omnibus habita est Philosophia, ^{similis Dec.} ut à cunctis Academiis medicam Lauream nulli sine Philoso- ^{tit} phia conferendam esse statutum fuerit. Et quid quæso ^{tit} Medicina est, nisi particularis, & sensibus objecta Physica?

ut Zuingerus Theat. tom. 3. lib. 2. asseveravit. Epicurus au-

tem in Epist. ad Meneceum scriptum reliquit: *Μή τε νέος τις ὧν*
μελλέτω φιλοσοφῆν, μήτε γέρων ὑπάρχων, κοπιᾷτω φιλοσοφῆν,
Neque juvenis quispiam dum est philosopha-
re negligat, neque senex cum sit Philo-
phando fati-
getur.

quare Medicus, qui habita Doctoratus Laureā, Aristoteli & Philosophiæ valedicit, per nos etiam valeat, & à docendo, ac etiam medendo abstineat. Ego Philosophari in describendo Montis Vesuvii incendio fui coactus. Eminentissimorum Cardinalium jussu: quid præstiterim, eruditorum sit κρίσις. Profecto Admodum R. P. Joannes Baptista Masculus Neapolitanus è Societate Jesu, laudatus vir, sic laudare voluit nos de incendio Vesuvii scribentes,

EPIGRAMMA.

*Dum scribit cineres, & nigri busta Vesuvi,
 Nec cineres possunt jam, neque busta mori:
 Quis neget æternum victurum nomen in ævum,
 Per te si didicit vivere posse cinis?*

Qui idem doctissimus Vir nostram novam opinionem de Nitro Incendio Vesuvii cum Vicentio Alfario Crucio publicè commendavit. Præterea librum etiam 1. & 2. Arist. problematum publicè explicavi.

De Mathematica.

Sectio 5.

PORRÒ adeò necessaria Medico αστρολογία est, ut Galenus I. meth. initio, & item lib. 1. si quis opt. med.eum, qui τῆς αστρονομίας imperitus est, haudquaquam Hippocrati ad illam suadenti obsequi, scripserit: siquidem Divinus senex non solum ad ipsam nos hortatur adipiscendam; sed multa

multa etiam lib. de aere, aquis & locis; in aphorismis; primo de Diata, & περὶ ἐπιδημικῶν libris docet, quæ non nisi Astralium motuum perito innotescere queunt. Nec tutò mederi in pharmacorum exhibitione, & phlebotomiæ usu, poterit, nec quicquam de infirmi salute, periculovè, nec de Criticorum dierum causis, qui τῶν ἀστροῶν ἐπισήμην ignoraverit, sermone prosequi valebit.

*Istuc est sapere, non quod ante pedes modo est
Videre, sed etiam illa, quæ futura sunt
Prospicere.*

*Terent. in
Andr. u. 3.
sc. 3.*

Adeoque iterum inquam, Medico est necessaria ἀστρονομία, ut sacrum Concilium Tridentinum, cum omnibus sub Anathemate libros Astronomicos denegaverit, eos tamen Medicis legendos, retinendosque concesserit. Hipparchus (de quo Plinius nunquam satis laudatus Hipparchus ait) de Vinc. spiritus. *Medicus, inquit, sine Astrologia, est quasi oculus, qui non est in potentia ad operationem.* Albumetar in introductorio: *Astrorum scientia est principium Medicinæ Bartholomæus Vespuccius. Medici sine Astrologiæ cognitione sanguinis minutionem, aut pharmaca ægris non nisi cum periculo administrabunt: Federicus Chrisogonus c. 14. de prognost. ægrit. Per Astronomiam facultati Medicinæ, non solum omnes partes Medicinæ, tam Theoricæ quam practicæ perficiuntur; veram etiam ipsum judicium, quod per Mdicinam incomprehensibile est, fit tamen per ipsam Astronomiam comprehensibile.* Legi etiam libellum à Petro de Albano Latine traductum, titulo Hippocratis de Medicorum Astrologia, in quo scribitur: *Qui autem nescit Astronomiam, non poterit scire ejus ægritudinem.* Hinc Doctissimus Franciscus Valesius loc. cit. *Astronomiam, ait, deident nonnulli, ut ad Medicinam nihil utilem; non aliorsum, quam ut hac ratione propriæ ignoran-*

tiae pudorem effugiant. Nec equidem vobis suadeo, ut huic scientiæ vos totos tradatis; sed ne penitus ignari esse velitis.

*Hippocratis
Astrologia.*

Ego autem Hippocratis Astrologiam totam c. 12. lib. 1. meæ Emeticæ inclusi, quam ibi cuilibet, si placuerit, legere licebit. Magirus autem de legitimo Astrologiæ in Medicina usu perdoctum edidit libellum.

Huic τῆς μαθήσεως aliæ partes connectuntur, κοσμογραφία, μουσική, γεωμετρία, ἀριθμητική, quæ artes nobiles sunt, & ex Galeno in oratione suaforia primam sedem apud Deum Mercurium occupant. Hisque omnibus Medicum perfectum indigere nos monitos voluit l. meth. c. 1. & utilitates docet lib. de cujusque animi peccat. cap. 2. nec non 4. de Hipp. & Plat. decret. c. 4. Ita etiam libro: Si quis opt. med. initio, præterea se plurimum ab his adjumenti recepisse fatetur de lib. propriis, c. 11. Sic Valesius, harum exquisitam peritiam in Medico ut non damnat, ita mediocrem ob utilitatem commendat. Sed his prior magnus Hippocrates Epistolam Thesfalo filio lectu omninò dignam conscripsit, qua clarè ostendit, admodum necessarias esse Medico Geometriam, & Arithmeticam. Scripsit autem Diogenes Laertius, Xenocramentem ad eum qui neque Geometria, neque Astronomia instructus, ludum suum frequentare cupiebat. Προεύου, ἔφη, (dixisse) λαβὰς ὃ ἐν ἔχεις φιλοσοφίας: ac si quis sine his Philosophus esse nequeat: Quod si non Philosophus, neque etiam Medicus. Equidem paucos hic inveni hisce instructos artibus.

*Abi, anst n. &
adminiculis
philosophia ca-
res.*

*Tibul. lib. 3.
cl. 4.*

Nec similes chordis reddere voce sonos.

*Utilitas Pictu-
ra.*

Addere liber, etiam Picturam Medico utilem fore; quam Galenus in Oratione citata in secunda sede apud Deum Mercurium collocavit, sic enim Medicus in pingendis Animalibus & Simplicibus, quæ picta spectantur in Philosophorum, Medicorumque libris, Pictore opus non habebit: quod mihi maximo

maximo fuit auxilio in pingendis plantis in Horto Franciano à me quondam alieno nomine editis, in meis Insectis, & in Officina chymica. Quod etiam maximo fuit ornamēto Fabio Columnæ botanico insigni, dum propria manu plantas delineabat, & incidebat æri: jure igitur ob multiplicem scientiam Medicus dicitur artifex universalis.

De Anatome:

Sectio 6.

DE Corporum Dissectione quid dicam? est ne, qui utilem, ac necessariam esse medico negare audeat? Gal. certè 2. de Anat. adm. c. 1. Domi, inquit, apud parentes Antiqui à pueritia exercebantur uti lectione & scriptura, sic etiam Cadaverum confectionibus: multum enim veteres non modo Medici, verum Philosophi quoque Anatomæ studuerunt. Erat igitur (ut etiam Andreas Laurent. lib. 1. c. 8,) apud antiquos hæc veluti primum medicinæ rudimentum, Ἀρχή, initium, atque basis. Hinc medicus sine Anatomica peritia, sine cognitione artis suæ principiorum erit: erit & ignarus, & ἀπειρος structuræ proprii subiecti, circa quod toto vitæ suæ curriculo versandum ipsi est, qui quantum ob id erret, 3. & 4. de Anat. adm. utroque; c. 1. explicavit Galenus, expressè addens: ultra sexcentos errores eum committere: sed præcipuè in loci affecti dignotione, ut libro primo de loc. aff. initio: *Partes*, inquit, quæ in imo corpore latent, exercitatum ratione virum desiderant, cum in partium actionibus, & utilitatibus, tum vel maxime in præcedentibus eos corporum dissectionibus, quippe hæ nos docuerunt cum alia permulta, tum cujuslibet partis proprietatem. Eodem modo in præfat. sui libri scripsit C. Celsus,

sus, incidere mortuorum corpora discentibus necessarium.
 Nam positum, & ordinem membrorum ἐμφανῶς nosse de-
 bent; insuper And. Laurentius loco præcitato. *Quisquis,*
Perspicuè. inquit, partium humani corporis historiam ignorabit, is ea-
 rundem affectus male dignoscet, pejus curabit, pessimè quie-
 vaturi sint, aut non evasuri prædicet: Nec valet rem abo-
 minandam cadaverum sectionem dicere: cum Medici for-
 didiora tractent, & Reges, Principes, ac Philosophi eam non
 sint aspernati. Magnus Alexander, qua Dux, qua Philoso-
 phus eminentissimus, sub Aristotelica disciplina partium A-
 nimalium naturam & διαθεσιν se observasse gloriebatur. Et
 Marcus Antonius Imperator sui corporis constitutionem ex
 Anatome se novisse, fatebatur: Antiquos etiam Ægypti Re-
 ges cadavera ἐπιμελῶς suismet secuisse manibus, litteris pro-
 ditum fuit: ita Galenus Boetium, & Paulum Sergium, viros
Accurat. Consulares, sibi anatomen exercenti adstitisse narrat. Non-
 nè Hippocrates Democritum varia Animalium corpora dis-
 secantem invenit, qua propter sapientissimum judicavit? Pla-
 to in Timæo. Aristoteles de Hist. Animalium adeò exactè
 de Anatome scripserunt, ut pateat præstantissimos Anatomi-
 cos fuisse. Decretum etiam esse volo, neminem fuisse Medi-
 cum præstantissimum, qui Anatomen ignoraverit, & quemli-
 bet exactum Anatomicum fuisse laudatum Medicum, ut ex
Anatomici fu- Neotericis Vesalius, Sylvius, Fallopius, Aquapendens, Colum-
ere Medici o- bus, Piccolominus, Bauhinus, Asellius, Casserius, Spigelius,
ptimi. Vidus, Varolius, Paræus, fuere. Ex Antiquis verò Hippocra-
 tes, Erasistratus, Lycus, Marinus, Ruffus Ephesius, Martia-
 nus, Herophilus, Eudemus à Galeno citantur, ut in Anatome
 præclari, & in Medicina perfecti, ac celebres. Denique pru-
 dentissimum, sapientissimumq; eorum laudabo consilium, qui
 condiderunt, & adhuc præsunt publicis Academiis Patavi-
 na,

na, Bononiensi, Pisanæ, Neapolitanæ, atque Romanæ, ubi quolibet anno, tum publicè, tum privatim Anatome diligentissimè celebratur. Certo scientes neminem bonum Medicum futurum, qui saltem non aspexerit corporum dissectionem. Eodem optimo Consilio Regni Sicilia Protomedicus ex Federici Imperatoris constitutionibus cap. de Medicis, sic habet: *Quod quolibet quinquennio in aliqua insignium Sicilia laudat Civitatum Regni, aut loco convenienti fiat Anatomia: in^{ta} lex.* quo cuncti Medici tam Physici, quam Chirurgici requisiti conveniant. Nisi constet, quod fuerint legitima causa impediti. Qui verò contravenerint, solvant expensas necessarias prædicto exercitio, & ultra, uncias duas. Deinde Philippus Ingrassias in editis Regis Sicilia Protomedici Constitutionibus, id pluribus explicat, ampliat, & majorem poenam anatomem negligentibus præscribit: quod salubre institutum in Sicilia, modo neglectum, adeò officit discipulis in istius Regni Academiis studentibus, ut magni, perfecti, & veri Medici nunquam evadere possint, & Magnates, ac Populi plurimum ex hoc percipiant detrimenti, cum ἐν παιδείαν sectionibus à pueritia exerceri deberent. Hinc Principes, & Respublicæ Medicos suos, qui nunquam Anatomen inspexerunt, Medicos sciant esse cæcos, quippe qui, quod intus corpora gestent, quid sit conservandum, quid alterandum, quid demendum, quid addendum ignorent; necnon quæ pars interna doleat, ubi sita sit, quem usum habeat, per quos ductus humores sursum, & deorsum fluant, & similia nesciant, & ideo tanquam cæcos semper fore, ut errent in Medendi Methodo, in cognitione loci morbo vexati, & in remediorum impositione, & si quem sanabunt, casu sanabunt, non vera scientia, quæ est rem per causam scire & facere, *Ovem lupo commiserunt: Terent. Eunuch. 5. s. 2.* Caveat igitur sibi quilibet à Medico Anatomes ignora. Vos

verò Idiotæ attendite, si Medicum corporum dissectiones vituperantem audiveritis, hunc anatomes ignarum judicetis, quia scientiæ non vituperantur nisi ab iis, qui eas non possident. Si mortuos tractare metuitis, jam fœminæ, non viri estis, sine hac scientia manebitis, sine Medicina.

Juvenalis sat.

Exagitata procul non intrat fœmina limen.

Solis ara Dæ maribus patet, ite profanæ.

At audiavi quendam insusurrantem. Sordidus es carni-

Euripidis
Jon. actu 4.

Sed quod est ex Galeni, Vesalii, & aliorum libris corporum constitutionem discere.

in alios ipse

machinate

sumus malum,

id jure in no-

strum recidit

caput.

Recte quidem! dicito nunc:

*δρᾶσαι τι κακὸν τὰς πέλας, αὐτὰ
πειτόμεθ' ὥσπερ τὸ δίκαιον.*

Quis est carnifex, respondebo, egone, qui cadavera seco, an tu, qui (ob tuam ignorantiam) occidis vivos? dic si Galenus, Vesalius, & similes, alienis libris contenti fuissent, quos legeremus perfectos Anatomicos libros? Asylum est ignorantium, vituperare quod ignorent: sicut nemo nauta ex libris, ita nemo anatomicus; & consequenter sine oculata Anatomies inspectione nemo perfectus Medicus; & si quis est audax παντόμιμος (ut multos agnosco) quem contra hæc insusurrare non pudeat, palam loquatur: tu Zoile accede huc:

Terrent. in

Eur. n. 1. f. 2.

Theod. Eidill. 5.

Si tibi credi-

dero flammis

crudelibus

uratur Daphni-

dis.

Accede ad ignem hunc jam calesces plus satis.

Ut ego publicis scriptis loquor, ita & tu contra loquaris, aliàs huic, ut maligno, nemo credat, & ego. εἰ τοι πισεύσαιμι, τὰ δάφνιδος ἄλγέ, ἀροίμαν. Quare consulo Principes, & quoscunque, ut Medicos sibi Anatomes gnaros eligant: alias neque Morbum, neque locum morbo vexarum dignoscant: cum autem ignoti nulla sit curatio Morbi; hujusmodi

virum

virum, non curatorem, sed occiforem vocabimus, cane & angue magis fugiendum. Nos ad institutum revertamur: ego si Deo placuerit Typis edam *Sepulcretum* meum, seu Anatomicas Observationes, quas in centum Cadaveribus Romæ sectis annotare licuit, quod opus M. Aurelius Severinus in Neapolitano Lyceo Anatomicus peritissimus pluries tum privatim exposulavit, tum publicè suo aureo tractatu de recondita abscessuum Natura. Placent igitur mea doctis.

De Chirurgia.

Sectio. 7.

A Natomix χειρουργία, manualisvè medendi peritia affinis est, quam si exercere optimus Medicus non vult, ignorare non debet. Hippocrates, Galenus, immo Podalirius, & Machaon, eorumque pater Æsculapius perfectissimi fuerunt Chirurghi, & hunc quidem χειρουργικὸν Apollodorus lib. 3. de Deorum origine vocat. De illis verò Homerus Ἰλιάδος β, sic loquitur: Ἰητῆρ' ἀγαθῶ, ποδαλείῳ, ἢ δὲ μαχάων, & Iliade 4. inducit Machaonem ad Menelaum curandum sagitta vulneratum, & Æsculapii optimi medici filium vocat: Φῶτ' ἄσκληπιῶ υἱὸν ἀμύμον' Ἰητῆρ'. Deinde narrat sanguinem exugisse, levia medicamenta peritum inspersisse, quæ suo quondam patri ab eo dilecto dederat Chiron. Verba sunt hæc:

Αἶμα' ἐκμυζήσας, ἐπ' ἃρ' ἤπια φάρμακα εἰδὼς

Πάσσε, τὰ δὲ πότ' πατρὶ φίλα φρονέων ποτὲ χείρων.

erant igitur Medici, & simul Chirurghi: immo à Chirurgia (ut ajunt) ortum Medicina duxit: sæpe autem Medicus Physicus in vulneratis, dislocatis, fractis, apostematibus, ulceri-

*Sanguinem
exugens
levia medica-
menta peria-
tus.*

*Inspergebat
que suo quon-
dam patri di-
ligens eum de-
dit Chiron,*

ceribus laryngis, aliarumque partium morbis manua-
 lem operationem requirentibus convocatur, ut chirurgis & barbi-
 tonforibus imperitis auxilium præstet: si fortè contigerit
 (quod Deus avertat) Medicum chirurgiæ esse ignarum, & cor-
 poris fauciati structuram internam nunquam vidisse: non-
 ne pro Medico Asinum introduxere; nonne cæcus cæcos
 ducet? sed quis quæso in caveam incidet? an ambo, Me-
 dicus, & Barbitonfor; an solus æger? hanc ignominiam, &
 hoc periculum quilibet optimus Medicus derivare debet: ne
 à barbitonfore non modo indecore convincatur, & irridea-
 tur; sed etiam, ut indoctiores chirurgos instruere valeat,
 quare scientiam chirurgicam saltem obtineat, si manu non
 exerceat.

Medici dede-
 us.

Terent. in
 And. a. 2. sc. 1.

Quoniam id fieri, quod vis, non potest, velis id quod possis!
 Omnibus autem Chirurgis adeò necessariam esse Anatomem
 habeo, ut nulli in chirurgia doctoratus lauream conferendam
 censeam, qui Anatomes fuerit inexpertus, quod Nobilis
 Collegii Messanensis Prior hoc anno præstare decrevit. In
 Chirurgicorum autem commodum librum confeci *de Fa-*
sciis, ubi fascidi modum, & usum in omnibus corporis par-
 tibus cum suis iconibus doceo. Libellum etiam de strumis
 confeci.

De Theorica.

Sectio 8.

NE censeat quis Theoricam medicam consistere in
 ornato, & eloquenti sermone, nec in sophistica
 redargutione. Profitentur quidem aliqui semper
 collegæ contradicere, ut boni Theorici habeantur
 vulgo: Sed Zoili, & sophistæ sunt, omnes alios Medicos
 vitu-

vituperant, irrident, sed quid sit Medicina, ipsi ignorant. Sci-
ant ergo trifariam dividi Theoricam: in τὴν Φυσιολογίαν, quæ
agit de rebus naturalibus, nimirum de elementis, de corporis
structura, de usu, & de actionibus singularium partium, &
de earum temperamentis, de spiritibus & humoribus corpo-
ris, de calido innato, de facultatibus, ac de vi genitricæ. Qua-
re ut Medicus sit bonus Theoricus in Physiologia debet opti-
me nosse, quæ sit facultas animalis, quæ vitalis, quæ naturalis,
quæ generativa; quid sit calidum innatum, quid agat in cor-
pore, quot sint spiritus, quot humores, & quales; Corporis
partium situs, usus, actiones, & temperamenta; nec non et-
iam elementa, quibus constant corpora. Secunda Theoricæ
pars Pathologia dicitur, quæ circa res præter naturam, nempe
morbos, causas, & symptomata versatur; & bonus Theori-
cus morborum differentias, & causas; causarum differentias,
& species; ac symptomatum distinctiones, & causas exactè
scire debet.

Disciteque ô Miseri, & causas cognoscite rerum.

Tertia denique pars Prognostica vocatur, quæ proprie
futura prædicit, licet etiam præsentia indicet, & præterita in
memoriam reducat. In prædicendo autem futura, non imi-
tetur Medicus dæmonum Oracula obscura, nec Sphingis æ-
nigmata: sed optimus Theoricus, modum & tempus even-
tus certè, & clarè prædicet. Ob id pulsum, & Crisis doctri-
nam habere debet eximiam: qui autem hæc omnia perfectè
noverit, erit perfectus Theoricus, & sine his non poterit ef-
se bonus Medicus. Et ideo in publicis Academiis institu-
tum est, ut Professores Theorici Hip. Aphorismos, Galeni
Artem Med. & Avic. primam fen. 1. libri explicent, quia hic
omnia, quæ ad Theoricum spectant, continentur. Unde Pro-
fessores Theorices hanc Medicinæ partem callere debere ne-

Persius Sat. 3.

*impossibile os-
set ita dicere
nisi ebrius te
genuisset pa-
ter.* mo sanæ mentis negabit, quin cum Zenone dicam, qui
 Ἀδύνατον εἶπέν ἐ μὴ σε ὁ πατὴρ μεθύων ἐξύνησεν: dicebat. Non
 tamen sufficit sola Theorica, sed praxi debet jungi: alias
 claudicabit Medicina: & medicus, vel Theoricus tantum, vel
 tantum Practicus, non Medicus perfectus, sed Vulcanus clau-
 dicans erit. Ad Theoricam autem spectant Tractatus meus
 de Abusu Phlebotomiæ jam editus, & alter edendus de Ve-
 ro usu Phlebotomiæ, Introductio ad Tyrones, alter de diffe-
 rentiis & causis morborum & symptomatum ad Tyrones: de
 Crisibus, de Methodo medendi, de signis locorum patienti-
 um, & denique commentaria in Hippocratis librum περὶ
 παθῶν.

De Praxi.

Sectio. 9.

Commendatur Medicus practicus: Istam autem pra-
 xin medicam censent aliqui, eum, qui multos visi-
 tavit ægrotantes obtinere; sed falluntur: nam si
 sine judicio & diligentia visitavit, nihil utilitatis per-
 cepit Medicus, sicut nihil opis æger. Verum quidem est
 bonum practicum multis curis fieri, seu multis experi-
 mentis; unde nec juvenis, nec qui paucos invisit ægros,
 poterit esse expertus, & consequenter practicus, nec pra-
 cticus bonus est, qui experimentis aliquot alienis medici-
 nam facere audet, sed Empiricum appellabimus: cui, quia
 Experimentum fallax, nisi recto judicio jungatur, fides
 nulla adhibenda, sed in memoriam reducenda ea, quæ in
 præfatione ex Hippoc. in Medico docebamur requiri: nem-
 pe non solum Naturam, Doctrinam, institutionem à pu-
 ero, & tempus, sed etiam peregrinationem per varias re-
 gio-

*Quis Medicus
practicus.*

giones. Unde Medici, qui è patria non discesserunt, nunquam boni practici fient.

Equidem Medicum expertum, & in praxi optimum *τεχνίτην* dicam, qui cognito morbo, ejus causis, & loco affecto, indicationes particulares elicere sciverit, nec non exactè quid coindicetur, contra indicetur, permittatur, vel prohibeatur, *διωρησμένως* noverit, & ita instrumenta Medica, quæ sunt Diæta, Chirurgia, Pharmacia (cujus species sunt simplicium cognitio, horum præparatio vulgaris, & chemia) noscet. Et sciat etiam quantum, quando, ubi, & quomodo hæc adhibenda, quia Occasio præceps, *ὁ δὲ καὶ πρὸς ὁξύς*. dicebat summus Medicinæ dictator. At Poëta.

Helleborum frustra, cum jam cutis ægra tumebit,

Pers. Sat. 3.

Poscentes videas, venienti occurrere morbo.

Quisquis igitur optimus practicus *πανταχῇ* evadere cupit, diligenter Methodo consultandi à me traditæ studeat. Evacuandi modos omnes, non per pharmaca solum, sed per Chirurgiam, & diætam quoque scire conetur, iisdemque methodis Derivantia omnia, Revellentia, atque alterantia; tum interna, tum externa callebit, & à tota substantia agentia non ignorabit: pharmacorum etiam eligendi, ac præparandi scientiam habeat. Ita aptis instrumentis munitus, & pulsum ac urinarum, ob frequentatos actus habita peritia, optimus erit practicus & si simul quoque optimus fuerit Theoricus, dici perfectus, & omnibus numeris absolutus Medicus poterit. At ego primam Decadem Epistolarum jam luci exhibui, reliquas deinde communicaturus, in quibus licet adsint promiscua, multa tamen ad praxin faciunt. Edam etiam Deo favente animadversiones in Disquisitionem generalem ad Historiam foetus Vincentii Allarii Crucii. Item Consilia medica, Tractatum de Urinis, De mor-

*Methodus
consultandi.*

bis puerorum, Ac de peste commentationem Politico-Medicam. De Vomitu autem jam liber primus typis excusus extat. Secundus sub prælo est. Brevi edam de ratione colligendi librum, prout discipulis traditus fuit.

De Diæta.

Seçtio 10.

Praestat Medicum esse coquum, non quidem quod serviliter, & manu propria ægris inserviat, quod à Medici dignitate procul abest; Sed ut præcepit Optimus inter Medicos Gal. 2. de Alim. fac. c. 27. qui loquens de Olivis hæc protulit verba. *Quos artis obsonatricis periti variè præparant: cujus artis nolim medicum omnino esse ignarum, nam quod suavius est, facilius iis, quæ ex æquo sunt salubria, concoquitur: Verum non est nunc dicendi locus neque de obsonatricis speculationis peritia, neque de arte ipsa; alius enim locus ipsius est proprius.* Ex quibus verbis colligimus primo duplicem esse obsonatricem, speculativam peritiam, & artem; secundo hanc ad Medicum pertinere; tertio patet explicatio Hipp. aph. 38. sed 2. *Parum deterior potus & cibus, suavior autem, melioribus quidem, sed minus suavibus est præferendus, quia suavitas cibi ex obsonatrice, & optima conditura acquiritur: nec enim intellexit Hipp. cibum, quem magis appetit æger (licet etiam de isto verificetur Aphorism.) sed de ori suaviore, aliud enim est appetitus, aliud suavitas cibi, deinde c. 52. cum egisset idem Galen. de quibusdam herbis condimentariis, subdit: De quib. in commentariis Obsoniorum disputatur, qui medicis quidem & coquis quodammodo sunt communes, finis tamen utrisque ac scopus est peculiaris: quandoquidem nos utilitatem, quæ ex*
cibis

*Qualis Coquus
sit Medicus.*

cibis provenit, spectamus, non voluptatem: quibusdam tamen cibi insuavitas magna ex parte causa est quod minus ipsum conficiunt: ob eam igitur causam satius fuerit cibos mediocriter condire. *Qualis ciborum præparatio.* Coquorum autem suavitas condimentis ut plurimum uti consuevit adeo pravis, ut ipsa coctioni plus noceant, quam commodent. Ita Simeon Sethus libro suo de cibariorum facultate, non tantum de cibis, quantum de condimentis scripsit, & initio libri ait se dicturum περὶ τῶν σινηθῶν δέτυμάτων τε καὶ δρωμάτων, καὶ λοιπῶν γνωρίμων ὁσφραδίων. Quare optimus Medicus non solum debet scire quantum cibi, qualem, & quando debeat exhibere, sed etiam quomodo; id est præscribere mulierculis, & coquis condiendi modos, & ita non modo illi utiles erunt Hippocratis libri de Diæta, & de Victu acutorum, ac Galeni de attenuante Diæta, de cibis boni succi, de aliment. facult. nec non Isaaci, Simeonis Sethi, Bald. Pisanelli, & Castoris Durantis Medicorum; verum etiam Cælii, Apitii, Platinae, Scappii, & similium libri, ne in Diæta, & exhibitione ciborum, quæ medendi instrumentum præcipuum est, erret, & insuper, ut gratificetur ægris.

De Simplicibus.

Sectio II.

Quantum Medico simplicium peritia ac scientia, quæ notitiam τῶν φυτῶν, λιθῶν, μεταλλικῶν, καὶ ζῶων continet, necessaria sit, constat ex Galeno. I. de Antid. c. 2. initio lib. 6. de simpl. med. fac. & 2. de comp. med. sec. *Necessitas scientie Simplicium.* gen. c. 2. Constat ex multorum Principum, & rerum publicarum studio, dum in suis Academiis publicum simplicium κήπον, veluti plantarum, radicum, florum, ac seminum ἔργασήριον, quo Medici, & Pharmacopœi instruerentur, adesse cura-

curarunt. Constat tertio, quia simplicia sunt instrumenta Medici, medicaque materia, atque compositorum partes: & cum Medicina sine his exerceri nequeat, Medicus necessario debet scire ea quæ adhibet, alias caveat sibi æger, quia Medicus nescit, quod illi propinat.

*Eurip. Cyclops
ac. 1. Nemo
huc venit, qui
non mactatus
sit.*

ἔδεις μολὼν δέυρ', ὅστις ἔ' κατεσφάγη.

*Nocumenta
subsequentia.*

Constat denique ex instituto reliquarum aliarum Aca-
demiarum, ubi licet non adsint horti publici, tamen adsunt
simplicium professores Theorici, ut Messanæ, &c. ubi Hor-
tus desideratur, & Professor praxin docere nequit, quum
docenda simplicia desiderentur. Ex defectu autem publici
Horti, & Professoris practici Botanici multa sequuntur in-
commoda. Medicus nescit, quod ægro præscribit, Phar-
macopæus ignorat præscriptum Medicamentum, Rusticus
herbarius, qui sæpe legere nescit, & à nemine doceri potest,
casu colligit simplicia, & hoc modo præparatæ medicinæ, ra-
ro sanitatem, sæpissimè mortem afferunt, ignorantia finem.

Nec simplicium cognoscendorum Theorica ulla est (non lo-
quar de Theophr. Historia, nec de Maranthæ Methodo,)

cum ex libris nil, minus à præceptore, ea discipulus cognosce-
re queat, nec libri picti, nec longæ descriptiones æque valent,

ac brevissima oculata inspectio, tantumque difficultatis her-
barum peritiæ inest, ut Dioscorides τῶν βοτανικῶν πρῶτος in sua

præfatione scripserit τὸν δὲ βεβλόμενον ἐν τέτοις ἐμπειρίαν ἔχειν, δὲ
κατὰ γε τὴν ἀρτιφυῆ βλάστησιν ἐκ τῆς γῆς, ἀκμάζουσι ἢ ὠδονομα-
ζουσι ὠδονομαζάνειν, ἔτε γὰρ ὅτι βλάστη ἐπιτυχικῶς μόνον δύναται

τὸ ἀκμάζον γινώσκειν, ἔτι δὲ ὡρακῶς τὰ ἀκμάζοντα τὸ δὲ τι-
φύες ἐπιγινώσκειν. Quare simplicium cognoscendorum

praxis experto præceptore indiget, alioquin si planta-
rum præsentia necessaria non est, frustra Patavii, Pisis,

Bononiæ, Perusiæ, & in aliis Italiæ, Galliæ, Germaniæ, &

Hollan-

*Porro cui
in animo est
horum periti-
am assequi; cum
oportet, cum
primo germi-
nant è terra
prorumpenti-
bus, tum adul-
tis, atque et-
iam flacces-
centibus adef-
se. Nec enim
qui tantum-
modo pullulan-
ti herbe adsti-
terit, eandem
adultam nosse*

Hollandiæ Gymnasiis tantæ ad Hortos Medicos construendos fierent expensæ. Nonne à simplicium cognitione ortum Medicina duxit? nonne primi *Βοτάνιστ* fuere primi Medici? Adam omnium herbarum vires, & nomina cognovit: itidem Salomon, qui à Cedro quæ nascitur in Libano, usque ad Hyssopum quæ nascitur in pariete; nimirum ab excelsissima arbore ad humillimam herbulam, disputasse dicitur. Pariter ab Ethnicis Chiron Centaurus herbarum cognitione clarus laudatur, & Æsculapius herbarum scientissimus vocatur: Imo Apollo apud Ovidium primo Metam. fab. 13. gloriatur de hac scientia, sic:

*Inventum Medicina meum est, Opifexque per orbem
Dicor, & herbarum subjecta potentia nobis.*

Postea Machaon, & Podalirius Æsculapii filii Medici, & Cheirurgici fuere insignes ob herbarum cognitionem; Hippocrates autem Cratevam suo ævo in simplicibus versatissimum summe laudat. At Plinius lib. 25. c. 2. Antonii Castoris scientiam, cujus plurimis instructum plantis visitavit Hortulum, mire commendat. Quod autem Medici gloria sit Herbarum notitia: non solum ex Apollinis verbis relatis manifestum fit. Sed ex Virgilio 12. Æneid. de lapide:

*Ille, ut depositi proferret fata Parentis,
Scire potestates herbarum, usumque medendi
Maluit.*

Medici gloria.

Quem, ut adnotavit Eruditissimus Paulus Zacchias Proto-medicus, & Prior almi Collegii Romani, lib. 6. Quæst. medica. leg. tit. 3. quæst. 4. imitatus est Torquatus Tassus Cant. II, st. 70. his verbis:

*E già l' antico Erotimo, che nacque
In riva al Pò s' adopra in sua salute,*

A qual

Il qual de l' herbe, e de nobil' acque

Ben conofceua ogni vfo, ogni virtute.

Et quis quæſo Zoilus Matthiolum, Dodonæum, Bauhi-

num, Fallopium, Spigelium, Manardum, Braſſavolam, Fuch-

num, Cæſalpinum, Baccium, Lucam Ghinum, Marantam,

Michaelẽ Mercatum, quorum Pontificii alii, alii Cæſarei

fuerunt Medici; & in ſimplicibus verſatiſſimi tanquam

Hortulanos depellere auſus erit? Solus fortaffe N. imitatus

Heraclitum, qui τὸν τε ὁμήρον ἐφασκεν ἄξιον ἐκ τῶν ἀγγέλων

ἐμβάλλεσθαι ἢ ραπίζεσθαι; at ego respondebo cum Socrate:

κακῶς λέγει, καλῶς γὰρ λέγειν οὐκ ἔμαθε. *Sed Genus ignarum,*

quod teſto gaudet, & umbra deridendum, & de me quidem

ad fatietatem malè loquatur ἅπαντα με ἢ μασιγᾶτω, ut cum

Ariſtotele dicam, verò bene habebo cum multos mei ad-

eſſe invidos cognovero; ſcibo enim me aliquid invidendum

poſſidere, quo carent ipſi: namque virtutis comitem eſſe in-

vidiam, & plerumque bonos inſectari ex Cic. 4. ad Heren. di-

dici, cum mos ſit hominum, (idem de clar. orat.) ut nòlint e-

undem pluribus rebus excellere, & rectè quidem Plutarchus

dicebat, ut Cantharides maximè læto tritico innafcuntur, & ro-

ſis florentibus, ſic invidia maximè eos comitatur, qui virtute,

aut opibus florent. Sed equidem fateor Meſſanæ multos me

fortitum fuiſſe invidos ut alios advenas; Romæ, & alibi per-

paucos, quos ſemper irriſi, cenſens fore, ut fremerent, & ta-

beſcerent, quum legerim dicentem Verrinum.

Invidia eſt animæ tineæ, hæc ceu Vipera mordet,

Auctorisque ſui viſcera prima ferit.

Et Antiſtenem. ὥς περ ἐπὶ τῷ ἰδὲ τὸν σίδηρον, οὕτω ἔλεγε τοὺς

φθονερούς τῷ ἰδίῳ ἥθους κατεσθίεσθαι. Sed hæc parergo, nos verò

περὶ δεῦρ' ὁ λόγος. Unus pro omnibus erit nobis Galenus, cujus

ſententia ex libris ſimplicia cognoscere, haud quaquam licet.

Nam

Apud D. Laer-
tium: ſicut ru-
bigo ferrum;
ita invidia in-
vidos conſu-
mere.

Homerum di-
cebat dignum
qui ex certa-
minibus ejice-
retur, cola-
phisque cede-
retur.

Male loquitur,
quia bene loqui
non didicit.

Perſ. ſat. 7.

Absentem et-
iam verberet.

Nam primo de Antid. c. 2. aliquo commonstrante, inquit, *Et* ^{Ut ad institu-}
 verbis docente, nec semel, bisve, aut ter: sed sæpius ad ^{tum sermonem}
 modum sigillatim observasse, necessum est, quod repetit 2. de ^{refertur.}
 comp. med. per. g. c. 2. Hinc puto, inquiens, bonæ indolis
 juvenes incitatum, iri, ut medicamentorum materiam cognoscant
 ipsimet inspicientes, non semel, aut bis; sed frequenter, quoni-
 nam sensibilibus rerum cognitio sedula inspectione confirma-
 tur, addit paulò post. Quisquis igitur auxiliorum undique ^{notandum,}
 copiam habere volet, omnis stirpium materiæ, animalium, me-
 tallorum, *Et* absque metallica natura terrestrium corporum, quæ
 ad medicinæ usum ducimus, expertus esto, ut ex eis, *Et* ex-
 quisita, *Et* nota cognoscat. Nisi enim hoc modo instru-
 ctus ad operis præsidia veniat, verbo tenus quidem medendi
 methodum sciet, opus vero nullum ipsa dignum perficiet. No-
 tanda autem est hæc sententia, quam 6. de simpl. med. fac.
 initio probare videtur. Id genus hominum (effatus) similli-
 mum est præconibus, qui formam, ac notas fugitivi Mancipii, li-
 cet ipsi non viderint unquam, præconio tamen publicant: no-
 tas enim ab aliis, qui norunt, accipiunt, *Et* ceu cantilenam
 eas proferunt, ut si fortè is, quem præconio indicant, propè
 adsisteret, agnoscere tamen non possent. Et hæc Galenus de
 necessitate cognoscendi simplicia. Quare sicut Medicus sim-
 plicium ignarus, non est bonus Medicus, ita Academia, quæ
 Horto simplicium publico caret, ubi medici, & pharmaco-
 pœi doceri debeant, non est perfecta Academia, quia omni-
 bus numeris absolutæ dicuntur Academia Patavina, Pisana,
 Bononiensis, Perusina, Monspeliensis, Parisina, quæ &
 Hortum simplicium possident, & Anatomen exhibent. Est
 autem conveniens in omnibus Universitatibus Hortus simpli-
 cium publicus, non solum ad πλήρωμα, & perfectionem A-
 cademiæ, & ut discant juniores Medici, atque Pharmaco-
 pœi,

pœi, seu ad urbis ornatum, & decus: sed quod maximum! Quod optandum! ad civium salutem necessarius omninò est. Quot namque (quæso) errata à pharmacopœis in simplicium delectu committuntur? quot ægri inde necantur?

Virg. II. Æ-
neid.

*Lumina tot cecidisse ducum, totamque videmus
Consedisse urbem luctu.*

Si Medicus, si pharmacopœus ipsa quibus egetis simpli-
cia, ignorabunt, absque controversia alterum pro altero
afferent, & forte venenum pro Alexipharmaco, & Bezoartico
emetis; pro vita Mortem.

Hortus Pata-
vinus.

Nec urbes cæteras rei novitas, aliudvè quippiam retar-
dare debet, quin Hortum construant. Quoniam celeberrimus Hortus Patavinus primum à nescio quo anno 1540.
constructus fuit, sed secundus Horti præfectus anno 1545.
Aloysius Mundella dicitur; tertius Aloysius Anguilliaræ;
quartus Melchior Guilandinus, quintus Jac. Ant. Cortu-
sius; sextus Prosper Alpinus, septimus denique Prævotius,
qui paucis ante annis obiit: Medici quidem omnes præclaris-
simi, ut ipsorum edita opera testantur, non autem Olitores,
vel Hortulani stolidi. Cui Horto Illustrissimi Senatores sua be-
nignitate me præesse post Prævotium, nisi tunc Messanen-
ses, me Roma abripuissent, in animo habebant, nam ea Respubli-

Plat. de Rep
II. 4.

Constat utique
quod sapiens
est & fortis, &
temperata, &
iusta.

ca *Δηλον δὲ ὅτι σοφὴ τ' ἐστὶ καὶ ἀνδρεία καὶ σωφροσύνη, καὶ δικαιοσύνη.* Pi-
sani Hortus constructus fuit 1547. primo præfecto, Eru-
ditissimo Luca Ghino; secundo verò Andrea Casalpino viro
celeberrimo, præceptoreque meo dilectissimo: nunc no-
nus Præfectus vivit, Dominicus Vigna. Romæ autem non
extat memoria (quod legerim) nisi Castoris Durantis, &
Michaelis Mercati, Clementis VIII. Medici clarissimi, qui
Hortum simplicium in Vaticano restauravit, & Metallotheca-
m exornavit, cujus dirutæ partes aliquas obtinui: Deinde
præfuit

Hortus Pisa-
nus.

præfuit Andreas Baccius, scriptor insignis, alter Præceptor *Romanus*.
 meus cui successit Joh. Faber; huic autem ego, in Acade-
 mia, simplicium Theoricam & usum, in Horto practicam
 docens; nunc autem Messanam profectus, nobilem urbem, ad
 Theoricam explicandam: & Philosophiam jam, & Anato-
 men, docuisse publicè non modo fateri non pudet, sed maxime
 glorior: ex his enim cognoscent invidi æmuli, (sed quid di-
 co æmulos, cum pares invidos non habeam, sed discipulos, &
 inferiores?) quantum in praxi illis præeam.

Quod si simplicium scientiæ nobilitatem, jucundita-
 tem quæ ex eorum nobilitate, ac delectatione, qui hanc ob-
 tinuerunt, probare vellem, non Philosophos modo illustri-
 simos, Pythagoram, Democritum, Aristotelem, Theophra-
 stum, & Chrysippum, qui de plantis scripserunt, proferrem:
 Verum in primis Reges, qui de plantarum viribus volumina
 ediderunt, quales Rex Salomon; Attalus, Pergami Rex; Jo-
 sinus Scotorum Rex; Mitridates Ponti Rex; Evax Arabum
 Rex; qui ex Plinio lib. 31. c. 2. Neroni suum de viribus her-
 barum dicavit opus: Et alii etiam fuisse dicuntur, quibus Ma-
 gnum Catonem, & polyhistorum Plinium, Senatores Romanos
 insignes adderem, nec non etiam his eos jungerem, qui plan-
 tas à se inventas voluminibus suis inferentes, tum illas, tum se
 ipsos nobilitarunt, ut Lyfimachum Macedoniæ Regem, herbæ
 Lyfimachii inventorem; Telephium Misiæ Regem, Gentia-
 næ; Teucrium Trojæ Regem, Teucrii; Eupatorem Mitri-
 datem, Ponti Regem, Eupatorii; Clymenum Minytarum Re-
 gem Clymeni herbæ inventorem; nec Artemisiam Mausoli
 Regis Cariæ uxorem, à qua Artemisia herba nomen sortita
 fuit; nec Alcibiadem Atheniensium Ducem, à quo Anchusa
 dicta fuit Alcibiadion: immo nec Galliæ Reginam, nec Car-
 dinalem Sanctæ Crucis, à quibus Tabacci planta, tum Regi-
 na,

*Hortorum
Cultores.*

næ, tum Sanctæ Crucis nomen obtinuit, ab altera enim ex-
cultâ fuit, ab altero verò semen Romam delatum: nec similes
alios omitterem. Si quæritis, quos hortorum cultus dele-
ctavit. Plinius lib. 1. 9. c. 4. *Romani quidem Reges*, inquiet, *ipsi*
Hortos coluere, quippe etiam Superbus Tarquinius ex horto
sævum nuntium remisit, (ut etiam Livius lib. 1. & Valer.
Max. c. 4. lib. 7. testantur) decutiendo Papaverum capita. Al-
cinous Rex Pheacum diligenter hortos excoluisse dicitur. Sed
floribus, & hortis se Cyrus etiam, & Semiramis delectaverunt.
Et M. Varro memoriæ prodidit, Nestorem (qui belli Trojani
temporibus vixit, & tam longævus fuit, ut nunc etiam Nesto-
reos alicui annos precari soleamus) ita fuisse huic studio de-
ditum, ut ἀλεείκηπον id est auxiliarem hortum carmine quoq;
descripserit. Pariter Lucullus, & Sylla: imo Marcus Curius
Imp. Rom. post devictum Pyrrhum Epiratorum Regem, L.
Cincinnatus, M. Valerius Corvinus plantarum amœnitate al-
lecti, procul à strepitu & ambitione civili, ruri consenuerunt.
Sic apud Suetonium Cladius, abjecta spe dignitatis, in Hortis
delitescbat. Thraseas in hortis degebat ex Tacito, tantiq;
apud Diocletianum voluptas hæc fuit, ut præ ea Impera-
toriam contempserit majestatem: deposita enim sponte pur-
pura, totus in hortis suaviter consenuit, pluris faciens olera
sua, & lactucas, quam purpuram. Post quorum tempora,
Fridericus III. (ex Cuspiniano in Cæsar. inquit Camerarius
cent. 3. num. 19. memorabilium,) qui 53. annis imperio fe-
licissimè præfuit, rei herbariæ ita fuit intentus, & tantum
in ea profecit, ut sæpius cum Medicis suis animi gratia de
plantis, & earum viribus prolixè disputare, non erubuerit.
Tacebo equidem proximioris ævi Reges, & Principes, qui
se totos plantarum cognitioni, & culturæ dedere, ut non
solum florem varietate, & amœnitate, sed vel maxime, ut
viribus

viribus fruerentur. Dicit Vecors: Simplicium scientia est impossibilis quia ipsa videntur infinita: huic cum poeta respondendum.

Hæc dum incipias gravia sunt,

Dumque ignores, ubi cognovis facilia.

Terent.

Heauton. u. 5.

sc. 5.

Dicit alter: non decet Medicum esse Hortulanum, vel Olitorem.

πῶς Φῆς;

ἀφ᾽ αὐτὸν ἀφ᾽ αὐτὸν! ἀναύδητον

λόγον ἐμοὶ θροεῖς. Virtutem vituperas?

Euripid. Ion.

a. 3.

Quid ais
nefandum, ne-

fandum, inau-
ditum sermo-
nem dicis mi-
hi.

Cum ergo simplicium cognitio Medico necessaria, & in hac multos præcellam Medicos, ut qui Romæ publicus fuerim simplicium Professor, & meæ peritiæ specimen exhibuerim in libro de rarioribus plantis Horti Farnesiani, quem sub nomine Tobiaæ cujusdam Aldini edidi, invidi æmuli, ac si simplicium ortum, & culturam tantum investigarem; me, in spretum, herbarium, bonumque simplicistam vocant. Sed equidem id mihi gloriæ sumo, & invidiam irrideo, quum aliquod me habere fateantur, quo carent ipsi: etenim si hanc Medicinæ partem possideo, cæteris non careo, ut ipsi, qui nihil scientes, multa se sapere jactant & onagri sunt. Ego multum in facultate hac laboravi, extant duæ meæ Epistolæ de Helleboro, & tractatus de A. senico, latent autem, aliquando lucem visura Hippocratis materia medica, seu explicatio omnium plantarum, mineralium, Animalium, quorum nomina, & usus apud Hipp. reperiuntur. In Dioscoridis libr. 1. & 2. prælectiones. Opobalsami succedaneum, item Aloedarium, de Gutta Gemû, de Mineralib. de Aquis Romanis, de Lapide Lazuli, Chalcantbum Triumphans, Chalcantbum Anticletum, de Odorib. & suffumigiis, de Animalibus insectis, nec non Responsio, ad Joh. Ponam Veronensem

Auctor sim-
plicium peri-
tus.

nensem, ad ea, quæ notavit in lib. de Rariorib. Plantis Horti Farnesiani. Sed te dicentem audire visus sum: Vulgaria hæc apparent. At ego.

Persius f. 2.

*Quisquis es ò, modo quem ex adverso dicere feci
Non ego, cum scribo, si forte quid aptius exit.
Laudari metuam, neque enim mihi cornea fibra est,
Sed recti finemque extremumque esse recuso
Euge tuum, & Belle; nam belle hoc excute totum
Quid non intus habet?*

In arenam te expecto, loquere palam. At irridenda sunt quædam publicæ Academiæ, quæ simplicium Doctorem sibi elegerunt, simplicium penitus ignarum, qui nec Brassicam agnoscit, & publicè audet de simplicibus effari! Cæcos à cæco duci volunt, quid discant Auditores? non faciem simplicium, quam sermocinator ignorat: an Vires? sed qua utilitate? si res laudata non patet, *non constat de corpore delicti*, ut cum Jurisperitis loquar.

De Pharmaceutica.

Sectio 12.

Cognitis de facie simplicibus, non minus debet optimus Medicus *Φαρμάκων*, seu miscendi rationem cognitam habere; non solum, ne à pharmacopæis decipiatur, & irrideatur; immo eos ut docere possit; sed ut ægrotantibus profit: medicamentorum peritus, quæ componi jubet, misionem, trituram, cocturam, ustonem, & similes præparaciones optimè noscens, quas in mea pharmaceutica clare, & distinctè enumeravi, & quod maximum est, ut optimos, & clarissimos Medicos imitetur, quos hanc artem probè tenuisse constat; quales Archigenes, Andro-

Andromachus, Asclepiades, Apollonius, Heras, Crito, Galenus, & alii plurimi fuere, ut ex isto Galeno patet lib. de Antid. de Theriaca duplici, de comp. med. secundum locos, & per genera, immo gloriatur se Theriacam pro Imperatoribus parasse; ergo fuit Caesaris Pharmacopœus Galenus! nec mentior: audite ipsum primo de Antid. primo sic scribentem. *Galenus Pharmacopœus.*

Imperator Antoninus Antidotum laudabat à Demetrio Medicorum primario confectam. Eo vita functo, Euphrati per litteras significavit, quis nam Medicus imperatoriam antidotum conficienti Demetrio affuisset. Ab eo itaque cum intellexisset me semper Demetrio, quoties Theriacam componeret, astitisse, tum quidem eam me per litteras componere Antoninus jussit. Anne, qui Medicamenta componit est pharmacopœus? alibi fatetur se pro aliis ægrotantibus medicamenta parasse: & hujus artis admodum peritum fuisse, ex ejus scriptis constat. Nunc autem Collegiorum Medicorum nomine extant Antidotaria, uti Romanum, Florentinum, Bononiense, Colonienſe, Mantuanum, Augustanum, & alia plurima, in quibus optimi Medici pharmaca conficiendi modum suos Aromatarios docent, proprio autem nomine Mercurialis, Trincavellius, Fallopius, Vidiſ, Fuchſius, Mindererus, Occo, Rondeletius, Silvius, Jubertus, Oddus, Renodeus, & alii Medici doctissimi de comp. med. scripserunt ad imitationem P. Æginetæ, Oribasii, Actuarii, Avicennæ, Serapionis, Albucasis, Mesues, & aliorum illustrium virorum, qui non potuissent Pharmacopœos instruere, si artis Pharmaceuticæ imperiti ipsi fuissent. *Antidotarium auctores,*

Nec ab hac arte compositiva antiqui Reges & præclarissimi viri abhorrerunt, quales Mitridates Rex, Demetriusque Macedoniæ Rex, quorum composita extantia illos æternitati commendat. Uti quoque Adrianum Antidotum ab Adriano Impe- *Regis Pharmacopœi,*

Imperatore compositum, Justinum ab Imperatore Justino, Esdra magna ab Esdra Propheta, sic Diatrionpipereon Herodis Regis, Sal Sacerdotum in Diebus Heliæ Prophetæ compositum, Davidis Regis potio, Syrupus Regis Sabor, Diacassia, & Trochiscus Theodosii Imperatoris. Ung. Agrippæ, Regis Judæorum, & similia, suos Auctores in hominum memoria reviviscentes retinent.

Propter lib. 3.

*Magna Viri Merces parat ultima terra triumphos
Tigris, & Euphrates sub tua jura fluent.*

Nec nostri ævi virorum illustrium desideramus exempla; cum habeamus Electuarium de Ovo Imperatoris Maximiliani, adeò ad Pestem decantatum, & multa medicamenta Magni Du-

*Magni Ducis
Hettruria be-
nignitas.*

cis Hettruriæ benignitate per orbem circumferantur, chymicè summàque diligentia præparata, immo etiam Cleopatra insignis Ægypti Regina de comp. med. libros exaravit, ex quibus non pauca transcripsit Galenus. Sancti denique viri Medicamenta composuerunt, inter quos mea Sancta Francisca Romana emicat, quæ Antidotum, & Unguentum mirabile composuit, quæ nunc etiam in eodem Cœnobio à Monialibus parantur suis. Quod si tot viri Illustres Pharmacorum miscendorum peritiam habere affectarunt, dedecebit nè Medicum?

*Terent. An-
dria. ac. 1. sc.
2.*

*Homine imperito nunquam quicquam injustius,
Qui, nisi quod ipse facit, nihil rectum putat.*

Equidem existimo Medicum optimum hujus facultatis expertissimum debere esse, alioquin fore, ut ferè semper in præscribendis medicamentis compositis erret, proinde ego publicè aliquando Aromatarios miscendi, eligendi, colligendi, & servandi pharmaca artem docui, & typis edidi de *Duratione Medicamentorum*; de *modo siccandi Simplicia*, de *El. rosato Mes.* Annotationes in *Antidotarium Romanum*,

num & Pharmaceuticam artem. Edenda autem apud me re-
manent, de *ratione simplicia exsiccandi* tractatus alter Philoso-
phicus. *Pharmaconomasticum*, seu explicatio omnium nomi-
num Pharmacorum compositorum, cum apud Antiquos, tum
Recentiores extantium, & *Il Perfetto Speciale* vulgari idiomate,
ubi totam artem Pharmaceuticam, antiquorum exemplis de-
monstratam doceo, & criticam responsionem ad litem de Dia-
phœnicone Medicamento inter Philippellum, & Alsarium
Crucium Medicos. Quid dicent de tot meis laboribus pigri
invidi, & clam loquaces Zoili? inviti fateantur.

Λελογισμένοι γὰρ οἱ τοιοῖδ' εἰσὶ βροτῶν,
Ορθῶς διὰ ζῆω τὸν βίον γνώμης μετὰ.

At inter invidos degens, mihi mea nocet virtus, cum in-
vidi ignari sibi similes ament, unde cum Achille respondere
possem.

ἔστι μὲν ἔν, ἢ ἡδὺ, μὴ λίαν φρονεῖν,
ἔστι δὲ καὶ ὥπ' ἄχρηστον, γνώμην ἔχειν.

Sed invidi canes cur latratis? quia imitari nequitis? co-
namini.

Quid frustra missis in me certatis habenis
Non datur ad Musas currere lata via?

Labores nostros illustravit Illustrissimus Scriptor de Vi-
ris illustribus Leo Allatius. Zoili vero, Momi & similes furia
infernales in tenebris delitescent.

De Chymia.

Seçtio. 13.

Chymiam, & Medicos Chymicos vituperant passim
nebulones, sed quid sit chymia, qualis Medicus chy-
micus, & quis pseudo-chymicus, ignorant. Unde tan-
quam cœcis de coloribus differentibus nulla habenda fides;

S s s

sed

Quum taces sed tacere jubendum. Refert Ælianus lib. 2. c. 2. Megabizum Megabize mi- loquentem de pictura pueros melinam terram terentes deri- rantur te isti pueri. fuisse, unde Zeuxis, ὅταν μὲν σιωπᾷς, ὦ Μεγάβυζε, θαυμάζει σε τὰ

Tu igitur ut in παιδάρια ταῦτα, simul ac verò quid, quod ad artem pertineat ter laudandos vis dicere, te contemnunt, & subdit. φύλαττε τοίνυν σεαυτὸν censearis, lin- εἰς τοὺς ἰκανημένους, κρατῶν τῆς γλώσσης, καὶ ὑπὲρ μηδενὸς τῶν μη- guam compe- δέν σοι προσηκόντων φιλοτεχνῶν. sce: neque cu-

jusquam, que
nihil ad te at-
tinent, opera,
vel artem di-
judica.

Dicet Libavius Alchymia lib. 1. cap. 1. Chymia est ars perficiendi, magisteria, & essentias puras è mistis, separato corpore extrahendi, seu potius dicam ego, est ars pharmaceutica diligentior, perfectior, & tutior: Pseudomachia verò, seu Paracelsica Alchymia ex Libavio, est monstruosa quaedam jactantia, ex ruditate, & scientia temeritateque conflata, miscens Medicinam Alchymia, & hinc omnes scientias pervertens. Quare chymica medicamenta mihi inservient, ut pharmaca diligentius præparata, ob id tutiora, velociora, & jucundiora. Proinde, qui se Medicos nominant hoc nostro ævo, (nam evanuerunt Methodicæ, Erasistrateæ, Pneumaticæ, Empiricæ, & similibus sectarum asseclæ) vel puri Paracelsici sunt, vel Galenici serviles, vel Galenici Philosophi liberi, & Galeno-chymici. Paracelsus quicquid novis ex Gal. & Avic. assumpsit; at nomina mutavit, ut novam sectam conderet, sed ut chymia peritus, Philosophia imperitus apparuit, multa iniqua, & magica assumens; puri autem Paracelsici omnia, atque etiam sputa sui Monarchæ exosculantur, quod in omnibus putent aliquid divini latitare, & mysteria mera crepant. Hujus, & asseclarum medicamenta recipimus, sed philosophandi modum rejicimus.

Paracelsus re-
jectus.

Dogmatici ir-
ridendi.

Dogmatici autem Hipp. & Galenum sequuntur, quorum quidam ingenium servile habentes, ne latum quidem unguem à dogmatibus Galeni sibi discedendum putant. Hi tanquam

quam timidi nimis irridendi sunt, cum Cassia, Rab. Manna, Mirobal. Sy. Ros. Bezoar, Diacintho, Diacatholicone, & similibus Galeno incognitis pharmacis: sed præcipue, cum Aq. rosacea, cicorea, ardente, & similib. quæ Chymiatricorum inventum sunt, utuntur, cum juraverint in Medicamentis Magistri, & utantur modo pharmacis Galeno ignotis: Tertia secta est eorum, qui Hipp. & Gal. duces agnoscunt in Theorica, Prognostica, & Medendi methodo; sed remedia ^{Hippocraticæ} ~~universales.~~ quærunt velociora, tutiora, & jucundiora, quam noverint. Antiqui, inter quos eminent Arabes, Avicenna, Mesua, Rasis, Albucasis, & ex posteris Arnaldus, Ulstadius, Libavius, Fernelius, Quercetanus, Daniel Sennertus, & alii plurimi, immo tota Germania, pars Italiæ, Galliæ, Poloniæ, isti utramque Medicinæ partem optime noverunt. Zoili verò volunt, quod Galenus ignoravit nos quoque debere negligere! sed si in omnibus artibus aucta est peritia, cur nihil Medicinæ addendum? Avic. Mes. & alii receperunt, & mire laudarunt chymica arte parata pharmaca: nos quoque ea commendabimus, in usum trahemus, derisis vituperatoribus ob ipsorum ignorantiam, Alchymix autem pharmaceuticæ (desero Chrysopœiam) dignitatem adeo restituit Libavius contra ^{Dignitas Chy-} Scholam Parisiensem, ut nil amplius addi posse videatur: quæ ^{mia.} si legisset, ut & alia Chymicorum scripta quidam, satius duxisset tacere, quam chymiam sibi ignaram accusare. Dicere possent pueri.

*Phæbo fave, novus egreditur tua templa Sacerdos,
Huc age cum cithara, carminibusque veni.*

*Tibull. lib. 4.
Eleg. v.*

Seu potius.

*Cedite Romani scriptores, cedite Graji,
Nescio quid majus nascitur Iliade.*

Prop. lib. 3.

Parturient Montes: nascetur ridiculus Mus: procul autem absit, ut meis illustretur scriptis tantum facinus, sed quod de Annalibus Volusii cecinit Catullus, nos quoque proferemus.

At vos interea venite in ignem

Pleni Thuris, & infacietiarum

Annales Volusii cacata charta.

*Galenico-
chymicus per-
fectus.*

Medici Galenico-chymici munus erit, ut aliorum omnium, nempe ut cito, tuto, & jucunde curet: quæ munera quia perfectius Medico-Hermeticus præstabit quam purus Galenicus, ob id perfectior Medicus judicandus, quin citius curabit, minori periculo, & jucundioribus medicamentis: sic spargirica arte præparata pharmaca sæpe tutiora, sæpe velociora, semper autem sunt jucundiora, chymicus enim ad majorem reducit puritatem, quam vulgaris pharmacopœus, partibus excrementosis, impuris, & relollaceis separatis, unde remaneat medicamenti essentia quantitate minor, proinde jucundior assumptu, sed viribus auctior, quia virtus unita fortior, unde citius in actum reducitur, quia purior; & contrariis excrementis libera, tutius assumitur. Caruere quidem his Hipp. & Galenus, caruerunt etiam Manna, Cassia, Sena, Rhabarbaro, Myrobalanis, Sy. Rosaceo, Thurbit, Bezoar, Scorzonera, Santalis, Guajaco, China, Salsa, Tabacco, Nuce myristica, & similibus infinitis, an ob id hæc vituperabitur? nonne perquam belluinum est inventis frugibus glande vesci velle? Pharmacopœorum officinæ undique Medicamentis ab Arabibus compositis, repletæ spectantur, exulant Hippocratis elleborum, peplium, elaterium, & alia omnia; ex Galenicorum silva medicamentorum adeo copiosa in libris de com. med. tradita, præter Theriacam, & Mithridatium, ac Philonium pauca admodum sunt in usu. Cætera, quæ in officinis prostant, partim ex Mesue, Avicenna, & Nico-

*Medicamen-
ta incognita
antiquis.*

Nicolao, partim verò ex recentiorum libris collecta sunt. Sed mirandum est, puros Galenicos Chymiam vituperantes, tamen non clam, sed palam spagyricis remediis uti: nonne aquis destillatis utuntur continuo è cicorea, borragine, scorzonerâ, rosâ, & ex aliis foliis, ac floribus? nonne aquam ardentem passim potantes aspiciunt? chymicum inventum: est ne ulla pharmacopœa, quæ his careat? vituperabunt fortasse olea destillata ex Aniso, Cinnamomo, Caryophyllis, Mentha, Absinthio, Mastice, & similibus? & qua occasione? serum destillatum cur tot puri Galenici commendant si chymica omnia explodenda! nonne maximi usus est præcipitatum in ulceribus Gallicis? chymicum opus! taceo sulphur, stibium, & mercurium sublimatum, nec non essentias; extracta, tincturas, sales, elixiria, ac Balsama vulneraria, quæ jam in officinas publicas irrepserunt. Tu Mysochymice meliorem medendi Methodum, perfectiora remedia novisti unquam? non antiquata, rancidaque propone, nec brassicam recoque, sed electa,

*Irridentur
Medici qui-
dam.*

*Nunc mihi si qua tenes, ab origine dicere prima
Incipe; suspensis auribus ista bibam.*

*Proper.
lib. 3.*

Addam si chymica remedia explodenda, tanquam Venena, quid dicet Zoilus de Medicamentis chymicis à Serenissimo Magno Ætruriæ Duce summa benignitate, ac liberalitate, atque sumptibus transmissis ad Europæ principes, & magnates? an hæc quoque venena? cave ne in crimen læsæ Majestatis incidas, palam quidem est ferè, miracula in assumentibus deploratis apparere: pudeat ergo Zoilum quicquam contra chymiam obmurmurasse, comburat suas conspurcatas ignominias chartas: supplicet chymicis, ut aliquid luminis ipsi cæco benigne impertiri non dedignentur, sciat in Germania Medicinam exercere chymix ignarum non posse:

& vix in Gallia, & in Italia. Unde Matthiolus lib. 4. Epist. ad Andream de Plauen *neminem*, inquit, *Medicum absolutum esse posse: imò nē mediocrem quidem, qui in chymia non sit exercitatus.* Quod confirmat Sennertus de cons. Med. c. 18. & alii plurimi doctissimi Viri. Audite Cardanum l. 17. de subit. *Chymistica ars habet*, inquit, *admirabilia plura, pulchra non pauca, nonnulla salutaria, efficacia quædam, alia quasi divina.* Scaliger exerc. 23. irridet novos Galenistas distillationum vituperatores. Trincavellius lib. 1. de comp. med. c. 19. pugnat contra vituperantes aquas distillatas, & Galenicorum quis est modo, qui aquas distillatas projiciat? Mercurialis, Cæsalpinus, Capiuaccius, & alii Galenici doctissimi non abhorrent quandoque ab Antimonio. Sed ut hæc majorem vim habeant, dicam: si Avicenna chymicus esse voluit, cur nos nolumus, ne totam adipiscamur Medicinam, & semi-medici remaneamus? in vita Avicennæ scribit Sorfanus discipulus, eum de Alchymia libros composuisse, at Avic. Alchymia usus fuit non solum in partium temperamentis investigandis, ut mirari subeat maximam Avic. diligentiam, nam l. 1. doc. 4. c. 2. *Nos autem*, inquit, *quum duas quantitates ossis, & pilorum in pondere æquali assumpserimus, & eas in cucurbita alembico supposito distillaverimus, egredietur ex osse plus aquæ, & plus olei, & remanebit minus fœcis, os ergo pilo humidius est.* Nos etiam docent destillando invenire aquarum Thermalium temperamentum, & mixturam Fallopius de Therm. aquis c. 9. Baccius de Thermis, lib. 2. c. 3. & alii. Mesues autem multa chymica docet: ut cap. de Rhabarbaro dicens: *ex eo integro ut est, accipitur quantitas magna, & submergitur in aqua per dies quinque & dimittitur aqua illa siccari, & fiunt inde trochisci, & sunt ipsi medicina regum; Extractum dicunt chymici, quam rationem*

Avicenna
chymicus.

tionem novit etiam Dioscorides, & docuit de Acacia, de Gentiana, de Lycio, de Glycyrrhiza, de Hypocistide, de Centauro minori, succum, & liquamentum vocans. Idem Mesues in Antidotario, Olea, inquit, per resolutionem variis sunt modis, virium sanè mirificarum. De quibus scribunt fusius rerum occulta manifestantes & detegentes Sapientes, tibi omnino legendi & imitandi, si famæ illorum maxime es cupidus. Mibi vero Dei spiritus largitate & gratia nunc *Mesues chymicus.* pauca quædam mirabilia illorum oleorum effecta percensere sufficiat. Sylvius in Commento: res est, inquit, omnibus aliis remediis planè divinior, & si Ulstadio, Gebro, & veritati credimus, quanquam hodie sunt Idiotæ quidam, magnorum tamen Medicorum nomine se venditantes, qui id ipsum, ceu nugatorium calumnientur, ut alia prope omnia pulcherrima ignorant, solas (ut vocant) receptas scribere, nulla tamen ratione scientes. Deinde docet Mes. quædam olea destillari per ascensum, ut ex ovis, ex frumento, è synapi: nec non è lignis juniperi, & fraxini, per descensum, utroque autem modo Ol. è Gagate: Denique docet Oleum è lateribus, quod Philosophorum, sapientiæ, perfecti magisterii, benedictum, sanctorum, & divinum oleum vocat: ex quibus patet Mesuem cum summa veneratione efferre chymicorum opera. Unde etiam aliis medicis magnificienda erunt. Mihi vero plurima in mentem veniunt pro chymica facultate dicenda, sed pauca hæc nunc sufficiant, ut cognoscant Idiotæ *Medicus optimus etiam chymicus.* Medicum undique perfectum debere etiam esse chymicum, & simul etiam, ut cognoscant Pseudomedici isti larvati, qui *Libro novo, stilo novo novo, vaque tabella.* verbis & fraudibus confidunt, se illorum egere, quorum impositus erat Antisthenis discipulus: nempe *Φησιβελιαεῖς καὶ καὶ, καὶ γραφεῖς καὶ καὶ, καὶ πωανιδῖς καὶ καὶ,* & deinum, ut cognoscant Principes, & Respublicæ quæ Medicum advocaturæ sunt, modum

dum eligendi perfectum Medicum, qui cum aliis supra dictis dotibus, junctam etiam chymiam possideat. Mihi autem edidisse multis ab hinc annis contigit *Chalcanthinum dodecaporeon*. Deinde etiam Italicè de *Spiritus Vitrioli facultatibus*: lucem aliquando etiam aspicient *Verbetius verberatus*, ubi respondetur ad ejus objecta *Dodecaporio Chalcanthino*.

Auctoris chymica.

Chalcantum anticletum, Chalcantum Triumphans, Chymicæ prælectiones: Chymicæ operationes fidelissime relatæ, Mendacia chymicorum detecta, Officina Chymica, & Index remediorum chymicorum καὶ τόπος.

Conclusio. Patet ergo Medicum quemlibet, ut perfectus dicatur, magnum illum Philosophum superare debere, qui πεντάθλος dicebatur, hoc est quinque certaminum: namque naturalia, moralia, mathematica, liberalium disciplinarum rationes, artiumque omnem peritiam callebat. Medicus vero, linguarum, Dialecticæ, Physicæ, Mathematicæ, Anatomies, Theoricæ, Practicæ, Diæticæ, Chirurgiæ, Simplicium, Pharmaciæ, & Chymicæ expertus esse debet, & ita δεκάθλος, & δωδεκάθλος. In Magno autem morbo, in quo perfecto opus est Medico, qui optimum Medicum nancisci nequiverit, conetur totam artem ex duobus, vel tribus simul junctis confarcinare, ut alter alterius defectum suppleat: sic cognito morbo apta innotescunt remedia, felicissimus autem æger censendus erit, qui Medicum omnibus numeris absolutum, & omnes prædictas Medicinæ partes optime tenentem sortitus fuerit, sed fortè dicent: lucerna accensa ἄνθρωπον ζητῶ, at qui invenerunt parvi faciunt.

Hominem quaero.

Bene Terrent. in Andria, a. 1. s. 1.

Si illum objurges, vitæ qui auxilium tulit.

Quid facias illi, qui dederit damnum, aut malum?

Ego verò dicam cum Solone ὦ πατρίς, βεβόηθη καὶ σοὶ καὶ λόγῳ καὶ ἔργῳ, & hic ubi dego potius cum Bione: Πυρρὸς

Περὲς ἐκόνισα, καὶ κριθὰς πωλῶ. Sed dicatis (amabo) si optimus Medicus non est, qui omnes recensitas medicinae partes probè novit, & alios docere valet; an ne optimos vocabitis, qui illa omnia ignorant? Mihi quidem aliter sentiendum videtur.

*O patria tibi
verbo & opere
auxiliatus
sum, frumenta
attuli, horde-
um vendo.*

Porro deploranda quorundam mentis cœcitas, qui aliquem aliqua virtute præcellentem agnoscentes, ac si virtutes essent invicem contrariæ, & se invicem expellerent (ignorantes illud D. Hieronymi. *Omnes virtutes sibi ita coherere, ut qui una caruerit, omnibus careat, & qui unam habeat, omnes habeat,*) unde ipsi eum vituperant potius, quam laudent, & Medicum, qui præstans sit in Astrologia, tanquam parum Astrorum observatorem vituperant. Anatomicum verò præclarum, tanquam Medicum obscurum, vel potius carnificem detestantur. At in simplicium cognitione versatum, veluti abjectum Hortulanum, quippe qui Morbos, & Medicamenta scire nequeat, derident. Chymicè tandem, atque diligenter præparata medicamenta expetentem, Ciniflo-nem, & Alchymistam; ac si Medica chymia, sit eadem cum Chrysopopœia, vocant. Admirandum certè! Sic Cardanum, Fracastorium, Marsilium Cagnatum, insignes Astrologos, tanquam Medicos viles, flocci faciunt. Galenum eodem pacto, Vesalium, Columbum, Fallopium, Piccolhomineum, Laurentium, Sylvium, Aquapendentem, Anatomicos præstantissimos, veluti Carnifices, non Medicos, detestantur. Similiter Matthiolum, Bauhinum, Dodonæum, Cæsalpinum, Baccium, & similes exercitatissimos in Simplicium cognitione viros, ut Hortulanos derident, qui aliàs præstantissimi Philosophi, & Medici fuerunt. Quid proferam de Chymica remedia, & his utentes Medicos explodentibus? nisi puram ignorantiam, malitiamq; momorum detegi. Sed rude Vulgus probos, doctos, & prudentes medicos,

Theoc. Idil. omnique virtutum genere refertos depellit: non enim eos novit à doctis omnino distinguere, ideo minus doctos sæpe amplectitur, extollit, colit. Profecto simile simili gaudet; docti doctos expetunt; indocti, & rudes indoctos quærunt. *Τέττιξ μὲν τέττιγι φίλος, μύρμακι δὲ μύρμαξ, ἱρήκῃ δὲ ἱρήξιν.* Quid expectandum ab istis ignaris, nisi ignorantia, maledicentia, inurbanitas?

Ὅχι· ἢ ἐπ' ὅχνη γηράσκει, σῦκον δ' ἐπὶ σῦκῳ.

Et Pyra nata Pyris, ficusq; in ficubus exant. Benè profecto sui similes requirunt, sic etiam, *καὶ γὰρ οὐκ ἄν κύνι κάλλιστον εἶναι φαίνεται, καὶ βοῦς βοίονος δὲ ὄνῳ κάλλιστον, ὅς δ' οὐκ.* non mirum igitur si doctos invidia vexat, & indocti doctis præfunt, laudantur minus laudandi. Pseudojatroſ fortasse dicet.

quia tu Gallinæ filius albæ

Nos viles pulli nati infelicibus ovis.

Epicarmus in vita Plat.

Irrides, & subſannas? nos contra ſuſurris, & maledictis depellemus, ſepeliemus te: quid.

Etenim Canis Cani videtur eſſe pulcherri- mus, & bos bovi & Aſinus Aſino, Sus item Sui videtur venuſte præſtare.

Scire tuum nihil eſt, niſi te ſcire hoc, ſciat alter?

Juven. ſat. 13.

Pers. ſat. 1.

Officio propè functus eſt tuo, mi Zoile, (reſpondendo) tibi ſi virtus deeſt, malitia præſto eſt, tempore autem virtuti omnia cedent.

Et ex his conſtare arbitror, Medicum perfectum, optimum, & omnibus numeris abſolutum, eum eſſe dicendum, qui omnes dictas ad medicum conſtituendum neceſſarias conditiones poſſidet. Et è contra patere itidem reor, his carentem, Medicum imperfectum, pravum, ignavum, numeris, & gradibus deficientem, ac mancum eſſe dicendum. Hic ergo libellus (aquiſſimi lectores) vobis pro norma, ſeu potius libra Medica ad Medicos fortes & graves, nec non invalidos, ac leves ponderandos inſervire poterit: unde ex hac libra cognoſcetis eos, qui 12. uncias complent, & Medici graves ac liberales ſunt, cognoſcetis itidem 8, 7. 6. & 5. unciarum Medicos, & minoris

minoris etiam ponderis; sed cavete vobis à Medicis uncialibus, qui se practicos tantum appellari, satagunt. Etenim unicam tantum unciam pendentes, ut nec Medici nomen jure mereantur, ipsos tamen Medicis maximi ponderis se æquiparare non pudet, impudenti tantum loquacitate pollent, absurdaq; jactantia. Vos vero Idiotæ hos, quia parvi ponderis, parvi facite, parvi emite, parvo solvite: cavete ne ipsorum verbis decipiamini: Jam pridem hos parabolanos qui advocant, irriferat Plinius lib. 29. c. 1. *Palamque est (inquiens) ut quisque inter istos loquendo pollet, Imperatorem illico vitæ, necisque fieri.* Unde non nostro tantum ævo hanc Medicinæ infelicitatem, hanc ægrorum pestem, vigere opinabimur; sed priscis etiam temporibus viguisse, nonnè Hipp. Medicinæ calamitatem pluries deplorat? nonnè Gal. initio Meth. hæc scripsit? *Nemo, propè dixerim, hac nostra ætate, veritatis inquisitioni est deditus; sed pecunia, et civilem potentiam, et inexplēbiles voluptatum delitias, omnes eo usque suspiciunt, ut si quis sapientiæ quodvis studium sectetur, pro insano hunc habeant: & paulo post subdit. Me vero ex iis, qui me unice diligere sunt visi, nonnulli sæpe increpant, quod plus justo veritatis studio sim addictus, quasi nec mihi ipsi usus, nec ipsis in tota vita sim futurus, nisi & ab hoc tanto veritatis indagandæ studio desistam, & mane salutando circumeam, & vesperi apud potentes cœnem.* His enim artibus, tum amari, tum amicitias conciliari, tum verò pro artificibus haberi, deinde addit. *Eoque jure fit, ut cum ægrotare ceperint, Medicos advocent, non quidem optimos, utpote quos per sanitatem noscere nunquam studuerant; sed eos, quos maxime familiares habent, quique ipsis maxime adulantur.* Tandem ait. *Itaq; non qui melius artem callet; sed qui adulari aptius novit, apud istos magis in pretio est: huic omnia plena perviaque sunt, huic ædium fores patent, hic brevi efficitur dives plurimumque potest.* Hac demum nostra ætate, sericea vestis, sumtuosum vehiculum,

culum, magna Mula, alicujus Principis servitus, adulatio, dicendi facundia, seu potius loquendi audacia, aliquando scurrilitas optimum efficiunt Medicum. Hic ab omnibus advocatur, hic Hippocrates, hic Æsculapius, hic Apollo censetur: O cœcitas humana! cum re vera Medicus nomine, re autem Carnifex sit. Hunc audietis ceteros doctiores vituperantem, linguas vilipendentem, Philosophiam aspernantem, atque cum Petrarcha f. 7. dicentem.

Povera, e nuda vai Filosofia.

Mathematicam detestantem, Chirurgiam abhorrentem, simplicia, pharmaceuticam, & chymiam irridentem, immo sui similes ac doctos illudendos irritantem. Sed si sic est, & tales in pretio sunt apud omnes, nobis fas erit, ad hanc dignitatem adipiscendam ut fingamus & nos linguas ignorare, odio habere Philosophiam, mathesin despiciere, chirurgiam horrere, simplicia, pharmaciam, & chymiam irrideamus, sibilo explo-

*Se scire nihil
præter hoc
ipsum, quod
nihil sciret.*

*Unicum esse
bonum scienti-
am; malum
contra unicum
inscientiam.*

*Minime pu-
dendum quod
quisque insci-
at, dicere. O-
vid. 2. de art.*

damus, sic cessabunt invidiæ, tacebit Momus, vocabimur boni practici, optimi Medici, atq; ad omnes interficiendos infirmos convocabimur, & multam extorquemus pecuniam. At equidem, ut verum fatear, cum Socrate sentio, qui dicebat. εἰδέναι μὲν μηδὲν, πλὴν αὐτὸ μηδὲν εἰδέναι, & cum eodem Philosopho etiam dicam ἐν μόνον ἀγαθὸν εἶναι, τὴν ἐπιστήμην, καὶ ἐν μόνον κακὸν, τὴν ἀμάθειαν.

Proinde cum idem Socrates, jam senex fidibus canere disceret, quum vacaret, eum non pudebat; sed objurganti respondisse fertur μηδὲν ἀτοπὸν εἶναι ὅτις μὴ ἐκμανθάνειν. Enim verò laborare debet juvenis Medicus, ut senex quiescat.

*Dum vires annique sinunt tolerare labores,
Jam veniet tacito curva senectæ pede.*

Dixi satis, & clare, qui aures habet audiat.

T E A O Σ.

JOAN-

JOANNIS ANTONIDES
VAN DER
LINDEN
MANUDUCTIO
AD
MEDICINAM.
LOVANII secundum edita

a viro clarissimo

Vopisco Fortunato Plempio

Medicinae ibidem Professore.

Typis COENESTENII 1639.



VOPISCUS FORTUNATUS
P L E M P I U S
 MEDICINÆ IN
 ACADEMIA
 LOVANIENSI
 ANTECESSOR
 Ad Studiosos suos.




Uasitum sapiculè itis ex me, qui Autho-
 res manibus vestris & ingeniis versandi sint,
 ut Medicinæ studium informetis, atque in
 eodem promoveatis. Cùm dixerim id mo-
 dò his, modò illis aliquando privatim; vo-
 lo eâ opellâ defunctus esse impofterum: ac
 simul & semel & omnibus & semper publicum responsum
 dare. Ecce igitur vobis responsum; ecce, inquam, me-
 um in elegantissimo libello hoc Doctissimi & Politissimi
 Viri *Joannis Antonides Vander Linden*, qui brevi vos ad
 longam artem ducit, & securè & jucundè. Ad hoc pau-
 cos seligit & bonos Scriptores, & quibus scholasticam at-
 que adultiorem fortassis ætatem impendisse, imò inse-
 nuisse

nuisse non poeniteat. Cum crisi Hercle ex vasto Autho-
rum grege, quos proponit, exemit. Multa insuper me-
moranda monita & documenta interspergit, quæ scire
vestrâ interest permagni. Ea gratiosius & suavius in ani-
mos vestros irrepent, quia ornatè, venustè, quia disertè
adferuntur. Nempe gratior est virtus pulchro veniens
è corpore. Sed Scriptores, qui producuntur, an omnes
boni? Boni omnes singulatim aliquibus, at non omnes
omnibus. Isthoc esse omninò nequit. Sic de ingeniorum,
uti de linguæ gustu fit; non sapiunt omnia omnibus ea-
dem. Hoc minutal uni pergratum, alteri fatuum est.
Itaque plures decuit nominare libros, ut quilibet sibi su-
um excerpat. Sed quos tu, ajetis, præcipuè commen-
das? Vobis? ipsos illos, quos hic commendat acris judi-
cii Doctor & fruniti. Ego verò mihi? Hunc censum in eo.
Hippocratem & *Galenum* antefero omnibus omnibus, &
præ cæteris voluto. Ab hisce *Celsum* colo præcelsum vi-
rum, qui mihi simul doctrinæ Medicæ, simul puræ lati-
nitatis succum instillat. Post veteres primas ferunt *Fer-
nelius*, *Vallesius*, *Thomas à Veiga*, *Argenterius*, *Era-
stus*: quorum commentaria omnia, quod rarum est, so-
lida, exasciata, & ut compendio dicam, bona sunt. Lo-
quor ex sententia mea. Inter Practicos *Salius*, *Forestus*,
Massaria, *Saxonia*. In Anatomicis *Laurentius*, *Bau-
hinus*, *Spigelius*. Est quoque accuratus dissector *Rio-
lanus* filius, & fide dignus: cæterum scripta ejus sunt sco-
pæ dissolutæ, & mera tantum adversaria. In Chirurgi-
cis *Pareus*, *Chalmeteus*, *Aquapendens*, cujus etiam A-
natomica laudem merentur. In Herbariis *Dioscorides*,
Dodonæus. Aphorismorum optumus post *Galenum* ex-
planator est *Hollerius*, nisi *Vallesius* ei par sit. *Merca-
tus*

tus non tanti est; at in commentario de recto praesidiorum usu se superavit ipse: veluti *Claudius* in suo de ingressu ad infirmos. Adrident quoque *Septalii* animadversiones & cautiones *Practicae*, *pharmaceuticae*, & *Chirurgicae*: *Controversiae solius Vallesii*: *Methodus medendi generalis ejusdem hujus*. De febribus placet *Arculanus* & *Caprius*. De Calculo *Beverovicus* nuperus & elegans Scriptor. Consilia *Fernelii*, *Montani*, *Solenandri*, *Cratonis*. Denique *Platerus*, *Hofmannus*, & *Gardinius* lecti Professores sunt, ac mihi dilecti. At at de *Sennerto*, inquietis, usque adhuc nihil tu, distractissimo Authore, & jam jam ex-terendo, nisi recudatur? Genium habent ejus libri: omnes videmus: laudatoresque comparavit sibi vir complures; ac laborum quidem, me quoque: eruditionis atque ingenii, non nisi *Geermanos*, ist est, compilatores & rhapsodos.

Habetis, quos ego antehabeo, quos aestimo, quos in oculis fero Authores; & quibus plurimum eruditionis acceptum refero. Vobis non placebunt iidem omnibus; certo sat scio: quia inter cerebrum palatumque meum & vestrum singulorum non convenit. Erunt etiam viri Clarissimi, qui alios vobis laudent oggerantque: & hoc scio; eademque est causa. Quo circa varios prostituit hic sedulus Manuductor, ut omnibus faciat satis. Vos vobis deligite: utiles omnes sunt & probi; non errabitis, quia jam selecti à lectissimo Censore. Hujus ergo amulum, quasi *Minoidis* filium, in labyrintho Artis, ad quam discendam ingredimini, stadio fidenter sequamini licet: me videte. Scribebam *Lovanii* tertio Nonas Septembr. Anno MDCCCXXXIX.

JOAN-



JOANNIS ANTONIDES
VAN DER LINDEN

MANVDVCTIO AD MEDICINAM.



ERET in prima via Medicinæ tyro, & copiâ librorum, & ignorantia eorum, qui & quando legendi aut eligendi sint, pedem figit, imo tædio aut desperatione pæne refert. Omnino istorum adeo numerus excrevit, ut nescias plusne studiis accesserit, an Bibliothecis. Possunt (quis neget?) rerum novitate artes ditari, vel inventarum diligenti cultu. Sed ita invaluit scribendi cocoëthes, ut major pars nec notabilia aut laudabilia tamen maxime excerpant. Sunt, quos ineditos velis, & qui speciosis titulis eludant, & in quos, si libere loquendum est, Cleobuli illud vetus conveniat: *Inscitia in plerisque, & sermonum multitudo.* Præterea, nullis quidem in saltibus solet venatio jucundior esse, quam in Bibliothecis; tamen dissipatur animus in tanta lectionum varietate; nec raro in incertum tendit, dum fruges quærit in sterili agro, petitque ex inani charta rerum copi-

am. In peregrinatione vitam agentibus hoc evenit, ut multa hospitia habeant, nullas amicitias. Idem accidere necesse est iis, qui nullius se ingenio familiariter applicant, sed omnia cursim & properantes transmittunt. Non prodest cibus, nec corpori aecedit, qui statim sumptus emittitur. Nihil æque sanitatem impedit quam remediorum crebra mutatio. Non venit vulnus ad cicatricem, in quo crebro medicamenta tentantur. Non convalescit planta, quæ sæpe transfertur. Nihil tam utile est, quod in transitu proficit. Ideoque non distrahitur animus modo librorum multitudine, sed nec sufficit brevis vita arti à natura longæ per tot ambages & temporis dispendia addiscendæ. Imo vero plerumque summa etiam ingenia, dum aditum sibi per omnia scriptorum monumenta ad artis suæ fastigium moliantur, tacita ætate prius consumuntur, quam temporis iacturam sentiant. Igitur certis ingeniis immorari & innutriri oportet, qui velit aliquid trahere, quod in animo fideliter sedeat. Huic, cum legere non possit quantum habuerit, sat est habere quantum legat. Nec refert quam multos libros, sed quam bonos possideas. Et debet, qui quo destinavit pervenire vult, unam sequi viam, non per multas vagari: non ire istud, sed errare est. Volunt igitur, & dubio procul expetunt plurimi, & taciti sæpe optant, esse qui ductor aut director sit, & digitum intendat, quo & qua contendant. Difficile id, nec intentatum. *Sylvius, Mercurialis, Heurnius*, alii, præstiterunt. Sequantur consilium, *Hippocratem* cum fructu & *Galenum* evolvant, & *Arabum principem*.

Sed inquires: non mox adeundos Medicinæ proceres, qui iudicium firment, non forment. *Hippocratem*, quod fallere aut falli nesciverit, divinum habitum; tamen dum brevis est, obscurum fieri, & doctis etiam minus intelligi. Optimum

mum ejus & universæ artis interpretem audire *Galenum*; tamen dum verbosus est, diem trahere, & spem inchoare longam. Profecturam *Avicennæ* lectionem, si versio verbis polita, fida sensibus foret (eam utinam nobis *Pelimpus* noster: & quam fortiter olim suscepit, conficiat feliciter!) Jam tunc quoque in eo tyrocinium tempestive poni, non cunabula. Initia ab alteris facienda. Quibus, consuluisse neminem. Hoc esse in votis, & Apollinari laurea donandum, qui præeat. Agendum tentemus & istam mereri, & bene de juventute.

Medicina nobis proposita: quæ, & cujusmodi? nam variat: & summa ejus divisio est, *Veterinaria* & *Medicina*. Illa, quæ animalium quorumlibet; ista, quæ solius hominis curam habet. In illa Multi medici sunt, & Accipitrarii, & id genus: qui lucrum ab ignobili opere, & ignavam gloriam quarunt. Veteres, *Absyrtus*, *Demetrius*, *Vegetius*, *Columella*, pulchre eam nec inutiliter sibi fecerunt: cum à propria experientia morbidis animantibus singularia remedia conferunt. Sed hanc partem mittamus, non nunc aut nobis adeundam.

Altera est vera *Medicina*: quæ quadruplex: *Empirica*, *Dogmatica*, *Methodica*, *Chemica*. *Empirica* genitrix necessitas, experientia nutrix. Audax illa, hæc fallax. Ab utraque consilia temeraria, sed quæ ægrotantibus facile desideratissima sanitatis promissione persuadentur; etiam ubi cum periculo tentantur: adeo blanda est sperandi pro se cuique libido. Horum quæ succederent, ad *Æsculapii* olim tabulæ suspendebantur: sacre videlicet ejusmodi curationum Deo, & in rei memoriam. Experientiam casus genuit, usus educavit. Casu notarunt ægrorum, qui sine medicis erant. (Celsi verba cito) alios propter aviditatem primis diebus protinus cibum assumpsisse, alios propter fastidium abstinuisse: levatum.

datumque magis eorum morbum esse, qui abstinnerant. Itemque alios in ipsa febre aliquid edisse, alios paulo ante eam: alios post remissionem ejus, optime deinde iis cessasse, qui post finem, febris id fecerint. Eademque ratione alios inter principia protinus usos esse cibo pleniore, alios exiguo, gravioresque eos factos, qui se impleverint. Igitur statim incipientibus morbis parciore victu aliis imperato, aliis cibatus horis, usus ex eventu docuit, quantum esset in diæta situm. Sic ab sanguine acute febrientem sanavit natura istoc ipso per nares liberally profuso. Usus deinde, ab Hippopotamo derrahendi modum edoctus, auxilii promptitudinem confirmavit. Fluentem alvum cotoneum forte stitit aut mespilum, probavit efficacissimus rerum omnium magister usus. Qui & ipse plurima rejecit, quæ minus responderent. Nec potuit utique aliter medicina nasci, quam subinde aliorum salute, aliorum interitu, perniciofa discernens à salutaribus. Adolescenti jam per experimenta medicinæ comitem se ratio dedit. Ea differere de reperis remediis cœpit, morborum causarumque notitiam investigare, post hæc etiam naturalium actionum, novissime partium interiorum. Novum istud experientiæ cum ratione connubium mox plausum meruit & Professores. Quid mirum? Non satis potentem usum esse discebant, nisi corporum rerumque ratione comperta; & vanam rationem sine experimentis, & veluti scapham in alto absque remige fluctuantem. Ita utramque per se indigentem alteram alterius auxilio vigere. Experientiam nimirum, formicæ more, congerere tantum & uti: rationem vero, araneorum instar, telas ex se conficere: conjugii, ut apes, rationem mediam esse quæ materiam ex floribus horti & agri elicit; sed tamen eam propria facultate vertit & digerit. In Professoribus habuit maximum *Hippocratem*, virum & arte & facundia insignem, qui

qui primus medendi præcepta longe post hominum memori-
am clarissime condidit. Hunc deinde *Diocles Carystius*,
Praxagoras, *Chrysippus*, *Herophilus*, *Erasistratus*, clari sunt
sequeuti, per quos multum rationalis ista nobis & saluta-
ris professio increvit, quæ, quod qui eam exercerent, in di-
versas opiniones & curandi vias procederent, *dogmatica* post-
modum est appallata, nomine ad hodiernum diem reserva-
to; & satis inique legitimæ isti sub Hippocrate imposito. Ni-
mium enim plus in sectas olim *Dogmatica* abivit, & nimis inso-
lenter, divortio facto, *Empiricam* insultavit, experimenta qui-
dem esse necessaria non inficiens; sed adhuc aditum fieri non
potuisse, nisi ab aliqua ratione contendens. Non enim quid-
libet antiquiores viros ægris inculcasse: sed cogitasse, quid
conveniret, & in usu explorasse, quod ante conjectura aliqua
duxissent. Sed ista vel invitissima fateatur necesse est, non
post rationem medicinam esse inventam, sed post inventam
medicinam rationem esse quæsitam, Quin nihil istas cogita-
tiones aut parum ad medicinam pertinere. Cæteroqui sapien-
tiæ studiosos maximos medicos fore, si ratiocinatio hoc face-
ret: nunc illis verba superesse; deesse medendi scientiam.
Morbos autem non eloquentia curari, sed remediis. Eaque
à certis potius, & exploratis petenda esse, id est his, quæ ex-
perientia ipsis curationibus docuerit, sicut in cæteris omnibus
artibus. Nam ne agricolam quidem, aut gubernatorem di-
sputatione, sed usu fieri. Quæ sic accipe: Naturæ rerum con-
templatio quamvis non faciat medicum, aptiorem medici-
næ reddit, atque perfectum. Quamquam multa enim sint ad
ipsas artes proprie non pertinentia, tamen eas adjuvant exci-
tando artificis ingenium.

Etiam *Empirice* suos quondam affectatores habuit non
mediocres viros, *Serapionem*, *Apollonium*, *Glauciam*, &
Uuu 3 quo-

quorum nobis libri supersunt, *Scribonium Largum*, & *Marcellum Burdegalem*. Hodie medici nomine quidem multi, at opere valde pauci. Equidem hercule in hac artium sola evenit, ut cuicumque Medicum se professo statim credatur. Morbi enim tædia, vitæ dulcedo, spei fallacia, & amicorum commendatio efficiunt, ut homines facile in medicis qualibuscumque fiduciam collocent. Palamque est, ut quisque inter istos loquendo polleat, imperatorem illico vitæ necisque fieri. Quos nec dubium est, famam novitate aliqua aucupantes, animas statim nostras negotiari. Ergo fumosos opifices & tabernarios,

(*Cujusmodi plures*

Nutrit terra hæc nigra impostores & agyrtae.)

atque illam omnem faciem civitatum sapicule inclarescere, quid mirum? discunt periculis nostris, & experimenta per mortes agunt, atque hoc ipsum mercede faciunt: ut fides iis sit, & facile disperdant. Nulla præterea lex, quæ puniat inscientiam capitalem, nullum exemplum vindictæ. Pœna enim *Medicinæ soli in rebus publ. nulla præfinita est, præter ignominiam: hæc vero non lædit qui ex ea constant.* Sed quid apud indoctam inveteratamque consuetudinem querendo laborem serimus? iste enim funis nihil attraxerit. Quin factis potius ostendamus medicus medicastro quid differat.

Ad rem, duplex hæc *Dogmatica* medicina: *Theoretica*, *Practica*. Illa, quid secundam, quid adversam valetudinem faciat, requirit. Hæc tueri prosperam docet, & amissam restituere. Utræque à duplici hac materie iterum duplex: ista, *Physiologica* est, aut *Pathologica*: illa, *Dia-*
gnostica, aut *Therapeutica*. Iterumque *Physiologica* duplex: una, quid corpora nostra sint, revelat; & *Anatomica* est: altera, ex quibus principiis orta; *Physicam* appello. Ab

utra

utra ordiemur? *A Physica* ego censeo. Nam ut ordine & origine primo principia sunt, ita velim doctrinæ causa horum cognitionem præcedere, imo eam adferri è Philosophorum scholis, ab medicis deinde repeti, quæ obiter illi & commode ex istis de sex rebus naturalibus in suos usus petunt, & fortean suffecerit *Fernelium* non præcipuum solum de his legisse, sed solum. Nisi *Plempium* adstatuas, accuratiùs nuperè res easdem persecutum.

In *Anatomica* non unus adeundus: pauci tamen, & qui? me auctore, *Laurentius*, *Spigelius*, *Bauhinus*. Singuli sua, singuli nova, omnes utilitatem habent. Neque nego eadem aliis esse. Sed nequeunt ea propter simul omnes evolvi aut omni ævo. Quamquam poterit hoc fieri, si, quod pluries desidero, imo ipse meditor, sit, qui breviter & compendio, & quod caput est, iudicio, ex omnibus unum corpus concinnet: nec aliud, quam quod ab ingenio quisque acutum, vel autopsia rarum dabunt, notet ac libet. Sed hoc dum fiat, iis utere, quos dixi. Atque in his *Laurentius* primus primas teneat, Methodus ei facilis, perspicua, & ad discendum apud quem tam absoluta? Jam controversa, dubia, obscura, quis diligentius tractavit? quis explicuit melius quam meus *Anatomicus*? *Laurentium* intelligo: & præpono (nec impono: quia ex animo ita sentio) omnibus, qui eandem *Spartam* ornarunt. Igitur auspicato sumatur ab hoc initium, & cum omni studio perlegator minimum ter. Semel nuda partium historia; iterum illa, sed cum auctoris, aut, quod mahlm, *Casseri* accuratissimis tabulis conferenda; quæ, ut firmitus hæreat, denuo iteretur, & suis quæque capitibus quæstionum commentaria subnectantur. Aliquo jam modo, si non penitus, corporis fabrica perspecta, utilissime *Spigelius* adhibebitur & *Bauhinus* ad pleniorè notitiàm, quam perficiet

ficiet crebra cadaverum inspectio. Et suaſerim *Baubinum* tunc legi, cum publice iſtorum ſectiones adminiſtrantur, quarum methodum nemo alter ſcripto eſt ſequutus uberiore: *Carpus* alioquin etiam ſtricto eſt adſequutus. Subit animum *Verulamii* in *Simplicem & Comparatam* Anatomix diſtinctio. *Simplicem* aſſerit, quæ corpori humano in univerſum competant, diligentiffime, uſque ad curioſitatem, & in minimis quibusque notaſſe, atque luculentiffime tractaſſe partes ſingulas, earumque conſiſtentias, figuras, ſitus. Vere. Sed cur à poſticiſ non eſt qui ſectionem occipiat, quemadmodum ab anticis omnes? cur ſequimur antecedentem gregem? *Varolius* tentavit in capite, & perfecit cum fructu & laude. Et quin coſtis utrimque ubi incurvantur ferratis remotiſque cum ſpina, longe alia & pulcrior & in multis utilior partium internarum facies ſit apparitura, nullus dubito. Fatifcit tamen hætenus medicorum diligentia tum in hac, tum *Comparata* Anatomia, & circa varietatem, quæ in diverſis corporibus, partibusque ſingulis repetitur. Eſſi dubium non eſt, internas partes parum admodum externis figuræ ſtructuræque varietate & lineamentis cedere, & corda, aut jecinora, aut ventriculos tam diſſimilia eſſe in hominibus, quam aut frontes, aut naſi, aut aures. Atqui in hiſ iſſis differentiis partium internarum latere ſæpius cauſſas continentes multorum morborum. In quibus per alterantia curandis opera luditur à medicis, humores minime deliquentes criminantibus. Neque enim alterationem recipit res, ſed emendanda eſt & accommodanda ſeu pallianda per victus regimen, & medicinas familiares. Humores quoque in Anatomicis exercitiis prætermittuntur tanquam purgamenta & ſaſtidia. Tamen valde neceſſum eſt anquirere quales & quam multiplices ſint humorum differentium ſpecies, & in quibus receptaculis ſedes
quis-

quisque suas nidulosque potissimum figat: & quo juvamento aut damno; atque his similia. Præterea non satis morbos vestigiis suis persequuntur, causasque impressionum, aut partium interiorum ab iis læsiones cum attentione observant: apostemata nempe, ulcera, solutiones continui, putrefactiones, exesiones, consumptiones, contractiones, extensiones, convulsiones, luxationes, dislocationes, tumores, obstructions, repletiones, omnesque materias præter naturam, quæ in corpore humano inveniuntur, calculos, carnositates, tubera, vermes, & hujusmodi. Cujus omissionis causam non aliam arbitratur Verulamius, quam quod ad primam inquisitionem, inspectio unius aut alterius Anatomie sufficere possit. Ad posteriorem vero (quæ comparativa est & causam recipit) necesse est, ut plurimarum dissectionum attenta & perspicax observatio adhibeatur. Prior etiam res est, in qua homines in prælectionibus suis, & in cœtu adstantium se jactare possunt; at secunda ea est, quæ tacita & diutina & experientia tantum acquiri potest. De Physiologica habes.

Pathologicam ingero, quam licet trifariam partiare. Est Nosologica, est Ætiologica, est Symbolologica. Una differentias, causas altera, tertia morborum accidentia, & signa recenset. Istæ, ut vides; simplices; hæc duplex: Symptomata, Semeiotica. Iterum hæc iterumque duplex: Generalis, Diagnostica aut Prognostica: Specialis, Urocritica aut Sphygmica. Valde, inquires, dividis. Fateor, nec animi vel argutiarum causa: sed quia usu didici, nihil ad methodum, id est, viam rationemque docendi vel discendi æque idoneum & efficax esse. Quidquid enim in majus crevit, facilius agnoscitur si discessit in partes, ad quas ordine eo.

Nosologicam, Ætiologicam, & Symbologicæ partem alteram Symptomaticam quis præter *Galenum* suggerit? quis morborum omnium & symptomatum differentias causasque studiosius est rimatus? Itaque meo consilio, hunc aut eos hic primum adeas qui à Galeno minimum abeunt: quod per eorum vestigia tutior & facilior tibi cursus. Quid audio? mutilum esse Galenum in omnibus istis, nec morbum bene definivisse: nec formæ, quos vocant, agnovisse: temere continentis causæ nec satis explicate meminisse: negligenter doloris & voluptatis Symptomata omisisse. Sunt minutula alia, quæ ab eo exigunt *Fernelius, Fuchsius, Comes Montanus, Argenterius*; novitatis nescio mage cupidi an veritatis. De *Argenterio* scio, acri fuisse ingenio virum, doctum & qui à doctis teratur dignum: contradicendi tamen prurigne tentatum, in Galeno palum quasi visse cui se adfricaret. Sed ea res parum feliciter cessit, quod unius hominis odio omnibus factus est exosus: qui cottidie ulceribus ejus acetum adspargere non desinunt. Profecto quod de Tullio dixit vetus magister, *Profecisse multum cui is placeret*: ego verius, & quod semel à me audire juventutem velim: Nunquam ille magnus, cui Galenus non magnus. *Fernelium* attentius si legas, quoties ille cumque aliter à Galeno sentit, meam fidem! quam à semet dissentit, & volens nolens in veriolem sententiam relabatur. Animadvertit hoc aliquoties *Erastus*; qui scutum defensionis præferens, & huic se & cæteris omnibus solide opposuit *Disputationibus, Epistolis*, & integro scripto *Comiti Montano*. Hinc & inde quæ pro Galeno vel contra disceptantur, haut injucundum semel cognoscere. Semel, inquam: neque enim diu in iis argutiarum tetricis, & pene tricis dixeram, haberi vel ingenium velit, vel poscat usus. Memoriam postea in Pathologicis

gicis refricet *Corbejus*. Qui decore partem hanc & concinne ornavit. Et una opera doctissimum *Stephani Castrensis* libellum adijunge de morborum successione. Inscriptio invitatur discere. *Quæ ex quibus malis mala provenire in salutem ægri vel perniciem queunt: & quomodo iis quæ non cum ratione sublevant, non oportet fidere; neque multum formidare mala quæ præter rationem eveniunt.* Sed enim vero morborum genera, causas, symptomata scivisse parum est, si quibus alterum ab altero dignoscitur, indicia ignorantur. Ea ipsa diffuse *Galenus* persequitur libris quos de *Locis affectis* inscripsit. Lege, sed in epitomen à *Lacuna* laudabiliter contractos, ut temporis consulas & memoriæ. Facilis ea est, nec diu tenebit: neque, ut teneat, necessum; quod particulatim quælibet postmodum in cujuslibet affectuum curatione enucleantur. Sicubi tamen obscuriora occurrant aut ambigua, explanationes adhibe eruditissimi interpretis *Veigæ*, qui perspicue alioquin scripta enodatus exposuit.

Sequitur *Urocritica*, ex *Actuario*, *Rogano*, *Salviano* & *Sphygmica*, ex *Struthio*, *Rogano*, & *Galen* apud *Lacuna* compendio petenda. Si qui alii de pulsibus post *Galenum* scribunt, ne illi videntur actum agere! adeo iste fuit eorum sedulus adnotator, ut novum putes quid novi addi. Velim notes, tum urinarum tum pulsuum nonnullas differentias ab omnibus enumerari, quæ rarius aut nunquam se offerunt: si offerant, vix aut ne vix quidem distinxeris. Omnium notitiam concilies; sed non illam exactam, quam fortassis nimium exacte depingunt. Satis sit communiore duntaxat animo imprimere. Etiam cottidiana circa ægros exercitatio docebit non undiquaque deficientem pulsum aut nigram urinam esse lethales: ut caute ex his neque solitis iudicium feras. Quæ eorum igitur dementia est qui oblatum domi lotium,

X x x 2

quasi

quasi ad lunæ defectum oculos intendentes, porrecta matula inspiciunt; coram, ostentatione artis & portentosa scientiæ venditatione divinant; & credulo imperitorum vulgo quæ maxime nesciunt scire persuadent: insuper, ut tantulo amplius emungant, receptas scribunt (sit venia recepta voce loquenti, planè si non pure) quibus absunt, si fortuitu non profunt. Apage tales istos, quibus Vespasiani hoc putidum placet,
lucri bonus est odor ex re

Qualibet.

potius ad *Forestum* aut si paulo altius assurgere velint, *Scribonium* aut *Cordum* eant, & discant, quam sint incerta urinarum indicia, quam periculosa iudicia.

Ad Diagnosticam referimus *Oneirocriticam*. Utilem artem ad morborum caussarumque investigationem, adeo ut, quæ nulla aut parum constanti indicatura se produnt, ex insomniis quandoq; certius innotescant. Quæ licet plena futilitatis, summæq; levitatis videatur, & cui stultissime credatur, quod tempora recentiora plurimis ineptiis & superstitionibus eam polluerint; repurgata tamen & in integrum restituta, fructum edit non contemnendum, & fundamentum habet in natura solidum. Illud hujusmodi est: ubi idem fit ab interna causa, quod fieri quoque solet ab externa, actus ille externus transit in somnium: Similis est stomachi oppressio ex crasso vapore, atque incubitu ponderis externi; itaque qui incubo laborant, pondus sibi superimponi, magno cum apparatu circumstantiarum, somniant. Similis viscerum pensilitas, ex fluctuum agitatione in mari, & flatu circa præcordia collecto: itaque hypochondriaci sæpius navigationes & agitationes super aquas somniant: Sunt & innumera id genus. Nemo autem putet, somniorum diagnosin temere à nobis in medicinam introduci: Nam *Hippocratis* olim inquisitionibus est decorata, & *Scaligeri*,

geri, *Ferreri, Cardani*, laboribus pertractata. Quamquam Cardanus anilium sæpe nugarum scriptor, & veri incuriosus vel ignarus. Judicio legatur tamen, dabit quod juvet.

Ad morborum præterea cognitionem, maxime curationem momenti plurimum habere temperamenti ægrotantis cognitionem, apud omnes in confesso; Vulgus etiam, cui is deum creditur in medendo

Medicus multum celer atque fidelis,
qui cujusque temperiem perspexit. Huic detegenda *Physiognomica* excogitata folerter, & *Chiromantica*. Illa, è corporis universi & faciei potissimum lineamentis istam inquit; hæc, è manuum. Illa, magni usus est; etiam in animi propensionibus perscrutandis: hæc prorsus vana & fallaciosa, nec digna quidem quæ nominetur. Illam *Hippocrates* in vultu cadaveroso, *Aristoteles* ex professo ingeniose satis tractavit. Quamquam id prius *Prognostica* proprie ad censetur. *Aristotelem* diffuse *Camillus Baldus*; paucis *Fontanus* exposuit. Omnium studium in quiescente corpore substitit. Ad motus gestusque observandos movit se nemo, qui tamen non minus arti subjiciuntur; & frequentis sunt usus.

Prognostica superest: quam duplicem statuo, *Mathematicam* & *Medicam*. Illa est, quæ è cœlo & sideribus de morborum eventu pronunciat. *Ganivetus, Ferrerius, Boderius, Maginus Obicius* fecere: & plures ex Arabibus superstitiose Vana hæc licet, carptim tamen quis neget viro Medico & experienti esse libanda? Sed ut dixi, carptim. *Medicam* nomino, quæ morborum medicatricis naturæ faciem & facta observans, ex his salutem ægro aut mortem præfagit. Illa præcipua, quo te vocat in hac ipsa præcipuus & divinus *Hippocrates*. Præter certitudinem in medendo & securitatem, ut nihil tumide, nihil timide agas, hæc tibi fidem apud ægrotos,

apud adstantes auctoritatem, gloriam apud omnes dabit: alibi uberius laudata & laudanda, nunc præeunda. At vero ecquis præcedat? ecquis ad adyta perducatur? nisi myſtagogus *Hippocrates*.

Qui naturæ lucum ſemel ingreſſus, unus ad inaccessa majoribus penetravit, data oracula quam fide retulit, quam candide mala, bona expoſuit? ut, quem natura nihil, nihil ipſe poſteros celaverit. Ille eſt, à quo haurias præcepta, & exemplar item videas, ad tutam prædictionem. Faciunt huc plerique omnes Hippocratis libri: proprie tamen *Prognosticorum*, *Aphorismorum*, *Epidemiorum*, *Coacarum*, etſi hic ultimus illius ſit dubitatur. Ego arbitror, & firmare auſim. Non ſit: iudicio & ordine tamen eſt ſcriptus, & exemplar pleniori Prognosticæ ad imitandum. Utinam talem haberemus! nam qui totam & ordinate conſcripſerit, totus ad nos non venit. Poſſet per partes ex univerſo Hippocrate colligere qui operam ſumeret. Qui ſumeret, ſuccincta commentaria ſubnectat, & ex veterum novorumq; medicorum obſervationibus illuſtramenta. Res autem eſt, quæ tentari non debet abſq; acri & ſevero iudicio. Interea huic dum præſtolamur, Hippocrates nos manet, adeamus. Sine interprete, internuncio ve? Non certe, nec conſultum tyroni aut candidato. Imo præmittantur *Martinengi* & *Donatii* breves, at utiles de prævidendis morborum eventibus, iudiciis & ſignis judicialibus libelli. In quorum alteris totius Galeni de Criſibus & decretoriis diebus operis breviarium quoddam habes, in alteris pleniffimam ſignorum enumerationem, quæ Galeni iſtis libris deſiderantur; præſagitioni tamen faciendæ ſumme neceſſariæ ſunt in utriſq; dein illuſtriores hiſtoriæ ad exercitandum, & uſu ſenſim imbuendum abunde præceptis inſtitutum. Igitur auſpicatiſſimum acceſſum parent, & veluti manu ducant ad ſacrum illud tribunal. Et addo non inutiliter, ſub hanc ipſam curam *Nicolai Taurelli*

Taurelli aut *Prosperi Alpini* prædicendi methodos legi posse: non quia ipsi valde breves; sed quia quæ sparsim apud Hippocratem & expositores erant, ad una capita retulerunt, ideoque per eos etiam facilius tibi aditus. Jam vero interpretes qui? Perinde varii, prout varie & variis libris hanc materiam dictator tractavit: potissimum tamen citatis. Ex quibus leges *Aphorismos* primo: & explicationem petes à *Butino* aut *Lygeo* breviter: uberius deinde à *Galeno*, *Philotheo*, qui optimi sunt. Post hos *Hollerio*, *Vallesio*, *Heurnio*. Equidem invenies in istis non solum divinatricis, sed cæterarum etiam medicinarum partium rudimenta. Nam ut pictor cum tabulam accepit, primum hominem totum delineat; colores mox aptos quærit, & addit cuique parti: sic videtur, quisquis ille, aphorismorum auctor corpus Medicinæ Hippocraticæ in adversariis adumbrasse; voluisse pigmenta deinde è reliquis venerandi Senis monumentis conquirere, quibus efformaret, omnibusque numeris absolutum post se relinqueret. Non factum, & dolemus, & à nemine redintegrari hos conatus miramur. Qui fecerit & perfecerit, ille laudis omne punctum feret. Secundo *Prognosticæ* leges: in quibus generalia fere cuncta & generalium affectuum præsagia sunt. Commentarios *Cardanus*, *Brassavola*, *Victorius*, *Heurnius*, alii dabunt. Sed *Butinum* ego laudo & approbo, facilem, concisum, doctum. Ad *Coacas* imus, divinum opus & cæteris majus; & quod, præter generalia ista, ubertim singulorum morborum & eventuum, eorumque insignium judicia suggeret. De interprete quæris? non ea copia commentatorum hic, ut jure ambigua hæc lis haberi possit. *Hollerius* sit aut *Duretus*. Sed hunc præfero; virum ingenio præpotentem, artis usu singularem, atque in hac doctrina omnes alios eminentem; & qui carceribus per illum præceptorem emissus cum nonnemine prisce ævi pari passu decurrere

currere posse videatur prognoseos hunc campum; adeo nihil est quod in eo desideres, præter simpliciore obviâque magis phrasin & compendium. *Horstius* hoc laudabiliter coepit facere. Quid illum retinuit, aut quid stitit in febribus, ne ultra tenderet? Ille nos, qui idem olim tentavimus; & cum primum in manus nostras incideret, istuc præcise veneramus. Profecto operæ est pretium eam operam resumî, ego spondeo; nisi *Horstius* sumat, aut alius surripiat.

Sed abunde est de præceptis: exempla monstremus ad usum & imitationem. Sunt vetera, sunt præsentia & viva. Ea omnia hodie, vel ex *Lectiõne* haurienda sunt, vel ex *Auditu*, vel ex *Propria observatione*. Ex auditu leviter; quia nec adhærent audita animis, æque ac lecta: nec est fere ut optima & illustria audiantur: quia & rara ille è suggestu, & pauci ea cura profitentur, qua vere juvent. Quæ de dissertatoribus è cathedra intellige, quorum verba volant & abeunt: de dictatoribus non item, quorum oratio chartæ illinitur & manet, recognoscenda in dedecus ipforum vel laudem, unde si aliquo gloriæ stimulo agantur, elucubrata sint necesse est, quæ promunt. Ea igitur sæpius relegere conducet. Nam *Lectio* magis tuta, magis utilis, sic tamen, ut *Autopsia* opportune ei adjungatur: sine qua languida hæc, imo vana; ut sine praxi ars tota: quæ non magis medicos sola fecerit, quam vates somnium in Parnasso. In exemplis autem unum sit exemplum *Hippocrates*: qui vetera accurata, & nobiliora suppeditabit. De novitiis non dicam; ne verba hic perdam: nam illa immane quantum remittunt de diligentia istius viri, qui meritisime parens artis audit! Cui *primo* & *tertio* *Epidemiorum* nihil prius fuit, quam exacte in casus circa ægros speciales inquirere, & referre qualis fuisset

fuiſſet morbi natura, qualis medicatio, qualis eventus, quo probaret per iſta præceptorum fidem. Scripſit in eas hiſtorias luculente *Mercurialis*. Sed *Valleſium* habeo præ aliis commendatum, etſi dubito, an ſit ulteriore explanatione opus, non illi ſaltem, qui intente legerit quos jam ante nominavi, & in primis in primum locum quos repoſui. Sed quid refert ſtudioſior eſſe hac parte? ex qua fructum in cæteris etiam capimus. Finii de parte *Theoretica*.

Altera erat *Practica*, quam vulgo & peculiariter medicinam nuncupamus: & addo, proprie, nam ſpeculativa via duntaxat eſt, qua citius, tutius, & jucundius ad illam itur, imo quæ ad praxin ſi non tendat, infructuoſa eſt: præter Scholaſticis aliquibus ad pellendam famem. Itaque ad hanc, mi adoleſcens, qui te humanis uſibus voviſti, ad hanc ſegetem veni, manipulos frugum collige, & in uſum tuum reconde. Sed ut ordine fiat, eam ipſam biſariam diviſi: in *Diaſoſticam* & *Therapeuticam*. Iſtam dixi ſanitatis conſervationem: illam recuperationem procurare.

Sanitatis cuſtodiam collocant medici in optimo regimine rerum non-naturalium: quæ ſex numero ſunt, & liceat totidem nobis partes *Diaſoſticæ ſpeciali* tribuere. Nam *generalis* ſimul omnes comprehendit, & perfunctorie agit de ſingulis. Hanc varii ſcripſere; ſed bonus mihi & laudatus *Joannes Mediolanenſis*, *Scholæ Salernitanæ* auctor, utinam planus, & ut ſcripſit, abſolutus! qualis apud *Schenckium* exſtitit. Hoc ipſum tamen, quod *Villanovani* cura ab temporum injuria eſt ſervatum (etſi auctoris ille nomen incuria omiſit, aut inique ſuppreſſit) quod placeat, cauſam habeo duplicem. Quod aphoriſmis, & quod verſibus eſt conſcriptum: utrumque facit, ut promptius diſcatur, &

retineatur firmitus, in primis si crebrius lectitetur, vespertinis præsertim horis, & si opportunitas feret, sub ipsius somni tempus. Mens tunc nescio quomodo melius arripit, retinet, & concoquit per quietem. Tenta, reperies in levi monito non leve momentum. Si quis vero hebetior commentarios sibi poscat, Villanovanum, Curionem, Cretium, Constantinum confecisse sciat, & extare in unum corpus nuper decore & utiliter à Morello conductos ac vulgatos, qui & ipse tum in illos, tum auctorem libere animadvertit. Labet in transitu monere, in mediocritatis laudes nimium hic effundi medicos. Cum & jejunia in consuetudinem versa, & victus liberalis, cui quis assueverit, melius sanitatem tueantur, quam istæ mediocritates, quæ naturam ignavam fere reddunt; neque excessus neque indigentia, cum opus fuerit, patientem. De utroque exemplum habeo in eodem Seneca acupictore. Qui vicenos jam annos singulis septimanis bis tantum cibum capit; Solis semel, semel Jovis. Sed illius quam

Ingens vorago faucibus vastis patet!

usque eo multum, ne fere præ aviditate mansum glutit, præterquam quod valentissimus sit: utpote caro sola cum filigineo pane; Quibus interdum è dulci lacte pulcem hordeaceam aut ptisanarium orizæ præmittit; sed rare. Ille, ut macer, tamen incorruptæ sanitatis est, & vegeto corpore. Celsi prudentis viri, non solum medici, saluberrimum præceptum est: *Sanum hominem, qui & bene valet & suæ spontis est, nullis obligare se legibus debere: ac neque medico neque iatri-
lipta egere.* Hunc oportere varium habere vitæ genus: modo ruri esse, modo in urbe, sæpiusque in agro: navigare, venari, quiescere interdum, sed frequentius se exercere. Siquidem ignavia corpus hebetat, labor firmat: illa matu-
rant

ram senectutem, hic longam adolescentiam reddit. Nullum cibi genus fugere, quo populus utatur; interdum in convivio esse, interdum ab eo se retrahere. Modo plus justo, modo non amplius assumere, bis die potius, quam semel cibum capere; & semper quamplurimum, dummodo hunc concoquat. Igitur laboris, cibi, potus, somni, veneris moderatio cuique ex se discenda. Quam semel probe cognitam sic sequendam ducimus, ut rarius, subinde tamen interturbetur. Quæ quidem libertas iis major, qui firma corporis constitutione orti, atque in lucem editi sunt. Et exemplo sit Senex apud Baconem, centenario major; qui interrogatus, quid agens tam diu vixisset; respondit (præter expectatum, & cum risu audientium) Edendo, antequam esurirem, & potando, antequam sitirem. Quibus vero hæc bene nascendi felicitas non obtigit, religiosius ista observanda servandaque.

Specialis Diafoctica pars prima est, Aërologica: quam nemo sane ex professo tractavit, ut merito inter medicinæ desiderata reponatur. Debebat illa sedulo inquirere, aëres qui sint magis, qui minus ad habitationem salubres: quas mutationes ab locis ipsis, ab ventis, ab aquis, ab sideribus recipiant; quas hominibus vicissim ferant: & quomodo noxas quisque ab ea evitet aut declinet. Quæ res etsi summe arduis & accuratis adnumeretur, non est inaccessa tamen. Quin confidimus, si solertes aliquot variarum gentium urbiumque medici ad observandum animum adjecerint, eam ipsam exuperaturos. Mittant saltem futes quæstiunculas, quas sibi, quas aliis movent, mittant damnosas contradictiones, quibus se mutuo prosciadunt, nec secum ipsi amplius prælientur, nec cum aliis de cortice digladiantur. Sed potius, ut nucleum esitent, pace facta, conjunctis viribus, se adversus hominibus novercam naturam rerum comparent, ejusque

edita & munita expugnent capiantque. Glaciem fregit *Hippocrates*, & itineris magnam partem instruxit. Incedant modo, illius viri vestigia premant. In via pro vehiculo erunt, *Alemanus*, *Cardanus*, *Septalius*, quorum labores salebras complanarunt, quæ libro de *Aeribus*, *Aquis*, & *Locis* occurrunt.

Altera est, *Sitiologica*, in qua affatim est facultatum alimentorum, cibariorum, potionumque omnis generis: & quas plures scriptores illustrarunt, *Gæci* Latinique, sed præcipui isti: *Galenus*, *Simeon Sethi*, *Pisanellus*, *Bruyermus*, *Castellanus*, *Nonnius*, *Baccius*, *Thurinus*.

Tertia *Hypnologica* est: occulta neque exculta. Et vereor somni indagatione lassatos medicos in soporem jam incidisse, à quo ægerrime evigilent ad scrutandum illius ultra & alternæ vigiliæ veras causas, salubrem usum, & innoxiam provocationem.

Quarta *Gymnastica*, multorum quidem studio medio-criter culta, sed *Mercurialis* potissimum & *Fouberti* & *Cagnati* exereita: etsi nondum plene elaborata. Neque enim illi ipsi neque alius quisquam exercitationum species bene distinxit aut annotavit, neque per has sanitatis tuendæ certum modum docuit, neque à venientibus morbis præcavendæ: ad quam plurimum tamen pollent. Nam vix aliqua in morbum inclinatio invenitur, quæ non exercitatione quadam propria corrigi possit. Morbis renum globorum lusus convenit; pulmonum sagittatio; stomachi deambulatio & gestatio; atque aliis aliæ. Quarum singulæ singulos etiam morbos exasperare queunt.

Namque pila lippis inimicum, & ludere crudis.

Eccrinologica quinta est, ea maximi licet usus, digna tamen medicis visa non fuit, quæ seorsim traderetur, sed obiter

obiter & carptim inter alios tractatus intervenit. Et potior ejus pars ad therapeuticam est devoluta. Nam quæ in generali diafoctica de primæ aut fortassis secundæ etiam regionis excrementis dicuntur, nihil sunt præ illis, quæ restant explicanda de excretis tum partium singularum; puta, narium, oris, pectoris, ventriculi, lienis, uteri, aliarumque quibus id muneris demandatum: tum corporis universi per transpirationem & sudores, itemque de sanguinis tempestiva depletionem, purgationibus repetitis, atque factis familiaribus, vomitionibus menstruis, coitibus, & id genus. Hæc enim omnia, & quæ præterea hujus fori sunt, ad hanc partem esse revocanda arbitramur, & exactiore judicii lance ponderanda.

Sexta & ultima pars superest: quam *Pathologicam* vulgus medicorum, *Verulamius Impressionem* vocat ab effectu. Quippe duo considerat: aut quomodo & quousque humores & temperamentum corporis immutent animam, in eamque agant: aut rursus, quomodo & quousque animæ passionem vel apprehensiones immutent corpus, & in illud agant. Utrumque in schola medica tractatur, sed parce admodum & oscitanter: nec pro rei vel subtilitate vel utilitate. Horum prius *Galenus* olim conatus est asserere & demonstrare. Posterius generali Diafoctica subtextitur. Huc facit quod *Fiemus* scripsit de *Viribus imaginationis*, seu quatenus ipsa imaginatio, vel cogitatio perquam fixa valeat ad immutandum corpus imaginantis. Nobilis profecto usus est hæc inquisitio: verum (ut *Socrates* ait) Natatore Delio indiget, quia mergitur in profundo.

Est & aliud *Diafocticae specialis* discrimen, ab ætatibus desumptum: & aliud a conditionibus hominum. Aliter enim pueros, aliter senes: aliter prægnantes aut puerperas, aliter liberas: aliter debiles, aliter validos: aliter qui sui

juris, aliter qui non sunt: aliter viros Principes, aliter plebejos: aliter studiosos, aliter milites, aut iter agentes, aliter otiosos & testudines regere oportet. De scriptoribus quid attinet dicere? deligi nequeunt, nec diligi, quia rari sunt, & rarum in his quod commendes. Nec operæ puto, antequam ad praxin accesseris, illos videre. Itaque suffecerit nomine tenus nosse, & nobis recensuisse. Puerorum regimen offeret *Merlingerus* aut *Hucherus*: Senum, *Philaretus* aut *Anselmus*: Prægnantium & puerperarum, *Altmarus*, *Mercatus* aut *Joannes le Bon*: Debilium, *Montagnana*: Studioforum, *Ficinus* aut *Sylvius* aut *Horstius*: Militum, *Villanovanus*: Peregrinantium, *Gratarolus* aut *Guntherus*.

Claudebamus hanc partem, cum se *Cosmetica* intrusit, & subintulit alia de *Proroganda Vita*; & de se quoque hoc loco (neque enim in alium facile amandaveris) verba fieri voluerunt. Non pecco, si *Cosmeticam* iterum extrudo, & è medicina ejicio. Etenim *Civili* subsellium est in schola Philosophorum. Nam corporis mundities & honestus decor recte existimantur promanare à modestia quadam morum, & à reverentia in primis erga Deum, cujus creaturæ sumus; erga societatem, in qua degimus; erga nosmetipsos, quos non minus, imo magis quam alios, revereri debemus. Illa vero *Fucatrix* non medicos solum dedecet, sed Censoria lege & proscriptione digna est. Quin inepta prorsus videtur, etiam ad adulterinam decorationem, cum non sit aut ad fallendum satis ingeniosa; aut ad utendum satis commoda; aut ad salubritatem satis tuta & innocua. Non me latet, *Cosmeticam* ab *Mercuriali* ornatricis effeminatam hanc partem appellari: *Cosmeticam* vero, quæ sceditatibus corporis abolendis studet. Ista veteribus pressiori significatu solius comæ comatrix habita

habita fuit. Sed nolum mihi super verbis litem moveri, quin, si res ferat, illam alteram *Cosmeticam medicam* indigitabimus.

De *Prolongatione Vitæ* medicorum nugas paucis sapienter notat *Franciscus Baco* cap. 11. lib. IV. De augmentis *Scientiarum*. Simulque viam monstrat, qua ad istam potest perveniri. Eamque primus ipse ingressus, facem in *Historia vitæ & mortis* præluxit.

Veniamus ad *Therapeuticam*: partem medicinæ maximam: & in qua scriptorum copia maxima; & cottidie novi prodeunt, iudicio eligendi. Quod ut fiat, duplex illa nobis erit: *Generalis & Specialis*. Ista communem regulam tradit, ad quam tum curatio apposite dirigatur ad sanandum; tum remedia, ut quantitate rationeque congrua queant exhiberi. Illa particulatim morborum singulorum sanationem & probatiora auxilia revelat. *Universalem* medendi methodum dabunt *Fernelius, Vallesius, Capiuaccius, Heurnius*, magni viri. Mihi præ manibus paterna est: una ex optimis, si non pro omnibus, adeo nihil illi deest quod discendæ faciendæque medicinæ quit facere. Utinam per otium liceret in adspæctum lucemque proferre! Dum hac cares, jam laudati adeundi tibi: ultra quos maximopere commendo libellos *Mercati de recto præsidiorum usu; Claudini de ingressu ad infirmos*. Libellos dico aureos, & factivæ medicinæ sese accingentibus diu multumque versandos. *Specialem* varii, pro diversitate affectuum & affectarum partium docent. Ex istis multos admitto: sed successu tamen; nec ut saltu pergatur, sed pedepressim & per quosdam velut gradus. Et primus meo arbitrato in iis faciendus, qui de omnibus aut magis obviis malis scripserunt. Qualis *Hollerius, Rondeletius, Massaria, Paschalius, Bruelius, & Rhazis liber novus,*

nus, eorum quos ad Mansorem regem exaravit, in quem habemus *Arculani* expositionem, præ cæteris illius ævi & fortasse sequentis, planam ac plenam. His addo *Cratonis*, *Montani* & *Solenandri Consilia*: & *Amati Lusitani Centurias*, etsi illum (*Crato* ait) plura ficta scripsisse, & interdum opiniones suas isto modo confirmare voluisse apparet. Ego bono auctoris & lectoris in primis facturum censeo, quisquis palantes ager in ordinem, & dispersas colliget. Cunctis antefrenda sunt *Fernelii Consilia*: quæ utinam adversus omnes morbos extarent! tamen quæ extant, æstimanda sunt, & sequenda. Sequuntur *Arculanus*, *Sennertus*, *Liddelius*, *Paschalius*, de Febribus legendi; de morbis Cerebri, *Jason Pratenfis* aut *Foubertus*: Oculorum & Aurium *Mercurialis*: Dentium, *Strobelbergerus*: Pectoris, *Thomas à Veiga*: Cordis, *Albertinus*: Ventriculi, *Heurnius*: Mesenterii, *Martinius*: Scorbuto, *Sennertus*, & adjuncti scriptores: Articulorum, *Campolongus*: *Spigelius*: Cutis, *Mercurialis* aut *Mindous*. Mulierum, *Rodericus à Castro*: Puerorum, *Ferrarius*, *Mercurialis*, *Montius*: Senum, *Anselmus* aut *Ranchinus*: occultis, *Rudius*: pestilentibus & peste, *Sallius*, *Saracenus*, *Septalius*, *Favius*: Contagiosis, *Palmarius* aut *Fracastorius*: venenosis & venenis, *Ardoynus*, vel *Grevius*: veneficis, *Codronchus*: simulatis, *Silvaticus*: incurabilibus, *Seidelius* aut *Hubnerus*. Quanquam magni nihil ab his præstitum. Neque fuit hucusque qui potioribus nervis incubuerit in curam morborum quos insanabiles, vel jam inde à principio, vel post talem quampiam periodum, medici decernunt, satis medius fidius indecenter & imperite. Quandoquidem neglectum sic & incuriam veluti lege sanciant, & ignorantiam ab infamia eximant. Præter jam dictos adire suadeam *Forestum*: multijugæ lectionis & *id*

& (id quod est majus) expertum medicum. Est in eo casuum peculiarium & curationum cornucopia: maxime nostrorum hominum & temporum. Non possum silentio prætervehere, in praxi hoc pelago scopulos & vada, imo & Scyllam suam & Charybdim esse, quos a *Septalio* & *Schopffio*, pretium operæ prædiscere; imo per necessarium, ut caute navigemus. Non sum nescius *Obicium*, *Sanctorium*, *Sanctacrucium*, *Sallium Diversum*, & *Colladonem* non incuriosius istorum quoquo plurimos præmonstravisse, & interpunxisse in suis tabulis aliaque breviter, non brevibus tamen, & cursu obliquiore. Ex omnium observatis quid si itinerarium quis instruat quibuscunque portibus annavigandis? Exspecta tantisper *Plempii* opus practicum: id instruet, ut annavigare possis quoscunque.

Desiderari hic a sapiente viro video de *Euthanasia* exteriori curatricis partem. Ad cujus officium censet pertinere, ut, adjecta prorsus omni sanitatis spe, excessum præbeat è vita magis lenem & placidum. Et putat medicos, si officio suo, atque humanitati deesse nolint, & artem ediscere, & diligentiam præstare debere, qua animam agentes facilius & mitius è vita demigrent. Vellem utique hac de re (siquidem non parva est felicitatis pars) ex more suo, & monita dedisset, & indicia, & præcepta. Sed incerta valde, si non impossibilis ejus inquisitio. Mortis mille modi, quis judicabit quid facto opus? aut quis post obitum laudabit remedium? hoc quis feret in tempore? quis actum esse, quis conclamatum pronuntiabit? Notum, quomodo interdum deserti à medicis convalescant, & quam subinde nihil sint medicorum proscriptiones; per quas ægrotos futilibus edictis morti dedunt: quorum tamen plurimi minore cum difficultate evadunt, quam olim qui pro-

scriberentur a Romanis Triumviris. Certe speramus dum spiramus, & vetere dicto.

Fidere Batte decet, melius cras forsā habebis:

Sperandum est vivis, non est spes ulla sepultis.

Imo quosdam fama prodidit in ipsis funeribus revixisse, & ipse vidi ad se redire & adstantibus ad vitam, qui multum & gravissime cum peracuta & maligna febre, mox morte (ut liquide videbatur) luctatus, jacuit integros tres dies absque pulsatione aut respiratione ulla, frigidus & extrema lividus; & verbo dicam, mortuo simillimus. Arbitror huic fuisse in magnis istis angoribus faciendam Euthanasiam medicinam: si successisset, necasses? arbitror: & eam ipsam sibi procurare meri largiore haustu & ingurgitatione, Epicurum decet & qui sunt Epicuri

de grege, porcos.

Aliter Christiani qui sumus & christiane docti, credimus beatam mortem, quæ peccatis debita, pro Christo est potissimum reddita; anima ad eam solide præparata, quam adimit solus qui inspiravit. Sed unde digressa est oratio, revertatur.

Therapeuticæ ancillantur *Dietetica*, *Pharmaceutica*; *Chirurgica*. Prima, quæ victum medico subministrat: secunda, locupletem medicinarum farraginem: tertia, manu openi.

Dietetices magna pars cum Sitiologica convenit: nempe quæ est de esculentorum & potulentorum facultatibus. Ad reliquam faciunt, quæ de victus ratione in morbis variis *Constantinus Aphricanus*; acutis, *Hippocrates* & *Thriverius*; febribus, *Brudus Lusitanus*; de pituita, *Galenus* & *Lalamantius* de potu in morbis & feri usu, *Coffæus*; de gelidi abusu, *Masinius*; de vino, *Sylvius* &

Con.

Confalonevius scripsere, lectu sane digni auctores: & à quibus consequare, quæ scire hic opus.

Pharmaceuticen dixi medicamentis opitulari; simplicibus quandoque, sæpe mistis. *Simplicia* multa & multigena sunt: plantæ, animalia, metalla, lapides, & quæ mare producit. Omnium necesse est vires & facta novisse; faciem, jucundum & utile. Ad utrumque magistros requiro: vivos, mutos. Etsi primum illud a mutis, a vivis alterum citius discas. De singulis cum cura & ad usum. *Plantarum* ideam ex *Dodonæi*, *Clusii*, *Lobellii*, aut *Matthioli* lectione jam ante animo concipe; & adpicta simulacra imprime. Accede mox hortos aut natale, si licet, cujusque solum. Tamen neutrum absque indice. Is professor sit aut gnarior condiscipulus. Ille quem habet & habuit illustrem semper Musarum Leida sedes, publicis & anniversariis demonstrationibus suevit præire ad earum notitiam, quæ in Academia plantario coluntur, & quotquot annis semel atque iterum ad collinas & palustres exire. Nec ubi absis. Ne sero doleas quædam dicta, quorum non fueris particeps. Quin aliquem tibi fac familiarem, quo cum crebrius expatiare, & eadem ista aliave loca repetere, in quibus proficias. Et ut serio, herbas ipsas erue, caulem, folium aut ramasculum decerpe; & siccata reconde. Hæc inspecta cum virentia non licet aut libet: & memoriam recale, quam constat emori, si iisdem subinde non reficiatur. *Siccandi condendique* artificum *Spigelius* & *Laurembergius* tradent: tempus, *Winklerus*: ordinem, *Baubinus* in *Phytopinace*. *Radices* vero, *cortices*, *ligna*, *semina*, *gummi*, & id genus indigenas, advenas, convenas simplicia medicamenta apud *Pharmacopolas* & *aromatarios* commodissimum percipies. Horum officinas frequenter vise: rogita, differe, expiscare de singulis,

lis & familiarior admissus introspecte capfas; & optimorum particulam cum venia aufer, domi conferendam exactius cum descriptione & notis; & in arculam postea recondendam: è qua vacillante memoria leviori iterum negotio promas. Pari modo metallorum, lapidum, & marinorum cognitionem acquires. De metallis & fossilibus, *Encellium*, *Cesalpinum*, *Fallopium* leges: de lapidibus & gemmis, *Anselmum Boetium* & *Andream Baccium*: de marinis *Libavium* III. libro Singularium. *Animalium* historiam, id est, ingenia, proprietates, usum in medicina, olim ex *Aristotele*, *Æliano*, *Plinio*; postea ex *Wottono*, *Bellonio*, *Rondeletio*, *Salviano*, *Gesnero*, aliis; nunc ex uno *Ulyssæ Aldrovando* adfatim cognosces. Qui partem hanc voluminibus aliquot diligentissime comprehendit, quorum plura accepimus, plura ab hæredibus expectamus. Quid omitto? *Thomas Moufetus* se suggerit, de *Insectis* legendus: quorum tractationem solus accuravit & absolvit. Sed inconsultum in hoc studio studium ponere, & te diu impendere, parergum potius sit, in quo otium honeste colloces. Nam utile aliquando ad eos divertere, quorum lectio ingenium alit: & studio fatigatum, non sine studio tamen, reficit. Ita *Seneca* solebat & in aliena castra transire, non tanquam transfuga, sed tanquam explorator. Quæ autem ex animalibus ad sanandum utibilia sunt, eorum facultates, aut cæterorum simplicium, satis presse *Gesnerus* aut *Weckerus* ex *Dioscoridis*, *Galenis*, *Aëtii*, *Æginetæ*, aliorumque libris in suos transtulere sive transcripsere. Simplicium virtutes plurifariis experimentis deprehensas multimodis deinde ratio coacta est miscere, tum quia non satisfaciunt quibusvis intentionibus: tum quia eadem forma nequeunt omnes adsumere. Nam quod olim, ut *Plutarchus* refert, *Erasistratus*

tus refutavit absurditatem & supervacaneam diligentiam eorum, qui simul metallica, & herbaceam & theriaca, & quæ è terramarique, miscerent. Censuitque, commodum in ptisana & cucurbita & hydreleo medicinam reliquisse, absurdius, quam ut debeat refutari.

A duplici ista causa natum est compositarum medicinarum genus duplex. Alterum, quod semper sit in promptu: alterum, quod ex tempore fiat in singulos eventus; & ubi usui istud esse non potest. Illud passim in officinis prostat. Et istiusmodi fere est, ut potius (quod acriter & recte Verulamius notat) sic ad intentiones generales, quam accommodatum & proprium ad curationes particulares. Siquidem speciatim nullum morbum magnopere respicit: verum generatim ad obstructions aperiendas, concoctiones confortandas pertinet. Quod ipsum quoque varie medicus componit, pro varietate complexionis ægrotantium, ætatis, locorum, anni tempestatis, consuetudinis, & similium. Imo, si res postulat, omnino aliud è simplicibus aptis fieri præscribit. Cottidianam hanc receptarum fabricationem vere Verulamius, licet severe carpit: fallacem rem esse, & quæ experientiæ non satis attribuit, iudicio plus nimis. Equidem experientiæ magis fidendum: in particularibus præcipue medicinis; quæ ad curationes morborum singulorum proprietate quadam spectant. Quarum confectionem & compositionem quia empirici & vetulæ fideliter & scrupulose retinent, sæpenumero in curandis morbis feliciter operantur, quam medici eruditi. Hi enim ut plurimum, speciosæ rationi nixi, existimant decere medicum doctum potius medicinas ex tempore aptare quam certis aliquibus præscriptis insistere. Ideoque traditionum & experientiæ probatæ fructum magistralitatibus suis destruxerunt & sustule-

runt, addendo & demendo & mutando circa medicinas pro-
ut iis libitum fuerit, & fere Pharmacopœorum more, quid
pro quo substituendo; ita superbe imperantes medicinae, aut
medicina non amplius imperet morbo. Aliter Veteres, qui
se probatis majorum aut suo usu remediis religiose adstrin-
gere: & integra ad posteros pervenienda curare. Frequens
Galeno, Aëtio, Oribasio, Alexandro aliis, aliorum me-
dicamenta ad verbum recitare, laudare, usurpare. Et Her-
cules ita oportet. Nam modificationes ipsæ medicinarum (si
quando sit opus eas adhibere) potius in vehiculis exercendæ
sunt, quam in ipso corpore medicinarum; in quo nil novan-
dum absque evidenti necessitate. Hippocratem audi. Omnia
secundum rationem facienti, si non secundum rationem suc-
cedant, ad aliud transeundum non est, manente eo quod fuit
à principio visum. Id circo (Celsi monitum est) non statim
profuit: Minus vero removeatur, si quid paulum saltem
juvat, quia profectus tempore expletur. Attamen & hoc
oportet (ex eodem Celso) ubi aliquid non respondit, non
tanti putare authorem quanti ægrum, & experiri aliud at-
que aliud. Sed minime præcipitanter; quod fucere multos
videas. Nec mirum. Etsi enim (Verulamii verissima ex-
probratio est) ex opera medicorum quotidiana, quam invi-
sando, assidendo, præscribendo ægrotis præstant, putaret
quispiam haud segniter ipsos curationem persequi; atque in
eadem certa quadam via insistere; tamen si quis ea, quæ
præscribere & ministrare solent, acutius introspiciat, in-
veniet pleraque vacillationis & inconstantiae plena, & quæ
ex tempore excogitentur, & in mentem illis veniant, absque
certo aliquo aut præviso curationis tramite. Debuerant
autem etiam ab initio post morbum bene perspectum & cogni-
tum, seriem curandi ordinatam meditari, neque ab ea absque
gravi

gravi causa discedere. Atque sciant, ait, pro certo medici, posse (exempli gratia) tria fortasse aut quatuor medicamenta ad morbum aliquem gravem curandum recte præscribi, quæ debito ordine & debito intervallo sumta curationem præstent, quorum singula, si per se sumerentur, aut si ordo inverteretur, aut intervallum non servaretur, fuerint prorsus nocitura. Istius exemplum ex podagra sumit Hist. natur. cent. 1. experim. LX. quam tribus remediis, & quæ valde rarerent fallerent, in die uno curabat. Et vero quæ in natura eximie prosunt pollent, sunt Ordo Prosecutio, Series, Vicissitudo artificiosa. Quæ, licet majus quoddam in præcipiendo judicium, majoremque in parendo constantiam requirant; tamen effectuum magnitudine abunde rem compensant. E quæis intelligi potest, medendi rationem, quæ obtinuit, esse nimio plus compendiosam, quam ut insigne aliquid aut arduum præstare queat. Et, quod Celsus notat, ab uno medico multos non posse curari, eumque (si artifex est) idoneum esse, qui non multum ab ægro recedit; sed ejus vires subinde assidens inspicit, ut neque supervacua materia oneret, neque imbecillitatem fame perdat, aut labore fatigat, quin autem ex re quæ putat, cuncta prosequatur bene ordinata serie, & in qua opportune vires alternentur. Sed qui quæstui serviunt, quoniam is major ex populo est, libenter amplectuntur ea præcepta, quæ sedulitatem non exigunt. Denique, frustra, non absque insigni tamen temporis jactura, consui centones istos receptarum. Quibus quasi indicationum rimas expleturis nunc passim & usque ad nauseam libros infarciunt. Unde si quis ignarior aut ignavior promere in usum valet, hæret, & quo se vertat, nescit. Valde huic quadrat quod egregie dicere Demetrius Cynicus (inter astra ejus avi, non solum stellas: si Sc-

si Senecæ fides, ubique laudanti) solebat: *Plus prodesse, si pauca præcepta sapientiæ teneas, illa in promptu tibi & in usu sint, quam si multa didiceris, sed illa non habeas ad manum.* Promta, ut exerceas & utare. Notabile dictum: qui legis, attende; & isti, & pluribus usibus adplica. Sperne hæc varia, & sæpe vana: pauca & utilia disce à probis, & probatis. Plura huc spectant; quæ prætereo: quod videantur forsitan alterius loci.

Et, quod institui, pergo dicere & qui de *medicamentorum compositione vel mistione*, nam facimus ista diversa: & sunt reapse, quia proprie est medicorum componere; miscere Pharmacopœorum. Illis norma est indicatio ab adfectu præter naturam sumta: his medici quaecunque præscriptum, sine quo non audeat Pharmacopœus abrotanum ægris aut poculum dare. Sed ne medicus quoque pilulas è marsupio porrigat aut theriacam, & lumen præferat ad fraudes & sordidum lucrum. De componendis medicamentis lege *Sylvium, Foubertum, Fallopium, Oddum*: è Græcis autem, si voles, *Galenum & Actuarium*. Adde ad familiarem receptarum ordinationem *Gorræum, Morellum, Banzerum*. Quibus adjungere liceat *Curtii, Rondeletii, Schyronii*, aliorumque libellus de *Dosis*: quos huc refero & includo. Miscendi scientiam in Medicamentario consummatam requiro; in medico aliquantum: nempe quæ in præscribendo lucem det ad congruentem mitionis ordini simpliciorum dispositionem. Illa præceptis adipiscitur ab arte suggestis vel propiore inspectione. Hoc modo molestius: quia præsentem esse rarius studia sinunt, nisi cum artifice forte fortuna habites, & illi fies à latere. De præceptis inquire apud *Dessenium, Renodæum, Marinellum, Joannem du Boys*: & si gallice sciveris, *Bauderonium*; perdignum virum

rum qui Romana civitate donetur: & qui possit solus subministrare quicquid remediorum formulis ex arte concipiendis ab istorum priorum lectione supererit. Insuper faciant huic parti quæ de medicamentorum examine *Simon è Toudr* edidit: de succedaneis *Gesnerus, Fragosus, Silvaticus*.

Restat *Chirurgice*, antiquitus medicinæ conjuncta: & habita ejus nobilissima pars. A qua licet paucissimis seculis post separaretur, suus tamen illi honos constitit: quia celebres reperit Professores, donec superiori paullum ævo ad barbitonfores & ignarum vulgus devoluta, cœpit vilioribus artibus adnumerari: maxime apud nos, quæ temporum nostrorum an hominum injuria est? Cujus cujus sit, eo magis gnaros ad hanc artem & peritos esse medicos oportet, ut ad minus fortasse simul vocati, de dextera agendi, curandique methodo possint submonere. Sed unde dic sodes est, quod pauci aut Chirurgices aut Pharmacopoëtices sibi facultatem medici comparent, & nullam partem minus ad Medicinam facere censeant, quam istarum alterutram? Imo plures arbitrentur parum ipsis interesse vel ad existimationem vel ad lucrum, utrum artis nostræ mediocritatem an perfectionem in ea majorem adsequantur. Caussam suspicor: quia præter hanc omnes aliæ propemodum artes & scientiæ virtute sua & functione non successu aut opere judicantur. Advocatum ipsa agendi & dicendi facultas, non exitus causæ commendat. Gubernator navis clavi tenendi peritia, non expeditionis fortuna se probat. At medicus vix habet actionem aliquam propriam, qua specimen artis & exercitationis suæ liquido exhibeat: sed ab eventu præcipue honorem aut dedecus reportat, iniquissimo prorsus judicio. Quotus enim quisque novit, ægroto mortuo aut restituto, utrum sit res casus an consilii? Fit itaque sæpissime, ut impostor palmam, virtus censuram referat.

A a a a

ferat. Quin ea est hominum infirmitas & credulitas, ut sæpe numero agyrtam, sagam aut aniculam docto medico anteponant. Et illos constat omnibus temporibus fama & opinione vulgi medicorum quodammodo rivales fuisse: & de curationum celebritate cum iisdem certare solitos. Est & altera causa, agrotantium ingratitude, quæ plerumque maxima est, quotiescunque maximis fuerint morbis fanati. Res scilicet instituta est ac geritur juxta veterem opinionem.

Dantur coquo minæ decem, medico drachma.

Adulatori talenta quinque, consultori fumus.

Scorto talentum, Philosopho triobolum.

Atque adeo millesimum non est, qui agnoscat cum Seneca, emi à medico rem inestimabilem, vitam ac valetudinem bonam. Itaque huic non rei pretium, sed operæ solvi, quod à rebus suis avocatus nobis vacat, mercedem non meriti, sed occupationis suæ ferre. Et omnino se medico plus quiddam debere, nec adversus illum mercede defungi. Quia, subdit, ex medico in amicum transit, & me non arte quam vendit, obligat, sed benigna & familiari voluntate. Maxime, cum plus impendit, quam medico necesse est: pro me, non pro fama artis extimuit: non fuit contentus remedia monstrare, sed admovit. Interea, sollicitus assedit. Ad suspecta tempora occurrit: nullum ministerium oneri illi, nullum fastidio fuit. Gemitus meos non securus accepit, in turba multorum invocantium ego illi potissima cura fui: tantum aliis vacavit, quantum mea valetudo permiserat. Nam medico, nihil amplius quam manum tangit, & me inter eos, quos perambulat, ponit, sine ullo adfectu facienda vitandave præcipiens, nihil ampli-

us, inquit, debeo: quia me non tanquam amicum vidit, sed tanquam imperatorem. Atque a fordidissimorum istiuscemodi Euclionum avaritia fit, ut

Pœniteat multos vanæ sterilisque cathedræ.

aut si re angusta domi premantur, pacisci mercede cum ægris malint. Nimirum, inquit Hippocrates, ut ægroto cogitationem injiciant, quod ipsum non sint deserturi. Sin non paciscantur, quod ipsum & neglecturi sint, & non indicaturi quæ sunt in rem præsentem necessaria. Verum ista, si quis perpendat, potius ad culpam attinent, quam culpæ excusationem. Neque enim propter hæc accipere in excessum debent auctoramentum servitutis. Aut haberi inter eos ab eodem Seneca velint, qui honesta in mercedem colant, quibusque non placeat virtus gratuita: quæ nihil habet in se magnificum, si quidquam habet venale. Quid enim est turpius, quam aliquem computare quanti vir bonus sit: cum virtus nec lucro invitetur, nec absterreatur damno, adeoque neminem spe ac pollicitatione corrumpat, ut contra in se impendere jubeat? Nam virtutum omnium pretium in ipsis est; & maximum hoc, non posse pretio capi. Non enim exercentur ad præmium: facti, fecisse merces est. Quare si res exigat, ait Hippocrates, satius est servatis exprobare, quam lethaliter ægros emungere. Sed neque propter ista spem abjicere debent; sed vires intendere, & se tollere humo. Chalmeteus, Aquapendens, Paræus, Pigraeus, Tagaultius, & valde nuper Hildanus fecere: & opere primum, mox scriptis sibi nomina apud posteros nunquam intermoritura. Ex his discite, qua ratione venæ debeant aut arteriæ aperiri; cucurbitulæ aut hircines applicari; fonticuli & setones fieri: luxata etiam reponi; fracta

consolidari: præterea vulnera, ulcera & tumores, & omnes omnium externarum partium aliarumque morbi manu curari. Et licet postrema hæc potius ad Therapeuticam Chirurgicam pertinent, cui priora ista famulentur: non sunt tamen scriptione aut lectione divellenda. Sed præter istos suadeam speciatim legi de vulneribus, *Aræum*, *Magatum*, & *Wurtzium*; quem cur non aliquis in latinum vertit? ulceribus, *Fallopium*: tumoribus, *Arantium*. Vidimus de medicina Dogmatica.

Reliquæ nobis *Methodica* & *Chemica*: etsi vix reliquæ. Utraque enim ejusmodi est, ut admonere de ea obiter possum, non commode differere. Illa pene tota intercidit, & cum auctoribus ferme memoriam nobis ævum subduxit. Galenus (cujus temporibus floruit) plurimum contra disputavit. E quo & aliquibus aliis priscis scriptoribus eam paucis abhinc annis renovavit *Prosper Alpinus*. Mecastor! tam prospere, ut ipse illi Thessalus palmam adjudicet, si inter vivos. Neque fere est cur non à rationali medico pervolvatur; in multis etiam sequendus. Etsi opus juventuti, certum doctorem & dogmata esse, quibus insuescant, & tamdiu immorentur, quamdiu nihil agere animus majus potest. Seneca recte monuit; quemadmodum folia per se vivere non possunt, ramum desiderant cui inhaerant, ex quo succum trahant: sic præcepta si sola sunt, marcent, infigi volunt sectæ. Juventuti, inquam, hoc opus: at jam viros, quæ invidia aut ignavia est, longius non mittere? non exserere se, & vagari per omne scriptorum genus? non omnia tentare, non experiri in salutem hominum? Multum egerunt qui ante nos fuerunt, sed non peregerunt. Multum adhuc restat operis, multumque restabit: nec ulli nato post mille secula præcludetur occasio aliquid

aliquid adhuc adjiciendi. Igitur, nunquam quidquam invenietur, si contenti fuerimus inventis. Quid ergo? Non ibo per priorum vestigia? Ego vero utar via veteri: sed si propiorem invenero, hanc muniam. Qui ante nos ista moverunt, non domini nostri, sed duces sunt. Patet omnibus veritas, nondum est occupata. Multum ex ea etiam futuribus relictum est. Non absimile alicubi Barlæus noster pro philosophica libertate dixit: Quid putamus non scire nos plurima, quæ ignoravere veteres? non ignorare nos plurima, quæ supplebit aliquando posterorum diligentia? Adeo ut summæ sit vel negligentia, vel pusillanimitatis, pati suam virtutem ab antiquitatis fascinis vel auctoritatis ita ligari, ut cum rebus ipsis consuescere quis tanquam malificiatus non possit. De utraque ista Verulamius sic statuit. Mundi senium & grandævitatē pro antiquitate habendam esse: eaque temporibus nostris tribui debere, non juniore ætati mundi, qualis apud antiquos fuit. Illa enim ætas respectu nostri, antiqua & major; respectu mundi ipsius, nova & minor fuit. Atque revera quemadmodum majorem rerum humanarum notitiam, & maturius judicium, ab homine sene expectamus, quam à juvene, propter experientiam, & rerum quas vidit, & audit, & cogitavit, varietatem & copiam; eodem modo & à nostra ætate (si vires suas nossent, & experiri, & intendere vellet) majora multo quam à priscis temporibus expectari par est; utpote ætate mundi grandiore, & infinitis experimentis & observationibus aucta & cumulata. Deinde abjecti animi esse, auctoribus infinita tribuere, auctori autem auctorum, atque adeo omnis auctoritatis tempori jus suum denegare. Recte enim Veritatem Temporis Filiam dici, non Auctoritatis. Quare in adulta illa

etate cum Seneca libere profare: *Non me cuiquam mancipavi, nullius nomen fero: multum magnorum virorum iudicio tribuo, aliquid & meo vindico.* Atque tunc te puta in Senatu sedere, ubi non audias tantum, sed examinare audeas: & ipse rogatus, sententiam dicere. Sed quæ ad illum intromittat, priusquam in Æsculapii templo togam sumes, uni sectæ consulte & districte adhærebis: etsi non uni homini, qui te detineat & vindicet sibi. Unus enim omnia ut viderit? non si Minervæ aurea lucerna, ut vetus verbum est, illustrasset, Euripidæum illud rotundum & verum:

*Non unus aliquis scire natus omnia est:
Sed aliud alii præmium posuit Deus.*

Ultima porro medicinæ secta aut sectio, *Chemica* erat: quæ licet multorum ingenio proficit, adhuc taliter comparata est, ut fuerit magis ostentata, quam elaborata. Hanc omnes annosam valde ajunt: sed delituisse, donec ante centum præterpropter annos magni nominis vir, *Aureolus Philippus Theophrastus Bombast ab Hohenheim*, dictus *Paracelsus*, non tam condidit, quam somno plusquam epimenideo sopitam resuscitavit. E cujus libris facile est animadvertere retro seculis viguisse; adeo ab ultima antiquitate & vocabula ipsa quæ usurpat, & dogmata omnia repetuntur. Tamen nonnihil fortasse acerbius exprobaverit illi *Eraustus*: finxisse hæc sibi, ne, si aperte & intelligenter loqueretur, continuo exploderetur, ab omnibus homo in omnibus sermone, cogitatione, vita, moribus, actionibus monstruosus. Dum enim sic loquitur, ut quid sibi velit nescias, mysteria quædam censent latere imperiti: & sunt revera. Novimus enim neminem, qui ausus sit dicere, præceptoris

ceptoris se mentem plene adsequutum. Immo plurimis postquam ad vitæ terminum, vixdum fuit ad istorum limen perventum: etsi totos ille unus ætatem occupasset. *Alchymista enim spem alit æternam, atque ubi res non succedit, errores proprios reos substituit; secum accusatorie reputando, se aut artis, aut authorum vocabula non satis intellexisse, unde ad traditiones & auriculares susurros animum adplicat; aut in practicæ suæ scrupulis & momentis aliquid titubatum esse; unde experimenta in infinitum repetit; ac interim quum inter experimentorum sortes in quædam incidat, aut ipsa facie nova, aut utilitate non contemnenda, hujusmodi pignoribus animum pascit, eaque in majus ostentat & celebrat, reliqua spe sustentat.* Unde sane mirari subit, & bono jure, quomodo quis imbibere potuerit tetrum illud absinthium doctrinarum: quomodo detorqueri se rectissima ingenia passa fuerint, & in flexuosos labyrinthos abduci, longum à vero medicinæ fine. De Paracelso non ita mirum, novam viam novum hominem inivisse, & explosa medicina veteri, aliam excogitasse: nam hoc adfectavit, ut ipse solus solum illud medicinæ insideret, priscis ejectis. Atque ea res belle inter initia cessit, quanquam apud sapientes omnes valde insipiens haberetur, & quem isti ipsi tyrunculi Principatu mox dejecere, qui per pravam seditionem elegerant. Scilicet tunc inprimis cum viderent, imo discerent suo & alieno periculo, non evenire protinus quidquid spe votisque concepissent, & murem sibi pro leone exhiberi. *Laudes enim immodicæ medicinarum chymicarum primo inflant hominum spes, deinde destituunt.* Nequis tamen eas spernere aut refutare me putet. Scio, & fateor, multa in his accipiendi tum suavitate, tum securitate & succurrendi promptitudine bona. Quin etiam Paracelsicam licet hili aut
pili

pili non facio, magni tamen veram Chemicam. Et quemadmodum in Republ. Romana cives erant utilissimi, & optime compositi, qui aut Consules populo favebant, aut Tribuni in partes Senatus inclinabant: ita in hac materia, de qua agimus, Medicos eos probamus, qui aut Rationalis medicinæ præceptis imbuti, Chemica medicamenta plurimum æstimant; aut in horum præparatione & usu exercitati, Methodos & Generalia artis non aspernantur. Igitur ista, si non in principali, necessario tamen additamento est habenda, & acriter degustanda. Sed è quibus? *Nollio* dixero & *Beguino*. Ille brevi & methodico systemate dabit integram medicinam hermeticam ad veteris exemplarium delineatam: hic dexterrimam præparationem medicamentorum crebrius usualium. Quibus *Crollium* si lubet superaddere *Hartmanni* notis mactum, non erit quo ultra progrediare.

Hem, inquires, quanta materia, & quæ silva? quis ingreditur sine errore, & egredietur? qui *Ordine* insistet, qui industriam & *Curam* adferet, jam dicenda. *Ordine* in primis opus, & ne confusa & vaga lectio sit, aut desultoria & interrupta. Hoc plerisque evenit, & velut ex equo in equum se trajiciunt, ab hoc scriptore in alium, ab isto argumento in illud. Sed vero pulcherrime tales cum Polybio gulosis, & imminentibus convivarum comparantur. Nam & illi omnia, quæ apposita sunt gustantes, neque in præsentia fere fruuntur ullo cibo, neque in posterum digerunt satis, aut utiliter iis nutriuntur. Plane hic simile, momentaneæ voluptatis gratia degustant & libant varia; & sine alio fructu quam ut rem suam, imo & se fallant. Tu non fac, ô tyro, & ordine lege: quem ex ipsis à me dictis etsi posses instituire: tamen breviter edocebo.

Verum ad Medicinam priusquam veniamus, duo potissimum præmittenda sunt, *Litterarum studium* & *Philosophia*.
Litte-

Litteræ inprimis rudimenta sunt nostra, non opera. Sed & rudimenta utilia, imo necessaria sunt, non aliter quam ædium sublimium fundamenta. Xenocrates olim prudenter cuidam amuso & rudi, ad Philosophiam tamen & diatribam suam adspiranti: vade, inquit, *ansas enim Philosophiæ non habes.* Ut nempe ansæ humorem non continent, vasi tamen necessariae sunt ad usum: sic de litteris, artem non habent sed conferunt ad habendas. Philosophiæ item cognitio non ideo requiritur, quia medendi scientiam dare possit, sed quia animum ad accipiendam illam præparat: imo etiam obfirmat ad fortiter ferenda tum vitæ universæ, tum praxios quotidiana & quasi inevitabilia tædia: quæ indies medicis, ut pilulæ ægris; deglutienda potius quam devoranda offeruntur. De methodo utrique studendi multi multa, pauci accurate: *Heurnius* consultor optimus. Quare, ne aberrem, ego labore hoc & verbis supersedeo liberius etiam, quod ista olim paravisse tibi scio.

Age itaque ad ipsam jam Medicinam. In qua initium fiat ab *Institutionibus*. Illæ enim (*Heurnius* inquit) *ideam quandam totius medicinæ animo immittent: & ex illis ordinem totius studii medici & subtegmen firmum, cui intexi omnium auctorum scripta possint, percipiet novus medicinæ mysta.* Sunt enim institutiones medicæ nihil aliud, quam ex omnium scriptorum medicorum deliciis ac medullis condita placenta: aut, ut melius dicam, ex electissimis quibusque flosculis compositum mellificum. Tentavit *Fuchsius* primum: sed leviter; etsi plerumque nimius est in contentionibus & probris. Hunc insecuti sunt, *Liddelius, Bertinus, Steeghius, Gardinius*, alii, & novissime *Sennertus*. Isti breviores & solidi: hic fusior, imo plenior, & quid in diligentia viri tanta deest? Imo ut supersit, vereor: iis utiq; qui temporis parciores non amant detineri disputationibus, & opinionum variarum relatu, & bene scire abunde satis est herbis mederi, non

verbis. Quanquam ista quoque placent in juvenili ætate, non abnuo publicis etiam velitationibus subinde exerceri. Quibus privatim præsideant *Silvaticus, Vallesius, Ferdinandus, Cortesius*; & si qui tales. Aponi Conciliator commendabilis est utilis præ reliquis, sed parum obvius. *Horstius* dedit enucleatum: quo utere, donec recudatur: qui faxit, tergat primum & purum illi latinitatis nitorem conciliet. Atque in istis firmissimum fundamen jacere nuperrime suasi, cui secure deinceps superstruas ad em medicinæ. Neque calculum reduco. Probatus enim probavi; & quos legisse, puto poenitebit neminem. Verum tamen si fallimur, (cum *Aristide*) *Et quid nugati sumus, nihil opus fuerit Stesichori palinodia, sponsia medebitur.* Fiat, sufficiet quem sufficiam in omnium vicem, solus ille nobis ex virtute doctrinaque, & clarissimus medendi scientia *Plempius* noster, nunquam sine laude loquendus. Cujus ego vel unos sex libros de fundamentis medicinæ tot cæterorum circulo si adstituam, næ isti oppido quam jacere atque sordere incipiunt: ita velut umbræ luminibus *Plempii* obsolescunt; *Diomedis* hercle arma & *Glauci* non dispari magis pretio sunt æstimata. Certe meo calculo: quod brevius disserat, enucleet clarius, accuratius definiat; ad summum, instituat ad disciplinam scholasticam accommodatius. Denique tale sit hoc compendium, ut questionum omnium in contemplativa medicina agitari solitarum habeat diverticula. In quibus disputat subtiliter, graviter, ornate, & quod plurimi facio, acerrime pro veritate; ut repugnanter quoque ducat & impellat. Physicæ illæ pleræque omnes sunt: hoc enim est Medicum esse incipere, Physicum esse; Tu fortasse (*Plinius Maurico*) me putes indulgisse amo-ri meo: supraque ista quam res patitur sustulisse: at ego fide mea spondeo futurum, ut omnia longe ampliora quam à me prædi-

*prædicantur, invenias. Diligo quidem virum ardentissime, sicut meretur: Sed hoc ipsum amanti est, non onerare eum laudibus, quas, etsi maxime velim, haud facile coacervem: Commendare possum, & facio tibi, & omnibus, qui in eodem stadio current ad coronam. Non vero, quod de Saturni scriptis idem Plinius olim monuit, debet operibus ejus obesse quod vivit. An si inter eos quos nunquam vidimus floruisse, non solum libros ejus, verum etiam imagines conquireremus; ejusdem nunc honor præsentis & gratia quasi satietate languescet? At hoc pravum malignumque est, non admirari hominem admiratione dignissimum, quia videre, alloqui, audire, complecti; nec laudare tantum, verum etiam amare contingit. Sed istis, imo huic quamdiu immorere? pro ingeniis tempus definiatur: in molliore aliquo, annum; in duriori, alterum etiam annum. Sed ita, ut simul æstivas aliquot horas in *Herbaria* insumas; & hybernas in *Anatomia*. Tertio summum anno *Pathologicæ* & *Diasosticæ* studiose te dabis. Cum peregeris, ad *Therapeuticam* venies, & ordiere ab *universali*: cui *specialem* submittes, & constantia eadem peragrabis. Sed posteriore hoc biennio (tribus enim quatuorve annis emetiri poteris academicum artis nostræ spatium,) temporum quædam succisiva *Pharmaceuticæ* & *Chirurgicæ* operatricibus donabis. Et de *Ordine* facile est, atq; animi tantum decreto opus: *Cura* plus habet operæ, & in ea omnis est legentium fructus. Duo in hac specto, sive exigo: *Attentionem*, & *electionem*. Quæ legis, nec capis, ne damna aut abjice. Sed quod olim *Socrates*, cum obscurum *Heracliti* librum legisset, tu dicito: *Quæ intellexi proba sunt; credo & quæ non intellexi*. Ut intellegas, sapius legas. Et quod gladiatoribus imperari solet, utiliter ego hic tibi, *Repete*. Et sicut in via, si salebra aut lama*

objecta sit, transire quidem tentas: sin profundius est, nec licet, non stas stupidus, sed circumis leviter, & iter tuum pergis ita hic. Tenta & conare iterum iterumq; capere: non capis, abi; & locum nota, dum tempus & lectio molliuerint hanc difficultatem. *Aut si moræ impatiens fueris ad aliorum auctorum iudicia ista examina: si idem cuncti, ratum sit: sin abeant in diversum, vide num in gratiam redire possint: vel illi qui potissima ratione utitur, subscribe. Indices loca auctorum dicent.* Commentariographos prolixos fugito, & qui sine diverticulis & quæstiunculis non interpretantur. *Istis enim dum inhærent, rem totam quam auctor docet sua nativa facie ac colore privant obscurantque fuco, etiam alio ingenia abripietes discendi libidinem extinguunt. Quare ubi involvimur difficultatum salebris, id solum agendum, ne nimis ingenium fatigetur, & tandem expugnetur. Habes Heurnium consilium.* Tamen heic viva tibi vox plus proderit. Nostrium igitur, ut Præceptoris auxilium invoces. Quem, inquis, invocabo, hunc, aut illum? Dicam: non eum, qui verba magna celeritate præcipitat, & communes locos volvit, & in privato circulatur, & quæ publicè tenetur, nisi domi non erogat discipulis; aut istorum si quid in medium effundit, non discas, sed excipias: Sed eum, qui possit, qui sciat, qui velit docere. Poterit, si methodicus est: sciet, si eruditus in arte, volet, si vir bonus, quem Cato olim apud Ciceronem, *III. de Finib. dixit impelli natura ut prodesse velit, imprimisque dolendo, rationibusque prudentiæ tradendis. Itaque non facile esse invenire, qui quod sciat ipse, non tradat alteri. Quod si notitia etiam aliquatibi, & ex hac amicitia cum tali accedent; Deus bone, quæ occasio hic tibi discendi & ditescendi! quot gazas legere & recondere cottidie poteris latentium litterarum! Mecum vides, tu arripe tantum: & me auctore,*

re, in usum ejusmodi viri omni arte irrepe, vi irrumpe. Nusquam meliore damno frons ponitur. Admissus habes cur venerere, donec

Lumine adempto animam moribundo corpore fundas:
maxime si insuper te putavit dignum propria & peculiari cura, si sæpius in te direxit animum in docendo, & laborem & tedium tulit, præter illa quæ præcipientibus in commune dicuntur, aliqua instillavit ac tradidit, hortando bonam indolem erexit, & modo laudibus fecit animum, modo admonitionibus discussit desidiam. Tum ingenium latens subinde & pigrius, injecta (ut ita dicam) manu extraxit, aut porrecta eduxit, quotiescunque non per se satis valere vidit, ut emergeret: nec quæ sciebat, maligne dispensavit, quo diutius esset necessarius, sed cupiit, si posset, universa transfundere, & in hoc gaudet, aliquid discere, ut doceat; & quem nulla res delectabit, licet eximia sit & salutaris, quam sibi unisciturus est. Sed præter istum iterum hic velim te uni & alteri e veteranis innotescere; sed bonis, & doctis. Bonis, ut profitis inter vos, exercendo virtutes: quarum agitatione opus est & sapienti. Utique, quæ nostri honestarum rerum semina animi gerunt, admonitione excitantur: non aliter quam scintilla flatu levi adjuta, ignem suam explicat. Erigitur virtus, dum tacta est & impulsæ. Doctis, ut habeas, cum quibus conferas, cum quibus quæras: & qui doceant implicita solvere, ambigua distinguere, obscura perspicere: qui denique breviores vias studiorum excogitent, & has indicent, per quas possis facilius ista & citius, & cum majore tuo emolumento absolvere. Quæ capis curriculo non percurre: insiste, nec conquire solum multa, sed in ea inquire, cui rei singula facere possint, & ecquem usum sui præbere. Multum est legisse, inquisivisse; plus rectam judicii normam attulisse; sed totum attingisse. Mora hic aliqua inter

legendum & tarditas, fateor: sed nimirum, dicto vètèri, *Nulla res potest esse eadem festinata simul & examinata: nec esse quidquam omnium, quod habeat laudem diligentiae, simul & gratiam celeritatis.* Tarda igitur, & quære; & omnino sequere *Heurnii* monitionem: cum reperisti, & inter se pensasti examinis quadam lance, tum sit *Electio*: id est, ut stilum capias & excerpas, & velut annonam in horrea quadam reponas, *Plinii* illius exemplo: de quo alter *Plinius*, *Nihil unquam legit, quod non exciperet.* Cate *Seneca*: *Non scribere tantum, nec tantum legere debemus, altera res contristabit, & vires exhauriet; de stilo dico: altera solvet ac diluet. Invicem hoc illo commutandum est, & alterum altero temperandum: ut quicquid lectione collectum est, stilus redigat in corpus.* Initio tædium hoc aliquod habet, postea voluptatem; cum crescunt opes, & miraris ipse tuas messes. Itaque notabis & sepones si quid rarum, novum, insigne, utile in primis in legendo occurret, certus ex iis medicinæ scientiam inferi, tacita quadam vi & via. Ut enim herbas, ut arbores, crescere non cernimus, sed crevisse: sic factam hanc scientiam potius, quam fieri. Atqui incrementum & irrigatio illi, ab his inquisitoriis ut sic dicam, guttis: quas alte perbibit melior animus, & paulatim mandescit maturioris iudicii succo. Ad excerpendum sint jam ante *libri* parati, meo iudicio, *sex*; in quos, quidquid eligis, conferas & tuto deponas. Nam lectionem solam non sufficere certum, ne reperitam quidem, nec in felicissima memoria: nam huic qui credit tantum, quid agit? non dicam nihil, sed in breve proficit: nec ulla ea tam vasta, capax, tenax est, quæ varia ista cum fide adservet & reddat. Trade libris, in quo labor aliquis, & iterum in legendo remora: sed, mihi crede, aut sero credes, utilis, si quidquam in omni ratione studiorum. Libros istos *sex* in proprios usus sic ego ordinavi:

primus

primus mihi habet physiologica, anatomica, morborum & symptomatum differentias causasque generales; signa item presentis & futuri affectus aut eventus, & quæ huc faciunt. Secundus, totus insumitur in morbis singularibus: ut tertius, in animalibus; & quartus, in plantis. Quintus, de compositione medicamentorum & compositorum titulos continet, & quod adharet. Sextus, vice appendicis est, in quem infero, quidquid in antecedentibus omissum. Ordine utor literarum, quia non ad famam aut pompam ista disponuntur, sed nostrum usum.

Sequitur *inscribendi modus*; de quo exemplis dicere facilius possum, quam præceptis; quia longum hic iter est per præcepta, breve & efficax per exempla. Igitur nostra cape huiusmodi. **MEDICINA** Naturæ leges semper sequitur. *Fernelius præf. ad lib. 1. Meth. med.* **NATURA.** Morborum medicatricem recte adseruit Hipp. *Persona Discurs. medicin. cap. 1.* **HUMORES.** Unus est tantum sanguis, cæteri ejus excrementa. *Campanella Medicinal. lib. 1. cap. IV. art. 1.* **SPIRITUS.** Turbidus Hipp. quis. *Martianus Notationib. in Hipp. pag. 525.* **SEMEN.** Fæminei usus. *Hofmannus Comm. in Gal. de Usu part. num. 1019.* **CIBUS.** Quomodo non interfit tenuis prior, an crassus assumatur. *Plempius de Fundam. med. lib. III. cap. IV.* **FOETUS.** Vitales Spiritus à se habet, non à matre. *Spigelius de Form. foetu part. II. cap. I.* **NASUS.** Noviter inventi muscoli à *Casserio lib. III. Pentæsthesi cap. IX.* **SANITAS.** Tuendæ prudens ratio. *Celsus lib. I. cap. I.* **MORBUS.** Cur apud nos raro abscessu solvatur. *Hollerius comm. II. ad lib. IV. Coacarum.* **FLATUS.** Acrium generatio. *Salius de affect. partic. cap. XIII.* **DOLOR.** Magnus cito finit aut finitur. *Seneca Epist. LXXVIII. & XCIV.* **CATARRHUS.** Non convenire cauterium coronali futuræ inustum. *Septalius VI.*

VI. Animadv. med. CVII. FEBRIS PUTRIDA. Magnitudinem non à putredine oriri, sed magno in coquenda materia naturæ conatu. *Horat. Augenius Epist. II. lib. V. tom. I.*

QUARTANA. Depulsa insolenti vini potu. *Jo. Barclaius Argenide, lib. III. §. Fidi hominis.* *LUES VENEREA.* Canis captus qui heri emplastra linxisset. *Scaliger lib. IV. Poëtices*

cap. IV. FONTICULUS. Cur & quomodo à peste præservet. *Salvus de Febre pestil. cap. XX.* *MUSTELA: Piscis.* Hepatis oleum cœcitati valde utile. *Forestus lib. XI. Observat.*

XXXV. HELLEBORUS. Album in malvatico maceratum ancillæ cum successu dedit *Gesnerus I. Epist. XI.* *AGARICUS.* Dysentericis convenire & alvi fluxibus contra Mesuem asserit *Altimarus de med. hum. corp. malis cap. LXXIII. pag.*

476. CONF. ALKERMES Debere duodecim non duas tantum lapidis Lazuli drachmas recipere. *Cortesi dec. IX.*

Miscell. medic. cap. IV. De memoriæ cura prima habes: & leviter de altera, quæ ingenii est & judicii. Nam utrumque lectio & electio etiam acuunt. Imo & disputatiunculæ publice

privatimque aliquando habitæ: quæ sæpe non solum tentant acumen animorum & intentionem excitant; sed securita-

tem, torporem ac segnitiam ingeniis auferunt, quibus modo campus in quo vagentur, sternendus est, modo creperi aliquid

& confragosi objiciendum, per quod crepant, & sollicite vestigium faciant. Sed istæ non nimis sint, & de verbis magis

quam rebus. Quales, utinam tantum non prodeffent! nocent.

Hoc manifestum est, comminui & debilitari generosam indolem, in istas angustias conjectam. Præterea, quantum temporis quibusdam verborum cavillatio eripit, & captiosæ dispu-

tationes, quæ acumen irritum exercent, neque quidquam aliud sunt, quam inter se perite captantium lusus: quibus e-

quidem bonæ horæ male collocantur. Non enim tam beni-

gnum.

gnum ac liberale tempus natura nobis dedit, ut aliquid ex illo debeamus perdere: & vide, quam multa etiam diligentissimis pereant. Aliud valetudo sua cuique aufert, aliud suorum: aliud necessaria negotia, aliud publica occupant: vitam nobiscum dividit somnus. Ex hoc tempore tam angusto, & rapido, & nos auferente: quid juvat maiorem partem mittere in vanum? & quid te torquere & macerare in iis quaestionibus, quas subtilius est contempsisse, quam solvere? Aristippi lepidum dictum: Proponente quodam captivum, & ut solveret, urgente: O fatue, inquit, quid opus solvere, quod etiam ligatum exhibet negotium? Tu itaque, si sapias, ista omnia mittes quæ nec ignoranti nocent, nec scientem juvant; & tempus tuum conferes potius in fructuosius exercitium. Nempe quo solide præparare ipsi medicinæ faciendæ, sicut miles aliquis pugnae per lusoria certamina.

Exercitii istud genus huiusmodi est. Casum quemcumque ægrotantis tibi propone. Ex relatis essentiam morbi & causas & affectam partem, si minus propalam collocata, rimare: ex his indicationes & curationem, quasi ipsum hunc curares, in charta omnem exequere, diata, medicina, chirurgia. Dic, inquis, explicare. Exemplo igitur: quo maxime etiam hic possum. Sed vereor ut longum sit, & cum tui tædio, integrum ante oculos ponere. Meone? ais: jamdiu aveo perdiscere quidquid è re mea. Quare Theseum te mihi præbe, & filum dirige secuturo. Ita si vis, habe tale. Juvenis annorum undeviginti, habitudine plenus, in litteris assiduus, & fatigationem illam sedentariam incessus vegetatione haud satis discutiens, dies aliquot gravedinosus, somnolentus est, inprimis à cibo, lassitudinem sentit, & insolentem corpori & animo temporem.

*Succidui titubant gressus, vertigine molli
Membra rotantur.*

Fert, differt. Sternutat, lapsat, jacenti difficilis cum fletore respiratio; manus pedesque varie jactantur & trahuntur, mox surgit, vomit, capite dolet, obdormiscit; meliuscule ut videtur sibi, medicum vocat tamen, de morbo quærit, & quid facto opus. Epilepsiam esse satis manifestum. Causam illi primitivam negotiorum otium, cruditatibus in ventriculo contrahendis aptissimum: quas debuissent corporis non animi labores excoquere. Abs istis in cerebro paulatim pituitam congestam: quæ copia & acridinem magis nervorum exortui & vicinis membranis molesta, illum tumultum tulerit. Grave hoc mali, difficile, & periculofum esse, partium nobilitas, functionum in his & per consensum laborantium vitalium necessitas, materiæ malignæ contumacia, & symptomatum vehemens multitudo attestantur: Et quæ facile a medicationis aggressu absterreant, ni Hippocrati esset observatum, *Epilepsiam, quibus ante pubertatem accidit, mutationem recipere.* Experiunda igitur auxilia, quæ trium generum indicantur, unum, a peccantis Evacuatione; alterum, Aversione à cerebro; tertium, ab hujusdem tum ventriculi Corroboratione. Primæ intentioni satisfacit Minoratione, saltem in paroxysmo per acre Enema: post hunc Vomitione, Sanguinis depletione, & ex arte præparatæ morbificæ materiæ à toto primitus corpore, deinde à cerebro repetita subinde Expurgatione. Secundæ Fonticuli potissimum & Setones serviunt, ut Tertiæ medicamenta omnia, quæ ventriculum & cerebrum fortificare nata sunt. Sed & Victus ratio abs initiis huic fini & morbo ipsi maxime adversa est imperanda: tenuis, tenuans, ficcans. His remediis, si obsequens æger fuerit, haud dubie morbum natura longum

longum licet & magnum, superabis. Sed alternanda sunt ex usu artis, & aliæ atque aliæ medicinarum formæ formulæque pro re nata præscribendæ. Quod expeditus ut possis, operæ pretium habeo componendorum medicamentorum compendiarium, & si quæ altera, promptissimam methodum tibi communicare; olim Patrimo p. m. conceptam. Cujus ipsa verba è Cap. ult. de Medicament. composit. speciali adscribenda autumavi. *In medicamentorum compositione, inquit, facilem hanc methodum observa. Elige simplicia tuo adfectui accommodata, ea in varias formas forma, augendo dosin & minuendo, prout morbus & medicina poposcerint. Exempli gratia, in Capite frigido humidoque alterando & corroborando:*

Recip. Ligni Visci querni Drachmas duas. Rad. Aristolochiæ rotundæ, Iridis Florentinæ, ana Drachnam & semissem. Calami aromatici, Galangæ, ana Drachmam. Fol. Majoranæ, Betonicæ, ana Pugillos duos. Sem. Præoniæ maris, Fœniculi, ana Drachmæ semissem. Flor. Rorismarini, Salviæ, Stœchados, Lavendulæ, ana Pugillum. Si hæc coquantur in q. s. Aquæ communis, Majoranæ, Hyssopi, vel Betonicæ, aut Hydromelitis ad tertiæ partis evaporationem, & Colaturæ Unciarum octo addantur Elect. Diaphœnicon, Benedictæ laxativæ, ana Uncia semis. Hieræ picræ Galeni Drachmæ duæ. Salis gemmei Drachma. F. Enema. Si eidem Colaturæ admisceatur. Syr. è Stœchade, è succo Betonicæ. ana Uncia. F. Apozema præparans. Si vero incoquantur sub finem s. a. Sem. Carthami, Rad. Polypodii quercini, ana Drachmæ sex. Agarici recentis tres. Zingiberis albi Scrupulus. Colaturæ deinde ejusdem mensuræ addantur Syr. Diacnicu Andernaci Unciæ duæ: F. Apozema purgans, pro tribus dosibus. Quod si huic vel isti

Cccc 2

Cola.

Colaturæ adjiciantur Sacharii albissimi q. s. & coquantur deinde in debitam consistentiam, F. Syrupus præparans aut purgans. Eisdem simplicibus pulveratis tenuissime & mistis cum Conf. Flor. Betonicæ, Pæoniæ, ana Uncia. Rorismarini, Rosarum rubrarum, Menthæ, ana Semuncia. Rad. Acori conditarum, Flor. Anrantiorum condit. ana Drachmis sex. Syr. è succo Betonicæ q. s. F. Electuarium. Præter ista cum Theriacæ Andromachi Drachmis duabus: aut sine hac, majore saltem Syrupi quantitate, F. Opiata. Aut, Syrupi loco, cum sacchari albi s. q. F. Conditum, quod Auri bractæa integri ad splendorem potest. Quod si ea ipsa pulverentur duntaxat, & per se dentur, F. Pulvis. Qui si solus cum Sacchari folius puri octuplo minimum misceatur, F. Tragea. Dissoluto vero in Aqua Betonicæ, aliave convenienti, Sacchari hoc pondere, & cum pulvere s. a. misto, & siccato, F. Tabellæ. Si excipiantur pulverata Vini Canarini, aut Malvatici, aliusve s. q. & in umbra s. a. siccantur, F. Trochisci. Ante exsiccationem si addantur Ambra grisea, Moschi, ana Grana tria, quatuorve F. Muscardini. Pulverata si interantur in Amygdalarum dulcium, Pistachiorum, Nucleorum Pini, non rancidorum, ana Uncia. Conf. Salviæ, Rorismarini, Borriginis, ana Semuncia. Olei stillat. Majoranæ Scrupulo semis. Sacchari convenienter dissoluti quadruplo. F. Morsuli. Sin autem Pulveratis affundantur Vini albi odori Libræ tres; & macerentur dies plures, dein colentur, F. Vinum medicatum. Colatura ista si demuo per manicam Hippocratis trajiciatur, & dulcetur Sacchari albi Libra semis, F. Hippocratium. Aut, Sacchari loco, Mellis Narbonensis Libra, F. Vinum mulsum. Si infundantur in Aquæ mulsæ Sesequilibra, & vase bene obturato s. a. coquantur, & colentur, F. Hy-

F. Hydromel medicatum. Si vero macerentur in Aquæ puræ q. s. deinde cum Mellis optimi despumati triplo coquantur lento igne, & calido linteo percolentur, *F. Mel. medicatum.* Cujus q. s. super calentes cineres solutæ si admisceatur Aceti vini albi q. s. ut sola agitatione Syrupi consistentiam nanciscatur, *F. Oxymel medicatum.* Si illa ipsa Pulverata infundantur in Spiritus vini Libra & semis; postea colentur per densissimum setaceum, *F. Extractum liquidum.* Post infusionem vero si in B. M. destillentur, *F. Aqua vitæ Cephalica,* aliove ab adfecta parte nomine insignienda. Quod si extrahatur ex Pulverisatis per Spiritus vini q. s. *Tinctura:* & in ea percolata dissolvantur Aloes Socotorinæ lucidæ Unciæ duæ, mox exsiccentur in Extracti solidi consistentiam, *F. Pilulæ.* Si incoquantur in Lixivii farmentorum, Vini albi, ana partibus æqualibus, deinde colentur, *F. Lotio capitalis.* Eadem colatura si cum spongia calide admoveatur *F. Fomentum.* Si tantum inspergatur: aut destilletur, ex vasculi proboscide, *F. Irrigatio.* Quod si pulverata inter duo lintea insuantur, frontique sicca, vel vino irrorata adplicentur, *F. Frontale.* Crassiuscule pulverata & raro panno lineo vel serico insuta *F. Sacculus.* Qui si interpungatur s. a. & supra caput gestetur, vel pileo assuatur, *F. Cucupha.* Si Simplicium decocti colati q. præscriptæ immisceantur Syr. è Stœchade, Mellis Roris-marini, Oxymellis simplicis, ana uncia semis *F. Gargarisma.* Si simplicibus additæ sint Rad. Pyrethri, Turbith gummosi, Sem. Sinapi albi, ana Drachmæ duæ, & coquantur in Hydromelitis q. s. & colaturæ ejusdem mensuræ addantur Oxymellis simplicis uncia duæ, *F. Apophlegmatismus purgans.* Pulverata vero si Cera q. s. excipiantur & instar lupinorum formentur, *F. Trochisci mansiles.* Eadem simplicia si cum Mastiches triplo pulverentur & panno lineo raro illigentur,

gentur, F. Nodulus ad manducandum. Tenuissime pulvera-
 ta cum Rad. Pyrethri, ellebori albi, ana pari pondere. F. Er-
 rhinum: naribus inspiratione attrahendum, aut è penna in
 eas inflandum. Simplicium decocto colato si affundatur Spi-
 ritus Vini Vncia, F. Errhinum liquidum: tepidum è manus
 vola naribus attrahendum, ore aqua pleno. Sumatur ejus-
 dem decocti colati, Succu Majoranæ, Olei Irini, ana Vncia; Co-
 quatur leviter ad humiditatis consumptionem, addatur Ce-
 ræ q. s. F. Errhinum linimenti forma. Vel recipiatur ejus-
 dem decocti colati, Vini albi, ana Sesquiuncia, Mellis q. s. Co-
 quatur leviter, F. Errhinum opiatae forma. Simplicibus si
 adjiciantur Benzoini, Styracis Calamitæ, Gummi Anime, ana
 Drachmæ duæ & semis, Tacamahaca, Caryophyllorum, Li-
 gni Aloes, ana Drachma: deinde crassiuscule tantum pulve-
 rentur, F. Suffimentum: cujus super prunas accensi exhala-
 tio patulo ore aut naribus debet admitti. Omnia ista sic pul-
 verata, si excipiantur Gummi Tragacanthi in Aqua Laven-
 dulæ eliquati q. s. Deinde s. a. siccentur F. Trochisci ad suf-
 fiendum. Si insuper addatur Carbonum Salicis triplum, &
 Ladani in Aqua Flor. Tiliæ liquefacti, q. s. excipiantur, &
 exsiccentur, F. Aviculæ Cypriæ. Quod si Pulveratorum
 parti uni addantur Benzoini, Ladani, ana partes quatuor. Li-
 quid-Ambar, pars una. Aquæ Rosacæ fragrantissimæ q. s.
 ad dissolvenda illa, & formandam pastam, F. Cassoleta: usus
 tempore in ollulam Aqua Rosarum plenam injicienda, ut i-
 gne huic subjecto sensim evaporet. Eadem simplicia si cum
 Styracis Calamitæ, Benzoini, Rasuræ Ligni Rhodii, ana
 Drachmis duabus pulverentur, & excipiantur Balsami Pe-
 ruviani Sesquidrachmæ, Ladani aqua Cinamomi soluti, q. s.
 formenturque rotunda forma, F. Pomum odoriferum, quod
 exterius illini aliquando potest & debet Olei Cortic. Arantio-
 rum,

rum, aliusve aromatici Guttis aliquot, Moschi, Zibetti, in aqua Cinamomi dissolutorum, ana Granis tribus. *Quod si eadem pulverata simul, Ladani loco, excipiantur Cera sapius liquefacta, & aqua Rosarum abluta, q. s. Olei Keyrini Drachmis duabus, F. Balsamum odoriferum, Linimentum, Unguentum, Ceratum, vel Emplastrum, pro majore aut minore Cerae & Olei quantitate. Quam non modo in vehiculis mutare convenit, sed pro medicamento forma in ipsis etiam ingredientibus. Neque enim ad quascunque formulas necessarium est prescriptorum simplicium pondus. Sed augendum hoc aut minuendum prout illae ipsae, aut utendi modus aut tempus, aliaque eo pertinentia requisiverint. Animus etiam fuit hoc capite non justam singulorum simplicium dosim in quavis recepta fabricanda praefinire; sed seu Proteum aliquem dare medicinarum, qui in quamlibet sese formam promte transformet &c.*


De secunda etiam cura dixi: quae maximi est momenti; & quam hortor diligenter cures. Nam legisse multa, nihil; nisi retinueris: retinuisse, parum, nisi in tempore sciveris usurpare. Id prius memoriae; alterum aeris & ingenii & firmi judicii. Non est studium, puto non erit, quod in reminiscendo memoriam, inveniando ingenium, discernendo judicium exercitet magis & adjuvet, praeter illud Casus speciales fingendi & explicandi; seu, ut Itali vocant, Puncta resolvendi. Ad hoc accessurus, si imaginari aliquem talem tibi nequis, mutuare è Consiliorum scriptoribus & vel nostrum imitere, vel quos Rodericus à Fonseca edidit peculiari Opusculo, quo adolescentes ad medicinam facile capefendam instruuntur. Sed satis haec communia in scripto adumbravi, imo ista omnia, quae juvare possint, qui in limine studiorum: sicut aliquis, qui in via medius, digitum ingredientibus ostendit

ostendit ad ipsam metam, & qua ire coeperunt, eundum dicit.

Nunc quid superest? ut manum istis & mentem admoveas. Sed cave, ne mole hac, quæ videtur, absterreare. Quid enim? tam varia, tam multa? inquires. Nihil est: imo incredibile, quam cito hæc suscipiantur & fiant, si tenor & constantia sit, & quisque dies opus suum probet. Experire, & ætatis tuæ florem cogita, & corpus labori, animum intentioni ferendæ esse. Quæ dum sinunt, excole optimam indolem, & naturæ agrum, quem Deus feracem optimarum artium ac rerum dedit, si industriæ aratro scindis, & semina scientiarum injicis. Miseros, qui aut nolunt, aut negligunt! miserandos, qui cum velint, non possunt! Noli dubitare, perveniet ad optatam calcem, quisquis serio volet & niteatur: & talibus utroque oculo Juppiter annuit, Mercurius dirigit, ipsa Minerva manum & mentem iis, & cum iis, movet.

Namque allaborat & laboranti Deus.

Illa una ingeniorum pestis modo fugiatur, ne pervenisse nos putemus quo adspiramus. Senecæ illud aureum: *Puto multos ad sapientiam potuisse pervenire, nisi putassent se pervenisse.*



JOHANNIS RHODII
INTRODUCTIO

AD

MEDICINAM

paulo accuratiorem

ET

BIBLIOTHECA MEDICA

Ex Manuscripto nunc
primum edita.

Dd dd



JOHANNIS RHODII

Introductio ad Medicinam paulo accuratiorem.



Annus pri-
mus.
1. Institut.

2. Botan.

3. Anatom.

Annus II.
1. Contro-
versiae.

Erceptis bonarum literarum & omnis Philosophiæ institutis, præsertim naturalis, ad rectam medicinæ cognitionem introductionis loco erit *Julii Cnuttii compendium*, quod Patavii publicavit (perspicua enim brevitate universam prope- modum artem repræsentat) iterate le- gendum. Hoc excipient *Sennerti Inst.*

Medicæ, omnium exactissimæ, Philosopho satis faciles, quibus me- moriæ subsidio adjungenda *earundem Synopsis de Humano statu, Lute- tiæ vulgata*, item *compendium ab Auctore ipso concinnatum*. Labor hic ad minimum annuus erit. Interea præmissa *Spigelii Isagoge*, nudæ stirpium notitiæ præcipue vulgarium, sub perito ac diligen- ti magistro vacandum, ad motis Iconibus Antwerpiae editis a Plan- tino, & quæ *Tabernæmontani* nomine *Francofurti* exstant. Cor- poris etiam humani artificiosæ dissectioni tyro adsit, sola *Bartho- lini Isagoge comitatus*, cui figuras *Julii Casserii* commode adhibe- bit. Postquam anni ratione artis propria imbiberit animus, *controversiis Medicis Vallesii, & Job. Baptista Sylvatici* semestre dan- dum, eo ordine quo institutionum se offert materia. Nec abs re fuerit ulteriorem notitiam horis pomeridianis una *Fernelii Physio- logiam* diligenter legisse, continuato suis temporibus *Botanicæ* at- que *Anatomix* studio. Tantundem *Laurentii de Crisibus, Capivaccii method. med. compendiosa, & Claudino de ingressu ad infirmos re-*

Et impenditur; non omisſis, ut monui, Botanicis & Anatomicis, quorum cura ob diffusam varietatem in multos annos extenditur.

In Botanicis usui erit *Matthiolus* cum notis *Bauhini*, pariterque *Dodonæus*, brevitate ac ordine gratus, quibus *Bauhini* Pinax optime jungitur. Exaſto ita in Germania vel Belgio biennio, commodum fuerit Montispeſſuli animum admoveſe diſputationibus modestis non altercationibus moderatore viro perito ac fido. *Conſulendi hic* prorenata *Argenterius*, *Augenius*, *Epiphanius*, *Theoremata Cardani*, & *Cornarii* contradictiones, *Fuchſii* & *Jonteti* paradoxa; maxime *Mercatus*, *Valleſius*, & *Sylvaticus*. A. *Laurentii* quæſtiones Anatomicæ. Præparandus interim practicoſum lectioni animus diligenti materiæ medicæ inſpectione apud Pharmacopœos hoſis ſuccifivis, cujus qualitas eſt ex inſtitutionibus in memoriam revocanda.

Vera ſimul compositionum, quas vocant formulas, ratio ad eruditiffimoſum conſuetudinem politiori medico diverſis exemplis veluti in uſum docenda: ubi privata opera *Renodæi* Antidotarium curſim evolvendum: *Petri Morelli* ac *Varandæi* formulæ ſemper adhibendæ. Nec omittenda *Heurnii* methodus ad praxin, ſed præcipue libellus de compositione medicamentorum *Prævoſtii*, quem nuper *Fridericus Morovius* edidit, plurimum quidem confert, ſed extremam adhuc manum e meis ſcriniis deſiderat. Chymicis item operationibus, ſi quæ oportunitas affuſerit, vacabitur, ſed prudenter inſpiciendæ; nec tantum à lectione, quantum ab exercitatione ipſa expectandum. Jatrochymica *Bornetti* cum *Beguino Hartmanni* ſub *Glückradii* nomine illuſtrato ſufficiet initio, cetera magiſtri diligentia præſtabit.

Quarto tempus eſt, ut *Aſclepiades Patavii* morborum cognitioni incumbat. Vaſta hæc, variisſque intricata difficultatibus, nec temporis exigui: Facillimam tamen præbet *Sennerti* praxis, ex qua ſtudioſus lector hauriet, quæcunque tot gentium ſcriptores immenſis voluminibus comprehendunt. Annui certe laboris pretium feret. Inſpiciendi per hoc tempus ægri. Primorum practicoſum lectiones ſtudioſe & attente auſcultandæ;

dæ; ex quibus præcipuæ observationes literis mandentur, non omiſſis medicamentis peculiari dote laudandis. Sed inprimis ad eundæ conſultationes, quibus nihil utilius, quarum rationem frequenti uſu addiſcere licebit, easq; in commentaria referri conſulo.

Annus

V. Exer-
citatio,
practica
aliorum
obſer-
vanda.

Quintum annum medicinæ candidatus ægrotantium viſitationibus integrum, celebri Præceptore comitatus dicabit, quem ſolum ſi docentem audiverit, non male ſibi conſulet. Lectioni vix otium erit. Sennertum nihilominus tantum, ut res feret & occasio. *Capivaccium* in Pathologia, & Med. Meth. *Saxonium* in ſignis morborum expendendis adhibendum ſuadeo. *Septalii* animadverſiones non modò lectitandæ, ſed tum aliena, tum propria obſervatione ſenſim augendæ. Symbolam huc conferent Præctici, maximeque poſt *Valleſium*, *Augenium*, *Ferrarium* & poſt *Heurnium* in meth. Med. poſt item *Schulzium* in Aphoriſm. *Rondeletius*, quiq; Medicorum errores privatim indicarunt. Inter quos agmen ducunt *Cardanus*, *Polydorus*, *Seraphinus*, *Sanctorius*, *Mercatus* pariter de indicationibus & recto præſidiorum uſu, ſumma cura pervolvendus. Galenus de morb. & ſymptom. cauſis & differentiis, de locis affectis, ejusdemque Meth. Med. ex Epitome *Lacune* legatur, quanquam dulcius ex ipſo fonte bibuntur aquæ. Naturæ & effectus & eventus rariores inter ipſas operas notentur, imo ſuo quique ordine ægri, quotquot occurrunt, diligenter in hiftoriam reponendi, præmiſſis naturalibus & non naturalibus, antequam præternaturalia enumerentur, annotatis omnibus exquiſite remediis. Quæ vero longis experimentis fidem promeruerint, tum ſimplicia, tum compoſita, ſuis quæq; titulis ſubſignentur, ut poſcente uſu prompta ſint. Hieron. *Mercurial. conſilia juxtaque Claudini* familiariter habenda, cetera per occaſiones evolvantur. *Foreſti* obſervationes, omiſſis Scholiis, *Platerii* præterea percurrendæ. *Hippocratis Aphoriſmi* cum notis *Hollerii* legantur. *Prognostica* cum *Jacotio*; *Duretus in Coacas*, in *Epidemia Valeſius*.

Annus

VI. Pra-
ctica ex-
ercitatio
auſpi-
canda.

Sextum ſi exigere licebit, eodem paſſu annum, collegii judicio impetrata medendi facultate ſibi aliſque ſatiſfecerit, qui hanc ſtudiorum rationem fuerit ſequutus. Etenim libe-
rior

rior jam per omne Scriptorum genus vagabitur, securius tamen iis anno hujus curriculi tertio immorabitur, quos peculiari syllabo familiares constitui. Ex quorum numero præter eos quos asterisco notavi, seligatur *Matth. de gradibus*, *Hollerii Praxis cum notis Dureti*, *Rondeletii & Flateri praxis*, *Mercurial. de morbis mulierum & puerorum*, *Consilia Cratonis & Solenandri*, *Amati Lusitani observationes*, *Forestus*, *Valesius in Epidemia*.

Postquam studiis sic annos sex dedit, provectior Hippocratem & Galenum antesignanos volvat: quibus ceteri *Græci & Latini antiquiores*, *Aldi & Stephani cura editi* saltuatim succenturientur. Horum autem lectio propter summam rerum varietatem parum utilis futura, nisi, quod prius monui, singula suo loco ad exactam seriem referantur. Ordo namque disciplinarum anima. Ad oblectationem facient rerum naturalium Scriptores in Bibliotheca recensiti. Brevem hanc usui magis dedi, quam pompæ, Plutarchi consilio, qui de liberorum educatione: ὁργανον τῆς παιδείας ἡ χρῆσις τῶν βιβλίων.

Ordo Locor. Comm. Rhodii.

1. *Critica*. Ubi errores aliorum in exponendis locis, falsæ citationes: Ut *Mercurialis*, *Lucretii*, relationes parum fidæ, observationes contrariæ, ut *Scorpius ovis*, *Sever. Dn. Rhod.* ubi non solum errores ab ipso, sed etiam ab aliis defenduntur ut vera.

2. *Vindicia*. Loca impugnata ab aliis defenduntur, ut vera.

3. *Varia Lectiones*, seu diversitates MS. & Criticorum.

4. *Suspiciones*. Cogitata super loca, nomina, interpretationes locorum, quæ tamen non certo afferuntur.

5. *Dubia & contradictiones*, ut loca difficiliora.

6. *Termini*, nomina obscura, gryphi: ut *nix fumans*, *caput jecinoris*.

7. *Electa*. Historiæ raræ, Casus rari, raræ opiniones, ut *Ellychnia ex Amiantho*, *Cæsalp.*

8. *Explicatio* locorum insigniorum, quorum vel creber

usus, vel obscuriora; magni usus in praxi Hippocr. Galen. Avicen. Theophr. Dioscor. Platon. Arist.

9. *Miscellanea*. Georg. Agricol. Med. Castrensis: Lemnius in Suevia mortuus.

10. *Axiomata medica*, cum suis limitationibus & amplificationibus, ut, de nominibus non esse disputandum.

Auctores legendi in re medica.

1. *De morbis particularibus* Sennertus loco fundamenti legendus. Adde *Massariam*, qui facilis & copiosus, multaq; Galeni loca conciliat. Nucleus Galeni *Altimarus*, Lugduni impressus, qui omnem doctrinam Græcorum in compendium contraxit. Hinc *Saxonia*, qui in signis distinctionibusq; excellit; *Capivaccius*, qui in doctrina indicantium rarus; *Trincavellius*, qui eruditus, solidus; *Mercurialis*, qui varius & Polyhistor, & remedia facilia & prompta; *Meratus*, qui cum consideratione legendus, nam inordinatus, qui remedia maxime in obstructionibus lienis. Cum *Massaria* auctor *Enchiridii*, qui methodum exequutionis; alii methodum inventionis sequuntur. *Pereda* cum aliis legendus, facilis, brevis. Cum *Altimaro Rondeletius*, cujus cautiones observandæ; & *Hollerius*, qui remedia habet facilia, prompta, & secura.

De morbis externis Minadous, Mercurialis.

2. *In Chirurgicis* Aquapendens, ad quem referatur quidquid observatur apud Fallopium, qui fidissimus doctor, Pareum, & Hildanum. Reliqui inspiciendi, consulendi: ut Barbari, *Bertapola* & *Ingrassias* de tumoribus, *Chalmeteus* præstat remediis.

De morbis occultis, Rudius, Palmarius, Fracastorius. Rudius sit loco omnium, qui præcipue & optime hoc argumentum tractavit. *In Chymicis* Quercetanus, Beguinus, Crollius, Hartmannus, Medulla destillatoria. *In methodo* universali familiarissimi habendi Claudin. Heurn. method. ad praxin l. i. præcipue. Pernumixæ methodus, qui paradigmata habet. Mercat. de indicat. & recto præsidiorum usu. *Septalji animadvers.* L. Schulz aphor. med.

med. de Compos. medic. generatim legendi *Trincavell. Fallopius, Ser-
feronius. Exempla Form.* apud Varandæum. Cælestiani observ.
pharmaceut. Propter encheireses *Bauderonii* Pharmacia, Rondele-
tii Pharmacia *dignissima, qua legatur.* Weckerus curiose editus
Basil. Hi omnes cum Morello conferendi. NB. præparationem ad
pharmaceuticam, usum ad Methodum med. pertinere.

De materia medica Hollerius, *de materia Chirurgica* Joubertus
Fernelius omnium nervosissimus, Vidus Vidius, qui omnia plene,
prolixè & accurate. 7.

Consilia Mercurialis, Claudini. Montani: Epistolæ *Trincavellii* & consilia diversorum. Reliqui ut *Crato*, *Fernelius bona habent materialia*, sed supponunt multa. *Foresti observ.* omis-
sis scholiis, apud quem probata remedia. Consilia præparatoria titulo-
tenus in peculiarem librum disponantur, affectuum ordine quem
Sennertus habet. 8.

De morbis particularibus, ut puerorum *Mercurialis*. 1.

De morbis mulierum *Rodericus a Castro*, qui omnia ex Mercato
& Mercuriali, ad quem conferantur ceteri, qui in Gynæciis ex-
stant in Editione Argentina. 1.

Historiæ & observationes. *Plateri.* *Plateri* praxis multum
confert ad copiam & varietatem medicamentorum, ex quibus in-
rem variam alii jungi poterunt. 9.

Modus legendi generatim.

Quicquid omis-
sum à Sennerto, paucis addendum propriis
tuis verbis, adscriptis Autore, libro, capite & pagina. Si quid alicu-
jus momenti, inferendum inter lineas: *Synonymæ*, limitationes,
amplificationes, ceteraque quæ ad sensum pertinent literalem. Si
idem ab aliis clarius probatum, id notandum hac formula: vid.
l. c. p. vel, de hoc v. c. p. ad; Si quid contrarium, notetur hoc
signo --- Si quis idem argumentum ex professo tractaverit. e.g. de
vesicatoriis in febr. id monendum h. m. Adde l. c. p.

Sigillatim.

Observandum, si quid peculiare, in causis, signis, quod ad
sua

sua loca deferendum, Hoc ex historia aut. observ. colligitur.

Cautiones in enarratione ad Septalium referantur hoc ordine, ut primum locum teneant Chirurgicæ, alterum Pharmaceuticæ postremum diæticæ, ordine in meth. med. præscripto.

Remedia peculiariter laudata si universalia, ad Sennertum notentur, particularia vel simplicia, & hæc quoque ad textum notentur; vel composita, quæ in peculiarem libellum describantur, si scilicet valde laudata & efficacia, eo ordine, qui à Sennerto affectibus tribuitur.

Diversitas Auctorum in materia & dosi margini paulo laxiori breviter addatur. Ad calcem addatur, sicubi apud vetustiores deprehenditur, ut suum cuique reddatur. *In historia* observationes, causæ, signa, effectus medicamentorum, quorum singula in suum locum transferantur.

Affectibus à Septalio omissis peculiaris fiat ejusdem cum Septalii forma libellus, in quem consignentur cautiones, eo ordine, quo monui, nempe Chirurgicæ, pharm. & diæt. omnia stylo proprio, perspicue ac breviter.

Miscellanea præpterea, ut quæ non ita subito ad certum locum referre licet, ne quid excidat, in adversaria reponantur, serie alphabetica, adscripto Auctore, ut supra l.c.p. ex quibus postea matutinis cogitationibus ad suos quosque fontes traducantur, quibus crescentibus subdatur index Physiologicus Pathologicus &c. ordine alphabetico.

Bibliotheca Medico Familiaris, collecta ab Johanne Rhodio.

E *Lenchus Medicorum Synechii.* 8. Argent.

Joh. Antonid. von der Linden de Scriptis Medicis. 8. Amstelod.

Petri à Castro Bibliotheca Medica Erudita. 12. Patav.

Henrici Stephani Dictionarium Medicum. 8.

Gorrai definitiones. Fol. post. edit. Paris.

Lexicon Medicum Bartholomæi Castellii. correctum à Stupano. Bas. 8.

Sed in quo Arabica desiderantur.

Oeconomia Hippocratica Föefii Fol. Francof.

Index Pini in Hippocr. F. Venetiis. Cui respondet Hippocr. Bas.
edit. 1546.

Theatr. Galenicum Mundellæ. edit. à Gratarolo Fol. Bas.

Institutiones.

Iusti Cnutii Epitome. 8. Paris.

Inst. Sennerti. 4. post. edit. Commentarii loco in quem omnia
possunt referri.

Ejus epitome, in 12. & 8.

Tabul. Fol.

Tabula Medic. Castell. 4. Messan. Lectioni & Consiliis ad auctorita-
tem veterum.

Anatomici.

Anatome Bartholini. 8. Lugd. omnium vice.

Baubini. 4. Francof.

Spigelii. Fol. Ver. & Lugd.

Icones Casserii ad vivum expressæ.

Vesalli Fol. Bas. 1555. quæ editio est auctior.

Veslingii novissima cum figuris. Pat. ad memoriæ subsidium.

Botanici.

Spigelii in rem herbariam Isagoge. 12. Leid. Tyronib. necessaria, pri-
mo loco habenda.

Matthiolum in Dioscoridem. Cum notis Bauhini, Fol. Francof.

Dodonæi historia stirpium. F. Antwerp. brevis & facilis,

Pinax Bauhini. 4. Bas. utilis veterum lectioni.

Matthioli Epitome. 4. Francof. & Ven.

Icones Tabernaemontani. 4. Franc.

Icones Dodonæi Zabolai 4. Antw.

Practici.

Fernelius. Fol. Franc. emendatior.

Peramati Dulcis Medicina. Paris.

Claudinus de ingressu ad infirmos. 8. Basil.

Ejusdem prognostica, 8. ibid.

Laurentius de Crisibus 8. Francof. *Hujus Compend. in Sennerti institutionibus.*

Mercatus de recto praesidiorum usu. 8. Colon.

Leo Roganus de pulsibus & urinis. 8. Venet. Comment. accuratiss.
Sphygmica Arathii. 8. Basil.

Sanctorii Statica. 16. libellus curiosus.

Chirurgica.

Hieron. ab Aquapendente Chirurgia. fol. post. editio. Patav. (familiaris)

Gabrielis Fallopii opera. fol. Venet.

Fabricii Hildani opera. fol. Francof.

M. Aurel. Severinus de Tumoribus anomalis. 4. Francof. Solide doctus.

Pharmaceutica.

Pharmacopœa Rhenodæi & Quercetani restituta. 4. Francof.

Dispensatorium Londinense fol. Lond.

Augustanum. fol. & 8.

Valerii Cordi. 12. post. edit. Leid.

Antidotar. Weckeri. 4. Basil.

Methodus medendi.

Methodus Heurnii ad Praxin. 4. & 8. Leidæ. Remediis & cautionibus liber singularis.

Morellus de formulis remediorum 8. Bas. & 12. Pat.

Varandæi formulæ. 8. Franc.

Ludovicus Estbinius de remediorum formulis. 8. ibid. facilis.

Job. Schyronii Meth. med. 12. Gen. 1623. rationem reddit singularem in febribus.

Chymica.

Jatro-Chymia Duncani Bonetti. 4. Franc. Instit. Chymicarum locor.

Libavii Alchymia. 4.

Crollius cum not. Hartm. 4.

Bequinus cum not. Gluckrad. quæ Hartmanni sunt. 8.

Diatetica.

Quercetani Diatetis. Polyhistor. 8. Gen.

Pisanellus de cibis. 8. Veronæ Lat. Italice Venet. Ordine commendabilis.

Theſoro della Sanità, di Caſtore Durante. 8. Venet.

Bruyerinus. de re cibaria, 8. variæ doctrinæ.

Brutus Luſitanus. de victu in accutis, 8. Venet. & Lovan.

Andreas Baccius de vinis. fol. Rom.

Varii auctores.

Hippocr. Græcolat. Foëſſi. fol. Franc.

Proſper Martianus. in Hippocr. fol. Rom. & Venet. doctus.

In Hippocr. Tabul. Zvingeri. fol. Baſ. Inſtar. commentarii eſt.

Septalius in Hippocr. de aëre, aquis & locis. fol. Franc.

Hollerius in aphor. Hippocr. 8. Gen. omnium optimus.

Idem in Prognostica fol. Pariſ.

Galenus in Aphoriſ. Hippocr. 12.

Epit. Hippocr. 12.

Rodericus Fonſeca in Aphor. Hipp. 4. Ven.

- - in Prognost. 4. Ven. analysis egregia candidatis

Galen. Fol. poſtr. ed. Venet.

*Galenus de arte medendi, de Conſtitutione artis de * morbis & Symptomatib. de * locis affect. de uſu partium, de * meth. med. de * Februm differentiis.* Lugd. 12. iterato & diligenter legantur.

Duretus in Coacas prænotiones. Fol. Pariſ.

Valeſ. in Epidem. Fol. Neap. & Baſ.

Pet. Salius in Hipp. de morbis, fol. Franc.

Valeriola in Galenum de differentiis & cauſis morborum ac ſymptom. 8. Genev.

Fabius Pacius in methodum Med. Gal. fol. Tom. 2.

Sanctorius in artem parvam 4. Venet.

Alph. Lopez in Galenum fol. Madrit. rarus & utilis.

Julius Alexandrinus in Galen. fol. Baſ.

Andreae Lacunæ Epitome Galeni fol. Argent. 8. Venet. 12. Lugd. bona fide ſervatis Galeni verbis remotisque digreſſionibus.

Avicenna Coſtaei fol. Venet. poſtr. edit.

Avicennæ interpretes fol. tom. V. Ven. digni qui conſulantur.

Sanctor. in prim. Tom. Avicenn.

Mesue fol. Ven.

Principes Medici Henrici Stephani. fol. Paris.

Medici Latini antiqui, fol. Venet. ald.

Nicolai Rorarii contradictiones 8. Venet.

Cardani Contradictiones 8. Marp.

Conciliatoris differentia fol. Ven. vel.

Conciliator enucleatus, opera Gregorii Horstii. 4. Giesæ

A genterii Opera, fol. Francof. exquisita & docta, & subtilitatis plena.

Bruelli Praxis 8. post edit Lugd. Bat. in qua series & delectus remedium.

Sennerti Practic. 4. Witteb.

Breviator omnium Capiuaccius. fol. Franc. Vbique sibi similis, meth. & indication. singularis, subtilis.

Massarias fol. Lugd. 4. Ven. 1613. facilis & diligens Galeni sectator, cujus de Febr. & medicam. libri præcipue perlegendi.

Altimarum fol. Græcorum doctrinam prosequens.

Saxonia fol. Patavii in enodandis morbi signis accuratus.

Trincavellus fol. Ven. in morbi theoria excellens.

Eustachius Rudius fol. Ven. Copiosus & adcuratus.

Mercati opera fol. Franc. erudita, sed ordine parum digesta, ideoque postremo loco legenda.

Fuchsii Opera fol. Franc.

Jacobi Sylvii Opera fol. tom. 2. Franc. remediis & observationibus præcellunt.

Pereda praxis. 8. Lugd. solida.

Hollerii praxis cum not. Duresi. 4. Paris. Variæ doctrinæ, sed Hollerius ipse remediis familiaribus & tutis excellit.

Rondiletii praxis post. edit Aurel. allobr. 8. emend. a Paul. Orakero. Cautionibus prævalet, sed remedia sunt operosiora.

Nicolai Pisonis pract. 8. Franc. cui præter auctoritatem veterum nihil deest.

Matthæus de gradib. fol. Ven. e Græcis & Arabibus concinnata summo studio praxis.

Plateri praxis 8. Bas. tom. 3. ampla, exercitatis idonea.

Guaynerii praxis. fol. Lugd. caution. & remed. præstans, præcipue simplicibus appropriata, & in victu, diligens scriptor & fertilis.

Laurentii Jouberti Opera f. Franc. eruditæ subtilitatis.

Autores de Febribus. f. Venet.

Aeneas Caprilius de febrib. putridis. 4. Patav. solidus scriptor.

Octavianus Roboretus de febre Petechiali. 4. Trid. omnino legendus ex quo plurima Senertus.

Minadous de Febre maligna. 4. Patav. præstantissimus.

Petr. Fabius de febre pestilentiali. 8. nihil isto inferior.

Martinus Rulandus de lue Hungarica. 8. Lips.

Auctores de morbo Gallico f. Ven. tom. II.

Job. Thomas Minadous de Turpitudinibus. fol.

Felicianus Betera de variolis malignis. 4. Brixia. eximius.

Jechinus in IX. Rhasis 8. Lugd. eruditus.

Reusnerus de Scorbuto. 8. Francof.

David de Pomis & Fogoroles de affectibus Senum. Venet. Paris.

Gerocomica. Anselmi. 4. Venet.

Julii Caesaris Claudini Empirica rationalis. f. titulo respondet.

Gatinaria. 8. Venet. in quo Sylva remediorum.

Enchiridium Practicum. cum Chalmeteo. 8. Fernelius forsan primæ duxit lineamenta.

Benedicti Faventini Empirica. 8. Ven. certa & tuta.

Secreti in Rapata. 8. Ven.

Petri Bayri Practica. 12. Bas. empirica rationalis.

Hieron. Montui practica. 4. Ven. specificis valet.

Mercurialis de morbis pueror. Ven. 4. omnium optima, cui præit.

Paul. Bagellardus de morbis puerorum cum Jemallo Faventino. Lugd. candidus.

Mercurial. de decorratione. 4. lib.

Rodericus à Castro de morbis mulierum. 4. Hamb. & Venet. diligens.

Gynecia Spacchii. fol. Argen.

Palmarius de morbis contagiosis. 8. Franc. Fernel. auctor, qui legi meretur.

Eustachius Rudius de morbis occulta qualitat. fol. Venet. optimus.

Andreas Baccius de Thermis. fol. Rom.

Septalii animadvers. & cautiones. 8. Patav. medico pernecessariae.
Joh. Rhodii in easdem Analecta, & nota. 8. Septalii supplementum.

Sanctorius de vitandis erroribus. 4. Venet.

Laurent. Scholzii aphor. medici, 12. Arg.

Errori Populari di Scipione Mercurio. 4.

La Commare di Scipione Mercurio. 4. insignis.

Observationes Amati Lusitani. 4. Burdig. exquisitæ.

Valeriola. 8. Lugd.

Schenkii. f. Francof. laboriose ac diligenter conquistæ.

Dodonei. 8. Amstelod.

Marcelli Donati. 8. Gissæ.

Plateri. 8. Basil. peculiare, atque remedium filva utiles.

Foresti Leide. ei necessaria qui mederi coepit.

Consilia Montani. f. Basil. cum append. facilia.

Mercurialis. f. T. 4. Ven. exquis.

Solenandri. Francof. remediis præstantiss.

Cratonis. 8. ibid. pariter.

Claudini. f. Ven. & Francof. morborum evolutionibus & observationibus excellunt.

Roderici Fonscæ. f. Ven. Tom. 2. ad pompam & aliena fide remedia pleraque.

Matthiæ de gradibus in diætetis accuratus.

Benedicti Sylvatici. methodo executionis.

Boëtius à Boot de Gemmis. 8. Leidæ varietate amoenus.

Agricolæ Opera de rebus metallicis. f. Tom. 2. Basil. solida & usu probata.

Aldrovandi Opera. f. Bon. varia.

Vottonus de animalibus. f. Paris. rarus.

Rondeletius de p'scibus. f. T. 2. eruditus.

Gesneri Opera. f. Basil. & Tigur.

Plinius cum notis Dalechampii f. Lugd.

- Autores rei rustice* 4. Ven. Aldi.
Mercurialis Gymnastica. 4. Junt. eruditionis plena.
ejusd. varia Lectiones *ibid.*
Hieronymi ab Aquapendente Opera Physica & Anatomica. fol. & 4.
 Patav.
Athenaeus cum notis Casaub. f. Lugd. 1612.
P. Vegetii Mulomedicina 4. Basil.
Rei veterinae Scriptores à Ruelhio editi Paris. fol.
Prosperi Alpini medicina Aegyptia. 4. *ibid.* & Patav.

Bibliotheca medica paulo diffusior

- Antonius Tossus de anthrace & peripneumonia* Neap. 4.
Albucasis meth. med. fol. Bas. totus chirurgicus.
Albobali de regimine sanitatis. Argent. 16.
Apollonius Menabius de alce.
Principes medicinae Paris. fol. t. 2.
Antidotarium Romanum 12. usitat.
Prevot. in exam. formul.
Bononiense 4. Aldrovandi, nomine collegii.
Aquapend. de formatione Ovi & pulli.
Aurelii Anselmi Gerocemica.
Vincentius Alsarius de epilepsia 4. Rom.
Joannes Æmilianus de ruminantibus Ven. 4.
Prosper Alpinus de Balsamo 4.
Horatius Augenius in Gal. ad Glaucon. apud Johannem Rhodium in-
 editum αὐτόγραφο.
Altimarus de Vinaceis & mannâ c. praxi.
B. Angelus de viperis. ex eo Aldrovandus plurima 4.
Stephanus Atheniensis in Gal. de cur. ad Glaucon. classicum.
Alscharavius fol. classicus.
Georg. Agricola de peste 8. medicus & consul Annæberg.
Avicennæ interpretes Tom. 5. fol. Ven. 1523.
Augenii praelecta in artem parvam inedita ap. Joh. Rhod.
Alsarius à Cruce de morbis capitis 4. Rom.
Consultationes ad Mercatum.

Cælli Aureliani medicina. 8. Lugd. ap. Rov.

Antonii Alvarez epist. & consult. med. Neap. 4. 1585.

Accorombonus de catarrho.

Paulus Æmilius de partu hominis.

Santes Arduinus de venenis cum additam. Bonzet. Cardinal. fol. Basil.
ed. Zwinger.

Bartholomæi Ambrosini panacea ex herbis, quæ à sanctis denominatur
Bonon.

Alsarii consilium prophylact. de peste. 4.

Antidotarium Mantuanorum 8.

Argenterii de erroribus veter. medic. fol. Florent. ap. Torrent. 1554.

Æschacii majoris Dobreberani scrutinium ingeniorum.

Baubini animadversiones in opus Lugdunense. 4.

*ejusd. de Hermaphroditis
de compos. medicam.* } 8.

Beguinus cum Glückradio. est Hartmanni, sed ille ipsi 100. ungaros
misit ut taceret: dictavit Rhodio, qui editum auxit.

Bonamicus de alimentis. 4. Pisis Professor, Hofmanno familiaris &
laudatus.

Brudus de ratione victus in acutis. Venet. Antwerp. & Lovan.

Nicolaus Bocca de morbis malignis 4. Madrit.

Paulus Bagellardus. Patavinus de morbis puerorum 4. Lugd. 8. ex
eo Mercurialis plur. de morbis puerorum.

Joan. Bravus de odoribus & saporibus 8. Venet.

Benivenius de morbis mirandis, Leidæ.

Baldarius de tumoribus & febribus malignis Venet.

Bonaventura de partu octimestri apud Ducem Urbini à literis.

Badilius de V. S. in pueris ante. 14. annum 4. Ven.

Camillus Baldus in Physionomiam Aristot. 1. Bonon.

Bryerinus de re cibaria 8.

Theodorus Baronius de lesa operatione menjendi.

Berti del bever fresco 40. Ven.

Ludovici Bortuldi apparatus medicamentorum 4. Tom. 2. Venet.

Felicianus Betera de variolis malign.

Mariani sancti Barolitani de ardore urina. Venet. 8. V. pag. 47.

Baccius

Baccius de venenis. Romæ.

Hieronymus Bonipertus in Gal. de crisibus cum 300. erroribus.

Ejus empiricam ineditam M. S. Joh. Rhodius possidet.

Casalpini speculum Hippocraticum in 8.

Joh. Cajus de meth. med. & sudore Britannico. Londini.

Christophorus à Costa de simplicibus exoticis. Ven. 4.

Joh. Costæus de potu in morbis, de igneis medic. præsiidiis. omnia bona.

Tarquinius Carpinettus de arthritide. Spigelius sibi scripserat, & post obitum gener edidit ejus nomine.

Cardanus de erroribus medic.

Bernardinus Cajus de usu vesicantium. Venet.

Gerardus Columba de febrib. pestilent. Hispanus est.

Paulus Crassus de morte repentina. Ven.

Casalpini metallica. 4. Romæ.

Rodericus Castrensis de complexu morborum.

Colasius de renum adfectibus. Romæ 4.

Fabii Columnæ Neapol. omnia bona.

Chirurgia Guidonis.

Bruni.

Theodorici.

} fol. Venet.

Curtius de prandio & cœnâ.

Costæus de morbis animæ. 4.

Steph. Rod. Cast. quæ ex quibus. 12.

Capivaccii Opera f. Francof. Penes Rhodium ipsius lectiones veræ.

Costæus de stirpibus.

humano conceptu. 4.

Galeazzius Cairus de purgationibus verhalibus & autumnal. it. de cichorio. f. 3. vol.

Andreas Camutius de palp. cord.

Baptista Codronch. de vitiis vocis, & modo testificandi. f. Franc. 8.

Chirurgia diversor. edita Tigur. per Gesner. f. 1555.

Æmilius Campolongus de morbis cutaneis MS. ap. Joh. Rhod.

Camponella medicina. 4. Paris. empirica.

Franciscus Campus de morbo arietis. (catarrho) Ven. 8.

Petrus Castellus de abusu dier. critic. enumerat Messana 8.

ejusd. hortus Messanensis.

Ef ff

de

Baccius de alicorno.

de thermis. f. Rom.

Dioscorides Saraceni. f. Francof.

Marcelli Donati historia admir. Patav. 4. Horstius edidit. Sylvaticæ familiar.

Petrus Salius Diversus de febr. pestilent. & adfectib. particular. ab aliis non observatis. 8. Francof.

Idem in Hippocr. de morbis familiar. f. Francof.

Delechampi historia plantar. Lugd.

Marcellus Donatus de variolis & mechoacana Mant. Venet.

Anton. Donat de simplici, pietre è pesci marini. Venet. Pharmacopola Venetus autor est.

Pet. Sal. Diversin. 4. Fen. Avicennæ comment.

Thom. Erastus de occulta pharmacorum potentia. Heidelbergæ vixit Italus & præceptor Bauhini ac Vorstii.

Erotiani onomasticum cum Barthol. Eustac. annotationibus. 4. Ven.

Erastus de putredine.

Estius de remedium formulis. creditur opus cepisse Salom. Albertus Prof. Witteb. & ita est.

Foresti observat. med. Leid. Raph. 8. Francofurt. erroribus in dosi scatet.

Joan. Fienus de flatibus. 8.

Thom. Fienus de viribus imaginationis. 8. Lovan. Antvverp. doctus: ex eo Sennertus in tract. de cons. & diss.

Thomas Fienus de format. fœtus.

de cauteriis. 8. Lovan.

Frambosier de regim. sanitat. 8. Gall.

Fogeroleus de Senum affectibus.

Fontani praxis. in 4.

Auctores de febribus. fol. Venet. falso Fernelius creditur collegisse.

Fonseca de febribus.

in prognost. Hippocr.

Fallopia Opera. Venet. apud Valgrif. cum signo catti opt. editio.

Augerii Ferrerii meth. & castigat. practica. 8. Lugd.

Fracastorii Opera Ven. 4. post. ed.

R. Fonseca in legem Hipp.

de calculo Romæ. rarus.

de tuenda valetudine.

consilia. f. Ven. 2. Tom.

Adverte, nunquam usum remediis chemicis, quæ ibi
adhibet ad pompam; ad colicam remedium a veteri-
nariis.

Casus de febribus.

de excrementis hominis.

Historia naturale d' Imperato Ferrante Neap. Studium ejus egregium.

Lælii à Fonte consilia. fol. Ven. F. F. C. M. coronatos lucratus Ven.

Job. Fischerus in Hippoc. aphor. Tubing. Sylvaticus laudat.

Fernelii Therapia Lugd.

Secreti del Fallopio. spurii sunt.

Dionysii Fontanoni de morbis internis. 8. Lugd.

Benedicti Faventini empirica. Ven. 8. & Argent.

Gabelchoveri empirica harmonica. 4.

Cent. 4. Observat.

Dominicus Salvano de' fontanelle. Neap. 4.

Gattinaria in 9. Rhasis.

Glandorpii Chirurgia.

Job. Baptista Gemma de bubone pestil. Hispanus.

Anton. Guaineri Opera. Lugd. f. opt.

Gabuzinus de podagrâ. 4. quem secutus Spigelius.

Guastavini Locor. medicor. select. T. 2. prim. Lugd, alter Florent.
tertius ap. hæredes superest, Prof. Pis.

Hieron. Gabuzinus de lumbricis.

Matth. de gradibus. in 9. Rhas.

idem c. praxi ejus.

Hartmanni disputat. Jatrochimica. Marp.

Job. Heurn. Oper. 2. T. 4. Leid. rarus.

optima ejus methodus ad praxin.

- Hollerius in aphorismos.* judicio Saxonix in eo genere optimus.
Praxis Paschalii cum notis Pereda. Lugd. 8. editio Veneta nullius momenti.
Galenus. ab Hofmanno recognitus apud Volcamerum est, 300. imperialibus venditur, 30. annorum labor, propria manu concinne conscriptus.
Hippocrat. Foësi. optim. sed affectatus.
Hollerii in Gal. de composit. medic. perioche. Rhodius laudat.
Edmundi Hollingi Angli æconomia medicamentorum. Ingolstad. Prof. ap. Rhod. MS. epidem. est græc.
Jachinus in 9. Rhafis.
Imperatus de fossilibus. Neap. 4.
Ingrassias de tumoribus. fol. legendus.
id. in Gal. de ossibus
Jachinus de febr. Lugd. 4.
Ingrassias de re veterinaria. In lib. de V. S.
Jul. Jасolini quæstiones anatomicæ. Norimb. 4. Severini præceptor.
Laurentius de crisi. Francof. totum descripsit Sennertus.
Langii epistolæ medicinales. opt. & omnino leg.
Nicol. Leoniceus de Plinii erroribus. 4.
Garzia Lopus variæ lect. med. omnino legendæ.
Jodoci Lommii Observat. med. Antvverp. id. de febribus continuis.
Alphonſi Lopez annot. in Gal. fol. Madrit rarus sed bonus.
Moufetti Nosomantia Hippocratica. F. fol.
Maurocenus de metallorum causis.
Cæsar Magatus de rara medicatione vulnerum Bonon.
Liberatus de liberatis, de podagra. Neap. 8. & Romæ
Benedicti Metamori disp. de feb. fol. Hispan.
Mocchinus de causis concretionis.
Joan Minadous de variol. & morbil.
arthritide.
febre malignâ.
Mercurial gymnastica. Variæ lectionis.
Massarie disp. de abusu vesicantium, & theriaca in febrib.
disput. ejusd. contra Saxoniam.

Montalti Judaei optica

*Joan Mannus de malleolor. Scarificatione. Turcam curaverat, & in
reditu à comitibus occisus.*

Mercurialis de morbis puerorum

Hieron. Montui praxis.

Prosp. Martiani Nota in Hippocr. doctus.

Georg. Morellus de aquis medicatis agri Patavini Patav. 8.

Mercatus de indicationibus & recto praesidiorum usu, 8.

Medici Latini antiqui ap. Aldum. fol. Tom. 4.

Georg. Morell. de scarif. malleol. 8.

Nicelai Florentini Opera medica f. T. 4.

Joan. Nardi de igne subterraneo.

disquisitio de rore.

apologeticum in Fortunii Liceti, Mulcrum. in. 4.

in Lucretium. 4.

Oribasius in aphor. Hipp. 8. rarus.

Joachimi Olhaviï disp. de usu renum Dantisc. in. 8.

Garzias ab Horto de aromatibus.

Pavius de ossibus. Leid.

• epitome Vesalii.

anatomicus succenturiatus.

Fabius Pacius in meth. med. Gal. fol. Tom. 2. optimus & eruditus.

Pauli Pernumia Therapeutica, edente Horstio. opt.

Pequeti Chirurgia. f. Flor. Professori utilis.

Pulverini praxis. Neap. fol.

Pona de monte Baldo, adjunct. Clusio in fine.

Matth. Pini index Hippocr. f. Ven.

Pisanellus de esculentis & potulentis.

Simon Portius de coloribus. Neap. 8.

idem de dolore 8. rarus

David de pomis, de senum affectibus.

Bartolomeus Paschettus de catarrho. 4.

Picotrus de catarrho.

Francisco Pona de veneni è loro cura. Ven.

Nicol. Rosarii contradict.

Renodæi dispensatorium c. Quercetani pharmacop. Francof.

Poussetti hysterotomia Bas. edente Bauhino. 8. opt.

Rondeletii Praxis ex emendat. Pauli Crokeri Poloni. Genevæ in 8.

Rulandus de lue Hungaricâ. Lipsiæ.

Lexicon chemicum : Rhodius auxit.

NB. Rulandi dispensatorium periculosum in dosibus, ergo cavendum.

Eustachius Rudius de pulsibus. 4.

rarus, nec est inter opera ejus.

Ejus opera reliqua omnia f. Venet. post. edit. ap. Franciscinos.

Hieronymi Rubei disputationes de melonibus. Ven. 4.

Balduini Ronssæi epistola med. in Belgio.

Octavius Roboretus de febre petechiali.

Sennærtus ad litteram descripsit in suo opere

Rhasis. Venet. Experimentator.

Rei Veterinariæ scriptores interpr. Ruellio. Paris fol.

Severini Idea medica, exscripta ex Isaaco Hollando magn. part.

Simon Simonis de putredine. acutus, Lucensis origine Poloniæ Prof.

Spachii nomenclatura medica.

Schonemanni Hydromantia 4.

Denarius Hermeticus 8.

De curandis sclopetorum vulneribus.

Alphonsus Ferrius

Franciscus Rota, &

Leonard. Botallus.

} Antvverpiæ.

Schyronii meth. med. 12. Genev. mendose impressus.

Savanarola Practica. opt. remediis fol.

de Febribus. ante 300. annos vixit.

Saxon. Tractatus de Plica vivus solum edidit, reliqua imperfecta summam à Rhodio manum expectant.

Sylvii Opera omnia. Paris. curâ Moræi.

Septal. in probl. Aristot.

- Polydorus Seraphinus de erroribus medicor.* 8. Venet. optimus.
Simeon Sethus de facult. medica. Basil. Græc. ex Vaticano misit
Rhodius Anthon. van der Linden.
Sylvius Lanceanus de Mola. Rom. 8.
Salvii Selani comment. in art. parv. Gal. Neapol. 8.
Suisset de Calculo medicamentofo. fol. rarus & subtilis.
Joan Sturmius de Rosa Hierichon. 8. Lovan. fabulis plenus.
Septalius de peste, 4. Mediolan.
Salviani varia Lect. medica. Rom. 8.
Salvus Sturribus in Aphor. 8. rarus.
Job. Bapt. Sylvaticus de annis Climactericis. Papiæ.
Laurentii Scholtzii aphor. medici, familiariter habendi.
Petrus Servius de odoribus Rom.
de unguento armario. ibid.
Antonii Santorelli Postpraxis.
Job. Bapt. Sitoni miscell. p. 1. & 2.
Talentonii miscellæ medica, & Philolog. Ff.
Chirurgia Curtorum Taliacotii
Trincavelli Enchiridium medicum Andr. Christoph. Ripens. Basil.
Dominicus Terillus de causis repentinæ mortis. 4. Venet.
Tronconius de morbis puerorum. Bonon.
Domin. Terillus de generatione & partu hominis. 8.
Mercurii Trismegist. Opera fol. Cracov.
Simon è Tovar de compositorum medicam. examine, 4. Antvverp.
Tulpii Observationes
Vesalii chirurgia magna. Ven. 8.
Vallesii Philosophia sacra, prohibita, methodo excellit.
Vesalii Anatomia Bas. 1555.
Vidi Vidi Opera fol. 4. Tom. apud Junt. instar locorum Com-
 munium pro consultore & Lectore. Florent. Pisis docuit &
 Paris. evocatus ab Henrico III. Ex eo Steckinus methodum
 suam, ex Steckino Sennertus. Rudius magis ad praxin, præci-
 pue in chirurgia.
Constantii Varol. de nervis opticis liber singularis.
Josephus Valdanus de Salvatella sect, in aff. Lienis.

Idem de purgantibus initio morbi tingente materia.

Valverde Anatomia. primum est edita in Hispan.

Vesalii examen Fallopii. 4.

Paraphrasis in 9. Rhas. Basil. & Patav.

Joseph. Valdanius de Theriac. usu. in Febr. dedit occasionem Saxoniae & Massariae.

Veslingii oratio.

Wittichii Curationes & consilia German. 4.

Willich. de urinis.

Zupingeri Tabulae in Hippocrat. fol. Bas. instar Commentar.

Examen principiorum Chymicorum optimus.

Pauli Zachiae quaestiones Medico-Legales. Romæ.

de malo Hypochondriaco. ipse eo laboravit.

Zuccari methodus occurrendi morbis venenatis : 4.

ANTIDOTARIA.

Azonymus. 12.

Augustanum F. 8.

Florentinum. 4.

Bononiense. 4.

Nicolai Alexandr. 8.

Mantuanum. 8.

Bauderonii meth. misc. med.

Bergomense, 4.

Cordi. 12

Cortesi Messunense. F.

Jacobi Dondi. F.

Dorncreillii. 12.

Coloniense. 8.

Anutii. Foësi. 8.

Romanum. F.

Marinelli. 4.

Nicolai Præpos.

Placotomi. 12.

Martini Rulandi.

Melichii cum notis Stechini. 4.

Weckeri.

Lud. Bordaldi apparatus medic. 4.

Tom. 2.

Consilia.

Vicent. Alfar. quaesit. med. F.

Consultat. ad Mercat. 4.

de Peste. 4.

Anton. Alvarez. epist. & consil. 4.

Alexandri Alexii cons. med. 4.

Bertini Consult. 8.

Baverii. f.

Chisletii obs. med. 8.

Cerumsoni. F.

Claudini. F.

J. B. Circamundi de Mercurio 4.

Diversorum de Arthritide, 8.

Petri

*Petri Poterii**Quercetani.**Renodei.**Laelii à Fonte. F.**Roderici Forſea. F.**Hieronym. Gvargvanti. 4.**Matth. de Gradibus.**Hieron. Mercurialis F.**Job. Bapt. Montani. F.**Benedicti Faventini 4.**Francisci Friſimelica de peſte.**Epiphan. Ferdinand. F.**Viſt. Trincavell.**Zoroaſtr. Tincelli. 4. T. I.**Caspar. Torelli. F.**Venuſti. 4.**Diverſorum Opera. Witteb.*

AUTHORES

Qui

in certis materiis excellunt.

P*etrus Salius diverſus. de Febr. peſtilent. & morbis ab aliis ne-
glectis.**Julius Palmarius de morbis contagioſis.**Carolus Piſa de morbis à colluvie ſeroſâ.**Mercurialis de morbis puerorum. 4.**oculorum. 4.**Saxonia de palpitazione.**Alvi fluxu.**Lue Venereâ**Melancholiâ.**Febribus.**Plica polonicâ.**Minadous de Febr. malignis.**de Veſicantibus.**Variolis & morbillis.**Marcellus Donatus de Variol. & Morbill. 8. Mant:**Betera de Variol. & Morbil.**Franciſcus Nola de Anginâ Epidemicâ.*

G g g g

The-

Theodorus Baronijs de lasâ operatione mejendi. 4. Pap.

Bartholæi methodus ad dyspnœam.

Gaborius de Podagrâ

Lumbricis.

Spigelius de Lumbrico lato

Hemitritæo,

Pius Æneas Capilius de Febribus.

Job. Varandæus de morbis ventriculi

Elephantiasi.

Morbis Renum & Vesicæ.

Leonbardus Botallus de Catarrho.

Andreas Laurentius de Strumis.

Valentinus Junior de ejectione sanguinolenta per secessum NB.

Ant. Galli Fasciculus de peste.

Andr. Lucina de curatione caruncule in meatu urinario.

Reusnerus de Scorbuto.

Alsarius à Cruce de Epilepsiâ.

Baldus Baldus de locis affectis in Pleuritide.

A Castro de morbis mulierum.

Job. Bapt. Codronchius de prolapsa cartilagine mucronatâ.

Septalius de eadem prolapsa.

ABra de Remedijs Calculi.

Fonseca de iisdem remedijs.

Zachias de affect. Hypochond.

Donce à S. Cruce Hisp. de melanch.

Costeus de lacte & sero.

igneis præidijs.

David de pomis. de affectibus senum.

Anselmi Gerecomice.

Matthia Geigeri kelegrathia. *

Rudius de morbis oculis.

Minadous de Turpitudinibus.

*Santes de Ardoynis de venenis, cum Ferdinandi Ponzetti ejusdem generis
commentario*

Camillus Baldus de unguum inspectione in morbis.

*Consil. Zecchii de Febr. malignâ cum peripneumonia insertum libb. de urin.
Bonon. 4.*

Tancredus de Fame & siti. Neap.

Laurentius Joubertus de paralyfi, quartanâ, peste & suis paradoxis.

*Donati Anton. ab Altomari de usu vinaceorum & de mannâ cum aliis ope-
ribus.*

Job. Riolani de Hippo, seu Tremore oculorum, in suo systemate.

*J. B. Codronchius de vitiis vocis,
morbis veneficis.*

Antonii Santorelli postpraxis 4. Neapol.

Fab. Columnæ de purpura. 4. Neap.

Beverovitijs de Calculo.

*Claudini respons. de Cauterio in sutura coronali
de cauteriis.*

*Campi Lucensis de morbo Arietis
de morbo gallico.*

Ingrasias de Tumoribus.

Job. Saporta de tumoribus.

Mercurialis de fluxu materie pituitosa seminis amula.

Ronseus de partu Casareo.

Manelphus de Febr.

Guibelmannus de morbis oculorum Gall. 8.

Zapata Secreti de Chirurgiâ & medicinâ.

Marianus S. Barolitanus de calculo vesicæ & ejus sectione.

Hollerii institutiones Chirurgicæ.

J. Jacob Mannus de Cucurbitulis.

Pietro Paulo Magni del sanguinare, con figure 4. Venet.

Fabrit, Hildanus de Gangrænâ & Sphacelo, de Ichorib.

Joseph. ab Aromatar. de rabie contagiosa.

Cesar Baronius de Pleuropneumonia.

Obstetrix Gallicè conscripta. Lugd. 8.

Pona annulus Physicus. Veror.

de Febr. in F. Madrit.

Ponteus Gartias in Avicenn.

de Febr. Lugd.

Augerius Fonarius de Pudendagra.

Balduinus Ronsæus de Scorbuto.

Aëtius Cletius de morbo strangulatorio.

Septalius de peste. 4. Madrit.

Tosius de Carbunculo 4.

Petr. Castellus de abusu Phlebotomia.

Angelinus de Verme admirando.

Æmilius Campilongus de Variolis & Arthritide.

Minadous de abusu non mittendi sanguinem in Febr. malignis. NB.

*Alphonsus Ferrarius de ligno sancto & ratione curandi plerosque morbos
ejus decocto.*

Capivaccius de oculorum affectibus.

omnium exactissimus in hac materia.


Heurnius de Apoplexiâ.

Massaria Consil. de sputo sanguinis.

præstantissimum.

F I N I S.

EPI-



EPICRISIS.



Abetis jam omnia, *ὡς ἰατρῶν παῖδες* charis-
mi, quibus studia vestra sublevare atque di-
rigere potestis, præstantium medicorum ju-
dicia. Restat, ut datam vobis in limine nu-
per exsolvam fidem, & quid ad ista forte
monenda habeam vobiscum communicem:

Vobiscum inquam, ad vos enim hæc maxime attinent, non
exercitatos in arte viros. Dicam igitur de omnibus ac sin-
gulis, & dicam vere: Pulchra sunt quæ afferunt, sublimia, uti-
lia, necessaria; & qualia ni esse exploratum habuisssem, one-
rare illis memoriam vestram neutiquam sustinuissem. Nomi-
natim Bartholinus brevis est & succinctus; Petrus Castellus
doctus, confidens, cautus, judicio & castigationibus acer;
Lindanus acutus, ingeniosus, & accuratus; Rhodius apertus,
eruditus & limati judicii: non est igitur ut quenquam eorum
spernatis: Quid vero de nonnullis in iis obviis porro sen-
tiam, nunc accipite:

Primam nobis differendi ansam porriget BARTHOLINUS
ubi de Linguae Arabicæ loquitur necessitate. Utiq; cum viro do-
ctissimo fatendum est, ejus notitia parum hodie vel nihil me-
dicum juvari: non tamen ob eam duntaxat causam quam af-
fert, sed potissimum ideo, quia Arabum libri typis propriis ex-
scripti non extant nisi in Bibliothecis quibusdam, iisq; admo-

dum paucis. Memini Rolfincium Avicennæ libros ex Italia petisse cum sua ederet. Quod si extarent, non dubitandum, multum commodi inde haberi posse: Nam Græcorum bene multa periire, alia corrupta sunt; possent ergo hæc ex Arabibus restitui, sed in Africa atque Asia forent ista conquirenda. Taceo interpretationibus eorum quos habemus nos uti scabris admodum & mirum in modum corruptis: ut hic quoque dulcius ex ipso fonte biberentur aquæ. Et vero si ad Græcos recte intelligendos opus esse existimamus Græcanicæ Linguae cognitione, cur non eadem Arabum fuerit ratio? cum multo & nitidius & accuratius Græcorum versiones sint adornatæ? Ad auctores quos

pag. 10. commendat jam accedo: *Optices scriptoribus* addi possent *Keplerus* & *Plempius* & quæ nuper disseruit *Guilielmus*

pag. 13. *Brigge*, in Bibliotheca Anatomica reperiunda. *De Avi-*

pag. 11. *bus* doctissimum nuper librum nobis dedit idem qui *Historiam plantarum Job. Rajus*: Illam adjungere operæ pretium erit. *De Astrologia* cum eum cum Castello communem errorem habeat, ad utrumque referri velim quæ nunc paucis addo: Tenendum est scilicet, ex quo in Europa reflorescere cepit ars medendi, omni ævo fuisse haut paucos qui ad eam pertinere Astrorum influentias, existimaverint, longe tamen plures eas sprevisse, quod incerta hic viderentur omnia: Et quidem, si rationem consulimus, nihil, si experientiam, pauca invenimus quæ patrocinari possent ambiguae fortunæ disciplinæ; ut pari passu cum Chirromantia ambulet: in utraque sane invenias qui mira à se prædicta prædicent, sed plerumque tamen fallere, doctiores uno ore existimant, nec qui id negare sit ausus, unquam repertus est. Igitur si quando respondeat eventus, ad casum

referen-

referendum. Possent itaq; si non esset ipsa ars longa hæc quoque addisci, nunc valeant: Tanto magis, quod agnoscunt aperte vanitatem Mathematicorum Coryphæi. Est autem pessimum signum rei que desperatæ, à propriis Doctoribus relinquere: & si cuique in arte sua credendum est, proscribenda jam erit ex scientiarum cœtu ista. Multo sanius Lindani judicium est. Hunc vos audite & sequimini.

Denique *de Chemicis, Botanicis, Anatomicis & Chirurgicis studiis* quæ prope finem addidit auctor doctissimus, dudum mutata esse, quilibet ex se judicat, non igitur opus est me monitore. Neque etiam quid hodie eorum, quibus in locis possit feliciter addisci, submonebo: modestia prohibeor, & in Academias ac studia reverentia. Et vero, quæ sine offensione id fieri possit?

In Aureo CASTELLI Scripto, Augiæ stabulum repurgandum nobis fuit. In Græcis sane tot vitia typographica quot non dicam lineæ, sed verba, imo forte plura, ut omnia hac vice tollere vix licuerit. Nec Latina mendis caruere. Cæterum præter ea, quæ de Astrologia habet, nihil hic occurrit, quod possit esse offendiculo: Nam & de Linguis & Philosophia & Chemia & reliquis rectissimè sentit: Ego igitur ad

LINDANUM propero: Sed in transitu Plempius moratur, & iniquum de Sennerto judicium nobis objicit; non parcens reliquis, sed universam Nationem Germanicam Compilatorum & Rhapsodon ignominiosis onerans titulis: Debuisset illud pastoris apud Virgilium in animo habere: (ignoscat: jam enim & hoc exscribo:)

Parcius ista viris!

Sed forte non legerat nisi paucos Germanorum; si secus est,

ex

ex superbia inani, & tumido ejus animo fluxisse hæc existimanda sunt. Legat vel hæc aliquis Conringiana æquus rerum æstimator: verum indignus talis est quem confutes, qui non veritus universæ nationi insultare, stultum enim: Habet quodlibet Regnum quos carpas, quos ipsi exprobres, habet etiam quos laudes. De Sennerto videmus: Eruditionem in eo desiderat & ingenium. Sed quid est apud te eruditio, mi Vopisce? an nescis esse variam, & medicam quoque? Unde igitur potuisset corradere omnia, si non istam habuisset? Sed ingenium ipsi deest: Non omnis fert omnia tellus; Multi ingeniose dicendo, alii judicio præstant. Tibi illud est datum, hoc Sennerto nemo denegabit, tanto magis præferendum, quod non quidem ad cavillandum, sed ad docendum est longe aptissimum. Ipse Lindanus, quem laudas, quem sequendum esse dicis, multo modestius, multo rectius de optimo viro judicat, teque arguit falsitatis. Relinquo igitur infortunatam hanc Fortunati censuram, & me ad illum confero.

Omnia hic videas solida, erudita, ut liberrimi ingenii Virum agnoscas plane, sed qui libertati dicendi eruditionem & judicium adjungit, & dum antiquitatis vitia profert, non obliviscitur venerationis quam sibi jure postulat. Pauca igitur erunt quæ non approbem, neque alia quam
pag. 80. quæ temporum felicitas mutavit. Ut quod Bauhinum ad publicas sectiones commendat, quum ille potius quod alii habent, collegerit, adeoque docentem potius instruat quam discipulum. Consultius erit, Veslingium & Marchettum in theatrum inferre, sibi que comitem adsciscere: properanter enim ibi omnia & cursim exsequimur, cum non ferat moram cadaver, mox putredine naribus animisque tædio
 infen-

infensum. Quæ de humoribus commonefacit anatomi- *Ibidem.*
cos, in iis frustra esse videtur, si capio ipsius mentem. Vel
enim de naturalibus intelligit, quod non arbitror, satis e-
nim hic omnia in aprico sunt; vel de præternaturalibus:
rem dicit utilissimam, sed inutiliter: neque enim concedi-
tur medico, naturali morte extinctos dissecare, & si integrum
esset, frustra plerumque vereor ut inquirat, cum partim dis-
pareant, partim mutantur post mortem humores noxii, par-
tim etiam difficillime inveniri possint. Consule tamen, si
placet, Bonetti observationes ex cadaveribus, ni forte & hic
sordet post Plempii judicium. Nam & is compiler est, licet
non sit Germanus.

Sed opportune hic sese denuo offert: Quid dicemus de
ejus Fundamentis Medicinæ, valde a Lindano laudatis, & *pag. 113.*
præpositis omnibus. An par pari referemus? Neutiquam:
Est ille liber perdoctus, etsi judicium hic desidero. Ni-
mius certe in Philosophicis, (quod non videtur latuisse
Lindanum, etsi dissimulet, & molliter tractet hoc ulcus,) *pag. 115.*
eaque trahit ad artem quæ ad eam non pertinent; contra
in therapeuticis est nimis brevis & jejuna fere. Quo in
genere Sennertus se gesit longe prudentius, etsi in Patho-
logicis rursus emineat Plempius, qui recte Symptomatum
singularia prætermisit. Nos hic *Mœbium* commendamus,
etsi in his ac Diætetis, uti & doctrina de Urinis ac pulsi-
bus, æque ac Sennertus, mole sua laboret, & oneret discen-
tes. Huic jungendus *Franciscus Zipæus*, qui ante qua-
driennium in lucem edidit Fundamenta Medicinæ; Plem-
pius autem per otium deinde provectioribus legendus. Ni-
hilest quod addam, si non illud, de præfinito studiis tem-
pore: quod ne non sufficiat, valde metuo.

Hh h h

ennium

ennium est, collatum ad ea quæ præscripsit pernoscenda atque agenda? Certe parum videtur: imo dicam aperte, Non sufficit, ne præcellentibus quidem ingeniis. Prudentius multo

JOH. RHODIUS, qui nunc solus restat, sexennium & ultra studiis destinavit. Verum de hoc scripto plura dicenda veniunt. Primum nempe illud: Non omnino emendata atque exascitata hæc prodire, sed talia à nobis reddi, qualia accepimus. Ad rem tamen attentis facile quæ sunt obscura, poterunt enodari. Est autem hoc præcipiendi genus, ut a reliquis diversum, ita per sane utile, quod per annua tempora distribuat studia. Auctoribus tamen quos commendat, non strictim esse inhærendum, patet, possuntque facili opera alii his substitui, si displicent, quanquam cur magnopere alii expetendi sint, non equidem video; nisi in chemicis forte & Formularum scribendarum ratione: sed ut est nunc seculum, sordent non raro non quæ pejora, sed quæ vetustiora. Illud tamen non probo, quod per omnem Europam vagari post biennium jubeat tyronem suum. Nusquam est qui ubique est: Rectius longe sibi consulat, qui uni inhærebit loco, dum solidis artis fundamentis animum titubantem obfirmaverit: tum vero demum peregrinis inhiet, ubi exhaustis domesticis fontibus deficiunt aquæ. Etiam Locorum communium ordo ad vitam solitariam potius quam practicam videtur accommodus. Melius Lindanus; Quanquam nec iste satisfaciat. Unum Volumen Anatomicis & Physiologicis dandum, alterum Pathologicis una cum praxi, cum hæc illis unice innitatur: Tertium materiæ medicæ rebusque naturalibus. In quarto remedia potentur non ex simplicibus,

bus, quæ ad priora melius referuntur, sed composita, usque maxime probata. His atque illis interserviet Schoenbornii Manuale & Finkii Enchiridion, aut aliud simile, vel proprio Marte secundum morborum seriem fabricetur novum opus: Reliqua, in quantum referenda, eruditionis vel variæ vel Medicæ titulo insignitum.

Quod sequitur operæ in recensione auctorum posuit auctor, de quibus nihil attinet denuo differere: Hic igitur jam vela contraho, & me recipio in partum, sed postquam id unum, quod in principio monui, iterato inculcavero: omnes hos tamen egregios viros & in arte pariter consummatissimos tam mirabili consensu in plerisque omnibus conspirare, ut si jure meritoque in trium vel quatuor testium ore iudex forensis acquiescat, non possitis, o Nostri de horum omnium veritate nec Vos amplius dubitare: Habetis enim hic quinque auctores, summos, optimæ fidei, qui vobis recte consulere & voluerunt & potuerunt. Hæc igitur perpendite, & si vera invenitis, sequimini.

Ego nunc me subtraho, & vobismetipsis vos relinquo: Nihil mihi gratius, nihil auditu jucundius futurum est, quam si intellexero, commoda vestra, ac studia hoc improbo conatu meo me plurimum promovisse.

Μόνα τῶ Θεῷ δοξαί!

The first of these is the fact that the
 system is not a simple one. It is a
 complex one, and it is not a simple
 one. It is a complex one, and it is not
 a simple one. It is a complex one, and
 it is not a simple one. It is a complex
 one, and it is not a simple one. It is a
 complex one, and it is not a simple one.

The first of these is the fact that the
 system is not a simple one, but a
 complex one, involving many factors
 which are not easily understood or
 explained. The second is the fact
 that the system is not a static one,
 but a dynamic one, which is constantly
 changing and evolving. The third is
 the fact that the system is not a
 uniform one, but a varied one, with
 many different parts and components.
 The fourth is the fact that the system
 is not a perfect one, but an imperfect
 one, with many flaws and defects.
 The fifth is the fact that the system
 is not a simple one, but a complex
 one, involving many factors which are
 not easily understood or explained.

[Faint, illegible handwritten text]



